



241  
486-45.



3 0811 5798 8

文理

# 新舊 約聖書

上海大英聖書公會印發



館藏書

British & Foreign Bible Society, Shanghai, 1922 (Ed. 1854)  
Wenli Bible (Delegates Version)

A353642



聖 舊  
書 約

舊約聖書目錄

創世記	計五十五章	列王紀畧下	計二十五章
出埃及記	計四十章	歷代志畧上	計二十九章
利未記	計二十七章	歷代志畧下	計二十六章
民數紀畧	計三十六章	以士喇紀	計十章
申命記	計三十四章	尼希米紀	計十三章
約書亞記	計二十四章	以士帖紀	計十章
士師記	計二十一章	約百記	計四十二章
路得記	計四章	詩篇	計百五十篇
撒母耳記上	計三十一章	箴言	計三十一章
撒母耳記下	計二十四章	傳道	計十二章
列王紀畧上	計二十二章	雅歌	計八章

以賽亞書	計六十六章	約拿書	計四章
耶利米書	計五十二章	米迦書	計七章
耶利米哀歌	計五章	拿翁書	計三章
以西結書	計四十八章	哈巴谷書	計三章
但以理書	計十二章	西番雅書	計三章
何西書	計十四章	哈基書	計二章
約耳書	計三章	撒加利亞書	計十四章
亞麼士書	計九章	馬拉基書	計四章
阿巴底書	計一章		

創世記

太初之時，上帝創造天地。地乃虛曠，淵際晦冥，上帝之神，煦育乎水面。上帝曰：宜有光，即有光。上帝視光爲善，遂判光暗。謂光爲晝，謂暗爲夜。有夕有朝，是乃首日。○上帝曰：宜有穹蒼，使上下之水相隔，遂作穹蒼，而上下之水，截然中斷，有如此也。上帝謂穹蒼爲天，有夕有朝，是乃二日。○上帝曰：天下諸水宜匯一區，使陸地顯露。有如此也。謂陸地爲壤，謂水匯爲海。上帝視之爲善。上帝曰：地宜生草，蔬結實，樹生菓，稊懷核，各從其類。有如此也。地遂生草，蔬結實，樹生菓，稊懷核，各從其類。上帝視之爲善。有夕有朝，是乃三日。○上帝曰：穹蒼宜輝光衆著，以分晝夜，以定四時。以記年日，光麗於天，照臨於地，有如此也。上帝造二耿光，大以理晝，小以理夜，亦造星辰，置之穹蒼，照臨於地，以理晝夜，以分明晦。上帝視之爲善。有夕有朝，是乃四日。○上帝曰：水必滋生生物，鱗蟲畢具，鳥飛於地，戾於穹蒼，遂造巨魚，暨水中所滋生之物，鱗蟲畢具，羽族各從其類。上帝視之爲善。祝之曰：生育衆多，充牣於海，禽鳥繁衍於地。有夕有朝，是乃五日。○上帝曰：地宜生物，六畜昆蟲，走獸各從其類，有如此也。遂造獸與畜及蟲，各從其類，視之爲善。○上帝曰：宜造人，其像象我儕，以治海魚，飛鳥，六畜，昆蟲，亦以治理乎地。遂造人，維肖乎己，象上帝像，造男亦造女，且祝之曰：生育衆多，昌熾於地，而治理之，以統轄海魚，飛鳥，及地昆蟲。○上帝曰：予汝所食者，地結實之菜蔬，懷核之樹菓，亦以草萊予走獸，飛鳥，昆蟲，生物食之，有如此也。上帝視所造者盡善，有

夕有朝是乃六日。

天地萬物既成，七日上帝工竣，乃憩息。是日上帝畢其事而安息，故以七日爲聖日，而錫  
嘏焉。○耶和華上帝既造天地，其畧如左。始造之日，野不生草，不植蔬，耶和華上帝未降霖雨，其  
時耕作尙無人也。於是霧由地出，以潤土壤。耶和華上帝搏土爲人，噓氣入鼻，而成血氣之人。有  
囿於埃田東，乃耶和華上帝所樹者，以所造之人置於其間。耶和華上帝使地生木，食可適口，觀  
可娛目。當囿之中，有生命之樹，亦有別善惡之樹。埃田有河流入於囿，可資灌溉，中分四支。一曰  
比遜，潏洄於哈腓拉，其地產金，其金最精，亦產珍珠、碧玉。二曰其訓，環流於古實。三曰希底結，流  
於亞述東。四曰百辣，耶和華上帝挈其人置埃田囿，使之栽植，使之防守，命其人曰：囿之菓實任  
意可食，惟別善惡之樹不可食，食之日必死。○耶和華上帝曰：不可使夫人獨處，必造一相助爲  
理者。耶和華上帝搏土爲走獸，飛鳥，率之至亞當前，視其稱以何名，以亞當所稱之百物，而其名  
乃定。亞當於六畜、飛鳥、走獸，各命以名，惟亞當無相助爲理者。耶和華上帝乃令亞當酣睡，取其  
一脇骨，彌縫其肉，以所取之脇骨成女，率至亞當前。亞當曰：是爲我百骸中之一骨，全體中之一  
肉，彼由男出，必稱爲女。若是人可離父母，膠漆其妻，成爲一體。亞當與妻並裸，亦無愧焉。

耶和華上帝所造生物中，莫狡於蛇，蛇謂婦曰：囿有百樹，上帝豈語汝云：勿食乎？婦曰：囿  
樹結實，我俱可食，惟囿之中，有一樹焉，上帝命毋食，毋捫，恐陷死亡。蛇曰：汝未必死。上帝知食之  
日，爾目必明，能辨善惡，彷彿上帝。婦視其樹，食可適口，觀可娛目，能益智慧，使人生慕，故取菓

食之亦以奉夫夫亦食之二人自明自知裸體遂編蕉葉爲裳日景涼風至耶和華上帝遨遊於園亞當與婦聞其聲匿身樹間以避之耶和華上帝召亞當云汝何在曰我聞爾聲於園以我裸故畏而自匿曰孰言爾裸乎我命爾勿食之樹菓爾乃食乎亞當曰爾以婦賜我與我爲偶婦予我菓而我食之耶和華上帝謂婦曰爾何爲耶和華曰蛇誘我食之耶和華上帝謂蛇曰爾旣爲此較之六畜百獸必更見詛爾必腹行畢生食塵我以生獸之心置爾與婦之衷爰及苗裔彼將傷爾首爾將傷其踵謂婦曰我必使爾懷妊劬勞產育維艱爾必繫戀於夫夫爲爾綱謂亞當曰旣聽婦言食我所禁之樹故土緣爾見詛爾畢生鬱伊食其所產土將叢生荆棘汝可食者惟田之蔬必汗流浹面庶可餬口速歸於所出之土而後已汝身乃土死則返其本焉亞當名婦曰夏娃以其爲羣生之母也耶和華上帝爲亞當及婦作皮衣衣之○耶和華上帝曰人能別善惡彷彿我儕恐其舉手亦折生命樹食之而永生故遣其人出埃田園以栽植所自出之土遂逐之出於埃田園東置噁路咄與焰劍指揮莫定以防範生命樹之途焉

節四章亞當與婦夏娃同室懷妊生子該隱該隱譯也云耶和華佑我我卽得子復生次子亞伯亞伯牧羊該隱耕田他日該隱攜土所產以祭耶和華亞伯奉耶和華以首生之羊與脂膏耶和華眷顧亞伯而歆其祭不顧該隱不歆其祭該隱盛怒變色耶和華曰爾怒伊何變色曷故苟爾行善豈不興起乎苟行不善孽伏於門惟彼必繫戀於爾汝爲之督嗣後該隱與弟晤談及至田間攻而殺之○耶和華問該隱曰爾弟何在曰不知我豈防閑弟者乎曰爾果何爲爾弟之血有聲自

地願我。汝既殺弟，地口遂張，以受其血，故爾見詛，必離斯土。厥後爾雖耕田，地不效力，爾將流離無定。該隱謂耶和華曰：我懼重刑，實所不堪。爾今逐我，必離斯土，不復覲爾面，流離無定。恐遇我者殺我。耶和華曰：凡殺該隱者，使其七倍受罰。於是耶和華加以印誌，免遇之者擊之。○該隱遂離耶和華，往埃田東，挪得地居焉。該隱與妻同室，懷妊生子，命名以諾。又建城垣，卽以子名稱之。以諾生以臘，以臘生米戶雅利，米戶雅利生馬土撒利，馬土撒利生拉麥。拉麥娶妻二，一名亞大，一名洗拉亞。大生雅八，爲居幕牧畜者祖。又生猶八，爲鼓琴品簫者祖。洗拉生土八，該隱爲銅工鐵工之師，生女名拿馬。拉麥謂妻亞大與洗拉曰：拉麥之婦乎，必聞我聲，必聽我言，我殺人而自傷，戮童而自癩。若殺該隱，必七倍受罰，則殺拉麥，其受罰也，非七十有七倍歟。○亞當復與妻同室，生子，命名曰設。云昔該隱殺亞伯，今上帝更賜我子以代之。設亦生子，名以哪士。蓋人於是時始願耶和華名云。譯人一句或曰蓋人至是始稱爲耶和華之民云。

亞當當百有三十歲生子，克肖乎己，命名曰設。其後歷八百年，猶生子女，享壽九百三十歲而終。設百有五歲，生以哪士。其後歷八百有七年，猶生子女，享壽九百一十二歲而終。以哪士九十歲，生該南。其後歷八百十五年，猶生子女，享壽九百有七歲而終。該南七十歲，生馬勒列。其後歷八百四十年，猶生子女，享壽九百有十歲而終。馬勒列六十五歲，生雅列。其後歷八百三十年，猶生子女，享壽八百九十五歲而終。雅列百六十二歲，生以諾。其後歷八百年，猶生子女，享壽九百六十二

歲而終。以諾六十五歲，生馬土撒拉。其後所行，合乎上帝，歷三百年，猶生子女，享壽三百六十五歲。以諾所行，合乎上帝，上帝接之，不居於世。馬土撒拉一百八十七歲，生拉麥。其後歷七百八十二年，猶生子女，享壽九百六十九歲而終。拉麥一百八十二歲，生子，命名挪亞。曰：耶和華誼土，使我操作，備嘗艱苦，是子必慰藉我。厥後拉麥歷五百九十五年，猶生子女，享壽七百七十七歲而終。挪亞五百歲，生閃、含、雅弗。

**第六章** 人民繁衍於地，所育女子，其容豔麗，上帝之子見之，遂遴選焉，娶以爲室。耶和華曰：人既縱欲，我神必不恒牖其衷，然尙可延其生命，至於一百二十年。當時有偉丈夫在世，緣上帝子與世人女同室，育此英武，亙古以來，聲名夙著。○耶和華鑒觀世人，作惡貫盈，心所圖維，恒懷惡念。於是耶和華既造世人，旋有悔心，愀然憂之。耶和華曰：將以我所造之人，翦滅於地，以及牲畜、昆蟲、飛鳥，然此雖由我作，我則悔焉。惟挪亞於耶和華前，得沾恩寵。○其畧如左：挪亞於當世爲義，德無不備，所行合乎上帝。挪亞生三子：閃、含、雅弗。時人於上帝前，壞其心術，暴虐徧行。上帝乃鑒觀斯世，億兆喪心，行爲邪僻。上帝謂挪亞曰：緣世億兆，暴虐徧行，我必翦滅，使之云亡。○爾可刳木爲方舟，中有房，以瀝青塗其內外。其式長三十丈，闊五丈，高三丈，舟必作蓋。其上僅徑一尺，傍置一門，必作三層，分上中下焉。我必令洪水氾濫於地，翦滅億兆。天下凡有血氣者，必淪胥以亡。今與爾約，爾可入舟，若妻、若子、若媳，咸挈以登。將諸生物族類，牝牡各一，挈之登舟，以延其命。禽鳥、六畜、昆蟲，皆依其類，每族各以偶至，以延其命。爾必爲己及物，蓄諸食品，以供所需。



三 挪亞遵上帝命而行。

耶和華謂挪亞曰、我鑒觀斯世、惟汝爲義、爾率眷屬以登方舟。畜中潔者、取牝牡七、不潔者、取牝牡二。飛鳥亦取雌雄七、以存其種於世。越七日、吾降霖雨、必浹四旬、晝夜不絕、凡所造之生物、盡滅於地。挪亞悉循耶和華命、當洪水淹地時、挪亞適六百歲、卽與妻子及媳、俱登方舟、以避洪水。潔畜與不潔畜、禽鳥以及昆蟲、悉以類至、牝牡各一、隨挪亞而登舟、以遵上帝命。七日後、洪水氾濫於天下。適挪亞六百歲、二月十七日、巨淵出其泉、穹蒼破其隙、霖雨四旬、晝夜不息。當是日、挪亞率妻及子閃、含、雅弗、與三媳、皆登方舟。百獸、六畜、昆蟲、飛鳥、諸族、凡有血氣者、牝牡各一、遵上帝命、就挪亞登方舟。耶和華遂閉其門。○洪水氾濫及至四旬、水勢洶湧、舟浮於地。水愈橫溢、舟溯洄於水面。橫流益甚、天下高山、爲之湮沒。其勢洋溢、高於諸山、一丈有五。○昆蟲、禽獸、六畜與人、以及生物、動於地者、俱已沉沒。凡在陸地、有鼻可通呼吸者、咸就死亡。在地民族、及各生物、昆蟲、六畜、飛鳥、一切、翦滅。獨挪亞與在舟者得存。水溢於地、歷一百五十日。

上 帝眷念挪亞、以及在舟之百獸、六畜、令風吹地、水勢漸平、淵塞其泉、天彌其隙、霖雨以止。時水漸退、漸殺、歷百有五十日而始消。七月十七日、舟止於亞喇臘山。水復漸退、逮十月朔、山巔始見。○越至四旬、挪亞啟舟之牖、以放鴉出、鴉翱翔往來、待水涸焉。又放鴿出、欲試其水退與否。地尚有餘水、鴿無能駐足、仍返其舟。挪亞遂接之、使人待至七日、復放鴿出、其鴿暮歸、口銜橄欖新葉。由是挪亞知水退矣。更待七日、放鴿、鴿不復返。○適挪亞六百有一歲、正月朔、地水盡涸。

挪亞遂撤舟蓋見土壤已燥。二月二十七日地已燥。○上帝命挪亞曰：爾與若妻、若子、若媳宜出方舟，禽鳥、六畜、昆蟲、生物皆可挈之以出，使孳生產育繁衍於地。挪亞乃與妻子暨媳俱出，禽獸、昆蟲各隨其類咸出方舟。○挪亞爲耶和華築壇，取禽畜之潔者燔而祭於壇。馨聞於上，耶和華意謂人雖自孩提其心常懷惡念，嗣後我必不緣之詛地，復滅生物。地存之時，稼穡寒暑冬夏晝夜必不間絕。

上帝錫嘏挪亞及其子曰：生育衆多，昌熾於地，走獸、飛鳥、昆蟲、海魚必歸爾統轄，懾伏於爾。我昔以菜蔬餉爾，今以生物賜爾，皆可爲食。肉尚有血，卽其生命，毋食。或獸傷人，或人相殺，凡流血殞命，殘害兄弟者，我必伸其冤。余造世人，與我維肖，故流人血者，人必流其血。爾將生育衆多，昌熾於地。○上帝謂挪亞與其子曰：我與爾及爾後裔約，亦與百獸、六畜、禽鳥、生物出自方舟，生於陸地者約。自今以後，不復令洪水滅生物而涇地。上帝曰：我與爾衆及諸生物，永立其約，必有兆焉。置虹雲中，爲我與億兆立約之徵。厥後我使雲覆地，雲中虹現於時，我必念我與爾衆及諸生物所立之約，嗣後必無洪水，翦滅衆生。虹顯雲中，我觀之，則念我與衆生百族所立之永約。上帝謂挪亞曰：我與衆生百族約，以此爲徵。○挪亞三子：閃、含、雅弗出於方舟，含生迦南。挪亞三子之裔蔓延遍地，挪亞爲農，植葡萄園，飲酒既醉，於幕中衣服盡解。迦南父含窺父裸體，出告昆弟，閃與雅弗取衣負肩，却行以前，蓋父之體，首不回顧，弗見其裸。挪亞醉醒，方知仲子所爲，曰：迦南可詛，必爲僕役，以事兄弟。又云：可頌美乎耶和華，閃之上帝，惟迦南必爲僕，服役於閃。上帝使

雅弗處閃幕，恢廓其居，迦南執其役。○洪水後，挪亞尚歷三百五十年，享壽九百五十歲而終。

○**第十一章** 挪亞三子，閃、含、雅弗，洪水後生子，其裔如左。雅弗之子，珂滅、馬路、馬太、雅番、土八、米設、提

臘、珂滅之子，亞實基拿、哩法、陀伽馬。雅番生以利沙、大失，亦為基底多單二族之祖。此數人散處

洲島，以其邦國民族，方言為區別。○含生古實、弗迦南，亦為麥西一族之祖。古實之子西巴、哈腓、

拉、颯大喇馬、颯提迦、喇馬之子示巴，底但、古實生寧綠、英武蓋世，在耶和華前，為獵夫之雄，故稱

獵夫之雄者，曰猶寧綠。在耶和華前，肇基於巴別，以力亞甲及示拿地之甲尼，由示拿亞述出，建

尼尼微、哩河伯邑，與加拉。又尼尼微、迦拉間之大邑，名哩鮮麥西，一族生路丁、安男、利哈、納土八、

魯、甲路、鴿託諸族。甲路生非利士一族。○迦南生冢子西頓，亦為赫耶布土亞摩哩、革迦撒、希未、

亞基西尼亞、亞瓦底、洗馬哩、哈抹諸族之祖。由此迦南族姓蔓延。迦南之境，從西頓近其臘，至迦薩

沿及所多馬、蛾摩拉、押馬、西編、拉沙。此舍之子孫，各隨其邦國民族，方言以為區別。○雅弗兄閃

亦生子，為希百全族之祖。閃生以攔、亞述、亞法撒、路得、亞蘭。亞蘭之子烏土、戶勒，其帖馬實。亞法

撒生撒拉、撒拉生希百。希百生二子，一名法勒，法勒即分裂因當時邦國分裂，一名約單。約單生亞摩撻、

沙拉、哈薩馬、非耶喇、哈多蘭、烏薩、特拉、阿八、亞庇馬利、示巴、阿妃、哈腓拉、約八，皆約單之子。其所

居處，自米沙至東山，名洗法，是閃之裔，各隨其邦國民族，方言。上所載皆挪亞子孫之支派，各隨

其世系邦國，以為區別。洪水後蔓延於地。

○**第十二章** 昔天下億兆，言語皆同，自東以徃，至於示拿，見有平原居焉。彼此互論曰：共相陶瓦，

之以火，於是有瓦以代石，更有石油，以代泥沙。又曰：共相建邑，經營層臺，高及霄漢，名藉以揚，庶免四方散處。耶和華臨格，觀衆所築之邑，臺曰：民弗異族，言弗殊音，今已有此作爲，其後烏能底止。我儕臨格，滄其言語，使彼此不通，遂散之四方，於是罷築城之役。緣耶和華滄億兆之言語，散之四方，故名其邑曰巴別。巴別譯卽滄亂之義○閃之裔如左：洪水後二年，閃方百歲，生亞法撒。其後歷五百年，復生子女。亞法撒三十五歲，生撒拉。其後歷四百有三年，復生子女。撒拉三十歲，生希百。其後歷四百有三年，復生子女。希百三十四歲，生法勒。其後歷四百三十年，復生子女。法勒三十歲，生拉苟。其後歷二百有九年，復生子女。拉苟三十二歲，生撒鹿。其後歷二百有七年，復生子女。撒鹿三十歲，生拿鶴。其後歷二百有九年，復生子女。拿鶴二十九歲，生他拉。其後歷一百一十九年，復生子女。他拉七十歲，生亞伯蘭、拿鶴、哈蘭。○他拉之裔如左：他拉生亞伯蘭、拿鶴、哈蘭。哈蘭生羅得。死於故土，卽迦勒底之耳邑。其時父他拉尙在。亞伯蘭拿鶴咸娶室，亞伯蘭妻撒勒，拿鶴妻密迦，密迦暨以士迦，俱哈蘭之女。撒勒不妊，故無出。他拉挈其子亞伯蘭及孫羅得，卽哈蘭子並其媳，卽亞伯蘭妻撒勒，咸出迦勒底之耳邑，欲往迦南。至於哈蘭，居焉。他拉享壽二百有五歲，終於哈蘭。**第十三章** 耶和華諭亞伯蘭云：爾可出故土，離戚族，遠父家，往我所示之地。我將使爾後成爲大邦，錫嘏於爾，畀爾顯名，必蒙綏祉。祝爾者吾亦祝之，詛爾者吾亦詛之。天下兆民，將藉爾。亞伯蘭循耶和華命而往，羅得偕行。其離哈蘭也，年七十有五。挈妻撒勒，與姪羅得暨在積之貨財，所得之婢僕，咸向迦南而過。征旣至迦南。○路由叙劍，至摩哩之橡樹，當時迦南

其地耶和華顯現與亞伯蘭曰我將以斯土賜爾苗裔亞伯蘭乃於顯現之處築壇以祭。後特利東山以張其幕西有伯特利東有孩在彼築壇奉事耶和華而顧其名後漸南徙。○<sup>十</sup> 饑故亞伯蘭往旅於埃及近埃及時語妻撒勒曰爾有殊色埃及人見爾必云此其妻也。以我而存爾爾可稱爲我妹俾我獲安我命緣爾得保。○亞伯蘭至埃及及人見其婦有殊色法老<sup>法老埃及國君之說</sup>之臣觀之譽於法老前遂召之入宮亞伯蘭爲法老厚待遂有牛羊駱駝牝牡之驢以及婢僕然耶和華降厲災以譴法老及其家室緣納亞伯蘭妻撒勒故法老召亞伯蘭曰曷待我如是彼乃爾妻曷不實告何以妹相稱幾使我妻之今可挈之偕行遂命送亞伯蘭與妻及凡所有而去。

亞伯蘭與妻並羅得及凡所有者出埃及往詣南方其蓄積富厚有金銀牲畜自南以行歷程至伯特利昔在伯特利孩之間張幕築壇所遂於彼顧耶和華名羅得偕行亦有牛羊帷幕二人之業浩繁壤地徧小弗得同居時迦南與比哩洗人雜處於此亞伯蘭之牧者與羅得之牧者相爭亞伯蘭謂羅得曰爾我乃骨肉之親不可相爭爾牧我牧何競之有地具在爾前爾我可相區別爾左我右可也爾右我左亦可也其時所多馬<sup>摩拉未爲耶和華所滅</sup>摩拉未爲耶和華所滅自約但平原至於瑣耳土皆潤澤猶耶和華園可與埃及相頡頏羅得瞻望及之故擇約但平原而東徙於是二人相別亞伯蘭居迦南地羅得寓平原之邑張幕於所多馬所多馬人作惡重獲罪於耶和華羅得別後耶和華謂亞伯蘭曰爾且舉目遙瞻由此以及四方所見之地我必賜爾爰及苗裔永

世勿替。我必使爾苗裔如塵沙然。若有能核塵沙之數者。則爾苗裔亦可計矣。爾起徧行其地。我必賜爾。亞伯蘭遂遷幕至希伯崙。近慢哩之椽。而居。築壇祭耶和華。

示拿王暗喇非以拉撒王亞畧以攔王基大老馬列邦王提達與所多馬王庇喇蛾摩拉王庇沙押馬王示納西編王示米別及庇拉即瑣耳王戰。所多馬五王咸會於西亭谷。後之鹽海。卽其地也。蓋此五王事基大老馬。歷十有二年。至十三年叛。十四年基大老馬與同盟諸王來擊亞提律加寧之哩。之音人哈麥之蘇西人沙微基烈亭之以米人西耳山之何哩人。至鄰於曠野之耳巴蘭同盟列王歸至安密八。卽迦鐵擊亞馬勒地及哈洗遜大馬之亞摩哩人。時所多馬王蛾摩拉王押馬王西編王庇拉即瑣耳王皆出陳於西亭谷戰。以攔王基大老馬列邦王提達示拿王暗喇非以拉撒王亞畧四王敵五王。西亭谷多石油坑。所多馬王蛾摩拉王奔而陷坑。其餘遁於山敵奪所多馬蛾摩拉人輜重糗糧而去。亞伯蘭姪羅得居所多馬。故人與物皆被虜。有遁逃者報希伯來人亞伯蘭。亞伯蘭處近亞摩哩人慢哩之椽。慢哩與兄弟以實各亞乃俱與亞伯蘭盟約。亞伯蘭聞姪被虜。遂率習練之僕隸。素育於家者。三百一十八人。追敵至。但分其隊伍。乘夜攻擊。又追至大馬色北之何巴。奪回所虜之輜重。以及人民婦女。與姪羅得。暨凡所有。○亞伯蘭破基大老馬及同盟諸王歸時。所多馬王出至沙微谷。卽王谷。而接之。撒冷王麥基洗德爲至高上帝之祭司。挈餅與酒而出。祝之曰。願天地之主。至高上帝錫嘏於亞伯蘭。至高上帝使爾制敵。當頌美之。亞伯蘭以所獲者。什一奉麥基洗德。所多馬王謂亞伯蘭曰。以人歸我。物任爾取。

亞伯蘭曰：吾指至高之上帝、天地之主、耶和華而誓，不取爾一絲縷、一履帶，恐爾謂以富加諸我。惟少者所食，及同行之亞乃，以實各慢哩，所應得者，可任意以取。

爾後耶和華異象中，諭亞伯蘭曰：毋懼，我範爾，大賚爾。亞伯蘭曰：吾主耶和華將何以賜我，蓋我無子，惟大馬色人，以利亞薩為我家宰。又曰：爾未賜我子，則素育於我家者，將為我嗣。耶和華諭之曰：此非爾嗣，必自爾出者，乃為爾嗣。遂攜之門外曰：仰觀乎天，衆星可悉數歟。又曰：汝苗裔必如是。亞伯蘭信耶和華，耶和華遂稱之為義。耶和華曰：我乃耶和華，昔攜爾出迦勒底之耳者，蓋欲以此地賜爾得之。曰：吾主耶和華，我得此地，何以知之。曰：可取犢及牝山羊，牡綿羊，生已三年者，暨鴈鳩鴿，以奉於我。亞伯蘭取而中剖之，置之兩旁，使各相對，惟鳥不剖。鷲鳥下集，啄其牲。亞伯蘭驅之日，將入亞伯蘭酣睡，心覺幽暗，則懼。耶和華曰：爾當知爾苗裔必旅於異邦，服役艱苦，歷四百年。越至於後，役爾裔之異邦人，我必譴之，拯爾苗裔，大獲所有。以出。爾必享遐齡，安然返本而葬焉。越至四世，爾之苗裔將歸斯土。蓋亞摩哩人罪未貫盈，日入幽暗，時有烟燄之洪爐，已燃之明燈，由牲牲中而過。當日耶和華與亞伯蘭約曰：我以斯土賜爾苗裔，自埃及河至百辣大河，卽基尼，基尼洗，甲摩尼，赫比哩洗，哩之音，亞摩哩，迦南，革迦撒，耶布西諸族之地。

亞伯蘭妻撒勒不育，有埃及婢名夏甲。撒勒謂亞伯蘭曰：耶和華不賜我生育，爾且與婢同室，或可因之以得子。亞伯蘭從其言。其居迦南已歷十載，妻撒勒令納埃及婢夏甲，遂與之

同室夏甲自覺有妊，藐視主母。撒勒謂亞伯蘭曰：我之受辱，職爾之故。我昔以婢置於爾懷，既懷妊矣，乃藐視我。爾我間，願耶和華折中其是非。亞伯蘭曰：婢爲爾所治，可任意以待。於是撒勒以困苦相加，婢乃遁逃。耶和華之使者遇之於野，其地近泉，去書耳之路無幾。曰：撒勒婢夏甲適從何來，茲欲何去。曰：避主母撒勒。曰：可歸主母，仍服其下。又曰：我將增爾苗裔，生齒繁衍，不可勝數。又曰：爾今懷妊，必生男子，因耶和華俯念爾苦，可命名以實馬利。以實馬利譯即上帝眷顧之意彼將爲野人，攻衆而衆亦攻彼，其所居地，在同儕之東。夏甲既蒙耶和華所諭，則稱其名曰爾乃。爾乃監我之上帝。蓋曰：我非於此，以景仰夫監我者乎。爾乃監我三句或曰顯現之上帝，蓋曰上帝與我顯現而我尚存之緣此，其泉名曰別拉海萊。別拉海萊譯即永生而監我者之泉，或曰與我顯現而我尚存之泉今在迦鐵庇列間有之。○夏甲生子，亞伯蘭命名曰以實馬利。時亞伯蘭年已八十有六。



帝又謂亞伯拉罕曰、厥後爾妻不稱撒勒、乃以撒拉稱之。我將錫嘏賜之生子、爲羣民母、列王由之出。亞伯拉罕俯伏竊哂、私自思維、謂我已期頤、撒拉年亦九十、烏能生育。亞伯拉罕求上帝曰、願以實馬利於爾前、得保其生、幸矣。上帝曰、爾妻撒拉果必生子、命名以撒、我將與以撒、及其後裔、立永約。至以實馬利、我應爾求、我將錫嘏其裔、繁衍不可勝數、必出十二牧伯、昌大其國。明年屆此期、撒拉必生子、以撒。我將與之立約。言竟上昇。是日亞伯拉罕遵上帝命、將子以實馬利、以及家所生、金所購之男子、咸行割禮。亞伯拉罕時年九十九、而受割禮。其子以實馬利十有三歲、亦受割禮。父子二人、同日受割禮。凡其家人、或生於家、或購自異邦者、均受割禮。

第二十章 一日時已亭午、亞伯拉罕坐於幕門、其幕在慢哩橡下、耶和華顯現。亞伯拉罕仰見三人遙立、乃自幕門趨迎俯伏曰、若蒙恩於長者前、願勿遽行、憩息樹下、容我取勺水、以濯爾足、取餅少許、補爾心力、而後過、征可也。蓋爾既過、我當待爾如是。曰、可。亞伯拉罕亟進幕中、語撒拉曰、速備細麵三斗、搏之作餅。又趨至羣畜所、擇犢之肥美者、付僕急烹、遂將酥與乳、及所烹犢、臚陳於前、自侍樹下、以待其食。三人曰、爾妻撒拉何在。曰、在幕。其中一人曰、明年屆期、我必復至、爾妻撒拉將生子。撒拉在後於幕門聞此、亞伯拉罕與撒拉俱年邁、撒拉癸水已絕、故竊哂曰、我老矣、我主亦然、豈復有生子之樂乎。耶和華謂亞伯拉罕曰、撒拉曷竊哂歟、何疑年老不生育乎。豈耶和華而有難行之事哉。明年屆期、我必復至、撒拉必生子。撒拉懼而不承、曰、我未嘗哂也。曰、爾實哂。○三人乃起、望所多馬、以行。亞伯拉罕送之。耶和華曰、今我所爲、豈於亞伯拉罕有所隱乎。彼

必昌大其國、天下兆民、藉之受福。我知彼必囑其子、及眷屬、令守我道、秉公行義、如是則我所許者、可踐其言。耶和華曰、所多馬蛾摩拉、罪惡貫盈、聲聞於上。今我臨格、監其動作、實如所聞、設有不若是者、我亦能知。○二人往所多馬、亞伯拉罕、尙立於耶和華前。卽之曰、爲善爲惡者、豈可槩滅之乎。邑中或有五十義人、則邑之人、豈可盡滅、何不緣義人、而赦其罪乎、並誅善惡不可、待善惡相等、亦不可、鞠天下者、豈不行義乎。耶和華曰、所多馬、邑如有五十義人、我必緣此、赦其一方。亞伯拉罕曰、吾雖若纖塵、而敢上告、浸假而五十義者、缺其五、豈因是滅此一邑乎。曰、如有四十五人、則亦弗滅。曰、四十人、則何如。曰、四十人、吾亦弗行。是曰、主毋怒、我有一言、若三十人、則何如。曰、三十人、亦弗行。是曰、我敢上告、浸假二十人、則何如。曰、二十人、我亦不滅。曰、主毋怒、敢復進一辭、而後已、或止十人、則何如。曰、十人、吾亦弗滅。耶和華言竟、而往。亞伯拉罕、乃歸。

○日暮、二天使至、所多馬、時羅得、坐於邑門、見之、遂起、晉接、俯伏、曰、長者歟、請回步履、以臨僕舍、濯足而宿、夙興、遄征、可也。曰、否、我將宿於衢、羅得促之、使者旋踵、以入其室、乃炊無酵餅、肆筵、使食。○未及寢、所多馬人、咸集、自老迄幼、環其屋、呼羅得、曰、暮就汝之人何在、可出之、以遂我所欲。羅得出、卽閉其門、曰、兄弟、毋作斯惡、我有二女、尙未適人、容我出之、任爾所爲、特此。人既遣我、舍、請毋擾。曰、爾速退、爾旅於此、乃欲爲士師乎。今將害爾、較彼尤甚、且促羅得、勢甚迫切、徑前、欲破其門。天使手、援羅得、入門、卽閉、使衆於門外、自老迄幼、目昧不明、索門不得。○天使謂羅得曰、於此、爾尙有戚族乎、或子、或女、或壻、及邑中所有者、俱攜之出、吾儕將滅是邦、其罪之大、聲

聞於耶和華，故遣我滅之。羅得出，告聘二女之婿，曰：耶和華將滅是邑，爾且出此，其婿聞之，以爲戲言。○及旦，天使促羅得曰：起攜若妻及在此二女，恐與邑共罹災害。耶和華矜恤羅得，羅得尙遲延，天使執其手，與妻及女，咸引之出，置於邑外。曰：爾必遁逃，以全生命，毋回顧，毋止於平原，當避於山，否則必亡。羅得曰：主不可僕蒙爾恩，施我以莫大之仁慈，全我生命，茲若避於山，恐遭災害，亦終必亡。附近有小邑，易以逃匿，是小邑容我逃匿，以全我命。曰：許汝所求，爾所言之邑，我不翦滅，爾其速匿於彼，爾尙未至，吾不能有所作爲，因邑甚小，故名瑣耳。○日出時，羅得入瑣耳，耶和華自天雨火，硫於所多馬蛾摩拉。由是邑垣平壤，民生植物，無不盡滅。羅得妻回顧，變爲鹽柱。○亞伯拉罕夙興，至昔覲耶和華之處，望所多馬蛾摩拉，與平原一境，則見烟焰騰上，如出洪爐。○當上帝翦滅平原，傾覆羅得所居之邑時，眷念亞伯拉罕，拯羅得出於災，羅得懼居瑣耳。故偕二女離其邑，處於山，同居巖穴。長女謂季女曰：吾父已老，斯土又無人，與我爲偶，以循人道，莫若使父飲酒，而與偕寢，以存其後。是夜使父飲酒，長女與之寢，女之臥起，父不及知。翌日，長女謂季女曰：我昨與父偕寢，今夕仍飲以酒，爾可偕寢，以存其後。是夜亦使父飲酒，季女偕寢，女之臥起，父亦不知。羅得二女，由此懷妊，長女生子，命名摩押，爲摩押族之祖。季女亦生子，命名便亞米，爲亞捫族之祖。

亞伯拉罕徙於南方，旅於其臘，其地在迦鐵書耳間。亞伯拉罕稱其妻撒拉爲妹，故其臘王亞庇米力召之入宮。一夕上帝見夢，諭亞庇米力曰：爾取此婦，當死，蓋人之妻也。亞庇米力

未玷婦身，故曰爲義之民，主豈滅之乎？彼非稱婦爲妹，婦稱夫爲兄乎？我之爲此，心本純良，手無污穢。上帝曰：我知爾爲此，心本純良，故我阻爾，使爾不玷婦身，以干罪戾。今以婦歸其夫，彼乃先知，可代爾祈全爾生命，不然，爾與眷聚必死。亞庇米力夙興，召僕衆，告以斯事，僕衆聞之，懼甚。亞庇米力呼亞伯拉罕曰：爾果何爲？我曷嘗獲罪爾，爾乃陷我於重罪，爰及人民，爾之相待，甚非所宜。又曰：爾至此何所見而行是？亞伯拉罕曰：我意此邦不畏上帝，恐爲我妻而殺我。彼誠我妹，同父異母，我娶爲室。昔上帝命我離父家，遨遊於外，我囑婦曰：後所適之邦，必稱我爲兄，是則待我以恩。亞庇米力遂將牛羊僕婢賜之，并歸其妻。亞庇米力曰：吾之土地，具在爾前，任意居之。謂撒拉曰：我以千金賜爾兄，可蔽爾容，勿令衆見，言此蓋以責之。○亞伯拉罕祈上帝，遂醫亞庇米力，與妻及婢，使之生育，蓋耶和華因撒拉故，曾使亞庇米力之眷聚不能妊育。

耶和華眷顧撒拉，踐其前言，應其所許。故亞伯拉罕年雖耄耄，而撒拉懷妊，屆上帝所言之期，誕生男子。亞伯拉罕以撒拉所生子，命名以撒。越八日，遵上帝命，行割禮。當以撒生時，亞伯拉罕適百歲。○撒拉曰：上帝使我粲然而笑，聞者將與我粲然而笑。又曰：夫年邁矣，而我從之以誕育。越在疇昔，孰能預告亞伯拉罕曰：撒拉將哺子乎？子長而斷乳，斷乳之日，亞伯拉罕設盛饌。○埃及婦夏甲從亞伯拉罕所生之子，頗興譏刺。撒拉見之，語亞伯拉罕曰：出婢及婢之子，婢之子不得與我子以撒嗣業。亞伯拉罕爲子故，深以爲憂。○上帝曰：勿爲婢及婢之子而憂，可聽撒拉所言，蓋出自以撒者，得爲爾裔。然婢之子，亦屬爾出。我必使其後成爲大國。亞伯拉罕夙

與以革囊盛水，與夏甲負之，更與之餅，使攜子去，婢至別是巴野，遂迷其途。囊水既罄，乃置子於樹蔭，相去一矢，曰：我不忍見子之亡，坐而相對，大聲號泣。上帝聞子聲，其使者自天呼夏甲，曰：夏甲何故，爾勿懼，爾子在彼。上帝已聞其聲，爾起扶持之，輔翼之，我將使其後成爲大國。上帝明其目，卽見水泉，遂往以水充革囊，飲其子。上帝佑其子，長而居野，長於弧矢。旅巴蘭野，母選埃及女，與之爲室。○亞庇米力與厥軍長，非各謂亞伯拉罕，曰：汝凡所爲，上帝佑之。今當指上帝以誓，毋欺我及我子孫，以我所厚待爾者，爾亦如是待我，以及爾所旅斯土之民。亞伯拉罕，曰：我誓之。有井泉爲亞庇米力僕所據，亞伯拉罕諫亞庇米力，曰：誰所作歟？吾未嘗知也。爾弗告我，迫於今日，我亦罔聞。亞伯拉罕以牛羊饋亞庇米力，而相結約。更以牝羔七，置於一處。亞庇米力，曰：爾置七牝羔一處，曷故？曰：我鑿此井，以七羔饋爾爲憑，以二人相誓於彼，故名其地爲別是巴。別是巴，卽約之泉。既誓於別是巴，亞庇米力與厥軍長，非各啟行，歸非利士地。○亞伯拉罕植林木於別是巴，禱告耶和華，永生之上帝，蓋其旅於非利士地也，非一日云。

厥後上帝試亞伯拉罕，呼之曰：亞伯拉罕，曰：子在此，曰：爾嫡所出，惟一以撒，爾所鍾愛者，可攜之往摩哩地，在我所示之山，燔之以獻。○亞伯拉罕夙興，備驢，攜二僕，及子以撒，劈柴爲燔，將詣上帝所示之處。越三日，舉目遙瞻其處，亞伯拉罕謂僕，曰：爾與驢姑待於此，我與子往彼，崇拜卽反。遂使子負柴，已則持火與刀，與子偕行，以撒謂父，曰：吾父歟，曰：吾子，吾在此，曰：火與柴，則有之矣，而所燔之羔何在，曰：吾子，上帝將備羔，以爲燔祭。於是偕行，至上帝所示之處，亞伯

拉罕築壇，臚列其柴，縛子以撒，置於壇之柴上，舉手執刀，將宰其子。耶和華使者自天呼曰：「亞伯拉罕乎，亞伯拉罕乎。」曰：「我在此。」曰：「爾子莫擊，莫傷我，我知爾畏我，蓋爾嫡子惟此一人，猶且不惜，以獻於我。」亞伯拉罕舉目回顧，見有牡綿羊，角繫林叢，遂往執羊，燔而獻之，以代其子。稱其地曰：「耶和華必預備。」越至於今，人常云：「在耶和華山，必預備也。」耶和華之使者自天復呼亞伯拉罕曰：「耶和華指己而誓曰：『因爾行是，不惜嫡子一人，我必大賚爾福祉。』昌熾爾子孫，如天星之衆多，如海沙之無量。爾子孫將勝諸敵，因爾遵我命，天下兆民將藉爾裔而受福祉。」亞伯拉罕遂返至僕所與之偕行，至別是巴而居焉。○厥後人告亞伯拉罕云：「密迦從爾兄拿鶴生子，伯曰戶斯仲曰布斯，季曰基母利，基母利生亞蘭，密迦又生基泄，哈鎖必達，益臘，彼土利此八人者，皆密迦從亞伯拉罕兄拿鶴所出。彼土利生女利百加，拿鶴妾名流馬，生子提八，迦舍，大轄，馬迦。」

○撒拉享壽一百二十有七歲，卒於迦南之基列亞巴，卽希伯崙。亞伯拉罕爲撒拉哀哭。○後起離尸，謂赫人曰：「我於爾中爲賓旅，請以塚地與我，使死者得葬。」赫人曰：「吾主請聽，爾在我中，爲有能之牧伯，在我塚地間，擇其佳者，以葬其尸。我中必無人禁爾。」亞伯拉罕鞠躬，言於赫邑之居民曰：「若爾許我得葬死者，則請代我求鎖轄之子以弗崙，在其田之一隅，名麥比拉，有穴焉，請足其金數購之，爲我塚地。」以弗崙赫人也，於邑民及入是邑者前，對亞伯拉罕曰：「主歟，尙其垂聽，我以田及田內之穴錫爾，汝可葬其死者邑衆爲證。」亞伯拉罕鞠躬於民前，謂以弗崙曰：「請聽吾言，我將以金購田，爾可受之，使死者得葬。民皆聞之。」○以弗崙曰：「主歟，尙其俯聽。價約云

百金。爾與我豈有所較，請葬乎死者。亞伯拉罕從其言，以商賈素用之金二百，如數以與。赫人爲證。○如是以弗崙田在麥比拉，與慢哩相對田之穴，暨田中四圍羣樹，俱定與亞伯拉罕爲業。邑中人與凡入邑者爲證。厥後亞伯拉罕葬其妻撒拉在迦南地，慢哩相對麥比拉田之穴。慢哩卽希伯崙也。田及田穴，赫人定之，與亞伯拉罕爲塚地。

亞伯拉罕壽高年邁，耶和華於凡事皆錫嘏焉。亞伯拉罕謂治理全業之老僕曰：爾當置手於我髀下，指天地之上帝耶和華而誓。我居迦南斯土之女，勿妻我子。必返故土，擇戚族中爲我子以撒娶焉。僕曰：浸假其女不欲來斯，則我以爾子仍歸故土可乎。亞伯拉罕曰：慎勿使我子返於故鄉。天上上帝耶和華，昔導我遠父家，離故土，其時已有成言。誓以斯土錫我苗裔，必遣厥使爲爾先導，使爾爲我子娶於故土。設女不欲來斯，則我使爾誓與爾無與，惟不可歸我子於故土。僕遂置手於主亞伯拉罕髀下，依所言而誓。○主之全業統轄於此僕，故於主所有之駝中取十而往，至米所波大米拿鶴所居之邑。日暮，衆女羣來汲水，僕使駝跪伏於邑外井旁，曰：求吾主亞伯拉罕之上帝耶和華施恩於我主亞伯拉罕，使我今日適逢其會。我立井旁，邑民之女出以汲水，倘其中有一女，我告之，授汲器以飲我，彼云請飲，亦飲爾駝，則其女爲爾所定。與爾僕以撒爲室，由此可知爾施恩於我主。言未竟，利百加負汲器出，彼乃亞伯拉罕兄拿鶴與妻密迦之子，彼土利所生，其容甚麗，尙爲處女，未曾適人，卽臨井汲水，盈其器而上。僕趨迎之，曰：請以器中之水飲我一勺。曰：吾主請飲，乃急授器飲之。飲畢，女曰：我更汲水，飲爾駝，使足其量。遂傾汲器

於槽，急臨井汲水，以飲羣駝。僕奇之，默然弗語。疑耶和華果賜我坦途歟。俟駝飲竟，遂取金鼻環，重二錢有半，金釧二，重五兩，贈之曰：汝誰氏女，請告我汝父之家，可有隙地以旅我乎？曰：吾乃拿鶴與密迦之孫彼士利之女。又曰：我家芻蕘具足，亦有隙地，可以容宿。僕遂稽首崇拜耶和華，曰：頌美吾主亞伯拉罕之上帝耶和華，不遺我主，施其仁慈，真實无妄。我於途中，耶和華導我至吾主戚屬之家。女趨歸告其家人，利百加有兄名拉班，見鼻環與手釧，聞妹利百加述僕所言，則趨外迓僕，時僕尙立井旁，駝亦在側，語之曰：爾蒙耶和華錫嘏，奚竚於外，請入，我已備室與爾，備廐與駝。○遂引僕入室，釋駝之負，給以芻蕘，將水濯僕，及從者足，肆筵令食。僕曰：我事尙未相告，不敢先食。曰：願聞其詳。○曰：我乃亞伯拉罕僕，耶和華錫純嘏於吾主，使之昌大，金銀僕婢，牛羊駝驢，錫予不置。主母撒拉，年老生子，主以凡所有者，悉付畀之。主令我誓云：我居迦南，其地之女，勿妻吾子，必詣父家戚族中，爲之娶室。我謂主曰：浸假其女，不欲來斯，將若何？主曰：我所事之耶和華，將遣厥使佑爾，賜爾坦途，可於父家戚族中，爲子取室。設或至我戚族之處，而彼不肯與，則我使爾誓，與爾無與。今日我至井旁，禱曰：我主亞伯拉罕之上帝耶和華，如果賜我坦途，則我今日立於井旁，必有女出汲，我請以器中勺水飲我，若言且飲，亦爲駝汲，則此女可爲耶和華所定，與吾主之子者。默視未竟，而利百加出，負器臨井以汲，我卽求飲。女授汲器曰：且飲，亦可與駝飲。我遂飲，女亦與駝飲。我問曰：汝誰氏女？曰：彼士利女，拿鶴與密迦之孫也。我遂置環於其鼻，着釧於其手，稽首崇拜，頌美吾主亞伯拉罕之上帝耶和華，導我以正途，使取主兄之孫，爲主子之室。今



欲待吾主以仁慈，真實无妄，則告我，否亦告我，使我知所左右。拉班與彼士利曰：事由耶和華，毋庸辨其是非。利百加在此攜之而歸，與主之子爲室，遵耶和華命。亞伯拉罕僕聞言，俯伏崇拜耶和華，取金銀器皿與衣，饋利百加，又以寶物饋其兄及其母。僕與從者飲食而宿。夙興曰：願遣我歸。利百加兄與其母曰：容女少留，偕我居處，歷至旬日，然後啟行。曰：勿阻我，耶和華賜我坦途，請遣我歸。曰：可呼女而問之。乃呼利百加曰：爾欲與此人偕行乎？曰：我欲行。遂遣利百加與其媼，同亞伯拉罕僕暨從者而去。祝利百加曰：爾乃我骨肉，願爾爲億兆母。汝之苗裔可勝諸敵。○利百加與其婢乘駝而行，僕迎之以歸。時以撒居南，適自別拉海萊而至。暮出於田，默然靜思，舉目見駝羣至。利百加遙望，以撒問僕曰：遊於田而來迓者爲誰？僕曰：是我主也。女遂下駝，取帕自蒙。僕將所爲悉告，以撒以撒導利百加入母撒拉之幕，娶以爲妻，愛之甚篤。蓋自母沒後，至此始獲慰藉。

亞伯拉罕繼娶，名基都喇，生心蘭、約山、米但、米田、益八。書亞、約山、示巴、底但、底但。生亞書利、利都是、利烏米、米田。生以法、以弗哈諾、亞庇大、以勒大、咸屬基都喇子孫。○亞伯拉罕以凡所有遺於以撒，當其存日，衆庶子各有所子，使往東方，以避以撒。亞伯拉罕享壽一百七十有五。壽高年邁，氣絕而終，乃返其本。其子以撒以寶馬利葬之於麥比拉穴，與慢哩相對。卽赫人鎖轄子以弗崙之田。昔亞伯拉罕所藪者，其妻撒拉亦葬於此。○亞伯拉罕既沒，上帝錫嘏其子，以撒以撒附別拉海萊而居焉。○亞伯拉罕納撒拉婢埃及女夏甲，生以寶馬利，其裔循其世系。

名氏記列於左，以實馬利初生尼排約，次生基達，押別，密衫，密馬，土馬，馬撒，哈達，提馬，益督，拿非，實其底馬。此皆以實馬利諸子之名，隨其鄉黨十二牧伯，各治其族。以實馬利享壽一百三十七年，氣絕而終，遂返其本。以實馬利子孫所居，在同儕之東隅，其地自哈腓拉至書耳人自埃及往亞述者，必經其邑。○以撒之紀如左，亞伯拉罕生以撒，以撒四十歲娶巴坦亞蘭地亞蘭人彼士利女拉班妹利百加爲妻，以撒之妻不妊，故以撒爲之所，耶和華，耶和華許之，而利百加懷妊，胎孕震動，若相爭然，利百加曰：如此將如之何，問於耶和華。耶和華曰：胎所懷者有二民焉，其後所出成爲二國，此必強於彼，長將事其幼。○屆期，學生初產者紅，遍體生毛如裘，命名以掃。後出者手執兄踵，命名雅各。二子生時，以撒年已六旬，及其長也，以掃善獵，遨遊於野，雅各柔懦，居處於幕，以撒嗜野味，故愛以掃，利百加愛雅各。○雅各煮羹，以掃自野歸，憊甚，謂雅各曰：我憊矣，以此紅湯食我，自此以掃亦名以東。雅各曰：爾今盍以長子業鬻於我，以掃曰：我且死矣，卽爲冢子，亦何益之有。雅各曰：當與我誓，遂誓之，於是鬻其長子業於雅各。雅各乃以餅及豆羹給以掃，以掃飲之，食之起而往，以掃藐視長子之業如此。

亞伯拉罕時，歲薦饑，以撒時，其地又饑，故往其曠，至非利士人王亞庇米力，耶和華顯現，謂以撒曰：毋往埃及，以居我所示之地，旅於斯土，我將佑爾，錫嘏於爾，以此列邦賜爾，爰及苗裔，昔與爾父亞伯拉罕誓，我踐其言，必繁衍爾苗裔，如天星之衆多，以此列邦錫之，天下兆民，將藉爾裔而受福。當亞伯拉罕之尚存也，遵我言詞，供我役事，守我禮儀，誠命律法，故因是而錫

餒。○以撒居其臘，居民問及其妻，則曰：我女弟也。蓋有殊色，故懼以妻稱之。恐居民爲利百加故，而害及其身。居處日久，非利士人王亞庇米力自牖窺之，適以撒與利百加嬉戲，召之曰：彼與爾妻，何稱爲妹？曰：竊恐因之見殺。亞庇米力曰：何爲若此？倘有人不知，偕爾妻寢，則陷我於罪。乃諭民曰：犯此人與其妻者，殺無赦。以撒耕稼於彼，迨秋而穫百倍，耶和華錫嘏之。遂以昌太日增月盛，竟成巨富。牛羊成羣，僕從甚衆，非利士人妒之。當亞伯拉罕時，其僕所鑿之井，後爲非利士人塞之。以士亞庇米力謂以撒曰：爾强大過我，請離我。○遂遷其臘谷，張幕而居。當亞伯拉罕時所鑿之井，沒後，非利士人塞之。以撒復鑿，依父所稱之名名之。以撒僕掘井於谷中，得活泉。其臘牧者與以撒牧者爭，曰：此屬於我。因其相爭，故以撒稱其井曰埃色。埃色，即相爭也。又鑿一井，仍爭不已，故名之曰息拿。息拿，即收聲也。離彼復鑿一井，乃不相爭，故名之曰哩河伯。哩河伯，即哩河也。耶和華使我寬舒，蕃衍斯土。以撒離彼往別是巴。是夜，耶和華顯現，謂之曰：勿懼，我乃爾父亞伯拉罕之上帝，爲我僕。亞伯拉罕故，我必佑爾。錫嘏於爾，蕃衍爾苗裔。以撒築壇於彼，願耶和華名。遂張幕，僕爲鑿井。○亞庇米力與友亞戶撒，暨軍長非各，自其臘來見以撒。以撒曰：昔爾曹憾我，遠我，今何來見？曰：我儕知耶和華祐爾，竊思爾我間當立誓，互相結盟。昔我未嘗加害於爾，乃厚待爾，送爾安然以歸。如是，汝亦莫薄待我。蓋耶和華錫嘏於爾，故也。以撒遂肆筵以待，式飲式食。夙興相誓，以撒送之，安然而歸。是日以撒僕以鑿井事來告，曰：我得水矣。遂名之曰是巴。故邑名別是巴。至於今日。○以掃四十歲時，娶赫人別哩之女猶滴，與赫人以倫之女巴實抹爲室。由是以撒與利百加常爲二婦，憂心

悄悄矣。

以撒年邁，目昧不明，召長子以掃曰：「吾子，曰我在此。」曰：「我老矣，不知死期將至，爾可執器，維弓與矢，以適於田，爲我獵焉。」獲取野獸，以作嘉肴，我所嗜者，進以食我，及我尙存，爲爾祝嘏。以掃適野獵獸，當以撒囑時，利百加聞其言，謂子雅各曰：「我聞爾父囑爾兄云：『可獲野獸以作嘉肴，我食之，及我尙存，願耶和華爲爾祝嘏。』今我子可遵我命，往羊羣，擇肥羔二，我作嘉肴，投父嗜好，以進於父，及其尙存，爲爾祝嘏。」雅各謂母曰：「我兄遍體有毛，我乃光潔，設父捫我，以我欺父，恐求祝而反見詛。」母曰：「吾子見詛，我自當之，可從我言，而取其羔，乃往取與母，母作嘉肴，投父嗜好。」長子以掃有美服，存於母所，利百加取之，以衣季子。又以羔皮蒙手及頸，掩其光潔，以所作之嘉肴及餅，異雅各。○進於父曰：「我父也。」曰：「吾在此，爾誰乎？」雅各曰：「我乃長子以掃，遵命而行，請起食野獸之肉，祝嘏於我。」以撒曰：「爾獲之何其速歟！」乃爾上帝耶和華賜我。」以撒曰：「我子來前，我欲捫爾，果以掃否？」雅各徑前，以撒捫之，曰：「聲則雅各，手則以掃也。」因手有毛，彷彿厥兄，末由別其真僞，遂爲祝嘏。曰：「爾誠我子，以掃否？」曰：「然。」曰：「以爾所獲者，陳於前，待我食之，爲爾祝嘏。」乃進前食之，亦飲以酒。以撒曰：「爾來，與我接吻。」遂前吻父，父聞其衣馨香，祝曰：「耶和華錫嘏於田，使之馨香，吾子之馨香亦若是。」願上帝賜爾天降甘露，地常肥美，穀與酒既豐且盛，願兆民服役爾側，列國拜跪爾前，兄弟以爾爲主，同母者無不稽首，詛爾者必見詛，祝爾者必見祝。○以撒祝竟，雅各遂出適，其兄以掃田而歸，亦作嘉肴，進於父，請父起，食我所獲野獸之肉，祝嘏於我。」以撒問曰：「爾

爲誰曰長子以掃以撒戰慄不勝曰爾未至誰作嘉肴進我我已食之爲彼祝嘏彼必恒蒙其福以掃聞言大聲痛哭曰請父亦爲我祝嘏曰爾弟來施其詭謀奪爾福祉以掃曰宜其名雅各各彼欺我者再昔奪我長子業今又奪我祝嘏耶又曰豈更無嘏可爲我祝乎以撒曰我既使雅各爲爾主兄弟皆爲其役以穀與酒供之今將何物施爾乎以掃曰父之祝嘏豈獨一而已也請更祝我遂大聲號泣以撒曰爾所居之處可得天降甘露地常肥美爾將恃刃以圖生服役於爾弟爾若遨遊於外可脫其軛弛爾仔肩○以掃因父爲雅各祝嘏懷恨雅各竊言父喪伊邇我必殺弟人以長子言告利百加故召季子曰爾兄將殺爾以雪其恨今吾子從我言且奔哈蘭見舅氏拉班偕居數日待爾兄怒息若其氣已平忘爾所爲我則遣人召爾豈可一日喪二子乎利百加謂以撒曰因以掃娶赫人女我畢生殷憂倘雅各亦娶斯土之女我何以生爲

**第二十九章** 以撒召雅各爲之祝嘏囑曰毋娶迦南女爲室乃起往巴坦亞蘭至爾母父彼士利家娶舅氏拉班女爲室願全能之上帝祝嘏於爾使爾蕃衍爲兆民祖以亞伯拉罕之嘏錫爾爰及苗裔昔上帝以斯土錫亞伯拉罕而爾旅之今願與爾爲業以撒遣雅各往巴坦亞蘭見亞蘭人彼士利子拉班即以掃雅各之舅氏○以掃見以撒爲雅各祝嘏遣至巴坦亞蘭欲在彼娶室更囑其毋娶迦南女爲室又見雅各循父母命往巴坦亞蘭於是以掃知迦南女不悅於父故適以實馬利家更娶馬哈喇爲室馬哈喇乃亞伯拉罕孫以實馬利女尼排約妹○雅各離別是巴向哈蘭而行日入時至一方遂留宿焉取石爲枕在彼偃臥夢有梯自地參天上帝之使者陟降

於上。耶和華據其巔曰：我乃爾祖亞伯拉罕與以撒之上帝耶和華。爾所寢之地，悉以賚爾。爰及苗裔。爾裔蕃衍如塵沙，蔓延四方。天下兆民，憑藉爾裔，以徼福祉。我必祐爾，爾所向往，我必庇護，使歸斯土，不汝遺棄。吾所許者，必踐其言。○雅各醒曰：耶和華果在乎此，而我不知。乃悚然曰：此非上帝之殿，天之闕乎，敢弗寅畏。雅各夙興，以所枕石立爲杆，沃膏其上。昔斯邑名路斯，雅各易之曰伯特利。伯特利譯即上帝之殿遂許願曰：如上帝眷佑我，庇護我，我所向往，賜以衣食，安然而歸，則耶和華必爲我之上帝。且我立柱石將爲上帝殿，上帝所錫我者，十輸其一，獻於上帝。

雅各啟行，至於東方，見有井於田，大石覆其上。羊羣三，附井而臥。蓋人必飲羊於此。羣羊既集，則移石啟井，汲與羊飲。飲竟，仍覆以石。雅各曰：兄弟奚自。曰：自哈蘭。曰：爾識拿鶴之孫拉班否。曰：識之。曰：安乎。曰：安。今其女拉結偕羊以至。曰：日尙高懸，聚羣畜之時，猶未至也。何不飲羊。使復就牧。曰：不能，必待羣畜咸聚，移石啟井，則可飲羊。○言際，拉結偕羊至，蓋父羊爲其所牧。雅各見舅氏拉班女拉結，與厥羊，則前移石啟井，飲舅氏之羊。遂與拉結接吻，喜極流涕，告拉結曰：我乃爾父之甥，利百加子。拉結遂趨告其父。拉班聞甥雅各至，卽趨迎之，抱頸接吻，引之入室。雅各以所遇之事，告拉班。拉班曰：爾乃骨肉之親也。雅各偕居，至於一月。○拉班謂之曰：爾雖我甥，豈可使爾徒勞乎。盍告我，欲得何值。拉班有二女，長名利亞，季名拉結。利亞目眇昏，而拉結有殊色。雅各愛拉結，曰：我爲季女拉結，願役事爾七年爲期。拉班曰：與其妻他人寧。妻爾，可偕我居。雅各爲拉結役事七年，因愛之甚，視七年如數日。○屆期，謂拉班曰：其期已屆，盍妻我，使我成禮。

拉班招集鄰里，肆筵設席，既昏，以長女利亞與雅各成伉儷。以婢悉帕與女利亞供其役事。夙興，乃知爲利亞，謂拉班曰：曷待我若是，我非爲拉結，以役事爾乎？何欺我爲？拉班曰：未嫁長而先嫁季於斯土，有所不宜。當與利亞盈其七日之期，則以拉結子爾。嗣後爾必役事我，更歷七年。雅各從其言，與利亞盈其七日之期。後拉班亦以拉結妻之，以婢辟拉與女拉結供其役事。雅各亦與拉結成禮，愛之過於利亞，仍爲拉班役事，更歷七年。○耶和華知利亞不見寵，故賜生育，惟拉結不妊。利亞懷妊生子，命名流便，曰：耶和華俯念我苦，今而後，夫必愛我。再妊生子，命名西面，曰：耶和華聞我不見寵，復賜我此子。又妊生子，命名利未，曰：今生三子，夫必膠漆於我。又妊生子，命名猶大，曰：我今必頌美耶和華，嗣後利亞久不妊。

拉結見己不育，則妒厥姊，謂雅各曰：賜我生子，不然我死矣。雅各怒曰：使爾不育者，在上帝，豈在我乎？曰：我婢辟拉，可與同室，彼生之，我撫之，我因以得子。遂以婢辟拉予夫同室。辟拉懷妊生子，拉結命名但，曰：上帝祐我，聽我所賜我一子。辟拉再妊生子，拉結命名納大利，曰：我與姊力爭得利。利亞久不妊，以婢悉帕與夫同室。悉帕生子，利亞命名伽得，曰：幸甚。悉帕再生子，利亞命名亞設，曰：我蒙福祉，羣女將謂我有福。○麥秋至，流便往於田，獲風茄，奉母利亞。拉結謂利亞曰：請以爾子之風茄與我。曰：爾奪我寵，豈微故耶？今欲奪我子之風茄乎？拉結曰：爲汝子之風茄，是夜可與夫偕寢。暮，雅各自田歸。利亞出迓之，曰：爾與我偕入室，我舍我子之風茄，以得爾，故是夜與之同室。上帝俯念利亞，賜之懷妊，生五子。利亞命名以薩迦，曰：昔以婢與夫，今蒙上帝給。

我值。利亞復妊生六子，命名西布倫。曰：上帝賜我嘉賚，我生六子，夫必偕我。後生女，命名底拿。○上帝眷念拉結，俯聽其祈，使之誕育懷妊生子。曰：上帝已酬我恥矣。乃命名約瑟。曰：耶和華必復賜予。○拉結生約瑟後，雅各謂拉班曰：請遣我歸，返於故土。我爲妻子役事於爾，乃爾所知。蓋以妻子賜我，以遣我歸。拉班曰：我知耶和華緣爾錫嘏於我，若得蒙爾恩，與我偕居，請言其值。而我給之。曰：我爲爾服役，牧汝羣畜，是爾所知。當我之未至也，所有鮮少，迨我既至，耶和華錫嘏於爾，滋育蕃多，然我欲成家，將至何時乎。拉班曰：我何以酬爾。曰：爾欲相酬，無需他物，惟有一事。若許則仍爲爾牧。今我將徧閱爾羣畜，凡斑駁成點之山羊及棕色之綿羊，悉驅之出，以爲我值。異日，我值置於汝前，凡山羊非斑駁成點，綿羊非棕色者，卽擬我盜，可也。我之公義，以此可徵。拉班曰：可如爾言。當日將牡山羊之有圈點者，牝山羊之斑駁成點，兼雜白文者，及綿羊之棕色者，悉付己子。移之遠方，相去三日。惟雅各仍牧拉班之餘羊。○遂將楊柳杏楓之枝，擇其嫩者，剝皮成文，使枝之白間露，置於溝壑水槽，羣畜來飲之處，與羣相對，使畜飲時，牝牡相誘，羣畜附枝相誘，遂產斑駁圈點者。雅各將羔羊區別之，以己羣驅在一方，與拉班羣中所有圈與棕色之羊相對，不與拉班羊相雜。遇畜之肥健者相誘，雅各置於水道，而當其前，使附枝相誘。若畜之羸弱者，不置之，如是弱歸拉班，肥歸雅各。且生息蕃多，牲畜奴婢駝驢，不可悉數。

拉班衆子相議曰：我父所有者，而雅各奪之，因致巨富。雅各聞之，亦見拉班待己，不如曩昔。耶和華命雅各曰：當歸父家，返故族，我必祐爾。雅各招拉結，利亞至於田，造羣畜所，語之。



曰我見爾父待我不如疇昔然吾父之上帝祐我我竭力事爾父爾所素知爾父乃欺我十易我值頻欲害我而上帝不容若云斑點者爲我值而羣畜咸生斑點若云斑圈者爲我值而羣羊皆有斑圈是耶和華將爾父所畜悉賜於我遇牝牡相誘之際我於夢中見牡羊乘其牝者皆圈點斑駁上帝之使者見夢呼我曰雅各我曰在此曰試觀衆牡羊乘其牝者無非圈點斑駁蓋拉班之待爾我已監之我乃伯特利之上帝昔爾在伯特利以膏沃柱指我以許願今當起離斯土歸故族拉結利亞曰父既饗我侵食我值以我爲外人我於父家豈尙有嗣業乎我父貨財爲上帝所奪皆屬於我與我子今上帝諭爾者一切遵行○雅各起使妻子乘駝攜所有者與在巴坦亞蘭所獲之牲畜歸於迦南見父以撒拉班往剪羊毛所藏偶像拉結竊焉雅各欺亞蘭人拉班不以其奔告之擊凡所有渡河向基列山而遁越三日人以其事告拉班乃率戚族追之七日至基列山始及焉是夜上帝見夢諭亞蘭人拉班曰爾與雅各勿以惡言相加爾其慎之○雅各張幕於基列山拉班追之既及亦與戚族張幕於是拉班謂雅各曰爾何欺我攜我二女與行劫奪者無異何爲竊遁曷不告我俾我鼓琴播鼗謳歌忻然送汝奚不容我與子女接吻爾之所爲不智孰甚我力能害爾惟前夕爾父之上帝諭我曰慎勿以惡言加於雅各夫爾雖戀慕父家欲歸甚急奚竊我上帝像乎雅各曰我意謂爾必強留爾女故懼耳至於爾上帝像爾見有竊之者可置於死地物有屬爾者爾可自辨爾自取之我儕戚族爲證蓋雅各不知拉結竊偶像焉拉班遂進雅各幕及利亞幕二女婢之幕皆無迹可尋後出利亞幕入拉結幕拉結以偶像置之駝鞍下而

坐其上。拉班徧索不獲。拉結謂父曰：天癸適至，不得起迎，吾主勿怒。拉班徧索偶像，終不得見。○雅各怒斥之曰：我何罪愆，乃相迫太迫。今爾徧索吾物屬於爾家者，未獲其一，獲則置之我儕。戚族前，俾折中於爾我間。二十年，我偕爾處，爾綿羊、山羊之牝，未有殯其胎者。爾畜之牡、綿羊，我不食。死於野獸者，我不歸爾。我補之，晝夜所盜，爾惟我是問。我晝則冒暑，夜則受冷，寢寐俱廢。如此，我居爾家，歷二十年，役事於爾者，爲爾二女十四年，爲爾牲畜六年。爾乃易我值，至於十次。使吾祖亞伯拉罕之上帝，吾父以撒所畏之上帝，不祐我，汝必棄我，絕無所得。惟上帝監我操作，辛勤，故前夕責爾。○拉班曰：斯女卽我女，斯子卽我子，斯畜卽我畜。凡所見者，無非屬於我。今與吾女及其所生者，將何爲乎？莫若爾我結盟爲憑。雅各遂取石立柱，亦謂戚族曰：爾可積石，乃羣取石，積累爲岡，共食於其上。拉班名之曰：亦甲撒哈士大。雅各名之曰：迦列。拉班曰：爾我間以此岡爲憑，故亦名曰：迦列。又名密士巴。蓋曰：爾我相睽隔時，耶和華爲眷佑爾。若負吾女，別有所娶，人雖不知，而上帝監之。拉班謂雅各曰：可觀此岡，爾我間所立之柱。此岡此柱，可爲憑。我不越此岡，害爾。爾亦不越此岡，害我。願亞伯拉罕之上帝，拿鶴之上帝，及其祖之上帝，折中於爾我間。雅各惟指其父以撒所畏之上帝而誓。雅各在山獻祭，設席招其戚族，使共食餅，後宿於山。拉班夙興，接吻子女，祝嘏而返。

第二十二章 雅各復行，上帝之使逢之。雅各見之曰：此乃上帝之營，故名其地曰馬哈念。馬哈念卽二營遂遣人先往西耳地，以東田，見兄以掃，囑曰：可告我主，以掃云：主之僕雅各曰：我旅於拉班家，越

至今日有牛羊驢僕婢特遣人告主望沾主恩○其人反告曰吾儕至彼見爾兄以掃將率四百人來迎爾雅各悚懼不勝以從者及牛羊駝分爲二隊曰若以掃來擊前隊則後隊可逃○遂禱曰吾祖亞伯拉罕之上帝吾父以撒之上帝耶和華昔命我回故土故族許以恩待爾所施之恩寵真實无妄我不堪得昔我惟執一杖濟約但河今我羣從已成二隊我畏兄以掃恐其至擊我并擊妻孥故求爾拯我爾曾許以恩加我使我苗裔如海沙不可勝數○是夜雅各宿於彼簡所有者饋其兄以掃以爲禮山羊牝二百牡二十綿羊牝二百牡二十牝駝與子三十牝牛四十牡牛十牝驢二十小驢十遂別爲羣付與僕手曰爾往前途使各羣相距皆有隙地囑其前者曰若我兄以掃遇爾問爾爲誰牧將往何地此畜果誰所有乎則當言此乃禮物爾僕雅各饋吾主以掃者雅各在後將至再遣之僕三遣之僕及凡驅羣畜者囑之云若遇以掃當亦如是以言必曰爾僕雅各在後將至蓋雅各自謂必以前行之禮物使兄復和然後覲面庶幾接我乃命禮物先行雅各是夜宿於營中夜未央卽起使二妻二婢及十一子濟雅泊渡眷聚既濟凡所有亦濟○雅各獨留遇一人與之角力迄於黎明相角之時其人自知不勝擊雅各髀傷之曰天將明矣請釋我去雅各曰不爲我祝福必不容爾去曰爾何名曰雅各曰今以後不祇名雅各更名以色列蓋爾得志於上帝前與人爭無不勝雅各曰請以爾名告我曰曷問我名遂在彼錫嘏雅各名其地爲便以利曰我與上帝晤對而覲其面我命尙其可保日出時雅各過便以利髀傷其行趨趨因其人擊雅各髀傷其巨筋故以色列人凡髀之巨筋至今不食云

雅各遙見以掃率四百人至，遂區別羣子，令利亞拉結及二婢率之。將二婢及其子置於前利亞及其子在中，拉結與約瑟在後，自前伏俯。至於七次，方與兄相近。以掃趨迎，抱頸接吻，彼此涕泣。以掃見婦與子，問爲誰。曰：蒙上帝恩，賜子與僕。二婢及其子前而拜。利亞及其子亦前而拜。後拉結與約瑟亦前而拜。以掃曰：適見羣畜，不知何意。曰：望沾恩於主。曰：我所有者足矣，弟所有者存之。曰：勿固却，若沾爾恩，請受其禮。蓋我覲爾面，蒙爾悅我，如覲上帝面然。上帝施恩我，綽有餘裕，請受所奉之禮物，促之然後受。以掃曰：我儕過征，我爲爾先導。曰：主知我之子女猶稚，我之牛羊方字，若疾驅之一日，而羣畜死矣。請主前往，僕率子女牲畜，依其所能，迤邐而進。至主所處西耳地。曰：我留從者數人，與爾偕行，如何。曰：焉用此，惟得沾主恩足矣。○是日，以掃返於西耳。雅各至數割，爲己築室，爲畜作廬，故其地名曰數割。敬利譯○雅各從巴坦亞蘭至迦南地，詣示劍邑，安然無恙。邑前張幕，出百金以與示劍之父哈抹子孫，購田一區，以張其幕。在彼築壇，稱其名上帝壇，卽以色列之上帝。

雅各有女底拿，利亞所出，往見鄰女，爲彼地牧伯希未人哈抹子示劍所見，誘其偕寢，而玷辱之。中心膠漆，戀愛甚篤，以甘言慰藉。示劍告父曰：願得此女爲室。雅各聞女被辱時，衆子在田牧羣，故緘口無詞，以待子歸。○示劍父哈抹至，與雅各語。雅各衆子自田歸，聞示劍與妹偕寢，干犯以色列族行所不當行，不勝憂忿。哈抹告之曰：我子示劍之心，眷戀爾女弟，請與之爲室。爾曹與我儕，可相嫁娶，爾女可與我，我女任爾娶。如是，爾我偕居，地具在爾前，居此貿易，享其

土宜示劍告女之父兄曰望沾爾恩任爾所求我無不與爾欲厚其聘豐其禮惟命是從第以女子我爲室雅各衆子因妹已被辱詭詞對哈抹示劍曰此事不可行人未受割禮而我以妹與之自取辱耳若爾曹效我咸受割禮則可從爾言如是我儕以女嫁爾亦娶爾女彼此共居同一民族若不聽我言不受割禮我則攜妹而去哈抹與其子示劍善其言示劍爲宗黨所推尊因愛雅各女故從言勿緩○哈抹與示劍遂至邑門與民相語曰雅各一家與我甚睦地又廣闊蓋容其居此貿易我娶其女我女嫁彼但我衆有丁男必受割禮與彼相同則其人願與我居同一民族我若許之使與我同居則其牛羊貨財皆歸我矣凡有男子出自邑門者聽哈抹示劍之言悉受割禮○越三日痛未痊雅各二子底拿兄西面利未各執刃毅然侵邑殺其丁男以刃戮哈抹及示劍攜底拿出其室而去雅各衆子因妹受辱剝其衆尸刳其邑物奪其牛羊驢與在邑在田之所有盡攘其貨財俘其妻子遷其器皿雅各謂西面利未曰爾曹累我令我遺臭於迦南比哩洗地且我寡彼衆必聚而攻我殲吾家室曰其待我妹若妓將若何

上帝諭雅各曰昔爾避兄以掃我於伯特利顯現與爾今起往彼而居築壇祭我雅各命家人與從者云外人之上帝爾當棄之更衣自潔昔我遭難上帝眷顧之我行於途上帝庇佑之今當赴伯特利在彼築壇獻祭遂以異邦上帝之像及耳環以子雅各藏之示劍椽下遣征前往上帝使四邑之民咸懼故迫雅各子者迄無一人○雅各與從者至迦南路斯是邑亦名伯特利昔雅各避兄以掃上帝顯現故在彼築壇名其地曰益伯特利時利百加媪底破喇死葬於

伯特利椽下，名其樹曰亞倫巴哭。

亞倫巴哭  
譯即哭椽

○雅各自巴坦亞蘭歸，上帝復顯現，錫嘏曰：爾素名雅

各，斯後不第稱此，可更名以色列。遂稱曰以色列。又曰：我乃全能之上帝，使爾生育衆多，以成羣

族。列王皆由爾出。我所賜亞伯拉罕以撒之地，亦將錫爾，延及苗裔。上帝言竟，上升。雅各卽於上

帝與言之處，立石爲柱，沃之以膏，奠之以酒。上帝與雅各語，雅各名其地曰伯特利。○由伯特利

徙去，以法大無幾，拉結臨產艱危，難產之際，收生者曰：毋懼，爾又將得子。氣將絕時，拉結名其子

曰便阿尼而死。父命名便雅憫。拉結死，葬於以法大途側，後名伯利恒。卽其地。雅各立柱於拉結

之墓，至今猶存。○以色列徙過以特臺而張幕，以色列居彼，聞流便悉其妾辟拉。雅各有十二子，

流便、西面、利未、猶大，以薩迦、西布倫、利亞所出。約瑟、便雅憫、拉結所出。但、納大利、拉結婢辟拉所

出。迦得、亞設、利亞婢悉帕所出，是皆雅各於巴坦亞蘭所生。○雅各至慢哩亞巴邑，見父以撒，昔

亞巴卽希伯崙，亞伯拉罕與以撒會旅於此，以撒享壽一百八十歲，壽高年邁，氣絕而終，以返其

本，其子以掃雅各葬之。

○以掃卽以東，其裔如左，以掃娶迦南二女爲室，其一赫人，以倫女亞大，其一希未人

祭便孫，亞拿女亞何利巴馬。又娶以實馬利女尼排約妹巴實抹爲室，亞大生以利法，巴實抹生

流耳亞何利巴馬，生耶是、雅蘭，可喇。此皆以掃於迦南地所生。以掃率其妻與子女家人羣畜牲

牲，及在迦南所獲者，往詣他方，離弟雅各。蓋二人財貨充盈，牲畜成羣，所旅之地褊小，不能同居。

○以掃居西耳山，爲以東族人之祖，其裔如左，以掃衆子之名，備載於後，其妻亞大生以利法，巴

實抹生流耳。以利法生提慢。阿抹西波。迦但基納。以利法妾亭納。生亞馬力。此皆屬以掃妻亞大者。流耳生拿轄。西喇沙馬。米撒。此皆屬以掃妻巴實抹者。○祭便孫亞拿女亞何利巴馬生耶是雅蘭。可喇。○以掃衆子中有伯爵者。其畧如左。以掃冢子以利法子孫中有提慢。伯阿抹。伯西波。伯基納。伯可喇。伯迦但。伯亞馬力。伯此皆以利法族在。以東地。屬於亞大者。○以掃子流耳子孫中有拿轄。伯西喇。伯沙馬。伯米撒。伯此皆流耳族在。以東地。屬於以掃妻巴實抹者。○亞何利巴馬子孫中有耶是。伯雅蘭。伯可喇。伯此皆屬於以掃妻亞拿女亞何利巴馬者。上所記諸伯皆以掃卽以東子孫。有素居是地者。何哩人西耳子孫。其畧如左。羅單說八祭便亞拿底順。以察底山。此皆以東地何哩人西耳子孫。而爲伯者。羅單生何利希慢。羅單之女弟卽亭納。說八生亞勒文。馬拿轄。以八示波。阿南祭便生亞雅亞拿。當時在野牧父祭便驢。得溫泉者。卽亞拿亞拿生底順。與女亞何利巴馬底順生欣但。一是班益蘭基蘭。以察生辟罕。撒番亞。底山生烏士亞攔。何哩族諸伯。其畧如左。羅單伯說八伯。祭便伯亞拿伯底順伯。以察伯底山伯。此皆何哩族。在西耳地者。當以色列族未有王時。惟以東地有王。其名如左。庇耳子庇拉爲王。於以東地都停哈巴。庇拉薨。破斯喇人西喇子約八卽位。約八薨。提幔人戶山卽位。戶山薨。庇撻子哈撻卽位。都亞味得。昔於摩押平原擊米田族者。卽此王也。哈撻薨。馬士哩迦人三拉卽位。三拉薨。河傍哩河伯人掃羅卽位。掃羅薨。亞革破子巴勒哈南卽位。巴勒哈南薨。哈達卽位。都於保其。后卽米薩合孫馬特列女米希大別。以掃族衆伯。依其世系居處名氏。其畧如左。亭拿伯亞勒瓦伯。耶帖伯亞何利巴馬。

伯以拉伯、比嫩伯、基納伯、提慢伯、密薩伯、麥鐵伯、以蘭伯、以上所載無不依其居處產業而爲以東地之伯、以東族之祖、卽以掃是。

雅各居迦南、卽父所旅之地、其畧如左、約瑟年十有七、偕兄牧羊、少時與庶母辟拉悉帕所出者爲侶、以其過告父、以色列之生約瑟也、年已邁矣、故愛之過於諸子、爲製彩衣、諸兄見父愛約瑟過於己、故憾之、不以善言相加、○約瑟有夢、述於諸兄、由此諸兄銜憾益深、約瑟曰、我所夢者、請聽之、我儕於田東禾、我所束者、起而立、爾所束者環而拜、諸兄曰、爾果將統轄我乎、抑治理我乎、故因其夢與言而益憾、約瑟復夢、告諸兄曰、我夢得其二矣、有日月十一星皆拜我、約瑟以此夢告父兄時、父叱之曰、爾所夢者何歟、我與汝母汝兄、果將俯伏爾前乎、父誌其事、兄嫉約瑟、○諸兄往示劍、牧父羣畜、以色列語約瑟曰、來、爾兄牧於示劍、吾將遣爾、曰、我在此、曰、往觀諸兄、及牲畜、可皆無恙乎、爾返告我、遂遣之、自希伯崙谷至示劍、○躑躅田間、或遇之、曰、爾何求耶、曰、求我兄、彼牧羊何所、請告我、曰、已去此矣、我聞其言、將往多丹、約瑟追之、果在多丹、未至、諸兄遙見、共謀殺之、相語曰、作夢者來矣、莫若殺之、棄於井、流言爲惡獸所食、後觀其夢果驗否、流便聞之、欲救約瑟、曰、莫傷其命、流便欲援之、歸父、故曰、勿流其血、勿害其身、曠野有井、投之於中可也、○約瑟至、兄褫其彩衣、投諸智井、遂坐食餅、遙見以實馬利人、成隊以至、驅羣駝、負香料、乳香、沒藥、自基列來、欲往埃及、猶大謂諸兄曰、殺弟而匿其血、何益之有、此乃我手足之親、毋戕其生、莫若鬻與以實馬利人、兄弟允之、以實馬利人素居米田、爲買於外、將經其處、諸兄乃援約



瑟出井，鬻之於賈，獲金二十。以實馬利人挈約瑟往埃及。○後流便至井，窺約瑟不在，遂裂己衣，返見諸弟曰：「童子不在，我將何歸？」諸昆弟宰山羊之羔，濡約瑟衣於血，遣人攜衣歸父曰：「我儕得此，試觀果爾子之衣否。」雅各視之曰：「誠吾子之衣也，是必爲惡獸所食，肢體斷傷無疑矣。」雅各遂裂己衣，衣麻慘傷，幾歷歲月。子女羣來相勸，父不受慰，曰：「我必悲哀，至於幽冥，就子乃已。」父之痛子如此。米田賈攜約瑟至埃及，鬻與法老臣侍衛長波提乏。

維時猶大離諸昆弟，就亞士蘭人希喇。在彼見迦南人書亞女，娶之爲室。婦妊生子，命名曰：「再妊生子。」命名阿楠。復妊生子，命名示拉。時猶大居於基悉。猶大爲長子，啞娶室名大馬。啞作惡於耶和華前，而耶和華殺之。猶大命阿楠曰：「當與嫂同室，生子以嗣兄。」阿楠知子不歸己，雖與嫂偕寢，不欲生子，爲兄嗣續。以此不悅於耶和華，耶和華亦殺之。猶大恐季子亦死，如二兄然，故謂其媳大馬曰：「盍居我家，守志勿嫁，待吾子示拉長。」遂居父家。○久之，猶大妻書亞女死，猶大納慰與友亞士蘭人希喇往亭訥，翦羊毛。或告大馬曰：「汝舅往亭訥翦羊毛。」大馬知示拉雖長而已，未得嫁之，故去喪服，以帕蒙面蔽體，坐亭訥。途側二泉之處，猶大見其蔽面，以爲妓，不知爲媳。途側就之曰：「與爾偕寢可乎？」婦曰：「何以贈我？」曰：「必遺山羊之羔。」曰：「以何爲質而待羔至？」曰：「爾欲何質？」曰：「爾印及紳與杖，乃畀之。」遂薦寢焉。婦卽懷妊起而去，脫帕，仍衣喪服。猶大託友亞士蘭人遣之羔，欲取其質，而不見婦。問居民曰：「途側二泉處，有妓安在？」曰：「此地無妓。」返見猶大曰：「求之不得，居民亦言彼地無妓。」猶大曰：「任婦得質，若遍求之，適足增羞，吾曾遺羔，不得其人矣。」○越三月，

人告猶大云爾媳大馬有淫行。今已懷妊。猶大曰。曳出焚之。既出。遣人謂舅曰。投贈之主。使我懷妊。試觀此印。及紳與杖。屬誰。猶大識之曰。不嫁之與示拉。我過矣。婦過較我爲輕。嗣後猶大與之絕。○臨產。知其孿生。產際。一子先出其手。收生者以絳絲繫之。曰。此首出也。手入他子生矣。收生者曰。爾何坼之。此爾自坼。故命名法勒士。法勒士其手繫絳絲者後出。命名撒拉。

**第三十九章** 以實馬利人攜約瑟至埃及。繫於法老臣。法老臣侍衛長波提乏。約瑟於埃及家爲僕。耶和華祐之。使之亨通。厥主見耶和華祐之所爲。無不亨通。故加以恩。使常侍左右。統轄全業。悉以所有歸其掌握。嗣後耶和華爲約瑟故。錫嘏於其主。凡在室在田。咸蒙其祉。主悉以所有歸約瑟掌握。於己所食外。不知有長物。約瑟丰采甚都。久之。主母目約瑟曰。與我偕寢。約瑟不從曰。主已不與家事。以凡所有歸我掌握。家之中我爲督。我有作爲。主不禁禦。但汝乃其妻。我不可犯。安可自干元惡。獲罪於上帝。婦日誘之。約瑟不聽。非惟不與同寢。亦不與共在。一日入室治事。旁無侍從。主母執其衣。曰。與我同寢。約瑟棄衣而遁。主母見其遁。棄衣在手。則呼家人曰。主使希伯來人至此。辱及我儕。適入室中。欲我薦寢。我厲聲號呼。彼聽我聲甚厲。棄衣而遁。婦存其衣。以待主歸。既至。則告曰。爾所得之希伯來僕。入以辱我。我厲聲號呼。彼方棄衣而奔。主聞妻言。知僕行是。則怒甚。執約瑟下囹圄。其地爲犯王章者所幽囚之處。約瑟既下獄。蒙耶和華祐。特矜恤之。令沾恩於司獄。司獄以獄囚悉畀約瑟掌理。獄中所爲。惟約瑟是問。司獄不自理獄事。悉歸約瑟。蓋耶和華祐約瑟。凡其所行。無不亨通。

瑟幽囚之地。侍衛長使約瑟待其側。二人久困於獄。酒正膳長於獄中。同夜得夢。夢各不同。不知何兆。約瑟朝入。見其有憂色。問曰。今日何以有不豫色。然曰。我儕得夢。無人能占其兆。約瑟曰。占其兆者。由於上帝所示。請述其詳。酒正以夢告曰。夢有葡萄樹於前。樹有三枝。萌芽舒蕊。結實纍纍。然吾執法老爵摘實取汁。傾於其中。以奉法老。約瑟曰。三枝者。三日也。三日間。法老將使爾出獄。復爾職。仍爲酒正。奉爵法老。此卽其兆也。爾若得志。請垂念我。施恩於我。爲我告法老。拯我出此。我昔被掠出希伯來境。在此我亦未嘗妄作。而人乃幽囚我。膳長見兆吉。則謂約瑟曰。我亦夢有三白筐。戴於首上。筐盛法老所食之炙饌。有鳥啄之。約瑟曰。三筐者。三日也。三日間。法老將使爾出獄。懸爾於木。鳥啄汝肉。此卽其兆也。越三日。法老誕賜宴羣臣。召酒正膳長。使之出獄。復酒正職。奉爵於前。懸膳長於木。而約瑟所示之兆。悉應。然酒正不念約瑟。竟忘之矣。

第二二年。法老夢立於河濱。見七牛由河出。體肥且美。醫薦於田。又見七牛由河出。色惡且瘠。與前所見之牛。立於河濱。其惡且瘠者。吞其肥而美者。法老乃寤。復夢見一莖生七穗。旣佳且實。又見七穗。細弱特甚。暴於東風。其佳且實者。反爲細弱。所吞法老寤。知爲夢。味爽。中心憂疑。召埃及博士哲人。以夢告之。皆弗識其兆。○酒正告法老曰。吾憶昔日獲罪。法老怒臣及膳長。同囚於侍衛長之獄。我二人同夜得夢。夢各不同。不知何兆。在獄有希伯來少者。侍衛長之役。我以夢告之。其占我夢。各示以兆。占無不應。臣得復職。膳長懸木。○法老召約瑟。速之出獄。糴

髮易衣以覲法老。法老謂瑟曰：「我得一夢，無人識其兆，或告我言爾聞夢，卽識其兆。」約瑟對曰：「非臣所能知也。願上帝以平康之兆，賜於法老。」法老曰：「我夢立於河濱，見七牛由河出，體肥且美，齧芻於田。又見七牛由河出，色惡羸瘠，其牛之惡，遍埃及未之見也。其惡且瘠者，吞其前所見之肥牛。既吞，依然羸瘠，若未嘗入腹然。於是我卽寤。復夢見一莖生七穗，佳且實。又見七穗，枯而細，暴於東風。佳者反爲細者所吞。我以此夢告諸博士，皆弗能占。」約瑟告法老曰：「法老之夢，其兆維一，上帝有所爲，先示於王。」七美牛者，七年也。七佳穗者，亦七年也。其兆相同。後七牛惡且瘠者，七年也。細弱之七穗，暴於東風者，七饑年也。我言上帝欲有所爲，先示於法老者，正如是。遍埃及地，必大有七年。其後必繼以荒歉七年，使埃及及疲敝，不知前此之富歲。蓋後至之凶荒特甚，故前日之豐稔不知也。上帝定此，將速成之，故使法老復夢，可擇智慧之士，治理埃及，亦立羣督於國，使七豐年中，田所出者，五分取一，斂豐年之粟，積之於廩，守之於城。存此粟爲將來埃及地七凶年之用，庶幾其國免於喪敗。法老與羣臣善其言。法老謂臣曰：「如此之人，蒙上帝之神賦之，豈易得乎？」又謂約瑟曰：「上帝旣以此示汝，故爾智慧，無人可與比擬。爾可治我家，我民必遵爾命，獨於國君之位，則我爲尊。」又曰：「我舉爾統轄埃及，遂脫指環，授約瑟手衣，以棉衣復以金索垂其項，乘以次輅，前驅者呼曰：『跪，自是立爲通國之宰。』」法老謂約瑟曰：「我乃法老，遍國中無敢擅作，惟爾命是聽。」○法老賜約瑟名曰「撒納巴尼」，以安之。祭司波提非拉女亞西納婁之。約瑟覲埃及王法老時，年已三十，遂遍巡埃及四方。七豐年中，物產豐腴，約瑟斂其國之糧，儲於邑，各邑郊之糧，儲於邑。

內遂積粟如海沙之衆不可量數多故也。荒年未至，約瑟妻安之祭司波提非拉女亞西納生子。長子命名馬拿西，曰：上帝使我不復念昔於父家受諸艱苦。季子命名以法蓮，曰：我至斯土，已歷困苦，上帝反使我昌熾。○埃及地富饒已歷七年，而七年之凶荒繼至，應約瑟言，時列國皆饑，惟埃及地尚有倉儲。埃及民饑，號呼求食於法老。法老曰：往見約瑟，所命必行。通國之凶荒已甚，約瑟遂啟倉箱，糶粟於埃及人。天下既荒，故列國人至埃及乞糶於約瑟。

雅各知埃及有粟，謂衆子曰：爾曹何觀望乃爾？我聞埃及有粟，可往糶之，以延生命，免於死亡。約瑟諸昆十人，遂往埃及糶粟。其弟便雅憫，雅各不遣之，偕行恐罹災害。○迦南地饑甚，人羣至埃及糶粟。以色列衆子亦在其中。約瑟得秉國鈞，糶粟於兆民，諸昆至，俯伏以拜。約瑟見而識之，佯爲不知，此曰：爾何自？曰：自迦南地來乞糶。約瑟雖識諸昆，而諸昆不之識。約瑟憶前夢，語諸昆曰：爾曹乃偵者，今來此，特窺吾國之虛實耳。曰：吾主，僕不若此，祇爲乞糶而來。我儕皆同父者，素行篤實，豈偵者哉？曰：不然，爾今來此，蓋窺吾國之虛實耳。曰：僕昆弟十有二人，迦南地一父所生，一弟已亡，季者偕父。約瑟曰：爾誠偵者，我言不虛。吾指法老以誓，未攜季者至，不許爾出此，以徵爾言之真偽，必禁錮爾曹。惟遣一人，攜爾弟至，藉徵爾言之真偽，非然，我指法老以誓。汝果偵者，遂幽於獄。至三日，則語之曰：我畏上帝，特施一策，爾從之則得生。爾果篤實，則禁一人於獄，其餘載粟以歸，救爾家之急。攜季者至，以徵爾言之真偽，庶可免於死亡，乃遵命以行。○相語曰：昔吾儕因弟而獲罪，我見其乞憐，不諒其苦衷，置若罔聞，故遭此難。流便曰：我豈不曰：莫害

孺子惟爾不聽，故流厥血之罪，今歸於我。初約瑟與之言，藉譯以傳語，今十人各言方言，意約瑟不知，而約瑟已知之，退而哭，復出與語，自衆中取西面繫之於前，命以粟充衆囊，陰反其金，饋之以贖，其待之若此。○九人負粟於驢而去，至憩息所，一人啟囊以粟餉驢，見金在囊口，告兄弟曰：人反我金，猶在於囊，衆心危懼，相告曰：上帝之待我如此，曷故？○歸迦南地見父，以其事告之，曰：國宰叱我，以我爲偵者。我曰：我儕素篤實，非偵者。昆弟十有二人，一爰所生，一弟已亡，季者偕父於迦南。國宰謂我曰：若爾果篤實，有一策可施，爾兄弟中必留一人於此，其餘載粟以救爾家之急。後攜季者至，則知爾誠篤實，非偵者也。我乃反爾兄弟，爾可貿易於國，遂傾其囊，各人所緘之金，具在，父子凡之皆懼。雅各謂衆子曰：爾曹喪我子矣，約瑟已亡，西面亦亡，今欲取便，雅憫此皆害及我身，流便告父曰：請付於我，我必反之，不然，殺我二子以償。曰：我必不使幼子與爾偕往，其兄已亡，彼卽斃然，如途間遭害，則我皓然白首，淒涼歸墓，皆爾之過也。

四境內饑甚，埃及所運之粟已罄。父曰：復往，少爲乞糴。猶大曰：其人實告我曰：如季者不來，不得覲我面。若遣弟偕往，則可乞糴。不然，則不可往。蓋其人曰：如季者不來，不得覲我面，以色列曰：何以有弟告之，因而害我。其人詳詰我戚族云：爾父尚在，猶有弟否？我以實告，豈知其命我攜弟來耶？猶大謂以色列曰：遣弟與我偕往，汝我子女均可相保，不至死亡。我保幼弟，其責在我，如不攜歸，置於爾前，我畢生負疚。若無濡滯，已往返者再。以色列曰：若然，我有一策，探地佳品，載之於器，爲禮以饋之。乳香、野蜜、少許，香料、沒藥、榲子、杏仁、挈金乞糴，倍其前數，昔得于囊之

金悉返之，恐其或有差謬也，更攜幼弟，再往見其人。願全能之上帝，使爾獲寵於其人前，遣爾兄與便雅憫歸，若我喪子，則亦已矣。○遂取禮物，挈前金倍其數，偕便雅憫詣埃及，立約瑟前。約瑟見便雅憫偕至，則謂家宰曰：「導此人歸，宰牲設席，是日亭午，我將與之共食。」家宰遵命，導之以歸。十人咸至，約瑟家則懼，相語曰：「緣昔有金於囊，故招我入，欲乘隙猝來，執我爲奴，而攘我驢。」乃於門側語其家宰曰：「長者歟？昔我來此，乞糴歸至，憩息所，啟囊見我儕之金猶在，計其數，無少缺，今我反之。」此外尚攜金乞糴，藏金於囊，不識誰爲。曰：「毋懼，安爾心，爾之上帝，卽爾父之上帝，生財於爾囊，爾金我已受之矣。」遂出，西面相見。○咸導入室，俾水濯足，且飼其驢。昆弟十一人聞將食於此，故備禮物以待。約瑟亭午歸，既至，昆弟陳禮物於室，俯伏拜之。約瑟問安曰：「汝前言父已老，不識尚在無恙乎？」曰：「吾主之僕，我父尚在無恙，遂稽首俯伏。」約瑟見同母弟便雅憫，曰：「爾前言之季弟，卽此人乎？願上帝施恩於孺子。」約瑟因弟，中心如焚，急擇一所潛焉，出涕，故入室而哭。後饋面出，強制其情，命肆筵設席，既設，約瑟一席，十一人一席，共食之。埃及人一席，緣埃及人與希伯來族同席，以爲不屑。約瑟命諸昆弟列坐於前，長先幼後，彼此駭異。約瑟饋饌與衆，昆弟惟便雅憫之饌獨盛，且五倍之，遂飲同樂。

**第四十五章** 約瑟命家宰曰：「以粟充其人之囊，依所能負，仍反其金，以我銀爵與乞糴之金，置於季者囊。」家宰遵命。黎明，人與驢俱遣之去。距邑未遠，約瑟謂家宰曰：「往追其人，及之，則曰：『曷以惡報善乎？』吾主所飲之器，用以卜者，豈非此耶？」爾行是，不良孰甚。追既及，如言以告。十一人曰：「長者

何爲出此言也。此事僕斷不爲。向者得金於囊，我自迦南來，卽反於爾，則我豈竊金銀於主室乎。可索僕中，誰藏此物，卽當死。我衆爲爾之奴。曰：如爾言，藏此物者，當爲我奴，餘皆無辜。各人急下囊，啟之家，宰遍索，自長迄幼，得爵於便雅憫囊。衆裂衣，使驢負載，仍返於邑。○猶大與昆弟至，約瑟適在室，俯伏拜之。約瑟曰：爾所爲者何歟？人而若我，能卜而識之，爾豈不逆料乎？猶大曰：我儕告主，豈尙有言辭，焉能自伸，上帝摘僕之咎。遇有爵於其手者，與我儕咸爲主之奴。約瑟曰：不可。第遇有爵於其手者，則爲我奴。爾衆安然以歸，返見爾父，可也。○猶大前謂約瑟曰：主與法老，若同一體，僕有一言，告於主前，主毋怒。昔主問僕云：有父與兄弟否？僕告主曰：有。父年老，生季子，其同母之兄亡矣，其母惟遺此子，父絕愛憐。主命僕攜之至，欲目覩之。僕告主曰：彼與父，不能暫離，恐別父則父死。主命僕曰：若季弟不至，爾曹不復覲我面。僕旋歸，見吾主之僕我父，則以主言告我父曰：復往，少爲乞糴。僕曰：若季弟偕往，則可，否則不可。蓋季弟不同行，則其人之面，我不能覲。吾主之僕我父告我曰：爾知我妻拉結，惟生二子，一出不歸，我曰：必死於獸，至今不得見。一子尙存，今爾欲攜之去，設遭災害，是使我皓然白首，淒涼歸墓。今歸見吾主之僕我父，而季弟不與我偕，將若何？况父惜季弟如命，既見其不同歸，父必死。如是，僕將使吾主之僕我父，皓然白首，淒涼歸墓。蓋僕保此子於父前，曰：如不攜之歸，我畢生負疚。今僕願代季弟居此，爲吾主之奴，容季弟偕兄歸。如我歸而季弟不歸，見父遭禍，吾何忍乎。



及人與法老內庭悉聞。約瑟謂兄弟曰：我乃約瑟，吾父尚在乎。諸昆弟懼，不能措一詞。約瑟曰：爾來前則皆前曰：吾乃爾弟約瑟，昔爾鬻於埃及者，勿緣此自憂，蓋上帝遣我先爾而至，以保爾命。今在境內，已饑二年，更有五載，必無稼穡。上帝遣我先爾而至，存爾後嗣，大援其手，以保爾命。我之至此，非爾所遣，上帝所遣，使我於法老尊同其父，兼司宗室，治理通國。爾可速返，見父告之曰：汝子約瑟言，上帝立我爲埃及宰，請來此，毋稽留。爾及子孫牛羊，與凡所有，居於珂山，與我伊邇。饑饉尚有五年，我供養爾庶免眷聚，與凡所有者匱乏。我親與爾言，爾曹與弟便雅憫皆目覩之。我在埃及所得之顯榮，爾所共見，速返告父，迎之至此。遂抱弟便雅憫頸而哭，便雅憫亦抱其頸而哭。約瑟與諸昆弟接吻而哭，昆弟始與之言。○有聞於法老宮曰：約瑟之兄弟至，法老與其臣皆悅。法老命約瑟曰：可囑兄弟，使畜負物，而往迦南，迎父與眷聚就我，我必以埃及嘉物賜爾，享地之膏腴，必遵我命以埃及之車迎父以至，并載妻孥。遍埃及之嘉物皆以賜爾，毋惜爾之器皿。以色列諸子遵言而行，約瑟循法老命，給之以車，饋之以驢，各贈衣一襲，贈便雅憫金三百，衣五襲。其饋父也，牡驢十，負埃及之嘉物，牝驢十，負粟與餅糧，以爲父贖。遣兄弟歸曰：途間毋相爭競。○遂離埃及至迦南，見父雅各，各告之曰：約瑟尚在，爲埃及通國之宰。雅各不信，不以所言動其心。諸子以約瑟言告父，雅各見約瑟遣車載已，其神活潑，曰：足矣，我子約瑟尚在，我未死，必往見之。

第四十六章 以色列攜凡所有，往至別是巴，獻祭於父，以撒之上帝。至夜，上帝於異象中，呼以色列

列曰雅各雅各曰吾在此曰我乃上帝卽爾父之上帝爾往埃及勿懼我必昌熾爾族使成大國我將導爾至埃及歸爾骨於故土約瑟將按手於爾使爾瞑目雅各離別是巴衆子以法老所遣之車載其父爰及妻孥雅各驅羣畜攜迦南所有之貨財及子女與孫戚族咸至埃及○以色列衆子至於埃及者其畧如左雅各長子流便流便生哈諾法路希斯崙迦米西面生耶母利雅民阿轄雅斤鎖轄少羅少羅乃迦南女所出利未生革順哥轄米喇哩猶大生明阿楠示拉法勒士撒拉惟哩阿楠死於迦南法勒士生希斯崙哈母勒以薩迦生陀拉孚亞約百伸崙西布倫生西烈以倫雅利此雅各子孫與女底拿生於巴坦亞蘭屬利亞所出者共三十三人伽得生西非翁哈基書尼以士本以哩亞囉底亞哩亞設生音拿以書亞以書以庇哩亞及妹西喇庇哩亞生希百林結此雅各子孫屬拉班所賜利亞婢悉帕所出共十六人雅各之妻拉結生約瑟便雅憫約瑟在埃及娶安之祭司波提非拉女亞西納生馬拿西以法蓮便雅憫生庇拉庇結亞實別其喇乃慢以希囉實母平戶平亞勒此雅各子孫屬拉結所出共十四人但生戶伸納大利生雅泄姑尼耶色示臉此雅各子孫屬拉班所賜拉結婢辟拉所出共七人○屬於雅各同來埃及者共六十六人所娶之媳不與焉約瑟於埃及所生者二人於是雅各眷聚至埃及者共七十人○雅各遣猶大前往見約瑟導至珂山遂至珂山約瑟備車往珂山迓父見之抱頸而哭不輟以色列謂約瑟曰爾其尚存余猶及見雖死無憾約瑟謂父兄曰我將覲法老告之曰昔在迦南我之弟兄及眷聚咸至彼有羣畜以牧爲業今驅牛羊及凡所有而至倘法老召爾問汝何業爾當告曰

僕與祖宗自幼迄今，牧畜爲業。蓋埃及人視牧者爲不屑，必以珂山爲爾居地。

約瑟觀法老，告曰：我之父兄驅牛羊攜所有自迦南至，今在珂山。約瑟簡兄弟五人，導見法老。法老曰：爾操何業？曰：僕與祖俱牧羊。近者迦南饑甚，牲畜無芻，故欲旅此。求法老許僕居珂山。法老諭約瑟曰：爾之父兄既至，埃及之沃土，任爾自擇，可使爾父兄居珂山。諸昆弟中有能力者，使爲我牧畜長。○約瑟導父觀法老，雅各爲法老祝嘏。法老問雅各年幾何矣？雅各曰：余旅世年百有三十，較祖旅世之年少，不能相及，且多歷艱苦。雅各再爲法老祝嘏而退。○約瑟循法老命，以埃及之沃土，蘭塞境，賜父兄爲業。約瑟供養父兄眷聚，視其應需而給之。○饑既甚矣，四方無糧，埃及迦南無不窮乏。埃及與迦南人，以金易粟。約瑟斂二地所有之金，儲於法老之庫。民間金盡，埃及人見約瑟曰：金盡矣，請予我食，否則斃於爾前。將若何？約瑟曰：金既盡，盡以畜易粟。民牽羣畜就約瑟，約瑟以粟易其馬、牛、羊、驢，是年因易其畜，給之以糧。○歲終，明年又至，曰：我主之前不敢隱，我金已盡，羣畜悉歸吾主，我無所有，惟身與田。主何忍見我身死，而田不治，願以身及田易粟，我與吾田爲法老所得，第給我以種田，不至於荒蕪，命不至於死亡。饑甚矣，埃及人各鬻其田與法老。約瑟爲法老購之。移埃及四境之民於城邑。惟祭司之田不售，蓋法老頒糧與祭司，祭司食其糈，故不鬻田。約瑟告民曰：今我爲法老購爾及爾田，有種於此，播田可也。穡時當五輸其一，以納法老，四分歸爾，爲種以播田，亦爲爾及爾眷聚所食。曰：爾援我命，願沾主恩，爲法老僕。約瑟立埃及田賦之法，五輸其一，以納法老，獨祭司之田不歸法老，至今猶然。○以色列族

居埃及之珂山，在彼獲業，生育衆多。雅各居埃及十有七年，享壽一百四十七歲。以色列死期將至，召子約瑟曰：如爲爾所愛，則當置手於吾髀下，必善待我，眞實無妄，誓勿葬我於埃及。我欲與祖父同墓，必攜我骨出埃及，歸葬於先人之兆。曰：惟命是聽。曰：必發誓。卽誓之。以色列乃倚牀而拜上帝。倚牀歎曰：埃及

**第四十八章** 厥後，或告約瑟曰：爾父有疾，約瑟攜二子，馬拿西，以法蓮至。或告雅各曰：爾子約瑟來見。以色列強坐於牀，謂約瑟曰：昔在迦南之路斯，全能上帝顯現，錫嘏於我。曰：我必使爾生育衆多，爲羣族祖。以斯土錫爾，爰及苗裔，以爲恒業。我未至埃及，爾所生二子，以法蓮，馬拿西，當視爲吾子，比之流便，西面。嗣後有所生，則爲爾子，必與兄弟共其業。昔我自巴坦至迦南，途間，去以法大無幾，拉結死，我葬之，以法大途側，後名伯利恒，卽此地。○以色列見約瑟二子，曰：此爲誰。約瑟曰：蒙上帝於斯土，賜我二子。曰：可攜之前，我爲祝嘏。以色列年邁，目昧不明，約瑟攜子於前，以色列吻而抱之，謂約瑟曰：吾不意覲爾面，上帝復使覲爾子。約瑟令二子暫離膝前，而自拜伏於地。後攜二子，右執以法蓮，向以色列左，左執馬拿西，向以色列右，如是而前。以色列以右手按季子，以法蓮首，左手按長子馬拿西首，非出無意。爲約瑟二子祝嘏，曰：昔我祖父亞伯拉罕，以撒所崇事之上帝，我生及今，牧我之上帝，拯我出患難之天使，願錫嘏童蒙，當爲吾子，爲吾祖父亞伯拉罕，以撒之孫，使昌熾於地。○約瑟見父以右手按以法蓮首，意有不悅，乃舉父手，欲自以法蓮首，移於馬拿西首。曰：吾父不可，此乃長子，請按右手於其首。父不許，曰：吾子，我知之矣。此子亦將


昌大爲一族之祖、惟季必超越於長、其裔必爲羣族祖。是日以色列爲二子祝嘏、曰、斯後以色列族將爲人祝、曰、願上帝賜爾福祉、若以法蓮、馬拿西然。於是立以法蓮於馬拿西之先。○以色列語約瑟曰、我死期將至、上帝必祐爾、使爾返於爾祖所旅之處。昔我以刃以弓、奪亞摩哩人之地、必以頒爾較諸昆爲尤多。

雅各召衆子曰、當集於前、我將以異日之事告爾。惟爾衆子、宜咸集、聽乃父以色列之言。我之冢子厥惟流便、我力方剛、始鍾爾身、有威有能、惟爾獨擅。然爾多欲、如水之沸、爾上父楊而汚之、故不卓越於昆弟間。西面利未兄弟也、詭詞約人、而行殘忍。詭詞二句或曰其六、是爲殘忍之器我心不願與同謀、我意不願與共會、其乘怒而殺人、其縱欲而圯垣。圯垣或曰七、是爲殘忍之器厥怒烈、厥氣暴、悉屬可詛、我必分之於雅各家、散之於以色列族。猶大歟、兄弟必頌美爾、爾父之子、伏拜爾前、爾必扼敵之吭。猶大若稚獅、見物則斷傷之、悠然而去、吾子如牡獅、伏視眈眈、亦猶牝獅、孰敢櫻之。猶大族中、代有秉鈞執政之人、待賜安者至、民咸歸之。繫厥驢於葡萄樹、亦維小驢於葡萄樹之佳者、以酒滌衣、以葡萄汁濯服。其目因酒而赤、其齒因乳而白。西布倫將居海濱、泊舟之所、界延西頓、以薩迦如健驢、臥於兩藩間、以靜逸爲可嘉、以土壤爲美觀、仔肩而負荷、入貢以服役。但將治其民、爲以色列族支派之一。但如蛇於途側、蝮於道旁、以傷馬足、乘者下墜。耶和華拯我、我所企望。伽得爲軍所侵、反襲其後。亞設藏有珍錯、王所食之甘旨、悉產其地。納大利歡聲如旣釋之鷹。約瑟如葱蘢之樹、植於泉旁、其枝蔓延踰垣。昔約瑟爲矢人所困、爭競而寤逐之。恃以色列有力之牧者、卽雅各

有能之上帝，故其弓仍勁，其手尙強。爾父之上帝，眷祐於爾，全能之主，錫嘏於爾，天上之繁祉，地下之名泉，產育乳哺之福。爾父之福，恒久不已，勝於亙古山嶽所出之寶物。昔約瑟遠兄弟而去，此福必歸其首，便雅憫如狼，斷傷牲畜，朝吞所獲，夕分所得。○此皆以色列十二支派，其父爲之祝嘏，各依其祚，而禱其福。父命之曰：我將返本當葬我於赫人，以弗崙田中之穴，附吾祖父側。昔亞伯拉罕自赫人以弗崙購迦南地，慢哩相對麥比拉田之穴，以爲塚地。族人於斯土葬亞伯拉罕，及其妻撒拉，亦葬以撒及其妻利百加，我亦葬利亞。其田與穴，購自赫人雅各命衆子畢，斂足於牀，氣絕返本。

約瑟俯於父面，涕泣而吻之，命延於家之醫士，以香料斂父尸，醫士斂之。斂尸四旬既畢，埃及人哭之七旬。哭期既竟，約瑟告於法老之臣曰：若蒙汝恩，請爾爲我求法老曰：吾父臨沒時，使我發誓，必葬之於迦南地，所備之墓，容我往彼葬父而返。法老傳諭，謂約瑟曰：爾父既令汝發誓，可往葬之。○約瑟遂往葬父。法老之臣工侍御暨埃及長老偕行。約瑟眷聚兄弟族人俱往，獨留孩稚牛羊於珂山。車馬同行，大衆成隊，至約但東亞達禾場，哭之甚哀。惟約瑟爲父悲哀七日。迦南居民見其在亞達禾場悲哀，則曰：埃及人大哀，故稱約但東之地曰亞伯麥西。亞伯麥西譯卽埃及人舉哀雅各衆子循父命而行，歸父骨至迦南葬於麥比拉田之穴，與慢哩相對。昔亞伯拉罕購自赫人以弗崙之塚地，約瑟葬父既畢，則與昆弟偕送葬者咸歸埃及。父既沒，約瑟昆弟懼曰：約瑟必憾我，念我舊惡而報。遂遣人見約瑟曰：父未沒時，已命我儕告爾云：昔諸昆仲待汝不善，吾今令爾

宥其過、惟我儕爲汝父上帝之僕、請赦我罪、約瑟聞言而哭。<sup>十九</sup>兄弟至前、俯伏曰、我儕願爲爾服役。約瑟曰、毋懼、報施在上帝、豈在我乎。<sup>我代上帝乎</sup>爾之待我、雖懷惡念、而上帝反使我有善遇、保兆人之命、至於今日。爾勿懼、我養贍爾及爾子女、遂以善言慰藉。○約瑟與戚族居埃及、享壽百有十歲。以法蓮之曾孫、與馬拿西之孫、馬吉之子、約瑟猶及見之、願復於懷。○約瑟謂兄弟曰、我死期將至、上帝必眷顧爾、導爾出斯土、反至所誓賜亞伯拉罕、以撒、雅各之地。約瑟使以色列族發誓云、上帝必眷顧爾、爾當攜我骨出於是邦。約瑟享壽百有十歲、乃終、人殮其尸、蓋棺於埃及。





出埃及記

○**第廿章** 以色列族與眷聚，偕雅各至埃及，其名備載如左。流便、西面、利未、猶大、以薩迦、西布倫、便雅憫、但、納大利、伽得、亞設，與在埃及之約瑟，屬于雅各者共七十人。約瑟與衆昆弟及同時之人，相繼而逝。以色列族生育蕃多，昌熾是邦，日以強大。○埃及新王即位，不念約瑟，告民曰：以色列族甚衆，其強過我，莫若施謀以制之，恐其衆多，乘敵至，合而攻我，離我國而去。於是法老建比東、蘭塞二邑爲府庫，役以色列人，負戴甚苦，立督以治其事，屈抑愈甚，生育愈蕃，故埃及人益忌之。嚴督其役，畀以重任，艱苦其身，陶瓦、擣土、力田，所服之役，無不以嚴。○希伯來族有收生者一名十拉，一名部亞。王命曰：爾爲希伯來婦收生，見其臨產，若生男則殺之，女則存焉。收生者畏上帝，不遵王命，竟存男子。王召收生者曰：爾不從命，存男奚爲？對曰：希伯來婦甚健，收生者未至，子已產矣。與埃及婦異，收生者畏上帝，上帝施恩，克昌厥後。以色列族生育衆多，日以強大。法老命其民曰：以色列族生男則溺於河，生女可全其命。

○**第廿一章** 有利未族人，娶利未族女，懷妊生子，見子岐嶷，匿之三月。不可復匿，則取萑爲箱，以石油瀝青塗之，納之其中，置於河濱。萑間，子之姊遙立，視其若何。○是時法老女臨河而浴，其婢遊於河濱，王女見萑間有箱，遣婢取之，啟見有子在焉，子哭，憐之曰：此希伯來人子。子之姊謂法老女曰：我往招希伯來乳媪，以哺此子，如何？曰：可。乃往招其母。法老女謂之曰：爲我哺此子，我予汝值，婦取子哺之。子少長，母攜見法老女，法老女以爲己子，命名摩西。蓋曰：我拯之於水。○摩西既壯，

至兄弟處見其負戴。又見埃及人擊其兄弟希伯來人。摩西顧左右無人，則殺埃及人，掩之以沙。明日又出，見希伯來二人鬪，謂不義者曰：何傷爾同儕？曰：孰立汝爲有司刑官以治我乎？昔殺埃及人，今欲殺我乎？摩西意謂事洩而懼，法老聞之，欲殺摩西。摩西避法老，往米田，坐於井側。○米田祭司有七女，皆來汲水，欲盈其槽，飲父羣羊。衆牧逐之，摩西助女以飲羣羊。諸女返見祖流耳，祖曰：今日爾歸何速？曰：有埃及人拯我，脫於衆牧手，亦爲我汲水飲羣羊。曰：其人安在，因何遺之？請來食餅。流耳欲摩西偕居，摩西悅，流耳以其孫西坡喇妻之，生子命名革順。蓋曰：我爲旅於異地。○歷年既久，埃及王薨，以色列族因服役良苦，太息號呼，聲聞於上帝。上帝聞之，追念素與亞伯拉罕以撒雅各所立之約，故眷顧以色列族，特垂念焉。

摩西見摩西回步履，則自棘中呼之曰：摩西摩西。曰：我在此。曰：爾勿前，解爾屨，爾立之所乃聖地。又曰：我乃爾祖之上帝，卽亞伯拉罕之上帝，以撒之上帝，雅各之上帝。摩西蒙其面，不敢覲上帝。耶和華曰：我鑒吾民，受苦於埃及，人督其役，上顧於我，惟我聽聞，知其殷憂。我降臨以拯之，脫於埃及人手，導出其境。以詣至曠至廣之地，其地產乳與蜜。卽迦南人，赫人，亞摩哩人，比哩洗人，希未人，耶布土人所處者。埃及人虐遇以色列族，其顧上聞於我，我已鑒之。今將遣爾見法老，導我民以色列族出於埃及。摩西對曰：我何人斯，焉得見法老，導以色列族出埃及乎？曰：我左右爾，爾導

民出埃及，必事我於此山。我非無徵以遣爾。摩西曰：我至以色列族，告曰：遣我者爾祖之上帝也。彼若詰我，上帝何名，將奚以對。上帝曰：我自有而恒有。爾當告以色列族曰：自有者遣我。又曰：必告以色列族遺爾者，乃其祖之上帝。亞伯拉罕之上帝，以撒之上帝，雅各之上帝。耶和華是。爾當告以色列族曰：自有者遣我。又曰：必告此我恒久之名，歷世爲誌。爾往屬以色列長老，而告之曰：爾祖之上帝亞伯拉罕，以撒，雅各之上帝。耶和華顯現於我，曰：我眷顧爾，爾於埃及所受，我無不鑒之。我將脫爾於苦厄，導爾出埃及，至迦南人赫人，亞摩哩人，比哩洗人，希未人，耶布土人之地。其地產乳與蜜。以色列長老必聽從爾。爾與之覲埃及王曰：希伯來族之上帝耶和華，已降臨於我，請許我詣野，歷程三日，以祭我上。帝耶和華。然我知不施其大有爲之手，則埃及王必不許汝往。故我將施我大能，行其異蹟，以擊埃及，行且釋爾。我將使我民得沾恩於埃及人，毋使徒手而去。諸婦必向鄰女，與旅於其家者，乞金銀服飾，飾其子女，如是使埃及人之物歸乎爾已。

第四章 摩西對曰：恐以色列族不信從我言。耶和華不顯現於我。耶和華曰：爾所執者何。曰：杖。曰：可擲於地。摩西擲之，遽化爲蛇。摩西避焉。耶和華曰：舉爾手執其尾。摩西舉手執之，仍爲杖。耶和華曰：爾當行是，使以色列族信其祖之上帝。亞伯拉罕之上帝，以撒之上帝，雅各之上帝。耶和華已顯現於爾。○又曰：置手於懷。摩西置於懷，復出其手，竟成癩皴如雪。又曰：再置手於懷。摩西復置而出之，其色與遍體無異。耶和華曰：如以色列族不緣前之異蹟信從爾，必爲後之異蹟信從爾。設行異蹟，而仍弗信從，則以河水傾於陸地，水必變血。摩西顧耶和華曰：我主，自昔迄今爾命

我之時，我無能措辭，拙於口，病於舌。耶和華曰：予人以口者誰乎？使人或讐或瘡，或明或瞽者誰乎？非我耶和華乎？往哉，我必助爾說辭，示爾以所當言。曰：我主請遣他人。耶和華不悅，曰：利未族人亞倫爲爾之兄，我知其善說辭，今出迓爾，見爾必喜。汝必告以所當言，我將助汝二人說辭，所必行者，吾以示爾。曹亞倫必爲汝告民，彼之於爾，代播言詞，爾之於彼，代爲上帝。爾當執此杖，以行異蹟。○摩西往見外舅葉羅曰：我昆弟在埃及，未識存否，容我往見之。曰：爾可安然以歸。耶和華在米田，諭摩西曰：欲害爾命者已死，可返埃及。摩西挈妻孥，以驢乘之，執上帝杖以歸。耶和華諭摩西曰：汝歸時，我命爾所行之異蹟，爾必行於法老前。法老不釋我民，剛愎厥心，我姑聽之。感之句或曰我使之然後做此爾可告法老曰：耶和華視以色列族，同於冢子，故諭爾云：當釋我子，使爲我服役，不然必殺爾冢子。○摩西行於途，至憩息所，耶和華欲置之死地。西坡喇取利石爲子行割禮，所斷之皮擲於足前，曰：爾爲我夫，何殘忍若此。西坡喇言是，蓋爲行割禮也。旣行是禮，耶和華釋摩西。○耶和華諭亞倫曰：詣野迓摩西，乃往迓之於上帝之山，接吻爲禮。摩西以耶和華遣之，使行異蹟，告於亞倫。○摩西亞倫遂招集以色列長老，亞倫以耶和華命摩西言告長老，行異蹟與民前。民篤信之，旣聞耶和華眷顧以色列族，矜其患難，無不稽首崇拜。

第五節 厥後摩西亞倫入告法老曰：以色列之上帝耶和華云：當釋我民，往野守節。法老曰：誰爲耶和華，使我性命是聽，而釋以色列族乎？我不識耶和華，曷肯釋以色列族。曰：希伯來族之上帝降臨於我，請許我適野，歷程三日，以祭我上帝耶和華，恐疾疫鋒刃災及我身。王曰：摩西亞倫奚

爲阻民操作，爾往仍爲負戴。又曰：此族衆多，爾使之不負戴曷故？○是時法老諭督役者，與族長曰：厥後此族陶瓦，毋仍給芻，使往自斂。所陶之瓦，其數仍如疇昔，毋容少減。彼憚服役，故號呼曰：容我往祭我之上帝。當倍其工，使之操作，無胥動以浮言。督役者與族長出告以色列族曰：法老命不給爾芻，爾往隨在斂之，工毋少減。以色列族散往，遍於埃及，斂草芥以代芻。督役者促之曰：當日竣其工，與昔有芻無異。法老所委之督，撻以色列族長曰：爾所陶瓦，昔有其數，今不能竣，曷故？○以色列族長顧法老曰：曷待僕若是，不給僕以芻，而使陶瓦，僕又被撻，咎歸王臣。曰：爾怠矣，爾怠矣。故云：容我往祭耶和華。爾往操作，不給爾芻，所陶之瓦，其數當竣。以色列族長聞日所陶瓦，數毋容減，則知害及乎己。以色列族長覲法老而出，見摩西亞倫竚立於途，告之曰：爾使法老及羣臣，無不惡我，授刃殺我，願耶和華鑒察而伸我冤。○摩西返禱耶和華曰：主歟，何爲遣我，以害此族。我遵爾命，入告法老，及至今日，彼荼毒此族益甚，而爾未嘗拯之。

耶和華諭摩西曰：我必施大能，使法老釋以色列族，驅之出境，俾爾目擊。○上帝諭摩西曰：我爲耶和華。昔我顯現於亞伯拉罕，以撒雅各，稱吾名爲全能之上帝，未嘗稱吾名爲耶和華。彼族於迦南，我與之立約。錫斯土以爲業，今埃及人使以色列族服役，而號呼升聞於我。我念前約，爾告以色列族曰：我乃耶和華，將拯爾於埃及人，釋爾負戴，罷爾役事，降災以譴爾敵。施能以贖爾身。我必以爾爲民，我亦必爲爾之上帝，使爾知我乃爾上帝耶和華，拯爾於埃及，釋爾負戴。我耶和華昔有誓言，錫地與亞伯拉罕，以撒雅各，今導爾入斯土，予爾爲業。摩西以此言告以色列

列族彼因帶役煩苛志昏氣餒置若罔聞耶和華諭摩西曰往告埃及王法老必釋以色列族出其境摩西對曰我拙於口以色列族且不聽何論乎王耶和華諭摩西亞倫命埃及王釋以色列族出於其地○以色列族最著者臚列如左以色列長子流便生哈諾法路希斯崙迦米流便子孫由是蔓延西面生耶母利雅民阿轄雅斤鎖轄少羅少羅乃迦南女所出西面子孫由是蔓延利未生革順哥轄米喇哩利未享壽一百三十七歲革順生立尼示每依其世系哥轄生暗蘭以斯哈希伯崙烏泄哥轄享壽一百三十三歲米喇哩生抹利母示此利未子孫依其世系暗蘭娶其姑約基別生亞倫摩西暗蘭享壽一百三十七歲以斯哈生哥喇尼弗色哩烏泄生米沙利以利撒反色哩亞倫娶亞米拿達女拿順妹以利沙巴生拿荅亞庇戶以利亞撒以大馬可喇生亞惜以利迦拿亞比亞撒此可喇之子孫亞倫之子以利亞撒娶部鐵女生非尼哈以上所載皆利未子孫最著者昔耶和華命摩西亞倫導以色列族兆民出於埃及自後告法老導民出境者即其人也○是時耶和華於埃及地諭摩西曰我乃耶和華當以我所諭告埃及王摩西曰我拙於口法老豈聽哉

耶和華諭摩西曰我使爾代爲上帝以治法老使亞倫代爾爲先知以播言詞我所諭爾者汝當言之使亞倫告法老釋以色列族出其境法老剛愎厥心我姑聽之俟我多施異蹟奇事於埃及地法老必不聽爾我則施大能降災於埃及人導我兆民以色列族出其境我行是使埃及人知我乃耶和華摩西亞倫遵命以行告法老時摩西年八十亞倫八十有三○耶和華諭摩

西亞倫曰：若法老欲索奇事，可使亞倫執杖，擲之於法老前，必化為蛇。摩西亞倫覲法老，遵耶和華命以行。亞倫擲杖於法老及羣臣前，遽化為蛇。法老召哲人巫覡，卽埃及之博士，亦施厥術以行是事。各擲其杖俱化為蛇，而其杖爲亞倫杖所吞。法老仍剛愎厥心，不肯聽從，而耶和華之前言應矣。○耶和華謂摩西曰：法老剛愎乃心，不肯釋民。明日法老詣河，爾往河濱執化蛇之杖俟法老至，告之曰：希伯來族之上帝耶和華遣我見爾，使釋其民，往詣曠野，爲其役事。迄今爾未聽從，緣此耶和華命我，以杖擊河水，立變爲血，使爾知彼乃耶和華。河水將臭，鱗族將亡，俾埃及人厭棄不飲。○耶和華諭摩西曰：當使亞倫展施其杖擊埃及水，其江河池沼咸變爲血，於是血徧通國。木石器皿無不有血。摩西亞倫遵命於法老及羣臣前，以杖擊河水，咸變爲血。水臭魚斃，通國有血。此河之水，人不能飲。埃及博士亦施厥術以行是事。法老剛愎其心，不肯聽從。耶和華之言應矣。法老反宮，不以爲意。河水不能飲，故埃及人沿河濱掘地得水。○耶和華降災於河，歷至七日乃止。

耶和華諭摩西曰：當詣法老告之曰：耶和華命爾釋其民，爲其役事。不然，必使蛙害境內。蛙必滋生於河，升於王宮，入室上榻，亦入臣民家，而搏麵炊麵之器莫不遍及。蛙必擾爾，與爾臣民。○耶和華諭摩西命亞倫於江河池沼間展施其杖，使蛙悉出，遍於國中。亞倫指水，使蛙盡出，充斥埃及。博士亦施厥術，使蛙至於埃及。○法老召摩西亞倫曰：汝求耶和華爲我與我民驅蛙。我則釋爾族，容其祭耶和華。摩西曰：請約何時，我必代爾與臣民求驅蛙離王宮民室，仍入於河。

曰定以明日曰可如爾言使知我上帝耶和華無可比擬。蛙必離爾宮及臣民惟在於河。○摩西亞倫退耶和華既使蛙害法老摩西顛之以除其害耶和華如摩西言使第宅里巷田畝之蛙盡斃。人積之成壘腥臭遍地。法老少覺寬舒剛愎厥心仍不聽從而耶和華前言應矣。○耶和華諭摩西命亞倫施展其杖以擊土塵使化爲蚋遍於通國亞倫施展其杖以擊土塵使化爲蚋於是通國之塵爲蚋。噁人與畜博士亦施厥術欲生蚋而術不行人畜既被噁。博士告法老曰此乃上帝施其有能之手維時法老剛愎厥心仍不聽從而耶和華前言應矣。○耶和華諭摩西曰汝夙興至水濱俟法老至告之曰耶和華云汝當釋我民服役於我倘爾不從我必使羣蠅噁爾與臣民且充斥宮幃第宅田畝我民居於珂山是時我區別之在彼必無羣蠅使爾知我耶和華治理宇內區別我民與爾民明日必行是事。耶和華遂使羣蠅充斥法老之宮及民第宅田畝俱罹其災。○法老召摩西亞倫曰爾可於斯土祭爾上帝。摩西曰不能我所宰牲祭我之上帝耶和華埃及人以爲不可宰。如我於埃及人前宰其所不當宰豈不以石擊我乎。願詣曠野歷程三日以祭我之上帝耶和華遵其所諭。法老曰我今釋爾俾爾詣野祭爾上帝耶和華第行勿遠願代我祈禱。摩西曰我退禱於耶和華明日可驅羣蠅離法老及臣民法老毋再欺不釋我族俾祭耶和華。○摩西退禱於耶和華耶和華如摩西言驅羣蠅離法老與厥臣民靡有孑遺是時法老剛愎厥心仍弗釋以色列族。

第九節 耶和華諭摩西曰當觀法老告曰希伯來族之上帝耶和華申命汝釋其民爲其役事。如



不釋而仍強拘之。則爾在田之羣畜。耶和華必降以災。使馬驢駝牛羊。遍染疫癘。以色列羣畜。耶和華必區別之。使毫釐無損。耶和華定期曰。明日我於斯土。必行是事。次日耶和華果行此。埃及人在田之羣畜盡斃。而以色列族之羣畜不死一牲。法老使人囑以色列族之羣畜。俱無恙。仍剛愎厥心。不釋其族。○耶和華諭摩西亞倫曰。爾曹當取爐灰盈掬。使摩西向天揚之。於法老前。灰化爲塵。遍於埃及。使通國人畜悉生瘡痍。二人遂掬爐灰。立法老前。摩西向天揚之。使人畜悉生瘡痍。博士與埃及人均染此疾。故博士不能立於摩西前。法老剛愎厥心。仍不聽從。耶和華姑聽之。姑聽之句或曰使之然而所諭摩西之言應矣。○耶和華諭摩西曰。夙興立於法老前。告之曰。希伯來族之上帝耶和華云。爾當釋我民。役事於我。不然。我必降災於爾。以及臣民。使爾知我於天下。無可比擬。我欲施大能。降疫癘於爾躬。及爾兆民。滅爾於斯土。亦何不可之有。然我使爾崛起。以顯我能。我名播揚於天下。爾如剛暴。禁阻我民。明日此時。必大雨雹。自埃及肇基迄今。未有若此之甚。今爾在田之羣畜。當使避匿。雨雹時。凡人與畜。在田不歸者必死。法老之臣畏耶和華命者。使僕衆與羣畜。咸趨歸舍。其不以耶和華命爲意者。僕衆與羣畜。仍遺於田。○耶和華諭摩西曰。以手指天。必有雹雨於埃及。及傷人及畜。與通國之田蔬。摩西以杖指天。耶和華使雷震電閃。雹降。遍於埃及。其時電閃雹降。其災甚厲。自埃及肇基以來。未之見也。凡在田之人畜。無不被擊。田蔬悉傷。園木盡折。而以色列族所居之珂山。雹不及之。○法老召摩西亞倫。謂之曰。我過矣。耶和華無不義。我與斯民反之。雷轟雹降。亦太甚矣。請爾禱於耶和華。而止之。我必釋汝。更無扞格。摩西曰。我出邑。

將拱手禱耶和華，雷必卽止，雹不復降。使爾知宇內悉爲耶和華所治。然我知爾與羣臣，尙未實畏耶和華上帝。當時麩麥初穗，胡麻始華，故麩麥與胡麻俱壞，小麥與粗麥未長，故不壞。摩西退出邑，拱手禱耶和華，雷雹悉止，雨不淋漓。法老見雷息，雨雹皆止，則與羣臣仍干罪戾，剛愎厥心，不釋以色列族，而耶和華諭摩西之言，應矣。

爾和華諭摩西曰：爾當覲法老，法老與羣臣，剛愎厥心，我姑聽之。我姑聽之句或曰我使之然後做此以顯我異蹟於其間。俾爾以我所行於埃及之異蹟，告爾子孫，則知我誠耶和華。○摩西亞倫覲法老曰：希伯來族之上帝耶和華諭云：爾欲待何時，始自卑乎？當釋我民，以役事我。倘不釋我民，明日我使蝗至爾境內，周遍於地，幾無隙土，其未壞於雹者，必爲蝗所食，以及園中植木，無不盡焉。爾之宮幃，臣民之第宅，蝗充斥之，自爾祖爾父至於今日，皆未嘗見也。摩西退。○羣臣奏法老曰：似此累我伊於何底，宜釋斯族，役事其上帝耶和華，豈不知埃及已將危亡乎？法老乃召摩西亞倫曰：爾往，役事爾之上帝耶和華，但欲往者爲誰？摩西曰：自老迄幼，由子及女，爰至牛羊，無不俱往，以守節禮，奉事耶和華。曰：我知爾衷懷不善，如耶和華庇爾則可，但我不釋爾之幼稚同往，我如爾所，惟長者往，役事耶和華，餘弗與，遂驅二人出。○耶和華諭摩西曰：手指埃及，及招蝗遍集，未壞於雹之田，蔬悉爲所食。摩西以杖指埃及，耶和華令風從東來，永朝永夕，明晨，蝗隨風至，蝗至埃及，棲於四境，自古迄今，至於後世，殆亦未有若此之甚。蝗遍通國，覆蔽全地，田蔬園木，未壞於雹者，悉爲所食，樹葉田蔬，靡有孑遺。○法老速召摩西亞倫曰：我獲罪於爾之上帝耶和華，亦獲罪於爾。

今姑宥我，禱爾上帝耶和華，免此大災。二人退，禱耶和華。耶和華令西風驟起，悉驅其蝗，投之紅海。埃及境內不遺一蝗。法老剛愎厥心，不釋以色列族。耶和華姑聽之。○耶和華諭摩西曰：「以手指天，使埃及晦冥，暗中摸索。」摩西指天，遍埃及地，杳冥幽暗。至於三日，三日間人不得相見，弗能出戶。惟以色列族宅有輝光。○法老召摩西曰：「爾可攜子女往，役事耶和華，止留牛羊。」摩西曰：「必給我犧牲，燔而祭我之上帝耶和華，亦牽羣畜，弗遺一蹄，我必以此役事我之上帝耶和華。未臨其地，所以奉事耶和華者，尙不知以何物。」○法老剛愎厥心，不釋以色列族。耶和華姑聽之。法老曰：「爾且退，自後毋覲我面，覲面之日，我必置爾於死地。」摩西曰：「可如爾言，我不復覲爾矣。」

耶和華諭摩西曰：「我更降災於法老與埃及民，彼然後釋汝，驅爾出境。汝可語以色列族，使諸男女乞金銀飾物於其鄰。耶和華使斯族沾恩於埃及人。時法老之臣民重視摩西。○摩西謂法老曰：「耶和華云：我中夜必遍行埃及，自居位之法老，迄旋磨之婢女，凡其長子及羣畜首生者，悉置於死。號泣之聲，遍聞埃及，自昔迄今。至於後世，殆亦未有若此之甚。而以色列族，由人及畜，無犬敢吠，使爾知埃及人與以色列族，爲耶和華所區別。爾之羣臣必咸集，伏拜我前，求我族衆出爾境。然後我乃出。」摩西言竟，怒而退。○耶和華謂摩西曰：「法老必不聽從，我將於埃及廣施異蹟。摩西亞倫雖施諸異蹟於法老前，法老仍剛愎厥心，不釋以色列族。耶和華姑聽之。」

耶和華於埃及諭摩西亞倫曰：「爾必以是月爲正月，而作歲首。當告以色列會衆曰：是月十日，各家必取一羔。若戶小人寡，一羔不能盡，則與比鄰同取，隨其人數，各如其量。取純潔牲

羔生未盈歲者，綿羊山羊俱可。當留至十四日夕，以色列會衆宰是羔，卽於食羔之室，取其血以澆左右櫬及門楣。是夕炙其肉，共無酵餅、苦菜而食。勿生食，勿水烹，必火炙。首足與臟皆宜食。毋留其餘於明日。若留於明日者，以火燬之。當束帶納履，執杖而食，其速如欲遁者。是爲耶和華逾越節之禮。我耶和華是夜將遍行通國，擊埃及人，長子與畜首生者。凡埃及人之上帝，我必敗之。惟汝室以血爲徵，我見之，將逾越爾室。擊埃及時，災害不及爾身。歷代當誌是日，必守節期，以奉事我耶和華，永著爲例。七日間，當食無酵餅，首日必於爾室除酵，自首日至七日。凡食酵者，必絕之。於以色列族中，首日必爲聖會，七日亦必爲聖會。是日勿操作，惟備食則可。是日我導爾羣衆，以出埃及，故當守無酵節期。歷世勿替，永著爲例。正月十四日夕，至二十一日夕，宜食無酵餅。七日間，勿存酵於爾家，無論宗族賓旅。若食酵餅，必絕於以色列會中。有酵者勿食，維爾家所食者，必除其酵。○摩西屬以色列長老，告之曰：隨爾家之人數，擇羔而宰，以爲逾越節禮。以孟盛血，束牛膝草，濡血澆門楣與櫬。是夜至明晨，勿出戶。蓋耶和華將遍行通國，擊埃及人，見楣櫬、蠶血，必逾越其門，不容殘賊者入擊爾曹。爾與子孫必守此節，永著爲例。昔耶和華許以地賜爾，既得斯土，宜行此禮。如爾子孫問曷故行是，當曰：昔耶和華擊埃及人時，逾越我第宅，拯我眷聚。是以守逾越節，奉耶和華。以色列族稽首而拜，遂往遵耶和華所諭摩西亞倫而行。○中夜耶和華遍行埃及，自居位之法老，至獄中之罪犯，凡其長子及羣畜首生者，無不被擊。是夜比戶皆有死亡。號泣之聲，遍聞埃及。法老與臣民悉起。召摩西亞倫曰：爾曹與以色列族，速離我民，奉事耶和華。如

爾所言。亦驅牛羊，如爾所求，更請爲我祝嘏。埃及人促以色列族，速出其境。僉曰：我儕將就死亡。以色列族之濕麵，未置醇，盛於器中，以衣裹之，肩而行。亦從摩西言，乞金銀服飾於埃及人。耶和華使以色列族沾恩於埃及人，遂得所乞之物，取之而去。○以色列族自蘭塞遣征，至數割計其人數，婦稚而外，壯健者約六十萬，非同族者，從行亦衆。羣畜牛羊，不可勝數。埃及人促以色列族出境，不得濡滯，故未遑備糧，第以所攜無醇濕麵，炊爲無醇餅。以色列族旅埃及，自祖迄今，歷四百三十年。歷年既竟，至於是日，耶和華之兆，民咸出埃及。是夜耶和華拯以色列族，出於埃及。故當守是日，永誌弗忘。至於歷世，奉事耶和華。○耶和華諭摩西亞倫曰：循逾越節例，外人不可食金所購之僕，既受割禮，則可食。外人旅於爾家，及爲爾傭者，不可食。食羔必於一室，毋攜肉於外，其骨不折。以色列會衆，宜守此禮。有外人旅於爾家，欲奉耶和華，守逾越節，必使其丁男，俱受割禮，然後可入會守之。與爾本支無異。未受割者，不可食。爾之本支，及外人旅於爾家者，皆同此例。以色列族遵耶和華所諭摩西亞倫而行。是日耶和華導以色列兆民，出於埃及。

**第十三章** 耶和華諭摩西曰：以色列族中，凡初胎男子，首生牲畜，皆屬於我。當稱爲聖物，以獻我。摩西告民曰：是日耶和華以大能導爾出此地，脫汝於賤役。當誌弗忘，毋食醇餅。爾出時，乃亞筆月。亞筆月，即前月，麥穗熟之月。昔耶和華誓以產乳與蜜之地，賜爾祖。其地卽迦南人，赫人，亞摩哩人，希未人，耶布士人所屬者。既導爾入斯土，當於是月守此禮。七日當食無醇餅。歷至七日，乃守節禮。奉事耶和華。七日必食無醇餅，醇與酒，毋得見於爾境。當告子孫，昔出埃及，耶和華拯我儕，故行此禮。耶

和華以大能導爾曹出埃及，故其法律，必述於爾口，錄於爾手，服於爾額，誌之勿失。每年屆期，必守此禮。昔耶和華誓爾祖，以迦南之地賜爾，既導爾入斯土，則必以初胎男子、首生牲畜獻於耶和華。首生之驢，必以羔代，否則折其頸；初胎男子，必以金贖。厥後若爾子孫詰爾，行此曷故，爾宜告之。耶和華以大能導我出埃及，脫我於賤役。法老剛愎厥心，不釋我出境，耶和華遍戮埃及人之初胎男子、首生牲畜，故我以首生牲畜獻祭耶和華。其初胎男子，則以金贖。耶和華以大能導我出埃及，故我必錄於手，服於額。法老既釋以色列族出境，上帝不導之由非利士人之近途，恐民遇戰，或生悔心，旋歸埃及，故由他途導之，沿紅海適野而行。以色列族整其行伍，出於埃及。昔約瑟言：上帝必眷顧以色列族，故使民發誓，攜己骨以歸摩西，乃歸其骨，自數割邁征，張幕於以籐近野。耶和華導民，無間日夜晝則導以雲，夜則燭以火，其狀如柱。於是晝有雲，夜有火，弗離於前。

耶和華諭摩西曰：告以色列族，必反比哈希綠境，宜於蜜奪與海接壤之巴力洗分前，瀕海張幕。蓋法老必自謂以色列族迷於野，不得出其藩。法老剛愎厥心，追襲爾後，我姑聽之，迨殲法老，覆其軍，以獲大榮，使埃及人知行是事者，我耶和華也。以色列族遵命而行。○或告埃及王曰：以色列族遁逃於外，法老及羣臣中心悔曰：奚爲釋以色列族，致不役事於我，遂備其車，民盡相從，簡車六百乘，與通國之驍騎軍長，襲其後。法老剛愎厥心，耶和華姑聽之，以色列族毫無畏慮而出埃及，張幕於瀕海，比哈希綠境，巴力洗分前。法老率車馬軍旅追及之，相去伊邇，以色列

列族見追將及，震驚特甚，呼籲耶和華，亦謂摩西曰：「在埃及豈無塚地，而導我出，使亡於野，曷待我若是？」我在埃及時，豈不曰：「我姑爲彼役事，與其死於曠野，寧爲埃及人服役。」摩西曰：「毋懼，耶和華拯爾，可立而待，蓋今日所見之埃及人，後必不復見也。」耶和華必代爾戰，爾惟默然。耶和華謂摩西曰：「曷爲籲我，當告以色列族，迺征勿緩，爾舉杖指海，海立中判，令以色列族行於海中，如履陸地。埃及人必剛愎厥心，以襲我姑聽之。我必勝法老，爰及軍旅車馬，以獲大榮。我行是，則埃及人知我乃耶和華。」○上帝之使，昔在以色列營前，今遷於後，雲狀如柱，亦離前而立。後間於營之中，埃及人觀之如黑雲，以色列族望之如巨光，彼此終夜不相近。摩西指海，耶和華使東風驟起，飄揚永夕，水退海判，其間若陸地。以色列族行於海中，若履陸地，左右水如壁立。埃及人車馬與法老軍旅，襲其後，至海中，味爽，火雲若柱，耶和華於其中俯視埃及營，亂其行伍，脫其車輪，使之難行。埃及人曰：「耶和華助以色列族而攻我，我其遁。」耶和華諭摩西曰：「以手指海，使水反淹其軍，以及車馬。」摩西指海，黎明水合如故。埃及人趨而避，耶和華使水阻其前，淹之於海。蓋法老率車馬軍旅，入於海中，襲以色列族後，海水回流，軍俱覆沒，靡有孑遺。惟以色列族行於海中，如履陸地，左右水如壁立。是日耶和華拯以色列族，脫於埃及人，手埃及人之屍，浮於海濱，以色列人目擊之。耶和華以大能降罰於埃及人，以色列族見而寅畏，篤信耶和華，亦信其僕摩西。

摩西與以色列族謳歌頌美耶和華曰：「赫兮喧兮，耶和華歟，當謳歌之，馬與乘者俱驅於海，耶和華施能，援手拯我，我爲謳歌。我之上帝，我極其揄揚，我父之上帝，我高其品評。惟耶和

華善於戰，惟耶和華著此名。法老軍騎，盡驅於海，特選將軍亦沒紅海。如石沉淵，波濤覆之。耶和華顯其大能，施力而羣敵喪亡。作威而仇讎覆滅，其怒如火，燬敵若芻。其揚烈風，使水驟起，濤若堆立，波礙海中。彼敵有言，必追而及，分其貨財，以快我心。出我鋒刃，手殲厥衆，惟爾吹氣，海淹其敵。如鉛之沉，沒於洪水。諸上帝中，孰克與耶和華頡頏。至聖至榮，可畏可頌，獨行異蹟，誰堪比擬。爾擊勁敵，地爲吞之。爾拯兆民，恩以導之，自施其能，引至聖室。異邦族類，必聞而畏，非利士民必悚然懼，以東諸伯必殼顛。摩押英豪必戰慄，迦南居民必喪膽，無不驚駭。爾施厥能，敵不敢動，屹然如石，待耶和華所得之民，經其地。聖山恒業，乃耶和華所預備，駐蹕之地，導民進之，安居其所。耶和華爲主宰，至遠靡暨。法老率車馬軍騎入海，耶和華使水回流，盡淹其衆，惟以色列族行於海中，如履陸地。先知婦亞倫姊米哩暗，手執鼓，諸女亦執鼓相從，舞蹈而出。米哩暗和其歌曰：赫兮喧兮，耶和華歟，馬與乘者，盡驅於海。○摩西與以色列族離紅海遄征，至書耳野，歷程三日，渺不見水。至馬喇，得水殊苦，人弗能飲，故稱其名曰馬喇。民怨摩西曰：我將何飲。摩西顧耶和華，耶和華示以木，投諸水中，其味卽淡。在彼耶和華設法度，以試其民。曰：爾若從爾上帝耶和華命，行其所悅，循其誠命，守其禮儀，則必醫爾。埃及人所患之恙，必不加諸爾。遂至以林，彼有水泉十二，棗樹七十，近水張幕。

出埃及後，二月有半，以色列會衆離以林，至汎野。其地在以林西，乃間，怨摩西亞倫曰：昔我在埃及，有肉盈鼎，有餅果腹，盍乘此時，死於耶和華手。奚導我於野，使會衆饑而死乎。耶和



華諭摩西曰：我必自天雨餅，以贍汝用，使民出外。日斂所需，我行是以試民，果遵我例否。至於六日，所斂必倍其數，所收者民必備之。摩西亞倫告以色列族曰：至夕爾必知耶和華導爾出埃及。詰朝爾將覩耶和華之榮光，我何人斯，奚爲怨我。爾怨耶和華，已升聞於上。又曰：耶和華夕頒爾以肉，朝飽爾以餅，爾出怨言。耶和華已聞之矣。我何人斯，爾所怨者非我也。耶和華也。摩西使亞倫告以色列會衆曰：耶和華聞爾怨言，使爾進於其前。亞倫言時，以色列會衆向野遙瞻。耶和華之榮光雲中顯著。耶和華諭摩西曰：以色列族怨言，我已聞矣。當告之曰：夕可噉肉，朝可飽餅，使知我乃爾之上帝耶和華。營壘四周夕有鶉集，旦有露降，零露初晞，細片如霜，充斥於地。以色列族見而弗識，相語曰：此何物。摩西曰：此耶和華予爾之餅。耶和華諭爾曰：凡在幕者取之，視其人數，隨其所需，人各六升。以色列族遵命以斂，寡者有之，多者亦有之，以升量其所入，多取者無餘，寡取者無乏，其斂之也，隨其所需。摩西告民曰：毋留其餘，以待詰朝。有不從摩西言者，留之明日，蟲生臭惡。摩西怒焉，每晨各隨所需而斂，日暴則消。至六日所斂，則倍其數，人各十二升，衆會長來告摩西。摩西曰：此應耶和華言，翌日安息，乃耶和華之聖日，欲炙者炙，欲煮者煮，食既有餘，藏於明日。乃遵摩西命，留之明日，臭不惡，蟲不生。摩西曰：爾可食此，今日安息，奉事耶和華，雖索於野，必不得。六日間當斂之，惟七日乃安息，不能得也。至七日，有適野以斂者，果無所得。耶和華諭摩西曰：斯民不守我誡命，奉我律例，將伊於何底。我耶和華以安息日賜爾，故於六日予爾宿春，至安息日，必居其所而不離。蓋七日民乃安息。以色列族稱所得者曰嗎喲，狀如芫荽仁而色

白味甘如蜜餅。摩西曰：耶和華命必以此物充六升，傳於歷代，使知我導汝出埃及，居野時所餉爾者。摩西告亞倫曰：嗎摩六升藏於器中，置之耶和華前，歷代存焉。亞倫遵命，置於法匱前，以存之。以色列族食嗎摩，歷四十年，迨至迦南境，人迹之處而後已。六升者，六斗十分之一也。

以色列會眾遵耶和華命，自汎野遣征，張幕於哩非停，欲飲無水。民與摩西爭曰：盍予

我水。摩西曰：奚與我爭，奚試耶和華乎？民渴甚，怨摩西曰：奚導我出埃及，使我與子及畜燥渴以

死。摩西顧耶和華曰：斯民幾欲以石擊我，將若何？耶和華曰：爾執擊河之杖，率以色列長老，爲民

先導。我立於何烈磐上，爾至時當擊斯磐，水由之出，使民得飲。摩西行是，以色列長老目擊之。以

色列人爭摩西而試耶和華曰：不識耶和華果在我中否？故摩西稱其地曰馬撒，亦曰米利

巴。○亞馬力人與以色列族戰於哩非停。摩西告約書亞曰：爾當選士卒，詰朝與亞馬力人

戰。我執上帝之杖，立於山巔。約書亞遵命，與亞馬力人戰。摩西、亞倫、戶耳登於山巔。摩西舉手，則

以色列族勝，垂手則亞馬力人勝。摩西手疲，不能舉，亞倫戶耳移石使坐，左右扶翼，手不搖撼。至

於日入，約書亞以刃擊敗亞馬力人。耶和華諭摩西曰：我將滅亞馬力族於天下，當載於簡，口誦

之。俾約書亞聽聞。摩西築壇，稱其名耶和華尼西。蓋曰：因亞馬力手攻耶和華，故與之戰，歷

世靡暨。

耶和華上帝扶翼摩西，及以色列民，導之出埃及。其時摩西外舅葉羅爲米田祭司，風

聞其事，在昔摩西曾遣其妻西坡喇歸於父家，迄今其外舅攜之以至，及其二子，其一摩西命名

革順蓋曰我於異邦爲旅其一命名以列撒蓋曰我父之上帝扶翼我拯我脫於法老刃摩西張幕於野去上帝之山無幾其妻孥葉羅攜之至或告曰爾外舅葉羅挈爾妻孥偕來斯土摩西出迓之伏拜接吻彼此問安入幕摩西以耶和華緣以色列族故施行於法老與埃及人及在途間歷試多艱賴耶和華援手一切事實俱詳告之葉羅聞耶和華待以色列族特厚脫之於埃及人手欣喜不勝曰耶和華既拯爾暨爾同族脫於法老與埃及人手當頌美焉夫埃及人妄自誇大而耶和華超軼其上我故知耶和華較諸上帝爲尤大葉羅遂燔牲獻祭奉事上帝亞倫及以色列長老咸集與葉羅食餅於上帝前○越日摩西坐以鞫民民立於側自朝至暮摩西外舅見其所行則曰汝如是以泄民易故爾坐而民立自朝迄暮果何意歟摩西曰民咸就我諮詢上帝之意耳人與鄰里有訟則至我前我折中於其間以上帝律法禮儀告之摩西外舅曰爾之作爲非所宜也事苟繁重汝弗能獨理恐與斯民俱就廢弛我有一策爾其從我以希上帝之眷佑爾在上帝兆民之間可以其事呈於上帝前而教以律法禮儀示以必爲之事必由之道爾於民中簡其具才能惡苞苴眞實無妄寅畏上帝者立爲千夫長百夫長五十夫長十夫長使其隨時鞫民事大則告爾事小則自鞫共任此職則爾事輕易舉爾蒙上帝命以行是事則爾可常存民亦安歸故土摩西聆訓遵外舅之言以行於以色列族中簡才能出衆者立爲民長卽千夫長百夫長五十夫長十夫長隨時鞫民事鉅則往告事細則自鞫是時葉羅返故土而摩西送之行

和華召之曰。當告雅各家以色列族云。我所行於埃及及民者。爾亦目擊。譬諸大鷹。負雛於翼。使爾衆歸我。宇內屬我。爾果聽我言。守我約。則於列國中。我必以爾爲寶。亦爲祭司之國。成聖之民。役事於我。爾以此言告於以色列族。摩西乃往屬民長老。以耶和華所命告之。衆論僉同。對曰。耶和華所諭。敢弗奉行。摩西乃以民言覆於耶和華。耶和華曰。我乘密雲。臨格爾上。我與爾言。俾民聽聞。而篤信爾。歷久弗渝。耶和華又曰。汝見此民。使今日明日。潔己濯衣。三日當備。越三日。我必降臨西乃山。顯於兆民。山之四周。爾範圍之。告於有衆曰。爾當謹恪。毋陟高岡。毋犯斯境。犯者死無赦。不以手執。必矢石攻擊。無論人畜。命莫能逃。迨角聲清越。始可登山。摩西下至民處。使民潔己濯衣。謂之曰。三日必備。勿御爾妻。○三日黎明。雷電交作。黑雲蔽山。角鳴甚厲。遍營之民。無不戰慄。摩西率民出帷幕。佇立山下。以迓上帝。耶和華由火中降臨於西乃山。煙燄四塞。如自洪爐出。山嶽震動。角鳴愈久。聲愈宏遠。摩西禱告。上帝應之以聲。耶和華既降臨於西乃山。自山巔召摩西。摩西登焉。耶和華曰。爾下告於有衆。勿踰越以窺我。恐多殞沒。親我之祭司亦當自潔。免我震怒。對曰。爾曾諭我範圍西乃山。以爲聖所。故民不得上。耶和華諭之曰。爾可下。同亞倫上。祭司庶民勿逾越以上。免我震怒。摩西遂下。以此語告民。

第二十章 上帝垂誡曰。我耶和華爾之上帝。導爾出埃及。脫爾於賤役者。余而外。不可別有上帝。毋雕偶像。天上地下水中百物。勿作像象之。毋拜跪。無崇奉。以我耶和華。卽爾之上帝。斷不容以他上帝匹我。惡我者禍之。自父及子。至三四世。愛我。守我誠者福之。至于百世。爾上帝耶和華之

名勿妄稱，妄稱者罪無赦。當以安息日爲聖日，永誌勿忘。六日間宜操作，越至七日，則耶和華爾  
上帝之安息日也。是日，爾與子女僕婢牲畜，及遠人主於爾家者，皆勿操作。蓋六日間，耶和華造  
天地海萬物，七日止，故耶和華以安息日爲聖日，而錫嘏焉。敬爾父母，則可於耶和華爾上帝所  
賜之地，而享遐齡。毋殺人，毋行淫，毋攘竊，毋妄證，毋貪人宅第，妻室，僕婢，牛驢，與凡屬於人者。  
民見雷迅電閃，角鳴烟障，則畏避遙立。謂摩西曰：汝與我言，我則聽從。如上帝與我言，我恐死亡。  
摩西曰：勿懼，蓋上帝降臨，試於爾衆，俾爾敬畏，毋蹈愆尤。於是民遙立，而摩西至上帝所，幽深玄  
遠之處。○耶和華諭摩西，使宣言以色列族曰：爾觀我由天與爾言，勿以金銀鑄上帝匹我。當以  
土築壇，獻牛羊爲燔祭，臚陳其上，亦爲酬恩之祭。凡我使人至，籲我名之所，我必臨格，而錫嘏焉。  
如以石築壇，而奉事我，則毋雕鏤，用器造作，卽爲污穢。升壇毋歷階，恐露爾下體。

爾民所當守之法，爾宣布於民。如購希伯來僕，可事主六年，七年釋之，不索其贖。若僕  
之來，子然一身，其去也亦如是。若與妻偕來，亦必與妻偕去。若主給以妻，生子女，則眷聚屬主。僕  
子然而去，僕愛厥主，眷戀妻子，不忍舍去，明以告主，則其主必攜之至士師，附門或門櫪，以鑽貫  
耳，俾僕恆事其主。如人鬻女爲婢，則不得釋，不與僕同。如主納之而不見悅，是欺之也，則可容其  
自贖，不可鬻於他族。如己爲子聘，則視之如女。倘別有所娶，則待此女好合無間，衣食無減，設待  
之不若是，則容彼自去，毋索其贖，毋傷其財。擊人死者，殺無赦。如殺人非出有意，乃上帝假手於  
爾，我必示爾以可避之處。如惡謀詭計殺人，雖遁逃於祭壇，亦執以償。擊父母者，殺無赦。攘竊人

民或鬻之、或留之者、殺無赦。詛父母者殺無赦。彼此相爭、有爲拳石所擊、命弗致傷、委頓牀第、後起杖而能行、則擊之者免刑、惟償其失時之值、而醫痊之。如擊僕婢、立斃杖下者、必受刑。倘僕數日不死、則主不受刑、因以金購故也。相鬪誤擊、妊婦墮胎、而無他害、則當罰金、依夫所定、折中於士師。如有他害、則當以命償命。目償目、齒償齒、手償手、足償足、熱償熱、瘡償瘡、擊僕擊、若擊僕婢、而傷其目、必緣其傷而釋之。傷其齒、則必緣其傷而釋之。牛觸男女、致死者、必以石斃牛、不食其肉、無罪牛主。若牛昔嘗觸人、已告牛主、而主不禁、至殺男女、則以石斃牛、牛主償命。若士師令其以金贖刑、則必如數捐之。若觸人子女、亦循此例。若觸僕婢、以金十五、給其主、而以石斃牛、或掘阱而不覆其上、或啓井蓋而不掩、致牛墮陷於中、則捐金與主、以償之。已死之畜歸己。若牛觸他人之牛而致死、則鬻生牛、以分其金、死牛分其肉。若人素知其牛、喜於抵觸、而不之禁、則以生牛償人、死牛歸己。

若盜牛羊、毋論宰鬻、皆當償。盜牛者五倍、盜羊者四倍。宵小穿窬、斃於人手、弗償其命。旭日已升、而被擊死者、必償。盜必倍償所竊、如無有以償、鬻之爲奴。如其所竊、或牛羊驢、在盜手尚生者、償之維倍。如牧畜於人之田、或葡萄園、則必以己田已園之佳者償之。如火焚棘、延及露積、或禾稼、或田園、則舉火者必償。如以金以器託友守之、爲盜所竊、盜者被獲、償之維倍。如弗能獲、則解受託之人於士師、察其果取人物與否、毋論牛羊驢衣服諸物、已失之後、爲事主認明者、必見士師、兩造具備、聽士師所斷、償之維倍。如以牛羊驢畜、託友守之、或死傷、或被攘、別無人

見則受託者必指耶和華發誓，自明其一介不取，而畜主必以爲足，不使其償。如畜被盜，則必償之。如彼斷傷，卽以斷傷示之，而不償。如借人畜，或傷或死，畜主不在，則必償。畜主在，則不償。如爲人傭，既受其值，則毋庸償。如誘未聘之女同寢，則必聘以爲室。其父不欲妻之，則償以金。如聘禮之數，巫者罪當死，與獸淫合者，殺無赦。我耶和華而外，祭他上帝者，必翦滅之。毋侮旅人，緣昔爾曹旅於埃及故也。勿欺孤寡，若欺之，則其顧我，我必聽聞。我怒必烈，以刃誅爾。寡爾妻，孤爾子。如我民貧乏，而爾貸以金，毋取利，毋迫索。如取人衣爲質，日入必反之。彼以衣蔽體，無此則不能安寢。蓋我以矜憫爲懷，彼若顧我，我必俯聽。勿詛士師，勿詈民長。爾穀既登，爾釀初熟，奉我勿遲。汝初胎之男子，必獻於我，首生之牛羊，七日偕母，越至八日，必獻於我。爾必爲聖民，以奉事我。野獸所斷傷之肉，勿食，投諸犬可也。

**第二十三章** 毋揚虛誕，勿與惡人謀，以爲妄證。毋從俗以行惡，有訟立證，毋狗衆以反正。貧者有訟，亦勿徇私。如遇仇之牛驢，迷於歧路，則當牽之返。見憾汝者之驢，負重伏地，則勿遺之。速解其載。貧者有訟，毋反其正。遠諸僞爲，勿殺無辜。毋戮義人，蓋我不釋違義者。毋受賄，蓋賄使明者暗。以直爲曲，毋侮旅人。昔汝爲旅於埃及，故悉旅人之情況。六年間，耕耘田畝，獲其所產。越至七年，以爲閒田，休息不耕，使民之貧者食之。其餘爲野獸食可也。橄欖與葡萄園亦然。六日間，宜操作。至七日，則安息，使爾牛驢，釋其勞苦。僕婢外人，養其精力。我所諭汝者，必守之。他上帝之名，毋播揚。毋口誦。每年守節禮者三，以奉事我。亞筆月，汝出埃及，屆期必守除酵節。七日間，宜食無酵餅。

如我所命，觀我之時，毋徒手而至。爾所植於田者，當初穡時，必守節禮。歲聿云暮，盡收所產，亦必守節禮。爾之丁男，觀於我耶和華前，歲凡三次。祭我之牲，其血勿和酵餅而獻，其脂勿留於明日。凡土所出之初實，必進爾上帝耶和華之宮。烹羔勿用羔母之乳。我遣使於爾前，途間爲爾輔翼，導爾至我所備之處。我使至卽我至，必不宥爾愆，故當遵其命。毋干厥怒。爾誠聽其言，遵我所諭。則敵爾者我亦敵之，苦爾者我亦苦之。我使必導爾入亞摩哩、赫比哩、洗迦南、希未、耶布士諸族之地，翦滅其衆。彼所奉事之上帝，爾勿崇拜。彼所作爲，爾毋則倣。當摧其偶像，毀其像，必奉事爾上帝耶和華。則爾之飲食，蒙予錫嘏，疾病以除，必使爾境內無不妊者，無墮胎者，俱享遐齡。爾所至之地，我必使其民，悚懼、潰亂，特甚。與爾敵者，無不敗北。必使大蜂起於爾前，以驅希未人、迦南人、赫人。一年中，我不逐之盡，免土地荒蕪，野獸孳生。我漸逐之，待爾昌熾，以得斯土。我延衰爾境，自紅海至非利士人海，自曠野至大河。斯土之民，付於爾手，逐於爾前。毋與其人立約，毋事其上帝。勿容之居斯土，恐誘爾獲罪於我。若奉其上帝，則必陷爾於坎阱。

**第二十四章** 耶和華諭摩西曰：爾攜亞倫、拿答、亞庇戶，同以色列長老七十人，登山遙立拜我。惟爾可近我耶和華，其餘及民，皆不可近。摩西以耶和華所諭命令法度，遍告億兆，同聲對曰：耶和華所諭，我必遵行。摩西錄耶和華所命，夙興築壇山下，立十二柱，循以色列族十二支派。遣以色列族少者，獻燔祭，亦獻牛爲酬恩之祭。奉事耶和華。摩西取血，半盛於盂，半灑於壇，以盟約之詞，誦於民聽。僉曰：耶和華所諭，我必遵行。摩西以血灑民曰：此耶和華諭爾之約之血。○摩西亞倫



拿答亞庇戶與以色列長老七十人咸登山觀以色列族之上帝其所立之處如青玉平鋪如昊天有耀以色列族之長者既覲上帝式飲式食災害弗加耶和華諭摩西曰爾可陟彼高岡待我以勒石之誠命律法錫爾使爾以此訓民摩西與從者約書亞與獨登上帝之高岡未登之先告諸長老曰爾曹處此待我反爾有亞倫戶耳在人有訟事可往諮諏摩西登岡有雲蔽之耶和華之榮光顯於西乃山雲蔽其上六日越至七日耶和華自雲中召摩西其榮光狀如火焰顯於山巔以色列族無不目擊摩西登山入雲凡歷四旬日夜在焉

耶和華諭摩西曰爾告以色列族宜獻禮物凡出於心所願者爾可受之所受之禮物卽金三品紫赤絳三色之縷與棉羊毛牡羊皮之紅者貂皮皂莢木燈油芬芳之物可以成膏可以焚香璧玉與飾於公服黼掛之玉當爲我構聖室爰處其中我所示爾之幕與器必遵式以造○以皂莢木作匱長二尺有半廣與高俱尺有半匱之內外飾以兼金其上四周悉以金緣鑄金環四置於四隅左右各二以皂莢木作杠飾以金兩旁之環可貫杠以昇匱杠常貫環而弗離我所告汝之律法宜藏於匱以兼金作施恩之所長二尺有半廣一尺有半用圓輪法作二噶略味置施恩所之兩旁每旁各一於施恩所之上噶略味高展其翮覆翼相對俯視施恩之所置施恩之所於匱上以我所告之律法藏於中我將降臨於噶略味間法匱施恩所之上以諭言示爾使告以色列族○爾用皂莢木作几長二尺廣一尺高尺有半飾以兼金四周悉以金緣四周之旁廣約一掌以金緣之作金環四置於四隅足上環附其旁可貫杠以昇几用皂莢木作杠以金

飾之俾得昇凡，用兼金作盤、鼎、盃，以灌奠。凡上之餅，必恒陳於我前。○用圓輪法作燈臺，其柱其枝，其盞，其節，其花，悉以兼金。燈臺出枝凡六，兩旁各三枝，各有盞，狀似杏仁，有節有花，六枝俱同。柱亦有盞凡四，形似杏仁，有節有花。所出之六枝，凡二枝下各有一節，其節其枝，皆用圓輪法，以兼金爲之。臺有燈七，燃之相向，光輝發越。剪與盤，亦以兼金造。燈臺與器，用兼金千兩，爾惟慎，余於山巔，所示爾之模式，爾其遵之。

宜用紫赤絳三色之纓，與編棉作幕幔十，上采織嗒略咏。幔長二丈八尺，廣四尺，諸幔長短維一，幔相連各五。幔之聯絡處，用紫纓作紐。次幔亦然。幔上聯絡之處，作五十紐，紐相銜接。次幔亦然。作金鈎五十，鈎連諸幔，以成一幕。○以羊毛作十一幔，以蓋幕。幔長三丈，廣四尺，諸幔長短維一，五幔相聯，六幔亦相聯，其六幔宜重復於幕前。幔之聯絡處，宜作五十紐，次幔亦然。作銅鈎五十，鈎紐聯爲一幕。餘幔之半，必垂幕後。幕幔之餘，每旁一尺，垂幕兩旁以蓋之。用牡羊皮之紅者爲幕幃，施貂皮於其上。○以皂莢木作板，立於幕側，各長一丈，廣尺有半。下各二樺相對。幕之衆板，其式相同。幕旁之南，作二十板。下造銀座四十，板下各有二座，適與二樺相對。幕旁之北，二十板。其下銀座四十，板下各有二座。幕旁之西，六板。幕隅有二板。幕隅二板，一環連其上。下厥板凡八，銀座十六，板下各有二座。以皂莢木作榼，兩旁幕板各五榼，西旁幕板五榼。板中橫榼，由此達彼。板飾以金，作環貫榼，亦以金飾。我於山示汝當建之幕，必遵其式。○用紫赤絳三色之纓，與編棉爲簾，上采織嗒略咏。用皂莢木作柱四，飾以金，簾垂其間，金鈎銀座，既垂其簾，運法

匱入簾隔至聖之室，與聖室相間。施恩之所置於至聖室法匱上。簾外幕北設几案，幕南置燈臺，遙與相對。用紫赤絳三色之纓，與編棉繡幃爲幕門，用皂莢木作柱五，以金飾之，金鈎銅座，以垂其幃。

第二十七章 宜用皂莢木作方壇，長廣俱五尺，高三尺，四隅作四角，亦以木爲之，以銅飾。灰盤、釜、盃、鈎、鼎諸器，悉以銅作。以銅作羅網，網之四隅綴以銅環。壇中四圍作緣置網，用皂莢木作杠，飾以銅。壇兩旁置環，貫杠以昇壇，以板作而空其內。山上所示爾者，必遵其式。○幕四周有場，編棉作帷，以圍之。南旁之帷長十丈，柱二十，銅座二十，鈎與桁悉以銀爲之。北旁之帷長十丈，柱二十，銅座二十，鈎與桁亦以銀爲之。西旁之帷廣五丈，柱十，座十，場之東旁廣五丈，左旁之帷長丈五，柱三，右旁之帷長丈五，柱三，座三，用紫赤絳三色之纓，與編棉繡幃爲門，長二丈，柱四座四，場四圍之柱鈎桁俱以銀爲之，座則銅鑄。編棉作場帷，長十丈，廣五丈，高五尺，其座皆銅，幕釘，場帷之釘與幕中所用之器，悉以銅製。○宜告以色列族，取橄欖搗油，惟潔是務，使燈常燃。會幕中法匱前之簾外，亞倫與其子，自夕達旦，必燃明燈於我耶和華前，爲以色列族歷代之永例。

第二十八章 以色列族中，簡爾兄亞倫，以爲祭司，爰及其子拿答、亞庇戶，以利亞撒，以大馬奉事於我，宜爲爾兄亞倫製聖衣，以彰華美。我以神感人，使有慧心，爾告彼製聖衣，亞倫服之，區別其爲祭司，而奉事我。取金與紫赤絳三色之纓，與編棉製聖衣，卽黼褂、公服、長衣、采衣、冠帶，亞倫與其子服之，以爲祭司，而奉事我。取金與紫赤絳三色之纓，與編棉繡爲公服，肩之兩旁前後相連。

用金與紫赤絳三色之纓，與編棉繡公服之紳，將璧玉二，上鑄以色列族名，依其生齒，每玉列名凡六，猶玉工鑄印然，鑄以色列族名於二玉上，鑄金二方，嵌玉其中，置二玉於公服之肩，於是亞倫必負以色列族名於我耶和華前，以爲記錄。鑄金二方，編兼金爲二索，繫於金方。○用金與紫赤絳三色之纓，與編棉繡繡掛，用以鑿察事理，制同公服，繡掛方而複，長廣之數，布指爲度，置玉其中，凡有四行，瑪瑙、淡黃玉、葱珩爲一行，紅寶石、青玉、金鋼石爲一行，赤玉、白瑪瑙、紫玉爲一行，黃玉、碧玉、璧玉爲一行，鑄金爲方，嵌玉其中，玉上用鑄印法，鑄以色列族十二支派之名，編兼金爲索，以綴繡掛。用金鑄二環，置於繡掛兩旁之上，以金索之末繫其環，以索之端置二金方，加於公服肩前，製二金環，置於繡掛兩旁之下，在公服前，繡掛內，又作金環二，置於公服兩旁下，向前於交接之處相對，在公服繡紳之上，以紫帶繫繡掛環，與公服環相連於紳上，使繡掛不離公服。繡掛用以鑿察事理，亞倫進聖所，覲我時，必服於膺前，念以色列族名不輟，以烏陵土明烏陵土明即光雅置於繡掛，亞倫覲我耶和華時，必服之膺前，爲以色列族鑿察事理於我前，恒久不輟。○必用紫纓製公服內之長衣，當肩之中，必留空隙，用組織法製領，隙之四周，如甲衣然，使衣不敝。衣裾四周之下，用紫赤絳三色之纓爲緣，狀若石榴，間以金鈴，衣之四周，石榴與金鈴相間。亞倫出入聖室，奉事我耶和華時，必繫此鈴，使聲遙聞，免於死亡。○必鑄兼金爲匾，以鑄印法鑄字於上，曰爲聖，以事耶和華，繫以紫帶，戴於冠前。亞倫必恒戴於額，以色列族獻諸聖物，恐有罪愆，惟亞倫任厥過，莫我耶和華悅納。織棉縱橫相間，製爲衣冠，惟紳則以絳繡。○爲亞倫子製衣服，冠帶，以彰

華美，使亞倫及其子服之，沐以膏，俾其成聖，任爲祭司，以奉事我。以臬織褲，自腰及髀，蔽厥下體。亞倫與子進會幕，近祭壇，役事於聖所之時，必衣此服，免蹈罪愆，至於死亡，以此永著爲例，歷世勿替。

如欲使之成聖，爲祭司而事我，宜取犢一，牡綿羊二，純潔是務。用麥粉製饅與和油之餅，抹膏之薄餅，俱弗置酵，盛之於筐，可以提挈，犢與二羊，亦牽之至。攜亞倫及其子至會幕門外，以水濯之。衣亞倫以衣，及公服，繡掛與公服下之長衣，束以繡紳，以冠冠首，上加聖冕，斟香膏，膏其首。攜其子來，衣以衣，束以紳，冠以冠，使亞倫及子任祭司職，永著爲例。牽犢至會幕前，使亞倫及子接手其上。當我耶和華前，必宰是犢，於會幕門外，指染其血，灑於壇上之角。餘血傾於壇下，以蓋臟之脂及肝片，左右腎，與其膏，燔於壇上，其肉皮遺矢，營外，爇之，此贖罪之祭也。牡綿羊一，牽之以至，使亞倫及子接手其上，必宰是羊，灑血於壇四周，剖分其羊，洗臟及足，使已剖者與首，仍合爲一，以羊全體，爇於壇上，蓋爲燔祭，取其馨香，以奉事我耶和華。又牽牡綿羊一，使亞倫與子接手其上，宰羊，取血，灑於亞倫及子右耳上，與右手足之巨擘，亦灑血於壇四周。取壇上之血，與所沃之香膏，灑於亞倫及其子之身，與衣，使彼身及衣可得成聖。蓋獻是羊，使亞倫任職，故取羊尾之脂，蓋臟之脂，肝片，左右腎，與其膏，暨右肩，在我前無酵餅筐中，取圓饅一，和油餅一，薄餅一，均置於亞倫及其子之手，使搖於我耶和華前，以爲奉獻。爾自其手接之，爇之於壇，加於燔祭之上，獻於我前，取其馨香，以奉事我，此爲燔祭。任亞倫爲祭司時，所獻之羊，必取其腔，搖於我

前是腔爾可得之。既任亞倫及其子爲祭司，而獻羊，必以所搖之腔所舉之肩，爲聖物。厥後以色列族獻酬恩之祭，既以羊腔羊肩舉於我前，則必以是歸亞倫及其子，著爲永例。亞倫之聖衣，必遺其子孫，使衣之以受香膏，任爲祭司。凡其子孫代爲祭司，進會幕役事於聖所，必衣是衣。歷至七日，任亞倫爲祭司時，所獻之羊，必於聖所，水烹其肉，亞倫與子，必於會幕門前，食羊及筐中之餅。爾以是羊爲亞倫及其子贖罪，任之爲祭司，故使彼食之，外人則不可食，蓋聖物也。如以肉與餅，留於明晨，則勿食，必蒸以火，蓋聖物也。爾必遵我所諭，以是禮施於亞倫及其子。歷至七日，任爲祭司，日獻犢一於壇，爲贖罪之祭，既潔其壇，必沃以膏，俾得成聖。歷七日，必獻贖罪之祭於壇，使其成聖，於是壇爲至聖，惟成聖者可近其側。用未盈歲之羔二，日陳於壇，晨一暮一，清晨獻羔，宜取粉六升，和清油二斤有半，酒二斤有半，以爲灌奠。既暮獻羔，所行之禮，所灌之奠，一如清晨，彼爲燔祭，取其馨香，以奉事我耶和華。會幕前，我必蒞臨，與爾晤言，故當於此燔祭，歷代勿替。我必蒞臨，與以色列族晤對，顯著榮光，成聖其地。我必使會幕祭壇，燭然成聖。亞倫及其子，亦成聖，任爲祭司，以奉事我。我必處以色列族中，爲其上帝，使知拯民出埃及，居於其中者，卽我耶和華，爲其上帝。

必以皂莢木作壇，焚香其上。形製維方，長廣俱一尺，高二尺，其角亦以木爲。壇上與四旁及角，均以兼金飾之，四周之緣，必以金。兩旁緣下，必作金環二，貫杠以昇壇。用皂莢木作杠，飾之以金，於法匱簾外，施恩所前，我蒞臨之處，必置其壇。清晨修燈時，亞倫必焚香於其上，薄暮燃

燈時亦必焚香於其上，炷香我耶和華前，歷代勿替。於此壇上，毋燔犧牲，毋獻禮物，毋行灌奠，香不以法製者亦勿焚。亞倫必歛血於壇角，歲凡一次，代民贖罪，是爲至聖，以奉事我，永世勿替。○耶和華諭摩西曰：爾核以色列族人數時，必使各獻禮物於我，以贖己命，則核數之時，可免災害。凡被核者，必獻我金二錢，有半，卽二十五分，權衡其金，必循聖所之法。二十歲以上，被核者必奉我金，富無所加，貧無所減，惟金二錢，有半，奉獻於我，以贖其命。必由以色列族取金，爲會幕之役。事此金既獻於我，我必眷念以色列族，以贖其命。○耶和華又諭曰：必用銅作盤，與座，以備洗濯，置於會幕祭壇間，盛水其中，使亞倫與子在彼盥手濯足，進會幕近祭壇，燔犧牲時，必盥手濯足，免於死亡，此爲亞倫及其子之永例，歷世勿替。○又諭曰：必取芬芳之上品，卽清沒藥五百分，香桂二百五十分，香菖蒲二百五十分，肉桂五百分，和以橄欖油十斤，權衡其數，必循聖所之法，以調劑之法，製爲聖膏，必以是膏塗會幕與法匱，几案燈臺與其器皿，香壇祭壇與其器皿，盤與座，均使之爲至聖，惟成聖者可近其側。以膏膏亞倫及其子，使之成聖，任爲祭司，而奉事我。當告以色列族曰：此香膏乃聖物，以奉事我，歷世勿替。此膏必以爲聖，惟膏祭司，毋膏他人，毋遵是法調劑他膏，凡遵是法調劑他膏，或以之膏他人者，必絕於民中。○耶和華又諭曰：必取芬芳之品，卽摩撻，吡嘑，喇，嚇，哱，和乳香之清者，權之必相等，以調劑之法，加鹽製香，潔清成聖。此香至聖，禱之必細，置於會幕法匱前，在彼我必蒞臨。此香必以爲聖，而奉事我，若更製香，弗得仍循是法，凡循是法而製香，以芳馨悅己者，則必絕之民中。

第三十一 耶和華諭摩西曰猶大支派戶耳孫烏利子庇撒列我特簡之。以我神感之使有聰明智慧能知工巧其所造作惟尙奇技製金三品能鑄玉以飾服能雕木作諸工。但之支派亞希撒抹子亞何利巴我使之相輔凡有聰明者我更賜以慧心俾遵我諭而締構會幕法匱與施恩所暨幕中器皿几案金燈與其器皿香壇祭壇與其器皿盤與座覆蓋之布祭司亞倫之聖衣及其子之衣以盡祭司之職香膏芬芳之品以爲聖事悉遵我命而作。○耶和華諭摩西曰告以色列族云必守我安息日於爾我間歷世爲徵則知我乃耶和華使爾成聖故當守安息日以爲聖日凡瀆之者殺無赦操作於是日者必絕之民中六日間宜操作越至七日則安息是爲聖日以奉事我凡於安息日操作者殺無赦以色列族必守安息日以自休甯此乃永約歷世勿替於我及以色列族間永世爲徵蓋六日間我耶和華造天地七日止而憩息焉上帝於西乃山既與摩西言手書律法於二石碑以賜之。

第三十二 見摩西遲迴於山下則集亞倫前曰摩西率我出埃及今彼不知所往爾盍鑄上帝像爲我先導亞倫曰爾妻孥垂耳之金環脫以予我民卽脫之以授亞倫亞倫受之鎔鑄其金刀刻爲犢有稱之者曰以色列族乎導爾出埃及之上帝卽此亞倫見之築壇其前示衆曰詰且節期奉事耶和華夙興燔牲獻祭亦獻酬恩之祭民坐而飲食起而舞蹈。○耶和華諭摩西曰爾必下爾所導出埃及之民已喪厥心我所諭之道彼違甚速鑄犢崇拜祭祀稱之曰以色列族乎導爾出埃及之上帝卽此又曰我觀此民強項不馴爾勿阻我我怒甚烈盡滅斯族昌熾爾裔



以成大邦。摩西於其上帝耶和華前求之曰：昔爾以巨能大力，導斯民出埃及，今何怒之甚烈乎？浸假行是，則埃及人必將曰：耶和華既導民出反，欲加害殺之山中，滅之於地，爾其息怒，勿害斯民。求爾憶念爾僕亞伯拉罕，以撒，以色列。昔爾指己而誓，必熾昌其後，如天星之衆多。錫以所言之地，俾爲永業。耶和華聞之，悔其前言，不加禍於民。○摩西旋踵下山，攜律法之二碑於手，碑成於上帝前後，各有文字。上帝所書，勒於石，約書亞聽民大呼，謂摩西曰：管中有鬨聲。又曰：我聽其音，非勝非敗，乃謳歌之聲。摩西近營見犢，有民舞蹈，怒擲二石碑於山下，取犢燬以火，擣爲粉，揚於水，令以色列族飲之。謂亞倫曰：斯民何負於爾，使陷重罪。亞倫曰：我主勿怒，爾知斯民，惟惡是作。謂我曰：摩西導我出埃及，今彼不知所往，爾盍鑄上帝像，爲我先導。我曰：凡有金者，脫而予我，我投之火，此犢以成。摩西見亞倫縱民廢弛軍律，易敗於敵，乃立營門，曰：孰崇耶和華，可歸我利，未族歸之。摩西曰：以色列之上帝耶和華曰：衆必繫刀於腰，出入營門，殺其兄弟，友朋，鄰里，利未族，從其言。是日以色列民死亡者，不下三千人。摩西曰：今日爾任職，奉事耶和華，皮爾子女兄弟，如是耶和華錫爾純嘏。○詰旦摩西告民曰：汝陷罪綦重，我陟山觀耶和華，庶幾可贖爾罪。摩西復覲耶和華，曰：斯民以金鑄上帝，陷罪綦重，請爾恕之，不然則我名錄於爾書者，爾其塗抹。耶和華曰：獲罪我者，其名錄於書，我必塗抹。我使必行於爾前，爾往導民至我所言之處，迨降罰日，我必罰之。緣民使亞倫鑄犢，故耶和華降災於民。

耶和華謂摩西曰：昔我與亞伯拉罕，以撒，雅各立誓，以產乳蜜之地錫其苗裔，爾既

導斯民出埃及，必率之往彼。我將遣使於爾前，驅迦南人、亞摩哩人、赫人、比哩洗人、希未人、耶布士人。爾族強項不馴，我不與之偕往。恐途中爲我翦滅。又曰：告以色列族云：爾衆強項不馴，我如速臨，必翦滅爾衆。盍去爾文飾，我試思之，將何以待爾。以色列族聞是言，愀然以憂。在何烈山去其文飾。○摩西移幕營外，離營少遠，稱曰：會幕，凡欲求耶和華者，出營詣會幕。摩西適會幕，民立於己幕門，瞻望摩西，迨及入幕。入時，雲狀如柱，下止幕門。耶和華與摩西言，民目擊之，各於幕門俯伏以拜。耶和華與摩西晤對，如人與友相語。摩西歸營，惟嫩之子約書亞爲摩西從者，弗離於幕。摩西顧耶和華曰：爾使我導斯民，將遣誰偕我往，爾未嘗告我。惟爾曾曰：我知爾有素，施爾以恩。誠如是也，請以爾待是民之道示我，則我沾恩爲不虛。蓋是族乃爾民焉。耶和華曰：我必偕往，俾爾安居其所。摩西曰：若弗偕往，毋導我出此。我與爾民沾恩，於何知之，以爾與我儕偕往，使我儕超越於天下兆民，是以知之。耶和華曰：我知爾有素，施恩於爾，故爾所求者，我必爲之。曰：請顯爾榮光，使我目擊。曰：我所矜恤者，矜恤之。我所憐憫者，憐憫之。故必顯著我德，宣播我名，俾爾聞知。惟不許爾覲我面，民而矚我，難保其命。又曰：於此有磐，可駐爾足。磐有穴，我引爾入焉，以手掩之。俟榮光既過，則弗蔽蓋。爾觀我後則可，瞻我前則不可。

第三十四章 耶和華諭摩西曰：昔爾毀石碑，今又製二碑，我書其上。一如前言，詰旦爾可陟西乃山，待我於山巔。他人不得偕登山之四周，人民當斂迹，牛羊不齧草。○摩西遵耶和華命，製二碑如前，夙興執之登山。耶和華乘雲降臨，與摩西同在，自稱其名爲耶和華。過摩西前曰：耶和華全

能之上帝，仁慈矜憫，恒忍施恩，真實無妄，錫恩於人，至千百世，人蹈罪愆，可蒙赦宥，恒於惡者，不蒙赦宥，禍及其身，自父及子，至三四世。摩西速稽首伏拜曰：如沾主恩，請與偕往，斯民雖強，頑不馴，望赦我儕之罪戾，使我儕恒爲爾民。耶和華曰：吾今立約，將行異蹟於爾民前，自昔以來，天下兆民，未之見也。四周之民，見我行是，恐懼特甚。今日所諭，爾必守之，我將驅亞摩哩人，迦南人，赫人，比哩洗人，希未人，耶布士人於爾前，爾所往之地，勿與其民立約，恐陷爾於坎阱，必摧其壇，毀其像，斫其偶，斷不容爾以他上帝匹我，此乃我耶和華之名也，故他上帝爾勿崇拜，勿與居民立約，恐彼狗欲從其上帝而獻祭，遂招爾曹共食祭物，恐爾取其女爲媳，其女狗欲從其上帝，以惑爾子，亦狗欲以從。毋鑄上帝像，宜守除酵節，昔亞筆月，爾出埃及，故於是月，當食無酵餅七日，遵我所命。凡初胎男子，與首生之牛羊，其牡者屬我，驢之首生，必以羊代，否則折其頸，初胎男子，必以金贖，觀我之時，毋徒手而至。六日間宜操作，至七日則安息，雖時當稼穡，亦必安息。麥秋之初，必守七七日爲節期，歲聿云暮，盡收所產，亦必守節期。爾之丁男，覲於我耶和華，以色列上帝前者，歲凡三次，我必爲爾驅除其民，恢廓爾境，我爲爾之上帝，耶和華，爾必覲我，歲凡三次，於此時必無人覬覦爾地，祭我之牲，其血勿和酵餅而獻，逾越羔勿留於明日。凡土所出之初實，必進爾上帝，耶和華之宮，烹羔，毋用羔母之乳。耶和華諭摩西曰：我與爾及以色列族立約，必循斯言，筆之於書。摩西與耶和華居四旬，無論晝夜，不飲不食，耶和華以所約之十誡，書於二碑。○摩西與耶和華言時，容光激射，而不自覺，手執法碑，二下西乃山。亞倫及以色列族見之，則畏避，遙立。摩

西招亞倫與會長來前而與之言。以色列族既前，摩西以耶和華在山所諭者，宣於有衆。摩西言竟，取帕蒙面，入與耶和華言，則去其帕，出以所諭普告以色列族。以色列族見摩西之容，光輝激射，摩西復以帕蒙面，迨入與耶和華言而去之。

第五十章 摩西集以色列會衆，告之曰：耶和華諭爾所當行者，今詳告爾。汝於六日宜操作，越至七日，以爲聖日，奉事耶和華，於焉憩息，是日操作者必死。爾宅第中，是日毋舉火。○又告以色列會衆曰：耶和華諭爾云：爾曹從心所願，以獻禮物於我耶和華，卽金、三品、紫、赤、絳三色之縷，與棉、羊毛、牡羊皮之紅者、貂皮、皂莢木、燈油、芬芳之物，可以成膏，可以焚香，璧玉，與飾於公服繡掛之玉。爾曹有慧心者，必至而造作，遵我所諭。會幕與蓋、鈎、板、榿、柱、座、匱，與杠、施恩所及簾，几、與杠、器，及陳設之餅，常燃之燈臺，與蓋、燈油，及器悉備。香壇及杠，塗有膏沐，焚有馨香，幃爲幕門，祭壇，銅羅網，與杠及器，盤與其座，場帷及柱，與座，幃爲場門，幕釘場帷釘，及索，覆蓋之布，適聖所之用。祭司亞倫之聖衣及其子之衣，以盡祭司之職。○以色列會衆乃退。凡男女傾誠樂輸者，咸至耶和華前，獻禮物，作會幕，製聖衣，盡役事，或攜手鉤、鼻環、指環，或攜垂項之珠，金鑄器皿，悉以金奉耶和華。凡有紫、赤、絳三色之縷，與棉、羊毛、牡羊皮之紅者、貂皮，悉攜之至，欲以銀銅獻耶和華者，亦攜之至。有皂莢木，宜於造作者，亦攜之至。凡婦具慧心，組織紫、赤、絳三色之縷，與棉，將所織者，以獻。凡婦傾誠樂輸者，組織羊毛，用智慧以成。會長攜璧玉，與飾公服繡掛之玉，燈油、芬芳之物，可以成膏，可以焚香。以色列族諸男女，樂輸禮物，獻耶和華。於是耶和華諭摩西者，無不造作。○

摩西告以色列族曰。耶和華特簡猶大支派戶耳孫烏利子庇撒列。感以上帝之神。使有聰明智慧。能知工巧。其所造作。惟尙奇技。能製金三品。能鑄玉。以飾服。能雕木。能爲奇技。亦能誨人。耶和華更賜但之支派亞希撒抹子亞何利巴。以爲輔助。賜慧心於二人。使作諸工。卽雕木。織布。以紫赤絳三色之縷。與棉。采織絺繡。凡工之纖巧者。皆能製焉。

耶和華以聰明智慧。牖衆人之衷。使與庇撒列亞何利巴同爲聖所役事。興作諸工。循耶和華所命。摩西招集庇撒列亞何利巴。與耶和華所賦聰明智慧者。及凡心願操作者。就已興工。以色列族獻禮物。爲作聖所之材。悉以授之。民又日獻禮物。時搆聖所。諸智者暫止操作。就摩西曰。民所獻者。與耶和華所命之制度相較。綽有餘裕。摩西傳命諸營曰。男女毋再造作。以獻聖所。民乃止。蓋所有之材。以作諸工。有贏無絀。於是諸智者製會幕。用紫赤絳三色之縷。與編棉。作幕幔。十上采織嗒嘮嘮。長二丈八。廣四尺。幔之長短。維一。幔相連各五。幔之聯絡處。用紫縷作紐。次幔亦然。幔上聯絡之處。作五十紐。紐相銜接。次幔亦然。又作金鈎五十。鈎連諸幔。以成一幕。以羊毛製十一幔。爲幕蓋。幔長三丈。廣四尺。幔之長短。維一。五幔相聯。六幔亦相聯。幔之聯絡處。作五十紐。次幔亦然。作銅鈎五十。聯爲一幕。用牡羊皮之紅者。爲幕幬。施貂皮於其上。以皂莢木作板。立於幕側。各長一丈。廣尺有半。下各有二樅相對。幕之衆板。其式相同。幕旁之南二十板。下造銀座四十。板樅下各二座。幕旁之北二十板。其下銀座四十。板下各有二座。適與二樅相對。幕旁之西六板。幕隅有二板。幕隅二板。一環連其上下。厥板凡八。銀座十六。板下各有二座。以皂莢

木作榼，兩旁幕板，各五榼，西旁幕板，左右五榼，板中橫榼，由此達彼，板飾以金，作環貫榼，亦以金飾，用紫赤絳三色之縷，與編棉爲簾，上采織噶啞啞，用皂莢木作柱四，飾以金，金鉤銀座，用紫赤絳三色之縷，與編棉，繡幬爲幕門，作柱五，柱首與橫榼俱飾以金，金鉤銅座。

第三十九章 庇撒列用皂莢木作匱，長二尺有半，廣與高俱，尺有半，匱之內，飾以兼金，其上四周悉以金緣，鑄金環四，置於四隅，左右各二，以皂莢木作杠，飾以金，兩旁之環，可貫杠以昇匱，以兼金作施恩之所，長二尺有半，廣一尺有半，用圓輪法，作二噶啞啞，置施恩之所，兩旁，每旁各一，於施恩所之上，噶啞啞高展其翻，覆翼相對，俯視施恩之所，用皂莢木作几，長二尺，廣一尺，高尺有半，飾以兼金，四周悉以金緣，四周之旁，廣約一掌，以金緣之，作金環四，置於四隅，足上環附其旁，貫杠以昇几，用皂莢木作杠，以金飾之，俾得昇几，用兼金作盤，鼎，盃，以灌奠，及几諸器皿，用圓輪法，作燈臺，其柱，其枝，其蓋，其節，其花，悉以兼金，燈臺出枝凡六，兩旁各三，枝各有蓋，形似杏仁，有節有花，六枝俱同，料亦有蓋凡四，形似杏仁，有節有花，所出之六枝，凡二枝下，各有一節，其節其枝，皆用圓輪法，以兼金爲之，臺有七蓋，剪與盤亦以兼金，造燈臺與器，用兼金千五百兩，用皂莢木作香壇，其形維方，長廣俱一尺，高二尺，其角亦以木爲，壇上與四旁及角，均以兼金飾之，四周悉緣以金，兩旁緣下，作金環二，貫杠以昇壇，用皂莢木作杠，飾以金，亦製聖膏，與潔香用法，和之，調劑維宜。

第三十章 用皂莢木作祭壇，形製維方，長廣俱五尺，高三尺，四隅作四角，亦以木爲，以銅飾，灰

盤、盞、盃、鈎、鼎、諸器，悉以銅作。壇中四圍有緣，以銅作羅網，而置其上。鑄四銅環，置於銅羅四隅，用以貫杠，用皂莢木作杠，飾以銅，貫杠於壇兩旁之環，以昇之。壇以板作而空其內，婦女從事於幕門，取其銅鏡作盤與座。幕四周有塲，編棉作帷，以圍之。南旁長十丈，柱二十，銅座二十，鈎與桁，悉以銀爲。北旁之帷長十丈，柱二十，銅座二十，鈎與桁，亦以銀爲。西旁之帷，廣五丈，柱十，座十，鈎與桁，亦以銀爲。塲之東廣五丈，門左之帷長丈五，柱三，座三，門右之帷長丈五，柱三，座三，四周塲帷，悉編棉爲之。柱座皆銅，其鈎與釘，悉以銀。柱頂以銀飾，塲帷之桁，亦以銀爲。用紫赤絳三色之縷，與編棉，繡幃爲門，長二丈，高五尺，制同塲帷。柱四，座四，其鈎以銀爲，柱頂橫桁，悉以銀飾。幕與塲帷之釘，俱以銅製。○以上所載，悉屬法幕之用，乃摩西命祭司亞倫子，以大馬，偕利未族人治理。猶大支派戶耳孫烏利子，庇撒列，循耶和華命，構造此幕。但之支派亞希撒抹子，亞何利巴，以相輔佐，彼能雕刻，用紫赤絳三色之縷，與棉爲絺繡，所獻之金，以作聖所者，循聖所權衡計之，得四萬三千八百七十五，核算會衆二十歲以上者，計六十萬三千五百五十人，各獻銀一吡咖，卽二錢有半，循聖所權衡計之，共十五萬八千八百八十七兩半，用銀十五萬兩，鑄聖所諸板之座，與幃柱之座，座計一百，每座一千五百兩，共用銀十五萬兩，用八百八十七兩半作柱鈎，亦以銀飾。柱頂橫桁，所獻之銅計十萬六千二百兩，作會幕門柱之座，銅祭壇，銅羅網，及諸器，塲四周，及門帷柱之座，幕與塲帷所有之釘，悉以銅製。

用紫赤絳三色之縷，製覆蓋之布，適聖所之用，亦製亞倫聖衣，遵耶和華所諭摩西

之命。用金與紫赤絳三色之縷，與編棉作公服。其金擣之使薄，細切爲絲，與縷及棉相間，以成采織。肩之兩旁，前後相連，亦用金與紫赤絳三色之縷，與編棉繡公服之紳。遵耶和華諭摩西之命。雕璧玉二鑄，金二方，嵌玉其中，用鐫印法，鐫以色列族名於上。置於公服之肩，以爲以色列族記錄。循耶和華所諭摩西之命，用金與紫赤絳三色之縷，與編棉采織繡掛，制同公服。繡掛方而復長，廣之數布指爲度。置玉其中，凡有四行：瑪瑙、淡黃玉、葱珩爲一行，紅寶石、青玉、金鋼石爲一行，赤玉、白瑪瑙、紫玉爲一行，黃玉、璧玉、碧玉爲一行。鑄金爲方嵌玉其中，玉十有二，上用鐫印法，鐫以色列族十二支派之名。編兼金爲索，以綴繡掛。作金方二，金環二，置二環於繡掛兩旁之上，以所編金索之末繫其環，以索之端置於二金方，加於公服肩前。更製二金環，置於繡掛兩旁之下，在公服前繡掛內，又作金環二，置於公服兩旁下，向前於交接之處相對，在公服繡紳之上。以紫帶繫繡掛環，與公服環相連於紳上，使繡掛不離公服。循耶和華所諭摩西之命，用紫縷組織公服內之長衣，其中留空隙，四周製領，如甲衣然，使衣不敝。在衣之旁，用紫赤絳三色之縷，與編棉作緣，狀若石榴，鑄兼金爲鈴，綴於衣之四周，使與石榴相間。金鈴與石榴互相間隔。亞倫服此，奉事耶和華，遵其所諭摩西之命。織棉爲衣，使亞倫與其子服之，以棉作冠，及冠飾，以編棉與臬爲禪，用紫赤絳三色之縷，與編棉繡紳。循耶和華所諭摩西之命，以兼金作聖冠之額，鐫字於上，曰爲聖以事耶和華。繫以紫帶，戴於冠前。循耶和華所諭摩西之命。○於是以色列族遵耶和華所諭摩西之命，而成會幕、攜幕及器、鈎、板、樅柱、座，至摩西前。牡羊皮之紅者，及貂皮以爲蓋，疋以爲



簾法匱與其杠及施恩之所凡與諸器皿及陳設之餅兼金之燈臺與其盞器與油悉備金壇塗有膏沐焚有馨香僑爲幕門銅壇銅羅網與其杠及器盤與其座場帷及柱與座僑爲場門其索其釘與會幕諸器覆蓋之布適聖所用祭司亞倫之聖衣及其子之衣以盡祭司之職以色列族循耶和華所諭摩西之命而作諸工摩西觀諸工悉遵耶和華所諭而作故摩西爲之祝嘏

第四十章 耶和華諭摩西曰正月朔宜建會幕以法匱置其中垂簾於匱前昇几入幕陳所當陳昇燈臺入而燃其燈以焚香之金壇置於法匱前施僑爲幕門置祭壇於會幕門前置盤於會幕祭壇間盛水其中四周立場帷施僑於門以香膏膏幕及幕內所有使諸器爲聖膏祭壇與諸器使壇爲至聖膏盤與其座使爲聖攜亞倫及其子至會幕門前濯以水以聖衣亞倫膏之以膏使其成聖可爲祭司以奉事我又攜其子以衣衣之膏之如父使爲祭司以奉事我緣受其膏亞倫子孫必永爲祭司歷世勿替

○摩西遵耶和華命而行出埃及二年正月朔摩西建幕置座構板施榫立柱張幕施僑於其上循耶和華命以律法藏於匱貫杠於旁置施恩之所於上昇匱入幕垂簾於前以蔽法匱循耶和華命幕中簾前北向設几陳餅於耶和華前循其所命南向置燈臺與几相對燃燈於耶和華前遵其所命置金壇於幕內簾前焚馨香於上遵耶和華命施僑於幕門置祭壇於會幕門外可燔牲獻祭遵耶和華命置盤於會幕祭壇間盛水其中摩西亞倫及其子盥手濯足入會幕近祭壇時洗濯其身悉遵耶和華所諭摩西之命會幕祭壇四周施場帷垂僑於門於是摩西竣厥工

○有雲覆會幕耶和華之榮光盈其室因雲覆之耶和華之榮光盈

之故摩西不能進會幕。雲離會幕時以色列族過征雲不移。民不行。晝則耶和華之雲籠罩幕上。及夜雲狀若火。以色列族過征時悉目擊焉。

利未記

燔牛，必取壯者，純潔是務。牽至會幕前，奠我悅納。按手其上，則悅納可希，罪愆可贖。當宰牛於我前，亞倫子孫爲祭司，必攜其血，至會幕前，灑於壇四周，剝取其皮，剖分其肉。亞倫子孫，必燃火於壇，陳柴其上，所剖者，首及脂。亞倫子孫爲祭司，必置諸壇上，陳於柴，蒸以火。其臟其足，以水洗滌。祭司焚之於壇，是爲燔祭。取其馨香，以奉事我。○如欲燔羊，則綿羊可。山羊亦可，必取壯者，純潔是務。於壇之北，宰羊於我前。亞倫子孫爲祭司，必灑血於壇四周，剖分其羊，首及脂，祭司臚陳壇上，置於柴，蒸以火。其臟其足，以水洗滌，悉焚於壇，是爲燔祭。取其馨香，以奉事我。○如欲燔禽，奉我，則鴉鳩可，雛鴿亦可，祭司攜至壇前，折其項，而焚於壇。瀝血壇旁，必去其臄，脫其毛於壇東，向棄灰之處，剖禽之翼，而弗中判，置於壇，陳於柴，蒸以火，是爲燔祭。取其馨香，以奉事我。

○如欲奉禮物於我，耶和華，必獻麵粉，沃膏加香，攜至亞倫子孫，即祭司前，容其取麵，和膏一撮，及所有之香，焚於壇，以爲記錄。是乃燔祭，取其馨香，以奉事我。既燔一撮，以獻我，則禮物爲至聖。其餘當歸亞倫及子孫。如欲奉禮物，以爐炊製者，必獻和油麵餅，或抹膏薄餅，俱弗置醇。如欲奉禮物，以鼎煎熬者，必獻和油之麵，亦弗置醇。剖之沃膏，是爲禮物。如欲奉禮物，以釜烹煮者，必獻和油之麵，以所備之禮物，奉獻於我。容祭司攜至壇前，於禮物中，祭司必有所取，以爲記錄。焚之於壇，是爲燔祭。取其馨香，而奉事我。既燔一撮，以獻我，則禮物爲至聖。其餘當歸亞倫及子

孫獻我之禮物，皆弗置醇，凡醇與蜜，毋燔以獻。○以初實爲禮物獻我，則可，焚於壇取馨香，則不可。凡禮物必鹽以鹽，我所命之鹽，毋庸少減，故諸禮物必以鹽調和。如欲獻初實於我，以爲禮物，必取已烘之嘉穗，既擣之新穀，沃以膏，加以香，獻爲禮物。祭司取所擣所沃者，及諸香品，焚而獻我，以爲記錄，是爲燔祭，以奉事我。

○如欲獻牛以酬恩，牝牡俱可，純潔是務，奉於我耶和華前，必按手其上，宰於會幕前。亞倫子孫爲祭司，灑血於壇四周，取蓋臟之脂，腹中所有之脂，腓間左右腎，及其脂，及肝片，悉燔以獻我，爲酬恩之祭。亞倫子孫必置脂於壇，陳於柴，與日獻祭物同，熱以火，是爲燔祭，取其馨香，以奉事我。○如欲獻羊以酬恩，牝牡俱可，純潔是務，以奉於我，或獻羔羊，必攜至我前，按手其上，宰於會幕前。亞倫子孫灑血於壇四周，割尾去脂，以離其尻，亦取蓋臟之脂，腹中所有之脂，腓間左右腎，及其脂，及肝片，祭司悉焚於壇，是爲燔祭，用以享我。○如欲獻山羊，以奉於我，必按手其上，宰於會幕前。亞倫子孫灑血於壇四周，以爲燔祭，取蓋臟之脂，腹中所有之脂，腓間左右腎，及其脂，及肝片，祭司悉焚於壇，爲燔祭，以享，取其馨香，而奉事我。犧牲所有之脂，與血，爾勿食之，必獻於我，著爲永例，歷世勿替，隨往勿易。

耶和華諭摩西曰，宣告以色列族云，如有人誤于我命，爲所不當爲，則必獻祭，以贖其罪。如受膏之祭司，陷罪觸法，貽害於民，必緣其所犯，取純潔之犢，獻於我，以贖罪，牽犢至會幕門，按手其上，宰於我前，受膏之祭司取血，入會幕，染指其中，灑於聖室之簾，及我前者，凡七，必取血少

許釁於我前、會幕香壇之角、傾餘血於會幕前、祭壇下、取蓋臟之脂、腹中所有之脂、腰間左右腎、與其脂及肝片、如昔獻牛爲酬恩之祭、而取其脂然、祭司必燔之於壇、犢之皮肉、首足、臟腑、及遺矢、與其全體、攜出營外、至潔清之地、棄灰之所、置於柴、爇以火。○如以色列會衆、誤于我命、爲所不當爲、昔不自明、後乃知過、會衆必獻犢、牽至會幕、以贖其罪、會之長老、必於我前、按手其上、而宰之、受膏之祭司、必取血入會幕、染指其中、灑於聖室之簾、及我前者、凡七、必取血少許、釁於我前、會幕香壇之角、傾餘血於會幕前、祭壇下、取脂、焚於壇、如昔獻犢爲贖罪之祭、於是罪愆可贖、得蒙赦宥。攜犢營外、爇之以火、與他犢無異、此會衆贖罪之祭也。○如有民長、誤于我命、爲所不當爲、以取罪戾、自知有過、必獻山羊之羔、取其牡者、純潔是務、按手其上、宰於我前、卽其常宰犧牲之處、此贖罪之祭也。祭司必指染其血、釁於壇角、傾餘血於祭壇下、焚脂於壇、如昔酬恩之祭、於是祭司爲之贖罪、可蒙赦宥。○如有庶民、誤于我命、爲所不當爲、以取罪戾、自知有過、必獻山羊之羔、取其牡者、純潔是務、爲贖罪之祭、按手其上、宰於燔祭之所、祭司必指染其血、釁於壇角、傾餘血於壇下、取其脂、焚之於壇、以爲馨香、而奉事我、如昔酬恩之祭、於是祭司爲之贖罪、可蒙赦宥。○如奉綿羊之羔、獻祭以贖罪、必取牡者、純潔是務、按手其上、宰於燔祭之所、祭司必指染其血、釁於壇角、傾餘血於壇下、必取其脂、焚之於壇、爲燔祭、以獻我、如昔酬恩之祭、於是祭司代爲贖罪、可蒙赦宥。

○如人目擊其情、與知其事、彼召爲證、令其發誓、而不實告、於是取戾、如出無意、而捫野獸

六畜昆蟲不潔之尸，自取污穢，致獲愆尤，如他人蒙不潔而爾捫之，由於弗察，則無論其所污若何，迨及知之，必以爲過。如人不知，而造次發誓，或善或惡，則無論其所誓何若，迨及知之，必以爲過。以上苟有過失，任之勿辭，因此必攜補過之祭，獻於我前。牝羔綿羊，山羊俱可。容祭司代爲贖罪。如不能備羔，則必攜鴉鳩，或雛鴿二，獻於我前。一爲贖罪，一爲燔祭。攜至祭司前，先獻贖罪之祭，惟折其項，剖其體，而弗中判，灑血壇旁。滙餘血於壇下，是爲贖罪之祭。次獻燔祭，循其常例。祭司代爲贖罪，可蒙赦宥。如鴉鳩、雛鴿，俱無從備，則獻麵粉六升，以贖其罪，勿沃膏，勿加香。蓋贖罪之祭也。攜至祭司，容其取麵一撮，焚之於壇。燔而祭我，以爲記錄。循燔祭之常例。此贖罪之祭也。此數者中，祭司取其一，爲人贖罪，得蒙赦宥。祭物之餘，悉歸祭司，若禮物然。○耶和華諭摩西曰：如人當獻我之物，偶有差失，致獲罪愆，則必獻我牡綿羊，純潔是務。循聖所權衡，依爾所估之價，以補其過。應獻之物，必盈其數，加五分之一。攜至祭司，容祭司取羊，代爲贖罪，得蒙赦宥。如人干我命，爲所不當爲，雖出無意，亦有過失，自取罪戾，緣其無知而有過，必攜牡綿羊，純潔是務。依所估之價，與祭司，以補其過。容祭司代爲贖罪，得蒙赦宥。人違我法，欲補其過，所當獻之祭，卽此。

**第二十三章** 耶和華諭摩西曰：如人有差失，違逆於我，受人付托，尙存其手，而誑言不存，或據人物，虐取人財，捨人所遺，詭云未得，不論所爲，誑言發誓，於是陷罪，既獲愆尤，必以所受托，所強據，所虐取，所拾遺，悉反諸人，所誑言發誓，必於補過之日，以舊物加五分之一，歸於其主。攜牡綿羊，維潔是務。依祭司所估之價，獻之於我，爲補過之祭。祭司於我前，代爲贖罪，而人所犯者，得蒙赦宥。○

又曰以燔祭之例告亞倫及其子日獻燔祭焚之於壇自夕達旦火必常燃祭司衣桌衣亦服桌禱蔽厥下體將燔祭火燼之灰置於壇側祭司易衣服其常服攜灰出營外至潔清之地惟壇火常燃不滅每日祭司蕪柴臚陳燔祭酬恩祭之脂亦焚其上火於壇上常燃不滅至若獻禮物亦有常例焉亞倫子孫必攜至壇前獻之於我自禮物中取麵和膏一撮及所有之香焚之於壇以爲記錄取其馨香以奉事我禮物之餘勿以醇相和在聖地會幕之場亞倫及其子食之炊之毋種以醇禮物少許既燔獻我其餘乃至聖爲亞倫子孫所應得如贖罪補過之祭然凡獻我之燔祭惟潔者可得捫故亞倫子孫諸丁男食之此乃永例歷世勿替○又曰亞倫及其子孫受膏之日必以粉六升獻於我前以爲禮物晨取其半暮取其半以鼎煎熬調和以油禮物既炊擘之而獻取其馨香以奉事我亞倫子孫中有代亞倫受膏爲祭司者必獻是禮焚之務盡斯乃永例以奉事我蓋祭司所獻之禮物必盡焚毋食○又曰以贖罪祭之例告亞倫及其子孫既在我前而宰燔牲卽於其處宰贖罪之祭牲是乃至聖地會幕之場祭司宰牲於是食牲亦於是惟成聖者得捫其肉如牲血灑人衣必於聖地澣濯烹犧牲之肉如用瓦器必毀之如用銅器必加濯磨是肉至聖惟祭司諸丁男可食凡獻牲以贖罪攜其血入會幕以蓋愆尤其肉不得食必焚之以火。

至若補過之祭亦有常例焉此祭爲至聖宰燔牲之所必宰補過之牲其血灑於壇四周取所有之脂與尾及蓋臟之脂腰間左右腎與其脂及肝片祭司悉焚之於壇是爲燔祭以奉事

我俾得補過。此物至聖，惟祭司諸丁男於聖地食之。補過之祭，與贖罪之祭，其例維一，代爲贖罪之祭司，俱必得之。祭司燔牲爲祭，可得其皮。凡禮物，以爐炊製，以鼎煎熬，以釜烹煮者，俱歸祭司，或沃膏與否，以歸亞倫子孫，使其同得。○所獻我酬恩之祭，亦有常例焉。如因頌美而獻，則犧牲以外，必獻和油之饅，抹膏之薄餅，俱弗置醇，麵餅和油煎熬，獻餅酬恩。而外，必獻醇餅爲禮物，於其中取一舉而獻我，歸於灑血之祭司。獻牲以酬恩，其肉必當日食之，勿留於明日。如所獻之祭，由心所願，傾誠樂輸，則當日必食之。其餘明日亦可食。祭肉有餘，留至三日，必爇以火。如祭肉留至三日，而人食之，則其祭不見納於我。獻祭者亦弗稱善，祭物必爲可憎，食之者有罪。祭肉爲穢物所玷，則不得食。爇之以火，如未被玷者，惟純潔之人可食。苟蒙不潔於其身，而食歸我之祭肉，必絕之。民中如人捫他人之不潔，或獸污，或可憎之穢物，爲其所玷，而食歸我之祭肉，必絕之。民中○耶和華諭摩西曰：告以色列族云，或牛，或山羊，或綿羊，其脂毋得食，或自斃，或斷傷之畜，其脂可供他需，惟不得食。獻我之羣畜，有食其脂者，必絕於民中。或禽，或畜之血，爾隨往勿食。凡食血者，必絕之。民中又曰：告以色列族云，凡獻酬恩之祭，必奉於我，手奉犧牲之脂，燔以爲獻。亦奉其腔，搖於我前。祭司必焚脂於壇，腔則歸亞倫及其子孫。酬恩祭中，以右肩奉祭司，舉以爲祭。凡亞倫子孫，獻牲血與脂者，必得右肩。以色列族獻牲以酬恩，我取所搖之肩，所舉之腔，錫於祭司。亞倫及其子孫，著爲永例。當亞倫及其子受膏爲祭司，奉事耶和華時，耶和華命以色列族，於燔祭中，以此賜亞倫，永著爲例。歷世勿替。凡燔祭及禮物，或以贖罪，或以補過，或任人爲祭司，或獻



以酬恩。耶和華於西乃山所諭摩西，告以色列族在西乃野，奉其禮物以獻者，其例如此。

耶和華諭摩西曰：汝攜亞倫及其子與其衣暨香膏，取犢一，爲贖罪之祭，牡綿羊二，無酵餅一筐，集會衆於會幕前。摩西循命，會衆集於會幕前。摩西告之曰：今日所行，乃耶和華所諭，遂攜亞倫及其子，以水濯之，以衣亞倫，束以帶，服以長衣，加以公服，束以繡紳，亦賜繡掛，置烏陵土明於其中，以冠冠之，冠前置金額於額，額卽聖冕。循耶和華命，摩西取香膏，釁會幕及內所有，使之成聖。灑壇七次，釁壇與器，盤與其座，使之成聖。斟香膏以膏亞倫首，使之成聖。使亞倫諸子前，衣之以衣，束之以紳，冠之以冠，循耶和華命。摩西牽犢，以爲贖罪之祭，亞倫及其子，按手其上，乃宰是犢。摩西取血，染指其中，釁於壇上四角，以潔其壇。傾餘血於壇下，使之成聖。可獻贖罪之祭於壇。取蓋臟之脂，肝片，左右腎，及其脂，焚之於壇。熱犢管外，與其皮肉遺矢，循耶和華諭。摩西之命，牽牡綿羊爲燔祭。亞倫及其子，按手其上，乃宰是羊。摩西灑血於壇四周，剖分其羊，將已剖者，與首及脂，熱之以火，洗臟與足，熱羊全體於壇，是爲燔祭。取其馨香，以事耶和華。循其所命。又牽牡綿羊一，卽任亞倫爲祭司時所獻者。亞倫與子，按手其上，乃宰是羊。摩西取血，釁於亞倫右耳之下，垂與右手足之巨擘。亞倫子既前，摩西取血，釁其右耳之下，垂與右手足之巨擘，亦灑血於壇四周。取羊尾之脂，蓋臟之脂，肝片，左右腎，與其脂，暨右肩，在耶和華前，無酵餅筐中，取圓饅一，和油餅一，薄餅一，置於脂及右肩上，均付諸亞倫及其子手，使搖於耶和華前。摩西自其手接之，熱於壇，是任亞倫爲祭司之燔祭。取其馨香，奉事耶和華。摩西取羊腔，搖於耶和華前。

是腔摩西得之，循耶和華命摩西取香膏及壇上之血，灑於亞倫及其子之身，與衣，使彼身及衣可得成聖。○摩西告亞倫及其子曰：當烹羊於會幕前，在彼食之，及筐中之餅，遵所諭之命，餘餅與肉，蕪之以火，歷七日，必行任汝爲祭司之禮，故是時不得出會幕，迨盈七日則可。今日所爲者，耶和華命之爲汝贖罪，故必居會幕門外，晝夜無間，至於七日，守耶和華所命之役事，遵我所告，免爾死亡。亞倫及其子，悉循耶和華命摩西之事而行。

第八日，摩西招亞倫及其子，暨以色列長老，告亞倫曰：取犢一，爲贖罪之祭，牡綿羊一，爲燔祭，純潔是務，獻於耶和華。又曰：爾當告以色列族，取山羊羔一，爲贖罪之祭，犢一，綿羊羔一，爲燔祭，必取未盈歲者，純潔是務。亦取犢一，牡綿羊一，爲酬恩之祭，獻於耶和華。又取麵和油，以爲禮物，蓋今日耶和華必顯現於爾，乃遵摩西命，攜諸禮物於會幕，會衆咸集，侍於耶和華前。摩西曰：耶和華命爾行是，必得其榮光，顯著於爾。○又告亞倫曰：當近於壇，獻贖罪之祭，及燔祭，爲爾及民贖罪，亦獻民之禮物，代民贖罪。遵耶和華命，亞倫至壇，宰犢爲己贖罪，其子取血，亞倫以血染指，灑於壇角，傾餘血於壇下。脂左右腎，肝片，焚於壇上，循耶和華命，惟肉與皮，焚於營外。亞倫宰牲爲燔祭，其子奉血，灑於壇四周，剖分其牲，以所剖者及首，奉與亞倫，焚之於壇。洗臟及足，與燔祭，共焚於壇。亞倫攜民之禮物至，亦取山羊爲民贖罪，宰之以獻，爲贖罪之祭，如獻犢然。攜牲爲燔祭，循其常例，晨獻燔祭而外，亦攜禮物，取麵一撮，焚之於壇，宰犢與羊，爲民酬恩。亞倫諸子奉血，灑於壇四周，取犢脂，羊尾，蓋臟之脂，左右腎，與肝片，置脂於腔，以脂焚於壇，腔及右肩，亞倫

搖於耶和華前，循摩西命。亞倫獻贖罪祭，燔祭，酬恩祭，既畢，舉手祝民而退。摩西亞倫入會幕，出而祝民。耶和華之榮光顯現，爲民目擊。火自耶和華出，焚壇上之燔祭與脂。民見之，權呼俯伏。

亞倫子拿答、亞庇戶各取鼎，燃火炷香，以獻耶和華。所燃者不以聖火，弗遵其命。火自耶和華出，燬二人，死於耶和華前。摩西謂亞倫曰：「耶和華諭云：『近我之祭司，必以我爲聖，使民歸榮於我。』」亞倫默然。摩西召亞倫叔烏泄子米沙利，以利撒反曰：「爾來前，負爾戚屬之尸，誰聖所，往營外。二人乃前，負尸營外，不解其衣。遵摩西命，摩西諭亞倫及其子以利亞撒，以大馬曰：「爾曹既沐耶和華之香膏，毋露爾首，毋裂爾衣，毋出會幕，恐爾死亡，怒及庶民。惟以色列族，可因耶和華火之所燬，哀哭不勝。」亞倫及其子乃遵摩西命。○耶和華諭亞倫曰：「爾與衆子，入會幕時，清酒醇醪，勿飲，恐爾死亡，以此著爲永例。歷世勿替於此。爾得區別，聖與不聖，潔與不潔，以我所諭摩西之命訓迪以色列族。」○摩西諭亞倫及其子以利亞撒，以大馬曰：「獻耶和華燔祭時，有麵爲禮物，其餘爲至聖，爾食於壇旁，毋置醇。必於聖地食之，蓋獻耶和華燔祭中，以是歸爾及爾子孫，我所奉之命乃如此。」以色列族獻酬恩祭，其中所搖之腔，所舉之肩，歸爾及爾子女，必於聖地食之。人以燔祭及脂獻耶和華時，所舉之肩，所搖之腔，必搖於我前，然後歸爾。及爾子孫，著爲永例。循耶和華命。○贖罪之山羊，摩西索之，知已燔矣，則怒亞倫二子，以利亞撒，以大馬曰：「以牲贖罪，爲至聖之物，上帝賜之於爾，以任民愆，代爲贖罪，於耶和華前，何不於聖地食之，何不取血入聖所，蓋爾當食牲於聖地，遵我所命。」亞倫曰：「今日吾子獻贖罪之祭，與燔祭，於耶和華前，適家遭變故，如食

其牲豈見悅於耶和華乎。摩西聞其言而然之。

耶和華諭摩西亞倫曰：告以色列族云：世之牲畜有可食者，今詳言之。凡畜之分蹄，支趾反齧出齧者，俱可食。第分蹄不可食，駝雖反齧而不分蹄，是以不潔。豕雖反齧而不分蹄，亦不潔。豕雖分蹄支趾，而不反齧，亦不潔。其肉勿食，其尸勿捫，俱爲不潔。○水中百族，或出於河，或出於海，凡有翅有鱗，俱可食。凡在水中之生物，或出於河，或出於海，無翅無鱗者，爾必視爲可憎，毋食其肉，必視其尸爲可憎。水族無翅無鱗者，俱爲可憎。○羽族中所可憎而不可食者：鷹、鵞、鷂、小鷹，與其類；鴉、與其類；雌雄之鵝、鳥、魚、鷹、雀、鷹、鷂、魚、狗、鷺、鷺、鳩、鳥、鵝、鵝、爰居、白鶴、蒼鷺、戴鴛、蝙蝠，與其類。凡羽族有四足者，俱爲可憎。飛蟲有四足者，亦有長足高於背，能躍於地者，食之可也。有若蝗蟲、鼠蟲、重蟲、蟹蟲，與其族類，是其餘飛物，有四足者，必以爲可憎。凡捫其尸，必蒙不潔。迨夕乃免。負其尸者，亦蒙不潔。當斡其衣，迨夕乃免。六畜分蹄而不支趾，又不反齧者，俱爲不潔。凡捫之者，必蒙其污。迨夕乃免。四足之獸，行地用蹠者，必爲不潔。凡捫其尸，必蒙厥污。迨夕乃免。或負之者，亦必蒙污。當斡其衣，迨夕乃免。○凡物運行於地，而爲不潔者，亦有其數：鼯鼠、鼯鼠、蜥蜴，與其類；蛤蚧、龍子、守宮、蛇、醫、蠅、蟻。此物皆能運動，悉爲不潔。凡捫其尸，必蒙厥污。迨夕乃免。凡木器、衣服、皮革、布囊，不論何物，有不潔之蟲死而墮其上者，卽蒙其污，必置於水。迨夕乃潔。凡瓦器，有不潔之蟲墮其中，則所藏之物亦污。其器必毀，器中藏水，食物爲所濡，或其中藏有飲啜之物，俱蒙其污。凡爐竈，有不潔之蟲死而墮其上，則蒙厥污，爾必毀之。或泉，或井，

或蓄水處不潔之蟲墮其中有取之出者必蒙不潔其水則潔如墮於將播之種則潔然種孺以水而汚蟲之尸墮其上則不潔如可食之畜自斃捫之者必蒙厥汚迨夕乃免或負其尸或食其肉俱蒙厥汚當斮其衣迨夕乃免凡蟲運行於地者當以爲可憎毋食凡蟲以腹行或四足或多足運動於地者俱爲可憎勿食勿捫運行之物使己蒙不潔而爲可憎蓋我耶和華爾之上帝我聖而爾亦當聖勿捫運行於地之蟲致己不潔我素導爾出埃及爲汝之上帝我聖矣汝亦當聖○凡六畜禽鳥水族昆蟲之運行於地者以區別潔與不潔可食與不可食其例若此

**第三十三章** 耶和華諭摩西曰告以色列族云婦懷妊生男必蒙不潔歷至七日如癸水適至別室居處然八日必爲其子行割禮既產流血必更待三十三日乃潔斯日未盈不可捫聖物不可入聖地生女必二七日蒙不潔如癸水至而別居然既產流血必更待六十六日乃潔無論誕育男女潔日既屆則攜未盈歲之羔爲燔祭及鴿鳩或雛鴿爲贖罪祭至會幕祭司前容祭司獻之於我代爲贖罪婦既流血而蒙不潔必如是始潔婦生男女其例若此如婦不能備羔必攜雙鳩或二雛鴿一爲燔祭一爲贖罪祭容祭司代爲贖罪而婦始得爲潔

**第三十四章** 耶和華諭摩西亞倫曰人若膚有疥或癬或斑爛狀如癩疾則必攜之至祭司亞倫前或其子孫爲祭司前祭司必察其疾如疾處之毫變白深入膚際則屬癩疾祭司既察之必爲不潔如斑爛爲白不深入膚其毫猶未白者祭司必禁錮其人歷至七日屆期察之如其疾止不散於膚則祭司必禁錮其人復至七日屆期必再察之如疾少愈不散於膚則癬而已祭司必視爲

潔使幹衣成潔。祭司察之，以視潔否。其後癬多蔓延於膚，祭司必再察之。若見其癬果蔓延，則祭司必視爲不潔。蓋癩疾已成。○如人有癩疾，必攜之至祭司。祭司察之，知疥色白，毫亦變白，肉色紅腫，乃膚際舊癩所化。此誠污穢。祭司必視爲不潔。毋庸禁錮其人。癩之爲疾，散布於膚，蔓延於體，自頂至踵，無在不有。祭司亦必察焉。如白色遍體，其人猶可潔。雖有疾，尙能使潔也。如肉紅腫，色已外現，則蒙不潔。祭司視之，必以爲污。綠色紅腫，癩疾乃成。而蒙不潔。如紅腫之肉變白，則必至祭司前。祭司察之，知色已變白，必視之爲潔。則無不潔。如人膚際生瘡，而後得醫，瘡處或有白疥，或有斑爛，紅白相間，則必示於祭司。祭司察之，知毫色盡白，深入膚際，則視爲不潔。是屬癩疾。因瘡以生。如祭司察之，知無白毫，不深入膚，疾已少愈，則必禁錮其人。歷至七日，倘蔓延於膚，則屬癩疾。祭司必視爲污。如斑爛已止，而不蔓延，則爲瘡癩。祭司必視之爲潔。如人之膚爲火所灼，其處忽起斑爛，紅白相間，祭司必察之。斑爛處，毫色盡白，深入膚際，則屬癩疾。因灼所致。祭司必視之爲污。如祭司察之，斑爛處無白毫，不深入膚，疾已少愈，則必禁錮其人。歷至七日，屆期察之，如蔓延於膚，則屬癩疾。祭司必視之爲污。如斑爛已止，不復蔓延，而疾少愈，此屬疥疾。因灼所致。灼後成癩，祭司必視之爲潔。○如男女，在首在鬚，有疾，祭司必察之。中有細毫，其色維黃，深入膚際，此屬癩癬。或生於首，或生於鬚，祭司必視之爲污。如祭司察其癬，不深入膚中，無黑毫，則必禁錮其人。歷至七日，屆期察之，如癬不蔓延，中無黃毫，不深入膚，則薙鬚髮，留其癬處，禁錮其人。歷至七日，屆期必察之。癬不蔓延，不深入膚，祭司必視之爲潔。使幹其衣，則無不潔。厥後如癬蔓延。

於膚祭司必察之。若果蔓延，則黃臺之有無俱無庸察。是蒙不潔如癬已止，中發黑毫，其癬已愈，其人已潔。祭司必視之爲潔。○如男女膚生白斑，祭司必察之。白斑少愈，則屬白癬，發生於膚，其人爲潔。如髮脫落，則爲頭童。其人爲潔。如頂髮凋殘，則爲預額。其人爲潔。若頭童預額處發疾，紅白相間，此乃患癩。祭司必察之。如頭童預額處生疥，其色紅白相間，如膚生癩疾然，其人乃癩。而蒙不潔。祭司必視之爲污。緣首已生癩也。○凡患癩者，必裂衣，露頂掩口，自呼曰：我污矣，我污矣。當其患癩時，誠蒙不潔，必異室獨處，居於營外。○如皮衣、革衣、絨衣、桌衣，無論經緯間，爲癩所染，其所染處，色或青紅，此染於癩，必示祭司。祭司察而藏之，歷至七日，屆期視其所染，蔓延於衣之經緯，或於皮衣、革衣，此爲惡癩所染，而蒙不潔。則無論絨衣、桌衣，在經在緯，或皮衣，俱蕪以火，緣其癩甚惡也。祭司察之，見衣所染，不復蔓延於經緯，或於其皮，宜使澣濯，而復藏之。歷至七日，澣濯之後，必察之。其所染之疾，色猶未去，雖未蔓延，亦以爲污。蕪之以火，蓋衣之敝處，或於表裏，染癩甚深。既經澣濯，祭司察之，所染少愈，則必裂衣之經緯，或皮，去其所染。如癩所染處，仍現於衣之經緯，或於其皮，此染癩已深，必蕪以火。如衣或皮，既經澣濯，已去其染，則必再澣，使成爲潔。○以上所載皮衣，或絨衣，桌衣，無論經緯間，視之爲潔，爲污，其例若此。

**第廿四章** 耶和華諭摩西曰：視患癩之人爲潔，亦有常例。必攜至祭司，祭司詣營外察之。見疾已愈，則命人爲之取生禽二，純潔是務。亦取柏香木、絳縷、牛膝草，以瓦器盛活水，宰一禽於上，取生禽、柏香木、絳縷、牛膝草，濡其中，以灑患癩已潔者。凡七，而視爲潔。後縱生禽於野。欲潔之人必澣

衣薙髮，以水洗滌，成潔後，始可入營，異室以居，歷至七日，屆期，鬖髮鬚眉，薙之，務盡，滌衣濯身，而後成潔。越八日，必取牡綿羊之羔二，未盈歲之牝羔一，純潔是後，麥粉一斗八升，調和以油，更加油十三兩，以爲酬恩之祭，使人成潔之祭司，必置人及物於我前，會幕門外，取一牡羔，獻爲補過之祭，又取油十三兩，爲禮物，俱搖於我前，聖地常宰牲，爲贖罪祭，爲燔祭，卽於其處宰羔，贖罪祭之牲，歸祭司，補過祭之牲，亦歸祭司，俱爲至聖祭，司必取牲血，澆於成潔者右耳下垂，及右手足之巨壁，又取油少許，澆於左掌，染以右指，灑於我前，凡七，以少許膏於成潔者右耳下垂，及右手足之巨壁，卽澆牲血之所，掌中餘油，灌於成潔者之首，代爲贖罪，於我前，祭司必獻祭，代成潔者贖罪，後宰燔祭之牲，與禮物同獻於壇，代爲贖罪，其人成潔，如其匱乏，不能全備，則必取綿羊羔一，搖之，爲補過之祭，代爲贖罪，和油之粉六升，並油十三兩，爲禮物，又取二鵓鳩，或二雛鴿，隨其力之所能，一爲贖罪祭，一爲燔祭，成潔之八日，必攜至祭司，獻於我前，會幕門外，祭司必取羔，爲補過之祭，與油十三兩，搖於我前，以爲禮物，宰羔，取血，澆於成潔者右耳之下垂，及右手足之巨壁，澆油少許於左掌，以右指灑於我前，凡七，取油少許，膏於成潔者右耳之下垂，及右手足之巨壁，卽澆牲血之所，掌中餘油，灌於成潔者之首，代爲贖罪，於我前，必獻鵓鳩一，或雛鴿一，隨其力之所能，一爲贖罪祭，一爲燔祭，暨禮物，祭司必於我前，代成潔者贖罪，如癩者匱乏，欲獻成潔之禮，備不能全者，其例若此。○耶和華諭摩西亞倫曰：我將以迦南地，賜爾爲業，爾入斯土，我使癩污染於第宅，其宅主必至祭司，告云：我恐第宅有染，祭司未入以察，必使空其宅，免宅中器



皿俱蒙不潔，嗣後祭司入宅以察，察時見其所染之紋，深入於壁，青紅參錯，祭司必出宅門，扇閉七日。屆期察之，若汚蔓延於壁，則命取其石爲汚所玷者，擲於邑外不潔之所。宅中四周之壁，必加剗削，取其塵埃，傾於邑外不潔之所。更取石以代，取泥以塗。如是之後，其汚再發於宅，祭司必至而察之，見汚果蔓延，是屬宅中之惡癩，誠爲不潔，必毀其宅第，去其木石泥沙，遷於邑外不潔之所。扇閉之時，人人入其宅，必蒙厥汚，迨夕乃免。寢食於宅者，必澣其衣，宅再塗之後，祭司入察，見汚不蔓延，則視爲潔，其汚已除。欲使第宅成潔，必取二禽，柏香木、絳纒、牛膝草，以瓦器盛活，水宰一禽於上，取柏香木、牛膝草、絳纒生禽，濡其中，灑宅凡七。以上諸物，使宅成潔。縱生禽出邑郊，如是代爲贖罪，可致宅潔。○以上所載癩疾、癬疥、斑爛，或衣、或宅，染其汚，以潔與不潔之日示爾者，其例若此。

**利未記** 耶和華諭摩西亞倫曰，告以色列族云，人患白濁，是蒙不潔，或常淋，或少洩，俱蒙不潔。所臥之牀，所坐之座，悉被其汚。凡捫其牀，坐其座，捫其下體者，俱蒙不潔。當澣衣，澣身，迨夕乃免。成潔之人，被患者唾及其體，則蒙不潔。當澣衣，澣身，迨夕乃免。患者所乘之鞍，必蒙不潔。凡其所御之物，捫之者，必蒙不潔。迨夕乃免。其負之者，亦蒙不潔。當澣衣，澣身，迨夕乃免。患者不盥手而捫人，其人必蒙不潔。當澣衣，澣身，迨夕乃免。捫瓦器，必毀。捫木器，必洗。患者成潔，必歷七日。澣濯其衣，以活水洗滌其身，而後成潔。越至八日，必攜二鴉鳩，二雛鴿，至我前，會幕門外，奉於祭司。祭司獻之，一爲贖罪祭，一爲燔祭，代其贖罪於我前。如人夢遺，則蒙不潔，必濯其身，迨夕乃免。其汚

所玷、或衣或皮、俱蒙不潔、當澣以水、迨夕乃免。男女媾精、俱蒙不潔、必濯其身、迨夕乃免。○婦行癸水、必異室以居、歷至七日、凡捫之者、必蒙不潔、迨夕乃免。別居之時、婦所寢之牀、所坐之座、必蒙不潔。凡捫其牀、及其座者、必蒙不潔、當澣衣濯身、迨夕乃免。無論什物、置其牀椅、凡捫之者、必蒙不潔、迨夕乃免。婦行癸水、與之同寢、必蒙不潔、歷至七日、所寢之牀、亦蒙不潔。婦行癸水、延至多日、或前或後、不能如期、則蒙不潔、所寢之牀、所坐之座、必蒙不潔、與別居之時無異。凡捫牀與座者、必蒙不潔、當澣衣濯身、迨夕乃免。祭期既正、必歷七日、然後成潔。越至八日、必攜二鵓鳩、或二雛鴿、至會幕前、以與祭司、祭司獻之一、爲贖罪祭、一爲燔祭。祭司必緣其癸行愆期、致蒙不潔、代爲贖罪於我前、當使以色列族自相區別、去諸污穢、恐玷我幕、陷於死亡。○凡男患白濁、夢遺、女患月癸之疾、或患血淋、或與不潔之婦同寢者、其例若此。

亞倫二子、造次詣耶和華前而死。厥後耶和華諭摩西曰、聖室簾中、法匱施恩所前、我必乘雲、顯現於此、可告爾兄亞倫、毋頻入其地、免致死亡。如其欲入、宜牽犢一、爲贖罪祭、牡綿羊一、爲燔祭、衣蔽禪、束紳冠冠、悉以臬爲、此衣既聖、當濯其身、而後服之。由以色列會衆、取牡山羊二、爲贖罪祭、牡綿羊一、爲燔祭。亞倫獻犢、爲己及眷聚贖罪。更牽山羊二、至會幕門外、置於我前。當緣二山羊掣籤、一歸於我、一歸亞撒色。亞倫必攜歸我之羊、獻爲贖罪祭。亦攜歸亞撒色之羊、生置我前、代爲贖罪。後釋之於曠野、以歸亞撒色。乃牽犢至、爲己及眷聚贖罪。既宰是犢、必取鼎、盛我壇上蕪炭、香屑一掬、攜入簾中、焚香於我前。香篆繚繞、蔽諸法匱、上施恩之所。庶幾亞倫

可免死亡。以血染指，灑於施恩所東。又灑其前。凡七厥後。宰山羊爲民贖罪。攜血入簾，灑於施恩所上。又灑其前。如灑贖血然。緣以色列族染汚俗，重負罪愆，而玷聖所會幕。故亞倫代之贖罪。既進聖室，爲己及眷聚，與以色列會衆贖罪。其時無有能偕之入者。迨事既畢，而後可出。至我祭壇前代爲贖罪。取贖血、羊血、費壇四周，以指灑壇。凡七。是壇雖爲以色列族汚俗所玷，然加以滌理，可使成聖。聖所會幕祭壇既潔，當牽生羊至。亞倫按手其上。代以色列族任咎負愆，使其罪惡，悉置羊首簡人。縱羊於曠野。羊乃負罪，釋之適野。至於荒渺之地。亞倫入會幕，解所服臬衣，留之於彼。必於聖所洗濯其身。衣衣而出。爲己及民獻燔祭。代爲贖罪。焚脂於壇。縱羊歸。亞撒色者，必澣衣濯身。而後入營。憤與羊之血。既攜入聖所，以爲贖罪。其尸必攜出營外。其皮肉遺矢俱焚。以火。熱之者，澣衣濯身。然後入營。○七月十日，無論宗族、賓旅，當卑以自牧，免於操作。著爲永例。祭司既代爾贖罪，使於我前去。惡成潔。故是日爲安息日。當卑以自牧。著爲永例。受膏之祭司，代父任職。必衣聖衣，以臬爲之。獻祭贖罪。代爲聖室、會幕、祭壇、祭司、會衆贖罪。緣以色列族蹈於愆尤，代爲贖罪。歲凡一次。著爲永例。摩西、亞倫、和華所諭而行。

耶和華諭摩西曰：告亞倫及其子與以色列族云：耶和華命汝，凡爾有衆，宰牛羊與羔。無論營內營外，不攜至會幕前。獻於我者，必擬其過。如流血之罪。絕之民中。今以色列族宰犧牲於野。嗣後攜至會幕前。奉諸祭司以獻於我。爲酬恩之祭。我壇在會幕前。祭司必灑血其上。焚脂。取其馨香。而奉事我。勿再狗欲。祭諸魘魅。著爲永例。歷世勿替。當申命云：凡爾有衆及旅於爾者。

或獻燔祭，或宰犧牲，不攜至會幕前奉我，必絕之民中。凡爾有衆，及旅於爾者，苟食血，我必罰之，絕於民中。血乃生物之命，我賜爾灑之於壇，以贖爾命，蓋血乃以贖命焉。故諭爾衆，及旅於爾者，俱無食血。如爾有衆賓旅，獵取禽獸，可供食品者，必瘞其血，蓋血乃生物之命，故禁爾衆毋食，食之者必見絕。不論宗族賓旅，食自斃或斷傷之禽畜，必蒙不潔，當澣衣濯身，迨夕乃免。不然必負罪愆。

耶和華諭摩西曰：告以色列族，我耶和華乃爾之上帝。昔爾居埃及，其土之風俗，爾勿從。今我導汝至迦南，其人之作爲，爾勿效，亦勿守其禮儀。我之法定禮儀，爾必順從。我耶和華爾之上帝，所命若此。如遵我法定，守我禮儀，則可得生。爾當行之勿失，此我所命爾者也。○勿干骨肉之親，而行淫亂，爲我耶和華所禁。勿烝爾母，烝之是辱父母。父之繼室，勿烝之，烝之則辱及於父。至於姊妹，無論同父異母，同母異父，生於家，產於外者，勿亂之。子之女，女之女，勿亂之，是辱己也。同父異母之姊妹，勿亂之。父之姊妹，卽父骨肉之親，勿烝之。母之姊妹，卽母骨肉之親，勿烝之。爾之姆嬭，伯叔之妻也，勿烝之。烝之是辱伯叔子之妻媳也。勿亂之。兄弟之妻，勿亂之。辱及兄弟，婦有女，勿同娶。婦之子有女，婦之女有女，亦勿同娶。皆妻戚屬，勿亂之。斯乃惡俗。爾妻尙存，勿娶其姊妹，恐辱妻而苦其心。婦癸至別居時，毋行好合，以辱其身。勿與他人之妻同寢，致玷己身。勿焚爾子女，以享摩洛。瀆爾上帝之名，爲我耶和華所禁。男色可憎，爾勿漁獵。男勿淫於獸，以玷身。女勿淫於獸，以逆性。異邦人行此，自取污穢，故我逐之。爾勿則效。彼已有玷，我治其罪，使地不載。

故爾曹不論宗族賓旅，當守我法度禮儀，毋蹈此愆。昔斯土之人，專務行此，使地染汚。如爾效之，地必不容爾，與彼相同。凡蹈此愆，絕之民中，爾當守我法度，彼之所行事，多可憎玷及其身。爾毋則倣我耶和華爾之上帝所命如此。

耶和華諭摩西曰：告以色列會衆，我耶和華爾之上帝，我聖，爾亦當聖。敬爾父母，守我安息日，我耶和華爾之上帝所命如此。勿崇偶像，勿鑄上帝，我耶和華，乃爾之上帝。爾欲獻酬恩之祭，冀我悅納，當於是日食其祭品，或明日亦可，若留至三日，宜熱以火。如三日食之，則爲可憎，不蒙悅納。物既獻我，越三日食之，是生瀆玩，必負罪愆，絕於民中。獲田所產，當留其隅，勿拾所遺。園有葡萄，採勿務盡，勿拾遺果，當留之於賓旅，與貧乏者。我耶和華爾之上帝所命如此。毋竊，毋誑，勿相僞爲，指我而誓，勿妄，勿瀆爾上帝之名。我耶和華所命如此。勿虐取，毋強據傭人之值，勿留至明晨，勿詛讒者，勿窒碍於警者前，宜畏爾之上帝。我耶和華所命如此。聽訟之際，勿行非義，無論貧富，勿徇其私，宜秉大公，以爲折中。勿往來於閭里，評人短長，勿爲妄證，置人於死。我耶和華所命如此。勿憎同儕，責人以善，勿使陷罪，勿報仇，勿蓄怨，愛人如己。爾必守我耶和華所命，牲畜異類，勿使遊牝，百穀之種，播田毋雜，泉與絨，勿間織，以成衣婢，受人聘，猶未見贖，不得自由。若與人私，俱加扑責，惟不致死，蓋未能自由也。男必攜牡綿羊一，爲補過之祭，詣會幕門外，奉於我前，祭司獻羊，代爲贖罪，則所犯者，可蒙赦宥。爾至迦南，栽培樹木，可供食品，必以其果爲不潔。三年毋食，至於四年，必獻之於我，以爲頌美，迨至五年，其果可食，使之結實纍然。我耶和華爾之上

帝所命如此。毋食血。毋用卜筮術數。首之四周勿薙。鬚之四周勿損。勿爲死者割肉。勿黥爾身。爲我耶和華所禁。勿辱爾女。使之爲妓。恐一族淫亂。斯土遍染汚俗。宜守我安息日。敬我聖室。我耶和華所命如此。爲卜神所憑者。勿崇巫覡。勿問。恐有玷於爾。爲我耶和華爾之上帝所禁。見斑白者當起。敬耆老。畏爾上帝。我耶和華所命如此。旅於爾土者。勿侮。當視若宗族。愛之如己。緣爾昔旅於埃及。故也。我耶和華爾之上帝所命如此。聽訟之際。勿行非義。權量法度。悉秉至公。我耶和華爾之上帝。昔導爾出埃及。爾當守我律法禮儀。我所命如此。

耶和華諭摩西曰。告以色列族。凡爾族中。爰及賓旅。獻子女以享摩洛者。殺無赦。民以石擊之。彼獻子女。以享摩洛。汚我聖室。瀆我聖名。我必降罰。絕於民中。若鄰里目擊其事。佯爲不見。不置之死。我必罰之。及其眷聚。凡縱私欲奉摩洛。效彼爲非者。絕於民中。憑於卜神。而爲巫覡。有狗欲以從者。我必罰之。絕於民中。我耶和華爾之上帝所命如此。爾當成聖。當守我律法。我耶和華使爾成聖。詛父母者。罪歸之。殺無赦。淫人妻者。殺無赦。淫夫淫婦。必殺。悉父繼室。則辱己父。罪歸之。俱殺無赦。如亂其媳。則逆人倫。其罪歸之。俱殺無赦。漁獵男色。是屬可憎。其罪歸之。俱殺無赦。如人娶妻。而並娶妻之母。則爲惡俗。三者必爇以火。使惡俗去於爾中。如人與獸淫合。必殺無赦。亦必殺獸。如女淫於獸。其罪歸之。俱殺無赦。如人娶姊妹。無論同父異母。異父同母者。皆辱姊妹。斯爲惡俗。厥罪歸之。俱絕於民中。如婦癸至。人與同寢。婦亦相從。則犯其經。俱絕於民中。勿悉父母之姊妹。因辱戚屬。必負罪愆。如悉伯叔之妻。則辱伯叔。俱必負罪。而絕其嗣。如娶兄弟之

妻則辱兄弟，此屬可憎，必絕其嗣。我法度禮儀，爾當恪守，則我所導爾入之地，可容爾居。居斯土者，蹈諸愆尤，我憎而逐之。爾勿則效我耶和華爾之上帝，區別爾曹，異於凡民。許爾得地，賜爾產乳與蜜之上，故當區別潔與不潔之禽獸。凡我所示爲不潔之禽獸，運行於地之昆蟲，爾勿捫之，致爲可憎。我耶和華乃聖，已區別爾曹，異於凡民。爾既屬我，故當成聖。有憑於卜神，而爲巫覡者，殺無赦，其罪歸之，當擊以石。

耶和華諭摩西曰：亞倫子孫爲祭司，當告之云：族中有死亡者，祭司勿爲之蒙污。若死者爲己戚屬，父母兄弟子女，則可姊妹未適人者，亦可。既爲長者，則勿從俗，爲人蒙污。勿髡髮，勿薙鬚之四周，勿割肉祭。司既獻燔祭，享厥上帝，故當成聖，以奉事我。毋瀆我名，祭司爲聖，以奉上帝。故娼妓淫奔，棄婦勿娶。祭司既享上帝，必以爲聖。蓋我耶和華乃聖，使爾成聖。如祭司之女，行淫自玷，辱及於父，必蕪以火。兄弟中有爲祭司長者，既沐香膏，衣聖衣，任是職，則勿裂衣露頂，勿近尸側，卽父母之尸亦勿近之，而蒙不潔。祭司長戴冕受膏，奉厥上帝，勿離聖地，勿瀆上帝之聖所。我耶和華所命如此。祭司長必娶處女，棄婦，棄婦，娼妓，淫奔，勿娶。惟宗族之處女，則可。勿使其苗裔玷於族中。蓋我耶和華已俾其成聖。○又曰：告亞倫。凡爾歷代子孫，體有不備者，勿享上帝。凡體不備者，勿近我前，如瞽，跛，駝，四肢不均，或手足傷毀，或偃僕，或侏儒，或瞎翳，或疥癬，或瘡，瘻，或損外腎。凡祭司亞倫之族，體有不備者，勿近我前，以獻燔祭。享厥上帝。所奉之禮物，以享上帝者，無論聖與至聖，彼亦得而食之。簾中不可入，壇前不可近，恐玷我聖所。蓋我耶和華已使之

成聖摩西<sup>三</sup>以此告亞倫及其子，並以以色列族。

**第二十三章** 耶和華諭摩西曰：告亞倫及其子，使知以色列族所獻我之物，有時不可捫，恐瀆我聖名。我耶和華所命如此。當告之曰：凡爾歷代子孫，有蒙不潔而捫以色列族所獻我之物，必絕之我前。我耶和華所命如此。凡亞倫子孫患癩，或白濁，不可食聖物。待潔則可有捫尸夢遺之人，爲亞倫子孫所捫者，或捫污蟻之蟲，或捫不潔之人，凡若此者，爾如捫之，必蒙厥污。當洗濯其身，至於薄暮，可食聖物。迨日入時則潔，可食聖物。蓋此藉以養生。自斃斷傷之畜毋食，恐蒙不潔。我耶和華所禁。故當守我禮儀，不爲汚所玷，恐負罪而死。我耶和華使之成聖。外人不得食聖物。於祭司之家，爲旅爲傭，亦不得食聖物。惟祭司購以金，或生於其家者，可得而食。如祭司之女嫁與外人，不可食聖物，如爲嫠，或爲夫所棄，無子而大歸父家，與幼時無異，則父所食者亦得同食。惟外人不可食。如人誤食聖物，則必加五分之一，償之祭司。以色列族奉我之聖物，不容與外人共食。恐外人食之，自取罪戾。蓋我耶和華使之成聖。又曰：告亞倫及其子，與以色列族云：凡以色列族，或族中之賓旅，許願樂輸，燔禮物以獻。奠我悅納者，則必取牛、綿羊，或山羊，惟牡是尙。純潔是務。體有不備者，則不可獻。不蒙悅納。如人許願樂輸，償其所許，獻牛羊於我，爲酬恩之祭，必務純潔。體無玷缺，以奠悅納。凡譬目、毀傷、損缺、痘疹、疥癬、瘡痍，俱勿獻於我。勿燔於壇。牛羊四肢不均，形體猥瑣，人樂輸之，則可惟許願以獻。則不蒙悅納。外腎損傷，或被閹割者，勿獻於我。在爾中勿行是。外人欲以此享爾之上帝，爾勿受以獻。蓋體毀傷，不全備者，不蒙悅納。○又曰：凡犢，或綿羊，



山羊之羔，既字後，偕母必至七日，越八日，可獻於我，以爲燔祭，而蒙悅納。牝牛、牝羊，勿偕子同日以宰。欲獻酬恩之祭於我，冀我悅納，卽於所獻之日食之，勿留於明日。我耶和華所禁，當遵我禁令。我耶和華所命如是。我耶和華導爾出埃及，使爾成聖，爲爾上帝，勿瀆我聖名，尊我爲聖於以色列族中。我耶和華所命如是。

耶和華諭摩西曰：告以色列族，我之節期，是爲聖會，有常例焉。六日間宜操作，越至七日乃安息，必有聖會，悉休其工，無論所往，必守安息，以奉事我。外此亦有節期，以爲聖會，屆期必告於衆。正月十四日薄暮，卽我之逾越節，是月之望，爲無酵節，以奉事我。歷至七日，當食無酵餅。首日有聖會，毋興作。此七日間，日奉燔祭以獻我。越至七日，亦有聖會，毋興作。○又曰：告以色列族云：爾至我所賜之地，穫田所產，必取初實之穗一束，奉於祭司，安息日明晨，祭司以之搖於我前，冀蒙悅納。搖穗之日，必取未盈歲之牡羔一，純潔是務，燔以獻我，和油之粉一斗二升，爲禮物，燔而獻我，取其馨香。酒二斤有半，以爲灌奠。圓饅烘穀，嘉穗未於其中取而獻我者，毋食，以此著爲永例。歷代勿替，隨往勿易。自安息日之明晨，搖穗之日，必核七七日，而盈其數。越至五旬，獻禮物於我，以薦其新。取粉一斗二升於爾家，和以酵，製成圓饅，以薦初實。搖而獻我，外此更獻未盈歲之羔七，純潔是務。牡犢一，牡綿羊二，與其禮物，奠之以酒，俱燔以獻，取其馨香，而奉事我。又獻山羊之羔一，爲贖罪祭。未盈歲之綿羊羔二，爲酬恩祭。祭司取此，與初實之麥所作圓饅，搖於我前，是物既獻於我，必歸祭司。是日必有聖會，播告於衆，咸止工作，著爲永例。歷代勿替，隨往勿

易穫田所產當留其隅毋拾遺穗惟賓旅與貧乏者可得我耶和華爾之上帝所命如此○又曰告以色列族云七月之朔當守安息日必有聖會吹角爲記是日毋興作惟獻燔祭而奉事我○又曰七月十日爲贖罪之期必有聖會當卑以自牧獻燔祭於我是日宜止操作務贖罪於耶和華爾之上帝前於是日不卑以自牧必絕之民中於是日不止操作必減之民中是日毋興工作著爲永例歷世勿替隨往勿易是月九日薄暮至明日薄暮當守安息日卑以自牧○又曰告以色列族云七月之望歷至七日爲構廬之節期以奉事我首日有聖會毋操作此七日間日獻燔祭以奉事我越至八日爲聖會之大日工作咸止宜獻燔祭以奉事我今所言者乃我之節期必守聖會以獻燔祭而奉事我其燔祭禮物灌奠之酒日必獻之各遵所宜外此更當守我安息日亦必償爾所許之願樂輸禮物以獻於我七月之望田園所產斂藏既畢必守節期歷至七日以奉事我首日爲安息八日亦爲安息首日爾必取佳木之果棗樹之條喬木之枝溪旁之柳欣喜歡忭於我耶和華爾之上帝前歷至七日每歲七月間必守七日爲節期以奉事我著爲永例歷代勿替凡爾宗族居處是廬必歷七日俾爾子孫永憶弗忘我導爾出埃及時曾使爾居廬也我耶和華爾之上帝所命如此摩西以耶和華之節期宣播於衆

耶和華諭摩西曰告以色列族云當取橄欖搗油惟潔是務使燈常燃會幕中法匱前簾外亞倫必燃明燈於我前自夕達旦著爲永例歷代勿替必置盞於金燈臺上恒奉事我當取麵粉製餅十二每餅一斗二升列爲二行行各六餅置諸金几以供事我每行餅上必置乳香

惟潔是務，以爲記錄，焚以獻我，值安息日，自以色列族取餅，置於我前，守爲恒約，祭物燔而獻我，於其中有餅爲至聖之物，以歸亞倫及其子孫，食於聖所，著爲永例。○以色列族但之支派底伯哩女，名示羅密，適於埃及人，其所生之子，往來以色列族中，與以色列人鬪於營，譏刺耶和華名，加以咒詛，人曳之至摩西，禁於獄，俟耶和華之旨，明告於衆，耶和華諭摩西曰：彼與咒詛，曳出營外，使聞之者，接手其上，衆以石擊之，告以色列族云：咒詛其上，帝者罪歸之，譏刺我耶和華名者，死無赦，衆擊以石，無論宗族賓旅，譏刺我名者，死無赦，殺人者，死無赦，殺人之畜，必償以牲，償性殘缺人體者，必依其所行而反之，傷償傷，目償目，齒償齒，如其使人殘缺，必如是反之，殺人之畜，必償，殺人者，死無赦，無論宗族賓旅，俱循一例，我耶和華爾之上帝所命如此。摩西使以色列族曳咒詛者出營外，擊之以石，以色列族遵耶和華所諭摩西之命而行。

耶和華於西乃山諭摩西曰：告以色列族云：爾既至我所錫之地，當休息土壤，敬恪乎我，六年間，耕耘田畝，治理葡萄，斂其所產，越至七年，使土休息，敬恪乎我，斯時也，田畝勿耕，葡萄勿治，田畝之不耕而發者，勿穫，葡萄之不治而實者，勿摘，蓋是年其土乃休息，當其時也，土之所產，爲爾及僕婢，傭人，賓旅，六畜，野獸，所食，爾宜核數安息之年，凡七七相乘，計四十九年，當年七月十日，爲贖罪之期，遍地吹角爲號，使閱五十年成聖，普告宇內居民，此爲禧年，得以自由，人各歸其業，返其家，每五十年必爲禧年，田勿耕耘，田畝不耕而發者，勿穫，葡萄不治而實者，勿摘，此乃禧年，必以爲聖，田畝之自發者，人俱可食，禧年既屆，各歸其業，如贖業於人，或購人之業。

勿相侮，必計禧年之日月，視其遠近，計田所產，而相鬻購，其遠價昂，期近價減，視結實之多寡，而鬻其業，故勿相侮，乃畏上帝。我耶和華爾之上帝所命如此，宜遵我法度，守我禮儀，安居斯土地之所產，使爾果腹，安然居處。倘爾問云：「既至七年，不稼不穡，將何所食？」我必於六年間錫嘏於爾，可得三年之蓄。八年耕耘，尚食舊穀，至於九年，新穀乃登，田畝屬我，汝乃賓旅，不得以田畝永鬻於人。爾所有之地，雖鬻可贖，假宗族貧乏，鬻其田疇，親戚贖之亦可。如無贖者，而已有餘，足以自贖，則當核其年之多寡，以其所值償諸於人，得歸其業。如己無所有，不足以償，則見鬻之業，可存於人，待禧年至，地屬於主人，歸其所。如人鬻邑中之宅，則鬻後期年可贖，如年已周不贖，則邑中之宅，永存於購者，歷世勿替，即屆禧年，亦不歸主。但宅在鄉里，而無城垣，則視如田畝，可得贖之。禧年歸主，惟利未族之邑，與邑中之宅，利未人隨時可贖。如人購利未族之宅，則宅與邑，屆禧年必歸其主，蓋在以色列族中，利未人以邑中之宅爲業，利未族邑郊之田，爲其恒業，不得永鬻於人。如宗族匱乏，家日益落，當周其急，使之偕居，若柔遠人然。宗族偕居，勿取其利，宜畏爾之上帝，貸金與粟，毋圖其利。吾耶和華爾之上帝，導爾出埃及，以迦南賜爾，爾必以我爲上帝。如宗族貧乏，自鬻於爾，勿視若奴，當偕爾居，如傭人旅人然，供爾役事，以待禧年。屆期，彼及子女，必去爾家，仍歸其所，復得前人遺業。昔我導以色列族出埃及，爲我臣僕，故不得鬻爲賤役，勿治以嚴，宜畏爾之上帝，異邦之民，來自四方者，可購爲僕婢，外人旅於爾中，生於爾地者，可購而得之，遺於子孫，恒爲爾僕，惟以色列人爲爾宗族，勿治以嚴。如爾中賓旅有富厚者，爾族窮乏，自鬻於彼，或

其子孫，<sup>見</sup>後戚屬亦可代爲贖之，或叔伯，或叔伯之子，或同族，俱可贖之，如己有餘，足以自贖，自贖亦可。贖時與禧年相去當互爲核算，揆其期之遠近，酌傭人之值幾何，以償贖價之多寡。年遠償其鬻金宜多，年近償其鬻金宜少。歲必偕居，待若傭人，毋治以嚴，如未得贖，屆禧年之期，彼及子女，去可自由。昔我導以色列族出埃及，故以之爲我臣僕。我耶和華爲爾之上帝。

勿作偶像，勿立偶像，勿勒像於石而崇拜之，是我耶和華爾之上帝所禁。當守我安息日，敬我聖室，我耶和華所命如是。倘違我禮儀，守我禁令，我必降時雨，使地產物，樹結果，爾禾方擊之期，葡萄可摘矣，葡萄摘猶未盡，播種又將及矣，俾爾果腹安居。我錫境內平康，驅逐暴獸，毋許與戎，爾可安寢，無人使爾危懼。爾將追敵，以刃殲之，爾中之人，五可驅百，百可驅萬，敵必殲於爾刃。我將眷顧爾曹，與爾立約，使爾繁衍昌熾，爾食舊穀，新穀既盈，舊穀可移。我將立室於爾中心，不憾爾。周遊爾間，吾爲爾之上帝，爾爲我民。我耶和華爾之上帝，導爾出埃及，脫爾於賤役。毀爾所負之軛，使爾徑行直遂。若不聽從，弗遵此命，蔑我禮儀，侮我法度，干我誠命，違我盟約，我將使爾穀，身癆，體瘡，以致心憂目盲，播種徒勞，爲敵所食。我必拒爾，使死於敵前。憾爾者將虐爾，無人追襲，爾亦遁逃。若仍弗聽從，將治爾罪，重於七倍。爾恃強驕肆，我必毀爾，使爾天地堅若銅鐵，爾徒力作，田無所產，樹不結實。爾尙梗頑，不克從順，則按罪降災，必至七倍，使暴獸入爾境，攘爾子，食爾牲，致戶口凋殘，逶徯寂寞。爾猶不順受譴責，所行逆我，我必降罰，督責爾罪。至於七倍，爲爾背約，故以鋒刃擊爾，洩我忿怒。爾若集於邑垣，我必使疫癘流行，付爾於敵。既減爾食，十

婦炊餅於一爐，較量其數，爾雖得食，不能果腹。汝猶不聽從我言，所行逆我，我必震怒，降罰於爾。督責爾罪，至於七倍，使爾殘食子女。爾造日象，築崇邱，我必毀之，棄爾尸骸，以及偶像，共相枕藉。我中心憾爾，毀爾邑垣，使聖所寂寞，不享爾馨香。爾國荒涼，如是之甚，使敵居斯土，無不駭異。我必散爾於異邦，奠爾以白刃，荒寂爾居，掃除爾邑。爾既轉徙於敵國，則斯土荒寂，其壤可享安息。汝居斯土，遇安息日期，壤無憩息，故荒寂時，可獲憩息。爾曹猶有孑遺，處於敵國，必使爾心畏懼，風吹葉落，偶聞其聲，則懼而遁，若避鋒刃，卽無追者，亦必隕沒。自相蹂躪，如擊以刃，拒敵無能。爾必危亡於異邦，并吞於敵國。爾曹猶有孑遺，處於敵國，爲一己之愆，尤并前人之罪戾，日漸消亡。如其能任己愆，及前人之罪，自知差失，所行逆我，受我譴責，驅至敵國，在彼服罪，緣其不潔之心，卑以自牧，則我必追憶曩時，與亞伯拉罕，以撒，雅各所立之約，而俯念斯土。以色列民蔑我法度，憾我禮儀，使其故土遠離，田疇荒寂，於斯時也，土地得享安息，待民服罪，彼驅於敵國，我不屏斥之，厭棄之，殲滅之，不廢我約。蓋我耶和華，尙爲其上帝。昔我耶和華，導以色列祖出於埃及，爲其上帝，越在異邦，無不目擊，故我必念其盟約。以上之禮儀典章律法，乃耶和華於西乃山諭摩西，使告以色列族遵行者。

**第二十八章** 耶和華諭摩西曰，告以色列族云，有許願者，以人供我役事，則必估其價，循聖所之權衡，自二十歲至六十歲者，男二十五兩，女十五兩，自五歲至二十歲者，男十兩，女五兩，自一月至五歲者，男二兩有半，女一兩有半，自六十歲以上者，男七兩有半，女五兩。倘其人貧乏，不能如

價則宜見祭司、祭司視其力、以估其價。如人以可享之牲許獻於我、則必獻之美惡、毋相易。如易之、則所許所易者、俱獻於我。如所許者不潔之畜、不堪享我、則必牽至祭司、以估其價、或美或惡、必遵祭司所估之命。如欲贖之、宜於所估之價、加五分之一。如人許宅、供我役事、祭司必估其價、或美或惡、遵其所命、以爲定例。如欲贖之、必於所估之價、加五分之一。宅則歸己。如人以所遺之田、畝獻我、以供役事、則視播種之多寡、以估其價。播大麥六石者、價值二十五兩。如其獻田、適值禧年、則爾所估之價、必爲定例。如其獻田、在禧年之後、則祭司必權其後、至禧年之歲月、以減其價。如已獻田、而欲贖之、當於所估之價、加五分之一。田則歸己。如不贖田、或祭司轉鬻於人、則不可復贖。禧年既屆、必以其田、恒供我役、歸於祭司。若獻禮物、如人以田獻我、供我役事、是田乃購於人、非祖父所遺者、則祭司必視禧年之遠近、以估其價、必使卽償其金、供我役事。待禧年至、田歸其主。爾所估之價、必循聖所權衡、十錢爲一兩。首生牡畜、無論牛羊、本歸於我、不得再獻。供我役事。不潔之畜、人欲贖之、必遵爾所估之價、加五分之一。苟或不贖、必視所值鬻之於人。凡獻我之物、無論人畜田畝、俱不得鬻、亦不得贖。所獻禮物、不可復贖。乃必宰之。田之所產、樹之所結、什一奉我、俱歸我耶和華。所應輸之什一、人欲贖之、必加五分之一。牛羊爲牧者、計其數、必以什一歸我。或美或惡、毋庸察、亦毋庸易。如其易之、則所數與所易者、俱必獻我、不得復贖。上所載之誠命、乃耶和華在西乃山、諭摩西告以色列族者。

舊約聖書

利未記

第二十七章

一百二十四



民數紀畧

出埃及後、二年二月朔、耶和華在西乃野會幕中、諭摩西曰、以色列會衆、循其世系宗族、凡諸丁男、一一核其數、自二十歲以上、能臨陳者、爾及亞倫當依其數而計之。每支派中、擇最著者一人以助爾。今述其名、屬流便支派、示丟耳子以利蒞、屬西面支派、蘇哩沙太子示路滅、屬猶大支派、亞米拿達子拿順、屬以薩迦支派、蘇押子拿但業、屬西布倫支派、希倫子以利押、約瑟有二子、分爲支派二、屬以法蓮支派、亞米忽子以利沙馬、屬馬拿西支派、比大楷子迦馬列、屬便雅憫支派、其田尼子亞庇但、屬但支派、亞米沙太子亞勃色、屬亞設支派、惡蘭子帕結、屬伽得支派、丟耳子以利亞薩、屬納大利支派、以南子亞希喇、今所言諸人、爲支派之牧伯、以色列族中之千夫長、會中素有名望者。摩西亞倫召之、二月朔、集會衆、自二十歲以上、凡諸丁男、一一稱名、述其譜系、考其宗族。摩西在西乃野、遵耶和華命、核其數、以色列長子流便子孫、循其世系宗族、自二十歲以上、凡諸丁男、能臨陳者、依其名數、計四萬六千五百。西面子孫、循其世系宗族、自二十歲以上、凡諸丁男、能臨陳者、依其名數、計五萬九千三百。伽得子孫、循其世系宗族、自二十歲以上、能臨陳者、依其名數、計四萬五千六百五十。猶大子孫、循其世系宗族、自二十歲以上、能臨陳者、依其名數、計七萬四千六百。以薩迦子孫、循其世系宗族、自二十歲以上、能臨陳者、依其名數、計五萬四千四百。西布倫子孫、循其世系宗族、自二十歲以上、能臨陳者、依其名數、計五萬七千四百。約瑟生二子、分爲支派二、以法蓮子孫、循其世系宗族、依其名數、自二十歲以上、能臨陳者、計

四萬有五百馬三拿西子孫循其世系宗族依其名數自二十歲以上能臨陳者計三萬二千二百五便雅憫子孫循其世系宗族依其名數自二十歲以上能臨陳者計三萬五千四百五但之子孫循其世系宗族依其名數自二十歲以上能臨陳者計六萬二千七百五亞設子孫循其世系宗族依其名數自二十歲以上能臨陳者計四萬一千五百四納大利子孫循其世系宗族依其名數自二十歲以上能臨陳者計五萬三千四百四以色列十二支派之牧伯輔翼摩西亞倫核數其名考其宗族自二十歲以上能臨陳者計六十萬三千五百五十人五利未宗族不列其數蓋耶和華曾諭摩西曰利未支派勿與以色列族同核五必使之負載法幕及其器皿供役其中四周列營如徙會幕利未人移之如立會幕利未人建之外人近其側必致死亡五以色列衆立營各歸其所各循其彙利未人立營四周法幕以爲範衛免以色列族于我震怒五以色列族遵耶和華所諭摩西之命而行

**第 三 章** 耶和華諭摩西亞倫曰以色列族必遠會幕之四周隨其彙附宗族之旃各列其營三東方日出之所凡從猶大之彙者各列其營亞米拿達子拿順爲猶大牧伯能臨陳者計七萬四千六百五以薩迦支派從其右蘇押子拿但業爲牧伯能臨陳者計五萬四千四百七西布倫支派從其左希倫子以利押爲牧伯能臨陳者計五萬七千四百九凡從猶大營能臨陳者計十八萬六千四百五遣征前往十○南方有流便之彙及其軍旅示丟耳子以利蒞爲流便牧伯能臨陳者計四萬六千五百西西面支派從右列營蘇哩沙太子示路滅爲牧伯能臨陳者計五萬九千三百迦得支派從

其左流耳子以利亞薩爲牧伯，能臨陳者計四萬五千六百五十。凡從流便營，能臨陳者計十五萬一千四百五十。過征次往。○過征時利未族與會幕居於營之中，視列營法以爲過征各隨其羣。○西方有以法蓮之羣及其軍旅，亞米忽子以利沙馬爲以法蓮牧伯，能臨陳者計四萬有五百。馬拿西支派從其右，比大猶子迦馬列爲牧伯，能臨陳者計三萬二千二百。便雅憫支派從其左，其田尼子亞庇但爲牧伯，能臨陳者計三萬五千四百。凡從以法蓮營，能臨陳者計十萬八千一百。過征次往。○北方有但之羣及其軍旅，亞米沙太子亞勃斯爲但之牧伯，能臨陳者計六萬二千七百。亞設支派從其右，惡蘭子帕結爲牧伯，能臨陳者計四萬一千五百。納大利支派從其左，以南子亞希喇爲牧伯，能臨陳者計五萬三千四百。凡從但之營，能臨陳者計十五萬七千六百。過征其後。○以色列族循其宗族核其營壘，軍旅總計六十萬三千五百五十。利未族不列其數，遵耶和華諭摩西之命。以色列族過征各依其族列營，各循其羣，遵耶和華諭摩西之命。

**第廿三章** 昔在西乃山，耶和華諭摩西時，摩西亞倫之紀畧臚列如左。亞倫首生拿答，次生亞庇戶，以利亞撒，以大馬亞倫諸子咸受香膏，任爲祭司。拿答亞庇戶在西乃野，燃不聖之火，以獻耶和華，故死於其前。二人無子，以利亞撒以大馬與父亞倫同爲祭司。○耶和華諭摩西曰：可使利未族近前，侍於祭司亞倫側，而輔翼之。從事於會幕前，代亞倫及會衆守所當守，守會幕之器，代以色列族守所當守，從事於此。爾在以色列族中，必以利未人悉昇亞倫及其子，使爲助理。惟立亞倫及其子爲祭司，以守其職。外人近聖室，必致死亡。○耶和華諭摩西曰：我耶和華取利未人代

以色列族初胎之男子，故利未人屬我。昔在埃及，我戮其地諸冢子時，取以色列族初胎之男，首生之畜，便獻於我，故凡初胎與首生者，悉歸於我。我耶和華所命如是。○耶和華在西乃野，諭摩西曰：利未諸丁男，循其世系宗族，自一月以上者，當核其數。摩西遵耶和華命而行。利未子名臚列如左：革順、哥轄、米喇哩。革順生立尼，示每。哥轄生暗蘭，以斯哈、希伯崙、烏泄。米喇哩生抹利、母示、斯利未子孫，依其世系。○屬革順者有立尼、示每二族。其諸丁男，自一月以上，計七千五百。皆當於會幕後，西向列營。拉利子以利亞薩為革順族長。革順人所守者，會幕及其蓋，幃為幕門，幕帷及壇四周之場帷，幃為場門及所用之索。○屬哥轄者有暗蘭、以斯哈、希伯崙、烏泄四族。其諸丁男，自一月以上，計八千六百。使守聖所，皆當於會幕南向列營。烏泄子以利撒反為哥轄族長。哥轄人所守者，法匱、几案、燈臺、祭壇、香壇、與幃及聖室器皿，用以服事者。祭司亞倫子以利亞撒為利未族諸長之冠，統理守聖室之人。○屬米喇哩者有抹利、母示二族。其諸丁男，自一月以上，計六千二百。皆當於會幕北向列營。亞庇孩子蘇列為米喇哩族長。米喇哩人所守者，會幕之板、櫬、柱、座與所用器皿及場四周之柱、座、釘、索。○惟摩西、亞倫及亞倫子於會幕前，東向列營，代以色列族守其所守護持聖室外人近之，必致死亡。摩西、亞倫遵耶和華命，核利未人數，依其世系。諸丁男，自一月以上，計二萬二千。○耶和華諭摩西曰：以色列族丁男冢子，自一月以上者，宜核其數。取利未人代以色列族初胎之男，以歸我耶和華，亦取利未人之畜，代以色列族首生之牲，以獻於我。摩西循耶和華命為以色列族之丁男冢子，核算其數，依其名籍，自一月以上者，計二

萬二千二百七十三。○耶和華諭摩西曰，取利未人代以色列族初胎之男，亦取利未人之畜，代其首生之牲，使利未人悉歸於我。我耶和華所命如此。以色列族初胎之男，其數較諸利未人多二百七十三人，俱當以金贖之。人各取二兩有半，十錢爲一兩，權衡其數，必循聖所之法。當以贖金歸亞倫及其子。以色列族丁男冢子，較利未人爲尤多，所贖之金，摩西取之，計六百八十二兩，有半，權衡其金，悉循聖所之法。以奉亞倫及其子，循耶和華所命摩西而行。

耶和華諭摩西亞倫曰，利未族中哥轄子孫，循其世系宗族，自三十歲至五十，能從事於會幕者，宜核其數。其所負者，會幕至聖之什物，過征之時，亞倫及其子宜近前，除簾以掩法匱，施貂皮其上，覆以紫布，貫杠於旁。几上覆以紫布，盤、鼎、壺、盃，以爲灌奠，我前恒陳之餅，悉置其上。蓋以絳布覆以貂皮，貫杠於旁。以紫布蓋燈臺，及盞、翦、盤，與所用之油器，覆以貂皮，悉置於板。以紫布蓋金壇，施貂皮其上，貫杠於旁。聖室所用之器皿，以供役事者，蓋以紫布，施貂皮其上，悉置於板。祭壇之灰，必棄，覆以赤布，置鼎、鉤、盞、盃，及壇上所用器皿，以供役事者，悉置於壇。施貂皮其上，貫杠於旁。以色列族過征時，亞倫及其子，蓋聖室諸器皿，既畢其事，則哥轄子孫可前以昇，惟不可捫聖物，恐致死亡。今所言者，哥轄子孫，當負戴會幕之什物，祭司亞倫之子，以利亞撒所守者，乃燈油、芬芳之品、日獻之禮物，以及香膏，與統理會幕聖室中所用之什物。耶和華諭摩西亞倫曰，哥轄人勿造次近聖物，恐致死亡，絕於利未族中。亞倫及其子當先入聖室，衆所役負，各定其例。蓋聖物時，哥轄人亦勿入以觀望，恐致死亡。○耶和華諭摩西曰，革順子孫，循其世系宗族，自

三十歲至五十能從事於會幕者，宜核其數。其所負戴之什物，即會幕與其蓋，在上之貂皮，幃爲幕門、幕帷，及壇四周之場帷，幃爲場門，索與器皿，以供役事者，悉當負戴。亞倫及其子，當命革順人，供役負重，所守所事，悉從爾命。今所言會幕之什物，革順人所當負戴，祭司亞倫子以大馬統理之。○米喇哩子孫，循其世系宗族，自三十歲至五十，能從事於會幕者，宜核其數，其所負戴之什物，即會幕之板、樅、柱、座、場四周之柱、座、釘、索，與所用器皿，以供役事者，皆按籍以記。今所言會幕之什物，米喇哩子孫所當負戴，祭司亞倫子以大馬統理之。○摩西亞倫及會長，及數哥轄子孫，循其世系宗族，自三十歲至五十，能從事於會幕者，計二千七百五十。摩西亞倫、遵耶和華命，核算哥轄人數，使從事於會幕者，即此革順子孫，循其世系宗族，自三十歲至五十，能從事於會幕者，計二千六百三十。摩西亞倫、遵耶和華命，核算革順人數，使從事於會幕者，即此。○米喇哩子孫，循其世系宗族，自三十歲至五十，能從事於會幕者，計三千二百。摩西亞倫、遵耶和華命，核算米喇哩人數，即此。摩西亞倫及以色列會長，核數利未族，循其世系宗族，自三十歲至五十，能從事於會幕，供役負重者，共計八千五百八十。各循其役事負戴，以被核數。遵耶和華諭摩西之命。

耶和華諭摩西曰：告以色列族云：凡患癩疾、白濁，及捫尸蒙污之人，無論男女，悉當驅之，屏於營外，我所處之營，勿使有玷。以色列族、遵耶和華諭摩西之命而行。○又曰：告以色列族云：如男女蹈愆，干犯於我，自取罪戾，當任其過，有負於人，當償其物，加五分之一，歸於所負者。倘欲

償之而無主并無戚屬，則必償之於我，奉與祭司，亦獻牡綿羊爲祭，以贖其罪。以色列族所舉而獻奉於祭司之禮物，必歸祭司。凡人所獻之禮物，必歸祭司奉於祭司者亦然。○耶和華諭摩西曰：告以色列族云：如人之妻不循婦道，獲罪於夫，與人有私，以玷其身，事屬隱微，夫不及知，無人爲證，更無執之者，如夫浸生疑意，無論婦之有玷與否，必攜其妻至祭司，以麩麥粉六升，奉爲禮物，毋斟以油，毋加以香，蓋爲疑而獻，以記罪愆。祭司必使婦近立我前，以瓦器盛聖水，取會幕地塵置於水中，祭司既使婦立於我前，必露其頂，取因疑獻祭以記罪愆之物，付於其手，祭司執致詛之苦水，令婦發誓，告之曰：如汝克循婦道，未與他人有私，不玷爾身，則致詛之苦水，不害及爾。如爾不循婦道，有私於人，以玷爾身，則耶和華使汝見詛於民中，汝必髀消腹鼓，使此致詛之苦水，入汝腹中，令汝髀消腹鼓。婦宜曰：固所願也，固所願也。祭司必書此詛於簡，以苦水塗抹其上，令婦飲此致詛之水，苦入其腹。因疑而獻之禮物，祭司必取於婦手，搖於我前，獻於壇上。於其中取一掬以爲誌，焚之於壇上，然後使婦飲水。既飲之後，如婦已玷其身，獲罪於夫，則致詛之水苦入其中，使其腹鼓髀消，見詛於民中。如婦無所玷而清潔，則害不及身，反可懷妊。今所言者，乃婦不循婦道，玷及其身，致夫懷疑，故立此法。或夫浸生疑意，置婦於我前，祭司遵法而行，其後夫必無愆，婦必負罪。

【第廿一章】耶和華諭摩西曰：告以色列族云：如男女許願，欲離世故，以奉事我，清酒醇醪勿飲，其釀爲醴亦勿飲，葡萄汁勿飲，葡萄實或餅或莖均勿食，其離世故時，葡萄樹之所產，自實及皮均不

可食。既發願而離世故，彼必成聖，當留其髮，薙髮之刀勿加於首。迨奉我之日，既盈，薙之可也。奉我之時，毋近尸側，既留髮以奉我，雖其父母兄弟姊妹死，毋爲之蒙不潔。離世故時，其必爲聖，以奉事我。倘有人猝死其側，則雖離世故，亦蒙不潔，必待七日，薙髮而後成潔。越至八日，攜二鵝鳩，或二雛鴿，至會幕前，奉於祭司。祭司獻之一，爲贖罪祭，一爲燔祭，因其捫尸，代爲贖罪，卽日其首成潔。其離世故時，偶蒙不潔，必攜未盈歲之羔，爲補過之祭，當復許願，以奉事我。既往之日，毋庸追溯。其所許離世故之日，既盈，則必循法以行。至會幕前，獻禮物於我。未盈歲之牡羔一，爲燔祭，未盈歲之牝羔一，爲贖罪祭，牡綿羊一，爲酬恩祭，俱潔是務。暨無醇餅一筐，其中有和油之麵餅，抹膏之薄餅，俱弗置醇，以爲禮物。酒以灌奠，祭司必攜之我前，獻贖罪之祭及燔祭，亦獻牡綿羊，爲酬恩之祭。筐盛無醇餅，以爲禮物。酒以灌奠，離世故之人，於會幕前，必薙厥髮，投髮於火，與酬恩之祭物同焚。祭司乃取水烹之羊肩，又取筐中之餅一，與薄餅一，俱弗置醇，以付於見薙者之手。搖於我前，所搖之腔，所舉之肩，必爲聖物，歸於祭司。厥後離世故之人，庶可飲酒。離世故之人許願，以禮物奉我，其例若此。外此，如有能力許願，必遵所言而行。○又曰，告亞倫及其子，爲以色列族祝嘏，必曰，願耶和華祝福爾，護持爾，願耶和華光華普照於爾，待爾以慈，願耶和華眷顧爾，錫爾平康。如是以我名加以色列族，我特錫嘏焉。

會幕告成，摩西以膏釁之，亦釁祭壇及諸器皿，俱使成聖。前所核數以色列之牧伯，族長族中最著者，羣獻禮物，攜至耶和華前，以蒙贖之車六，牛十，有二，每二，牧伯獻一車，每一，牧伯獻



一牛牽至會幕前。耶和華諭摩西曰：取車以供會幕之役事，其於利未人各視事之重輕以給子。摩西以車與牛，予利未人兩車四牛，予革順子孫，循其役事。四車八牛，予米喇哩子孫，循其役事。爲祭司亞倫子以大馬治理哥轄子孫於聖室之什物，以肩負荷，故不給以車。祭壇告成，以膏釁之。斯時也，牧伯獻禮物於壇前。耶和華諭摩西曰：各牧伯宜循其日數，獻其禮物，以備祭壇告成之禮。○首日，獻禮物者猶大族長亞米拿達子拿順所獻者：銀盤一，重六十五兩，銀盃一，重三十五兩，循聖所之權衡，俱盈以和油之粉爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆拿順所獻。○二日，以薩迦牧伯蘇押子拿但業獻禮物：銀盤一，重六十五兩，銀盃一，重三十五兩，循聖所之權衡，俱盈以和油之粉爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆拿但業所獻。○三日，西布倫牧伯希倫子以利押獻禮物：銀盤一，重六十五兩，銀盃一，重三十五兩，循聖所權衡，俱盈以和油之粉爲禮物。金鼎一，重五兩，盈以香。牡犢一，牡綿羊一，未盈歲之羔一，爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆以利押所獻。○四日，流便牧伯示丟耳子以利蒞獻禮物：銀盤一，重六十五兩，銀盃一，重三十五兩，循聖所之權衡，俱盈以和油之粉爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆以利蒞所獻。

○五日，西面牧伯、蘇哩沙太子示路滅，獻禮物，銀盤一，重六十五兩，銀盃一，重三十五兩，循聖所之權衡，俱盈以和油之粉爲禮物，金鼎一，重五兩，盈以香，牡犢一，牡綿羊一，未盈歲之羔一，俱爲燔祭。山羊之羔一，爲贖罪祭，牛二，牡綿羊五，牡山羊五，未盈歲之羔五，爲酬恩之祭，皆示路滅所獻。○六日，伽得牧伯、丟耳子以利亞薩，獻禮物，銀盤一，重六十五兩，銀盃一，重三十五兩，循聖所之權衡，盈以和油之粉爲禮物，金鼎一，重五兩，盈以香，牡犢一，牡綿羊一，未盈歲之羔一，俱爲燔祭。山羊之羔一，爲贖罪祭，牛二，牡綿羊五，牡山羊五，未盈歲之羔五，爲酬恩祭，皆以利亞薩所獻。○七日，以法蓮牧伯亞米忽子以利沙馬，獻禮物，銀盤一，重六十五兩，銀盃一，重三十五兩，循聖所之權衡，俱盈以和油之粉爲禮物，金鼎一，重五兩，盈以香，牡犢一，牡綿羊一，未盈歲之羔一，俱爲燔祭。山羊之羔一，爲贖罪祭，牛二，牡綿羊五，牡山羊五，未盈歲之羔五，爲酬恩祭，皆以利沙馬所獻。○八日，馬拿西牧伯比大蓆子迦馬列，獻禮物，銀盤一，重六十五兩，銀盃一，重三十五兩，循聖所之權衡，俱盈以和油之粉爲禮物，金鼎一，重五兩，盈以香，牡犢一，牡綿羊一，未盈歲之羔一，俱爲燔祭。山羊之羔一，爲贖罪祭，牛二，牡綿羊五，牡山羊五，未盈歲之羔五，爲酬恩之祭，皆迦馬列所獻。○九日，便雅憫牧伯其田尼子亞庇但，獻禮物，銀盤一，重六十五兩，銀盃一，重三十五兩，循聖所之權衡，俱盈以和油之粉爲禮物，金鼎一，重五兩，盈以香，牡犢一，牡綿羊一，未盈歲之羔一，俱爲燔祭。山羊之羔一，爲贖罪祭，牛二，牡綿羊五，牡山羊五，未盈歲之羔五，爲酬恩之祭，皆亞庇但所獻。○十日，但之牧伯亞米沙太子亞勃斯，獻禮物，銀盤一，重六十五兩，銀盃一，重三十五兩。

兩、循聖所之權衡、俱盈以和油之粉、爲禮物。金鼎一、重五兩、盈以香。牡犢一、牡綿羊一、未盈歲之羔一、俱爲燔祭。山羊之羔一、爲贖罪祭。牛二、牡綿羊五、牡山羊五、未盈歲之羔五、爲酬恩之祭。皆亞勃斯所獻。○十一日、亞設牧伯、惡蘭子帕結、獻禮物。銀盤一、重六十五兩、銀盃一、重三十五兩、循聖所之權衡、俱盈以和油之粉、爲禮物。金鼎一、重五兩、盈以香。牡犢一、牡綿羊一、未盈歲之羔一、俱爲燔祭。山羊之羔一、爲贖罪祭。牛二、牡綿羊五、牡山羊五、未盈歲之羔五、爲酬恩之祭。皆帕結所獻。○十二日、納大利牧伯、以南子亞希喇、獻禮物。銀盤一、重六十五兩、銀盃一、重三十五兩、循聖所之權衡、俱盈以和油之粉、爲禮物。金鼎一、重五兩、盈以香。牡犢一、牡綿羊一、未盈歲之羔一、俱爲燔祭。山羊之羔一、爲贖罪祭。牛二、牡綿羊五、牡山羊五、未盈歲之羔五、爲酬恩之祭。皆亞希喇所獻。○祭壇告成、以膏釁之。是日也、以色列牧伯所獻。銀盤十二、銀盃十二、金鼎十二、盤各重六十五兩、盃各重三十五兩、諸銀器共計一千二百兩、循聖所之權衡。金鼎十二、盈以香。鼎各重五兩、共計六十兩、循聖所之權衡。牡犢十有二、牡綿羊十有二、未盈歲之羔十有二、以爲燔祭。與其禮物。山羊之羔十有二、爲贖罪祭。牛二十四、牡綿羊六十、牡山羊六十、未盈歲之羔六十、爲酬恩之祭。皆祭壇告成、沐膏之日所獻。○摩西入會幕、與耶和華言、則聞嗒略略、法置施恩所之上、聲從此出、而與之言。耶和華之諭摩西、常在乎此。

耶和華諭摩西曰、告亞倫云、燃燈之時、宜使七盞光明耀於前。亞倫遵耶和華所諭摩西之言而行、燃燈、明耀於前。燈臺自柱及花、悉用圓輪法、以金爲之、乃耶和華所示摩西已遵其式。○

又曰以色列族中簡利未人使之成潔成潔之事有常例焉。以贖罪之水灑之使鬘髮盡薙濯衣成潔。取牡犢爲燔祭和油之麵爲禮物。又取牡犢一爲贖罪祭。宜攜利未人至會幕前集以色列會衆。既攜利未人于我前必使以色列族按其上。亞倫奉利未人於我爲以色列族所獻供我役事。利未人必接手於犢首爾必獻犢一爲燔祭一爲贖罪祭奉之於我以贖其罪。爾必使利未人立於亞倫及其子前奉之於我。於是爾可區別利未人與以色列族使之歸我。爾既成潔利未人奉之於我則使入會幕供其役事蓋我已簡利未人悉歸於我。代以色列族初胎之男。昔我於埃及戮其地之冢子時取以色列族初胎之男首生之畜以歸於我。越至於今我以利未人代以色列族初胎之男使之屬我。我取以賜亞倫及其子於會幕中爲以色列族供其役事代之贖罪。恐以色列族近於聖所而遭災害。摩西亞倫暨以色列族會衆待利未人悉遵耶和華命而行。利未人濯衣成潔亞倫奉之於耶和華代爲贖罪使之成潔。厥後利未人進會幕於亞倫及其子前以供役事。遵耶和華諭摩西之命而行。○耶和華諭摩西曰使利未人自二十五歲以上入會幕以供役事。至於五十乃罷其役。可偕兄弟同守會幕毋再役事。爾待利未人當若此。

○耶和華諭摩西曰屆期以色列族當守逾越節。月之十四日薄暮遵禮儀法度而守節。摩西告以色列族使守逾越節。正月十四日薄暮以色列族在西乃野守逾越節。遵耶和華諭摩西之命而行。○有人捫尸蒙污不得於是日守逾越節。至摩西亞倫前曰吾儕雖捫尸自玷屆期奚禁我與以色列族同獻禮物以事耶和華。摩西曰姑待此我將聽

耶和華所諭之命。○耶和華諭摩西曰，告以色列族云：凡爾族中，爰及苗裔，雖捫尸自玷，或遠適他邦，亦當守逾越節，以奉事我。二月十四日薄暮，當食逾越節羔，無酵餅與苦菜，毋留其餘於明日，其骨不折，悉遵例而守節期。如人不蒙污，不適他方，而弗守逾越節者，罪必歸之，絕於民中，以屆期，不獻禮物也。如外人旅於爾中，守逾越節，而奉事我，必遵例以守節期，爾之宗族爰及賓旅，其例相同。○張法幕之日，有雲蔽之，自夕達旦，雲見如火，無日不然，晝有雲蔽，夜望若火。雲離會幕，以色列族，遮征雲止之所，以色列族，遮征張幕，以色列族，遮征張幕，俱遵耶和華命。視雲之蓋會幕，而民處其所，如雲蓋會幕，歷日既久，則以色列族，供耶和華役事，而不遮征，如雲蓋會幕，為日無幾，以色列族，遵耶和華命，而張幕，亦遵耶和華命，而遮征。自夕達旦，雲止，及至詰朝，雲昇，其昇之時，無論晝夜，遮征勿緩。雲止於會幕，或兩日，或一月，或一年，則以色列族，居其所，而不動，以待雲昇，然後遮征。張幕遮征，俱遵耶和華命，供其役事，遵耶和華所諭摩西之命而行。

耶和華諭摩西曰，用圓輪法，製銀角二，以集公會，使營遮征。吹二角時，會衆宜集，見爾於會幕前，吹一角時，以色列族，牧伯，千夫長，必集見爾。若角聲宏遠一次，則東營遮征，二次，則南營遮征，如聞角聲宏壯，遮征勿緩，欲集公會時，可吹其角，聲勿宏遠。亞倫子孫為祭司，必吹其角，著為永例，歷世勿替。有敵犯境，爾往攻之，必吹角甚厲，則耶和華爾之上帝，垂念爾曹，拯爾於敵。佳日會期，月朔，與獻燔祭酬恩祭之時，當吹其角，我耶和華爾之上帝，必垂念爾。○二年二月二十日，雲離法幕，以色列族，遮征去西，乃野，雲至於巴蘭野，則止。其遵耶和華諭摩西之命，而遮征者，

實始於此。凡從猶大之禱者，循其行伍，三邁征爲前軍。亞米拿達子拿順統猶大軍。蘇押子拿但業統以薩迦軍。希倫子以利押統西布倫軍。於是徒會幕，革順米喇哩子孫負之邁征。凡從流便黨者，循其行伍邁征，示丟耳子以利禧統流便軍。蘇哩沙太子示路滅統西面軍。丟耳子以利亞薩統伽得軍。哥轄子孫負聖室之什物邁征，先行之利未人建置會幕，以待後至者。凡從以法蓮黨者，循其行伍邁征，亞米忽子以利沙馬統以法蓮軍。比大轄子迦馬列統馬拿西軍。其田尼子亞庇但統便雅憫軍。凡從但之黨者，邁征爲後軍。亞米沙太子亞勃斯統但之軍。惡蘭子帕結統亞設軍。以南子亞希喇統納大利軍。如是以色列族，循其行伍而邁征。○摩西謂其戚屬米田人流耳子何巴曰：我儕邁征往耶和華許賜我之地，汝且偕行，我善視爾。蓋耶和華許以色列族，錫以純嘏。曰：我不偕往，將歸故鄉，返我宗族。曰：請勿棄我，我於曠野，建置營壘，將藉爾目力。如與我同行，則凡耶和華錫我之純嘏，我與爾偕。於是離耶和華之山，歷程三日。耶和華之法匱先行，將擇安處之所。民邁征時，耶和華之雲畫蔽其上。法匱移時，摩西曰：願耶和華起，使敵散處，使仇遁逃。法匱止時，則曰：願耶和華臨格以色列億兆。

民興怨時，耶和華聞而不悅，勃然震怒，使火燃於民中，營之邊隅被燬。民呼摩西，摩西禱於耶和華，火燄隨熄。稱其地曰：大比刺，以耶和華之火會燃及之也。雜處流民，貪欲無厭，以色列族泣曰：誰予我肉食，我憶在埃及時，食魚，未嘗傷財，亦食蒴瓜、匏、瓠、菲菜、葱、蒜之本。迄今陳於目前者，嗎喲而已，使我精力衰微。夫嗎喲狀如芫荽，色如珍珠，居民四出，各相斂取，或磨或擣，作

餅以烹於鼎，味若和油之餅。既夕，露降於營，嗎喙亦同下。摩西聞羣衆號哭，各立幕門，致耶和華赫然震怒。摩西不悅，告耶和華曰：「何苦爾僕，不施恩於我，以斯民任我。我豈生育斯民哉？奚可使我提抱猶父之懷赤子，攜至爾所許其祖之地乎？」斯民哭於我前，求肉以食，我何由得肉以予之乎？斯民之事綦重，我不能獨任。如蒙爾恩，與其待我若此，毋寧殺我，免我遭諸困苦。」○耶和華諭摩西曰：「屬以色列族之耆老，於其中簡七十人，必爾夙知其爲民之長老，族長，攜至會幕前，與爾偕立。我將臨格，偕爾晤言，取爾所感之神賦之於彼，使同任民事，免爾獨勞告民。潔己，明日可食肉。蓋我聞爾哭云：『昔在埃及，我儕猶不爲苦。』今誰予我肉食乎？是故我將賜爾食肉，非止一日、二日、五日、十日、二十日已也。必至一月，使爾漸生厭惡，哇而出之。蓋爾厭棄我，哭於我前曰：『我何爲出埃及乎？』」摩西曰：「我民六十萬，爾言之食肉，至於一月，豈宰牛羊，取鱗族，使之飽飫乎？」耶和華曰：「我豈力不足耶？今將見我言之應否。」○摩西出，以耶和華言告民，集民之老者七十人，立會幕之四周。耶和華乘雲降臨，與摩西言，以感摩西之神賦於長老。神既賦之，則感神而言，厥後不能常若此。所錄者中有二人，一名利達，一名米達，仍居於營，不適會幕。神既賦之，則在營中感神而言。有童趨告摩西曰：「利達米達在營中感神而言，嫩之子約書亞尙幼，爲摩西從者，曰：『請主禁之。』」摩西曰：「豈緣我故有所嫉乎？願耶和華悉賦億兆以神，使之感神而言。」摩西及以色列長老各歸營壘。○耶和華使風疾起，鴉至自海，散於營四周，相去約一日之程，離地二尺，民獲鴉，永朝永夕。至於明日，獲之少者，尙得十束，布於營四周，鴉肉在口，啖猶未盡。耶和華怒之，降以重災。故稱

其地曰乞律夏大法。即乞律夏大法因貪慾之人悉葬於彼。民自乞律夏大法遣征，至哈洗錄居焉。

昔摩西娶古實女米哩暗亞倫非之曰：以言告民，耶和華豈第託之於摩西，我儕非同與乎。摩西秉性溫柔，勝於天下。耶和華聞言，遂召摩西亞倫米哩暗曰：爾曹宜至會幕。三人乃至，雲狀如柱，耶和華乘之，臨於會幕門，召亞倫米哩暗曰：宜聽我言，如爾曹感於神，我以異象顯現，或夢中默示，惟我僕摩西，盡忠於我家，不示以異象，不見於夢寐，使覲我面，與之晤言，明以相告，毋庸隱喻。爾曹非之，曷不懼乎。耶和華怒而去，雲亦離會幕。米哩暗患癩，色皎若雪，亞倫視之，知其患癩，乃謂摩西曰：我儕愚昧，自取其戾，請吾主毋以罪歸我，毋使米哩暗若未彌厥月，胎腐於腹，生時已半朽者。摩西顛耶和華曰：祈上帝醫之。耶和華曰：若彼父唾於其面，使蒙羞惡，歷至七日，故必禁之營外，至於七日，然後可入。遂禁米哩暗營外，至於七日，民不遣征，待米哩暗復入，厥後離哈洗錄，在巴蘭野張幕。

耶和華諭摩西曰：我以迦南錫以色列族，可於支派中，各擇一長者，至其地以窺察焉。摩西遵耶和華命，自巴蘭野遣之所遣者，悉屬以色列族之最著者，其名臚列於左。屬流便支派，撒刻子沙母亞，屬西面支派，何利子沙法，屬猶大支派，耶孚尼子迦勒，屬以薩迦支派，約瑟子以甲屬，以法蓮支派，嫩之子阿書亞，屬便雅憫支派，喇孚子八氏，屬西布倫支派，鎖底子迦鐵，屬約瑟子馬拿西支派，蘇西子迦底，屬但之支派，其馬利子亞米利，屬亞設支派，米加勒子西帖，屬納大利支派，縛西子拿庇，屬伽得支派，馬其子求利。此數人乃摩西遣之，以窺迦南者。嫩之子阿書



亞摩西易其名爲約書亞。摩西遣十二人窺察迦南，自此而往，涉其南境，登彼山巖，度其土地，觀其居民，強弱衆寡，其處之所，或美或惡，其邑或類營幕，或類城垣，其土壤或瘠薄，或膏腴，其林木叢茂否，強固爾志，彼地之果，可攜而至。夫摩西遣彼時，乃葡萄初稔之際，其人遂往窺地，自汎野至哩合，近哈馬之道，轉而南向，至希伯崙原，其建邑之始，前於埃及人之建鎖安。七年，在彼見亞納子亞希慢，示篩，達買，遂至以實各谷，在彼斫下葡萄之枝，枝上其實纍然，二人貫之以杖，負之以肩，又取石榴與無花果，因在彼有葡萄果纍然，以色列族斫之，故稱其地以實各谷。○四十日後，窺地而反，至巴蘭野，鄰於迦鐵，見摩西、亞倫及以色列會衆，告以諸事，以土產示衆，曰：爾遣我所往之地，我已至焉，果產乳蜜，此其果也。雖然，居民強悍，城垣廣大，我見亞納子於彼。亞馬力族居南方，赫人、耶布士人、亞摩哩人居山，迦南人瀕海與約但河居焉。民怨於摩西前，迦勒止之，曰：我儕能克其地，當往取之。偕行者曰：彼強於我，我不可往，遂讒言於以色列族中，曰：我所窺察之地，居民受其害，我所見之人，軀幹雄偉，在彼見偉丈夫，亞納子，我自較之，形猶蠶蟲，彼之視我亦若是。

**第十四章** 是夜會衆大聲號哭。以色列族怨摩西、亞倫，曰：我儕寧亡於埃及，或殞於曠野爲幸。耶和華何導我至此，使我殲滅於刃，妻孥被擄，莫若仍歸埃及爲善。於是相議曰：莫若立牧以歸埃及。摩西、亞倫俯伏於以色列會衆前。○窺察者二人，嫩之子約書亞、耶孚尼子迦勒，自裂其衣，告以色列會衆曰：我過其地而窺察之，其土甚美，產乳與蜜，如耶和華悅我，必導我至彼，以地錫我。

莫叛耶和華，莫畏斯土之民。我得耶和華庇佑，彼無所扞衛，必爲我并吞，故勿危懼。會衆欲擊以石，耶和華之榮光顯於會幕，以色列族無不目擊。○耶和華諭摩西曰：我顯異蹟於斯民中，彼不篤信我，且欺侮我，伊於何底。我必降以疾疫，殄絕其族，使爾昌熾，成爲大國，較彼尤衆。摩西告耶和華曰：昔爾施大力，率以色列民出於埃及，斯土之民知爾居處，以色列族爲民目擊，以雲蔽之，晝導以雲，夜燭以火，其狀如柱。今欲盡滅斯衆，與戮匹夫無異，則埃及億兆風聞其事，普告於斯土，斯土之民嘗聞爾名者，必曰：昔耶和華誓以斯土予以色列民，惟不能導之入彼，故滅之於野。茲求我主施厥大力，爾嘗稱己名曰：耶和華恒忍施恩之上帝，人蹈罪愆，可蒙赦宥，恒於惡者不蒙赦宥，禍及其身，自父及子，至三四世。爾旣廣施仁德，宥民罪愆，自出埃及，迄於今日，已非一次。故求爾仍加赦宥。耶和華曰：我從爾言，以赦其罪。雖然，我指己以誓，必使我榮不顯於天下。昔於埃及及至曠野，俱行異蹟，顯我榮光，斯人目擊，猶且試我，至於十次，不聽我言，緣其欺我，故我所誓錫厥祖之地，彼不能觀止。惟我僕迦勒不同於衆，恒從乎我，故所往之地，必賜之，入遺於子孫。今亞馬力與迦南人，居於斯谷，詰朝爾曹返旆，道由紅海，復往曠野。○耶和華諭摩西亞倫曰：我聞以色列族嘖有怨言，忍此惡類，將至何時，當告之云：我指己而誓，爾之所言，我必行之。爾出言怨我，故所見核者，自二十歲以上，俱暴骨於野，我所許之地，爾不得入。惟耶孚尼子迦勒及嫩之子約書亞，可得而入。爾之幼稚，爾言將被擄者，我必導入，得爾所覓視之土。惟爾曹必暴骨於野。爾之子女，緣爾行惡，必令其盤旋於曠野，歷四十年。待爾尸骸消滅，爾窺察厥地，歷四十日，今罰

爾罪年數等其日數必至四十載而後已。使知我棄爾焉。蓋此惡類悖逆乎我，我必降罰，使盡亡於曠野。我耶和華嘗言之矣。○摩西所遣之人，窺察其地，返有讒言，使眾怨摩西，遇災而死於耶和華前。惟其中二人，嫩之子約書亞，耶孚尼子迦勒，安然無恙。摩西以此告以色列族，民大憂夙與登山曰：我儕有罪，今欲往耶和華所許之地。摩西曰：奚違耶和華命，爾不得坦途。耶和華不佑爾，故勿往，恐爲敵所害。亞馬力迦南人在爾前，爾必殲於其刃。旣不從耶和華，耶和華不佑爾。以色列人擅登山巔，惟摩西與耶和華法匱，仍在營壘。居山之亞馬力迦南人，下而擊之，逐至曷馬。○**第十五章** 耶和華諭摩西曰：告以色列族云：爾旣至我所賜之地，欲以牛羊爲燔祭，或許願樂輸，或節期禮物，取其馨香，以獻於我，則必爲所獻各羔，取麵六升，和油二斤有半，爲禮物。酒二斤有半，爲灌奠，與燔祭同獻。如獻牡綿羊，則必取麵一斗二升，和油三斤四兩，爲禮物。酒三斤四兩，爲灌奠，取其馨香，以獻於我。如以牡犢爲燔祭，或爲許願，或爲酬恩之祭，以獻於我，則必取麵一斗八升，和油五斤爲禮物。酒五斤爲灌奠，皆必燔之，取其馨香，以獻於我。爾獻牡犢，牡綿羊，綿羊羔，山羊羔，無論衆寡，爲各牲備其禮物，必如是。爾曹同族，欲以燔祭獻我，取其馨香者，必遵是例。外人之旅於爾中，欲以燔祭獻我者，亦必如是。凡爾會眾，及旅於爾中者，例亦相同。歷世勿替。我待爾若是，待賓旅亦若是。無論宗族賓旅，必循一例。○又曰：告以色列族，爾至我引爾所入之土，旣食其所產，必以禮物舉而獻我，當取初稔之麥爲屑，製成圓饅，舉以爲獻，與舉禾場之穀無異。歷世勿替。自昔迄今，至於後日，我所諭摩西之命，爾或悞犯，會眾無知而蹈罪，則必以牡犢一爲燔

祭取其馨香以獻我，與其禮物，酒以灌奠，悉循常例，亦奉山羊之羔，爲贖罪祭。容祭司爲以色列會衆贖罪，其所犯者出於無知，既獻燔祭及贖罪祭於我，則可蒙赦宥。以色列會衆及旅於爾中者，所犯之罪，出於無知，俱蒙赦宥。如一人誤干我法，則必取未盈歲之牝山羊，爲贖罪祭，祭司代爲贖罪於我前，其蹈罪愆由於無知，可蒙赦宥。凡誤干我法，無論宗族賓旅，悉同是例。若其犯罪，毫無畏葸，則欺我孰甚，不論宗族賓旅，必殄絕於民中。既藐視我命，干犯我律，其罪歸之，悉行殲滅。以色列族居野時，遇人於安息日採薪，遂攜之至摩西亞倫，及會衆前，若何處置，猶未定擬，故囚於獄。耶和華諭摩西曰：其人必殺毋赦，會衆必於營外擊之以石，遂攜出營外，以石擊之，遵耶和華諭摩西之命。○耶和華諭摩西曰：使以色列族衣裾之下，其絡四垂，上緣紫帶，歷世勿替。爾觀其絡，可憶我誠，遵循勿失，不致迷於心目，徇欲如故。宜憶我誠，可得成聖，以奉事我。我耶和華爾之上帝，導爾出埃及，爲汝之上帝。

利未支派哥轄孫以斯哈子哥喇，流便支派以利押二子，大單亞庇蘭，比勒子安，與以色列族會長，有名望者，二百五十人，集攻摩西亞倫曰：耶和華會衆，人各成聖，奚爾自大，欲超軼於耶和華之民。摩西聽之，俯伏於地，語哥喇及其黨曰：耶和華於詰旦，必明示爾曹，孰爲其僕，孰能成聖，可進其前。蓋耶和華所簡者，當進於前。哥喇及其黨宜執鼎，明晨燃火置香，奉耶和華，而耶和華所簡者，卽以爲聖。汝利未族妄自矜大，又曰：汝利未族宜聽我言，以色列族之上帝，區別爾曹，雖以色列族，使進於前，服役於耶和華會幕，立會衆前，以爲供役，其事豈微細哉。耶和華使

爾利未族進於其前，爾猶以爲不足，乃更欲爲祭司乎。爲此，爾黨集攻耶和華。亞倫何人斯，爾曹奚爲怨之。摩西召以利押二子，大單亞庇蘭對曰：「我不欲至，爾自產乳與蜜之地，導我使出，殺於曠野，其事豈微細哉，尙欲自立爲君，以治我乎。」爾未導我至產乳與蜜之地，未嘗賜我田園，豈欲挾斯衆之目乎。我不欲應爾召。摩西怒甚，顧耶和華曰：「勿眷顧其禮物，我未取其一驢，未害其一人。」乃謂哥喇曰：「爾與爾衆至於詰朝，可借亞倫，至耶和華前，二百五十人各執鼎，炷香於中，爾及亞倫亦各執鼎，至耶和華前，遂各執鼎，燃火炷香，與摩西亞倫立於會幕前。哥喇集會衆而至，欲攻擊之，忽耶和華之榮光顯現，會衆目擊。耶和華諭摩西亞倫曰：「爾當區別，離此會衆，俟我速滅之。」二人乃俯伏曰：「上帝乎，爾以生氣賜於億兆，曷以一人獲罪，而怒及會衆。」耶和華諭摩西曰：「爾告會衆，必遠離哥喇大單亞庇蘭之幕。」摩西往見大單亞庇蘭，以色列族長老隨其後，謂會衆曰：「離此惡黨之幕，勿捫其物，恐同陷於罪，與之偕亡。」衆離哥喇大單亞庇蘭之幕，大單亞庇蘭挈其妻孥以出，立於幕門。摩西曰：「耶和華遣我行此，我弗擅行，有明徵焉。倘彼得終天年，與衆無異，則知耶和華未嘗遣我，倘耶和華行事維新，使地口翕張，吞噬其衆，生墮坎阱，則其人之欺侮耶和華，由此可見矣。」言竟，土壤盡裂，地口翕張，吞噬哥喇徒黨，與其眷聚什物，暨凡所有，俱生陷於坎阱，爲地所覆，絕於會中。以色列族在於四周，聞聲而遁，曰：「恐我儕亦爲地所吞。」耶和華使火出，燬其焚香者，二百五十人。○耶和華諭摩西曰：「告祭司亞倫子以利亞撒云：『必取鼎於火中，傾其燄炭，蓋鼎已成，聖人雖犯法，自殞厥命，然其鼎嘗奉於我，故得成聖，當取其銅，擣之使薄，以飾祭壇。』」

爲以色列族垂戒於後。奉火見燬之人，悉有銅鼎，祭司以利亞撒取焉，擣之使薄，以飾祭壇。爲以色列族記誌，他人非亞倫之子孫，則不得前焚香，以奉耶和華，恐遭厥害。若哥喇及其黨然，遵耶和華所諭摩西之命。○詰旦，以色列會衆怨摩西亞倫曰：「耶和華之民，嘗爲爾曹所戮，會衆咸集，攻擊摩西亞倫，瞻望會幕，有雲蓋之。」耶和華之榮光顯現。摩西亞倫至會幕前，耶和華諭摩西曰：「離此會衆，我將速滅之。」二人俯伏。摩西告亞倫曰：「耶和華怒甚，其災已降，爾當執鼎，取壇上之火炷，香急至衆會，代爲贖罪。」亞倫遵摩西命，取鼎趨至會衆所，見災已降，立於生者死者間，炷香代贖其罪，厥災始弭。昔爲哥喇事殞沒外，降災而死者，計一萬四千七百人。降災既止，亞倫反見摩西於會幕前。

耶和華諭摩西曰：「告以色列族云：爾各支派牧伯，取杖十有二，書名其上，支派各一，惟利未族之杖書亞倫名，立於支派各杖中，當置其杖於會幕法匱前。我蒞臨之所，我所簡者其杖必萌芽，使以色列族怨爾之言得以止息。」摩西以此言普告以色列族支派牧伯，各攜其杖，計十有二。又有亞倫之杖在其中。摩西置諸會幕，耶和華法匱前。詰旦，摩西入焉，見亞倫之杖屬利未族者，芽蘖已萌，花蕊盡發，結爲杏仁。摩西取杖於耶和華前，授以色列族，使之觀瞻，任人各取其杖。耶和華諭摩西曰：「攜亞倫杖至法匱前存之爲誌，便此橫逆之輩無所怨尤，免其殞沒。」摩西遵耶和華命而行。以色列族謂摩西曰：「我儕淪胥以亡，耶和華之會幕近之必死，豈非淪亡莫救乎？」耶和華諭亞倫曰：「爾及子孫眷屬，如干犯聖室者，必負其罪，爾及子孫爲祭司而溺職。」

者亦必負其罪。爾及子孫在法匱前會幕中供其役事，亦可取利未族諸兄弟歸之於己，以爲輔翼。助爾守會幕，惟不可近聖室及祭壇器皿，恐爾與彼俱致死亡。利未人可偕爾守會幕，供諸役事。外人勿近其前。聖室祭壇，爾當恪守，則以色列族免我震怒。我於以色列族中取爾兄弟利未人賜之於汝，以供會幕役事。爾及子孫宜守祭司之職，壇前簾內供其役事，蓋我畀爾爲祭司。外人近前，必致死亡。○耶和華諭亞倫曰：以色列族以成聖之禮物舉而獻我，我賜爾得之。爾既受膏，是物歸爾。爰及子孫，著爲永例。凡奉我之禮物及贖罪補過之祭，其中不燔以火者，皆爲至聖，必歸於爾。爰及子孫，物既成聖歸爾，則諸丁男可食於聖所。以色列族所舉所搖之禮物，我賜於汝。爰及子女，凡室中成潔之人，可得而食。著爲永例。人以新製嘉油，始熟旨酒，初稔之穀，獻我。我以錫爾獻我初熟之土產，俱歸諸爾室中成潔之人，可得而食。以色列族所獻我之物，皆必歸爾。凡初胎男子、首生牲畜，奉於我者，皆必歸爾。但初胎之男，必贖。首生不潔之畜，亦必贖。誕已彌月者，可以金贖。其價遵爾所估，二兩有半。權衡其數，必循聖所之法。十錢爲一兩。首生之牛、綿羊、山羊，俱爲成聖之物，可毋庸贖。必數其血於祭壇，焚其膏爲燔祭。取其馨香，以奉事我。肉則歸爾，與禮物中之右肩搖腔無異。以色列族以成聖之物舉而獻我，我錫於爾及爾子女。至於後世，著爲永例。垂爲不易之約。不易之約○又曰：人獻我之禮物，爾可得之。故在以色列中，爾不得土壤，以爲恒業。利未人於會幕中供其役事，故我於以色列族之土產，什取其一，錫爲恒業。自是以後，以色列族不可近會幕，恐負罪愆。至於死亡，利未人在會幕供其役事，如有干犯，必負罪愆。惟於以色列

列中不得土壤爲業，著爲永例，歷世勿替。以色列人十輪其一，舉而獻我者，我必賜之，爲利未人嗣業，外此則無恒業。○耶和華諭摩西曰，告利未人云，我使以色列族，什一輪爾，以爲爾業，爾既受之，必於其中復取什一，舉而獻我，爾所舉以獻者，自我視之，與禾場之穀，酒釀之汁無異，以色列族所輸爾什一之中，爾當舉而獻我，且以獻我之物，歸祭司亞倫，所得禮物中，必取其嘉者，以爲成聖，舉而獻我。宜申命利未人，既簡其嘉者，舉而獻我，我必視若禾場酒釀之所出，其餘爾與眷聚，隨在可食，蓋爾供役於會幕，得此爲值。以色列族所獻之聖物，如取其嘉者，舉而獻我，則不生瀆玩，不負罪愆，以致死亡。

耶和華諭摩西亞倫曰，我所命之禮儀，有定例焉。使以色列族牽牝犢，其色維駢，純潔是務，未嘗負軛者。子之祭司以利亞撒，使牽出營外，宰於其前，祭司以利亞撒，以指染犢血，灑於會幕前，凡七犢及肉皮遺矢，與血，燕之以火，祭司目擊，取柏香木，牛膝草，絳色棉，投諸火中，與犢同焚，祭司必蒙不潔，當澣衣濯身，迨夕乃免，然後入營，燕犢者亦蒙不潔，當澣衣濯身，迨夕乃免。蒙潔之人，必取犢灰，置於營外潔地，爲以色列族存之，和灰於水，藉以去污贖罪，取犢灰者亦蒙不潔，宜澣厥衣，迨夕乃免。以色列族與諸賓旅，著爲永例。○凡捫人之尸，必蒙不潔，迨七日乃免。至三日與七日，必以斯水自滌，然後成潔，凡捫尸不自滌理，不以去污之水，灑其身，則仍不潔，玷我會幕，必絕於以色列族中，倘人偶死於幕，有定例焉，凡在幕中，或入此幕者，必蒙不潔，迨七日乃免。凡諸器皿，未覆以蓋者，亦蒙不潔，在野有見殺者，或自斃之尸，或人骨，或荒塚，凡捫之者，必



蒙不潔，迨七日乃免。欲使不潔者復潔，必取贖罪之贖灰，置於器皿，加以活水蒙潔之人，浸牛膝草於中，灑幕與器，及在幕之眾，更及捫見殺者自斃者之尸，捫骨捫塚者，越至三日，及七日，潔者必灑不潔者，歷至七日，使幹衣濯身，迨夕始潔。人蒙不潔而不以去污之水灑身自滌，則仍不潔。既玷我聖室，必絕於民中。凡以去污之水灑人，當幹厥衣，凡捫去污之水，必蒙不潔，迨夕乃免。著爲永例。蒙不潔者若捫一物，則其物不潔，捫之者亦蒙不潔，迨夕乃免。

正月，以色列會衆至汎曠野，居於迦鐵。其時米哩暗死，卽葬其地。會衆無水，集攻摩西亞倫與摩西爭曰：「昔我兄弟死於耶和華前，我儕願偕亡爲幸。曷導耶和華之民至此曠野，使我與牲畜悉死於此？」奚導我出埃及至此艱苦之鄉，在此無田可耕，不產無花果，與葡萄石榴，欲飲無水。摩西亞倫離會衆至會幕前俯伏，耶和華之榮光顯現。○耶和華諭摩西曰：「爾執杖，與亞倫集會衆，當其前命磐出水，蓋爾可使水出於磐，遍飲會衆，與諸牲畜。摩西取杖於聖所，遵耶和華命，摩西亞倫集會衆於磐前曰：「爾橫逆之輩，且聽我言，我將取水於磐。」摩西亞倫以飲爾衆。摩西舉杖擊磐者二，水卽汨汨其來，會衆羣畜共飲焉。耶和華諭摩西亞倫曰：「汝不信我，不尊我於以色列族前，故不得率斯衆入我所賜之地。其時耶和華明其自尊，而以色列族與之爭，故稱斯水曰：米利巴。」米利巴○摩西自迦鐵遣使至以東王曰：「爾之同族，以色列人言，我儕邁遇艱辛，爾知之矣。我祖往埃及居彼日久，埃及人以患難加於我祖，爰及我儕，我呼籲耶和華，耶和華垂聽，遣使導我出埃及，今在迦鐵爾國之疆隅也。盍容我過爾地，我不入田園，不飲井水，行由大道，不偏於左，不

偏於右，以過爾境。以東人曰：毋過我壤，恐我以刃擊爾。以色列族曰：我行由大道，如我與牲畜飲爾之水，必償以金，惟欲徒行而去。爾毋得過我疆宇。以東王率其全軍，大力以禦之，不許過其地。故以色列族轉向他途。○會衆離迦鐵，至何耳山。山在以東之邊隅。耶和華諭摩西亞倫曰：昔在米利巴，爾曹逆我命，故我賜以色列人之地。亞倫不得入，必終於斯，而返其本。當攜亞倫及其子以利亞撒、防何耳山去。亞倫之禮衣，以衣其子。待亞倫終於彼，而返其本。摩西遵耶和華命而行。三人陟山，會衆目擊。摩西去。亞倫之禮衣，以衣其子。亞倫死於山巔。摩西以利亞撒遂下。以色列會衆見亞倫死，則爲之守喪三旬。

亞臘王居迦南地之南境，聞以色列族由亞大領道而進，則與之戰。人民少爲所虜。以色列族指耶和華許願曰：若以此民付於我手，我必滅其邑。耶和華應所求，以迦南人付以色列族，盡圮厥邑，滅厥衆，故稱其地曰曷馬。○以色列族離何耳山，沿紅海繞以東地，程途遙遠，精力困憊。譎上帝及摩西曰：奚導我出埃及，使死於野，在此無餅無水，所食不能果腹，我心厭之。耶和華遣毒蛇傷民，以色列族多死亡者。民就摩西曰：我譎耶和華及爾，故負罪愆，請祈耶和華爲我驅蛇。摩西代爲之祈，耶和華諭摩西曰：爾造毒蛇之象，懸之於竿，被傷者見此得生。摩西造銅蛇，懸之於竿，被蛇所傷者，觀銅蛇而得生。○以色列族過征，張幕於阿泊，而東近摩押郊。在以雅巴林張幕。由彼而往，張幕於撒烈谷。再往張幕於亞嫩。東亞嫩有溪在野，源出亞摩哩境，在亞摩哩摩押接壤之間。耶和華戰紀曰：在數法之哇協，卽亞嫩溪，諸水滙聚，流至亞耳宅，近摩

押界。以色列族離彼，至庇耳，在彼有井。耶和華諭摩西曰：汝集人民，我飲以水。時以色列族謳歌曰：泉之始遠，唱予和汝。長者民牧，以杖以圭，掘之鑿之。以色列族離彼野，往馬大拿，離馬大拿往拿哈列，離拿哈列往巴末，離巴末往摩押郊之谷，近比士迦岡曠野，相對之處。○以色列族遣使至亞摩哩王西宏，曰：容我假途於爾地，我不入田園，不飲井水，必由大道而行，以出爾境。西宏不許，乃集厥民，往於曠野，至雅哈斯，與以色列族戰。以色列族擊之，據有其地，自亞嫩至雅泊溪，卽亞捫族之地。蓋亞捫族地甚爲險固。亞摩哩人之邑希實本及其四周之鄉里，以色列族悉取之，居處其中。昔亞摩哩王西宏與摩押先王戰，徧取斯地，至亞嫩溪，希實本乃其都也。詩人詠之曰：希實本可復建，西宏邑可重新，越在疇昔，火自希實本，焰自西宏邑。摩押之亞耳，因之悉燬。亞嫩之崇邱，藉以復得。摩押有禍乎，基抹其危哉。厥子遁逃，厥女見攘，俱亞摩哩王西宏所爲也。我已射之，希實本危亡爰及底本，我已滅之，至於挪法，近米底巴。○於是以色列族居亞摩哩人之地。摩西遣人偵伺雅設，遂破其鄉。亞摩哩人悉被驅逐，以色列族反旆，往巴山道，巴山王噩率衆至，以得來與之戰。耶和華諭摩西曰：毋畏，我將是王，以及土地人民，咸畀於爾，汝可滅之，如都希實本之亞摩哩王西宏然。於是擊王，戮其子，攻其民，靡有孑遺，盡得其地。

以色列族遣征，張幕於摩押平原，約但東，耶利哥相對之所。摩押人與西撥子巴勒見以色列族，戮亞摩哩人，知其族衆多，則懼，中心不樂，告米田長老曰：此族衆多，并吞四方，如牛噬草。摩押王西撥子巴勒遣使至比奪，於亞捫河濱，見庇耳子巴勒，召之曰：有民自埃及至此，周

遍於地，與我比鄰，土壤相接，此民强悍，我非其敵，汝來詛之，使我得攻擊而獲勝，驅之出境，蓋我素知爾，祝人則人受福，詛人則人被禍。摩押米田長老攜卜筮之值往見巴蘭，以巴蘭之言告之。巴蘭曰：今日宿此，待聆耶和華之諭，以復於爾。摩押使臣與巴蘭同處，上帝臨格，問巴蘭曰：誰與爾偕？對曰：摩押王西撥子巴勒遣人就我，曰：有民至自埃及，周遍於地，願爾式臨，詛其有衆，庶幾戰可勝，而人可驅矣。上帝曰：爾毋與之偕往，爾毋爲之詛民，蓋斯民嘗受福矣。巴蘭夙與告巴勒使臣曰：汝可返故國，耶和華有言，毋許我偕往。其臣乃歸告巴勒曰：巴蘭不欲與我同至。巴勒更遣使臣較之於前位，尊而人衆，既至，謂巴蘭曰：西撥子巴勒有言，爾盍蒞臨，何所扞格？我將使爾尊顯，凡爾所言，我必依行，請爾至國，以詛斯民焉。巴蘭告其臣曰：即使巴勒以盈室之金銀饋我，亦不可踰越我上帝耶和華之命，或大或小，悉宜遵循。今日爾姑宿此，以俟耶和華更有所諭。是夜上帝臨格，諭巴蘭曰：如其人來招，汝姑偕往，然我所諭，汝必遵循。巴蘭夙與備驢，偕摩押使臣往。於是乘驢，二役偕行，緣其貪利而往。上帝震怒，耶和華之使者立於途，以禦之，拔刃途側，驢見之，故不由其道，避諸田間。巴蘭策驢，使歸於道。徑由二葡萄園間，左右有垣，耶和華使者立於彼，驢見之，局促垣側，擠巴蘭之足於垣，故又策之。耶和華之使者前往，立於途之隘處，左右無隙，不能轉移。驢見之，伏地。巴蘭怒，以杖策之。耶和華使驢作人言，謂巴蘭曰：我無所獲罪於爾，爾乃策我者。三巴蘭曰：汝戲我，願有刃於我手，我必殺汝。驢曰：我非爾常乘之驢歟？自昔及今，我嘗有是行否？曰：否。耶和華明巴蘭目，乃見使者拔刃立於道，故稽首俯伏。使者曰：三策爾驢何也？爾所行

者違逆於我，故我出以禦爾。驢見我而避者三，不然我已殺爾，使驢得生。巴蘭曰：「我知過矣，不識爾立於途中以禦我，爾若不悅我往，我將返。」曰：「姑與偕往，惟我所諭，爾必言之。」於是巴蘭偕巴勒使臣往。巴勒聞其將至，則往亞嫩溪，摩押邊邑晉接。巴勒謂巴蘭曰：「我遣使召爾，爾曷不至，我豈不能以尊顯加爾。」巴蘭曰：「我今已至，我豈能自擅而言。」上帝使我言，我必言之。巴蘭與巴勒偕行，至基列湖朔，巴勒宰牛羊，饋於巴蘭，并賜使臣。○詰旦，巴勒引巴蘭至巴力崇邱，使觀以色列族營之四隅。

巴蘭謂巴勒曰：「當於此築壇七，備牛七，羊七。」巴勒遵言而行，二人在各壇獻祭。牛一，羊一。巴蘭謂巴勒曰：「汝燔祭品，當侍於側，我將前往，如耶和華遇我，其所諭言，我必告爾。」遂陟山上，上帝遇巴蘭，巴蘭曰：「我備七壇，各獻牛羊。耶和華以言示巴蘭，曰：『返見巴勒，以此言告之。』」巴蘭返見巴勒，與摩押使臣立於燔祭側，乃作歌曰：「摩押王厥名巴勒，招我於亞蘭，導我於東岳，使詛雅各，詈以色列。上帝未詛我，何以詛耶和華，未詈我，何以詈。」陟山之巖，我爲顧視，高岡之巔，我爲瞻望，斯族獨居，不雜於衆。雅各之裔如沙，孰能悉其數。以色列之衆，誰克稽其半。善者逝世，我願如之，彼得考終，吾竊效焉。巴勒謂巴蘭曰：「惡，是何言歟，我召爾詛敵，爾反祝之。」對曰：「耶和華以言示我，我必以言告。」巴勒曰：「請偕我至他所，勿觀其全營，乃窺其一隅，庶爾可加詛焉。」乃導至鎖腓野，比士迦山巔，爰築壇七，各獻牛羊，謂巴勒曰：「爾燔祭物，而侍其側，我往於彼，以覲耶和華。」耶和華臨格，以言示巴蘭，曰：「返見巴勒，以此言告之。」至則見巴勒與摩押使臣立於燔祭側，巴勒問曰：「耶

和華示爾何詞。巴蘭作歌曰：巴勒可興起而聞言，西撥子可傾耳以恭聽。上帝與人異，不失其信，不向其志。詎有言出而不行，既許而不應。我受命以祝嘏，上帝祝之，我難反之。在雅各家無咎，在以色列無戾。上帝耶和華其王也。民得其祐，歡聲而呼。上帝導民出埃及，其行之捷，可擬於兕。欲攻雅各家，卜之不利，欲擊以色列，占之不祥。於斯時也，人有言矣：上帝之待雅各，以色列何其奇歟。斯民之興也，如牝獅，其動也如牡獅，不食斷傷之肉，不飲被殺之血，則不偃臥。○巴勒謂巴勒曰：爾毋加以詛語，亦毋進以祝詞。巴勒對曰：我豈不曰耶和華所諭，我必遵循。○巴勒曰：爾來，我引爾至他所，庶幾上帝使爾於彼，咒詛其族。遂引巴勒至比耳山巔，與野相望。巴勒曰：於此築壇，七備牛，七羊，七巴勒從其言，壇上各獻牛羊一。

巴蘭見耶和華，欲錫嘏於以色列，故不復用卜，如昔所爲，乃舉其目，顧瞻於野，觀以色列族，循其支派，而建營壘，感於上帝之神，作歌曰：庇耳子巴蘭，既明其目，備聞上帝之言，詞得親至，能之異象，身雖假寐，目則常啟，故振振有辭曰：美哉雅各之幕，以色列之室，歟。如陵谷之開，廣如園圃之臨河，如耶和華之植奇南香，如溪旁之有柏香木，其裔熾昌，如泉滂沛，其王高於亞甲，其國可得振興。昔上帝導之出埃及，其行之捷，可擬於兕，必并吞敵國，刺之以矢，嚙傷其骨。其民如牡獅，伏視眈眈，亦猶牝獅，孰敢櫻之。祝爾者必見祝，詛爾者必見詛。○巴勒甚怒，鼓掌而言曰：我召爾詛敵，爾乃祝之者三。爾盍速返故國，我意使爾得大榮，而耶和華不許。巴勒謂巴勒曰：我豈不告爾使臣，卽以盈室之金銀饋我，亦不可踰越耶和華之命，我弗擅行，或善或惡，惟耶和

華所諭我代言之。今我將歸爾盍來前。此民至於季世。所以待爾民者。先以告汝。乃作歌曰。鹿耳子巴蘭。既明其目。備聞上帝之言。詞能知至上之妙理。得觀全能之異象。身雖假寐。目則常啟。故振振有辭曰。我將見之。不在今日。我將觀之。不於目前。自雅各家將出明星。自以色列將秉大權。摩押之隅。悉爲攻擊。不特之人。俱必喪亡。以色列族將施能力。勝其敵人。得以東西耳之地。秉其大權。斯邑之遺民。復行殲滅。巴蘭瞻望亞馬力。作歌曰。亞馬力爲列國之初興。終亦必亡。又望基尼族。作歌曰。爾居鞏固。爾巢巖穴。雖然。基尼人終歸殲滅。遷徙於亞述。載歌曰。噫嘻乎。上帝行是孰能得生。人將駕舟。自基尼至。使亞述希百備歷困苦。基底終亦必亡。巴蘭乃返故土。巴勒亦歸其所。

以色列族居失亭。淫於摩押女。摩押女祭其上帝。請以色列族至。遂食祭品。共相崇拜。以色列族奉事巴力比耳。耶和華怒甚。諭摩西曰。爾取民之首惡。懸於我前。至日入時。則我怒可解。摩西告以色列刑官曰。凡屬爾統轄之人。有事巴力比耳者。悉當誅戮。○摩西與以色列會衆號哭於會幕前。斯時也。有以色列人攜米田女。適其同儕所亞倫孫。以利亞撒子。非尼哈見之。遂離會衆。取戟於手。襲以色列人之後。至其寢室。以戟刺其人。并女之腹。爲以色列族除其災。時遇災而死者。計二萬四千人。耶和華諭摩西曰。我斷不容以他上帝匹我。以色列族犯此。故我震怒。祭司亞倫孫。以利亞撒子。非尼哈施其熱衷。以奉事我。使我不滅其衆。故爾當告之。我將與彼立平康之約。使其子孫恒爲祭司。蓋其熱衷。以奉事我。爲以色列民贖罪。與米田女同戮之。以色列

列人屬西面族中最著者撒路子心哩被誅之女屬米田族中最著者牧伯蘇耳之女哥斯庇○耶和華諭摩西曰自今而後必攻擊米田人俾嘗艱苦蓋米田人使其同儕牧伯之女哥斯庇誘爾崇事比耳我降災害困苦於爾是女亦見殺焉

降災既畢耶和華諭摩西及祭司亞倫子以利亞撒曰以色列會衆循其世系自二十歲以上能臨陳者當核其數摩押平原約但河濱耶利哥相對之所摩西及祭司以利亞撒總核民數自二十歲以上者遵耶和華諭摩西之命出自埃及之以色列族其數臚列如左○以色列長子流便生哈諾與其眷聚巴路與其眷聚希斯崙與其眷聚迦米與其眷聚此流便之子孫計四萬三千七百三十巴路生以利押以利押生尼母利及大單亞庇蘭此二人在會中素著名望與哥喇結黨攻摩西亞倫以逆耶和華地口孔張吞噬其衆當時哥喇與二百五十人爲火所燬垂戒於後世哥喇子孫未亡於災○西面生尼母利與其眷聚雅民與其眷聚雅斤與其眷聚西喇與其眷聚沙羅與其眷聚此西面之子孫計二萬二千二百○伽得生西分與其眷聚哈基與其眷聚書尼與其眷聚阿士尼與其眷聚以哩與其眷聚亞律與其眷聚亞哩利與其眷聚此伽得之子孫計四萬有五百○猶大生嘒阿楠二人俱死於迦南又生示拉與其眷聚法勒士與其眷聚西喇與其眷聚法勒士生希斯崙與其眷聚哈母勒與其眷聚此猶大之子孫計七萬六千五百○以薩迦生陀拉與其眷聚孚亞與其眷聚雅述與其眷聚伸崙與其眷聚此以薩迦之子孫計六萬四千三百○西布倫生西烈與其眷聚以倫與其眷聚雅列與其眷聚此西布倫之



子孫計六萬有五百。○約瑟生馬拿西以法蓮馬拿西生馬吉與其眷聚馬吉生基列與其眷聚基列生耶斯與其眷聚希勒與其眷聚亞士烈與其眷聚示劍與其眷聚示米大與其眷聚希弗與其眷聚希弗子西羅非哈無子有女名馬拉挪亞曷拉密迦得撒此馬拿西之子孫計五萬二千七百。○以法蓮生書提拉與其眷聚庇結與其眷聚大漢與其眷聚書提拉生以蘭與其眷聚以法蓮之子孫計三萬二千五百。以上所載馬拿西以法蓮二人之子孫俱出自約瑟。○便雅憫生庇拉與其眷聚亞實別與其眷聚亞希蘭與其眷聚書反與其眷聚戶反與其眷聚庇拉生亞勒與其眷聚乃慢與其眷聚此便雅憫之子孫計四萬五千六百。○但生書舍與其眷聚此但之子孫計六萬四千四百。○亞設生音拿與其眷聚耶遂與其眷聚庇哩亞與其眷聚庇哩亞生希百與其眷聚抹結與其眷聚亞設之女名撒拉此亞設之子孫計五萬三千四百。○納大利生雅泄與其眷聚姑尼與其眷聚耶色與其眷聚示臉與其眷聚此納大利之子孫計四萬五千四百。以色列族總計六十萬一千七百三十。○耶和華諭摩西曰當以斯土給於此衆循其名數人衆則給地亦多人寡則給地亦減依其所核之數各給以地必掣籤而分之按其譜系使得恒業衆寡之間所當分者掣籤而定。○利未族循其世系被核數者臚列如左利未生革順與其眷聚哥轄與其眷聚米喇哩與其眷聚利未族中有立尼之家希伯崙之家馬利之家母示之家哥喇之家哥轄生暗蘭利未之女生於埃及名約基別適暗蘭生亞倫摩西與女米哩暗亞倫生拿答亞庇戶以利亞撒以大馬拿答亞庇戶燃不聖之火奉事耶和華而死利未族自一月以上者計二

萬有三千不得與以色列族同核其數亦不得與以色列族共分其業。摩押平原約但河濱耶利哥相對之所摩西與祭司以利亞撒核數以色列衆昔在西乃野摩西與祭司亞倫會核其衆迄今被數之時無一人在者蓋耶和華曾有言曰其人必死於曠野故靡有孑遺所尚存者惟耶等尼子迦勒嫩之子約書亞而已。

約瑟子馬拿西支派馬吉會孫基列孫希弗子西羅非哈育五女名馬拉挪亞曷拉密迦得撒俱至會幕立於摩西祭司以利亞撒會長及會衆之前曰我父死於曠野不與哥喇黨同違逆耶和華第爲己罪而死死而無子既無後嗣何刪其名絕於譜系在叔伯之中請以遺產賜我摩西以其事呈於耶和華耶和華諭摩西曰西羅非哈之女所言是也必以其父之遺產傳之俾在叔伯中有其恒業爾告以色列族云如人死而無子必歸其業於女無女則歸諸兄弟無兄弟則歸諸叔伯無叔伯則歸諸戚屬使以色列族永著爲例循我所諭之命○耶和華諭摩西曰爾陟亞巴林山觀我所賜以色列族之地既觀之後爾必返本如爾兄亞倫然昔在汎野迦鐵境米利巴水濱會衆紛爭爾於斯時悖逆我命不於民前尊我摩西願耶和華曰耶和華上帝乎爾以生氣賜於億兆請立一人統轄會衆出入於民前爲民先導免致耶和華會衆猶羊之無牧耶和華諭摩西曰嫩之子約書亞其人感於神汝可簡取按手其上置於祭司以利亞撒及會衆前付託以命以汝尊榮加諸其身使以色列會衆無不遵循彼必立於祭司以利亞撒前以利亞撒撒用烏陵諮詢我意及此二十八章三十一節

烏陵即神光見出埃

及此二十八章三十一節

彼及以色列會衆必聽斯命而出入摩西簡約書亞立於祭

司以利亞撒及會衆前，按手其上，以命託之，遵耶和華命焉。

燔祭，卽未盈歲之羔二，純潔是務，日爲燔祭，朝一暮一，又獻麵六升，和清油二斤有半，爲禮物。我昔在西乃山，曾命恒獻燔祭，取其馨香，以奉於我者卽此。爲所獻之羔，必取醇醪二斤有半，灌奠於聖，所以奉事我，薄暮獻羔，其所奉禮物，酒以灌奠，循其清晨之例，熱之以火，取其馨香，以奉事我。值安息日，必獻未盈歲之羔二，純潔是務，和油之麵一斗二升，爲禮物，酒以灌奠，日所獻祭，灌酒而外，必於安息日獻燔祭。○月朔，必以燔祭獻我，牡犢二，牡綿羊一，未盈歲之羔七，純潔是務，爲牡犢獻和油之麵一斗八升，爲牡綿羊獻一斗二升，爲各羔獻六升，以爲禮物，熱之以火，取其馨香，而奉事我，爲牡犢獻酒五斤，爲牡綿羊獻三斤四兩，爲各羔獻二斤有半，以爲灌奠，每歲月朔，所當獻者卽此。日所獻祭，灌酒而外，亦以山羊羔一，獻之於我，爲贖罪祭。正月十四日，爲踰越節期，以奉事我，是月之望，必守此禮，歷至七日，當食無酵餅，節之首日，必有聖會，咸止工作，取牡犢二，牡綿羊一，未盈歲之羔七，純潔是務，俱獻於我，以爲燔祭。爲牡犢獻和油之麵一斗八升，爲牡綿羊獻一斗二升，爲各羔獻六升，以爲禮物，更獻山羊一，爲贖罪祭。上所獻者，乃在日獻燔祭之外。日所獻祭，灌酒而外，七日中，每日當獻燔祭，取其馨香，以享我。越至七日，必有聖會，咸止工作。○七七日後，獻我以初實，亦奉禮物，以薦新，其時必有聖會，咸止工作，必以牡犢二，牡綿羊一，未盈歲之羔七，獻爲燔祭，取其馨香，以奉事我，爲牡犢獻和油之麵一斗八升，爲牡綿羊獻一斗

二升爲各羔獻六升以爲禮物。更獻山羊之羔以贖爾罪。俱潔是務及灌奠之酒上所獻者。卽在日所恒獻燔祭禮物之外。

七月朔乃吹角之期必有聖會。咸止工作。必以牡犢一、牡綿羊一、未盈歲之羔七、純潔是務。獻爲燔祭。取其馨香以奉事我。必爲牡犢和油之麵一斗八升。爲牡綿羊獻一斗二升。爲各羔獻六升。以爲禮物。更獻山羊之羔一。爲贖罪祭。上所獻者。卽在月朔及每日所獻燔祭禮物。灌酒之外。俱循常例。依其核數。取其馨香以奉事我。○七月十日必有聖會。咸止工作。卑以自牧。必以牡犢一、牡綿羊一、未盈歲之羔七、純潔是務。獻爲燔祭。取其馨香以奉於我。爲牡犢和油之麵一斗八升。爲牡綿羊獻一斗二升。爲各羔獻六升。以爲禮物。更獻山羊之羔一。爲贖罪祭。上所獻者。卽在贖罪之祭。每日獻祭。奉禮灌酒之外。○七月十五日必有聖會。咸止工作。七日守節。以奉事我。必以牡犢十三、牡綿羊二、未盈歲之羔十四。純潔是務。獻爲燔祭。取其馨香以奉事我。爲各牡犢和油之麵一斗八升。爲各牡綿羊獻一斗二升。爲各羔獻六升。以爲禮物。更獻山羊之羔一。爲贖罪祭。上所獻者。卽在恒獻燔祭禮物灌酒之外。二日必獻牡犢十二、牡綿羊二、未盈歲之羔十四。純潔是務。爲各牡犢牡綿羊及羔。各獻禮物。酒以灌奠。依其核數。俱循常例。更獻山羊之羔一。爲贖罪祭。上所獻者。卽在恒獻燔祭禮物灌酒之外。三日必獻牡犢十一、牡綿羊二、未盈歲之羔十四。純潔是務。爲各牡犢牡綿羊及羔。各獻禮物。酒以灌奠。依其核數。俱循常例。更獻山羊一。爲贖罪祭。上所獻者。卽在恒獻燔祭禮物灌酒之外。四日必獻牡犢十、牡綿羊二、未盈歲

之羊十四、純潔是務、爲同牡犢、牡綿羊及羔各獻禮物、酒以灌奠、依其核數、俱循常例。更獻山羊之羔一、爲贖罪祭、上所獻者、卽在恒獻燔祭禮物灌酒之外。五日必獻牡犢九、牡綿羊二、未盈歲之羔十四、純潔是務、爲牡犢、牡綿羊及羔各獻禮物、酒以灌奠、依其核數、俱循常例。更獻山羊一、爲贖罪祭、上所獻者、卽在恒獻燔祭禮物灌酒之外。六日必獻牡犢八、牡綿羊二、未盈歲之羔十四、純潔是務、爲牡犢、牡綿羊及羔各獻禮物、酒以灌奠、依其核數、俱循常例。更獻山羊一、爲贖罪祭、上所獻者、卽在恒獻燔祭禮物灌酒之外。七日必獻牡犢七、牡綿羊二、未盈歲之羔十四、純潔是務、爲牡犢、牡綿羊及羔各獻禮物、酒以灌奠、依其核數、俱循常例。更獻山羊一、爲贖罪祭、上所獻者、卽在恒獻燔祭禮物灌酒之外。八日必有會、是日爲大、咸止工作、必以牡犢一、牡綿羊一、未盈歲之羔七、純潔是務、獻爲燔祭、取其馨香、以奉事我、爲牡犢、牡綿羊及羔各獻禮物、酒以灌奠、依其核數、俱循常例。更獻山羊一、爲贖罪祭、上所獻者、卽在恒獻燔祭禮物灌酒之外。值節期時、必以今所言之燔祭禮物灌奠之酒、酬恩之祭、獻我、卽在許願樂輸之外。摩西告以色列族、俱循耶和華命。

摩西告以色列族長曰、耶和華命、如人指耶和華而許願、或發誓以自戒、則言出惟行、信不可失。若女年幼、尙在父家、指耶和華而許願以自戒、其父聞言、默然無語、則所許之願、自戒之言、必行。如父不允、則所許之願、所言之戒、俱不可行。父旣不允、耶和華將釋之。如已適人、而造次許願以自戒、夫聞默然、則所言必行。如夫不允、則所許之願、自戒之言、俱廢。耶和華將釋之。如

婦棄婦許願自戒，則必行之。如婦在夫家，許願發誓以自戒，夫聞默然，不之禁禦，則所言必行。如夫聞而廢之，則所許之願，自戒之言，不必行。夫既不允，耶和華將釋之。婦許願發誓，卑以自牧，夫可使之立，亦可使之廢。如夫日無所語，則婦許願以自戒必行，倘聞而默然，是使之立也。如夫聞言而廢之，必負其罪。以上所載，乃耶和華命摩西者，言女幼時，未于歸，爲父所治，既適人，爲夫所治，其例若此。

耶和華諭摩西曰：汝爲以色列族報仇，罰米田人，而後返本。摩西告民曰：汝必備戰，攻擊米田人，使耶和華怨米田人之憤，可洩於以色列族中，各簡一千人備戰。於是以色列族中，臨陳者各支派一千人，總計一萬二千，預備以戰。摩西遣之，又遣祭司以利亞撒子非尼哈執聖器，吹號角，與米田人戰，遵耶和華諭摩西之命，殺其丁男，更殺米田五王，以未哩、金蘇耳、戶耳、哩巴、及庇耳子巴蘭均殲以刃。以色列人奪其妻孥，攘其牛羊，掠其貨財，城垣閭里燬之，以火貨財什物，劫之以歸。以所得之人與物，攜之至摩押平原，約但河濱，耶利哥相嚮，建營之所，見摩西及祭司以利亞撒，與以色列會衆。摩西及祭司以利亞撒暨諸會長，出營以迎，千夫長、百夫長，及全軍之統轄，既戰而歸。摩西見之，怒甚，曰：奚拯衆婦，存其生乎？彼從巴蘭之言，誘以色列族，逆耶和華，服役於比耳，故耶和華降災於會衆。今所得之幼稚中，諸男當殺，與人同寢，諸婦亦當殺。未與人同寢之女，俾全其生。爾曹居於營外七日，凡殺人捫尸者，及所獲之人，俱蒙不潔，必待三日七日，自滌乃潔。衣皮、毛布、木器，亦當使潔。○軍士既戰而歸，以利亞撒告之曰：耶和華所諭摩西者

有定例焉。金、銀、銅、鐵、錫、鉛，能不敝於火，當使經火，然後成潔，亦當滌以去污之水，如物易敝於火者，必滌以水，當自澣衣，迨至七日，然後爲潔，可入於營。○耶和華諭摩西曰：汝與祭司以利亞撒暨會長，必核數所得之物，或人或畜，各分爲二，一歸臨陳之戰卒，一歸會衆。臨陳戰卒所得之物，必由其中以徵其貢，無論人、驢、牛、羊、五百輪，一奉於祭司以利亞撒，舉而獻我。以色列族所得之物，無論人、驢、牛、羊，與各牲畜，必由其中五十輪，一歸守我會幕之利未人。摩西及祭司以利亞撒、遵耶和華命而行。臨陳而歸所奪之物，計羊六十七萬五千，牛七萬二千，驢六萬一千，未與人同寢之女三萬二千，其半歸臨陳之卒，計羊三十三萬七千五百，徵貢歸耶和華者六百七十五，牛三萬六千，徵貢歸耶和華者七十二，驢二萬有五百，徵貢歸耶和華者六十一人，一萬六千，徵貢歸耶和華者三十二，所歸耶和華者必舉而獻之。摩西給祭司以利亞撒，遵耶和華所諭之命，所攜之物，摩西取其半，歸以色列會衆，計羊三十三萬七千五百，牛三萬六千，驢三萬有五百，人一萬六千，無論人、畜，摩西由其中五十輪，一以給守耶和華會幕之利未人，遵耶和華命。○千夫長、百夫長及全軍之統轄者，咸就摩西曰：僕等核數所統之戰士，不損一人，故攜禮物歸於耶和華，隨其所有，手釧、指環、耳環、垂項之珠，可爲己命贖罪於耶和華前。摩西與祭司以利亞撒收其金飾，千夫長、百夫長以戰時所得者爲禮物，舉而獻於耶和華，其金計八千三百七十五兩，士卒所得者未獻。摩西與祭司以利亞撒取千夫長、百夫長所獻之金，攜入會幕，置耶和華前，爲以色列族之記錄。

流便支派、伽得支派、牲畜成羣、見牙設基列二地、堪爲遊牧之所、乃就摩西、及祭司以利亞撒、暨諸會長前、曰、亞大錄、底本、牙設、寧喇、希實本、以利亞利、示班、尼破、庇穩、斯地也、卽耶和華助以色列族所取者、堪爲遊牧之所、僕等有羣畜、尙得沾恩、請以斯地錫我爲業、毋庸我渡約但、摩西曰、汝同儕往戰、汝俱安坐於此乎、奚使以色列族喪膽、致耶和華所錫之地不能得濟、昔在迦鐵巴尼亞、我遣爾祖窺察斯土、至以實各谷、既見其地、則使以色列族喪膽、皆不欲往、詣耶和華所賜之地、今爾所行亦若是、當斯時也、耶和華甚怒、矢之曰、出埃及之有衆、自二十歲以上者、旣不竭忠從我、故所誓亞伯拉罕、以撒、雅各之地、必不能得、惟基尼洗人、耶孚尼子迦勒、嫩之子約書亞、竭忠從我、則可得焉、耶和華甚怒、使以色列族遊於曠野、歷四十年、迨及斯代之民、違逆耶和華者、尸骸消滅、今爾繼祖、恒爲犯罪之人、使耶和華怒、以色列族愈甚、如爾仍不信從、則耶和華必遺以色列族於野、亡斯有衆、對曰、我必爲羣畜作羊牢、爲幼稚建邑垣、使幼稚居於邑垣、免爲斯土之民所害、我必預備以戰、不居以色列族後、導入其所、我不欲歸、迨以色列族各得其業、我在約但、旣能取其東隅、不欲得其西境、摩西曰、如爾濟約但河、預備以戰、遵耶和華命、迨驅其敵、取其地、然後旋歸、仍於此得業、則在耶和華、及以色列族前、爾可無辜、不然、則干犯耶和華、罪必有歸、爾當知之、爾所言必行、爲羣畜作羊牢、爲幼稚建城垣、可也、伽得支派、流便支派、對摩西曰、僕等將遵主命、妻孥、牛羊、必留於基列邑中、僕等濟河、預備以戰、遵耶和華命、從我主所言、摩西告祭司以利亞撒、嫩之子約書亞、及以色列支派最著者、曰、如伽得支派、流便支派、與



爾有眾，濟約但河，預備以戰。據有其地，遵耶和華命，則必以基列賜之爲業。不然，僅得業於迦南而已。伽得流便二支派對曰：耶和華所命僕將遵行，我必濟河至迦南地，遵耶和華命，預備以戰。惟欲得業於約但東。摩西以亞摩哩王西宏巴山王疆之地，及境內之邑垣鄉里，俱給伽得支派。流便支派約瑟子馬拿西支派之半。○伽得人置邑垣，卽底本亞大錄亞羅耳押律，說反雅設約庇哈伯寧喇伯哈蘭，亦作羊牢流，使人建希實本以利亞利基烈亭尼破巴力免悉馬，有易其名者，有仍其舊者。馬拿西子馬吉之後裔，往基列驅逐亞摩哩人，而據其地。摩西卽以其地錫之，使處其中。馬拿西子睚耳取諸鄉里，稱之爲哈物睚耳。挪巴取基納，與其鄉里，稱之爲挪巴。

摩西亞倫導以色列族，出自埃及，循其行伍。摩西遵耶和華命，書邁征之程，臚列於左。正月之望，踰越節之明晨，以色列族離蘭塞，雖爲埃及人所目擊，毫無畏葸，以耶和華曾於埃及敗其上帝，戮其長子，而埃及人治其葬事故也。以色列族自蘭塞邁征，張幕於數割，自數割邁征，張幕於以籐近野，自以籐邁征，而返其旆，於比哈希綠。巴力洗分相對之所，蜜奪前張幕，自比哈希綠邁征，經海而行，歷程三日，至以籐之野，張幕於馬刺。自馬刺至以林，遂張幕焉。在彼有水泉十二，棗樹七十，自以林而往，附紅海。張幕離紅海，張幕於汎野，自汎野邁征，張幕於脫迦。自脫迦張幕於亞綠，自亞綠張幕於哩非停，在彼無水可飲，乃離之他往，於西乃野。張幕自西乃野邁征，張幕於乞律夏大法，自彼至哈西錄，遂張幕焉。自哈西錄邁征，張幕於勒馬。離勒馬邁征，張幕於臨門帕烈，自此而往，張幕於立拿，自立拿邁征，張幕於勒撒。既離勒撒，張幕於基希拉。離之

邁征，張幕於沙百山，離山而行。張幕於哈喇大自哈喇邁征，張幕於馬希錄，自馬希錄，張幕於大哈自大哈邁征，張幕於大喇自大喇邁征，張幕於蜜迦，自蜜迦邁征，張幕於哈摩拿，自此而行，張幕於摩西錄，自摩西錄邁征，張幕於庇尼雅干，自此而行，張幕於曷哈及甲，自此邁征，張幕於約巴大自約巴邁征，張幕於以破拿，自以破拿邁征，張幕於以旬迦別，自此而往，張幕於汎野，卽迦鐵離迦鐵，張幕於何耳山，近以東界，以色列族出自埃及，歷四十年五月朔，祭司亞倫、遵耶和華命，陟何耳山而死，壽一百二十三歲。當時亞騰王居於迦南之南境，聞以色列族至其國，以色列族離何耳山，張幕於薩摩拿，自薩摩拿，張幕於部嫩，自部嫩，張幕於阿泊，自阿泊，張幕於以雅亞巴林，近摩押界，自此而往，張幕於底本，伽得自底本，伽得，張幕於亞門特拉太音，自此而往，張幕於尼破前，亞巴林山，離亞巴林山，張幕於摩押平原，約但河旁，耶利哥相對之所，沿河建營，自伯耶西末起，至摩押平原，亞伯示亭止。○在彼耶和華諭摩西曰：告以色列族云：汝渡此河入於迦南，必驅居民，凡勒像於碑及鏐鑄之偶像，汝必壞之，毀厥崇邱，必取其地而居之，蓋我以斯土賜汝爲業。汝必掣籤分地，接爾戶口，人衆則給地亦多，人寡則給地亦減，各隨所掣之籤，循其世系，得此恒業。斯土之衆，爾不驅逐，則其遺民，必爲爾目中之刺，肘下之棘，困苦爾於此。我素欲降罰於彼，今之待爾亦將如是。

耶和華諭摩西曰：告以色列族云：汝今將入迦南，得其四境爲業，爾之邊隅，南至汎野，近於以東，自此而東，沿及鹽海，造其極處，爾之南境，環繞亞克拉濱山，延至於汎，自此而南至

迦鐵巴尼亞、哈薩亞達及押門，自押門沿至埃及河，出於大海，爲爾南境。爾境之西，卽以大海爲限，自大海而往，至何耳山，又至哈末，延及西撻，至於錫分、哈薩，以難爲爾北境。自哈薩以難而往，至於示番，延至立拉，及河源之東，至基尼烈海東濱，沿約但河，至於鹽海，爲爾東境。爾之四境，卽此。摩西告以色列族曰：「耶和華以斯土錫於九支派，及支派之半，掣籤而得之，惟流便、迦得二支派，及馬拿西支派之半，循其世系，已得其業。在約但東，耶利哥相對之處，耶和華諭摩西曰：『爲爾分業者，祭司以利亞撒之子約書亞，及各支派之牧伯，猶大支派，耶孚尼子迦勒，西面支派，亞米忽子示母利，便雅憫支派，其斯倫子以利撻，但支派之牧伯，約利子布基，約瑟子馬拿西支派，之牧伯，以佛子漢業，以法蓮支派之牧伯，拾但子基母利，西布倫支派之牧伯，帕納子以利撒番，以薩迦支派之牧伯，押撒子巴鐵，亞設支派之牧伯，示羅米子亞希忽，納大利支派之牧伯，亞米忽子比大黑。』」以上所載，卽耶和華命以迦南地分以色列族爲業者。

在摩押平原，約但河濱，耶利哥相對之處，耶和華諭摩西曰：「告以色列族，於其所得之地，以邑郊賜於利未人，其人民則處於邑中，其牛羊六畜與凡所有，則歸於郊，所賜於利未人者，邑垣而外，四周一百丈爲郊。郊外之地，東西南北，各二百丈，邑在其中，此卽邑郊之丈數也。利未人所得之邑郊，其中必有六邑，爲遺逃之數，使誤殺人者可遁於彼，外此更得邑四十有二。蓋利未人所得之邑郊，共四十有八，以色列族所得之地，必於其中賜邑於利未人，視得地之大小，爲賜邑之多寡，各循所得之業而給焉。」○耶和華諭摩西曰：「汝告以色列族云：『汝渡約但河，入迦』」

南地時必簡邑爲逋逃之藪。使誤殺人者，可遁於彼。殺人者，未見鞠於會衆，而被殺之戚屬欲報其仇，則可遁於斯邑，不致死亡。利未人邑中，必有六邑爲逋逃之藪。約但東三邑，迦南地三邑。凡以色列族與賓旅誤殺人者，可遁於斯。若以鐵器擊人至死，是誠殺人者，必死毋赦。若擲石擊人至死，是誠殺人者，必死毋赦。若以木器擊人至死，是誠殺人者，必死毋赦。被殺之戚屬，可報其仇，遇卽殺之。若蓄怨而刺人，或伏要而射人，或生釁而手擊人，置人於死地，是誠殺人者，必死毋赦。被殺之戚屬，遇卽殺之。若蓄怨而刺人，或伏要而射人，或生釁而手擊人，置人於死地，是誠殺人者，必死毋赦。被殺之戚屬，遇卽殺之。如臺無罅隙，而猝然刺及，或非伏要，而以物相射，或不見而擲石，致人於死，本非結讎，不欲害人，則會衆必於殺人報仇者之間循例而剖析。救殺人者，脫於報仇者手，既遁於逋逃之藪，必使居彼，以待受聖膏之祭司長終，則無故焉。如殺人者出逋逃之邑郊，報仇者在，在外遇而殺之，則罪不之及。蓋殺人者當居逋逃之藪，待祭司長死後返其故土可也。以此著爲定例，歷世勿替，隨往勿易。凡殺人者，有人爲證，必死毋赦。證人惟一則不可，殺人者不得以金贖，必死毋赦。祭司長未死，而殺人者欲以金贖，離逋逃之藪，歸其故土，亦不可。如殺人命，則污穢斯土，殺人者未償命，則污仍不去。我耶和華居以色列族中，故不可加以污穢。

約瑟曾孫馬拿西孫馬吉子基列後裔之最著者，就摩西及以色列族長之最著者，告之曰：耶和華諭我主，用掣籤之法，以斯土賜以色列族爲業，亦命我主，以我戚屬西羅非哈之業，予其女。如適以色列他支派之人，則其業爲他支派所得，而我祖之遺業歸於他人。值以色列族禧年，則女之業必歸於所適支派，而我祖之業必將少減。摩西遵耶和華命，告以色列族曰：約

瑟支派之人所言甚善。耶和華命曰：西羅非哈女任其適人，惟擇同祖支派之人則可。如是以色列族之業，不得由此移彼，各支派之人守祖遺業。凡女有業，必適於同族之人，使以色列族各守厥祖之遺業。業不得由此移彼，以色列族各支派必守其業。西羅非哈女馬拉得撒、曷拉密迦、挪亞、遵耶和華所諭摩西之命，適叔伯之子約瑟子馬拿西世系，如其業爲本族所守。以上所載，則於摩押平原約但河濱，耶利哥相對之所，耶和華所命摩西告以色列族之律例也。

舊約聖書

民數紀畧

第三十六章

一百七十

申命記

約但東濱之野，紅海直出之谷，卽巴蘭陀弗拉班哈洗錄底撒哈間，摩西傳命於以色列族，來自何烈道，由西耳至迦鐵巴尼亞。歷程十有一日出埃，及後四十年十一月朔，摩西循耶和華命諭以色列族。先是摩西殺亞摩哩王西宏，居於希實本者，亦殺巴山王，居於以得來及亞大綠者。今在摩押地，約但東，摩西以耶和華命示以色列族，曰：昔在何烈山，我之上帝耶和華諭我云：爾久居此山，可返掃過，征至亞摩哩山及其鄰近之平原陵谷，亦往南行，至於海濱，入於迦南，延及利巴嫩，抵百辣河。昔我誓以斯土與爾祖亞伯拉罕，以撒雅各，爰及苗裔，今地俱在爾前，可入而得之。○當時我嘗有言，爾之上帝耶和華，既使爾昌熾，如天星之衆多，我無所能獨當斯任，願爾祖之上帝耶和華，踐其前言，錫嘏於爾，增益民數，較之於今，更多千倍，然民多爭競，其責甚重，我難獨任，可於支派中，簡爾所識智慧獨具者，我立之爲長，治理爾曹。爾曹乃對曰：斯言甚善，我遂於支派諸長中，簡智慧之人，衆所識者，立爲牧伯，千夫長，百夫長，五十夫長，十夫長，治理爾曹。我命士師云：聽訟於宗族賓旅間，以正理爲折中，鞫事屬上帝，汝鞫人時，毋行偏視，無論尊卑，必聽其訟，不可畏人，如事關重大，則告於我，我爲剖析於斯時也。我以爾所當行者，明告於爾。○厥後，我儕遵我上帝耶和華命，自何烈過，征經歷曠野，其境甚廣，其形可畏，道由亞摩哩山至迦鐵巴尼亞。當時我告爾曰：我上帝耶和華以亞摩哩山賜我，今至其境，我祖之上帝耶和華踐其前言，錫土於爾，當前往得之，毋驚毋畏。爾曹來前告我曰：我將遣使往探其地，返可復我，當由

何道當至何邑。我善其言，簡於各支派中，共十有二人，彼卽旋踵登山，至以實各谷，窺察其地，取其土產，以復於我。我曰：我上帝耶和華所賜者膏腴之壤也。乃爾曹違逆上帝耶和華命，不欲前往。爾在幕中者，嘖有怨言，曰：耶和華憾我，故導我出埃及，付於亞摩哩人，以殲滅我。我同儕使我喪膽，言斯土之民較我軀幹雄偉，城垣廣大，高可參天，在彼有亞納子，我何能往。我特諭爾曰：毋戰慄，毋畏蕙，爾之上帝耶和華爲爾先導，助爾爭戰，昔在埃及，輔翼爾衆，爾所目擊，今亦必如是。又在曠野，由爾所經之道，至於斯土，爾上帝耶和華提抱爾，如人之懷赤子，爲爾所見。汝之上帝耶和華先爾遣征，以擇建營之所，爾所當歷之程，蒙其指示，晝則導以雲，夜則導以火，豈不當信乎。耶和華聞爾言，震怒特甚，矢之曰：昔我以腴壤，誓與其祖宗，斯代之民素惡，必弗能得。惟耶孚尼子迦勒，竭忠從我，則可得見其所履之地，我將錫之，爰及子孫。當時耶和華緣爾故，怒我曰：爾不可入斯土，惟侍爾側者，嫩之子約書亞，可入當強厥志，使輔翼以色列族，以得斯業。當時耶和華亦諭爾曰：爾之子女幼稚，不能別善惡，爾曾言必爲敵所擄，我則錫以斯土，使彼入而得之。惟爾曹當返旆，道由紅海，詣曠野，以遣征。時爾曹對曰：我曾違逆我上帝耶和華，今遵其命，前往以戰。維時各執器械，備以登山。耶和華命我，普告於衆曰：耶和華不佑爾，勿往以戰，恐敗於敵。我以告爾，爾不聽從，違逆耶和華，擅自登山，居山之亞摩哩人，出驅逐爾曹，勢若蜂擁，遂致敗績。自西耳山至於曷馬爾，乃返旆，哭於耶和華前，不蒙垂聽。當時居於迦鐵，非止一日。

我儕反旆，遣征，道由紅海，適於曠野，環繞西耳山，歷日已久，遵耶和華命。耶和華諭我曰：



爾環行此山久矣，必旋踵北行，當告民曰：汝之同族以掃子孫居於西耳，爾經斯土，彼必畏懼，惟汝謹慎，勿與戰爭，卽其尺土，我不汝給，乃以西耳山賜以掃爲業。汝所食之糧，所飲之水，必以金市。蓋爾所爲者，蒙爾上帝耶和華錫嘏，爾行曠野，歷四十年，爾之上帝耶和華，導爾佑爾，使無缺乏。於是我儕離我同族，卽以掃子孫居於西耳者，道由平原，自以辣及以旬迦別旋踵前往，經摩押野。耶和華諭我曰：勿擾摩押人，與之戰爭，其地非爾所得，蓋我以亞耳賜羅得後裔爲業。昔以米人居彼，斯民衆多，軀幹雄偉，如亞納人然，或稱之爲哩乏音，惟摩押人稱之爲以米。在昔何林人亦居西耳，爲以掃子孫所滅，據有其地，以色列族之地，蒙耶和華所錫者，事亦相同。耶和華亦諭我曰：爾起，渡西勒溪，我遵命而行，昔自離迦鐵巴尼亞時，至渡西勒溪時，三十有八年，於斯時也，斯代之軍士，尸骸消滅，應耶和華所矢之言，蓋耶和華攻之，使之喪亡，尸骸消滅，武士殞沒，絕於民中之後。耶和華諭我曰：今爾當經摩押邊隅之邑亞耳，行近亞捫族，勿擾之，勿與戰爭，其地非汝所得，蓋我以之錫羅得後裔爲業。昔在斯土，爲哩乏音所居，亞捫人稱之爲三送冥，其軀幹雄偉，如亞納人然，惟耶和華滅之，亞捫人據有其地，如以掃子孫居於西耳者，昔蒙耶和華輔翼，翦滅何林人，據有其地，事亦相同。又有一族，稱亞英者，所居之地，自哈洗林至亞薩，甲托民滅之，據有其地。耶和華亦諭我曰：爾起，過征，渡亞嫩河，我以亞摩哩王西宏付於爾手，其都在希實本，汝可與戰而得其地。天下邦國，既聞爾名，我必使之畏爾，戰慄悚惶。○時在基底莫野，我遣人至希實本，以善言告其王西宏曰：爾盍容我經爾地，我必由大道，不偏於左，不偏於右，我所食之糧，

所飲之水。市之以金。第容我徒行。以過爾境。九約但河。至我上帝耶和華賜我之地。昔以掃後裔。居於西耳。摩押人民。居於亞耳。所行俱亦如是。十時我上帝耶和華聽德字或希實本王西宏剛愎厥心。不容我過其地。爲我所敗。以今日之事爲證。蓋耶和華曾諭我曰。我以西宏及其地。畀於爾手。汝可得之。據有其地。十一西宏率衆而出。至雅哈斯與我戰。我之上帝耶和華。以西宏王及王子臣民。悉付於我。爲我所敗。取其城邑。男女長幼。俱行殲滅。靡有孑遺。十二邑中之貨財。以及牲畜。爲我所得。亞嫩河濱之亞羅耳。及洲中之邑。迄於基列。無邑不服。乃我上帝耶和華。盡付於我。惟亞捫族之地。雅泊河濱。山中之邑。爲我上帝耶和華所禁者。我不侵奪。

**第四章** 我儕旋踵。道由巴山。巴山王疆率衆而出。至以得來與我戰。耶和華告我曰。毋畏。我必以王及其民人土地。付於汝手。昔在希實本。滅亞摩哩王西宏。今之待疆亦必若是。於是我之上帝耶和華。以巴山王疆。及其人民。付於我手。爲我翦滅。靡有孑遺。二亞略境爲巴山王疆所統。邑共六十。悉爲所取。無不服從。三以上諸邑。俱有高垣。及門與礎。外此更有閭里。其數衆多。我翦滅之。及其男女長幼。如昔滅希實本王西宏然。邑中之貨財。以及牲畜。爲我所得。在約但之東。自亞嫩河。及黑門山。亞摩哩二王之地。爲我所取。平原諸邑。與基列巴山四境。至巴山王疆所統之邑。撒迦。以得來。我亦取之。黑門之山。西頓人稱之爲西連。亞摩哩人稱之爲示溺哩。五之音族所存者。惟巴山王疆。其牀以鐵爲之。長九尺。廣四尺。布肘爲度。今在亞捫人之喇巴。有之。亞嫩河濱。亞羅耳土壤。基列山之半。及其所有之邑。我儕得之。以與流便。伽得二支派。基列山之餘地。及巴山王疆所統

之亞略境與巴山國、人稱爲哩之音地者、我以此給馬拿西支派之半。亞略之地、卽基述馬迦接壤之區、爲馬拿西子睚耳所取、依其名稱之爲巴山哈勿睚耳、迄今其名尙存。我以基列地之半賜馬吉、其半自亞嫩河至亞捫界之雅泊河、其間有平原、沿至約但河濱、自基尼烈至鹽海之谷、近比士迦山麓之東、我悉與流便、得二支派。○當時我諭之曰、爾之上帝耶和華雖以斯土錫爾、然爾之軍旅必備以戰、先爾同儕以色列族而遣征、我知爾牲畜既多、爾之妻孥牲畜、可留於我所錫之邑、待爾同儕於約但西、得爾上帝耶和華所賜之地、而享安樂、與爾無異、後則歸我所錫爾之地。○我諭約書亞曰、爾上帝耶和華敗斯二王、其事爲爾目擊、今爾所往諸國、耶和華必敗之、與昔相同、毋畏、爾上帝耶和華必助爾戰。於時我曾求曰、主耶和華歟、爾以大力顯其有爲、示於爾僕、在天地間、豈再有上帝、能顯如此之大、有爲耶。請爾容我濟約但河、觀茲映壤、及其名山與利巴嫩耶和華緣爾曹怒我、不允我祈、乃告我曰、如是足矣、勿以此事再告於我、爾當陟比士迦嶺、向南北東西而瞻望、目擊斯土、則可惟約但之河不得而濟。必命約書亞強固厥志、導民濟河、得爾所見之土。於是元我僑居於此谷、在伯比耳相對之所。

摩西申命曰、以色列族乎、我今所示爾之法度禮儀、宜聽從之、如是得生、而汝祖之上帝耶和華所賜汝之地、可入而得焉。我之諭言、乃爾上帝耶和華所命者、爾當遵從、不可增、亦不可減。凡從巴力比耳者、俱爲爾之上帝耶和華所絕、乃爾目擊、惟恒從爾上帝耶和華者、及今尙存。我依法度禮儀教爾、使爾行之、在爾所得之地、遵我上帝耶和華命、爾守此法、則可爲智、四方之

民聞此禮儀，必曰：斯民昌大，智慧俱備，豈有他民？若是昌大，得上帝左右之，猶我上帝耶和華之左右我，而允我所祈乎？豈有他民，獲法度禮儀如是之善？如我今日所示爾者乎？惟當謹恪，畢生兢兢，自守其心，不致遺忘。爾所見者，示於子孫。昔在何烈山，立於爾上帝耶和華前時，耶和華諭我曰：當集斯民，使聽我言，必寅畏我。至於沒齒，教其子孫。其時，爾衆來前，立於山下，其山之象幽深玄遠，厥火炎炎，至凌霄漢。耶和華由火中諭爾，惟聞其聲，不覩其像。告爾以約，書十誡於二碑，俾爾恪守。○耶和華命我教爾法度禮儀，使爾於所得之地，遵行不失。昔在何烈山，耶和華由火中諭汝，未覩其像，故當謹恪，恐壞爾心術。雕刻偶像，或似男女，作像像之，或似走獸飛禽，或似地上昆蟲，水中鱗介。爾仰觀天象，有日月星辰焉，恐爾迷眩，奉事崇拜之。天下億兆既行此，爾之上帝耶和華，亦姑聽之。耶和華導爾出埃及，如脫冶爐，以爾爲所得之民，卽以今日之事爲證。耶和華緣爾曹故，怒及於我，特發誓言，不許我渡約但。入爾上帝所錫之腴壤，我必終於此。弗克濟河，惟爾其渡。據有斯地，慎勿忘爾上帝耶和華所立之約，勿離偶像，干犯厥命。蓋爾上帝耶和華如火之燎，斷不容以他上帝匹之。厥後爾久居斯土，生子傳孫，自壞心術，雕刻偶像，作惡於汝上帝耶和華前，以干厥怒。我今日指天地以作證，爾於所得約但之西境，不能延命，乃必滅甚速。至於盡亡。耶和華必散爾於四方，所遺於列國者，亦已無幾。在彼人以木石作上帝像，不見不聞，臭味不知，惟汝事之。然在遠方，爾如一心一意，求爾上帝耶和華，亦可得之。至於季世，爾遇艱辛，我所言之災，加乎爾身。斯時也，爾若歸爾上帝耶和華，而聽其命，則爾之上帝耶和華，甚爲仁慈，必不

棄爾、翦滅爾、與爾祖所立之盟約，亦不忘之。三三三粵稽往古，自上帝造人，迄於今日，由天涯至地極，除爾之外，曾亦聞上帝之言由火中出人聽其聲，尙能生存者乎？曠觀斯世界，有若此之大事乎？昔爾之上帝耶和華，救爾於埃及，爾所目擊焉，豈有施大能巨力，異蹟奇事，爭戰災害，事事可畏，以救他民，出於敵手乎？此事既顯示於爾，俾爾知耶和華獨一上帝，其外無他，在天有聲，使爾聞之，以指示爾，在地出大火，使爾見之，爾由火中聽其言詞，上帝眷愛爾祖，故簡其後裔，導爾出埃及，施厥大能，斯土之民，較爾強大，爲爾上帝驅逐，導爾入境，賜汝有業，以今日之事爲證，爾當深思，以明其理，天上下地，獨耶和華爲上帝，其外無他，我今所傳者，耶和華之法度禮儀，爾當恪守，則爾納福，爰及子孫，在爾上帝耶和華所錫之地，永享遐齡。○摩西在約但東，區別三邑，使無讎怨，而謀殺人者，可遁於彼，保其餘生。一爲野間之庇悉，屬流便平原，一爲基列之喇末，屬伽得族，一爲巴山之珂蘭，屬馬拿西族。○以上所載者，摩西以色列族之律例，出埃及後，摩西以法度禮儀，傳以色列族，既出埃及，至約但東，伯比耳相對之谷，摩西與以色列族，敗都希實本之亞摩哩王，西宏據有其地，亦據巴山王疆之地，如是約但東，二亞摩哩王之地，俱爲所得，自濱亞嫩溪之亞羅耳，至西雲山，卽黑門，至近比土迦山麓之海，約但東平原，俱爲所得。

摩西召以色列族，告之曰：我今所傳之法度禮儀，爾其聽之，當學習，當恪守，昔在何烈，我上帝耶和華與我立約，非與我祖立約，乃與我儕，今日尙存者立約。山上火中，耶和華與爾晤對而言，當時爾懼火，不敢陟山，我在耶和華爾曹間，以耶和華言告爾，曰：我耶和華爾之上帝，導爾

出埃及脫汝於賤役，余而外不可別有上帝。毋雕偶像，天上地下水中百物，勿作像像之，毋拜跪，毋崇奉，以我耶和華卽爾之上帝，斷不容以他上帝匹我，惡我者禍之，自父及子，至三四世，愛我守我誠者，福之至千百世。爾上帝耶和華之名，勿妄稱，妄稱者罪無赦。恪守安息日，以爲聖日，遵耶和華爾上帝之命，六日間宜操作，越至七日，則耶和華爾上帝之安息日也。是日爾與子女僕婢牛驢牲畜，及遠人主於爾家者，皆勿操作，使爾僕婢安息，與爾無異。當憶疇昔，爾在埃及，爲人服役，爾之上帝耶和華，以大能巨力，救爾出彼，諭爾恪守安息日焉。敬爾父母，遵爾上帝耶和華命，則納福享壽於爾。上帝耶和華所錫之地，毋殺人，毋行淫，毋攘竊，毋妄證，毋貪人妻室，宅第田畝，僕婢，牛驢，與凡屬於人者。○以上諸言，耶和華山上火中，幽深玄遠之處，以大聲諭衆，無所增益，勒於二碑，賜之於我。爾見遍山晦冥，厥火炎炎，聲由中出，爾旣聞之，與族長長老至我前，曰：我之上帝耶和華，顯厥大榮，俾我目覩，我聞其聲，由火中出，今日始知上帝與人言，人尙保其生命，如我仍聽我上帝耶和華之言，則此大火必燬我身，我將死亡，爾曷爲使我死亡乎？蓋天下億兆，未有聽永生上帝之聲，由火中出，如我所聞，而尙保其生者。爾盍近前，聞我上帝耶和華所言，傳之於我，我必遵行。當日爾所言，耶和華聽之，諭我曰：斯民所言，我聞之矣，其言甚善，願其常存此心，畏我，恒守我誠命，永能受福，爰及子孫。爾且命民歸幕，爾必待立我側，我示爾以誠命法度禮儀，爾普告於民，使於我所錫之地，遵行不失。故爾上帝耶和華所命，爾當遵行，無所偏倚，則可保生納福於爾所得之地，而享遐齡。

爾宜恪守於爾所往據有之地。爾與子孫當  
畢生畏爾上帝耶和華。守我所傳之法度禮儀。則可享遐齡。以色列族乎宜聽我言而守此命。則  
於產乳與蜜之地。爾可納福昌熾。循爾祖之上帝耶和華所許爾者。以色列族聽之哉。爾之上帝  
耶和華惟一而已。爾當盡心盡意盡力愛爾上帝耶和華。我今日所命爾者當存於心。匪勉誨子  
處於室行於途。或寢或興。恒以此爲訓。以其箴言繫於手。服於頸。銘於櫬。書於門。以爲記錄。昔爾  
上帝耶和華誓爾祖亞伯拉罕以撒雅各賜爾以地。在彼有邑。美而且廣。爾所未建者。宅第中充  
以嘉物。爾所未充者。有井。爾所未鑿者。有葡萄園橄欖樹。爾所未植者。旣導爾入。以此與爾。食之  
果腹。當斯時也。爾宜謹恪。勿忘耶和華導爾出埃及。脫爾於賤役。當畏爾上帝耶和華而奉事之。  
指其名而發誓。四方民之上帝。爾勿從之。恐爾上帝耶和華震怒。滅爾於地。蓋爾上帝耶和華斷  
不容以他上帝匹之。勿試耶和華爾之上帝。如昔在馬撒然。爾上帝耶和華所垂之誠命。法度禮  
儀。爾當恪守。耶和華所視爲善。爾當行之。則耶和華所誓爾祖。欲與爾之腴壤。爾可入之。以納福。  
耶和華亦必驅逐爾敵。踐其前言。越至後日。倘爾子詰爾曰。我上帝耶和華所諭之誠命。法度禮  
儀。其意何居。爾必曰。我昔在埃及。爲法老服役。耶和華施其大能。導我出彼。行其異蹟奇事。降罰  
於埃及。與法老及其宗室。我所目擊。旣拯我出。導我至此。以所誓我祖之地錫我。於是命我。畏我  
上帝耶和華。守其禮儀。則必賜福。保我生命。以今日之事爲證。如我謹恪遵此誠命。則可稱爲義  
於我上帝耶和華前。

爾後爾之上帝耶和華，導爾入所得之土，驅逐赫人、革迦西人、亞摩哩人、迦南人、比哩洗人、希未人、耶布士人。此七族較爾強大，爾之上帝耶和華既以之付爾，則爾勿姑縱，必攻擊之，殲滅之，勿與立約。爾與彼勿相嫁娶，爾女不得適其子，爾子不得娶其女，其女必使爾子不從我，反從他上帝。如是耶和華震怒，絕爾甚速，必摧其壇，毀其像，斫其偶，所雕刻之形，燬之以火。爾之待彼必如是。爾上帝耶和華於天下億兆中，特選爾，以爾爲寶，成聖之民，役事上帝。爾較凡民，其數維寡。耶和華愛爾，擇爾非爲爾曹衆多也，乃爲疇昔發誓，許爾祖宗亦爲悅爾，故施其大能，導爾出埃及，拯爾於法老，脫爾於賤役，以踐其前言。汝必知爾之上帝耶和華誠爲上帝，眞實無妄。愛上帝守其誠者，必循前約，加以仁慈，垂至千百世。惡上帝者，彰其果報，速行殲滅。故我今日所傳之誠命、法度、禮儀，汝當遵行。如爾聽從，守此法度，則爾之上帝耶和華與爾祖所發之誓，欲矜恤爾者，必踐其言。於所誓爾祖，欲錫爾之地，將眷愛爾曹，錫爾純嘏，俾爾昌熾，使爾誕育牛羊蓄息，物產豐亨，酒穀與油，不可勝數。爾蒙錫嘏，較四方之民尤多，男女牲畜無不生育。耶和華於爾中除諸疾疫，埃及人所患之厲病，爾所識者，必不加爾，乃加爾敵。爾之上帝耶和華，以他民付爾，爾勿姑縱，乃必殲滅，勿事其上帝，恐陷爾於坎阱。勿意謂斯民較我衆多，曷能驅逐。爾毋畏，當憶疇昔爾上帝耶和華降罰於法老，與埃及，施大能巨力，行異蹟奇事，降災於敵，拯爾出彼，爲爾目擊。爾今所畏之民，必爲爾上帝耶和華所罰，無異於昔。如有自匿，脫於爾手，爾之上帝耶和華必使大蜂驅逐，致之滅亡。爾毋懼敵，蓋爾上帝耶和華大而可畏，以左右爾，將漸以逐斯民，惟不欲



速免致野獸孳生。爾之上帝耶和華既屢敗爾敵，大滅其能，將王及民付於爾手，則爾當滅其名於天下，無人能禦爾，待爾殲之，雕刻之像像上帝者，乃爾上帝耶和華所惡，必燬以火，如其上飾以金銀，爾毋貪，毋取，恐陷爾於罪。毋攜可惡之物入室，必憾之絕之，不然，爾必見絕，有類於彼。

我今所垂之誠，爾必遵行，則可入耶和華所誓爾祖之地，據而有之，以延生命，克昌厥後。爾當憶爾上帝耶和華，導爾於野，歷四十年，使爾自卑，以試爾心，使知果守其誠與否。當斯時也，使爾饑餒，以嗎喲餉爾，斯嗎喲爾祖與爾未識，使爾知人得生，不惟餅，惟耶和華所命。歷四十年，爾衣不做，爾足不胝，爾當心知，爾上帝耶和華督責爾，如人督責其子，故爾寅畏爾上帝耶和華，守其命從其道。爾之上帝耶和華，導爾入腓壤，水泉溪河，深淵皆出自陵谷，其土產小麥，薺麥，葡萄，無花果，石榴，橄欖，油與蜜，在其地可食餅，無艱苦，無匱乏，取其石，卽鐵鑿其山，卽銅。爾食果腹，必以所賜之腓壤，頌爾之上帝耶和華，慎勿忘之。今日所垂之誠，命法度禮儀，不可違逆。既建美室以居，食而果腹，牛羊蕃息，金銀無數，所有之物，既豐且盛，恐爾驕奢，忘爾之上帝耶和華，昔導爾出埃及，脫爾於賤役，經歷曠野，其境甚廣，其形可畏，在彼有毒蛇，蠍蟲，既至無水之地，則由堅磐出水，以飲爾曹，居於曠野，以爾祖未識之嗎喲餉爾，使爾自卑，以試爾心，終有裨益。恐爾意謂由己力已能獲此貨財，當憶爾上帝耶和華，以能賜爾俾爾致富，以踐所許爾祖之盟約，卽以今日所有者爲證。如爾忘爾上帝耶和華，從他上帝，以奉拜之，我今日告爾，爾必死亡。既違爾上帝耶和華命，則必見滅，如四方之民，爲耶和華所滅然。

以色列族尙其聽之。今日爾渡約但，有較爾强大之民，其城垣廣大，高可參天，爾將得之。彼爲亞納後裔，軀幹雄偉，爾不聞諺云：孰能敵亞納人乎？爾今當知爾之上帝耶和華，如火之燎，爲爾先導，覆滅爾敵，使爾驅逐之，敗亡之，其事甚速，應其前言。旣驅之後，爾勿意謂我儕有義，故耶和華使得斯土，實因斯民行惡，故耶和華驅於爾前。爾之得土，非爲爾正心行義，乃爲斯民行惡，爾之上帝耶和華，驅之於爾前，以踐其所誓爾祖亞伯拉罕，以撒、雅各之言。然爾實強項不馴，爾當知爾上帝耶和華，非爲爾義錫爾，使爾墮，爾之前事當憶弗忘，爾在曠野，干爾上帝耶和華震怒，自出埃及之日，越至於此，違逆耶和華，在何烈山，爾干厥怒，耶和華欲殲滅爾，當時我陟山，受其石碑，卽耶和華與爾所立之約，居山凡歷四旬晝夜，不食餅，不飲水，耶和華以手書二碑，賜之於我，昔民大會之日，耶和華在山火焰中，所垂之誠，書於石上。四旬後，耶和華以盟約之二碑賜我，諭曰：爾當速下，爾所導出埃及之民，已喪厥心，我示之道，違之甚速，鑄作偶像。又曰：我鑿此民，強項不馴，爾勿禱我，我盡滅之，塗抹其名於天下，我將使爾裔較彼昌大衆多。我旋踵下山，厥火炎炎，手攜法律之二碑。我見爾於爾上帝耶和華所示之道，違之甚速，鑄像如犢。我擲二碑，毀於爾前。爾旣犯罪，行惡於耶和華前，以干厥怒，耶和華欲殲滅爾，我甚畏懼，仍伏其前。四旬晝夜，不食餅，不飲水，耶和華允我所祈，維時耶和華震怒，亞倫特甚，欲行剪滅，我代之所。爾素犯罪，以鑄像如犢，我熱之以火，擣之爲粉，揚於山溪。昔於大比刺馬，撒乞律夏大法，爾干耶和華震怒，亦在迦鐵巴尼亞，耶和華遣爾前往，以得所錫之地。時，爾違逆爾之上帝耶和華，不信其言。

不從其命，自我識爾之日，爾橫逆耶和華，我聞耶和華欲殲滅爾衆，仍伏其前，歷四旬晝夜，禱耶和華曰：我主耶和華，施其巨能，以贖斯民，導出埃及，請勿殲滅，求爾憶念爾僕，亞伯拉罕，以撒，雅各，毋念斯民之剛愎，乖戾，罪愆，爾昔導民出於彼境，其人必將曰：因耶和華不能導斯民入所許之地，又因憾斯民，故導之出，滅之於野。然斯民也，誠爲爾所得之民，爾以巨能大力，導出埃及。

當時耶和華諭我曰：仍製二碑，必遵前式，亦作木匱，陟山覲我，昔在石上，勒以箴言，爲爾所毀，我今復書，當藏於匱。於是，我以皂莢木作匱，製二石碑，與前無異，執以登山，民會之日，耶和華在山，由火中，以十誡諭爾，循其前言，書於碑上，錫之於我。我旋踵下山，以二碑藏所作之匱，遵耶和華命，至今猶存。以色列族，迨征，離庇尼雅千泉，至摩西拉，亞倫死於彼，葬於彼，其子以利亞撒，繼爲祭司，自此而行，至谷，大自谷，大至約巴，在彼有溪河，當時耶和華區別，利未支派，使昇耶和華約匱，立於其前，以奉事之，願其名而頌禱，卽以今日之事爲證，故利未人在同儕中，俱無恒業，惟人獻於耶和華者，皆必歸之，循爾上帝耶和華所許。我居於山，四旬晝夜，與昔無異，耶和華復允我祈，不加殲滅於爾，命我啟行，爲民先導，得主所誓爾祖之地。○以色列族乎，爾上帝耶和華，使爾所爲何事，第畏爾上帝，行由其道，一心一意，愛之事之，恪守我今日所傳耶和華之禮儀禁令，以納福祉。天與天上之明宮，地與地上之萬有，咸屬於爾上帝耶和華，惟耶和華眷愛爾祖，特於天下億兆中，遴選其裔，以爲己民，卽以今日之事爲證，故當潔爾心，毋強爾項，蓋爾之上帝耶和華，乃諸上帝之上帝，諸主之主，巨能可畏之上帝，不偏視人，不取賄賂，爲孤寡伸冤，矜

恤旅人，賜之衣食。爾亦當矜恤旅人，緣昔爾曹旅於埃及，爾當寅畏爾上帝耶和華，而奉事之，恒從其道，惟指其名而發誓。爾之上帝特爲爾曹行斯大事，深爲可畏，爾所目擊，故當頌之。昔爾列祖往埃及時，惟七十人，今爾上帝耶和華使爾昌熾，如天星之衆多焉。

爾當愛爾之上帝耶和華，供其役事，行其禮儀，守其法度，遵其禁令，歷久不輟。爾之上帝耶和華所督責爾之事，爾之子女未嘗目擊，故我不與之言，惟爾知厥大能巨力，昔在埃及行其異蹟，以大作爲，罰埃及王法老及民，埃及軍旅車馬，追襲爾後，耶和華使紅海覆沒之，殲滅之，爾遊曠野，至於斯土，上帝所爲，爾素知也。其罰流使人以利押子大單亞庇蘭使地口孔張，吞噬其衆，與其眷聚，帷幕暨凡所有，絕於以色列族中。耶和華所爲之大事，爾皆目擊，故今所諭之誠命，爾必恪守，自強厥志，以得所往之土。昔耶和華誓以產乳與蜜之地，錫爾列祖，爰及後裔，爾既入彼據有斯土，可享遐齡。昔在埃及，爾所自出之地，既播其種，必以桔槔灌之，如灌蔬圃，惟爾所往之地不然，乃有陵谷，爲天雨所沃，亦爾之上帝耶和華垂顧斯土，自年始及年終，鑒觀不輟。我今日所諭之命，爾其聽之，一心一意，愛爾上帝耶和華而奉事之，則秋霖春雨，必降於爾土，使爾獲穀及酒與油，以果爾腹。田有草萊，牲畜得芻，爾當謹恪，勿聽誘惑，違逆耶和華，奉事崇拜他上帝，恐耶和華震怒，使天地閉塞，霖雨不降，物產不生，雖在耶和華所賜之腴壤，而爾滅亡甚速。必以我言藏於爾心，誌於爾衷，繫於手，服於頰，以爲記錄。誨爾子女，或處室，或在途，或寢，或興，以此爲訓。銘於櫥，書於門。昔耶和華誓以斯土錫於爾祖，爾與爾子居之，得享遐齡，如天地之恒久。爾

守我命愛爾上帝耶和華行由其道恒守勿失則較爾强大衆多之民耶和華必驅之使爾得其土爾足所履之地必爲爾得自曠野至利巴嫩自百辣河至西海爾之上帝耶和華必應前言使爾所至之地其民驚懼不能捍禦○今日我以純嘏咒詛置於爾前爾上帝耶和華之命我傳於爾爾如恪守則可蒙純嘏使不違其命違我所諭之道從他上帝汝素未識者則必遭咒詛嗣後爾上帝耶和華導爾入所得之地必以純嘏宣播於其哩心山以咒詛彰明於以八山此二山在約但西日入之所迦南人地吉甲相對之平原近摩哩之橡樹爾今渡約但河得爾上帝耶和華所錫之地據而有之我所命之禮儀法度爾當恪守焉

爾祖之上帝耶和華錫爾得土畢生居彼所當守之禮儀法度今詳言之爾所驅之民服事其上帝無論高山之巔茂林之下爾必廢其處摧其壇毀其像熱其偶斫其所雕刻之形滅其名於斯土惟爾不可如是以事爾上帝耶和華爾之上帝耶和華於爾支派中特簡一室爲爾族顧名之所爾必詣斯室以禱告爾之燔祭禮品所應輸之什一所奉獻許願樂輸之禮物及牛羊首生之牡者俱必攜之至彼於爾上帝耶和華前食之所爲之事既蒙錫嘏故爾及眷聚必欣喜歡忭今日於此人各行所欲行惟至爾上帝耶和華所錫爾逸豫之業則不可如是汝既渡約但河至爾上帝耶和華所賜之業得脫於諸敵安居斯土則所命之燔祭禮物所應輸之什一所奉獻所許願以供耶和華者俱必攜之至爾上帝耶和華所簡之室顧名之所爾與子女僕婢必欣喜在爾上帝耶和華前利未人主於爾家者既無恒業亦必使同樂慎勿隨在獻其燔祭惟於

爾支派中、耶和華所簡之處、在彼獻祭、循我所命。既蒙爾上帝耶和華錫嘏、可隨在遂其所欲、宰牲食肉、無論潔與不潔之人、俱可食之。如爾食麀鹿然、勿食血、必流於地、如水之流、穀與油及酒、所應輸之什一、或牛羊之首生、所許願樂輸、舉而獻之禮物、俱不可食於爾家。惟於爾上帝耶和華所簡之處、爾與子女僕婢、及主爾家之利未人、咸必食之、無論所爲之事。爾必欣喜歡忭於爾上帝耶和華前。爾居斯土、至於畢生、必當謹恪、勿遺利未人。爾之上帝耶和華、既恢廓爾境、踐其前言、爾欲食肉、亦無不可、惟心所願。如爾上帝耶和華特簡之室、爲人顧名之所、離爾甚遠、則爾可於家中、以耶和華所錫之牛羊、宰而食之、隨心所欲、惟循我命、潔與不潔之人、俱得以食。與食麀鹿無異、但當自守、不可食血。蓋血乃生物之命、故肉尚有血氣者、毋食、必流血於地、如水之流、毋得食之。如是爾行善於耶和華前、可享福祉、爰及子孫。爾所許願、所奉獻之物、必攜至耶和華所簡之室、爾燔祭之肉與血、當獻於爾上帝耶和華之壇。他犧之肉、爾可食、惟其血必流於壇前。我今日所命、爾當恪守、行善於爾上帝耶和華前、則可享永福、爰及子孫。爾將前往、驅逐斯民、爾之上帝耶和華、既絕之、使爾得土、則當謹恪、勿陷於坎阱、勿求其上帝、意謂斯民服事其上帝、我亦必如是以行。蓋彼蕪子女、以事其上帝、凡耶和華所惡之事、無不作爲、爾之事、爾上帝耶和華、勿是則是效。我所諭者、爾必遵行、毋增毋減。

如爾中有先知、有作夢者、預言異蹟奇事、所言有應、卽教人曰、別有上帝、宜從而事之。然此上帝、爾所未識、故勿聽其言。蓋爾上帝、試爾、欲知爾一心一意、愛爾上帝耶和華否。惟爾當

遵從敬畏爾上帝耶和華，守其誠，聽其命，恒久事之。昔爾上帝耶和華，導爾出埃及，脫爾於賤役，惟彼先知與作夢者，欲使爾違爾上帝耶和華，離其所命之道，則必見殺爲爾中絕其惡。如爾同母之兄弟，或爾子女，或眷愛之妻，或契合之友，私誘爾曰：宜服事他上帝，然此上帝爾與爾祖所未識者，或四周遠近諸民之上帝，自地極至天涯，爾毋允從，毋聽順，毋姑縱，毋矜恤，毋藏匿，爾先擊之後，民擊之，必殺毋赦。彼欲惑爾，俾爾違逆，故當以石擊之，致之於死。蓋導爾出埃及，脫爾於賤役者，爾上帝耶和華是也。以色列族衆，既聞是言，震驚特甚，不復行此惡於爾中。爾上帝耶和華，錫爾衆邑，俾爾居處，浸假一邑之中，有匪類，誘其居民，事素所未識之上帝，爾聞之，則必諮諏詳察，如得其情，果行此惡於爾中，則必以刃擊斯邑民，滅其牲畜，與凡所有，靡有孑遺。聚其貨財於衢中，與邑同焚，奉爾上帝耶和華，使其邑永爲瓦礫，毋得再建。可惡之物，毋存於爾手，宜聽爾上帝耶和華之命，守我今日所傳之誠，行善於爾上帝耶和華前，則耶和華息其烈怒，矜恤於爾，使爾昌熾，踐所誓爾祖之言。

**第二十四章** 爾皆係爾上帝耶和華之子，毋爲死者薙髮割肉。蓋爾上帝耶和華，特於天下億兆間，遴選爾曹，以爾爲寶成聖之民。毋食可惡之物，凡茲畜牲所可食者，卽牛、綿羊、山羊、鹿、麀、赤鹿、鷹、鷹羊、鷹、麀，凡畜分蹄支趾，反芻出齧者，俱可食。第分蹄不可食，第反齧不可食。駝兔、吵噉，雖反齧而不分蹄，是以不潔。豕雖分蹄，而不反齧，亦不潔。其肉勿食，其尸毋捫。水中百族，凡有翅有鱗者，俱可食。無翅無鱗者，必視爲不潔，俱不可食。羽族之潔者，俱可食，其不可食者，鷹、鵝、鷓鴣、小鷹、黑

鷹與其類，鴉與其類，雌雄駝鳥，魚鷹，雀鷹，鷓鴣，鴛鴦，鳩鳥，鵲，爰居，魚狗，白鶴，蒼鷺，戴鷺，蝙蝠。凡飛蟲，必以爲不潔而不食。羽族之潔者，俱可食。爾乃上帝耶和華之聖民。故自斃之物，毋得食之。惟遠人之主於爾家者，可以是物施之。饗於外人亦可。烹羔勿用羔母之乳。○每歲播種，得其所產，必什一以輸爾穀與酒及油，什輸其一。爾牛羊之首生者，必於爾上帝耶和華特簡之室。願名之所食之，於是恒畏汝上帝耶和華。如特簡之室，願名之所，離爾甚遠，雖蒙耶和華錫嘏，不能以所輸之什一攜之至彼，則必易之以金，執金進爾上帝耶和華特簡之室，以金市物，惟心所欲，或牛羊，或清酒醇醪，食之於上帝耶和華前，爾與眷聚，欣喜歡忭，主於爾家之利未人，既無恒業，則勿遺棄。每三年終，必以是年所產什輸其一，藏於爾家，使無恒業之利未人，以及賓旅，孤寡羣至爾家，食而果腹，則凡爾所爲，可望爾上帝耶和華錫嘏。

每七年後，必有所釋，其釋之事有定例焉。貸金與同儕者，必釋之。耶和華使人相釋之。年普告於衆，則兄弟同儕，毋相迫索屬己之物，可索諸外人。惟兄弟則當釋，如爾中無匱乏者，則不循此例。如爾謹聽爾上帝耶和華命，恪守我今日所傳爾之誡，則爾上帝耶和華必於所錫之地多降福祉，必踐其言。錫嘏於爾，爾可貸金於異邦，毋庸貸異邦之金。爾可治理異邦，不爲異邦所治理。爾上帝耶和華所賜之地，如邑有同儕貧乏，毋剛愎乃心，毋固執爾手，乃必大啟爾手，貸之以補所缺，勿惡念是懷。謂七年當釋之期，伊邇遂睡眈，同儕之貧乏者，無有所予，其呼籲耶和華，罪歸於爾。爾當予之，賜給之時，心無不悅，蓋爲此故。爾之上帝耶和華，必於凡所爲錫嘏於爾。



於爾四境不無貧者，故我命汝，大啟爾手，調濟同儕。如爾同儕希伯來人，或男或女，自鬻於爾，六年服役，越至七年必釋之。既釋之，毋使徒手而去，必由羊羣穀場酒醪，以爲給子，惟取豐腴，循爾上帝耶和華錫嘏於爾。爾當憶念，昔在埃及，爾爲人役，乃爾上帝耶和華贖爾，故我以此諭爾。如僕自言，曾爲主厚待，故愛厥主，與主眷聚，不忍舍去，則必取鑽，貫耳於門旁，俾僕恒事其主。爾之待婢，亦必如是。僕既事爾六年，則值倍於傭人，故釋之時，毋以爲難。如是爾上帝耶和華於凡所爲，必錫嘏於爾。○牛羊首生之牲，俱必獻於爾上帝耶和華，首生之牛，毋使耕耘，首生之羊，毋翦其毛，爾與眷聚，必於爾上帝耶和華特簡之室，每歲食之，其體有不備，或跛，或瞽，或有惡疾，則不可祭爾上帝耶和華，可於爾家食之，潔與不潔之人，俱可食，如食麀鹿然，但不食其血，必流於地，如水之流。

昔於亞筆月，暮夜之時，爾之上帝耶和華導爾出埃及，故必於是月，守逾越節，奉事爾上帝耶和華。當於其特簡之室，爲人顧名之所，獻逾越節祭羔，以及牛羊，奉爾上帝耶和華。屆此節期，毋食酵，歷七日，必食無酵餅，以識艱苦。昔爾出埃及，惟恐不速，故當憶是事，畢生勿忘。七日間，爾之四境，毋存其酵，節之首日，薄暮，爾之胙肉，毋留於明晨。爾上帝耶和華所賜之邑，毋得隨在，獻其踰越節羔，惟其特簡之室，爲之顧名之所。爾於薄暮，必獻其羔，爾出埃及，於日入之後，故獻斯羔，必於斯時烹而食之，在爾上帝耶和華特簡之室，明晨可歸己舍。六日間，必食無酵餅，七日必有會，是日爲大，以奉爾上帝耶和華，咸止工作。○始用鎌刈穀之時，必核七七日，七七日既過，

必守節以奉爾上帝耶和華。既蒙其錫嘏，惟心所願，獻禮物以供役事。爾上帝耶和華特簡之室，爲人顧名之所。爾與子女僕婢及主爾家之利未人，暨賓旅孤寡，俱必欣喜權忭。於爾上帝耶和華前，昔在埃及，爾爲人役，當憶勿忘。宜守此法度。○穀場酒醪之所產，既已斂藏，歷至七日，當守構廬節。爾與子女僕婢及主爾家之利未人，賓旅孤寡，俱必欣喜權忭。歷至七日，必守節奉爾上帝耶和華。於其特簡之室，爾之物產，爾之造作，既蒙爾上帝耶和華錫嘏，則必欣喜權忭。爾之丁男，必至上帝耶和華特簡之室，歲凡三次，卽無醇節、七七日節、構廬節。觀耶和華時，毋徒手而至。既蒙爾上帝耶和華錫嘏，各隨其力而供給焉。○於爾上帝耶和華所賜爾諸邑，各支派中，當立刑官族長，使其秉公鞠民，毋反其正，毋偏視人，毋受賄賂。蓋賂使明者暗，以直爲曲。當循其大公，則可得生。獲爾上帝耶和華所錫之地，爾築壇奉爾上帝耶和華，毋樹木偶於側，毋立像，俱爲爾上帝耶和華所惡。

牛、羊體有不備，或有惡疾，爲爾上帝耶和華所惡，故不可以獻祭。爾上帝耶和華所錫之邑中，如有男女作惡，違爾上帝耶和華之約，服事崇拜他上帝，或日月，或天象，爲我所禁者，既已風聞，則必諮詢詳察，如得其情，果行此惡於以色列中，則必攜行惡之男女，至於邑門，石擊致死。當殺之人，有二三人爲證，必殺毋赦。證人惟一，則不可。證人必先擊之，衆民後擊之，致之於死。如是絕惡於爾中。○如爾邑中有訟事，爲流血，爲爭競，爲加害，爾所難鞠者，則必詣爾上帝耶和華特簡之室，見祭司利未人，或在位之刑官，請其諮詢，爲爾聽訟。彼在耶和華特簡之室，指示其

故爾必遵言以行。彼以法度典章，明告於爾，爾必遵循，勿偏於左，勿偏於右。祭司侍於爾上帝耶和華前，以供役事。有人擅行，而不聽從，并不服於刑官，則必死毋赦。如是絕惡於以色列族中。民聞此必畏，不敢擅行。○爾既至爾上帝耶和華所錫之地，據而居之，意謂必立王，如列邦之民然，則必以爾上帝耶和華所簡者，立之爲王，必爾同儕，不取外族。王之馬駟，毋得增益，毋使民歸埃，及以購羣馬。蓋耶和華曾諭爾曰：不得復往此途。王之嬪妃，不可加多，恐心昏迷，亦不得廣積金銀。既登國位，必從祭司利未人所存之律法，錄成卷冊，存之於側，畢生誦之，則知畏其上帝耶和華，遵其律法，行其禮儀。心勿驕奢，藐視同儕，勿違誡命，勿偏於左，勿偏於右，則可享遐齡。爰及子孫，於以色列族中。

爾所獻燔祭，奉事耶和華，祭司及利未支派之人，可得而食。彼在同儕以色列族中，俱無恒業。惟耶和華所享之禮物，爲其所得，以遵厥命。祭司於民間所得者，有定例焉。凡獻牛羊爲祭，必以肩頰及脾子祭司。又必以穀及酒與油之初成者，羊毛之首翦者，供之祭司。蓋爾上帝耶和華於諸支派中，遴選祭司，爰及子孫，使永立於前，憑藉其名，以供役事。如有利未人，曾旅於以色列族衆邑之中，厥後離彼，一心欲詣耶和華特簡之室，則必與他利未人共立於上帝耶和華前，憑藉其名，以供役事。此利未人，雖鬻祖業得金，亦必與他利未人共食。○爾曹至爾上帝耶和華所錫之地，彼民所爲可惡之事，爾勿則效。凡焚獻子女，及卜筮術數，占師巫覡，或左道，或崇憑於卜神者，或爲巫覡，或用術而招魂者，俱勿留於四境之內。蓋此事爲耶和華所惡，凡行之者，爲爾

上帝驅逐於爾前，爾所據之地，其民曾從卜筮術數，惟爾上帝耶和華不容爾行是，爾當德備於其前。○厥後爾上帝耶和華將於爾同儕中，挺生先知如我，爾其聽從。昔於何烈民會之日，爾求爾上帝耶和華曰：我上帝耶和華之聲，毋庸再聞，厥火炎炎，毋容復見，恐我死亡。當時耶和華諭我曰：民言甚善，我必於其同儕中，挺生先知若爾，我將以我言授於其口，使以我命告衆，彼傳我命，有不聽從者，我必討其罪。但先知擅藉我名，言我所未嘗諭者，或藉他上帝之名而言，則必死亡。如爾意謂耶和華所未嘗諭者，曷能知之？夫彼先知藉耶和華之名而言，事有不應，則弗由耶和華而出，乃自擅而言，爾毋畏之。

爾之上帝耶和華，既絕斯民，以地錫爾，使爾安居其邑，則於疆圉之中，區別三邑，所得之境，必分爲三，亦修其途，使殺人者，可遁於彼，殺人者遁於彼，全其餘生，亦有定例，凡無讎怨，誤傷人命，如人與同儕，入林樵採，舉斧斫木時，鐵偶離柯，致擊同儕，以至於死，則其人必遁於斯邑，存其餘生，恐被殺之戚屬，中心如焚，追襲其後，以途延長及而殺之，然彼殺人者本無讎怨，罪不至死，故我諭汝，區別三邑，如爾遵從我所諭之命，愛爾上帝耶和華，恒行其道，蒙爾上帝耶和華循其所誓爾祖之言，恢廓爾境，以所許之地錫爾，則必於三邑之外，別設三邑，免無辜之血流於耶和華所錫之地，爾可不陷於此罪，如人讎怨同儕，伏而擊之，以致於死，後遁於斯邑，則彼邑之長老，必遣人執之，付於被殺者之戚屬，以償其命，爾勿姑縱，如是可絕殺人之罪於以色列族中，而爾納福。○爾上帝耶和華所賜之地，爾據而有之，則鄰里之界址，前人所定者，毋得遷徙。人犯

罪愆，必有二三證人，則可定擬，證人惟一，則不可。如有妄證以罪歸人，兩造具備，立於耶和華前，及在位之祭司刑官前，刑官諮詢之，如果妄證，欲害同儕，則必加刑於妄證者，以其所欲害人之罪歸之，如是絕惡於爾中，使他人聞而懼，勿復行是惡，爾勿姑縱，乃必以命償命，目償目，齒償齒，手償手，足償足。

爾與敵戰，見車馬人民，較己尤衆，則毋畏懼，蓋爾上帝耶和華昔導爾出埃及，必輔翼爾，臨陳之時，祭司必至民前，告之曰：以色列族，尙聽之哉，爾今日攻敵臨戰，毋怯心，毋畏葸，毋恐懼，毋震驚，蓋爾上帝耶和華佑爾，爲爾攻敵，以拯爾曹，諸族長必告民曰：有人建室，猶未告成，則必旋歸，恐沒於戰，而他人告成，有人植葡萄園，猶未食之，則必旋歸，恐沒於戰，而他人食之，有人聘妻，猶未娶之，則必旋歸，恐沒於戰，而他人娶之，族長亦必告民曰：有人畏葸怯心，則必旋歸，恐其同儕喪膽，與彼無異，族長告民既竟，可立數督，以率衆旅。○爾臨城攻之，先告以和，如以和相應，自啟邑門，則彼邑民，必入貢而服事爾，如不欲和，乃必欲戰，則爾可迫而攻之，迨爾上帝耶和華付於爾手，以刃擊諸丁男，奪其妻孥牲畜，與邑中所有之貨財，爾上帝耶和華，以敵所有錫爾，爾可得之。凡邑離爾甚遠，不屬於斯土者，爾必待之如是。惟赫人、亞摩哩人、迦南人、比哩洗人、希未人、耶布土人，爾之上帝耶和華，以其邑付爾得之，爾必盡滅其衆，凡有血氣者，不全其生，遵爾上帝耶和華命，彼奉其上帝，行諸可惡之事，爾若則效之，卽于犯爾之上帝耶和華，爾環城而攻，爲日已久，欲取其地，勿以斧砍樹，夫樹結果，足以養人，毋得砍伐，以製攻城之器，惟爾所知無果。

之樹則可砍伐積之成壘迨於城破之日然後已。

**第二十三章** 於爾上帝耶和華所錫之地田畝間遇見殺者之尸不知誰殺則爾之長老刑官必於四周之邑度其遠近如有一邑甚近邑之長老必取牝犢未負軛工作者攜犢至活水之澗其地未嘗耕耘播種則於澗中斫犢之頸祭司利未人必適其所蓋利未人爲爾上帝耶和華所簡以供服役願其名而祝告凡諸爭競加害之事爲利未人定擬甚近之邑其長老必於宰犢澗中盥濯其手稱曰此人非我所殺其死非我所見耶和華歟爾贖以色列民願赦其罪勿以殺人之罪歸之無辜於是斯罪可赦爾旣行善於耶和華前則殺人之罪不歸於爾○爾與敵戰蒙爾上帝耶和華付於爾手爾擄其衆其間見有殊色者欲娶爲妻則必攜歸使薙髮修爪擄時所衣者去之居於爾家爲父母哀哭歷至一月厥後可與同寢成爲夫婦如不見悅於爾則容之去以隨其意爾旣有玷於彼則勿鬻於人勿視若賤役人有二妻一見愛一被惡各有後嗣而被惡者之子爲冢子則遺業時不可以見愛者之子爲冢子乃必以被惡者之子爲冢子爾力方剛得此冢子長子之業誠屬於彼彼雖被惡者所出亦當倍其業以與之人有悖逆之子父母督責不聽其言則必執之攜至邑門長老前告曰此子悖逆不聽我言沉湎蕩檢則邑衆必石擊致死如是除惡於爾間使以色列族聞而懼焉人犯死罪被懸於木必是日葬之勿使尸懸竟夜恐爾上帝耶和華所錫之地致蒙不潔蓋懸於木者服咒詛也。

**第二十四章** 爾見同儕之牛羊迷於歧路勿掩目弗視必返之於同儕如同儕離爾甚遠或素不

相識則取牛羊以歸留於爾家迨同儕求之然後反之其驢其衣凡同儕所失之物而爾得之俱必如是勿掩目弗視乃必反之爾見同儕之牛驢途間伏地勿掩目弗視乃必助同儕扶而起之五女毋衣男衣男毋衣女衣凡行此者爾上帝耶和華所惡如途間見鳥巢在樹或在隙地無論有雛有卵或有雌鳥伏卵伏雛則不可兼取必縱雌鳥去惟取其雛如是爾納福祉而享遐齡若爾建室四周之上必緣以垣恐人傾跌罪歸於爾勿以各種雜播於園若然則其所產與園中之果俱必獻於上帝毋得以牛驢並耕泉與荻間織之衣勿衣爾衣之四裾作絡於其上有人娶妻既同寢而見憎委之以惡名曰我娶此婦與之同寢則知其非處女也女之父母必攜處女之據至於邑門以謁長老曰我以女適此人而爲其所惡委以惡名謂非處女然彼誠處女確有據焉當展其布於長老前長老必責其人使攜女以歸畢生不休罰金五十以予女之父因委惡名於以色列族之處女故也然所告者果屬非虛而處女無據既行不端於以色列族中在父家爲妓則必攜女至父門外使邑衆以石擊之致死如是絕惡於爾中有與他人之妻同寢爲人所見則淫夫淫婦俱必被殺如是絕惡於以色列族中有處女受聘於人而他人遇於邑中與之苟合女在邑中爲男所辱而不號呼二者必攜至邑門石擊致死如是絕惡於爾中人遇受聘之女於田強之行淫則其人必死女既在田號呼無救故女無罪不當致死其事與人攻同儕而殺之者相同人遇未聘之女強之苟合其事既露則必以金二十五予女之父既辱是女必娶以歸畢生不休父之繼室勿烝之烝之則辱及於父。

傷外腎、或被閹割者、不得入耶和華會、姦生之子、至於十世、不得入耶和華會。亞捫人摩押人、雖歷十世、至於永遠、亦不得入耶和華會、因昔爾出埃及、彼不以餅以水、迎饋其師、亦因以金賂鹿耳子巴蘭、俾自米所波大米之比奪至、以咒詛爾故也。惟爾上帝耶和華愛爾、故不聽巴蘭、乃變詛爲祝。緣此亞捫人摩押人、爾曹勿與之和好、勿助其獲利、雖至終身不變。以東人係爾同族、毋得銜憾、爾素旅於埃及、亦毋得銜憾。至其三世之孫、則可入耶和華會。與敵戰時、慎勿行惡。如夜夢遺、致蒙不潔、則當出營、必濯己身、迨夕乃入營。外必有一所、以便溲溺。器中有鏊、在外遺矢、必先掘地、既遺則反身掩之。蓋爾上帝耶和華遊遊於營中、以拯爾曹、敗亡諸敵、故營必爲潔、恐見污物、與爾相離。離主投爾、毋返厥主。必容同居、無論何室、隨其所欲、爾勿相迫。以色列族中、女勿爲娼妓、男勿爲鬻童、僱娼之值、市犬之金、俱爲爾上帝耶和華所惡、故勿許願攜入其室。以金及糧與器、貸與外人、可索其利、貸爾同儕、則勿若是。凡所作爲、可望爾上帝耶和華錫嘏於爾所得之地。爾發願於爾上帝耶和華前、彼必取償於爾、不償有罪、故償之勿遲。不發願則無罪。言出於口、許願樂輸於爾上帝耶和華前、必償毋緩。入人葡萄園、食果果腹可也。盛之於筐、則不可入人禾稼、可摘其穗、毋用鎌以刈。

人娶妻後、知妻有疵、而厭棄之、則作離書、付於其手、出之可也。既出之後、而他適、如其後夫亦不見悅、作離書付於其手而出之、或其後夫死亡、則其前夫既已棄之、爲人所玷、不可再娶。此耶和華所惡也。爾上帝耶和華錫爾以地、不可污穢。人新娶、不可往戰、亦不可任以事、必



歷一年、處於家中、以悅其妻、毋取上下磨爲質、蓋人藉此以得生、如以色列人掠同族、鬻之於人、視若賤役、必死、毋赦、如星除惡於爾中人、患癩疾、當謹遵祭司利未人之例、循我所命、昔出埃及時、爾上帝耶和華於途間罰米哩暗事、爾當憶念如貸物於同儕、毋入其家、以取其質、必立於外、待其攜質而出、如其匱乏、則勿取質留之信宿、日入時必反之、使衣衣而寢、後祝福於爾、則爾上帝耶和華必以爲義、傭人貧乏、無論同族及旅於爾家者、爾毋虐取、屆期必給以值、日未沒時給之、蓋其貧乏希望惟此、若其不得、恐呼籲耶和華、以罪歸爾、不可因子殺父、因父殺子、各任其罪、以就戮、賓旅與孤、毋反其正、勿以髻衣爲質、爾之前事當憶勿忘、爾在埃及嘗爲人奴、爾上帝耶和華救爾於彼、故我諭爾行此、爾穫田所產、有遺一束、毋反以取、必留於賓旅孤寡、則爾所爲、爾上帝耶和華必錫純嘏、既樸橄欖樹、毋庸復樸、摘葡萄果、毋得再摘、所遺者必留於賓旅孤寡、爾之前事當憶勿忘、爾在埃及嘗爲人奴、故我諭爾行此。

人有訟事、必就刑官、刑官聽訟、以義人爲義、以惡人爲惡、惡人宜受扑責、刑官使伏於前、依罪受罰、扑惟四十、毋踰其數、恐受扑過多、則爾藐視同儕、碾穀之牛、勿籠其口、如兄弟同居、其一無子而死、則其妻不可他適、其弟可娶之、與嫂同室、首生之子、必爲兄嗣、使不絕其名於以色列族中、如弟不欲、則嫂必赴邑門、見長老曰、我夫之弟、不欲其兄得嗣於以色列族中、故不與我同室、長老必召而問之、如仍不欲、則嫂必於長老前、解夫弟之履、唾於厥面、曰、不欲代兄生子爲嗣者、必如是待之、後在以色列族中、必以解履名其人、有二人相關、其一之妻前、欲援其夫、

脫於擊者之手，而執其下體，則必斷其手，爾勿姑縱。十五囊內勿有異衡法，一大一小，衡量法度惟一，執其公平，則可享遐齡於爾上帝耶和華所錫之地。凡行非義如此，則爲爾上帝耶和華所惡。○昔出埃及，亞馬力人所行，汝必記念。爾途間困憊，亞馬力人不畏上帝，擊爾後隊之荏弱者。爾上帝耶和華脫爾於衆敵，俾爾綏安，在其所錫之地。爾曹必滅亞馬力族於天下，當追憶勿忘。

**第二十七章** 爾既至爾上帝耶和華所錫之地，據而居之，則必以斯土所出之初實，盛之於筐，詣爾上帝耶和華特簡之室，爲人頌名之所。見在位之祭司曰：我於今日明告我上帝耶和華前，所誓列祖欲錫我之地，我已至之。祭司取筐於爾手，置爾上帝耶和華壇側。爾在上帝耶和華前，必告曰：吾祖亞蘭人，遊牧無定，攜人無多，以往埃及。於彼昌大，蕃衍其族。埃及人薄待我儕，困苦相加。徵役煩苛，我呼籲我祖之上帝耶和華，蒙其垂聽，鑒我困苦，備歷艱難，受人暴虐。所以施其大力，巨能，行其奇事異蹟，事事可畏，拯我出埃及，導我至此。錫我產乳與蜜之地。今耶和華所賜土之初生，我攜之至，禱告既畢，當置土產於爾上帝耶和華前，俯伏崇拜。緣爾上帝耶和華以福嘏錫爾，爰及眷聚，當欣喜懼，亦使利未人及主爾家之賓旅，無不偕樂。每三年，以土所產，十輸其一，給於利未人及賓旅孤寡，使食於爾家，以果其腹。既畢其事，則於爾上帝耶和華前告曰：所當獻之物，已出之我家，給於利未人及賓旅孤寡，循爾所命，無所干犯，並弗遺忘所當獻之物。遇有喪之時，我未食之，爲不潔之事，我未取之，爲祀亡之用，我未予之，循我上帝耶和華命，遵其所諭。

而行。自天上聖室俯鑒爾民以色列族，並所誓我祖給我產乳與蜜之地，俱蒙錫嘏。○摩西又曰：爾上帝耶和華以禮儀法度諭爾，故當一心一意遵行弗失。今日汝以耶和華爲爾上帝，言必由其道，守其禮儀，禁令法度，耶和華今日以爾爲民，視之如寶，踐其前言，如爾恒守其誠，則必舉爾於高勝於所造四方之億兆，肇錫嘉名，加以尊榮，可爲聖民，以事爾上帝耶和華，循其所許。

摩西與以色列族長老諭民曰：我今日所諭爾者，爾當恪守爾祖之上帝耶和華，誓以產乳與蜜之地錫於爾。爾濟約但以入斯土，必立大石，聖以泥沙書律法諸言於上，既濟約但必立我今日所諭之石於以八山，聖以泥沙，必以石築祭壇，奉爾上帝耶和華，毋用鐵器造作，毋雕鏤石，以築斯壇，必獻燔祭於其上，奉事爾上帝耶和華，亦獻酬恩之祭，在彼式食，欣喜歡忭，於爾上帝耶和華前，當以律例諸言，明勸於石。摩西與祭司利未人告以色列族曰：爾其靜謐，謹聽斯言。爾今日爲上帝耶和華之民，故必順從其命，遵我今日所諭之禁令禮儀。○當日摩西諭民曰：汝既濟約但，使西面利未猶大，以薩迦約瑟便雅憫，立於其哩心山，爲民祝嘏，使流便，伽得，亞設，西布倫，但，納大利，立於以八山，言所當服之咒詛。利未人必厲聲告以色列族曰：雕刻鎔鑄之像，人工所作，耶和華所惡，有製而立於私地者，當服咒詛。民必羣應曰：固心所願。又曰：藐視父母者，當服咒詛。民必羣應曰：固心所願。又曰：遷徙鄰里之界址者，當服咒詛。民必羣應曰：固心所願。又曰：使瞽誤途者，當服咒詛。民必羣應曰：固心所願。又曰：竇旅孤寡，訟時而反其正者，當服咒詛。民必羣應曰：固心所願。又曰：烝父繼室，辱及於父者，當服咒詛。民必羣應曰：固心所願。又曰：淫

於獸者當服咒詛。民必羣應曰：固心所願。又曰：亂同父異母，異父同母之姊妹者當服咒詛。民必羣應曰：固心所願。又曰：烝外母者當服咒詛。民必羣應曰：固心所願。又曰：陰擊同儕者當服咒詛。民必羣應曰：固心所願。又曰：受賄以害無辜者當服咒詛。民必羣應曰：固心所願。又曰：不恆遵律法所載而行之者當服咒詛。民必羣應曰：固心所願。

爾如謹聽爾上帝耶和華命，遵行我今日所諭者，則爾上帝耶和華必舉爾升高，勝於天下億兆。使福降臨於爾，今詳言之。在邑獲福，在田獲福，身之所生，土之所產，畜之所出，無論牛羊俱蒙錫嘏。爾筐與搏麵之器俱蒙錫嘏。汝出入之時亦蒙錫嘏。敵攻爾時，耶和華必敗之。其始攻爾也，必合一處而來，及其敗也，必分七途而遁。爾之倉廩，耶和華必降福祉。爾所作爲於上帝耶和華所賜之地，必蒙錫嘏。如爾守上帝耶和華命，行從其道，則耶和華必以爾爲成聖之民。俾爾服役，踐其所誓之言。天下億兆將知爾得稱爲耶和華民，則畏懼爾。耶和華將使爾嘉物綽然有餘。身之所生，土之所產，畜之所出，於耶和華所誓爾祖欲錫爾之地。耶和華必啟其嘉寶，使天降時雨於爾土。凡所作爲必蒙錫嘏。列邦必稱貸於爾，而爾無庸貸。耶和華必以爾爲端，不以爾爲末。使爾獨在於上，不在於下。我今日所傳上帝耶和華之命，爾當聽從，遵行勿失。不違我諭，不偏於左，不偏於右，不從他上帝而崇奉焉。○如爾不聽從爾上帝耶和華之命，不守我今日所傳之禁令禮儀，則必服咒詛。禍及其身。今詳言之。在邑獲禍，在田獲禍。爾筐與搏麵之器必加咒詛。身之所生，土之所產，牛羊所出，俱服咒詛。汝出入時必服咒詛。緣爾行惡，違耶和華命，故爾所作

爲必降咒詛譴責殲滅，俾爾速亡。耶和華必使爾遭疫癘，迨翦滅爾，去爾所得之土。耶和華必使爾身癆體瘡，氣熱膚紅，亦使爾亡於刃，風暴五穀，細弱特甚，曩爾以災迨爾，翦滅爾所覆之天，所載之地，必堅若銅鐵。耶和華使天不降雨澤，惟降塵沙，迨爾殲滅。耶和華必使爾爲敵所敗，爾合一處而去，必分七途而遁，播棄於天下億兆之中。飛禽走獸必食爾尸，無人驅逐。耶和華必以埃及人所患之瘡痍、癰痔、疥癬、醫所不能治者，加乎爾身。耶和華必使爾心狂，目瞽，中懷駭異。雖至日中，如處幽暗，遍捫不見，與瞽無異。爾凡所爲，不獲亨通，恒被人虐取，強據不蒙拯救。爾將聘妻而他人與寢，爾將建宅，而不遑居處，栽植園圃，不摘其果。人宰爾牛於爾前，爾不能食，人據爾驢於爾前，而不返爾。爾羊擄於敵，無人爲援。爾子女擄於異邦，使爾終日瞻望，至於目盲，欲拯無力。爾之土產，爾之操作，將爲爾素所未識之民，并吞殆盡。爾將爲人虐取，爲人挾制，歷久如是。爾既見此，必致心狂。耶和華必加爾以瘡痍，爾膝與股自頂至踵，無不遍染，醫不能治。耶和華將遷爾及爾所立之王，至爾與爾祖所未識之國，在彼爾奉事他上帝，木石所作者。耶和華既散爾於四方，爾將爲人所駭異，作歌譏刺。所種之田，必播之多，而穫之少，被噬於蝗。爾將植葡萄園而治之，爲蟲所食，不得收其果，而飲其酒。爾之四境，雖有橄欖樹，不能以油沐身，因果自隕故也。爾生子，女，不享其福，必爲人所虜。爾囿之樹，爾田所產，滅於蠶螽。爾中之賓旅，必舉於至高，爾降於至卑。爾必稱貸於彼，而彼無庸貸，彼必爲端，而爾爲末。緣爾不聽爾上帝，耶和華命，不守其所諭禮儀，禁令，故此災禍襲於爾後，恒臨爾上，至於滅亡。禍及爾身，至於子孫，人必視爲駭異，垂爲儆戒。歷

世勿替爾第七當全盛之時，不中心欣喜，奉事爾之上帝耶和華，故耶和華必遣敵攻爾，使爾饑渴，裸體匱乏，服役於敵，彼以鐵軛置於爾頸，迫爾滅亡。耶和華必使遠民，如鷹之飛，來自地極，攻擊爾曹，其方言爾不之識，其容強悍，不眷顧者老，不矜恤幼稚，爾畜之所生，爾土之所產，俱必并吞，爾穀與酒及油，暨牛羊之所息，取之殆盡，迫爾危亡。於爾上帝耶和華所錫之地，四境之內，城垣鞏固，高聳特甚，爾特之以無恐，必見圍於敵，攻而下之。爾敵環而攻爾，勢甚危迫，使爾食己所生之子女，卽爾上帝耶和華所賜者，如是在爾中最猗儻荏弱之人，必睚眦兄弟，及眷愛之妻室，留遺之子女，不以所食之嬰孩分給之，蓋敵攻邑門，見圍甚迫，物無從得故也。爾中猗儻纖弱之女，因其嬌嬈，以足踐地，猶且不屑，迫敵圍爾邑，迫切之甚，婦至缺乏，俱無所得，則私藏所出之胞衣，所生之嬰孩，以供所食，卽其所愛之夫，所生之子女，亦被睚眦，毫不分給。如爾不守此書所錄律法，諸言，爾上帝耶和華尊榮可畏之名，爾如不畏，則耶和華必降災於爾，爰及子孫，實屬非常之事，卽至久至重之殃，纏綿艱苦之病，埃及人所患之疾，爾所畏者，耶和華必使爾患之，恒久不離，更以諸災諸疾，不載於律法之書者，耶和華使爾患之，迫爾盡亡。昔爾人數，如天星之衆多，以不從爾上帝耶和華命，故致大滅。昔耶和華善待爾曹，使爾衆多，是其所喜，厥後殲滅爾曹，使爾盡亡，絕於所據之地，亦其所喜。耶和華將使爾散處於億兆中，自地極至天涯，在彼必事他上帝，木石所作，卽爾祖及爾素未識者，在異邦中，爾不獲寧宇，亦無駐足之所，耶和華在彼使爾心慄目盲，衷懷不憚，爾生命不能安保，爲之懸慮，晝夜驚懼，因此災害，爲爾心所懼，目所見，故朝必曰：願得

及夕暮必曰願得及旦六我曾語爾之途必不復見耶和華使爾駕舟至於埃及被繫爲僕婢無人市爾。

**第二十九章** 昔在何烈耶和華與以色列族既立盟約今在摩押更諭摩西重申其約摩西招以色列衆曰昔在埃及耶和華以災害異蹟奇事罰法老及臣與其四境爾所目擊越至於今爾心不能思目不能見耳不能聞緣耶和華未嘗以是才能賜之於爾也歷四十年我導爾於野爾衣不毀爾履不做爾餅不食清酒醇醪不飲使爾知耶和華乃爾之上帝至於斯土希實本王西宏巴山王噩出與我戰而我擊之據有其地以給流便伽得二支派及馬拿西支派之半使爲恒業故當守此約之言遵行勿失則凡所爲可納福祉今日爾與族中最著者長老族長暨以色列衆爰及妻孥營中之賓旅自探樵者及汲水者俱立於爾上帝耶和華前今日爾上帝耶和華發誓爾可同盟與之立約十一彼今日以爾爲己民以己爲爾上帝踐其前言昔與爾祖亞伯拉罕以撒雅各發誓今亦踐之十二我立此盟約不第與爾曹凡今日於上帝耶和華前與我同在及不同在者立約我昔居埃及經歷諸邦乃爾所知其中所有木石金銀偶像可惡之物爾亦見之爾中之男女宗族支派其心毋違我上帝耶和華而奉事他邦之上帝爾中其人其毒毋太苦如茵陳之根既聞此詛言猶心內自慰曰我渴已止我飲愈多從心所欲亦可獲安若此者耶和華必不赦宥其怒甚烈以致中心如焚氣如煙燄必攻此人以書所載之詛加乎其身塗抹其名於天下在以色列諸支派中耶和華必區別之加以譴責循此書所載之詛言後世子孫遠方賓旅列邦衆庶見

此地之禍，暨耶和華所降之災，硫磺及鹽，焚燬遍地，不得耕耘，無物產，無草萊，如所多馬，蛾摩拉，押馬西編，爲耶和華所怒而使之傾覆者，俱必問曰：耶和華降罰於斯土，何爲至於如此？其烈怒之甚，又曷故乎？人必曰：昔導斯民出於埃及，其祖之上帝耶和華與之立約，斯民違其言，從他上帝而崇奉之，然他上帝彼所未識，耶和華亦未嘗姑聽其服事，故震怒斯民，以書所載之咒詛，加乎其身。耶和華怒甚烈，氣甚憤，拔其根株，驅逐於異邦，卽以今日之事爲證。隱微之事，屬我上帝耶和華所啟示者，屬於我儕，爰及子孫，俾我守此律法之言，歷世勿替。

我之所言之純嘏咒詛，既降臨於爾，爾之上帝耶和華驅逐爾衆，散於四方，而爾追憶是事，與子孫一心一意，歸爾上帝耶和華，遵從其言，則爾上帝耶和華將矜憫爾曹，使被虜者得返故土，昔散爾於列邦，今必使爾復集，如爾曹被逐至於天涯，爾之上帝耶和華必使由彼而歸。爾祖所得之土，爾之上帝耶和華必使爾恢復，仍據其地，降福於爾，使爾昌熾，較祖尤衆。爾之上帝耶和華將潔爾心，爰及苗裔，使一心一意，愛爾上帝耶和華，可以得生。爾之上帝耶和華必以是詛降於爾敵，及銜憾爾，追襲爾者。爾將旋歸，服事耶和華，遵我今日所傳之命。如爾聽從爾上帝耶和華命，守此律法所載之禁令禮儀，一心一意，歸爾上帝耶和華，則爾所作爲，及身之所生，畜之所產，土之所出，爾上帝耶和華必使豐裕，昔嘗悅爾祖，今必悅爾曹，以降福祉。我今日所諭爾之命，非行之甚難，非離爾甚遠，不在天上，勿意謂孰能升天，攜之以至，俾我聽從，不在海外，勿意謂誰能濟海，攜之以至，俾我聽從。蓋道在邇，在爾口，在爾心，爾其遵行。我於今日，或以生命純嘏，



或以死亡災害，置於爾前。如我所諭，爾誠聽從，愛爾上帝耶和華，遵從其道，守其禁令，禮儀法度，則爾可得生。寢昌寢熾，爾之上帝耶和華，必於爾所往據有之地，降以福祉。如爾心違逆，不從斯命，見誘於人，服事崇拜他上帝，我明告爾，爾必滅亡。今濟約但據有斯土，不得享遐齡。我今指天地以立證，我以生命死亡，純嘏咒詛，置於爾前。爾簡生命，俾得爾生爰及子孫。汝當愛爾上帝耶和華，聽從其言，恒供役事，耶和華賜爾得生命，享遐齡。昔耶和華誓爾祖亞伯拉罕，以撒雅各，以斯土賜爾，爾可安居焉。

摩西告以色列衆曰：我今日一百有二十歲矣，不能復治斯民。耶和華嘗有諭言，不許我濟約但。惟爾之上帝耶和華，爲爾先導，使約書亞導爾濟河，殲滅此異邦族姓，據有其地。循耶和華言。昔耶和華罰亞摩哩王西宏及疆，殲滅其國。今之降罰於約但西也，亦必如是。使爾罰之，悉循我命。強乃志，壯乃心，毋恐懼，毋畏蕙。爾之上帝耶和華，佑爾必不遺棄爾。摩西在以色列衆前，召約書亞告之曰：強乃志，壯乃心。昔耶和華與列祖發誓，以斯土予民，爾必偕行，使彼得之。耶和華爲爾先導，左右爾，不遺棄爾，毋恐懼，毋畏蕙。○摩西書此律法予諸祭司，及昇耶和華法匱之利未人。暨以色列族長老告之曰：每七載使人相釋之年，構廬節期，以色列族衆俱至，立於爾上帝耶和華前，在其特簡爲室之所，必誦此律法，使以色列衆聽之。當集衆民，男女幼稚，及旅於爾家者，俾其聽聞。寅畏爾上帝耶和華，守此律法。爾之子女，知識未開，聞此律法，及濟約但，以得斯土，亦畏爾上帝耶和華，畢生靡暨。○耶和華諭摩西曰：爾逝世之期伊邇，當召約書亞，偕立

於會幕中，我必付託之。摩西約書亞遵命，立於會幕。耶和華於會幕中，乘雲顯著，雲狀如柱，止於門上。謂摩西曰：爾必返本。斯民既詣斯土，必遺棄我，背我所立之約。狗已私欲，從異邦人之上帝。其時我必震怒，遺棄斯民，不復眷顧，使其并吞於人，多更災患。彼必曰：我不蒙上帝所佑，致遭此禍。夫斯民蹈於愆尤，從事他上帝，故不復鑒觀以眷顧之。今作謳歌，誨以色列族，使其口誦，我佑斯民，而斯民違我，以歌爲證。昔我與厥祖發誓，將以產乳與蜜之地，錫於斯民。既導之入，使彼食而果腹，身肥體胖。當斯時也，彼從他上帝，而服事之，以干我怒。背我盟約，我誓以斯土錫於斯民，未導入彼之時，已知其性情，必作不端。迨厥子孫遭難，遇害，不可勝數，必口誦斯歌，不致遺忘。斯歌亦可爲證。○當日摩西作此歌，誨以色列族。命嫩之子約書亞曰：強乃志，壯乃心，蓋爾必導以色列族，入耶和華所誓之地，彼必佑爾。○摩西以律法之言，錄之於書。既畢其事，則告昇耶和華法置之利未人曰：以此律法之書，置於爾上帝耶和華法置之旁，以爲證。蓋我知爾橫逆，強項不馴，我尙生存，與爾同在，爾猶且違逆耶和華。况至於我沒後乎。爾支派之長老，爰及族長，使其咸集，以言相告，俾爾聽聞，亦指天地爲證。我既沒後，爾必喪心，違我所傳之道，作惡於耶和華前。爾所行爲，干厥震怒，至於末期，必遭禍患，我可逆料其如是。○時摩西誦歌，俾以色列族聽聞。

其畧曰：天其俯聞，我將有言，地其傾聽。我以口誦，我道滴瀝若雨。我言廉纖如露，猶霏霖以潤草，似淋漓而灌蔬。我揚耶和華名，爾尊上帝爲大。上帝歟，乃造化之主，其工純全，其道正直，誠實無妄，秉義無咎。斯代之人，非上帝子，忤逆乖僻，德有不備，自喪厥心。耶和華非爾父，生

成爾、創造爾乎。噫、無智之蚩氓、豈如是以報恩耶。往古之日、當憶勿忘、歷代之年、思念在心、問之於父、父必示爾、詰諸長老、彼將告爾、至高者使四方之民得業、俾亞當後裔散處、則定異邦民之郊址、循以色列族之核數、其人民爲耶和華所得、雅各衆爲耶和華恒業、在虛曠之野、獸號之所、耶和華遇此民、環護之、訓誨之、惜之如眸子、如鷹之引雛而起、翱翔於上、展舒其翮、負之於身、戴之於翼、耶和華自導斯民、別無上帝偕在、置於崇邱、田畝所產、使食之、巖穴出蜜、使哺之、堅石出膏、使沃之、牛酥羊酪、羔羊之膏、牡山羊、牡綿羊、俱由巴山而至、以給其用、至嘉之麥粉、使食、葡萄之清汁、使飲、耶書崙體胖、桀驁不馴、肥而多脂、上帝造之、彼反違逆、上帝拯之、彼反藐視、彼崇他上帝、干厥震怒、彼事可惡之物、櫻其忿懣、彼祭鬼神、不崇上帝、彼崇他上帝、素所未識、初從鄰國而來、卽其祖宗亦未嘗敬畏、生成之上帝、彼棄而不從、造化之上帝、彼忘而弗念、耶和華見其子女、作可惡之事、憎之特甚、曰、我不復鑒觀、以眷顧之、必俟厥後、當復如何、彼乃橫逆之族、無誠信之子、彼以非上帝匹我、于我震怒、彼崇事虛無、使我忿懣、故我將子異民、使彼發奮、子頑民、使彼激勵、我之忿怒如火之燎、燃於幽冥、蕪其全地、偕土產以俱焚、並山基而同燬、我降災非一、盡發弧矢、年饑而民餒、體熱而人廢、絕於疫癘、囓於獸齒、傷於毒蛇、外亡以刃、內害以驚、丁男與處女、赤子與白首、淪胥以亡、我曰、必使之散處四方、而人忘其所自、然我慮敵驕肆、佯不知我所作爲、反自伐其大能、謂非耶和華所行、斯民無謀猷、無聰明、願其有智而知此、思念厥終、如其上帝弗嚮之、如耶和華未棄之、則一可襲千、二可驅萬、敵之上帝不如我之上帝、任敵裁斷、其葡萄樹屬

所多馬由蛾摩拉埔而來所結之實甚毒，曩然而垂者甚苦，其酒礙於蛇毒，蝮之死毒，其罪藏於我心，如封於府庫，仲寬在我，我必報之，斯時也，其足傾跌，禍及其身，所定速至，蓋耶和華必代其民而伸冤，爲其臣而回志，鑒觀於下，知民力已廢，或主或僕，靡有孑遺，時必曰：爾之上帝安在，爾所恃之上帝安在，彼享所祭之膏，彼飲所奠之酒，曷使起而援手，爲爾作遺逃之數乎？爾當知我之爲我，外此別無上帝，殺戮者我，生全者我，攻擊者我，施醫者我，無能奪於我手，我指天而誓曰：我永生，我刃閃爍，我磨礪之，我秉公義，凡逆我者罰之，憾我者報之，我矢飲血，我刃食肉，其血卽見虜被殺之血，其肉卽勁敵渠魁之肉，異邦之衆，宜與斯土之民同樂，上帝之僕，其血見流，必洩厥恨，報諸仇敵，爲民贖罪。○摩西以此歌詞，誦於民聽，嫩之子約書亞在焉，誦畢，摩西告以色列族曰：我今日告爾之言，汝必藏諸衷曲，亦當諭諸子孫，從此律法，此非淺鮮，乃爾生命所關，因是爾可於約但西所據之地，而享遐齡。○當日耶和華諭摩西曰：摩押地，耶利哥相向之所，有亞巴林山，尼破岡，汝可陟焉，瞻望迦南，乃我所錫於以色列族爲業之地，旣陟此山，汝必死於彼，而返其本，如爾兄亞倫沒於何耳山，而返其本然。昔在汎野，米利巴，迦鐵之處，爾曹逆我，不於以色列族前尊我，故爾不得至我所錫以色列族之地，惟觀之而已。

事上帝之人摩西，其未沒時，爲以色列族祝嘏，曰：耶和華至自西乃，顯自西耳，光自巴蘭，偕萬聖而來，由其右手，火出爲法，其眷愛斯民，庇佑厥聖民，坐其前，以領訓誨，摩西所賜之律法，爲雅各會衆之恒業，於耶書崙有王焉，以色列民之族長，咸集就之，願流便，恒存不沒，人數

弗滅。其論猶大則曰：猶大既顛呼，願耶和華垂聽，使歸故族，賜以能力，而無不足，使其攻敵，而爲輔翼。其論利未則曰：願敬虔者得爾烏陵土明。烏陵土明，即烏陵光臨也。昔在馬撒，爾嘗試之，在米利巴，水爾嘗爭之。彼告父母曰：我未見之，不識兄弟，不顧子女，乃從爾命，而守爾約。彼以爾典章，示雅各後裔，以爾律法，誨以色列族。彼將炷香於爾前，燔祭於爾壇。願耶和華加厥貨財，其所爲者悅納之，擊敵之腰，使不復起。其論便雅憫則曰：彼爲耶和華所眷愛，當安居焉。至高者恒庇護之，彼必攝於二山之間。其論約瑟則曰：願耶和華錫嘏於其地，以天上之甘露，地下之名泉，日所產之珍奇，月所生之寶物，恒山之嘉品，古嶽之寶器，地與土產之寶，俱錫於彼。昔約瑟遠兄弟而去，願居於棘中者降福於其首。其榮如牛之首生，其角如兕角，以將抵觸異邦。至於地極，所謂以法蓮之萬人，馬摩西之千人，卽此。其論西布倫則曰：西布倫出於外，以薩迦居於幕，俱可欣喜權忭。既享海所出之豐盛，沙所藏之貨財，則延民陟山，在彼獻祭爲義。其論伽得則曰：恢廓伽得者，當頌其名。伽得伏如牝獅，斷傷肩首。伽得先獲其業，在彼爲牧，安居厥所，惟往於民前，代耶和華行義，爲以色列伸冤。其論但則曰：但若稚獅，踴躍於巴山。其論納大利則曰：納大利享福有餘，蒙耶和華錫嘏，得海濱以南爲業。其論亞設則曰：亞設有子獲福，爲兄弟悅納，將染足於油，其槌乃銅鐵所爲，畢生逸豫。耶書崙之上帝，無能比擬，赫奕於天，乘雲而降，以輔翼爾。永生之上帝，爲爾遁逃之藪，扶持爾衆，手恒不疲，驅敵於爾前，使殲滅之。以色列族獨居而綏安，雅各後裔所居之處，天降甘露，土產穀與酒，以色列族有福祉，誰能頡頏。蒙耶和華拯救，彼可礙干，以範衛爾，亦可礙戈，使爾得勝。

敵必詔媚於爾前，爾將履其崇邱。


摩西離摩押平原，耶利哥相向之所，陟尼破山，比士迦岡，耶和華以基列地，至於但境，使摩西目覩，亦以納大利，以法蓮，馬拿西之地，猶大遍境，至於外海，爰及南方，耶利哥谷之平原，卽棗城，出至瑣耳，俱示摩西，俾其觀瞻。耶和華諭之曰：昔我所誓亞伯拉罕，以撒雅各，以地錫其後裔者，卽此，爾可目覩，惟不得濟。○如是耶和華之僕摩西，沒於摩押，踐耶和華之言，葬於摩押之谷，伯比耳相向之所，越至於今，其墓無有能知者。摩西沒時，百有二十歲，其目力未損，其血氣未衰，以色列族緣摩西故，居於摩押平原而哭泣，歷至三旬，盈其日數。○夫摩西嘗按手於嫩之子約書亞，感以智神，使之充盈，故以色列族聽從，遵耶和華所諭摩西之命。嗣後以色列族中，未有挺生先知若摩西者，爲耶和華晤對相識，蓋耶和華遣之至埃及，行異蹟奇事，罰法老及臣，暨其全地，顯其大有爲之手，助摩西行可畏之事，於以色列族前。

# 時派支二十分 圖地南迦

度里華中

十六 十四 十二 十 八 六 四 二

- 邑之王南迦
- 邑之人未利
- 邑之遊述



約書亞記

耶和華僕摩西既沒，耶和華諭摩西從者嫩之子約書亞曰：我僕摩西逝世，爾今導民濟約但，至我所賜以色列族之地。昔我與摩西曾有是言，今必踐之。爾足所履之地，必以錫爾、自曠野及利巴嫩，至百辣、大河、赫人、遍地、爰及大海、日入之處，爲爾境界。昔我佑摩西，今亦佑爾，不汝退棄。俾爾畢生，無人能禦。強乃志壯乃心。昔我誓厥祖，欲以斯地賜斯民，汝必使民得之。惟爾強志壯心，守我僕摩西所諭之律法，不偏於左，不偏於右，則不論所往，俾爾納福。律例之書，當口誦不輟。晝夜思維，遵行所載，可得坦途而蒙福祉。我豈不曰：強爾志壯爾心，切勿恐懼。不論所往，爾上帝耶和華佑爾。○約書亞諭民族長曰：汝巡營諭民，預備糗糧。歷三日，必濟約但。耶和華所賜之地，據而有之。約書亞告流便、伽得二支派，與馬拿西支派之半，曰：耶和華之僕摩西所言當憶勿忘。其言曰：爾上帝耶和華，以斯地錫爾、畀爾綏安。爾之妻孥牲畜，可留於約但。東摩西所畀之地，爾之勁旅，整其行伍，助爾同儕，而爲前鋒，以濟斯河。迨耶和華，以綏安賜爾同儕，可得其地。與爾無異。後爾可歸耶和華僕摩西所賜約但東之地。據而有之。對曰：爾所諭者，我悉遵行。爾遣我所至之地，我必前往。昔我聽從摩西，今聽從爾。惟願爾之上帝耶和華佑爾，如佑摩西然。凡逆爾命，不遵爾所諭者，必死毋赦。宜強乃志壯乃心。

嫩之子約書亞由失亭私遣二偵，曰：爾往哉，窺察斯土，及耶利哥。二偵遂往，入妓室而宿焉。妓名喇合。或告耶利哥王曰：今日薄暮，以色列族人至此，窺察我地。耶利哥王遣人，謂喇合曰：



有人至此，窺察我地，已入爾室，爾攜之來。喇合既匿二人，則曰：有人至我，不知何自，追暝閉邑門時，二人已出，不知何往，速追可及。蓋喇合引二人至屋上，有胡麻梗臚陳於彼，卽藏其中。耶利哥人追至約但津，既出，邑門旋閉，未寢。喇合升屋，謂其人曰：耶和華曾以此地錫爾，我所素知，斯土之人懼爾，甚至喪膽。爾出埃及時，耶和華使紅海水涸，約但東亞摩哩王西宏及曠，爲爾殲滅，我所風聞。我聞之喪膽，毫無銳氣，不敢敵爾。蓋爾上帝耶和華，乃天上下之上帝，我今待爾以仁慈，請爾指耶和華而誓，亦以仁慈待我全家，示我以真實之印誌。我父母兄弟姊妹及凡所有，爾必保其生存，免於死亡。二人曰：我之所爲當祕勿宣，則我以己命代爾。迨耶和華以斯土予我，我必待爾以仁慈，真實無妄。喇合居室附於邑垣，故以索縋二人，由牖而下，謂之曰：當遁於山，自匿三日，恐追者及爾，待追者反，然後前往。二人曰：爾既用絳索以縋我，必以此索仍繫於牖，集爾父母兄弟戚屬，至於斯室，厥後我儕至斯土，則爾使我所發之誓，我必恪守。如有一人出於門外而死，則由自取，我無辜焉。惟與爾在家者，有人擊之，則罪歸我。如以我所爲，普告於衆，則爾使我所發之誓，我不恪守。喇合曰：可如爾言以行。遂遣之去，卽以絳索繫於牖。二人往山，居彼三日，待追者反，蓋追者求之於途，不得。二人下山，濟河而歸，以實告約書亞。曰：彼地之民恐懼喪膽，故我知耶和華必以斯土付於我手。

約書亞夙與導以色列族，自失亭，迨征至約但，未濟而宿。三日後，族長巡營，告民曰：爾見祭司利未人，昇爾上帝耶和華法匱，則必迨征，從行其後。離法匱約二百丈，不可近前，則可知當

行之途，蓋爾疇昔未行斯途。約書亞告民曰：爾當潔己，明晨耶和華行異蹟於爾間。告祭司曰：爾昇法匱，民前濟河。祭司從命。耶和華諭約書亞曰：我使爾爲尊於以色列族。前自今日始，俾其知悉。昔我佑摩西，今必佑爾。爾當命昇法匱之祭司，至約但河，立於水濱。約書亞告以色列族曰：爾來前，聽爾上帝耶和華命，欲使爾知永生上帝左右。爾必於爾前驅逐迦南人，赫人，希未人，比哩洗人，革迦撒人，亞摩哩人，耶布土人。宇宙主宰之法匱，必先爾至約但河中。宜簡以色列族各支派中十有二人，待昇宇宙主耶和華法匱之祭司，足履約但河水，則水自溯行，其流必斷。濤若堆立。○秋約但河水漲溢，民離幕，欲濟約但。昇法匱之祭司行於其前，至約但河，足濡於水濱。時潮流之水，驟行泛起，濤若堆立，離撒利但。旁之亞當邑甚遠，下流之水，至鹽海谷，其流已斷。故耶和華相向之所，民得過焉。昇耶和華法匱之祭司，在約但河中，立於燥土，待以色列族盡過約但，若行陸地然。

**第四章** 民既悉濟，耶和華諭約書亞曰：宜簡以色列族各支派中十有二人，使於約但河中，祭司駐足之所，取石十二，攜之過河，置於夕間欲宿之處。約書亞於以色列族各支派中備十有二人，召之曰：當行於爾上帝耶和華法匱前，至約但河中，各以肩荷石，循以色列支派之數。此可爲徵於爾中。越至後日，倘爾子孫詰爾曰：斯石何意？必曰：昔耶和華法匱濟約但時，於其前河水絕流，此石爲誌，使以色列族永憶勿忘。以色列族在約但河中，取石十二，循以色列族支派之數。攜石至宿所，置之。遵耶和華所諭約書亞之命。約書亞又置石十二於約但河中，昇法匱之祭司足所

履之處，迄今尚存。於是民速濟河，昇法匱之祭司立於約但河中，迨耶和華所諭約書亞之命，摩西所傳約書亞之言，盡遵行之，以畢其事。民既盡濟，昇耶和華法匱之祭司亦濟斯河，爲民目擊。流便伽得二支派及馬拿西支派之半，整其行伍，於同儕前濟河，從摩西所言約四萬人，預備以戰。濟河至耶利哥平原，循耶和華命。○當日耶和華使約書亞爲尊於以色列族前，民盡寅畏，至於畢生，如畏摩西然。耶和華諭約書亞曰：使昇法匱之祭司，自約但河中出。約書亞命祭司曰：自河中出，昇法匱之祭司，既出自約但，足履陸地時，河水復至，盈溢於岸，與前無異。正月十日，民自約但河出，建營於耶利哥東之吉甲。約書亞以河中所取十二石，立於斯地，告以色列族曰：越至後世，爾之子孫，倘詰爾曰：立石何意？爾當告之曰：昔以色列族濟約但，如行陸地。蓋爾之上帝耶和華，使河水涸於民前，待民悉濟，如使紅海水涸，待民悉濟然。於是天下億兆知耶和華之巨能，爾當畏爾上帝耶和華，歷世靡暨。

約但西亞摩哩列王及海濱迦南列王，風聞其事，知耶和華於以色列族前，使水盡涸，待民悉濟，則喪其膽，毫無銳氣，懼以色列族。○耶和華命約書亞曰：宜作石刀，使以色列族申用割禮。約書亞作石刀，使以色列族行割禮，於斷皮之山。夫約書亞使行割禮，亦有故焉，昔出埃及諸丁男皆爲武士，行於途間，亡於曠野。凡在埃及者，已受割禮，既離埃及，生於曠野者，未受割禮。蓋以色列族，遊於曠野，歷四十年，迨出埃及之武士殞沒，昔耶和華誓以產乳與蜜之地錫於斯衆，因其違命，故再發誓，不許得見斯土。其所生之子孫，途間未受割禮，故約書亞施行是禮焉。行割

已畢，民居營壘，以待其痊。耶和華諭約書亞曰：昔埃及人凌辱爾曹，今我爲汝洒恥，故名地曰吉甲。至今其名尙存。○以色列族建營於吉甲，至十四日夕，守逾越節禮於耶利哥平原。翼日，以土所產之穀，製無酵餅，及已烘之穀而食。既食土所產之穀，次日嗎喲不降，以色列族不復得之。是年所食者，則迦南土產。○約書亞近耶利哥而瞻望，見一人拔刃對立。約書亞就之曰：爾爲我乎？爲敵乎？曰：不然，我爲耶和華軍長，故至此。約書亞俯伏拜曰：主諭僕何詞？耶和華軍長諭約書亞曰：解爾履，爾所立之處，乃聖地。約書亞遵命。

以色列族圍耶利哥，故耶利哥鍵閉其城，無人出入。耶和華諭約書亞曰：我以耶利哥及王與勁旅，悉畀於爾。惟爾武士環攻其城，日恒一巡，周行其外，歷至六日。祭司七人，以角七，行於法匱前，越至七日。巡城凡七，祭司吹角，其聲清越，爾聞之，使民號呼，城垣傾圮，民得直進。○嫩之子約書亞召祭司曰：當昇法匱。爾曹七人，以角七，行於耶和華法匱前。諭民曰：當環其城，使凡預備以戰者，行於耶和華法匱前。約書亞既命諸民，祭司七人，以角七，行於耶和華前，而吹其角。法匱從行於後。祭司吹角而行，預備以戰者先進，後軍繼至。約書亞會諭民曰：勿號呼，勿言語，勿使聲聞，待我使爾號呼，則號呼。○耶和華之法匱巡城環行一次，則反營壘宿焉。詰朝，約書亞夙興，祭司昇耶和華法匱，祭司七人，以角七，行於法匱前吹角，預備以戰者先進，後軍繼至。祭司仍吹其角。至二日巡城一次，後反營壘，如是者六日。越至七日，黎明夙興，循例巡城凡七。越至七次，祭司吹角，約書亞諭民曰：今當號呼，蓋耶和華以斯城畀爾，必以城邑及其所有，獻耶和華，而盡滅

之惟妓喇合曾匿我使故彼與全家可存其生所獻與所滅者勿取恐爾亦爲盡滅使以色列族之營壘服詛而累於禍金銀銅鐵之器必獻耶和華貯其府庫於是祭司吹角民間之則號呼其聲清越城垣傾圮民得前進而取其城盡滅所有戮男女老幼牛羊與驢約書亞告二偵者曰入妓之室取其人出與凡所有循爾所誓之言偵者入取喇合及父母兄弟親戚與凡所有置之城外居以色列族營壘以色列族燬其城惟金銀銅鐵諸器貯於耶和華府庫約書亞因妓喇合曾匿所遣窺察耶利哥之使故特救之及其眷聚使居以色列族中至於今日○於是約書亞誓曰凡建耶利哥當服詛於耶和華前築基時必喪長子置門時必喪季子耶和華左右約書亞聲名洋溢乎四方

窺察以色列族犯所獻之物而取戾蓋猶大支派西喇會孫颯底孫迦米子亞干取所獻之物故耶和華怒以色列族○約書亞自耶利哥遣人至伯特利東近伯亞文之埃及而告之曰爾往窺察埃及爰往窺之返見約書亞曰往毋庸衆欲擊埃及二三千人斯可矣埃及人維寡何勞衆往於是民三千人往爲埃及人所敗而遁埃及人追之自城門至示巴林於下坡處擊三十六人故民喪膽荏弱如水約書亞裂衣俯伏耶和華匱前彼及以色列族蒙灰於首至於薄暮約書亞曰我主耶和華歟曷導斯民濟約但付於亞摩哩人手使我危亡乎不如我仍居約但東爲幸主乎以色列族敗北我何言哉迦南人與斯土居民聞之必環而攻我滅我名於地然爾名維大如何使人尊崇耶和華論約書亞曰爾起曷俯伏於此以色列族犯罪背我命約當獻之物爲其攘竊匿於

器中而佯循我命，故以色列族服咒敗北，不得禦敵，如不以當獻之物出於爾中，我不復佑爾。蓋起成聖斯民，使潔己身，以待明晨，將我命傳衆曰：以色列族歟，有獻我之物藏於爾間，未出斯物，爾不能禦敵。詰朝，必使各支派至而掣籤，其中我取一支派，必使各族至，其中我取一族，必使各家至，其中我取一家，必使各人至，我取其入既藏所獻之物，則必熱之，與凡所有，緣背我約，行不端於以色列族中。○約書亞夙興，使以色列各支派至，掣籤而取猶大支派，猶大各族至，而取西喇，使西喇各家至，而取颯底，使其家各人至，而取猶大支派，西喇會孫颯底孫迦米子亞干。約書亞告亞干曰：吾子宜尊耶和華，以色列之上帝，任過於其前，以所行告我，勿隱。亞干曰：我之所行，果犯罪耶和華，以色列之上帝。我見於貨財中，自示拿至之美衣、銀、百兩、金片二十五兩，則貪而取之。今在幕中藏於地，銀置於下。約書亞遣人趨幕，果在幕中，銀置於下，攜至約書亞，及以色列族置於耶和華前。約書亞暨以色列族，取西喇孫亞干，與金、銀、衣服，及子女、牛、羊、驢、幕，與凡所有，至亞割谷。約書亞曰：爾何貽禍於我，今日耶和華必禍爾。時以色列族擊之以石，熱之以火，堆石爲岡，以掩其上，至今猶存。於是耶和華息其烈怒，人名其地亞割谷，至於今日尙有此稱。

耶和華諭約書亞曰：毋恐懼，毋畏，蕙率衆武士往擊埃及，我以其王與民爰及邑郊悉付與爾。昔爾待耶利哥與其王，今之待埃及與其王，亦必若是。惟其貨財牲畜爲爾所得，當伏兵於邑後。約書亞與衆武士往以攻埃及，先簡勁旅三萬，星夜遣之，告曰：當伏於邑後，去勿甚遠，預備以戰。我與從人近於邑前，彼出以攻，與昔無異，我必遁逃，彼將追我，遠離其邑，自謂以色列人遁逃如

故我遁時，汝離伏所，以取其邑。蓋爾上帝耶和華必以邑付爾。既取邑，必焚之。循耶和華命，我所告爾者，若是。約書亞既遣之，則往伏於伯特利東。埃邑西，是夜約書亞宿於民中。詰朝夙興，核其民數，與諸長老率衆攻埃。所從武士，近於邑前，建營埃北，有谷間於營邑。又簡五千人，使伏於邑西。伯特利東，民衆全營，陳於邑北。後軍在邑西，是夜約書亞至谷中。埃王見之，則率衆速往，迎以色列族。尅期谷中與戰，不知邑後兵伏。約書亞與以色列族，佯爲敗北，逃奔於野。埃之邑衆，聚集以追，襲約書亞，遠離其邑。埃與伯特利不留一人，俱襲以色列族。埃之邑門不閉，耶和華諭約書亞曰：「以所執之戟指埃，我以斯邑付於爾手。」約書亞循命，手舉時，兵離伏所，趨入邑中，取而焚之。埃人遙瞻其邑，烟燄冲天，亟欲逃遁，迷於所往。以色列族之先奔者，轉攻其敵。約書亞與以色列族，見伏兵取邑，其烟冲上，則反殺埃人。邑中之兵齊出，埃人被以色列族前後夾攻，爲所殺戮，靡有孑遺。生擒埃王，解至約書亞。埃之居民，追以色列族，至於田野，反爲以色列族殺戮，俱死以刃。淪胥以亡，後以色列族至埃邑，盡滅所有。是日埃民俱亡，男女一萬二千人。蓋約書亞執戟指埃，不垂其手，待埃民盡滅。惟邑之貨財牲畜，以色列族取之，循耶和華所諭約書亞之命。約書亞蒸埃，使爲瓦礫。今日之事，爲證。懸埃王於木，至於終日。日沒時，約書亞命取尸下木，投於邑門。壘石爲岡，至今尚存。○時在以八山，約書亞建祭壇，奉以色列族上帝耶和華。循耶和華僕摩西命，以色列族亦循所載摩西之律法，以石築壇，毋雕鏤，毋用器造作，獻燔祭於其上。奉事耶和華，亦獻酬恩之祭。從摩西律法，錄於石碑，以色列人目擊之。以色列族長老族長，爰及刑官，立於法匱左。

右，卽昇耶和華法置之祭司利未人前，宗族旅人俱在，其半對其哩心山，其半對以八山，循耶和華僕摩西所命，爲以色列族祝嘏。約書亞誦律法諸言，無論祝福咒詛，俱循所載。摩西所命者，約書亞於以色列會衆，與其妻孥賓旅前，悉誦，不遺一詞。

**約書亞** 約但西陵谷及利巴嫩相嚮之所，濱大海四方，赫人、亞摩哩人、迦南人、比哩洗人、希未人、耶布士人、諸王，風聞此事，則同心集攻約書亞與以色列族。○基遍居民聞約書亞伐耶利哥及埃及，乃設詭計，自裹餼糧，負餼囊於驢，其酒囊乃舊革裂而復彌縫者，其所履者，敝而復補，所衣者敝衣，所有之糧，乾而朽，至吉甲營，見約書亞，以色列族曰：我儕自遠方來，請與立約。以色列族謂自基遍來之希未人曰：恐爾居處離我不遠，焉能與爾立約？我儕願爲爾僕。約書亞曰：爾曹何人？奚自對？曰：僕所自來，其地甚遠，我儕聞爾上帝耶和華之名，知其所行於埃及，亦伐約但、東、二亞摩哩王，卽希實本、王西宏及都亞大綠之巴山王靈，故我長老與居民告我曰：爾裹餼糧，往見以色列族，願爲其僕，請與立約。我起程時，而裹餼糧，此餅尚熱，今乾而朽，革囊維新，俱盛以酒，今囊已裂，因路之遠，衣履悉敝。以色列族惟視其糧，不諂取耶和華。約書亞與基遍人修好立約，以存其生。會長加以誓約，後三日，則知基遍人與以色列族鄰近。以色列族徃征，越至三日，則詣其邑，卽基遍。基非拉、庇綠、基列耶林會長，旣指以色列族上帝耶和華而誓，故不擊之。會衆怨會長，會長告衆曰：我儕已指以色列族上帝耶和華而誓，故不可害斯人。旣與盟約，必存其生，否則干上帝之怒。又曰：可存其生，使爲採樵者，汲水者，服事會衆，以踐前約。約書亞召基遍人曰：爾之居



處鄰近於我，曷欺我，言來自遠方乎？是故爾曹服咒詛，俱必爲奴，採樵汲水，俾供我上帝室之用。對曰：有告我云，爾之上帝耶和華會諭其僕摩西使滅斯土之民，以地給爾，故我甚畏，以命難保，遂行是事。權在爾手，爾以爲善則行之。於是約書亞救基遍人出以色列人手，不至殺戮，惟使採樵汲水，服事會衆，以備耶和華祭壇之用，在其所簡爲室之所，越至今日，尙爲是事。

耶路撒冷王亞多尼西特聞約書亞取埃而盡滅之，如昔伐耶利哥及其王，今伐埃與其王然，亦聞基遍民與以色列族修好，而居其中，知基遍邑如王畿較之於埃，邑大人強，故王與民懼甚。耶路撒冷王亞多尼西特遣人至希伯崙王和威耶末王庇蘭拉吉王耶非亞厄倫王底必告之曰：爾曹咸至，助我擊基遍，蓋基遍人與約書亞以色列族修好。亞摩哩五王，即耶路撒冷王希伯崙王耶末王拉吉王厄倫王集衆往基遍地，建營而擲戰。○基遍人遣使至吉甲營，見約書亞曰：速至助我，勿緩。蓋居山中之亞摩哩王集以攻我。約書亞率武士勁旅，自吉甲往迎。耶和華諭約書亞曰：勿懼，我以此軍悉付於爾，無一能禦爾者。約書亞自吉甲終夜以行，猝然侵敵。耶和華使敵潰亂於以色列族前，在基遍降以大災，以色列族追之，至伯和倫岡，擊之在亞西加馬基。大敵方逃遁，下伯和倫岡入亞西加時，耶和華自天降大雹擊敵，傷雹而死，較以色列族以刃殺者尤衆。耶和華既使以色列族敗亞摩哩人，約書亞即於以色列族前禱耶和華曰：日勿運行於基遍，月必暫止於亞耶倫谷，日不運行，月亦暫止，待以色列民報仇是事。耶述紀亦載之，日不運行於天中，其不速下者竟日。是時耶和華聽一人之祈，自古迄今至於後世，未有如是之一日。蓋

耶和華爲以色列族戰。約書亞率以色列衆，回吉甲營。五王遁至馬基大匿於穴。有告約書亞曰：五王在馬基大匿於穴。約書亞曰：移大石塞穴，使人守之。衆當追敵，勿遲擊其後軍，勿使入邑。蓋爾上帝耶和華付之於爾手。約書亞與以色列族大敗其敵，至於滅亡，其餘入於邑垣。有衆安然歸營。至馬基大見約書亞，無人敢詈以色列族。約書亞曰：啟穴，攜五王出而見我。衆循命，攜耶路撒冷王希伯崙王、耶未王、拉吉王、厄倫王，俱出於穴。既出，約書亞召以色列衆，語軍長曰：爾前置足於王頸，遂前，如言而行。約書亞告之曰：毋恐懼，毋畏，強乃志，壯乃心。蓋耶和華將伐爾敵，俱必如是。約書亞擊五王，殺而懸於木。至於終日，日入時，約書亞命人下尸於木，擲於所匿之穴。塞以大石，至今尙存。○是日約書亞取馬基大，刃擊其王，盡滅其民，靡有孑遺。如昔伐耶利哥王，今伐馬基大王亦如是。自馬基大率以色列衆，往攻立拿。耶和華以立拿與王及民付於以色列族，刃擊居民，靡有孑遺。如昔伐耶利哥王，今伐立拿王亦然。○約書亞自立拿率以色列衆，往拉吉，建營攻之。耶和華以拉吉付於以色列族，二日取之，刃擊拉吉與居民，如昔伐立拿無異。時基色王和蘭來助拉吉，約書亞擊其王與民，靡有孑遺。○約書亞自拉吉率以色列衆，往厄倫，建營攻之。卽日取厄倫，刃擊之，翦滅居民，如昔伐拉吉無異。約書亞率以色列衆，自厄倫往攻希伯崙，取希伯崙，刃擊王及民，與其鄉里，翦滅其衆，靡有孑遺。如昔伐厄倫無異。○約書亞率以色列衆，返旆攻底必，遂取底必，與其鄉里，擊王與民，翦滅其衆，靡有孑遺。如昔伐希伯崙立拿及其王，今伐底必與其王亦若是。○約書亞擊南方陵谷沿溪之民，與其王，凡有血氣，俱爲所滅，靡有孑遺。循

耶和華命自迦鐵巴尼亞至迦薩珂山四境，爰及基遍，俱爲約書亞所擊。列王諸地，悉爲約書亞一時所取。蓋其上帝耶和華助以色列族以戰。約書亞遂率以色列衆歸吉甲營。

夏朔王耶賓風聞此事，則遣人約馬頓王約八，與伸崙押殺二王，暨山地之北，基尼烈南，其間之平原陵谷，至多耳邊疆西隅，列王自東至西之迦南人，亞摩哩人，赫人，比哩洗人，居山之耶布土人，密士巴地，黑門山麓之希未人，列王遂出，率衆如海濱之沙，不可勝數，車馬之多，亦難悉計。列王咸集，建營於米倫水，攻以色列族。耶和華諭約書亞曰：勿懼，詰朝此時，我將是衆付以色列族，死於爾前。爾當割其馬筋，焚其車輻。約書亞率諸軍士，猝至米倫水，攻敵。耶和華以敵付於以色列族，遂擊之，追至西頓大邑，亦至蜜利弗馬音，及密士巴谷東隅，俱翦滅之。靡有孑遺。約書亞伐之，循耶和華命，馬則割其筋，車則焚以火。反旆取夏朔邑，刃擊其王。昔夏朔爲列國之首，以色列族刃擊居民，翦滅其衆，凡有血氣者，靡有孑遺。遂焚夏朔，以火。約書亞取諸邑，與其王，以刃擊之，翦滅其衆，靡有孑遺。循耶和華僕摩西之命，邑建於岡者，以色列族不焚。惟夏朔邑，約書亞焚之。諸邑貨財牲畜，以色列族取之，刃擊諸人，翦滅其衆，靡有孑遺。昔耶和華諭其僕摩西，摩西傳命約書亞，約書亞遵行，所命俱行，不遺其一。○約書亞取其地四方，陵谷平原，爰及南隅，與珂山地，及以色列山谷。自近西耳之夏朔，至黑門山麓，利巴嫩谷之巴力，伽得。約書亞久戰，列王擒而殺之。自希未人，基遍民，而外，與以色列族修好者，無一邑焉。俱戰而得之。蓋斯衆剛愎厥心，耶和華聽其然，聽其然句或曰使之然使與以色列族戰，而被翦滅，無少姑縱。循耶和華諭摩西之命。○是時

約書亞翦滅山中之亞納人，卽猶大山以色列山之希伯崙底必亞拿伯。約書亞盡滅其邑與衆，亞納人在以色列地無遺種。惟於迦薩、迦特、亞實突有之。於是約書亞循耶和華所諭摩西之命，取四方之地，賜以色列族爲業，循其支派班列，而後息戰。

約書亞循約但東日出之所，自亞嫩溪至黑門山，其間之平原，以色列族擊列王而據其地，卽都希實本、亞摩哩王西宏，其所轄之地，自亞嫩溪濱之亞羅耳及洲中之邑，基列地之半，至亞捫族界之雅泊河，自基尼烈海東至鹽海之谷，近伯耶西末，又自南至比士迦山麓。都亞大綠及以得來之巴山王疆，爲哩之音族所存者，其所轄黑門山、撒迦巴山、基述馬迦接壤之區，基列地之半，至希實本王西宏之界。斯二王爲耶和華僕摩西與以色列族所擊摩西以其地與流便、伽得二支派，及馬拿西支派之半爲業。○約但西，自利巴嫩谷之巴力伽得，至近西耳之夏勒山，約書亞及以色列族擊列王，取其地，與以色列族諸支派，循其班列爲業。在陵谷平原、溪濱曠野，至於南方，卽赫人、亞摩哩人、迦南人、比哩洗人、希未人、耶布士人之地。耶利哥王、近伯特利之埃王、耶路撒冷王、希伯崙王、耶末王、拉吉王、厄倫王、基色王、底必王、基特王、曷馬王、亞臘王、立拿王、亞土蘭王、馬基大王、伯特利王、大密亞王、希弗王、亞弗王、拉沙倫王、馬頓王、夏朔王、伸崙米倫王、押殺王、大納王、米吉多王、基特王、加密之約念王、多耳界之王、吉甲列國王、得撒王，共三十一王也。

約書亞壽高年邁，耶和華諭之曰：爾壽高年邁，所未得之地尙多。卽非利士人之境，基述四方，自埃及西曷至迦南地，以革倫界之北，治非利士人之伯有五，卽迦薩、亞實突、以實迦倫。

迦特以革倫是。又有一族稱亞英者。自迦南之南方。近西頓之米亞拉至亞弗及亞摩哩人之界。基巴勒地。遍利巴嫩之東。自黑門山麓之巴力伽得。至哈末之道。山地居民。自利巴嫩至蜜利弗。馬音與諸西頓人。我必驅逐於以色列族前。惟爾擊斃。分其地與以色列族爲業。循我所命。汝分斯土與九支派。及馬拿西支派之半。爲其嗣業。馬拿西又有支派之半。與流便伽得二支派。曾得其業。在約但東。卽耶和華僕摩西所予者。自亞嫩河濱之亞羅耳。及洲中之邑。與米底巴平原。至底本暨都希實本之亞摩哩。王西宏諸邑。至亞捫族之界。又基列與基述馬迦接壤之區。黑門山及巴山。至撒迦。都亞大綠。及以得來巴山王疆之國爲哩。乏音族所存者。俱被擊於摩西。而驅逐之。惟基述馬迦人。不見逐於以色列族。容其同處。以至於今。○摩西不賜土壤與利未族爲業。惟人獻燔祭於以色列族之上帝耶和華者。則歸之。循耶和華命。○摩西賜土壤與流便支派。循其世系。其界自亞嫩河濱之亞羅耳。及洲中之邑。與米底巴平原。希實本及平原之邑。底本。巴末。巴力。伯巴力。免。耶夏撒。基底莫。米法押。基烈亭。實馬陵谷中之撒列。殺轄。伯比耳。比士迦山麓。伯耶西末。平原諸邑。都希實本。亞摩哩。王西宏之國。俱爲摩西所擊。更擊米田五伯。以未。哩。金。蘇。耳。戶耳。哩。巴。皆居西宏地。爲其所轄。以色列族大戮其衆。卜筮師。庇耳。子。巴蘭。亦爲所殲。流便族之西界。卽約但河濱。以上所載。流便族之業。與其邑。鄉。循其世系。○摩西賜業與伽得支派。循其世系。其界自雅設與基列諸邑。亞捫族地之半。至喇巴相對之亞羅耳。自希實本。至拉末。密士巴。及庇多寧。更自馬哈念。至底必界。在谷中之伯亞蘭。伯寧。喇。數割。撒分。及希實本。王西宏地之半。沿約

但河濱至基尼烈海隅，在約但東，以上所載，伽得族之業，與其邑鄉，循其世系。摩西賜業與馬拿西支派之半，循其世系，其界自馬哈念巴山王疆之通國，與巴山境內，睡耳六十鄉里。又基列地之半，及巴山王疆境內之亞大綠，以得來二邑，俱歸馬拿西子馬吉裔之半，循其世系。以上所載之地，在約但東，摩押平原，耶利哥相對之所，摩西子民爲業，利未支派不以土壤爲業，惟人獻以色列族之上帝耶和華者，則歸利未人，循耶和華命。

在迦南地，祭司以利亞撒嫩之子約書亞，暨以色列族長，子民爲業之地，臚列於左。擊斃分地，與九支派，及支派之半，循耶和華諭摩西之命。蓋摩西曾在約但東分地，與二支派，及支派之半，惟不以土壤與利未人爲業。約瑟子有二馬拿西，及以法蓮，各成支派，故不以土壤與利未人爲業，惟子邑郊，以藏貨財，爲牧牲畜。昔耶和華曾命摩西，今以色列族遵命而行，以分其地。時猶大支派至吉甲，有基尼洗人耶孚尼子迦勒，告約書亞曰：昔耶和華諭其僕摩西，論爾我之事，爾知之矣。其時我年四十，耶和華僕摩西自迦鐵巴尼亞遣我，窺察斯土，我誠心以復命。偕行者使民喪膽，惟我竭忠，遵從我上帝耶和華。當時摩西誓我曰：爾既竭忠，遵從我上帝耶和華，爾足所履之地，爾可得之，爰及子孫，永爲爾業。今我尚存，皆出耶和華所賜，自耶和華諭摩西，歷以色列族遨遊於野之時，四十五年，踐其前言。今我年已八十有五，我力強健，與摩西遣我之時無異。當時我出入戰鬪，氣盛力強，今亦如是。爾素聞亞納族居於是山，其邑垣高大，今求爾以耶和華所許之山賜我，如蒙耶和華祐我，則可逐之，踐其前言。約書亞爲耶孚尼子迦勒祝嘏，以希伯

崙賜之爲業。緣基尼洗人耶孚尼子迦勒竭忠，遵從以色列族上帝耶和華，故得希伯崙爲業，至今尚存。昔希伯崙名基列亞巴，在亞納族中，亞巴尊大嗣後息戰。

猶大支派循其世系，墾闢而得之地，其南界至以東邊隅，汎野南方。自鹽海之濱，向南之澳，南至亞克拉濱岡，延至汎野，自此而南，至迦鐵巴尼亞，又至希斯崙及亞撻，環繞甲迦，自甲迦至押門，沿至埃及河，極於大海，爲其南境。其東界即鹽海，至約但河口，其北界自海澳，即約但河口，至伯曷拉，沿伯亞拉巴，北至流便後裔波罕之石，其界又至底必，自亞割谷北，至吉甲，亞都冥岡相對之所在，河南濱延，宴示麥泉，至宴羅結，其界通便欣嫩子之谷，在耶布士邑，即耶路撒冷南，又至便欣嫩谷之西山，即哩之音谷北。由此山巔，至尼弗多亞泉，至以弗崙山邑，延至把拉，即基列耶林，環繞把拉向西，至西耳山，延至耶林山旁，即基撒倫北，下至伯示麥，及亭拿，又至以革倫北，至實倫，把拉山，押業極於海，西界大海之濱，以上所載，猶大族四周之界，循其世系。在猶大業中，約書亞以亞納父亞巴邑，即希伯崙子耶孚尼子迦勒，循耶和華命，迦勒驅亞納三子示篩、亞希慢、達買，自此而往，攻底必，昔底必名基列西弗，迦勒曰：能擊基列西弗而取之者，必以我女押撒妻之。迦勒弟基納有子阿得業，取其邑，故妻以女。女將于歸，請於夫曰：容我求父，予我田疇，遂下驢，迦勒曰：爾欲何求？曰：欲爾錫嘏，昔以南隅之地予我，今贈我以泉，遂以上下泉予之。○猶大支派所得之地，循其支派，臚列於左，近以東地極南之邑，甲泄以得雅姑耳，基拿底摩拿亞，大撻，基特，夏朔，易難，西弗，提臉，庇亞祿，夏朔，哈撻，大加畧，希斯崙，即夏朔亞曼示馬麼拉，大哈薩。

伽大黑實門，伯帕列哈薩書亞別是巴，必若雅把拉以因亞森耳多臘，基失曷馬息臘，麥馬拿，撒  
撒拿利巴勿實忻亞因臨門共二十九邑，與其鄉里在谷間有以實道鎖列亞實拿撒挪亞隱干  
寧大布亞以楠耶末亞土蘭瑣哥亞西加沙拉音亞底大陰其底喇其底魯田共十四邑，與其鄉  
里洗南哈大沙麥大甲底連密士巴約帖拉吉不甲厄倫申本拉慢吉勤其得落伯大公拿馬馬  
基大共十六邑，與其鄉里立拿以帖亞山益弗大亞實拿尼悉枝拉亞革悉馬哩沙共九邑，與其  
鄉里以革倫與邑鄉自以革倫至海近附亞實突與其鄉里亞實突與其邑鄉迦薩與其鄉里及  
埃及河延至大海在山中沙蜜雅瑣哥大拿基烈薩拿即底必亞拿伯以實提莫亞念珂山何  
倫其祿共十一邑，與其鄉里亞喇士馬以山雅農伯大布亞亞非迦訓大基列亞巴即希伯崙西  
阿耳共九邑，與其鄉里馬雲加密西弗若大耶斯烈約田撒挪亞該隱其庇亞亭拿共十邑，與其  
鄉里哈忽伯夙其突馬臘伯亞諾利提君共六邑，與其鄉里基烈巴力即基列耶林喇巴共二邑，  
與其鄉里在野伯亞拉巴麥丁西迦迦匿山鹽邑隱其底共六邑，與其鄉里耶布士人即耶路撒  
冷居民也猶大族不能驅之與之同居至於今日。

約瑟子孫掣籤得地自約但河濱之耶利哥至耶利哥水東及伯特利山之野自伯特  
利至路斯沿亞其界至亞大錄西向押利底界至平原之伯和倫界及基色極於海此約瑟子馬  
拿西以法蓮所受之業○以法蓮族循其世系得地之東界即亞大錄亞達及岡上之伯和倫北  
界之西至蜜米大東至大納示羅又至雅挪哈自雅挪哈至亞大錄拿臘延耶利哥及約但河西



自大布亞至加拿溪極於海，此以法蓮族循其世系，得業之界。上二邑與其鄉里，雖在馬拿西業中，尚屬以法蓮族。迦南人居甚色，不爲以法蓮人所逐，仍處其中，入貢以服役。至於今日。

**第十七章** 約瑟長子馬拿西聖籤得業。馬拿西初生馬吉，馬吉生基列善戰，故得基列巴山地。馬拿西諸子亦得業，循其世系，卽亞庇以泄、希勒、亞士烈、示劍、希弗、示米大諸族，是皆約瑟子馬拿西子孫，循其世系。○馬拿西玄孫馬吉曾孫基列善、希弗子、西羅非哈無子有女，名馬拉、挪亞、曷拉密、迦得、撒命，就祭司以利亞撒及嫩之子約書亞，暨牧伯前曰：「耶和華諭摩西在兄弟中，以業給我，故賜以業，循耶和華命，除約但東基列巴山地外，馬拿西族得地十區爲業。」馬拿西諸子得基列地爲業，馬拿西女之業，亦在其中。○馬拿西之界自亞設至示劍前之密米大，北至隱大布亞，馬拿西族得大布亞地，惟界內之大布亞邑，歸以法蓮族。界至加拿溪南，上二邑雖在馬拿西地，俱歸以法蓮族。馬拿西界在溪北極於海，溪南屬以法蓮，溪北屬馬拿西，海爲西界，北有亞設，東有以薩迦爲界。在以薩迦及亞設業中，馬拿西得伯善，以伯蓮多耳，與其鄉里，亦得隱多耳。大納米吉多，三邑與其居民鄉里，馬拿西族不能逐是邑居民，故迦南人仍居其地。以色列族剛強徵貢於迦南人，不逐之盡。○約瑟子孫告約書亞曰：「我蒙耶和華錫嘏，成爲大族，何給我一區之地爲業？」約書亞曰：「汝族旣大，以法蓮山狹小，可入林中，在比哩洗哩之音地，而砍其木。」約瑟子孫曰：「山地不我足用，居伯善與其鄉里及耶斯烈谷之迦南人，皆有鐵車。」約書亞謂約瑟子，以法蓮馬拿西曰：「汝乃大族，亦有巨能，得地一區，尙爲不足。」山地與陵谷歸爾，可砍其林。迦南人雖

強而有鐵車，爾必能驅之。

第十八章 亞述王既服以色列會衆集於示羅而立會幕，在以色列族中支派有七，尙未得業。約書亞告以色列族曰：爾祖之上帝耶和華錫爾斯土，爾意寢息，尙未能得，將俟何時乎？宜簡各支派三人，我遣之週行斯土，使繪其形，計其大小，以復於我。宜分地爲七區，猶大族居南境，約瑟族居北境，其餘之地，必繪其形，分爲七區，以復於我。我爲爾掣籤，在爾上帝耶和華前。利未族在爾中，無土壤爲業，因祭司得人，所獻耶和華之物爲業。伽得流便二支派，並馬拿西支派之半，在約但東得耶和華僕摩西所賜之地爲業。所簡之人欲往，約書亞囑曰：汝週行其地，繪圖以復我。我在示羅，耶和華前，爲爾掣籤。其人遂往，週行其地，繪之於冊，以其邑鄉，分爲七區，歸示羅營。見約書亞、約書亞在示羅，耶和華前，爲民掣籤，循以色列族班列。○初掣籤，便雅憫支派循其世系得地，其境攝猶大族、約瑟族間，北界自約但至耶利哥，北、西、達山間，至伯大文野，由此至路斯南，卽伯特利，延亞大錄、亞達，至山之陽，近平原之伯和倫，其界環繞此山，由西及南，自伯和倫南之山，至基烈巴力，卽基列耶林，猶大族之邑，此其西隅。其界之南，自基列耶林盡處，西至尼弗多亞泉，又至便欣嫩谷前之山麓，卽哩之音谷北隅，下至便欣嫩之谷，在耶布士邑南，延宴羅結，又北至宴示麥，及基利綠，亞都冥岡相對之所，至流便子波罕之石。又北至亞拉巴，相對之所，後至亞拉巴，其界至伯曷拉北，出於鹽海之北澳，在約但河口，此其南界。東界約但河，以上所載，便雅憫族之業及其四境，循其世系，便雅憫族之邑，乃耶利哥、伯曷拉、基悉谷、伯亞拉巴、西馬臉、伯特利、亞文。

巴拉阿弗拉基法哈摩耐阿弗尼柳巴共十二邑與其鄉里。基遍拉馬庇綠密士巴基非拉摩撒哩金耳別大喇拉西拉以勒弗耶布士卽耶路撒冷基庇亞基烈共十四邑與其鄉里。以上所載便雅憫族之業循其世系。

○大掣籤乃西面支派循其世系得業在猶大族業內卽別是巴是巴麼拉大哈薩書亞巴拉亞森耳多臘伯突曷馬息臘伯馬嘉不哈薩蘇撒伯利包得沙魯險共十三邑與其鄉里亞因哩門以帖亞山共四邑與其鄉里以上諸邑與四周之鄉里至巴拉比耳及南隅之拉未俱歸西面支派循其世系西面族之業在猶大族業中蓋猶大族所受者甚廣故西面族得業在其中○三掣籤乃西布倫族循其世系得業其界自撒立西至於海經馬喇拉及大巴設至約念河自撒立東向日出之所至吉祿大泊界延大庇喇及耶非亞自此而往至基大希伯東又至以大迦汎及尼亞之哩門米脫北至哈拿頓及益弗大利之谷又至迦大拿哈臘仲崙以太拉伯利恒共十二邑與其鄉里上所載諸邑與其鄉里悉歸西布倫族循其世系○四掣籤乃以薩迦族循其世系得業其界自耶斯烈至基蘇律書念哈弗蓮示恨亞拿哈拉臘必基善亞別哩滅隱千寧隱哈大伯帕泄延大泊沙哈西馬伯示麥極於約但共十六邑與其鄉里以上所載諸邑與其鄉里俱歸以薩迦族循其世系○五掣籤乃亞設支派循其世系得業其界有黑甲哈哩庇田押殺亞拉米勒亞末米示押西至加密及示哈立納東至伯大公及西布倫延伯以墨及尼葉北之益弗大利谷極迦不左又至希伯崙哩合哈門加拿及西頓大邑經拉馬至推羅固城又至何薩極於

海又自海濱至亞革悉又至烏馬亞弗哩合共二十二邑與其鄉里上所載諸邑與其鄉里悉歸亞設族循其世系○六掣籤乃納大利族循其世系得業其界自希利弗及亞龍至撒南寧亞大米尼吉押業至拉金及於約但自此而西至押納大泊及戶割南至西布倫西至亞設東至鄰約但之猶大其邑垣乃西丁西明哈抹喇甲基尼烈亞大馬拉馬夏朔基特以得來隱夏朔以崙密大利何憐伯亞納伯示麥共十九邑與其鄉里上所載與其鄉邑俱歸納大利支派循其世系○七掣籤乃但之支派循其世系得業其界鎖喇以實道耳示麥沙拉濱亞耶倫葉拉以倫亭拿大以革倫利提基其庇頓巴拉耶合便比拉迦特臨門米耶君喇公與耶浮境但族之界狹小故攻利善而取之擊以刃據而居彼藉祖之名改利善曰但上所載諸邑與其鄉里歸但族循其世系○以色列族分地爲業循其境界既畢其事則於其中賜業與嫩之子約書亞以所求之邑卽以法蓮山之亭訥西拉與之循耶和華命約書亞重建其邑而居焉上所載祭司以利亞撒與嫩之子約書亞及以色列支派最著者掣籤分地爲業於示羅會幕門外耶和華前於是分地已畢其事。

耶和華諭約書亞曰告以色列族云昔我諭摩西必有數邑爲逋逃之藪今當立之使無知而誤殺人者可遁於彼遇被殺者之戚屬欲報其仇則以此邑爲逋逃之藪逃至此邑者必立邑門自訴於長老前長老接之安置邑中既誤擊同儕素無仇隙則被殺之戚屬追及長老不得以殺人者解與其手必居於邑中迨見鞠於會衆以俟在位之祭司長終則殺人者可歸故邑

故家○以色列族簡納大利山地、加利利之基特、以法蓮山地之示劍、猶大山地之基列亞巴、卽希伯崙、又簡約但外、耶利哥東流便平原所屬、在野之庇悉、伽得支派所屬、基列之喇末、馬拿西支派所屬、巴山之珂蘭、凡以色列族與其賓旅、誤殺人者、未見鞠於會衆、而被殺之戚屬欲報其仇、則可遁於斯邑、不致死亡、

利未族最著者、就祭司以利亞撒、與嫩之子約書亞、及以色列支派最著者、於迦南地示羅、告之曰、耶和華諭摩西以邑、郊賜我、及我牲畜、以色列族、由其業中、以邑、郊賜利未人、猶耶和華命、初掣籤、乃哥轄族得邑、其中祭司亞倫之子孫、既爲利未人、則掣籤而得在猶大西面、便雅憫、三支派中、十三邑、哥轄族諸子掣籤而得、在以法蓮、及但、二支派、馬拿西支派之半者、十邑、革順子孫、掣籤而得、在以薩迦、亞設、納大利、三支派、又在巴山地、馬拿西支派之半者、十三邑、米喇哩族、在流便、伽得、西布倫、三支派、得十二邑、以上所載諸邑、與郊、乃以色列族掣籤、予利未人、猶耶和華所諭摩西之命、○猶大西面、二支派、所予之邑、臚列於左、利未支派、哥轄族、亞倫子孫、首掣籤而得邑、乃猶大山地、基列亞巴邑、卽希伯崙及其郊、亞巴卽亞納父也、惟邑、郊之田、與其鄉里、咸歸耶孚尼子迦勒爲業、給祭司亞倫子孫者、希伯崙與其郊、爲誤殺人者、遁逃之數、又給立拿、與其郊、雅約與其郊、以實提摩、與其郊、何倫、與其郊、底必、與其郊、亞因、與其郊、若大、與其郊、伯示麥、與其郊、斯二支派、所給者、共九邑、便雅憫支派、給基遍、與其郊、基巴、與其郊、亞拿突、與其郊、亞勒門、與其郊、共四邑、於是祭司亞倫所得者、共十三邑、與其郊、○利未支派、哥轄諸子、亦

掣籤而得地。在以法蓮支派中所得者，乃以法蓮山之示劍與其郊，爲誤殺人者、逋逃之數，亦得基色與其郊，及先與其郊、伯和倫與其郊，共四邑。在但支派中得利提基與其郊，其庇頓與其郊，亞雅倫與其郊，迦特臨門與其郊，共四邑。在馬拿西支派之半，得大訥與其郊，迦特臨門與其郊，共二邑。哥轄族諸子所得者，共十邑，與其郊。馬拿西支派之半，給利未支派、革順族、巴山地之珂蘭與其郊，爲誤殺人者、逋逃之數，又給別提喇與其郊，共二邑。以薩迦支派給基順與其郊，大巴辣與其郊，耶未與其郊，隱干寧與其郊，共四邑。亞設支派給米沙勒與其郊，押頓與其郊，黑甲與其郊，哩合與其郊，共四邑。納大利支派給加利利之基特與其郊，爲誤殺人者、逋逃之數，又給哈末多耳與其郊，迦但與其郊，共三邑。革順族循其世系所得者，共十三邑，與其郊。○西布倫支派給利未支派之米喇哩族，約念與其郊，迦大與其郊，丁拿與其郊，拿哈辣與其郊，共四邑。流便支派給庇悉與其郊，雅哈撒與其郊，基底莫與其郊，米法押與其郊，共四邑。伽得支派給基列地之喇末，爲誤殺人者、逋逃之數，又給馬哈念與其郊，希實本與其郊，牙設與其郊，共四邑。於是利未支派、米喇哩族循其世系所得者，十二邑。以色列族業中，利未支派所得者，共四十八邑，與其郊。邑四周有郊，各邑皆然。以色列族得耶和華誓與其祖之地，據而居之。耶和華踐其所誓之言，以諸敵付於以色列族，無敵可禦，而於四周錫以平康。昔所許以色列族諸福，俱臨於上，無一遺焉。

第二十三章 約書亞召流便、伽得二支派、馬拿西支派之半，告之曰：「耶和華之僕摩西所諭及我所命，爾已遵行。爾之同儕歷久不遺，守爾上帝耶和華誠命禮儀，至於今日。今爾上帝耶和華踐

其前言，俾爾同儕安居，爾可歸幕。在約但東，耶和華僕摩西所給汝之業，惟當謹恪遵行。耶和華僕摩西所傳之誡命律例，愛爾上帝耶和華，恒從其道，恒守其誠，一心一意事之。約書亞爰爲祝嘏而遣之去，遂歸其幕。昔摩西在巴山地，賜業與馬拿西支派之半，尙有支派之半。約書亞賜業與之於同儕中，在約但西。約但東得業者，約書亞遣之歸幕，爰爲祝嘏。曰：汝得敵財豐裕，牲畜、金銀、銅鐵、衣服甚多，可歸爾幕，分貨財與兄弟。○於是流便、伽得二支派、馬拿西支派之半、離迦南之示羅別以色列族，歸其所得之業，在基列地。循耶和華所諭摩西之命，流便、伽得二支派、馬拿西支派之半，至迦南地。約但河濱，遂築高壇，以便觀望。○以色列族風聞流便、伽得二支派、馬拿西支派之半，在以色列族渡約但，與迦南地相對之處，業已築壇，故集會衆至示羅，欲與之戰。預遣祭司以利亞撒、子非尼哈，至基列地，見流便、伽得二支派、馬拿西支派之半，又遣各支派牧伯十人，乃以色列億兆中最著者，咸至基列地，見流便、伽得二支派、馬拿西支派之半，告之曰：耶和華會衆云：爾今日何干犯以色列族之上帝，不從耶和華，更築壇，違耶和華命。昔在比耳，我儕犯罪，耶和華降災會衆，至今罪未盡赦，其事豈微細哉。今日爾曹不從耶和華，違逆其命，恐明日耶和華怒以色列會衆，如爾所得之地，以爲不潔，則歸耶和華會幕所立之地，在我儕中得業亦可，但勿違耶和華及我。除我上帝耶和華壇外，勿更築壇。昔西喇孫亞干，豈非干犯所當獻之物，而降災於以色列會衆乎。其咎戾豈亞干獨亡乎。流便、伽得二支派、馬拿西支派之半，對以色列億兆族長曰：諸上帝之上帝耶和華，諸上帝之上帝耶和華知之。以色列族亦將知之。如我違逆于

犯耶和華，願無祐我。我雖築壇，如不欲從耶和華，或欲獻燔祭禮物，酬恩之祭於其上，願耶和華責我。我之築壇非無故也，恐爾後嗣謂我後嗣云：爾曹與以色列族之上帝何與？耶和華置約但爲界於爾我間。爾曹流便伽得二支派，與耶和華無與，如是爾後嗣將使我後嗣不畏耶和華。故我儕曰：不如築壇，非爲燔祭、祀品，但在爾我間，及爾後代我後代間爲證，使我役事耶和華。獻燔祭禮物，酬恩之祭於其前，則爾子孫不得謂我子孫云：汝與耶和華無與。故我曰：嗣後如有人以此言委我，或我子孫，則我可語，試視我祖所作耶和華壇之式，非爲燔祭、祀品，乃在爾我間爲證。我斷不可違耶和華，使不從其命，除我上帝耶和華幕前之壇外，勿更築壇，以獻燔祭、酬恩之祭。祭司非尼哈與牧伯及以色列億兆族長，聞流便伽得、馬拿西族之言，則悅。祭司以利亞撒子非尼哈告流便伽得、馬拿西族曰：我今日知耶和華祐我，因爾不違耶和華，如此則援以色列族免耶和華降災於我。○祭司以利亞撒子非尼哈與牧伯離基列別流，便伽得族歸迦南，見以色列族而覆之。以色列族聞言則悅，頌美上帝，遂不攻流便伽得族，以滅其地。流便伽得族名斯壇曰：證。蓋曰：耶和華爲上帝在我之間，以是壇爲證也。

耶和華使以色列族脫於諸敵安居斯土，歷日已久。約書亞壽高年邁，召以色列衆長老、牧伯、刑官、族長，告之曰：我壽高年邁，爾之上帝耶和華緣爾故而伐斯民，爾所目擊，蓋爾上帝耶和華助爾以戰，東自約但西至大海，我所滅之國，與所遺之民，我掣籤分其地，與爾支派爲業。爾之上帝耶和華將驅斯民於爾前，使爾據其地，以踐前言，故當自守，遵摩西律例所錄諸言。



不偏於左，不偏於右。勿與爾中之遺民往來，勿稱其上帝之名。毋指以誓，毋服事，毋崇拜。恒從爾上帝耶和華，如爾所行自昔迄今。較爾强大之民，耶和華逐之於爾前，無能禦爾。至於今日，是以爾中之人，一可驅千。蓋爾之上帝耶和華助爾以戰，踐其前言。故當謹恪愛爾之上帝耶和華。如爾反是，恒從爾中遺民，與之嫁娶往來，則當知爾上帝耶和華必不再驅斯民於爾前。斯民必陷爾於坎阱，為爾目中之刺，肘下之棘。迨爾滅亡，在爾上帝耶和華所賜之殃壤。今日我將逝世，無異凡民，乃爾一心一意，知爾上帝耶和華所許之福，萬無一失，毋或少遺。爾上帝耶和華所許諸福，既臨於爾，爾反其道，則爾上帝耶和華亦必使諸禍降臨。迨爾滅亡，在爾上帝耶和華所賜之殃壤。如爾背爾上帝耶和華所命之約，服事崇拜他上帝，則耶和華必震怒爾，使爾速亡，於其所賜之殃壤。

**第四章** 約書亞集以色列各支派至示劍，召諸長老、牧伯、刑官、族長，咸至上帝前。約書亞告民曰：以色列族之上帝耶和華云：亘古爾祖亞伯拉罕及拿鶴之父他拉，居大河東，服事他上帝。我攜爾祖亞伯拉罕，自大河東，導入迦南。賜生子以撒，增其苗裔。我使以撒生雅各，以掃以西耳山錫以掃為業。惟雅各與子孫往埃及。我遣摩西亞倫，更降災於埃及。後導爾出。爾祖既出，則至海濱。埃及人率車馬追爾祖。至於紅海，彼顛我時，我布黑雲於汝與埃及人間，使海水淹之。我於埃及所為，乃爾目擊。爾居野既久，我導爾至約但。東亞摩哩人地，彼與爾戰，我付之爾手。滅於爾前。據有其地。時摩押王西撥子巴勒攻以色列族，召庇耳子巴蘭，使咒詛爾。我不許巴蘭咒詛，反

使祝福，故爾得脫。爾渡約但，至耶利哥。耶利哥人與亞摩哩人比哩洗人、迦南人、赫人、革加西人、希未人、耶布土人攻爾，我付之爾手。我使大蜂驅亞摩哩二王於爾前，不藉爾刃。爾未耘之田，我賜於爾，未建之邑，爾居其中，未植之葡萄橄欖，爾食其果。故當眞實毋妄，畏耶和華而服事。昔在大河東與埃及國，爾祖所事之上帝，汝必去之，惟奉事耶和華。如事耶和華，爾視爲不善，今日簡所欲事者，或爾祖在大河東所事之上帝，或爾居斯土亞摩哩人之上帝，惟我與全家必事耶和華。民對曰：我斷不可違耶和華，事他上帝。蓋我上帝耶和華，導我祖與我出埃及，脫於賤役。行諸異蹟，俾我目擊，祐我於所行之途，拯我於所過之國。耶和華驅斯民於我前，亦驅斯土之亞摩哩人，故必事我上帝耶和華。約書亞曰：爾不能事耶和華者，以耶和華乃聖，斷不容以他上帝匹之，故不赦爾罪愆。如爾違耶和華，事他上帝，則祐爾之後，必反害爾，至於滅亡。民對曰：我必事耶和華。約書亞曰：爾簡耶和華而事之，爾自爲證。曰：我願自證。曰：汝中所有他人之上帝，今當去之，誠心相從。以色列族上帝耶和華。民謂約書亞曰：我欲奉事我上帝耶和華，而遵其命。是日約書亞與民立約，設法度禮儀於示劍。○以是言錄於上帝律例冊，立大石於橡下，近耶和華聖室。告民曰：我儕以此石爲憑，耶和華所諭我者，斯石聞之，如爾違爾上帝，可以此石爲憑。約書亞遂散民，各歸其業。○茲後，耶和華僕，嫩之子約書亞年百有十歲而死，葬於其業之隅，卽以法蓮山之亭訥西拉。迦實岡北。約書亞在時，以色列族事耶和華。約書亞沒，諸長老尙在，以色列族仍服事耶和華，以斯長老曾知耶和華助以色列事故也。○昔以色列族攜約瑟骨出埃及，今葬於示

劍在雅各向示劍父哈抹族捐百金所購之地爲約瑟後裔之業。亞倫子以利亞撒死葬於以法蓮山其子非尼哈所得之岡。

士師記

約書亞既沒，以色列族間於耶和華曰：孰可先往，代我攻迦南人。耶和華曰：猶大族可往。我以是地付於其手。猶大族告同儕西面族曰：爾與我同往，至所得之地，攻迦南人。其後我亦與汝偕詣爾所得之地。西面族從焉。猶大族乃往，耶和華以迦南人比哩洗人付於其手，在庇泄殺人一萬。卽於其處遇亞多尼庇泄，攻之。迦南人比哩洗人皆被殺戮。亞多尼庇泄遁，追而擒之，斷其手足之巨擘。亞多尼庇泄曰：昔我斷七十王手足之巨擘，使拾物於我几下。今上帝視我所行，報施於我。猶大族乃攜之至耶路撒冷，死焉。○猶大族攻耶路撒冷，而取其地，擊之以刃，燬之以火，遂往南方，與居陵谷之迦南人戰。攻居希伯崙之迦南人，殺示篩。亞希慢達買，昔希伯崙名基列亞巴。由此而往，攻底必人。昔底必名基烈西弗。迦勒曰：能擊基烈西弗而取之者，必以我女押撒妻之。迦勒弟基納有子阿得業，取其邑，故妻以女。女將于歸，請於夫曰：容我求父予我田疇，遂下驢。迦勒曰：爾欲何求？曰：欲爾錫嘏。昔以南隅之地予我，今贈我以泉，遂以上下泉予之。○基尼族摩西外舅裔也，離棗樹之邑，偕猶大族適亞臘南之猶大野，與民同居。猶大族與同儕西面族偕往，西法殺迦南人，翦滅其邑。昔西法名曷馬，猶大取迦薩，與其郊亞實基倫，與其郊以革倫，與其郊猶大族爲耶和華所祐，遂據山地，其不能逐居谷之人者，以有鐵車故也。以希伯崙子迦勒，踐摩西前言，迦勒逐亞納三子。○耶布士人處於耶路撒冷，不爲便雅憫族所逐，故得與之偕居。至於今日。○約瑟族往攻伯特利，耶和華祐之。約瑟族遣人窺察伯特利，昔伯特利名路斯。偵者

見人由邑出，謂之曰：是邑何由而入，請爾指示，我將矜恤爾。其人乃告以入邑之所，於是約瑟族擊其邑滅之，惟指示之人全家得釋。往赫人之地建邑，名之曰路斯，迄於今日，其名尚存。○伯善大納多耳以伯連米吉多及其鄉里之迦南人仍居斯土，馬拿西族不加驅逐。以色列族強盛，徵貢於迦南人，不逐之盡。迦南人之處於基色者，與以法蓮族偕居，不爲所逐。迦南人之處於吉倫與拿哈鹿者，與西布倫族偕居，不爲所逐，惟徵其貢。迦南人處於亞何、西頓、亞臘、亞革悉、黑巴、亞非革哩合之地，不爲亞設族所逐，與之同居。迦南人處於伯示麥、伯亞納之地，納大利族不加驅逐，與之同居，惟徵其貢。但之一族爲亞摩哩人所侮，逐之於山，不許下谷。亞摩哩人仍居希烈山，亞雅倫、沙押濱，旋受制於約瑟族，而納其貢。亞摩哩人界自亞克拉濱岡，由磐而上。

○**第三章** 耶和華之使自吉甲至普金曰：我導爾出埃及，入所誓爾祖之地，我嘗言與爾立約，不失其信，爾與斯土之民不可立約，必摧其壇，汝不遵命，果何爲哉。故我有言，必不驅逐斯民，使彼爲肘下之棘，彼之上帝陷爾於坎阱。耶和華之使以斯言告以色列族，民大聲號泣，名其地曰普金。普金譯在彼獻祭耶和華。○約書亞既散民，以色列族各歸其業，據有斯土。當約書亞之存日，民奉事耶和華，及其沒也，諸長老尚在，民仍服事，以長老曾目擊耶和華爲以色列族備行異蹟故也。耶和華僕嫩之子約書亞年百有十歲而死，葬於其業之隅，卽以法蓮山之亭納希烈。迦實岡北斯代之民咸返其本，至於後世，不知耶和華，亦不知其爲以色列族行諸異蹟，故行惡於耶和華。前事諸巴力，導其祖出埃及之上帝耶和華，反背之，四周民之上帝，則尊崇伏拜之，以是于耶和

華震怒。蓋背耶和華事巴力亞大綠。故耶和華怒以色列族。付於四周之敵。爲人所虜。莫能扞禦。無論所往。耶和華降以禍災。踐其囑昔發誓之言。民乃悚懼。耶和華挺生士師。援民於敵手。乃民不聽從。狗欲從他上帝。而伏拜之。其祖在昔。惟耶和華命是遵。及至斯民。違道甚速。耶和華既挺生士師。則祐彼拯民出敵手。至終其世。蓋民罹暴虐。號呼以顛。故耶和華中心惻焉。迨乎士師既沒。以色列族喪其心術。較之前人尤甚。從他上帝而伏拜之。強項不馴。弗改其非。耶和華震怒曰。昔我與以色列族之祖立約。惟彼違逆。不遵我命。故其他族類。約書亞在時。未行殲滅者。我必不驅逐。以試以色列族。果遵從我道。繩其祖武否。耶和華留是族。不速驅除。亦不以是族盡付約書亞手。

迦南之戰。以色列族中有未見其事者。耶和華欲其練習武備。亦欲試以色列族。故遺數族於此。其名臚列如左。非利士人之五伯。迦南人。西頓人。居利巴嫩山之希未人。自巴力黑門至哈末道。此數族者。留之以試以色列族。果聽從耶和華。遣摩西諭厥祖之命否。以色列族偕迦南人。赫人。亞摩哩人。比哩洗人。希未人。耶布士人同居。取其女爲妻。以女適其子。亦服事其上帝。以色列族行惡於耶和華前。忘其上帝耶和華。事諸巴力亞大綠。故耶和華怒以色列族。付之於米所波大米王。古山哩薩田。爲其役事。凡歷八年。以色列族願耶和華。耶和華挺生迦勒弟。基納之子。阿得業。援以色列族。耶和華之神感之。爲以色列族士師。導之以戰。耶和華以古山哩薩田付於其手。使之獲勝。自是以後。其地悉平。歷四十年。基納子阿得業死。以色列族又行惡於耶和

華前故耶和華使摩押王厄倫強盛聚亞捫亞馬力二族攻以色列族據有棗城以色列族服事厄倫歷十有八年厥後呼籲耶和華耶和華挺生救主卽便雅憫族其喇子以忽彼用左手較爲便捷以色列族托以禮物使饋於摩押王厄倫以忽乃作劍其長徑尺繫於右股衣內以禮物賚摩押王厄倫厄倫體甚肥胖以忽進禮已畢則遣負禮物者去自往吉甲至有雕刻形之處而反奏於王曰我有密事欲以上告王欲靜謐屏其侍從以忽乃前王獨坐於涼室以忽曰我奉上帝命有事告爾王起以忽以左手取劍於右股際刺王之腹并陷其柯刃爲脂所蒙不得出乃由後而出以忽閉室上榱繞廊以去旣去王臣至見門閉上榱意謂王寢於涼室俟久懷疑室門不啟故取鑰而啟之見主已死偃仆於地濡滯間以忽已遁過雕刻之形避於西臘在以法蓮山吹角以色列族下山以忽導之曰爾從我後耶和華以爾敵摩押人付於爾手民從之在摩押相對之所據約但津不容一人得濟殺摩押壯士以萬計靡有孑遺當時摩押人服於以色列族其地悉平歷八十年厥後亞拿子山甲以牛杖殺非利士人六百援以色列族

羅設之西西喇爲其軍長備有鐵車九百慮遇以色列族歷二十年以色列族籲耶和華當時拉比脫妻先知婦底破喇爲以色列族士師居以法蓮山拉馬伯特利間底破喇之棗樹下以色列族赴之聽其折中彼自納大利基特召亞庇娜暗子巴勒至謂之曰以色列族上帝耶和華諭云爾取納大利西布倫二族萬人適大泊山我必使耶賓軍長西西喇率車與衆至基順河與爾相

遇以之付於爾手。巴勒曰：爾偕我往則往，不偕我往則不往。曰：我誠與爾偕往，然爾雖往，不獲顯榮。蓋耶和華將以西西喇付於婦女之手。底破喇起，偕巴勒往基特。巴勒集西布倫、納大利二族至基特，率軍一萬。底破喇偕行。摩西戚屬何巴之後裔基尼人希百曾離基尼族，張幕於附基特之撒拿音平原，或以亞庇娒暗子巴勒適大泊山，告西西喇。西西喇集鐵車九百，與其軍旅由外邦之夏羅設至基順河。底破喇告巴勒曰：爾當起，耶和華已先爾而行。今日必以西西喇付於爾手。巴勒下大泊山，萬人隨之。耶和華助巴勒，使敗西西喇車騎及眾，悉潰亂焉。西西喇棄車，徒行而遁。巴勒追襲其後，至外邦之夏羅設。其諸軍旅殲滅以刃，靡有孑遺。當時夏朔王耶賓與基尼人希百家仍修舊好，故西西喇徒步及希百妻雅億之幕。雅億出迓，告之曰：我主毋畏，請止步履，以入我幕。既入，雅億覆之以衾。西西喇曰：我渴，請飲我勺水。遂啟革囊，以乳飲之，仍以衾覆。又曰：汝立於幕門，如有詢爾者，有人於此，否？爾必曰：無之。西西喇憊甚而寢。時希百妻雅億取幕釘與椎，徐步以前，以釘貫首，在其鬢際，鈔之於地，以致之死。巴勒追至，雅億出迓曰：來，我以爾所求者示爾。入幕見西西喇已死，釘貫於首，深入鬢際。如是上帝助以色列族，敗迦南王耶賓。以色列族較昔愈強，戰迦南王耶賓而獲勝，至於殲滅乃已。

**第五章** 底破喇與亞庇娒暗子巴勒謳歌曰：以色列族之巨魁，率其眾旅，民樂從焉，故頌美耶和華。列王其俯聞，諸伯其傾聽，我必謳歌頌耶和華。讚以色列族之上帝。耶和華自西耳地出，由以東田來。斯時也，地震天漏，密雲零雨於以色列族。上帝耶和華前山嶽震撼，西乃其頽。當亞拿子



山甲及雅億時，人不敢由通衢，乃由曲徑。以色列中無長者，迨我底破喇生，爲以色列族之母。在昔斯民，特簡素所未識之上帝，於是戰鬪及於門內，當此之時，以色列族四萬人中，欲求一千戈而不得。以色列族之牧，與樂從之民，我心愛之，而頌美耶和華。凡乘白驢坐氍毹，行通衢者，咸應謳歌。其聲如人於引水之處，分其所得而歡呼。耶和華民復入邑門，故頌耶和華之義。以色列諸長之義，底破喇其興歟，寤而謳歌。巴勒其起歟，亞庇挪暗子其虜爾敵。維彼有能之士，所遺之衆宜至焉。我在英武之中，耶和華民應歸焉。以法蓮族乎，爾來自亞馬力山，其次則便雅憫族。雜於爾民中，牧伯由馬吉以至，元戎自西布倫而來。以薩迦長者，左右底破喇。以薩迦族從巴勒，徒行於谷。流便族深自圖維，居於溪濱。爾何處於藩間，豈欲聽牧羊者吹笛乎。流便族深自圖維，居於溪濱。基列處約但東，但族駕舟，亞設族駐海濱，仍居於澳。惟西布倫族冒死而不顧，納大利族適彼高岡，迦南列王咸至，戰於大納及米吉多。水貨財之屬，毫無所得。以天垂象，攻西西喇。基順之河，自昔著名，河中之水，盡漂其衆。彼雖有能，我履其上。有能者行甚迅速，馬蹄蹴於途間。米羅斯民不從有能者，以助耶和華。故耶和華之使者曰：必詛米羅斯，詈以厲詞。基尼人希百妻雅億，最爲寵幸，冠於諸女。婦女之居幕者，惟彼見寵。西西喇求水，彼給以乳，以酥予之。盛於長者之盂。左手執劍，右取巨椎，以鈿其首，深入鬢際，擣而碎之。在其足前，卷曲不起。既不起於足前，卷曲而死。西西喇之母，倚窗而望，由櫺而呼，何其車轍之遲至，何其車聲之未聞。侍女之賢者，慰之。西西喇母自言曰：豈非有虜而羣分所獲，各得一二女乎。西西喇得彩衣文繡，以飾其項乎。願耶和華諸

敵如此危亡，願愛爾者愈顯其榮，如日方升。○嗣是以後其地悉平，歷四十年。

**第六章** 以色列族復行惡於耶和華前，耶和華以之付於米田族手。凡歷七年，既爲米田族所敗，遂營山窟，居巖洞，扼其險要。以色列族耕稼既畢，米田亞馬力與東方之人，咸來攻擊，建置營壘。凡土所產，悉被斬艾，至於迦薩。以色列族食物無存，牛羊與驢亦盡。敵與駱駝、牲畜、帷幕，如蝗衆多，不可勝數。既至，欲滅斯土。以色列族緣米田人故，匱乏特甚，呼籲耶和華。耶和華遣先知者，告以色列族曰：以色列族之上帝耶和華云，我導爾出埃及，脫爾於賤役，援爾出埃及，及人與諸敵手，驅其民人錫以土地。告爾曰：我爲爾之上帝耶和華，毋畏斯土亞摩哩人之上帝，惟汝不遵我命。耶和華之使至阿弗拉，坐亞庇以泄。人約押椽下，適約押子其田，樸麥於醋旁，不欲爲米田人所知。耶和華之使顯現曰：英武哉若人，耶和華祐爾。其田曰：我主歟，如耶和華祐我，奚至所遇若此。我嘗聞我父之言，昔耶和華導我族出埃及，今其異蹟安在。斯時耶和華遺棄我，付我於米田人手。耶和華眷顧之曰：今遣爾往，爾必有能，將拯以色列族，脫於米田人之手。爾其往哉。曰：我主歟，馬拿西族中我家貧乏，我父之家我又至微，焉能拯以色列族乎。耶和華曰：我左右爾，爾將擊米田之衆，與擊匹夫無異。曰：如我蒙恩於爾前，請示以徵，則知爾誠諭我者也。請勿去待我，復至陳禮物於爾前。曰：我必待爾。其田往，備山羊之羔，取麵六斗，作無酵餅，置肉於筐，盛湯於壺，至於椽下。獻之上帝之使者曰：取肉與餅，置於磐上，以湯斟之。乃如命以行。耶和華之使，以所執之杖，按肉與餅，火自磐出，肉與餅悉被爇。耶和華之使遂往，不復見。其田乃知誠耶和華之使，則曰：我

主耶和華歟我與耶和華使者晤對將若何耶和華曰安爾心毋畏爾可不死其田築壇奉事耶和華名之曰耶和華沙林耶和華沙林譯即耶和華錫我緩安斯壇在亞庇以泄人之阿弗拉迄今尚存迨夕耶和華諭之曰取爾父之櫃其外更備一牛必盈七歲者爾父所築巴力之壇爾必摧之并斫其旁之偶像爾於磐上曾列燔柴即於斯處築壇奉爾上帝耶和華燔牛爲祭斫偶爲柴其田簡僕十人遵耶和華命而行但畏父家與邑衆不敢畫作故夤夜以行邑衆夙興見巴力之壇已傾在旁之偶已斫七歲之牛已獻於新築壇上則相問曰行此者誰亟爲諮詢乃知約押子其田所作邑衆告約押曰巴力之壇爲爾子傾圮在旁偶像亦被所斫當攜出殺之約押對曰汝欲爲巴力訟乎抑爲之援手乎如人欲爲之訟則其人必見殺於今晨如巴力爲上帝既傾其壇則巴力可以自訟於是人以耶路巴力名其田曰既傾巴力壇由巴力自訟○時米田亞馬力與東方之人咸集濟河建營於耶斯烈谷耶和華之神感其田使吹角集衆亞庇以泄族從焉遣使者遍告於馬拿西族使之相從又遣人至亞設西布倫納大利咸出以迎其田求上帝曰爾嘗有言必假手於我援以色列族今我以綿羊毛一束置於禾場如露獨在羊毛而四周之土仍燥則知爾將藉手於我拯以色列族踐爾前言詰朝其田夙興取羊毛而絞之揉露盈盂其田求上帝曰毋震怒我敢復進一辭而後已請再試之我欲羊毛無露而四周之土有露是夜上帝如言而行羊毛無露而四周之土露無不偏

耶路巴力即其田與其從者夙興建營附哈律泉米田營在摩哩山谷即哈律泉之北耶

和華諭其田曰、從爾者過衆、如我以米田人付於其手、恐以色列族必自誇詡、違逆乎我、謂己有能、是以得救。當告民云、如有畏葸恐懼者、速歸基列歸者二萬二千留者一萬、耶和華諭其田曰、從者猶衆、導至永濱、我爲爾試之、可偕爾行者則與之偕、不可偕爾行者則不與之偕、爾當悉循我所示焉。遂導民至永濱、耶和華諭其田曰、凡以手取水而飲、如犬之以舌取水而飲者、必歸一處、凡跪而飲者、亦必區別。於是以手取水而飲者計三百人、其餘皆跪而飲。耶和華諭其田曰、我必使以手取水而飲之三百人救爾付米田人於爾手、可使餘民俱歸其所、三百人取餼糧與角、以色列族之餘民、其田使之歸於故幕。○米田營在谷、是夜耶和華諭其田曰、爾可速下、適於敵營、我以之付於爾手、如爾畏葸、不敢往攻、則攜爾僕部喇、先適彼營、聽衆所言、後卽遇敵、可強乃志、其田與其僕部喇遂下、至營之極處、近於行伍。米田亞馬力與東方之人、偃臥於谷、如蝗衆多、其駝無數、如海濱之沙。其田既至、有人以夢告同儕曰、我夢薺麥圓餅一、旋轉入米田營、至於一幕、傾而覆之、同儕曰、此無他、乃以色列人約押子其田之刃、蓋上帝以米田軍付於其手、其田聞夢及詳夢之言、則崇拜上帝、歸於以色列營。曰、起、耶和華曾以米田軍付於爾手、分三百人爲三隊、使各執角、亦攜空甕、藏火炬於其中、告之曰、當觀法於我、我至營外、所行之事、汝必則效。我與從者百人至營外、吹角破甕、左執炬、右執角、呼云、耶和華及其田之刃、各立其所。當敵營之四周、敵呼而遁。三百人吹角、耶和華使遍營之人、自相攻擊、敵衆奔至西哩勒之伯示

大又至亞伯米何拉界之大八以色列族之納大利亞設馬拿西支派俱集追襲米田人其田遣人遍告於以法蓮山曰汝來攻米田人乘其未至取伯巴喇及約但津以法蓮族集其衆取伯巴拉及約但津擒米田二伯阿立西邑殺阿立在阿立磐殺西邑在西邑醢取其首級攜至約但外遞於其田仍率其衆襲米田人之後。

○第廿章以法蓮人謂其田曰爾初往攻米田人曷不招我何待我如是遂切責之其田曰我之所爲與爾所爲焉能比較亞庇以泄之斂取葡萄不及以法蓮之採遺實也上帝以米田二伯阿立西邑付於爾手我之所爲焉能相及以法蓮人聞言怒息其田與從者三百人至約但濟河雖困憊已甚仍追其敵請於數割人曰我追米田二王西巴撒門拿從者已億請給以餅數割伯曰西巴撒門拿爾豈能擒之乃使我以餅給爾軍乎其田曰如耶和華以西巴撒門拿付於我手則我必取野棘置於打穀之具以擊爾體由此而往至便奴利亦如是以請便奴利人答之一如數割人其田謂之曰我凱旋時必毀此臺東方人之軍旅死者十有二萬其餘一萬五千從西巴撒門拿在迦谷宴然無懼其田由挪巴約庇哈東從居幕者之道往擊其營西巴撒門拿奔其田追之擒米田二王而敗其軍約押子其田獲勝自夏臘岡而歸執數割人少者詢之使書數割伯與其長老之名凡七十七人遂至數割語其人曰昔爾斥我謂西巴撒門拿我不能擒不肯以餅餉我困憊之軍今西巴撒門拿在此遂取數割長老以野棘置於打穀之具而責之毀便奴利之臺殺其邑人問西巴撒門拿曰爾在大泊所殺者其人果何若乎曰其威儀俱似王子髣髴乎爾曰是

我同母兄弟也。我指耶和華以誓。如昔爾未喪其命。則我今日亦不殺爾。諭長子益帖曰。爾起殺之。其子尙幼。畏懼不敢拔刃。西巴撒門拿曰。爾年既壯。力亦相稱。何不自起擊我。其田遂起殺西巴撒門拿。奪其駝項懸金。形如月弦。○以色列族謂其田曰。爾既救我。脫於米田人手。則爾與子孫治理我儕。其田曰。我不治爾。子孫亦不治爾。治爾者乃耶和華也。敵人乃以寶馬利後裔。故有金環。其田謂民曰。我求爾衆以所得之鼻環給我。曰。固我所願。遂布衣於地。各以所得鼻環擲於其中。除米田王所佩之金。形如月弦。所垂之耳環。所衣之赤衣。及駝項之金索。而外。其田所得之金環。重八百五十兩。用之作公服。置於己邑。阿弗拉。以色列族狗欲崇事公服。陷其田。與其家於坎阱。職由斯故。自是以後。米田人服於以色列族。不再振興。其田在日斯土息戰。歷四十年。約押子耶路巴力。卽其田。居於宅第。娶妻甚衆。生子七十。有妾在。示劍生子名亞庇米力。約押子其田壽高而逝。葬於父約押墓。在亞庇。以泄族之阿弗拉。○其田既沒。以色列族狗欲從諸巴力。以巴力比耳爲其上帝。以色列族不復憶念。救彼脫於四方敵人之上帝耶和華。亦不厚待耶路巴力。卽其田家。不酬其恩。

耶路巴力子亞庇米力往於示劍。見母之兄弟及母之族黨。請問於示劍之衆。耶路巴力之七十子轄爾。與一人轄爾。孰善。亦當念我與爾乃骨肉之親。母之兄弟以此言告於示劍之衆。僉曰。斯乃我兄弟也。遂心向亞庇米力。巴力庇立殿。故有金。遂取七十子之。使用此以結納遊蕩之徒。爲其僕從。亞庇米力往阿弗拉。入父家。取其兄弟七十人。殺於一石上。皆耶路巴力子也。所

遺者惟季子約坦而已，因其自匿也。示劍人與米羅一族咸集，立亞庇米力爲王，在示劍汎之椽下。約坦聞之，立於其哩心山巔，厲聲呼曰：「示劍人尚聽我言，則上帝亦垂聽爾言。」昔諸樹欲膏一樹，立之爲王，謂橄欖曰：「汝其轄我。」曰：「我果可以製油，供於上帝，利及人民，豈能棄此以轄樹乎？」諸樹謂無花菓曰：「汝其轄我。」曰：「吾味甚甘，我果甚嘉，豈能捨此以轄樹乎？」諸樹謂葡萄曰：「汝其轄我。」曰：「我果可以製酒，以悅上帝，以娛人民，豈能棄此以轄樹乎？」諸樹謂棘曰：「汝其轄我。」曰：「如爾誠欲膏我，立我爲王，當藉我陰爲蔽，不然願火自棘出，燬利巴嫩之栢香木。」今爾立亞庇米力爲王，如爾作爲眞實無妄，善待耶路巴力與其家衆，酬其夙恩，則可喜悅。蓋我父爲爾戰鬪，冒死不顧，援爾出米田人手，惟爾今日攻擊其家，取其子七十人，殺於石上，立其婢之子亞庇米力爲示劍王，豈非爲爾兄弟之私乎？如爾今日所爲，待耶路巴力與其家衆，眞實無妄，則願爾以亞庇米力爲悅，亦願亞庇米力以爾爲悅。不然，願火自亞庇米力出，燬示劍人與米羅族，亦願火自示劍人及米羅族出，燬亞庇米力約坦，畏其兄亞庇米力，故奔至庇耳居焉。○亞庇米力統轄以色列族者三年，後上帝以生蠶之心置於亞庇米力及示劍人之衷，於是示劍人欺亞庇米力。昔亞庇米力殺其兄弟七十人，悉屬耶路巴力之子，助其虐者，示劍人焉。故殘忍之罪均歸之。示劍人使人伏於山巔，以伺亞庇米力，凡行其途者亦被劫，或以告亞庇米力，以別子伽勒與其同儕。至於示劍，示劍人恃其強，往於田間，斂取葡萄，釀之入其上帝之殿，頌美飲食，而詛亞庇米力。以別子伽勒曰：「亞庇米力爲誰，示劍之主爲誰，曷爲事之，其父豈非耶路巴力乎，其督豈非西不乎，莫若事

示劍父哈抹之族爲善。願斯民歸我掌握。我必除亞庇米力。又告亞庇米力曰。當益爾軍而出。邑長西不聞以別子伽勒言則怒。私遣人至亞庇米力曰。以別子伽勒與其同儕。至示劍。慫恿邑衆欲攻擊爾。爾與從者。何不夜起。伏於田間。詰朝日出之時。爾當夙興。攻其城垣。彼與從者。出攻爾衆。則見機而作。亞庇米力與從者夜起。分兵四隊。伏於示劍四周。以別子伽勒出。立於邑門。亞庇米力與從者。自伏處並起。伽勒見衆。謂西不曰。有人自山嶺而至。西不曰。爾見山影。誤以爲人。伽勒復曰。有人自岡而下。又有一隊。自滿尼寧椽而至。西不曰。爾昔言亞庇米力爲誰。曷爲事之。至於今日。爾之前言何在。此非爾所蔑視者乎。今可出而與之戰。伽勒率示劍人出。與亞庇米力戰。亞庇米力敗之。伽勒從者多被殺戮。奔至邑門。亞庇米力居亞魯馬。西不逐伽勒與其同儕。不容之。居示劍。明日民將往於田。或以告亞庇米力。亞庇米力令從者分爲三隊。伏於田間。待民出邑。則起而攻之。亞庇米力率其隊。馳驟以前。立於邑門。其餘二隊。攻田間之民而殺焉。亞庇米力攻邑。竟日而取。殺其居民。傾其城垣。布之以鹽。守示劍臺者聞此。則入巴力上帝之衛所。有以示劍臺之人已集一處。告亞庇米力。亞庇米力與其從者。陟撒們山。執斧斫樹枝柯。以肩負荷。諭從者曰。見我所爲。爾其速效。從者各斫枝柯。從亞庇米力。置於衛所。縱火焚之。於是守示劍臺諸男女俱死。計一千人。亞庇米力往提拜士。建營而取之。邑中有臺。鞏固特甚。邑民男女奔入。登臺而閉其門。亞庇米力至臺前。攻之。近於臺門。欲焚以火。有婦取磨石之上層。擲於亞庇米力首。破其頭。顯亞庇米力速招持兵之士。謂之曰。恐人云。我爲婦所戮。汝其拔刃刺我。士遂刺之而死。以色列



族見亞庇米勒已死，各歸其所。如是亞庇米勒逆父殺兄弟七十人，上帝視其罪而報施焉。示劍人之惡，上帝亦報之。耶路巴力子約坦之詛臨其上。

亞庇米勒後，以薩迦人多多孫部亞子陀拉挺生，居以法蓮山之沙蜜，救以色列族。爲士師於以色列族，歷二十三年，死而葬於沙蜜。其後，基列人睚耳爲士師於以色列族，歷二十二年，有子三十，乘小驢三十，治邑三十，俱在基列地。名曰睚耳鄉里，迄於今日，其名尙存。睚耳死，葬於迦門。○以色列族再行惡於耶和華前，奉事巴力亞大綠及叙利亞人西頓人摩押人亞捫人非利士人之上帝，棄耶和華而不服事。耶和華震怒，付之於非利士人及亞捫人手，彼暴虐挾制居基列。約但東亞摩哩人地之以色列族，歷十八年。亞捫族亦渡約但，攻猶大便雅憫，以法蓮族，以色列族，棟懼。願耶和華曰：舍我上帝，服事巴力，我實有罪。耶和華諭以色列族曰：我豈非拯爾於埃及人亞摩哩人亞捫人非利士人者乎？昔西頓人亞馬力人馬雲人虐爾，爾願時，我援爾於其手。汝乃棄我，事他上帝，故不復救爾。爾所簡之上帝，爾可願之，使彼拯爾於難。以色列族曰：我已犯罪，任爾譴責，惟祈今日得救爲幸。遂去他上帝，事耶和華。耶和華見以色列族困苦，則中心愀然。當時亞捫族集，建營於基列。以色列族集，建營於米斯巴。基列民及其長相議曰：誰先戰亞捫族，必爲基列民之救。

昔基列狎妓，生耶弗大，甚英武。基列妻亦生子，嫡子既長，逐耶弗大，謂之曰：汝乃賤者之子，不可嗣業於我家。耶弗大避兄弟，居於奪地，游蕩之徒歸之，爲其僕從。他日亞捫族與以色列

列族戰。基列長老往奪地，招耶弗大曰：汝來爲我軍長，以攻亞捫族。耶弗大曰：汝非憾我，逐我於  
父家乎？今遭患難，乃相就耶。基列長老曰：我今就爾，請爾偕行，以攻亞捫族，而爲基列人長。耶弗  
大曰：如爾導我旋歸，使攻亞捫族，而耶和華以之付於我手，則爾其以我爲長乎？曰：爾我聞耶和  
華爲證，我從爾言。耶弗大與基列長老偕行，述此言於米斯巴。耶和華前民遂立之爲軍長。耶弗  
大遣使者至亞捫族，告其王曰：我與爾何與？爾至斯土，攻我曷故？亞捫族之王告其使者曰：以色  
列族出埃及時，奪我土地，自亞嫩至雅伯及約但。今以斯土反我，則兵可罷耶。耶弗大復遣厥使告  
亞捫族之王曰：耶弗大云：摩押與亞捫族之地，以色列族未嘗奪之。初以色列族出埃及，經紅海，  
過曠野，至迦鐵，遣使告以東王曰：盍容我過爾境。以東王不允，復遣使至摩押王，告以是言，亦不  
允。故以色列族居於迦鐵，遂巡曠野，環以東摩押境。至摩押東隅，建營於亞嫩外，不入其國。蓋摩  
押以亞嫩爲界。以色列族遣使告都希實本之亞摩哩王西宏曰：盍容我過爾境，以歸我土。西宏  
不許，乃集衆民，建營雅哈斯，與以色列族戰。以色列族之上帝耶和華，以西宏及其人民付於以  
色列族手，使之攻擊，據有其地。得亞摩哩境，自亞嫩至雅伯，自曠野至約但。但是則使民得亞摩哩  
人之地者，乃以色列族之上帝耶和華也。爾豈能得斯土乎？爾之上帝基抹錫爾之地，爾可得之。  
我之上帝耶和華錫我之地，我亦得之。昔摩押王西撥子巴勒，未嘗攻以色列族，與之戰鬪，爾豈  
愈於彼乎？以色列族嘗居希實本，與其鄉里亞羅耳，與其鄉里沿亞嫩諸邑，歷三百年。當此之時，  
爾何不拯其邑乎？乃我未嘗獲罪於爾，爾反攻我，殊悖於理。夫鞫人之是非者，耶和華也。今在，以

色列族亞捫族間願彼折中之亞捫族王不聽使者所言於是耶和華之神感耶弗大使巡基列馬拿西二地又巡基列之米斯巴自此而往至亞捫族耶弗大許願於耶和華前曰如誠以亞捫一族付於我手則當我凱旋之時凡出我門以迓者我必以彼燔而獻於耶和華遂抵亞捫族攻之耶和華付於其手自亞囉耳至米匿及葡萄平原共擊二十邑大戮其衆於是亞捫族咸服耶弗大止育一女別無所出既至米斯巴反其故家來迓者惟此女執鼓舞蹈而出耶弗大見之則裂衣曰嗚呼我女汝加禍於我遺累於我我許願於耶和華前不能食言曰吾父歟爾在耶和華前既許其願則可踐爾所言蓋亞捫族爲爾敵耶和華賜爾雪其忿怒又謂其父曰請呈一辭既終身不字請假我二月偕我同儕登山哀哭曰去遂遣之以二月爲期與其同儕爲終身不字之故陟山哀哭既盈二月女乃旋歸父循其所許之願使不字而終嗣後以色列族女子每年必爲基列人耶弗大女哀哭四日遵爲常例

以法蓮人咸集往北謂耶弗大曰爾往攻亞捫族不招我偕往曷故我必燬爾及爾家室耶弗大曰我與我民與亞捫族有讐曾來招爾爾不我救我見無援故冒死不顧往攻其族而耶和華以之付於我手迄於今日爾反來攻是誠何歟以法蓮人嘗曰基列人自以法蓮族連逃於外處以法蓮馬拿西族間故耶弗大集基列人與以法蓮人戰攻擊其衆以法蓮相對之所有約但津基列人據之以法蓮人遁逃欲濟基列人問曰汝爲以法蓮人否有言否者則曰試言示破列如音不相符而言西破列者則津旁執而殺之時以法蓮族死者四萬二千人基列人耶弗

大爲士師於以色列族。歷六年而沒，葬於基列邑。○其後伯利恒人益撒爲士師於以色列族。歷至七年，有子三十，女三十，女皆適人，子皆娶媳。益撒死，葬於伯利恒。其後西布倫人以倫爲士師於以色列族。歷至十年，死而葬於西布倫之亞雅倫。其後比喇頓人希列子押頓爲士師於以色列族。歷至八年，有子四十，孫三十，俱乘小驢七十，押頓既沒，葬於以法蓮地亞馬力山之比喇頓。

第十三章 以色列族再行惡於耶和華前。耶和華付之於非利士人手。歷四十年。但之支派，鎖喇人名馬挪亞，其妻不妊，故無出。耶和華之使顯現於馬挪亞妻，曰：汝素不妊，而無生育，今可懷妊生子。爾當謹恪，清酒醇醪毋飲，不潔之物毋食。爾既懷妊生子，薙髮之刀不加其首，彼自生時，必離世。故奉事上帝，拯以色列族於非利士人手。婦至告夫曰：上帝有僕就我，其容可畏，髻鬚上帝之使，我不問其何自，彼不以名告我。乃告我曰：爾將懷妊生子，清酒醇醪毋飲，不潔之物毋食。蓋爾子必離世，故奉事上帝，以畢其生。馬挪亞祈於耶和華曰：我主歟，上帝之僕，爾適所遣者，容之。復至，將生之子，若何相待，請其教我。上帝允所祈，婦坐於田，使者就之，夫不在側。婦趨告夫，曰：昔就我者，今復顯現。馬挪亞起，隨婦詣其人，曰：昔與婦言者，果爾歟。曰：是也。馬挪亞曰：願有效驗，如爾所言。我待斯子，當循何例，其所行若何。耶和華之使者曰：我昔所告，婦當謹恪，凡葡萄樹所產及清酒醇醪，毋飲，不潔之物毋食。我所諭者，婦必恪守。馬挪亞曰：爾請少留，待備羊羔而後去。蓋馬挪亞不知其爲耶和華之使也。使者謂馬挪亞曰：爾雖欸留，不食爾餅，如爾欲奉燔祭，必獻於耶和華。馬挪亞曰：請告我以名。爾言有應，我則尊爾。耶和華之使者曰：我名神妙不測，何詢之有。

馬挪亞取羊羔禮物陳於磐上以獻耶和華使者所行神妙不測馬挪亞與其妻並見壇上之火烟焰上騰耶和華使者乘之而昇馬挪亞與妻見此俯伏於地耶和華使者不復顯現於二人前馬挪亞既知誠爲耶和華使者則語其妻曰我儕親上帝必致死亡其妻曰如耶和華意欲殺我則所獻之燔祭禮物必不悅納亦不示我以此事告我以斯言婦生子命名參孫少長耶和華錫嘏焉耶和華之神隨時感之在馬哈尼但卽鎖喇以實道間

第十四章參孫往亭訥見非利士人之女反告父母曰我在亭訥見非利士人女願爲我娶之父母曰爾同儕同族中豈無女乎非利士人未受割禮何娶其女乎參孫告父曰我悅斯女請爲我聘蓋是時以色列族爲非利士人所轄參孫父母不知斯事由於耶和華使參孫與非利士人生其罅隙參孫與父母偕往亭訥至葡萄園有穉獅哮吼以迎參孫爲耶和華之神所感雖不執器亦剖獅腹如剖羔羊不以所行告其父母遂往偕婦談言意甚悅之越數日復至欲娶斯女轉由途側以觀獅尸見羣蜂與蜜在其中乃取之且行且食至父母所亦予之食不以取蜜之故告父詣女所參孫循少者之例肆筵設席人見參孫則簡同儕三十人以與之偕參孫曰容我以隱語相試如宴間七日果能詳釋我必取布三十端衣三十襲以饋於爾浸假不能爾必饋我亦如此數僉曰可盍題隱語使我聞之曰自食者出食自強者出甜同儕歷三日不能解其意越至七日謂參孫妻曰可飭爾夫使詳隱語不然我必燬爾及父家室爾來邀我非欲得我所有乎參孫妻哭於參孫前曰汝惟憾我絕不戀愛爾以隱語試我同族而不告我曰我未告父母豈告爾乎妻

哭於前，歷宴之七日，既屆其期，因妻相迫，乃以隱語告妻，妻以告同族。七日，日未入時，邑人告之曰：孰甜於蜜，孰強於獅？參孫曰：如不用我憤而耕，則我之隱語曷由知乎？參孫感於耶和華之神，遂往亞實基倫，殺三十人，褫其衣，以給詳隱語者。參孫怒甚，反於父家。其妻爲同儔所取。

第五十三章 厥後麥秋至，參孫以羔羊饋妻，曰：吾將入室，與妻相見，妻之父不許，曰：我意爾憾之，故適爾，同儔其妹尤美，可娶以代。參孫自言曰：我今薄待非利士人，由彼自取，我無過焉。遂往，執狐三百，以尾相繫，置火炬於二尾間，火炬既燃，驅入非利士人禾稼，凡禾稼露積，以及葡萄橄欖，悉被燬。非利士人問曰：行此者誰？有曰：亭訥人之壻。參孫行此，因亭訥人以其妻歸於同儔故也。非利士人遂焚亭訥人與其女。參孫曰：爾雖行此，我必再報斯仇而後已。遂擊非利士人，尸相枕藉。後往以淡巖穴居焉。○非利士人往建營於猶大，遍於利希，猶大人曰：曷來相攻？曰：我來欲縛參孫，以其所行加乎其身。猶大人三千，往以淡巖穴，謂參孫曰：豈不知我爲非利士人所轄，爾之行此何歟？曰：彼薄待我，我已報之。猶大人曰：我至，欲縛爾，付於非利士人手。參孫曰：與我誓約，爾莫擊我，曰：我不殺爾，惟縛爾付於其手，遂取新索二縛之，由巖而下。既至利希，非利士人歡呼以迎。時參孫感於耶和華之神，臂所繫索，如經火之麻，脫於其手。參孫見有新骨，乃驢之頰，取之，殺人，以千計。曰：以驢頰骨封尸成壘，我藉此骨，殺人盈千。既竟其詞，則擲頰骨，名其地曰：拉末利希。渴甚，願耶和華曰：爾既大拯爾僕，豈容渴死，使陷於未受割禮者之手乎？上帝於利希，裂其一罈，水泉湧出，飲之，精神頓復，名其處曰：隱哈歌利泉。在利希至今尚存。非利士人轄民之時，參孫爲士

師於以色列族中、歷二十年。

參孫往迦薩見妓就之。或告迦薩人曰、參孫至此。乃竟夕環守、更伏邑門、默無聲息、自謂待至黎明、我必殺之。參孫既寢、中夜而興、取邑門與二櫬及鍵、以肩負荷、至於山巔、山在希伯崙相向之所、瑣烈谷之女、名大利拉、見愛於參孫、非利士人之伯就之曰、爾其誘之、察其大力由何而得、我如何可以獲勝、能束縛之、困苦相加、則我儕各以金給爾、一千有百。大利拉謂參孫曰、爾之大力何由而得、人欲束縛爾、困苦爾、當用何術。參孫曰、如取樹之條七、鮮而未枯者、繫於我身、我卽荏弱、無異常人、非利士伯攏樹條七、鮮而未枯者、予女、女以縛之。當斯時、敵伏於室、女呼曰、參孫、非利士人攻爾。參孫遂斷樹條、與斷經火之麻纜無異。人莫知其力由何而得。大利拉謂參孫曰、爾何戲我、相欺實甚。今誠告我、何術可以縛爾。曰、如以未用之新索縛我、則我荏弱、無異常人。大利拉取新索縛之、呼曰、參孫、非利士人攻爾。時室中敵人伏焉。參孫卽斷手上之索、若斷一縷。大利拉謂參孫曰、爾戲言以欺我、越至於今、當誠告我、何術可以縛爾。曰、以髮七縷、與緯同織、則可。女如言而製、以釘鈞髮、呼曰、參孫、非利士人攻爾。參孫卽寢、挈織器之釘及緯而去。女曰、爾之中心不與我相合、而尙言眷愛我乎。爾欺我者三、不以爾之大力何由而得告我、女日加促迫、參孫精神困憊、幾鄰於死。盡以心所藏告曰、我自生迄今、嘗離世故、奉事上帝、薙髮之刀、不加於首、如薙我髮、我力自廢、則荏弱、無異常人。大利拉見其吐露衷懷、則遣人請非利士人伯至、曰、今彼以心所藏盡告於我、請爾復至。非利士人之伯至、攜金於手、女使參孫寢於懷、招人薙其髮。

七緒遂加困苦其力果廢。女呼曰：參孫非利士人攻爾，卽寤曰：我必脫此如昔，而不知耶和華已遺棄之矣。非利士人遂執而抉其目，解至迦薩，繫以銅索，使旋磨於獄。旣薙之後，其髮再長。非利士人伯曰：我之上帝以我敵參孫付於我手，故集其衆，大獻祭品，奉事其上帝，厥名大公，自取歡悅。民見參孫則譽其上帝曰：彼乃我敵，曾敗我國，戮我民，今爲我上帝付於我手，中心欣喜，則曰：盍召參孫以供我玩。遂召參孫出之於獄，置兩柱間，使作戲劇。參孫謂相己之童曰：容捫室柱，我欲倚之。室中男女充斥，非利士人羣伯亦在。至於室上，亦有男女約三千人，觀參孫戲劇。參孫顧耶和華曰：祈耶和華上帝垂念我，賜我以力，惟此一次，因非利士人喪我明，我必速報斯仇。參孫執室之兩柱，一以左手，一以右手，曰：願與非利士人偕亡。盡施己力，室遂傾圮，羣伯與衆民悉被壓。參孫死之日，所殺者較生時所戮者尤多。兄弟與全家盡至，檢取其尸，葬於父馬挪亞之墓。在瑣喇以實道間。參孫爲士師於以色列族者，歷二十年。

【章】有以法蓮山人名米迦，告其母曰：我聞爾失金一千有百，因而咒詛，其金在此，我取之矣。母曰：願耶和華錫嘏吾子，子以金一千有百反其母。母曰：我爲子已獻金於耶和華，以鑄偶像，及彫刻之形，故仍反於爾。子復以金反母，母取金二百，以與金工，使鑄偶像，及彫刻之形，置於米迦室。米迦有上帝殿，遂作公服偶像，簡其一子，任爲祭司。當時以色列族無王，各任意而行。有利未族之少者，居猶大伯利恒邑，欲擇地而居，故離其邑，行於途間，道由以法蓮山米迦室。米迦曰：汝奚自？曰：我利未族人，自猶大伯利恒邑至，欲擇地以處者。米迦曰：盍偕我居，任祭司之職，尊



猶我父、歲給十金、衣服食物、我盡饋爾。利未人入室、悅與之居。米迦視少者、若子、留之於室、任爲祭司。曰：茲有利未人爲祭司、我知耶和華必祐我。

第十八章 當時以色列族無王、但之支派、在以色列中、業未盡得、故求地爲業。於故土鎖喇、以實道間、簡族中英武者五人、使窺察土地、告之曰：爾往窺地。既至、以法蓮山、米迦室、則留宿焉。在米迦室、遇利未族少者、識其方言、入室問曰：誰導爾至此、在此何爲、何所得乎。曰：米迦使我爲祭司、給我以金、待我若此。曰：請詢於上帝、我所行可得坦途否。祭司曰：汝可安然以行、願耶和華導爾於途。五人遂往、至拉億、見其邑民、與西頓無異、安居逸樂、無人侵擾、財用富裕、地離西頓甚遠、不與他人通聞問。五人歸於鎖喇、以實道、以告同儕。同儕曰：爾意若何。曰：我見斯地、土壤甚腴、盍往攻而得之、勿怠勿緩。其居民安逸、土壤廣闊、物產俱備、此上帝付之於我也。但族六百、各執器械、自鎖喇、以實道而往、建營於猶大之基列耶林、稱其地曰馬哈尼。但迄於今日、在基列耶林、西其名尙存。由此而往、至以法蓮山、近米迦室、昔窺拉億之五人、告其同儕曰：在此室有公服、傳像鑄金彫刻之形、爾知之乎。今當自思、如何以行。五人入米迦室、問安利未族之少者、但族六百人、各執器械、立於門外。祭司亦與焉。其時窺地之五人、入取公服、傳像鑄金彫刻之形。祭司問曰：爾將何爲。曰：緘口勿語、與我偕往、爲我祭司、尊同我父、爲一家之祭司、與爲以色列族一支派之祭司。孰善。祭司悅其言、取公服、傳像、彫刻之形、雜於民中而行。衆遂過、征使幼稚牲畜、貨財先行。離米迦室已遠、米迦集鄰友、追及但族、呼於其後。但族顧米迦曰：爾率斯衆、將欲何爲。曰：我所作之上

帝像所任之祭司爾攜之去不遺一物反問我何爲耶但族曰毋揚爾聲恐暴戾之人擊爾爾與眷聚羣喪其命米迦見彼強於己則歸但族往攜米迦所作之像與其祭司至於拉億見民安居逸樂擊之以刃毀其邑垣拉億在伯哩合谷離西頓甚遠不與他人通聞問故無援者但族復建城邑而居於彼昔邑名拉億今循厥祖以色列子但之名易名曰但但族立偶像而馬拿西孫革順子約拿單與其子孫爲但支派之祭司追民被虜追民被虜字或曰法民之日而後已上帝之室時在示羅但族立米迦所作之偶像

第十九章時以色列族無王有利未人旅以法蓮山麓娶妾於猶大伯利恒邑妾不悅其夫離之歸於父家居彼四月夫起攜其僕備二驢至妾所以甘言慰藉欲攜之歸妾導見父父悅留之三日飲食而宿越至四日夙興欲往妾之父謂其婿曰取餅少許補爾心力而後遣征二人遂坐飲食妾之父謂之曰請仍宿此以悅爾心利未人起欲往妾之父止之而復宿焉越至五日夙興欲往妾之父曰請復補爾心力遂俱留之至日已昃而偕食焉利未人與妾及僕起欲歸妾之父謂之曰今將薄暮日已昃矣請留宿此安爾心明晨夙興歸幕可也利未人不允乃攜其妾挈其二驢備駕而往至耶布士相向之所耶布士即耶路撒冷近耶布士時日已暮矣僕謂主曰請入耶布士人之邑而宿主曰此邑屬於外人非屬以色列族者不可入至其庇亞可也又曰有其庇亞有拉馬於二者中可簡其一而宿遂往前途近便雅憫族之其庇亞時日已入至其庇亞欲宿入邑坐於衢無人晉接於室而留其宿既夕有老者自田耕作而歸彼生於以法蓮山旅於其庇亞



其庇亞彼於以色列族中所作之穢行，我特報施焉。如此以色列族咸懷一心，集攻斯邑。遣人通告於便雅憫支派，曰：爾中所行者何惡！今以其庇亞之匪類付於我手，俾我戮之，而除以色列族中之惡。便雅憫族不從同儕以色列之言，乃集各邑之衆，至其庇亞，欲與以色列族戰。便雅憫族軍旅計二萬六千人，其外有其庇亞簡練之卒計七百。軍中有簡卒七百，惟用左手，較爲便捷，能擊石於繩，飛擊敵衆，不爽毫釐。除便雅憫而外，以色列族之持兵善戰者計四十萬，俱至伯特利，問於上帝曰：我中誰可先攻便雅憫族？耶和華曰：猶大可先往。以色列族夙興，建營攻其庇亞。列陳於其庇亞前，欲與便雅憫族戰。便雅憫族自其庇亞出，戮以色列衆計二萬二千人。以色列族哭於耶和華前。至於薄暮，問於耶和華曰：我當再往，攻我同儕便雅憫族與否？曰：可往攻之。以色列族強厥志，陳列行伍，仍於前日列陳之，所以攻便雅憫族。便雅憫自其庇亞出，以色列族軍旅復爲所戮，計一萬八千人。以色列族億兆，至於伯特利哭泣，坐於耶和華前禁食，待及薄暮，以燔祭酬恩，祭獻於耶和華。當時上帝之約櫃在彼亞倫孫，以利亞撒子非尼哈立於其前，以色列族問於耶和華曰：我儕復攻同儕便雅憫族，或往乎？或止乎？耶和華曰：往哉！明日我將以之付於爾手。以色列族使伏兵環其庇亞，越至三日，以色列族往攻便雅憫族，仍於其庇亞前陳列行伍。便雅憫族出，攻擊以色列衆，遠離其邑。至通衢二，一詣伯特利，一詣田間之其庇亞，仍殺以色列族約三十人。自謂其族敗北如故，惟以色列族佯爲逃遁，欲誘之離邑。至於通衢時，以色列族離其所列陳於巴力大馬，伏者盡出，自其庇亞平原而來。以色列族簡卒一萬，攻其庇亞，彼此鏖戰，然

便雅憫族不知禍已近矣。是日耶和華助以色列族，擊便雅憫族，殺其軍旅計二萬五千一百人。於是便雅憫族爲以色列族所敗。初以色列族恃其庇亞之旁，預有伏兵，故暫避之。所伏之衆馳驟而出，整列行伍，攻其庇亞，擊之以刃。以色列族與伏兵，以邑中烟焰上騰爲約。以色列族初戰時稍卻，便雅憫族自謂以色列族爲己所敗，亦猶前日，故殺以色列族約三十人。忽邑中烟焰驟起，其狀如柱，便雅憫族回顧，邑中火焰上騰。以色列族旋轅之時，便雅憫族見禍已逼，恐懼特甚。於以色列族前全軍敗績，望野而遁。以色列族追及之，四周之民各自邑出，夾而攻之，盡殺其衆。便雅憫族環其四周，在其庇亞相向日出之處蹂躪其民，甚爲易事。便雅憫族軍旅一萬八千人，悉殲於彼。其餘反旆奔野，至臨門磐，尙在通衢，見殺者五千人，追至其嶺，又殺二千人。是日便雅憫族之持兵善戰者死亡二萬五千人。六百人不由通衢遁逃於野，至臨門磐，居彼四月。以色列族又攻便雅憫，刃擊邑衆，及凡所遇，與其牲畜，縱火燬其諸邑。

以色列族在米斯巴會誓曰：我族之女，勿妻便雅憫族。民至伯特利，舉聲號哭，於上帝前，迨及薄暮。曰：以色列族之上帝耶和華歟，焉有此事。以色列族中之支派，今日幾絕其一。詰朝民夙興，築壇獻燔祭，及酬恩祭。以色列族會發誓言，凡不至米斯巴詣耶和華前者，必殺毋赦。散相問曰：以色列支派中，孰不至耶和華會。以色列族，因其同儕，便雅憫族，潛有悔心，由今日以色列族中之支派，幾絕其一。其所予遺欲妻以女，若何而可。蓋我會指耶和華而誓，不以我女嫁彼。又曰：以色列支派中，孰不至米斯巴詣耶和華前乎。核數其民，乃知基列之雅定不至。營壘，

於會中會衆遣英武之士一萬二千曰往哉刃擊基列之雅正殺其衆民戮其妻孥諸丁男及與人同寢諸婦當殲滅焉在基列之雅正遇處子四百未與人同寢者攜至迦南地示羅營會衆遣人至臨門磐告於便雅憫族仍修和好便雅憫族就其同儕同儕在基列之雅正所生全之女子給之爲妻尙爲不足以色列族支派之一幾爲耶和華所絕民因便雅憫族有悔心會之長老曰便雅憫族之女旣滅則其遺民欲行婚娶奈何又曰便雅憫遺民必各有室家免以色列族之支派見絕其一我儕以色列族曾發誓言以女妻便雅憫人者必見詛故不可以女妻之又曰近示羅在利波拿南伯特利北自伯特利往示劍道之東歲有節禮奉事耶和華故使便雅憫族曰往哉伏於葡萄園見示羅之女出而舞蹈則由園中出各執其女而歸便雅憫其父兄就我以告我必曰請爾施恩於衆昔戰鬪之時我不遺女爲其妻今彼得女非爾所與故爾無辜便雅憫族如言以行循其人數執舞蹈之女爲妻歸其故業復建邑垣而居其中以色列人各歸故族故家復其本業當時在以色列族無王各任意而行

舊約聖書

士師記

第二十一章

二百六十六

路得記

第一 章 當士師治以色列族時，歲饑，猶大之伯利恒人，攜妻及二子，往摩押地居焉。其人名以利米力，妻名拿阿米，二子名馬倫基連，俱自猶大伯利恒之以法大，往摩押而居。以利米力死，遺拿阿米與其二子。二子娶摩押女，一名阿巴，一名路得，居彼十年。後馬倫基連亦死，遺拿阿米，無夫。無子在摩押，聞耶和華垂顧其民，賜之以糧，則攜二媳，欲自摩押歸，婦離其所欲歸猶大。二媳從焉。拿阿米告二媳曰：爾待逝者與我甚厚，願耶和華亦厚待爾曹，盍歸母家。再嫁之時，願耶和華賜爾安處。拿阿米吻之，二媳大聲號泣，曰：爾歸故國，我與爾偕。拿阿米曰：吾女盍歸，與我偕，亦何裨，我豈能再生子，爲爾夫乎。我女盍歸，我年已邁，不再適人，如我茲夜，尙望有夫，猶能誕育，爾豈可待其長，而不嫁他人乎。我女毋若是我與爾較，更爲艱苦，蓋耶和華降以禍災，二媳復大聲號泣。阿巴吻其姑而別，路得恒從之。拿阿米曰：爾之妯娌，已歸故國，奉其上帝，汝盍同歸。路得曰：勿使我離爾，不與爾偕，汝所往我亦往，汝所居我亦居，汝民亦爲我民，汝上帝亦爲我上帝，汝所沒之處，我亦死於彼，葬於彼，我惟至死則可相離，我不若是，願耶和華降罰。拿阿米見路得已堅厥志，欲與之偕，則止而不勸，二人往伯利恒。既至，闔城聳動，曰：此非拿阿米乎。曰：毋稱我拿阿米，乃稱我馬喇。拿阿米即樂馬喇譯即苦蓋至能者困苦我也。我富足而出，耶和華使我匱乏而歸，至能之耶和華，既責我，害我，曷稱我拿阿米哉。拿阿米攜摩押女路得，自摩押歸伯利恒，時值麥始稔。

舊約聖書

路得記

第一章

第二章

二百六十七



田，或蒙人恩，拾所遺穗，曰：我女往哉，遂往於田。從穫者後，而拾所遺，不意至以利米力戚屬波士田。波士自伯利恒，至謂穫者曰：願耶和華祐爾。對曰：願耶和華錫嘏於爾。波士問穫者之長曰：此誰氏女乎？穫者之長曰：此摩押女，與拿阿米自摩押偕來者。其請我相容，從穫者後，在禾束間，以拾所遺。自朝迄今，在田，茲暫處於廬。波士謂路得曰：我女請聽，欲拾所遺，勿往他田，恒從我衆女，觀人穫於何所，即從其後。我命少者毋犯爾，渴時則往至器所，飲少者所汲。婦俯伏於地，曰：我乃異邦人，何蒙爾恩，得爾垂顧？波士曰：自夫沒後，爾善待姑，離父母故土，至所未識之國，一切之事，有人告我，爾至此，爲以色列族之上帝耶和華所覆翼，願耶和華報施爾。大賚爾。曰：願蒙主恩，我雖不如爾衆婢，爾嘗以善言慰藉。波士曰：食時爾來食餅，孺所擊者於鹽，婦坐於穫者之側。波士予以烘穀，婦食果腹，而懷其餘。起以拾遺，波士命其少者曰：容之在禾束中，拾穗，毋叱之。爾手所握之禾，少抽數莖，故遺於地，容拾毋叱。路得在田拾遺，至於薄暮，後僕所拾，得麩麥六斗。八邑以所拾示姑，亦以果腹，所餘者出而進於姑。姑問曰：爾今日拾遺何處，工作何方，願顧汝者得福祉。媳示厥姑曰：今日我工作於波士田。拿阿米曰：彼施恩於存者，亦不遺亡者，願耶和華錫嘏焉。又曰：彼與我爲戚屬，得贖我產者，此其一也。摩押婦路得曰：彼使我恒從其少者，迨及刈盡。拿阿米曰：我女歟，寧從其衆女，勿往他田，於是路得從波士衆女拾遺，迨麩麥及小麥刈盡，仍與姑居。

**第四章** 拿阿米謂其媳曰：我女歟，我當爲爾求安處之所，使爾納福。昔爾從波士衆女，波士爲我戚屬，今日薄暮在場，簸揚麩麥，爾宜浴身，沃膏衣衣，往於麥場，彼飲食時，毋使其知爾在焉。迨彼

偃臥爾觀其處，後入啟其足，而臥其側，彼將告爾以所當行。曰：願遵爾命，遂往麥場，遵姑所言。波士飲食歡悅，臥於積麥之旁，婦乃竊至，啟其足，而臥其側。中夜，波士反側，知有婦臥於旁，則懼，曰：爾爲誰？曰：爾婢路得，請以裾覆我，蓋爾戚屬，得贖我產。曰：吾女歟？願耶和華錫嘏於爾，爾於少者，無論貧富，俱不相從，爾之待人較前愈厚。我女毋懼，舉邑皆知汝乃淑女，我必從爾所欲。我誠戚屬，得贖爾產，更有一人較我愈親，今夜宿此，迨至詰朝，如彼欲贖爾產，則可，不然，我指耶和華以誓，我必爲爾贖之，宿此待旦可也。遂臥於側，迨及昧爽，未能辨色之時，卽起。波士曰：毋以爾入場告人。又曰：以所衣之外衣承之，既承，則量麩麥六斗，使負入邑。既至，姑謂之曰：我女歟？爾所爲若何？婦以實告。又曰：其人不許我徒手而來，歸見我姑，故給麩麥六斗。姑曰：我女坐此，以觀其事，若何？蓋斯人於今日，事苟不成，必不中止。

第四篇 波士赴邑門而坐，見所言之戚屬過焉，呼其名曰：來，請坐於此，卽坐。乃簡邑之長老十人，請之偕坐。語戚屬曰：由摩押而歸之拿阿米，欲鬻我同儕以利米力田。我意當告爾，使爾於邑人長老前購之，所當贖者，惟爾一人。爾外惟我，如爾欲贖之，則贖，不然，明以相告，其人曰：我將贖焉。波士曰：爾欲購田，必購於拿阿米，亦必娶死者之遺婦。摩押女路得，育嗣而承業，以繼死者之名。戚屬曰：我不能贖，恐我之業反有所害，爾贖可也。昔在以色列族有常例，凡欲贖物易物者，必解其履，以予同儕，則在族中爲據。故戚屬謂波士曰：汝其購之，則解其履。波士告長老與衆曰：以利米力及基連馬倫之業，我今日購於拿阿米，汝衆爲證，更得馬倫妻摩押女路得爲妻，育嗣承業。

繼死者之名，使其名不絕於同儕故土中，汝衆爲證。邑門長老與衆俱曰：我儕爲證。昔拉結利亞傳嗣於以色列族，願耶和華使適爾家之婦亦若是，亦願爾於以法大得其財貨於伯利恒。播其聲名。昔大馬從猶大生法勒士，以立其家，願耶和華使此婦生子，成立爾家亦若是。波士娶路得，遂成伉儷。耶和華賜之懷妊生子。衆婦謂拿阿米曰：當頌美耶和華，今日不遺爾，使爾後裔得名於以色列族。爾媳愛爾，較七子尤善，今已生子，爾皓然白首，爲其供養，使爾精神強健。拿阿米取子，懷之猶母。鄰婦命名曰：拿阿米得子矣，故稱其名阿伯。嗣後阿伯生耶西，耶西生大關。法勒士之裔胄臚列如左：法勒士生以士崙，以士崙生亞蘭，亞蘭生亞米拿達，亞米拿達生拿順，拿順生撒門，撒門生波士，波士生阿伯。阿伯生耶西，耶西生大關。

撒母耳記上

窮。童以法蓮山之拉馬鎖非邑，以法大鄉里，有蘇弗立孫陀戶，曾孫以利戶孫耶羅罕子，以利迦拿娶二妻，一名哈拿，一名比尼拿。比尼拿有子哈拿無子。以利迦拿歲往示羅崇拜祭祀，萬有之主耶和華時以利二子何弗尼非尼哈爲耶和華之祭司。以利迦拿獻祭時，頒胙於妻比尼拿，及其子女，因眷愛哈拿，頒之維倍，然耶和華不賜產育。比尼拿妒哈拿，見其不生子，則激之使怒。歲往耶和華之室，哈拿爲夫所厚待，故比尼拿激之使怒，令彼哭而不食。以利迦拿謂之曰：哈拿何爲哭而不食，中心愀然哉？我之與爾非愈於十子乎？在示羅飲食既畢，哈拿與祭司以利在耶和華室，坐於櫬旁。哈拿衷懷憂戚，哭禱耶和華，許願曰：萬有之主耶和華，如垂顧婢難，憶我弗忘，賜婢生男，則必使奉事耶和華。至於畢生，薙髮之刀不加於首。哈拿祈耶和華，其詞不輟，中心默頤，口唇微動，不聞其聲。以利觀之，以爲醉，曰：爾飲已醉，醒於何時，必戒爾酒。哈拿曰：我主歟，我之爲婦，焦勞思慮，清酒醇醪不飲，惟於耶和華前吐露衷懷，越至於今，我深思重憂而言，勿以婢爲惡女。以利曰：爾安然以歸，願以色列族之上帝允爾所祈。曰：願沾爾恩，婦遂往食，憂容頓釋。闔家夙興，拜耶和華，旋歸故土。以利迦拿與妻哈拿同室，耶和華垂念之。哈拿懷妊，屆期生子，命名撒母耳。曰：蓋我求耶和華而得者。以利迦拿與眷聚，歲往獻祭，奉事耶和華，亦償其願。哈拿不往，謂其夫曰：我子斷乳，我將攜之，獻於耶和華，恒居其所。以利迦拿曰：任爾所爲，待子斷乳可也。願耶和華前所言者，必能有應。婦居哺子，迨及斷乳，乳既斷，子尚幼稚，婦攜之往，亦牽牛三，麵六斗，酒

一革囊，至示羅詣耶和華室。宰一牛，攜其子往見以利婦曰：我主歟，昔有婦立於此旁，禱告耶和華，我可指爾生命以誓，我卽此婦。我爲生子祈禱，蒙耶和華俯允我所。昔我乞之於耶和華，今我歸之於耶和華，至於畢生，遂在彼崇拜耶和華。

第三章 哈拿禱曰：我心悅耶和華，耶和華使我勝敵，故我角崢嶸，我口孔張，因得其救，我心欣喜。耶和華至聖，惟一無二，我上帝至能，孰堪比擬。毋自誇詡，毋出妄言，蓋耶和華睿智之上帝，人所行無不裁度。英武者折其弓，荏弱者賦以力，昔果腹者今傭以得食，饑饉者反無饑，昔不妊者今產七子，育衆子者反絕其孕。可使喪命，可使得生，可使歸墓，可使復生，俱耶和華所爲也。使人窮乏，使人富裕，使人卑微，使人高顯，此非耶和華所主乎。舉貧賤者於塵埃，升匱乏者於糞壤，使坐於民牧間，致得榮位，蓋大地之基屬耶和華，使宇宙立於其上。敬虔者爲耶和華所範衛，無義者歸於幽暗而不動，蓋恃己力無能得勝。耶和華使悖逆者歸於糜爛，自天降雷以擊之。耶和華必鞠地極，簡以治民者，使加能力，選以沐膏者，使角崢嶸。○以利迦拿歸拉馬，其子在祭司以利前奉事耶和華，以利二子，行同匪類，不敬耶和華，其爲祭司，別立一例。人獻祭烹肉時，祭司之少者執爇而至，又有三股，或入釜甑，或入鼎鑊，又所得者，祭司取之，凡以色列族至示羅者，爲祭司所待若此。未焚脂膏，祭司之少者至，謂獻祭者曰：祭司欲得肉以炙，不欲水烹，必取生腥，願以給我。如人曰：必先焚脂，仍循舊例，然後任爾所取。祭司之少者必曰：今當予我，不然我強取之。如是二子，使人生其厭惡，不獻祭於耶和華，罪莫大焉。撒母耳尚幼，所衣公服，以臬爲之，奉事耶和華。

母爲其子作長衣，形製維小，夫歲獻祭，與之偕往，攜衣予子。以利爲以利迦拿及其妻祝嘏，曰：「既取此子歸耶和華，願耶和華使婦再生子女。」夫婦遂歸。耶和華眷顧哈拿，使復懷妊，生三子二女。其子撒母耳，生長於耶和華前。○以利年邁，聞其子於以色列族中所行，亦聞其與會幕前從事之女同寢，謂之曰：「我聞於民，爾行不端，爾作此曷故？」我所風聞非善，爾使耶和華之民犯罪。人若相犯，士師折中，若犯耶和華，誰代之祈？二子不聽父言，耶和華決意殺之。撒母耳漸長，耶和華與人眷愛益甚。○上帝之僕至以利，曰：「耶和華云：爾祖之家，昔在埃及，爲役於法老室，我與之顯現。以色列衆支派中，我簡爾祖爲祭司，使獻祭於壇，蕪芬芳，衣公服於我前，以色列族燔而獻我者，我於其中以歸爾祖之家。何爾桀驚不馴，不於我室獻我所命之祭祀禮物，何重爾子，不崇敬我，取我民以色列族所獻之嘉物，使自果腹乎？」以色列族之上帝耶和華又曰：「我昔有言，爾祖之家將恒供我役，今我不然，凡尊敬我者，我尊顯之，藐視我者，亦必藐視之。越至後日，我將絕爾及全家之力，使爾家中無一耆老。昔我有言，將厚待以色列族，今而後，敵必臨於我家，爲爾目擊，在爾家不得有老者。爾族中侍我壇前者，雖尙有人，必使爾目盲心擾。爾家之所育，必壯年夭逝。爾之二子何弗尼、非尼哈，必同日而亡。既遇斯事，可以爲徵。我必挺生忠靈之祭司，彼循我心意而行，我必克昌厥後，使恒從我受膏者。爾家之所遺，必至其前俯伏於地，求一金一餅，曰：「祭司之職，容我分任，以食一餅。」

第三章 孺子撒母耳，在以利前，奉事耶和華。是時耶和華罕以言示人，不恒顯其異象。以利目昧

不明，偃臥於室。於耶和華室，法匱之所。上帝之燈未滅。撒母耳已臥。時耶和華召撒母耳。撒母耳曰：「我在此。」趨至以利所曰：「汝既召我，我在此。」曰：「我不召爾，復臥可也。」遂反而臥。耶和華又召撒母耳。撒母耳起，就以利曰：「汝既召我，我在此矣。」曰：「我子，吾不召爾，復臥可也。」前此耶和華未以言示撒母耳，故不識聲自耶和華出。耶和華三召撒母耳，遂起，仍就以利曰：「汝既召我，我在此。」以利始知其爲耶和華所召，故謂之曰：「汝反而臥，如再召爾，必曰：請耶和華言，爾僕謹聽。」撒母耳遂往，仍寢於室。耶和華蒞臨，仍召撒母耳。撒母耳乃曰：「請言僕聽。」耶和華曰：「我將有爲於以色列族，使聽之者必震其耳。昔我有言降罰於以利之家，所言者自始及終，屆期必行。其子爲可詛之事，以利知其惡而不責，我曾告之，必恒鞫其家。加以誓言，以利家之咎，雖獻祭品禮物，亦不得贖。」撒母耳臥以待旦，啟耶和華室門，不敢以是事告以利。以利召撒母耳曰：「我子，我在此。」曰：「所告爾者何事，毋隱於我，不然願上帝降罰於爾。」撒母耳悉以告，毫無隱諱。以利曰：「事由耶和華，願其任意以行。」撒母耳長，耶和華祐之，使所言有應。以色列族自但至別是巴，皆知撒母耳，誠爲耶和華所立之先知也。耶和華復顯現於示羅，以言示撒母耳。撒母耳告於以色列族。

**第四章** 以色列族出與非利士人戰，近以便以設建營，非利士人建營於亞弗。陳列行伍，攻以色列族。戰鬪之時，以色列族爲非利士人所敗，亡於陳者約四千人。民歸營時，以色列長老老議曰：「耶和華今日使我敗於非利士人前，曷故？」蓋攜耶和華約匱，自示羅至此，可援我於敵手。當時有居基路伯間萬物主耶和華之約匱在示羅，以利二子，何弗尼、非尼哈在側，民遣使詣彼，以攜之至。

既至於營，以色列族大聲號呼，地爲震動。非利士人聞號呼之聲，則曰：希伯來營號呼曷故？聞之於人，知耶和華之匱已至於營。非利士人懼曰：上帝至營。又曰：噫嘻！前此未嘗若是。昔在曠野降災於埃及，卽此有能之上帝，孰克拯我於其手乎？我非利士人當強我志，自爲豪傑，不服役於希伯來族。如彼疇昔服役於我，當爲豪傑，而與之戰。非利士人遂戰，敗以色列族，使各歸故幕。大戮其衆，死者三萬。上帝之匱見奪，以利二子，何弗尼非尼哈被殺。是日有便雅憫人自裂其衣，以塵蒙首，自行伍間，遁於示羅，入城以告邑衆。號呼以利坐路旁，以待蓋慮上帝之匱。戶虜中心戰慄，既聞號呼之聲，則曰：衆呼何故？其人趨至，而告以利。以利年九十，有八目，眊不明。其人曰：我今日自行伍間，遁逃而至，曰：吾子歟！可知其詳乎？以色列族遁於非利士人前，衆被殺戮。爾二子何弗尼非尼哈亦死。上帝之匱見虜，以利年老體胖，一聞上帝之匱爲敵所虜，則自座下墜，隕於門旁，頸折而死。以利在以色列族會爲士師，歷四十年。其媳非尼哈妻懷妊臨產，聞上帝之匱見奪，勇與夫並死，則艱難倍至，卷曲以產。臨死之時，旁侍之婦曰：安爾心，汝生男子，產婦不答，毫不留意，乃命子名爲以迦泊。曰：以色列之榮已去，以迦泊因上帝之匱見奪，勇與夫已死故也。又曰：上帝之匱見奪，故以色列之榮去矣。

第五章 非利士人攜上帝之匱，自以便以設至亞實突，置於大公殿，在大公側。詰朝亞實突人夙興，見大公隕於地，在耶和華匱前，遂扶大公仍立其所。次日夙興，見大公隕於地，在耶和華匱前，其首與手斷於闕，遺下體而已。故在亞實突間，大公祭司及詣大公殿者，不履其闕。至於今日，耶



和華降災於亞實突，四境使人生痔，間有死亡。亞實突人見此，則曰：以色列上帝之匱，不可居此。蓋降災於我，及我上帝大公，故集非利士人諸伯，曰：以色列族上帝之匱，何以處之？曰：當運至迦特，遂運於彼。既至迦特，耶和華降災於邑，幾至殲滅，使民無長幼生痔於下體。故運上帝之匱，至以革倫。既至，以革倫人呼曰：人攜以色列族上帝之匱至此，以殺我民。既爲上帝降災，殺戮邑衆，故速集非利士人諸伯，曰：當遣以色列族上帝之匱，以歸故土，免殺我民。其時不死之人，俱生痔，邑民號呼，升聞於上。

耶和華之匱，在非利士人地，凡歷七月。非利士人招其祭司，與卜筮之師，曰：耶和華之匱，將何以處之？當用何術遣歸故土？曰：如欲遣歸以色列族上帝之匱，毋使徒去，必獻補過之祭，則可得醫，而降災不輟之故，由是而知。曰：欲獻補過之祭，當以何物？曰：製金作痔形，五鼠形，五循非利士人之伯數。蓋伯與民俱罹災害，當作痔形，有鼠害爾土壤，亦作其形，尊以色列族之上帝，庶可去災，遠離爾曹。及爾上帝，與爾土壤。何剛愎乃心，效埃及人與法老所爲乎？彼不釋以色列族，待降異災而後可。今當備新車一，方字之牝牛二，未嘗負軛者，繫牛於車，牽犢以歸。昇耶和華之匱，載之於車，所獻金器爲補過之祭者，藏於篋筒，置之匱旁，俱遣之去。請試觀之，如車由伯示麥道，向其境而遣征，則降大災者，實由耶和華，否則可知。擊我衆者，非出其手，乃偶爾相遇。非利士人如言而行，取方字之牝牛二，繫之於車，禁犢於室。昇耶和華之匱，與藏金鼠金痔之篋筒，咸載於車。牛直往伯示麥道，行由通衢，且行且鳴，不偏於左，不偏於右。非利士人伯從之，至伯示麥界。

伯示麥人在谷刈麥，遙而望之，見匱甚悅。車至伯示麥人約書亞田而止。田有巨石，人劈車爲柴，獻牛爲燔祭，奉事耶和華。利未人取耶和華之匱，藏金之匱，置於巨石。是日，伯示麥人獻燔祭，及酬恩祭，奉於耶和華。非利士人五伯見此，卽反以革倫。非利士人獻金痔於耶和華，爲補過之祭者。其數臚列如左：亞實突、迦薩、亞實基倫、迦特，以革倫，各獻其一。非利士人之五伯，轄諸邑垣，與其鄉里，延及巨石之所，各獻金鼠，一循其邑數。巨石在伯示麥人約書亞田，昔置耶和華匱之地，至今猶存。伯示麥人窺耶和華之匱，爲所擊者七十人，時有五萬人在彼，見耶和華降大災，則號哭不勝。伯示麥人曰：耶和華上帝至聖，孰能立於其前。匱離斯土，當往何方。遂遣人告基列耶林民曰：非利士人曾攜耶和華之匱至此，爾曹盍來攜之以歸。

○基列耶林人至攜耶和華之匱，詣於山巔，亞庇拿撻家使其子以利亞撒爲執事，守耶和華之匱。○匱在基列耶林，歷日已久，凡閱二十年。以色列衆慕耶和華，羣集於彼。撒母耳告以色列衆曰：如爾盡心歸耶和華，則他上帝及亞大綠，必絕於爾中。當備爾心，獨事耶和華，則彼援爾於非利士人手。以色列族遂去諸巴力及亞大綠，獨事耶和華。撒母耳曰：當集以色列族，悉至米斯巴。我爲汝祈耶和華，遂集至米斯巴。汲水獻於耶和華前。是日，禁食。曰：我獲罪耶和華。撒母耳在米斯巴，爲以色列族士師。非利士人聞以色列族集於米斯巴，則諸伯至，欲攻擊之。以色列族聞之甚畏，請於撒母耳曰：爲我呼籲耶和華，不絕，俾得救我於非利士人手。撒母耳取哺乳之羔，一盡燔爲祭，奉耶和華，爲以色列族呼籲耶和華，允焉。撒母耳獻燔祭時，非利士人至，攻以色列

族耶和華卽起迅雷轟擊非利士人敗之於以色列族前。以色列族離米斯巴追襲其後擊之於伯甲。撒母耳取石立於米斯巴善間稱其名以便以設曰延及此時耶和華助我當撒母耳爲士師之日耶和華制非利士人使其敗績不敢復侵其境。昔以色列族之邑自以革倫及於迦特與其四境爲非利士人所取者以色列族恢復之亞摩哩人與以色列族仍修舊好。撒母耳爲士師於以色列族至於畢生歲巡伯特利吉甲米斯巴各聽其訟後歸拉馬居焉在彼爲以色列族士師築壇奉事耶和華。

撒母耳年邁使其子爲以色列族士師長名約耳次名亞比亞俱在別是巴爲士師。其子不肖惟利是視受賄反正。以色列族長老咸集詣拉馬見撒母耳曰爾年已邁爾子不肖請爾簡立一王以治理我無異他國。撒母耳聞民欲立王以治其事意甚不悅禱於耶和華耶和華諭之曰可從民言彼不第棄爾乃亦棄我不欲我治理之。越在曠昔我導斯民出於埃及迄於今日彼常棄我服事他上帝彼之待爾亦若是。今可從其言加以訓誨示以王之常例。撒母耳以耶和華之言普告於衆曰旣欲立王治理爾曹試陳其例。王必取爾子使御車服馬趨承於前者有之。立爲千夫長五十夫長者有之。使耕田畝獲其所產作戰具製車器者亦有之。王必取爾女或爲製餅餌或爲廚婢或爲膳女。又必取爾田畝葡萄園橄欖園之嘉者爾田所出葡萄園所產十取其一供其宦豎給其賤役。必取爾驢及爾僕婢丁男之壯者使之工作。爾之羊羣什取其一一以爾爲其服役。越至後日爾必因所簡之王呼籲於上惟耶和華不俯聞焉。民不聽從撒母耳言曰我欲

得王爲我治理，導我戰鬪，無異他國。撒母耳以民言告耶和華，耶和華諭之曰：「可從民言，爲民立王。」撒母耳使以色列族各歸其邑。

○便雅憫族中，亞非亞玄孫，庇歌拉曾孫，西律孫，亞別子，基士，甚爲豪富，產一子，生而岐嶷，名曰掃羅。在以色列族中，丰采甚都，體裁異衆，凡民僅及其肩。基士失驢，謂其子掃羅曰：「汝攜一僕往尋我驢。」乃往以法蓮山，與沙利沙地，遍求不得，行由沙林，及便雅憫地，亦無所見。至蘇弗，掃羅謂僕曰：「不如旋歸，恐父非驢是慮，而我是虞。」曰：「在此邑，有上帝之僕，其位甚尊，所言有應，莫若就之。」庶幾示我趨向。掃羅謂僕曰：「所備之糧已罄，我無所有，如見上帝之僕，當饋何物。」僕曰：「我有金錢一分二厘半，以此饋上帝之僕，求其示我趨向。」掃羅曰：「爾言甚善，我儕偕往，遂詣上帝僕之邑。」初以色列族人欲問上帝，則曰：「不如問先見者。」蓋今稱先知，卽昔稱先見者也。二人陟山，欲入邑中，見數女出汲，問曰：「先見者在此乎？」曰：「卽在爾前，速往迓之。」今日在崇邱，民獻祭品，先見者必至邑中。今彼未陟崇邱，以赴讎，猶未式臨以祝嘏，賓不敢先食，爾今登山入邑，卽能覲止。二人入邑，見撒母耳出，欲陟崇邱。掃羅未至，先一日耶和華默示撒母耳曰：「明日斯時，我遣便雅憫人就爾，爾必沐以膏，使爲以色列族長，拯我民於非利士人手。」蓋民呼籲於上，而我垂顧之。撒母耳見掃羅至時，耶和華諭之曰：「我所言之人，今在爾前，彼必治理我民。」掃羅就撒母耳於邑門，曰：「請以先見之室，指示於我。」撒母耳曰：「我卽先見者，今日爾陟崇邱，與我偕食，爾所欲知者，明日必以告，然後可去。」三日，前所失之驢，爾毋庸慮，已獲之矣。以色列族中所可慕者，屬於誰乎？非爾及爾父。

之家乎。掃羅曰：我便雅憫人也。以色列支派中，便雅憫族非至小乎。便雅憫族之最著者中，我家非至微乎。曷與我言若是。撒母耳攜掃羅與其僕登堂，於賓客三十人中，使坐高位。撒母耳謂庖人曰：我曾命爾預備佳肴，今當攜至。庖人取肩，與肩四周之肉，置掃羅前。撒母耳曰：我嘗宴賓，已備此肩，今供給爾，置於爾前。爾當食焉。是日掃羅與撒母耳偕食。自崇邱而下，至於邑中，相叙於屋上。黎明夙興，撒母耳招掃羅登於屋上，曰：我欲遣爾旋歸。掃羅起，與撒母耳出，至邑之邊隅。撒母耳謂掃羅使僕先行，僕行則請掃羅暫立，而以上帝之諭告焉。

撒母耳取膏一盒，以沃掃羅，接吻而告之，曰：耶和華膏爾，以爲民長。爾今日離我而去，至便雅憫界之泄撒，近拉結墓，必遇二人告爾，所尋之驢已得，爾父不慮驢而慮爾，自謂我子不知若何。由此而往，至大泊平原，必遇三人，一攜三羔，一攜三餅，一攜革囊盛酒，俱向伯特利而行，奉事上帝。彼將問爾安，給爾餅二，爾可受焉。是後爾將詣上帝之山，在彼有非利士人之汛，既抵邑城，必遇衆先知，由崇邱而下，俱感神而言，有執鼗簫琴瑟者，行於其前。爾爲耶和華之神所感，化爲新民，同諸先知感神而言。既見此徵，則任意以行，上帝佑爾。爾必先我往，吉甲待至七日，我必蒞臨，獻燔祭及酬恩祭，以所當行示爾。掃羅旋踵，離撒母耳，上帝惟新其心，是日諸徵咸應。掃羅登山，見衆先知，爲上帝之神所感，遂在先知中感神而言。素識掃羅者見其如是，則相語曰：基士之子掃羅，其何所遇而在先知中乎。斯處之人問曰：孰爲其師。厥後有諺曰：掃羅豈亦在先知中乎。掃羅感神而言，既畢其事，則至崇邱。其叔問掃羅及其僕曰：爾曹何往。曰：尋驢不得，往撒母耳

所叔曰撒母耳何言請以告我掃羅曰彼明告我驢已得矣惟撒母耳所言國事掃羅不以告○撒母耳集民於米斯巴詣耶和華前告衆曰以色列族之上帝耶和華云昔我導爾出埃及援爾於埃及人手四方之民虐遇爾曹我亦援爾爾之上帝救爾出諸患難艱苦者爾遺棄之求立一王今日爾當至此循爾支派億兆立於耶和華前撒母耳使以色列支派各掣籤而得便雅憫族使便雅憫支派循其世系各掣籤而得馬特哩族基士子掃羅索之不獲問於耶和華曰不識其人可至此乎耶和華曰彼匿於什物之間人趨而攜之至立於民中其體裁異衆凡民僅及其肩撒母耳告民曰爾觀耶和華所簡者億兆之中無能比擬民歡呼曰願王千歲撒母耳以國之典章示民錄之於書藏於耶和華室然後使民各歸故土掃羅歸其庇亞爲上帝所感者羣然從之諸匪類曰斯人也曷能拯我故藐視之不饋禮物掃羅置若罔聞

第十四章 亞捫王拿轄至基列之雅疋建營攻之雅疋人謂拿轄曰與我結約我服事爾拿轄曰扶爾右目以辱以色列衆則可雅疋長老曰緩我七日我遣人至以色列族四境如無援兵我自邑出從爾所欲使者至其庇亞掃羅所居之邑以此告民民舉聲號哭掃羅牧牛自田而歸問曰民哭曷故遂以雅疋人之事告掃羅聞言爲上帝之神所感震怒特甚取雙牛剖之遣使者攜至以色列族四境告衆曰不從掃羅撒母耳而出者當剖爾牛亦若此例民畏耶和華而出咸懷一心在庇泄核其數得以色列族人三十萬猶大族人三萬遂告使者曰爾告基列之雅疋人曰明日亭午援兵必至使者反告雅疋人悅謂拿轄曰明日我出從爾所欲明日掃羅分民爲三隊昧

爽馳入敵軍，殺亞捫人，迨及亭午，存者四散，無二人集於一處者。民遂謂撒母耳曰：有言掃羅不可轉我者，當攜至殺之。掃羅曰：今日耶和華救以色列族，毋行殺戮。撒母耳謂民曰：盍往吉甲復建其國。民往吉甲，立掃羅爲王，獻酬恩之祭於耶和華前。掃羅與以色列人欣喜不勝。

第十三章 撒母耳告以色列族曰：汝凡所請，我無不允，爲爾立王。我今年邁，首已皓然，我子與爾雜處，所治爾者，惟此人也。我自幼迄今，治理爾曹，何嘗奪人之牛驢，何嘗虐取人，挾制人，受人之賄賂以蔽我明，有一於此，我卽償之。我在此於耶和華前，及受膏者前，彼得爲證。僉曰：爾未嘗虐取我，挾制我，未嘗奪人物。曰：今日耶和華及受膏者爲證，汝之所有，未得於我手。僉曰：俱爲證。撒母耳告民曰：昔挺生摩西亞倫，導爾祖出埃及之耶和華爲證。汝今侍立於耶和華前，我將告爾。耶和華以恩賚於爾祖，爰及爾曹。昔雅各族至埃及，爾祖呼籲耶和華，耶和華遣摩西亞倫導出埃及，賜居斯土。民既忘其上帝耶和華，耶和華付之於夏朔軍長西喇，又付於非利士人，摩押王使與戰鬪。民願耶和華曰：我棄耶和華，事諸巴力亞大綠，以干罪戾，今可拯我於敵，我仍事爾。耶和華遣耶路巴力，比但，耶弗大，及我，援爾於四方之敵，俾爾安居。爾見亞捫王拿轄攻爾，爾則請我爲爾立王，不知爾上帝耶和華爲爾之王。爾既欣羨乎王，耶和華爲爾立之，今已得焉。如爾畏耶和華，聽從其命，不背其道，則治爾之王，爰及爾曹，俱蒙爾上帝耶和華錫嘏。如所命勿遵，其道不從，則耶和華必降災於爾，與降災於爾祖無異。爾姑待此，耶和華大有施行，俾爾目擊。今值麥秋，我呼籲耶和華，彼將使雷震雨降，令爾知爾欲立王，已干大戾於耶和華前。撒母耳遂籲耶

和華是日雷震雨降，民甚畏耶和華，亦懼撒母耳。告撒母耳曰：昔蹈罪愆者屢矣，今欲立王，愈形不善，故代我所爾之上帝耶和華，免我死亡。撒母耳曰：毋畏，汝雖嘗行是惡，今而後勿違耶和華，必盡心以服事之。如違耶和華，從事虛妄，無所裨益，無能援手。耶和華既歡然以爾爲民，必不汝遺棄，以尊崇己名。我爲爾祈禱，無時或忘，否則犯罪於耶和華。又必以善道真理指示於爾。汝當念耶和華緣爾之故，大展作爲，故必敬畏，盡心誠意以奉之。若爾行惡，則爾之王，爰及爾曹，俱必滅亡。

掃羅爲以色列王，越至二年，簡於以色列族，得軍三千，二千從掃羅在密抹，及伯特利山，一千從約拿單在便雅憫之其庇亞。餘民各歸故幕。約拿單在其庇亞擊非利士人汎，其民風聞斯事，掃羅吹角，遍告希伯來人。以色列族聞掃羅擊非利士人汎，爲非利士人所惡，則集於吉甲，羣從掃羅。非利士人集欲攻以色列族，率車三萬，騎六千，步卒如海沙之衆多。至伯亞文東之密抹，建營。以色列人見事處困迫，遭於患難，則匿於巖穴、林藪、岡巒、坎阱，亦有希伯來人濟約但河，遁於伽得。基列掃羅仍在吉甲，從之者戰慄。撒母耳定期七日，必至吉甲。掃羅待之，見其不至，民將潰散，則曰：當攜燔祭及酬恩祭至此。掃羅獻之。燔祭既畢，撒母耳至，掃羅出迓，問安。撒母耳曰：汝所行何事？掃羅曰：定期既屆，爾未式臨，我見斯民將散，而非利士人集於密抹，竊意非利士人必至吉甲，攻擊我衆，而我未禱耶和華，故我從權，而獻燔祭。撒母耳曰：爾所爲者，違耶和華命，不智孰甚。昔耶和華欲立爾爲以色列族王，永爾國祚，今爾不守厥命，故爾國祚不永。耶和華更



簡一人合乎其意，使爲民長。撒母耳遣征，自吉甲往便雅憫之其庇亞。掃羅核其從者，計六百人。掃羅及其子約拿單與其從者俱居於便雅憫之其庇亞。非利士人建營於密抹。非利士人中有流寇，自其營出，分爲三隊：一由阿弗拉至書押，一由伯和倫，一由西編谷之界曠野相向之所。先是非利士人不容鐵工居於以色列族地，恐希伯來人鑄作劍戟。以色列人欲礪其耒耜斧斤，則詣非利士人。惟有鏗以削其耒耜斧斤與鋤，使鍛銳利。當戰之時，惟掃羅與約拿單有劍戟，從者俱無。○非利士人之汎在密抹隘口。

第十四章 當日掃羅子約拿單謂持兵之少者曰：盍往相對之所，至非利士人汎，不告其父。其庇亞之隅地名密倫，有石榴樹焉。掃羅居於其下，從人六百。以利會孫非尼哈孫亞希突子亞希亞居於示羅，衣公服，爲耶和華之祭司。亞希突卽以迦泊之弟。民不知約拿單已往。約拿單欲至非利士人之汎，道由隘口巉巖對峙，一名破泄，一名西尼，一向北與密抹相對，一向南與其庇亞相對。約拿單謂持兵之少者曰：敵不受割禮，盍適彼汎，庶幾耶和華祐我。蓋耶和華欲援我民，衆寡俱可用也。持兵之士曰：盍往哉，爾所欲爲，任意以行，我與爾有同心焉。約拿單曰：我儕二人由此至彼，使彼觀瞻。如彼曰：爾曹勿動，以俟我至。則我仍駐於己所，不往迎之。如彼曰：爾可來此，我則前往。耶和華將以之付於我手，此可爲徵。二人遂出，使非利士人觀瞻。非利士人曰：希伯來人素匿於巢穴，今已出矣。汎人告於約拿單及其持兵之士曰：爾可至此，我將示爾一事。約拿單告持兵之士曰：汝可相從，耶和華以彼付於以色列族手。約拿單攀巖而上，持兵之士隨焉。敵爲約拿

單所擊，仆於其前，持兵之士從而戮之。約拿單與持兵之士，始戮敵衆，約二十人，在半畝之間。敵之軍旅，以及鄉民，防禦之兵，流亡之寇，無不戰慄，地亦震動。上帝使之，在便雅憫之其庇亞，掃羅之戍卒，見敵軍漸散，掃羅使從者核其民數，欲知前往者爲誰。既核之後，知約拿單與其持兵之士不在。斯時也，上帝之匱在以色列族中，掃羅使亞希亞昇匱而至，掃羅與祭司相語時，非利士人營中，號呼之聲，益覺振動。掃羅告祭司曰：姑止爾爲，乃率從者往戰，既至，觀敵自相攻擊，以致敗績。昔有希伯來人，自四方而來，從非利士人之營，今從掃羅約拿單，以助以色列族。素匿於以法蓮山之以色列人，聞非利士人遁，則出以戰，而襲其後。戰於伯亞文，是時耶和華拯以色列族。○當日掃羅與民發誓曰：毋食餵糧，迨夕乃可犯者見，俟我盡報斯仇。因此以色列族不嘗食物，困憊特甚。民適於林，見地有蜜，既至，蜜滴於地，民畏誓言，手不敢取。掃羅發誓時，約拿單未之聞，以所執之杖，濡蜜，嘗之，目即明。民中一人曰：爾父發誓，使民不食餵糧，犯者見，詎今民甚矣。約拿單曰：我父累及於民，我少嘗蜜，我目即明，爾衆爲證。敵之糗糧，今日爲民所得，如任意以食，則殺非利士人，豈非尤衆。民擊非利士人，自密抹至亞耶倫，困憊愈甚，乃取所得牛羊與犢，宰之於野，肉尚有血而食之。人告掃羅曰：民食有血之肉，于耶和華命。掃羅曰：爾曹犯罪，當移犬石至此。又曰：通告於民，使各牽牛羊於此，宰之而食可也。肉尚有血者，毋食，恐于耶和華命。是夜民各牽牛羊宰之於彼。掃羅築壇，奉事耶和華，實始於此。掃羅曰：我儕夙夜追襲非利士人，虜其所有，使其民人，靡有孑遺，迨至黎明，乃止。民對曰：爾可任意以行，祭司曰：當詣上帝前。掃羅詢於上帝，非

利士人今日可襲之乎。爾其以之付於以色列人手乎。是日上帝無所應。掃羅曰：惟爾民長，咸必前來，欲知今日誰干罪戾。我指救以色列族之耶和華而誓。雖我子約拿單，亦必死亡。民中無有應之者。乃申命於以色列族曰：汝眾在彼，我與我子約拿單在此。民曰：爾任意以行。掃羅所以色列族之上帝耶和華曰：願指示其實。掣籤得掃羅及約拿單。民弗與焉。掃羅曰：於我父子之間，試再掣籤，乃得約拿單。掃羅問約拿單曰：爾何所爲，明以告我。約拿單曰：我僅以所執之杖，嘗蜜少許，何至於死。掃羅曰：約拿單，我必致爾於死，我不若是。願上帝罰我。民謂掃羅曰：今日蒙上帝所祐，約拿單大救以色列族，欲致之死，斷乎不可。我儕指耶和華以誓，其首之一髮，必不隕地。於是約拿單爲民所援，免於死亡。掃羅不追非利士人，非利士人歸故土。掃羅爲以色列國王，攻四方之敵，卽摩押、亞捫、以東諸族、鎖巴列王、非利士人，無論所往，均加殘害。率衆擊亞馬力人，免以色列族爲流寇所傷。掃羅有三子：約拿單，以遂麥基舒亞，又有二女，長名米臘，季名米甲。亞希馬斯、女亞希暖，爲掃羅之妻。掃羅叔尼耳之子押尼耳，爲軍長。基士生掃羅，亞庇生尼耳，尼耳生押尼耳。掃羅存日，與非利士人力戰，見英武有能之士，則羅而致之。

撒母耳告掃羅曰：我奉耶和華所遣，以膏沐爾，使爲以色列民之王。今耶和華之命爾當聽從。萬有之主耶和華云：昔以色列族出自埃及，亞馬力人伏於途間，我常不忘。今可攻之，殲滅所有，毋加矜恤。男女童稚、嬰孩、牛羊駝驢，悉當殺戮。掃羅集民於提拉忻核，其軍數，步卒二十萬，猶大人一萬。掃羅至亞馬力邑，伏於山谷。告基尼人曰：在昔我族出自埃及，爾待之良厚，故今

勸爾速與亞馬力人相離，恐爾亦爲我所滅。基尼人遂離之而去。掃羅擊亞馬力人，自哈腓拉及書耳道，埃及相向之所，生擒亞馬力王亞甲，其諸億兆殲滅，以刃掃羅與民，赦亞甲，惜牛羊及羔，其嘉者，其次者，暨凡合其意者，不滅之盡，惟鄙陋之物，悉被殲滅。耶和華諭撒母耳曰：掃羅違我，不遵我命，昔立之爲王，今則悔焉。撒母耳甚憂，終夜禱耶和華，夙興欲迓掃羅，或告曰：掃羅至加密立柱，轉往吉甲。撒母耳就掃羅，掃羅曰：願耶和華錫嘏於爾，我已遵耶和華命而行。撒母耳曰：羊鳴牛吼，入於我耳，是何故歟？掃羅曰：自亞馬力地牽之而來，其牛羊之嘉者，民惜其生，欲祭爾之上帝耶和華，其餘盡滅。撒母耳曰：勿語，待我以耶和華前夕諭我者告爾。曰：願聞其詳。撒母耳曰：昔爾自視甚微，耶和華簡爾爲支派之長，以膏沐爾，立爲以色列族王。當耶和華遣爾之時，曾告爾曰：亞馬力族俱干罪戾，汝往攻之，必盡殄滅，何不聽耶和華命，乃作惡於其前，見敵所有而行劫奪？掃羅曰：耶和華遣我，我果聽命，我至亞馬力，虜其王亞甲，盡滅其衆，所應滅之牛羊，民簡其佳者，欲在吉甲祭爾之上帝耶和華。撒母耳曰：耶和華豈以燔祭禮物爲喜，不以聽從其命爲喜乎？夫聽命較獻祭尤善，遵言較羊脂愈美。橫逆與卜筮之罪無異，抗戾與拜偶之咎相同。不聽耶和華命，故耶和華使爾國祚不永。掃羅曰：我誠有罪，我畏斯民，聽其言詞，故干犯耶和華及爾所命，求赦我罪，與我旋歸，待我崇拜耶和華。撒母耳曰：我不偕爾旋歸，爾不聽耶和華命，故爾爲以色列王，耶和華使爾不永其祚。撒母耳旋踵以行，掃羅執其裾，裾絕。撒母耳曰：爾之同儕較爾尤善，爾爲以色列王，自今以後，耶和華將絕爾國祚，以畀同儕。以色列族之赫赫上帝，異乎世人。

不失其信，不回其志。曰：我雖犯罪，求爾於以色列族及長老前，尊崇我，偕我旋歸，待我奉事爾之上帝耶和華。撒母耳與掃羅歸，掃羅崇拜耶和華。撒母耳曰：亞馬力王亞甲攜之以至，亞甲權然而來，曰：死亡之苦，庶幾可免。撒母耳曰：爾以刃使衆人之母絕其嗣，故爾之母亦必喪其子。撒母耳在吉甲，於耶和華前，殺亞甲而剖其體，後往拉馬。掃羅歸其庇亞故土。撒母耳存日，不復往覲掃羅。緣之懷憂，耶和華既立掃羅爲以色列王，亦有悔心。

耶和華謂撒母耳曰：掃羅爲以色列王，我不永其祚，汝爲懷憂，伊於何底。可感膏於角，我將遣爾至伯利恆。人耶西所，其衆子中我簡其一，立之爲王。撒母耳曰：掃羅聞之，必殺我，若何可往。耶和華曰：爾可備犢，言欲獻於我，招耶西食胙。若何作爲，我指示爾。我所命者，爾沐以膏。撒母耳遵耶和華命，至伯利恆，邑之長老，見之則懼，問曰：汝爲平康而至乎。曰：我之此來，惟爲平康，欲祭耶和華，爾當潔己，偕我食胙。撒母耳使耶西及其子成潔，招之食胙。既至，撒母耳見以利押，意耶和華使沐以膏者，果此人歟。耶和華諭撒母耳曰：毋觀其容貌之美，軀幹之高，斯人也非我所簡。我之所見，有異於人，人見外貌，我見內心。耶西召亞庇拿撻，使過撒母耳前。撒母耳曰：耶和華不簡此人。耶西又使沙馬過焉。撒母耳曰：耶和華亦未簡此人。耶西使七子咸過。撒母耳曰：斯皆非耶和華所簡。又曰：爾子悉在於此乎。曰：尚有季者牧羊。撒母耳曰：速召之，我不少坐以食。待季者至，遂召之，其容赤色，雙眸炯然，丰采甚都。耶和華曰：斯人是也。速沐以膏。撒母耳取角中之膏，以沐之，兄弟咸覩，自是以後，耶和華之神感大闢。撒母耳啟行，歸於拉馬。○耶和華之神離

掃羅乃使惡神擾之。其僕曰：上帝使惡神擾爾，蓋命侍臣求善鼓琴者，迨惡神臨爾之時，鼓琴則愈。掃羅命僕曰：求善鼓琴者，攜至我所。一僕曰：我素知伯利恒人耶西之子善鼓琴，英武善戰，中藏智慧，丰采甚都，爲耶和華所佑。掃羅遣人至耶西曰：汝子大關牧羊於野，使詣我所。耶西以鹽負餅，盛酒於革囊，牽山羊之羔，使子大關以奉掃羅。大關既至，立於其前，掃羅眷愛特甚，使執其戰具。遣使者告耶西曰：大關已沾我恩，容待我側。值上帝使惡神臨掃羅時，大關鼓琴，掃羅得慰藉而愈，惡神離之。

非利士人集其軍旅，欲往戰鬪，至猶大之說哥，在說哥亞西加間，有地名以弗大閔，建營於彼。掃羅與以色列族集於以拉谷，建置營壘，陳列行伍，攻擊非利士人。非利士人立於山岡，以色列族亦立於山岡，彼此相對，其間有谷。有挑戰者，迦特人，名珂利亞，自非利士人營出，體長六尺有三，古尺布首冠銅冑，身衣銅甲，重二千五百兩，股著銅禰，肩負銅戟，厥槍之柯，大如織器之梁，槍之鋒刃，重約三百兩，持于者行於前，彼立而呼，謂以色列軍曰：爾出陳列行伍，將欲何爲？我屬非利士人，爾曹皆掃羅臣僕，汝簡一人，與我相迎，如彼能攻我殺我，我儕願爲爾役，如我勝彼殺彼，爾曹當爲我役，而服事我。又曰：以色列全軍，今日爲我所侮，可使一人出，與我戰鬪。掃羅與以色列族，咸聞其言，驚懼特甚。○夫大關，猶大支派，伯利恒之以法大人，耶西之子，耶西生八子，掃羅之時，耶西年邁，其長子以利押次亞庇拿撻，三沙馬，俱從掃羅以戰。大關乃季子也，其兄三人，俱從掃羅，則離掃羅，歸伯利恒，牧父之羊。非利士人，歷四十日，無間朝夕，必至軍前。耶西

語大關曰爾攜烘穀六斗與餅十趨至營壘往見乃兄又攜乳餅十以饋千夫長問爾兄安取其質而歸掃羅及以色列族衆在以拉谷與非利士人戰大關夙興以羊付牧者遵父命而行至列車之所見軍旅盡出鼓譟以戰以色列族與非利士人陳列行伍兩軍相對大關以所攜之物付於守者手趨入行伍問其兄安談言之時非利士人挑戰者迦特人柯利亞自其行伍出語如前言爲大關所聞以色列族見之咸懼而遁相語曰汝見斯人乎彼至侮以色列族如有能殺之者王將賜以厚財以女妻之獨其全家應納之稅或立於傍大關問之曰能殺此非利士人洒恥於以色列族者將何所得非利士人未受割禮安敢侮永生上帝之軍乎民如前言曰能殺此人者可得此長兄以利押聞大關與衆言怒曰爾至此曷故羊遺於野爲數無幾孰牧之乎爾心驕意頑我知之矣汝來特觀戰耳大關曰我何所爲我豈非奉命而來乎遂他顧而語問如故民答一若前言有聞大關言告於掃羅前遂召之大關謂掃羅曰勿爲此人喪膽僕敢前往與非利士人戰掃羅曰欲與戰爾必不能爾年甚少彼自幼嫻於武事大關曰昔僕爲父牧羊有獅與熊至羊羣攫取羔羊我追而擊之援羔於其口彼欲害我我執其鬣擊而殺之獅與熊尙被僕所殺此未受割禮之非利士人旣侮永生上帝之軍亦必如是又曰耶和華旣援我於獅熊亦必救我於非利士人手掃羅曰往哉願耶和華祐爾掃羅以其甲冑賜於大關遂冠銅冑披鎧甲懸劍欲行惟服甲冑未能諳練乃謂掃羅曰我未嘗諳此不敢遽行遂卸之手執杖簡溪間光潔之石五藏之於囊卽牧童所常攜者執發石之繩往迎非利士人非利士人前迎大關持干者爲先導非利

士人環視，見大關年甚少，其容維赤，丰采甚都，則藐視之。謂大關曰：汝執杖來迎，以我爲犬乎？遂指厥上帝，而咒詛大關。又謂之曰：汝來，我取爾肉，給於飛鳥走獸。大關曰：爾侮以色列族上帝之軍旅，爾來迎我，執利劍，用干戈，我來迎爾，恃萬有之主耶和華。今日耶和華以爾付於我手，我將擊爾，斬爾首級，以爾衆之尸骸，給於飛鳥走獸，使天下億兆咸知以色列族有上帝。亦使斯大會知耶和華救人，非藉劍戟，其使人獲勝者，乃任意以行，將付爾於我手。非利士人進，欲迎大關，大關疾趨，欲迎非利士人，探囊取石，以繩發之，擊非利士人，深入額際，遂仆於地。如是大關以繩發石，擊非利士人而殺之，手不持刃，向前而趨，踐非利士人之身，拔刃出鞘，斬其首級。非利士衆見英武者已死，則潰而奔。以色列族猶大人並起，鼓譟追襲敵衆，入谷，至於以革倫邑門。非利士人見殺者，尸橫沙劫音道，延至迦特，以革倫以色列族追非利士人，既畢其事，則旋軍，劫幕。大關取非利士人首級，至耶路撒冷，藏甲於幕。掃羅見大關出，與非利士人戰，則問軍長押尼耳曰：此少者誰人之子歟？對曰：我指王生命以誓，我不相識。王曰：汝詢此童果誰之子。大關殺非利士人而歸，手執首級，押尼耳導之見掃羅。掃羅曰：少者誰氏之子乎？對曰：爾僕伯利恒人耶西之子。

**第二十章** 大關言竟，掃羅留之，不遣之。歸約拿單之心，與大關之心，深相契合，愛之如命，遂與結約，解長衣衣之，取弓刀與紳賜之。大關爲掃羅所遣，不論何適，無不亨通。掃羅擢之爲武士長，掃羅臣僕與億兆皆悅焉。大關殺非利士人而回，衆婦自以色列諸邑出，謳歌舞蹈，播鼗擊磬，歡然以迓掃羅王。衆婦踴躍，唱子和汝曰：掃羅殺人維千，大關戮人盈萬，掃羅怒甚，不悅其言，曰：大關



得萬，我惟得千，尊之若此，將何所得，非國而何？自是以後，掃羅見大關時，睚眦之。越日上帝使惡神憑掃羅於室中，爲神所憑而言。大關仍鼓琴，掃羅執戟擲之，欲刺大關，鈿之於牆。大關逃避者，再掃羅知和華遺棄乎己，而祜大關，故懼之，不令侍側，立爲千夫長，率民出入。大關所行，無不亨通，耶和華祐焉。掃羅見其所行，無不亨通，懼之益甚。大關率民出入，以色列族猶大人，無不眷愛。掃羅忌大關，自謂與其戮之，由於己手，寧藉手於非利士人，以害之。故謂之曰：爾當爲豪傑，緣耶和華而戰，我必以長女米臘妻爾。對曰：我何人斯？我之所出者甚微，我父之家，在以色列族中，其名不顯，豈可爲王之婿？屆期，掃羅不以其女米臘妻大關，乃妻以米何拉人亞得哩。掃羅季女米甲愛大關，或告掃羅，掃羅悅，自謂許妻以女，若設坎阱，使非利士人擊之。告大關曰：子，今必於二女中，以其一妻爾。掃羅使僕私語大關曰：王悅爾，其臣僕愛爾，必爲王婿。僕如是以告。大關曰：我素貧乏，爲人藐視，爲王之婿，豈易易哉？掃羅之僕以大關言反告。掃羅曰：當告大關。王不欲受聘，第欲爾斷非利士人之皮一百，以報王仇。掃羅之意欲藉非利士人手，以殺大關。王僕以此言告大關，大關喜，欲爲王婿，未屆期，卽與從者往，殺非利士人二百，攜所斷之皮，俱進於王，欲爲王婿。掃羅以其女米甲妻之。掃羅知大關爲耶和華所祐，亦爲次女米甲所愛，故懼之愈甚，恒爲其敵。大關與非利士人之伯戰，較掃羅臣僕所行亨通，羣尊其名焉。

第十九章 掃羅告其子約拿單及其臣僕，使殺大關，惟約拿單甚悅。大關告之曰：我父欲殺爾，今當謹恪，逕於僻處，待及明晨，爾所在之田，我父至焉，我侍於側，必與之言，所聞告爾。約拿單於父

前褒揚大關曰、請王毋害大關。大關未嘗獲罪於王、事王甚善。昔冒死不顧、殺非利士人、耶和華大援以色列族、爾見此甚喜、今何擊之、欲殺無辜。掃羅聞約拿單言、指耶和華而誓、必不殺之。約拿單招大關以告、導見掃羅、仍侍於側。○後有戰鬪、大關出攻非利士人、大戮其衆、餘潰而遁。耶和華使惡神憑掃羅、掃羅持戟坐於室中、大關鼓琴、掃羅以戟擊大關、欲鈿於牆、大關避焉、戟入於牆、是夕大關遁而獲免。掃羅遣人守於大關家、待旦欲殺之、大關妻米甲告之曰、今夕不自救、明日必見殺。米甲自牖縫大關、使奔而出。米甲置像於牀、編羊毛飾於首、而覆以布。掃羅使者至、欲執大關、婦曰、彼有疾。掃羅又遣人觀大關、曰、以牀昇之而至、我欲殺之、使者入、見像於牀、飾其首者、編羊毛爲之。掃羅謂米甲曰、何爲欺我、以縱我敵。米甲曰、彼使我釋之、不然則殺我。大關遁至拉馬、見撒母耳、以掃羅所爲告。二人往拿約居焉、或告掃羅、大關往拉馬之拿約。掃羅遣人執大關、使者見衆先知、爲撒母耳所治理、俱感神而言、乃亦爲上帝之神所感而言、或告掃羅、又遣使者、亦感神而言、三遣皆若是。掃羅親往拉馬、至西古大井、問撒母耳、大關安在、或曰、在拉馬之拿約。掃羅既至、亦爲上帝之神所感、且行且言、迨至拉馬之拿約、乃解衣裸裎、永晝永夕、仆於撒母耳前、感神而言、後有諺曰、掃羅豈在先知中乎。

第二十章 大關遂遁、自拉馬之拿約、至約拿單所、告曰、我何所爲、我有何罪、干於爾父、欲害我命、曰、爾斷勿死、我父所爲、無論鉅細、必以告我、豈爲此隱於我乎、必無是事。大關曰、爾父明知我沾恩於爾、故不告爾、恐憂爾心、然我指耶和華而誓、亦指爾生命以誓、我離死地、止數武矣。約拿單

曰爾心所欲我必遵行。大關曰：明日月朔我當侍王宴，容我匿於田，越至三日既夕，如爾父見我不在，請告之曰：大關全家歲獻祭品，彼請於我，容其趨歸伯利恒故邑。如爾父言善，僕得平康如其怒甚，則可知其欲加害於我。昔爾指耶和華與我盟約，故當厚待我，若我有咎，爾可殺我，毋攔我至爾父前。約拿單曰：如我知父欲害爾，則必相告，我不敢隱。大關曰：如爾父叱爾，誰以告我。約拿單曰：爾來偕往於田，二人適田，約拿單謂大關曰：以色列之上帝耶和華爲證明。日此時，或至後日，我問於父，若知爾沾恩而不以告，則願耶和華罰我。如父欲害爾，我必告爾，使爾安然以去。願耶和華祐爾，如祐我父焉。爾緣耶和華施恩於我，不第在我存時，卽我沒後，耶和華除大關諸敵於天下，爾亦必施恩於我家，歲恒不絕。約拿單與大關全家立約曰：不守此約者，爲大關敵。願耶和華責之。約拿單與大關相愛如命，故皆發誓。約拿單曰：明日月朔，爾虛其位，父必知焉。越至三日，爾必速往，至昔所匿之處，居於以色石旁，我將射三矢於側，佯欲射的，命童前往取矢，如我言矢近，取之，則爾可歸。我指耶和華以誓，必享平康而無害。如我告童矢已遠去，則爾當適他方。耶和華使爾遠離。至於我儕所言之事，耶和華恒在爾我間爲證。○大關匿於田，月朔王赴席，遵行向例，附牆以坐，約拿單在旁，押尼耳坐於側。大關虛其位，首日掃羅不言，意大關遇事，或蒙不潔。明晨月之二日，大關位仍虛，掃羅問約拿單曰：耶西之子，自昔及今，不赴我讎曷故。約拿單對曰：大關求我許往伯利恒，謂我曰：家有祭祀，兄命必至，如沾爾恩，請容我去，往見兄弟，故不赴宴。掃羅怒之曰：爾母悖逆，故生子若此。我知爾簡耶西之子，辱及爾母，并辱爾身。耶西子若存，爾國

祚必不示、當遣使執之至、致於死地。約拿單曰、何故殺之、彼何所爲。掃羅擲戟、欲擊其子。約拿單知父決意殺大關、則爲之憂。又因己爲父所辱、故盛怒離席而去。月之二日不飲不食。○詰朝屆大關所約之時、約拿單往於田、攜一童子、告之曰、汝往拾我所射之矢。童往、約拿單射矢過之。童至射矢之處、約拿單呼曰、矢離爾甚遠。又呼於童後曰、速往毋遲。童拾矢返主所、不識其故。惟約拿單大關會意焉。約拿單以弓矢與童曰、攜之入邑。童往、大關自南旁出、伏地三拜。彼此接吻哭泣。大關愈甚。約拿單曰、汝可安然他適、我儕指耶和華而誓、其在爾我間爲證。爰及苗裔、歷世靡暨。大關遂往、約拿單入邑。

大關至挪伯、見祭司亞希米勒懼曰、汝奚獨至、無人與偕。大關曰、王委以事、所遣所諭者、不令人知、我之僕從俟我於外。今爾所有者何物、請以五餅給我、或以所餘、亦無不可。祭司對曰、常餅未有、聖餅有之、如少者、近不御婦女、則可給焉。大關曰、我儕自啟行以來、迄今三日、未近婦女、少者之身乃潔、雖啟行時少蒙不潔、至於今日、要無不潔矣。陳耶和華前者、其外無餅、故祭司以聖餅供大關、意欲當日代以新餅。是日掃羅牧長、以東人多益、因有事故、留於耶和華室前。大關謂亞希米勒曰、王事孔亟、我不攜刀與器、爾有劍戟否。祭司曰、汝昔在以拉谷殺非利士人、何利亞、其刃在此、裹以布、置公服後、其外無他。爾欲取之可也。大關曰、此刃無可比擬、請以給我。大關畏掃羅、遂遁至迦特。王亞吉亞吉僕曰、此非彼國之王大關乎。我憶疇昔、婦女舞蹈、唱子和汝曰、掃羅殺人維千、大關戮人盈萬。大關以此言藏諸心、甚懼迦特王亞吉、乃於其

前更易其品，佯狂塗抹於門，吐涎於鬚。亞吉謂其臣僕曰：爾觀斯人，狂妄者流，何擋至我，我焉用狂者，汝攜之至，狂行於我前，曷故，豈可入我室乎。

大關離彼，遁於亞士蘭穴，其兄弟與其父全家聞此，咸來相就。凡困迫者，逋負者，不快於心者，羣歸之，約四百人，大關爲其長。離彼往摩押之米斯巴，請於摩押王曰：容我父母與爾偕居，迨我知上帝待我如何，遂導父母覲摩押王。大關在衛所時，父母與摩押王居，先知伽得告大關曰：毋居衛所，宜往猶大地。大關遂往至哈烈林。掃羅居其庇亞之崇邱，垂絲柳下，手執其戟，臣僕旁侍，聞大關與從者爲人所緝，知謂臣僕曰：便雅憫族宜聽我言，耶西之子豈能以田畝葡萄園賜爾衆，以爾儕爲千夫長，百夫長乎。爾曹乃謀攻我，今日我子與我臣僕耶西之子結約，使伏以害我，無人以告，無人爲我懷憂。掃羅臣僕中有以東人多益，對曰：我觀耶西之子至挪伯，見亞希突子亞希米勒，亞希米勒寫之問耶和華，且供以食，又賜以非利士人阿利亞刃。王召祭司亞希突子亞希米勒，與其父全家，卽挪伯諸祭司，咸至王前。掃羅曰：亞希突子宜聽我言，對曰：我主，吾在此。掃羅曰：爾與耶西之子謀攻我，汝贈以刃，供以餅，爲之諮詢上帝，使其今日伏以攻我，曷故。亞希米勒對曰：大關乃王之婿，尊於爾家，遵命而行，爾臣僕中孰忠如之。我爲之諮詢上帝，豈始於此乎。王斷勿歸罪於僕，及我父之家，蓋此事無論鉅細，我俱不知。王曰：亞希米勒，爾與父家必致死亡。王諭侍衛曰：耶和華之祭司，輔助大關，知其逃遁，而不以告，故當殺之。王僕不敢遵命。王諭多益曰：汝擊祭司，以東人多益遂擊祭司，當日殺衣臬公服者八十五人，祭司之邑挪

御男女童稚、嬰孩、牛羊及驢、皆擊以刃。亞希突孫、亞希米勒子亞庇亞塔遁、往從大關。以掃羅殺耶和華祭司之事告。大關曰：當日我見以東人多益在側，我知其必告掃羅。今害爾父全家者，實緣於我。有欲害爾命者，亦欲害我命。爾與我偕，可保無虞。爾毋畏焉。

第十三章 或告大關，非利士人攻枝拉，劫其穀場。大關問耶和華曰：我可往擊非利士人否？曰：可往擊非利士人，而救枝拉。大關之從者曰：我在猶大，猶且畏懼，況至枝拉，攻非利士人軍旅乎？大關復問耶和華，耶和華曰：汝往枝拉，我將以非利士人付於爾手。大關偕其僕從羣往枝拉，攻非利士人，大戮其衆，劫其牲畜。枝拉之民得救。初亞希米勒子亞庇亞塔遁於枝拉，見大關時，手攜公服，或以大關至枝拉，告掃羅。掃羅曰：斯邑設有門櫪，閉不得出，今入其中，是上帝以彼付於我手。遂集軍旅，欲往枝拉，環攻大關。暨其僕從，大關知掃羅蓄謀害己，遂命祭司亞庇亞塔攜公服至此，禱曰：以色列族之上帝耶和華歟，僕聞掃羅欲至枝拉，職我之故，將滅斯城。我聞掃羅將至，果有此事乎？枝拉人將付我於其手乎？請指示我。耶和華曰：掃羅必至。又問枝拉人將以我及僕從付於掃羅之手乎？曰：彼將付爾於其手。大關與其僕從約六百人，遂離枝拉，擇可往之地而過。或告掃羅，大關已離枝拉，故止。大關處野，登西弗山，扼其險要。掃羅索之無虛日，惟上帝不付於其手。大關知掃羅已出欲害其命，時在西弗野林中，掃羅子約拿單入林，與大關相見，俾其惟上帝是賴。曰：毋畏，我父求爾不得，爾將爲以色列族王。我居其次，是亦我父所知也。二人立約。耶和華爲證。大關居林，約拿單歸。西弗人至其庇亞，覲掃羅。曰：大關匿於我地，處於叢林，扼其險

要在哈基拉山耶昴門南。請王任意而至，我將付之於王手。掃羅曰：汝恤我勞，願耶和華錫嘏於爾。人言大關甚爲機巧，爾可預備往觀其所匿於何方，果誰見焉。如其藏身之地，知之甚確，則來告我，我偕爾往，若彼在猶大郡中，我必遍索之。西弗人歸，先掃羅而至。大關與從者在馬雲曠野，耶是門南之平原。掃羅率衆往索，或告曰：大關仍處馬雲野之巖穴。掃羅聞之，往襲其後。掃羅行於山左，大關與從者行於山右。大關畏懼，遁逃甚速。掃羅率衆環攻，將欲執之，有使忽至，告掃羅曰：非利士人侵伐我國，請爾速返掃羅，乃舍大關轉攻非利士人，故名其處曰：抹利割磬。大關離彼，居隱其底險要。

第十四章 掃羅既襲非利士人而後，乃旋其軍，或告曰：大關在隱其底野。掃羅簡以色列族軍士三千，往山羊之巖，以索大關及其羣從。至途間，羊牢之所，其旁有穴，入而寢。大關與從者亦在穴中。從者曰：昔耶和華告爾，必以敵付於爾手，任意以行，今日果應斯言矣。大關起，竊斷掃羅裾。既而中心不安，謂從者曰：耶和華以膏沐我主，而我舉手攻之，斷不可爲。大關言此，阻其僕從，勿擊。掃羅掃羅起，出穴而去。大關亦起出穴，呼於掃羅後曰：我主歟。我主歟。掃羅回顧，大關俯伏於地。大關曰：人言我欲加害於爾，曷聽之哉。今日之事，爾知之乎。在穴中耶和華付爾於我手，或勸我殺爾，惟我念昔者耶和華沐爾以膏，故此惜爾，不敢舉手攻主。爾乃吾君父，第斷爾裾，今執於手以爲證，我不加殺害。俾爾知我不犯上，初無不善。然爾遍索我，欲喪我命，在爾我間，願耶和華定其是非，亦願耶和華雪其忿恨。夫我曷敢攻爾哉。古諺有之曰：惡自惡出。我手不敢攻爾。以色列

列王出攻者誰、追襲者誰、非猶已斃之犬、能躍之蚤乎。夫翰人是非者、耶和華也。在爾我間、願其折中、爲我伸冤、援我於爾手。大關言竟、掃羅曰：我子大關、此非爾聲乎。乃大聲號泣、謂大關曰：我待爾以惡、爾報我以德、爾與我較尤義。爾今日善視我、確有據矣。蓋耶和華付我於爾手、爾不殺我。人獲敵而釋之安然、以歸、詎有斯事乎。願耶和華緣爾今所爲、報爾以善。且我知爾必繼爲王、治理以色列國、保其鞏固。爾當指耶和華而誓、不絕我嗣、不滅我名、在我父之家。大關誓焉、掃羅乃歸。大關偕其僕從、仍據險要。

撒母耳沒、以色列族咸集、緣之哭泣、葬於故家、卽拉馬邑。大關啟行、詣把蘭野。有人素居馬雲、其業在加密、家甚富、有綿羊三千、山羊一千、在加密剪羊毛。其人屬迦勒家、名拿八、剛懷不仁、妻名亞庇該、聰慧豔麗。大關在野、聞拿八剪羊毛、遣少者十人、謂之曰：汝至加密、往見拿八、託我名、問其安。曰：願爾全家、與凡所有、永得綏安。我聞爾僱傭、以剪羊毛。昔爾牧者與我在加密、我不之害、彼無所失。可問爾少者、彼必告爾。今屆爾獲利之日、我少者至、望沾爾恩、隨爾所有之物、賜爾僕及爾子。大關之少者至、以斯言告、不贅一詞。拿八曰：耶西之子大關、爲誰、邇時僕遁逃、其主者甚衆。我餅我水、我所宰之肉、當予剪毛者、豈可賜於不知奚自者乎。大關之少者歸、以告。大關曰：各當繫刃、從者遵命。大關亦繫刃。從大關者四百人、守什物者二百人、有一少者告拿八妻亞庇該曰：大關自野遣人、請我主安、反見訾焉。疇昔在野、我與彼偕、蒙其善視、彼不害我、我無所失。我牧羊時、彼與我偕、永朝夕、衛我如垣。我主秉性甚厲、不能與言、故害及全家。汝



當籌畫如何以行。亞庇該速取餅二百，酒囊二，已烹之羊五，烘穀十五斗，葡萄乾一百穗，無花果餅二百方，俱載於驢，謂其僕曰：爾曹先行，我乃後至。婦不以此事告夫。乘驢下山坡，忽遇大關，率衆來迎。大關追思昔日在野之時，守其所有，毫無遺失，豈非徒勞，彼以怨報德，我必攻擊。至於明晨，凡其所有，不遺一男。願耶和華降罰於我敵，亦若是。亞庇該見大關，速下驢俯伏於前，曰：我主歟，願咎歸於我，容進一詞，請聽婢言。拿八秉性甚厲，人符其名，所行不端。拿八譯我主勿以爲意，我主所遣之少者，婢不及見。爾欲流入血，以伸己冤，耶和華止爾，我指耶和華以誓，亦指爾生命以誓，願爾敵及凡欲害爾者，俱如拿八婢，以禮物呈於我主，願爾執事受焉。宥我罪戾，我知耶和華將祐我主，克昌厥後。我主緣耶和華戰時，必拯爾於患難。設有追襲爾，欲害爾命者，願我主之命爲爾。上帝耶和華所保，恆與生者偕，敵之生命，其喪甚速，如以繩發石。昔耶和華曾許我主，必加善視。越至後日，踐其前言，立我主爲以色列君。當斯時，我主必追憶今日之事，不伸己冤，不流無辜之血，心不窒碍，毫無遺憾。我主既蒙耶和華善待，則垂念爾婢。大關曰：以色列族之上帝耶和華，今日遣爾迎我，當頌美之。爾今日勸我不流血，不伸冤，願得純嘏。以色列族之上帝耶和華，使我無加害於爾，我指上帝而誓，如爾不速來晉接，則拿八所有，我必攻毀。至於明晨，不遺一男。大關受饋，曰：我聽爾言，許爾所求，爾可安然以歸。亞庇該至拿八所，見其設盛饌，可饒侯王。拿八醉甚，中心喜悅，是夕事無鉅細，俱不以告。詰朝，拿八宿醒已解，其妻以實告之。拿八喪膽，吃焉如石。越十日，耶和華擊拿八遂死。大關聞拿八死，則曰：耶和華不許其僕行惡，我見辱於拿八，耶和

華伸我冤，以報其惡，當頌美焉。大關遣人語亞庇該，欲娶爲室。大關之僕至加密，見亞庇該，告曰：大關欲娶爾爲妻，遣我來迓亞庇該，俯伏於地，曰：容婢供役，濯主僕之足，速與乘驢，五女相從，偕大關之使以往，爲大關妻。大關先娶耶斯烈地之女亞希暖，至是與亞庇該俱爲其妻。掃羅之女米甲，曾爲大關所娶，其後掃羅使之改適伽林人拉億子八氏。

西弗人至其庇亞，見掃羅，曰：大關差於哈基拉山，耶是門相向之所。掃羅簡於以色列族得軍三千，往西弗野，以索大關在哈基拉山，耶是門相向之所道旁建營。大關在野，聞掃羅追襲其後，乃遣偵者探察之，知掃羅果至大關，遂起至掃羅營，觀掃羅及其軍長尼耳之子押尼耳所駐之地。車乘排列，掃羅寢於其所，從者四周建營。大關召赫人亞希米勒及西魯雅子約押弟亞庇篩，曰：誰敢與我偕至掃羅營？亞庇篩曰：我與爾偕。大關與亞庇篩夤夜至營中，見掃羅寢於列車之所，枕旁有戟卓立於地，押尼耳及從者四周而臥。亞庇篩告大關曰：今日上帝以敵付於爾手，容我擊之，鈞之於地，一擊已足，毋庸再擊。大關曰：毋加殺害，彼爲耶和華沐以膏，殺之者罪毋赦。又曰：彼或爲耶和華所擊，或至逝世之期而終，或沒於行伍之間，我指耶和華以誓，耶和華所沐以膏者，斷不可舉手以攻第取枕旁之戟及水餅而去。耶和華使衆酣睡，大關取掃羅枕旁之戟及水餅而去。衆中醒者無一人，故不及覺。大關往相向之所，立於山岡，其間有隙甚巨，大關呼掃羅之軍及尼耳子押尼耳，曰：押尼耳，何爲不答乎？押尼耳曰：呼於王前者誰？大關曰：爾爲豪傑，在以色列族中無可比擬，有人入營，欲弑爾主，何不護翼乎？爾所爲者非善，我指耶和華以

誓，爾不護翼爾主，耶和華所沐以膏者，罪當致死。試觀王戟，暨水餅，先在枕旁，今歸何處。掃羅識大闢聲，曰：我子大闢，此非爾聲乎。大闢曰：我主歟，我王歟，是也。又曰：我何所爲，我干犯何罪，我主追僕曷故。我主歟，我王歟，請聽僕言，如爾攻我，事由耶和華，可享禮物，如事由人，願耶和華加以咒詛，蓋人驅我，使我離耶和華民，而事他上帝。今日之事，可爲證。我細猶虱，以色列王出而索我，如人往山追鷓鴣，願耶和華祐我，不致我血流於地。掃羅曰：我有罪，而誤行，不智孰甚。我子大闢，今可遣歸，爾以我命爲寶，我亦不復害爾。大闢曰：王戟在此，使一少者來取可也。願耶和華視人忠義，而報施焉。今日耶和華付爾於我手，而我念沐膏之故，不敢相攻。我今日以爾命爲寶，願耶和華以我命爲寶，援我出諸難。掃羅曰：願我子大闢，可獲純嘏，爾將大有作爲，而獲勝焉。大闢往掃羅歸。

第二十七章 大闢慮後日爲掃羅所害，不如速遁於非利士人地。掃羅見我不在以色列四境，必不索我，我可脫其手。大闢啟行，與從人六百投迦特王馬惡子亞吉。大闢及其僕從，暨衆之眷聚，居於迦特，與亞吉偕。大闢有二妻，耶斯烈地之女亞希暖，與會適拿八，加密地之女亞庇該。或以大闢遁於迦特告掃羅，掃羅不復索焉。大闢謂亞吉曰：如僕沾爾恩，請以邊隅之邑，賜爲居處，何必京都與爾偕居乎。亞吉乃賜以息臘，故息臘屬猶大王。迄於今日，大闢居非利士人地之時，計一年有四月。大闢與其僕從，侵基述人，其色人，亞馬力人，昔此族歷居斯土，凡欲往書耳埃及者，必由是道。大闢擊之，不使男女得存其生，奪牛羊驢駝，及其衣服，旋歸而見亞吉。亞吉問曰：今日

所侵何地。大關曰：猶大南境，耶喇滅南，及基尼南。十一大關不使男女得存其生，恐其往告迦特人云：大關所行如此。自後大關居非利士人地，屢行若是。亞吉信大關，自謂大關見惡於以色列族，必永爲我僕。

時值非利士人集軍旅，攻以色列族。亞吉諭大關曰：爾與僕從，必從我以戰。大關曰：

僕所能爲，將示爾知焉。亞吉曰：我必使爾恒爲侍衛長。○撒母耳已沒，以色列族衆葬於故邑拉

馬緣之哀哭，巫覡與卜神所憑者，掃羅驅逐於斯土。○非利士人集於書念，建營。掃羅集以色列

族，建營於吉破。見非利士人之軍旅已至，則懼中心戰慄。問於耶和華，耶和華不答，亦不以夢寐

烏陵。烏陵，掃羅助錫光見出族及聖于八登三十節。先知而示。掃羅命其臣僕往求卜神所憑之婦，欲就見而問焉。僕曰：在隱多

耳有婦爲卜神所憑。掃羅改其儀容，易其常服，同攜二人夜至婦所，曰：請爾憑藉卜神，爲我卜筮。

我所言之死者，爾可招其至。婦曰：巫覡與卜神所憑者，掃羅滅之，爾所素知。何爲設計欲害我命，

致我於死乎？掃羅指耶和華以誓，曰：如爾作此，斷不遭刑。婦曰：使我招何人之魂？曰：撒母耳。婦見

撒母耳，遂大聲而呼，曰：何相欺耶？爾實掃羅王。曰：毋畏，爾所見者何？婦曰：我見士師。士師或曰：靈。由地而

升。曰：其容若何？曰：年已老，衣長衣。掃羅知是撒母耳，則俯伏於地。撒母耳謂掃羅曰：爾何擾我，使

我來格乎？曰：我甚艱辛，非利士人攻我，上帝棄我，不以先知夢寐答我，故招爾至，示我以所當行。

撒母耳曰：耶和華棄爾，必降以罰，曷問我哉？昔耶和華命我之言，今將行之，奪爾國祚，異爾同儕。

大關爾不遵耶和華命，其怒亞馬力人，爾不雪其恨，故迄今日，致有此事。爾與以色列族軍旅，耶

和華將付於非利士人手。明日爾及爾子必與我偕。掃羅聞撒母耳言，卽仆於地，心甚悚懼，永朝永夕，飲食俱廢，故無能力。婦近掃羅前，見其艱辛，特甚，謂之曰：婢冒死不顧，聽爾言，遵爾命。今從婢言，容我以片餅陳於爾前，可食之，加爾精力。然後前往。掃羅辭而不食，僕與婦強之，乃允，起而坐於牀。婦家有肥犢，速宰之，搏麵炊無酵餅，進於掃羅及其僕前，俱食。是夜起而往。

非利士人集其軍旅於亞弗，以色列族附耶斯列，泉建營。非利士人伯率軍，或百或千，向前而進。大關與其僕從隨亞吉，亦向前而進。非利士人伯曰：此希伯來人在此何爲？亞吉曰：此以色列王掃羅之僕，大關相從於我，已歷數年，自投誠以來，未嘗有過。非利士人伯怒曰：可使此人返爾所錫之地，毋偕我往戰，恐戰陳之間，反爲我敵。彼欲與主復和，如何乃可？非以我衆之首級獻其主乎？昔婦唱子和汝，曰：掃羅殺人維千，大關戮人盈萬，非卽此人乎？亞吉召大關曰：我指耶和華以誓，爾甚忠直，自投誠以來，爾出入相從，有善無惡，然不見愛於諸伯。今安然以歸，恐非利士人伯不悅於爾。大關曰：自僕從爾迄於今日，我之所爲，有何過失，不使我攻我主我王之敵？亞吉曰：爾在我前爲善，如上帝之使然，我所素知。第非利士人諸伯不許爾偕我往戰，故當夙興，率爾舊主之僕，迨及黎明而去。詰朝大關與其僕從夙興，歸非利士人地，於是非利士人往耶斯列。

大關與其僕從啟行，三日而至息臘。亞馬力人已侵南方，擊息臘而燬之。所有之婦女不殺一人，無論貴賤，悉擄以去。大關與其僕從至，見城垣已燬，妻孥被擄，遂大聲號哭，至於力盡。

乃已。大關二妻，耶斯烈地之女亞希暖，及曾適拿八加密地之女亞庇該，俱已被擄。民爲子女，衷懷憂忿，欲石擊大關。大關悚懼，然恃其上帝耶和華而強厥志，謂祭司亞希米勒子亞庇亞塔曰：請攜公服以至。亞庇亞塔攜公服至。大關問耶和華曰：欲追其軍可乎？追可及乎？曰：追之必及，諸物悉獲。大關與從者六百人，往至庇朔溪，二百人憊甚，不能濟溪，故留於彼。惟大關與四百人追敵，在野遇埃及人攜之至大關，所給餅使食，取水使飲，供以無花果餅一角，葡萄乾二穗，食之精神頓復。蓋彼歷三晝夜，未嘗飲食。大關問曰：汝奚自，屬於何人？曰：孺子來自埃及，爲亞馬力人僕。三日，前我遘疾病，見棄於主。我軍曾侵其哩南方，與猶大境犯迦勒地南，又燬息臘。大關曰：汝能導我至爾軍前乎？曰：如爾指上帝以誓，必不殺我，亦不反我與主，則我將導爾至我軍前。既至，見亞馬力人遍於斯土，緣其伐非利士人，及猶大地，攘奪貨財甚多，故飲食舞蹈。大關擊之，自黎明至次日之夕，盡殺其衆，靡有孑遺。惟四百少者乘駝而遁。大關得亞馬力人所虜之物，援其二妻所得也。大關至二百人所，昔彼憊甚，不能相從，乃留於庇朔溪，今出迓大關，與其僕從。大關既至，問安其人。大關從者中有匪徒曰：彼不與我偕，所得之物勿予，第其妻孥可攜而去。大關曰：兄弟乎？耶和華既輔翼於我，以敵軍付於我手，故所得之物，勿若是以行。爾所欲爲，不見許於人。衝鋒鎗者，與守什物者，所得維均。當日大關以爲定例，行於以色列族中，越至於今，亦遵是例。大關至息臘，以所得之物，饋猶大長老，卽己之良朋，曰：耶和華之敵，其物爲我所得，故奉於爾。在伯特利。

喇末南方雅的亞羅耳息末以實提摩喇啞耶喇滅鄉邑基尼鄉邑曷馬<sup>三</sup>喇山亞撻希伯崙及大關與其僕從素往來之所俱饋物予之

非利士人攻以色列族以色列族遁在吉破山見殺者衆非利士人追襲掃羅殺其三子約拿單亞庇拿撻麥基舒亞掃羅戰敗矢人射之身負重傷謂持兵之士曰汝其拔刃刺我恐未受割者刺我加以狎侮持兵之士懼甚不敢奉命掃羅觸刃而死持兵之士見掃羅已死亦觸刃偕亡當日掃羅與三子及持兵之士暨其羣從俱亡在谷相向之所與約但東居民見以色列人已遁掃羅及其子已死亦棄邑而逃非利士人至而居之明日剝尸見掃羅及其三子死於吉破山乃斬掃羅首級禡其甲裳遣使者徧傳於非利士人四境及至偶像之室置其甲於亞大綠室鈿其尸於伯山城垣基列之雅疋民間非利士人待掃羅若此壯士盡起夤夜以行奪掃羅及其子之尸自伯山城垣至雅疋焚之取其骨葬於雅疋樹下然後禁食歷至七日

撒母耳記下

掃羅掃羅掃羅沒時，大關殺亞馬力人而歸，居息臘二日，越至三日，有人由掃羅營至大關所，自裂其衣，以塵蒙首，伏地而拜。大關曰：爾奚自？自以色列營疾趨而至。大關曰：其事若何？明以告我。曰：民已戰敗，死亡甚衆，掃羅與其子約拿單亦死。大關問來告之少者曰：彼父子咸死，爾安知之？少者曰：我偶至吉破山，見掃羅倚於鞍，車騎追襲於後，彼回顧見我，呼我至前。我曰：我在此，彼曰：汝爲誰？我曰：亞馬力人。我目眩心禁，命猶未絕，爾可致我於死。我意彼既偃仆，難存其生，故致之死，取其首上之冕，臂上之劍，攜至主前。大關遂裂衣，僕從亦裂衣哭泣禁食，迨夕乃止。因掃羅及其子約拿單與耶和華之民暨以色列衆殲滅於刃故也。大關謂來告之少者曰：汝籍何處？曰：遠方之人，屬亞馬力族。大關曰：爾舉手擊耶和華所沐以膏者，乃毫無畏懼乎？大關召一少者曰：可前而擊彼遂擊之致死。大關曰：斯人自證，殺耶和華所沐以膏者，罪當歸之。大關緣掃羅及其子約拿單之故，乃作悲歌，篇名曰弓，命人教猶大族，其歌載於耶述紀。歌曰：以色列之應<sub>應者</sub>亡於崇丘，英武者其殞乎。毋播於迦特邑，毋揚於亞實基倫，衛恐非利士人之女聞之，懽然恐未受割者之女，聆而欣喜。掃羅素爲英武，在吉破山遺棄其干，雖沐以膏，無異凡民，故願在彼，露不零，雨不降，亦願在彼，田無所產，祭品不獻。約拿單執弓，往殺敵軍，流其血而不卻退，掃羅執劍，往擊英武，剖其脂而不徒歸。掃羅及約拿單生存之日，相愛相悅，雖至死亡，亦弗離逃。彼二人者，疾於鷹，猛於獅，以色列衆女，當爲掃羅哀哭，緣昔掃羅贈以艷麗絳衣，加以金飾文繡，諸英武亡於行。



伍約拿單死於崇坵，豈不哀哉？約拿單我兄歟，昔使我悅樂，蒙其眷愛，迥異尋常，甚於婦女之愛我。今我爲之痛心不已。嗚呼哀哉！英武其亡哉！戰具其棄哉。

爾後大闢問耶和華曰：我可往猶大邑乎？耶和華曰：往哉。大闢曰：當往何邑？曰：希伯崙。大闢遂往，偕其二妻。耶斯列地之女亞希暖與會，適拿八加密地之女亞庇該亦率僕從與衆眷聚，俱至希伯崙邑鄉居焉。猶大人俱至，以膏沐大闢，立爲其族之王。或告大闢曰：葬掃羅者，基列之雅疋人。大闢遣使者至基列之雅疋，告其人曰：汝厚待爾主掃羅，俾其得葬，願耶和華錫爾純嘏。加以恩寵，眞實無妄，我亦欲報爾以恩。爾主掃羅旣沒，猶大族沐我以膏，立我爲王，當強爾志，無忝英武。掃羅軍長尼耳子押尼耳導掃羅子益破設至馬哈念，立之爲王，轄基列亞書利、耶斯列、以法蓮、便雅憫及以色列族衆。益破設年四十始治以色列族，在位二年，然猶大族羣從大闢，大闢在希伯崙爲王，治理猶大族歷七年有半。○掃羅子益破設臣僕偕尼耳子押尼耳離馬哈念至基遍。大闢臣僕偕西魯雅子約押亦離其所，迎敵於基遍沼上。在彼對峙，一軍在沼左，一軍在沼右。押尼耳謂約押曰：任兩軍之少者戲，我將寓目焉。約押曰：可。益破設臣僕便雅憫族十二人與大闢臣僕十二人相角，各執首以刃相刺，彼此殞沒。後人名其處曰：黑甲哈素林。黑甲哈素林卽黑甲卽在基遍，其名猶存。於是繼以大戰。押尼耳與以色列族爲大闢臣僕所敗。西魯雅有三子，名約押、亞庇篩、亞撒黑。亞撒黑足疾如鹿，追襲押尼耳，不偏於左，不偏於右。押尼耳回顧曰：爾爲亞撒黑乎？曰：是也。曰：盍偏於左，盍偏於右，可執少者一人，殲其戎服。亞撒黑仍追不舍。押尼耳曰：姑舍我毋

庸追恐我擊爾，爾若仆地，我何面目與爾兄相見。弗聽，仍追不舍。押尼耳曳戟刺之，洞其腹，從其後出。亞撒黑殞沒，衆至其所，乃止。約押及亞庇篩追押尼耳至基亞，相對之。亞馬山道由基遍野，時日已入，便雅憫族從押尼耳，集爲一隊，立於山岡。押尼耳呼約押曰：「以刃擊人，何久不已，豈不知及其終也，必有困苦。」民追同儕，爾不止之。將至何時，約押曰：「我指上帝以誓，如爾無角枝之舉，則自朝廷今民不追其兄弟。」約押吹角衆止，不追以色列族，不復戰鬪。押尼耳與其僕從，竟夕還征，經平原濟約但，通畢倫至馬哈念。約押不追押尼耳而歸，核數其衆，知大關臣僕喪十九人，及亞撒黑。押尼耳所率便雅憫族，爲大關臣僕所殺者，三百六十人。約押與僕從，取亞撒黑尸歸伯利恆，葬於父墓，竟夕還征，黎明至希伯崙。

**第三章** 掃羅家與大關家戰，曠日持久，大關愈強，掃羅家愈弱。大關在希伯崙生子，長暗嫩，乃耶斯烈地之女亞希暖所出。次基利押，乃會適拿八加密地之女亞庇該所出。三押沙龍，乃基述王達買女馬迦所出。四亞多尼雅，乃哈及所出。五示法提亞，乃亞庇達所出。六以特念，乃大關妻以客拉所出。此六子者，俱生於希伯崙時也。掃羅之家與大關戰鬪，押尼耳強助之。初，掃羅之妃哩斯巴，乃愛雅之女也，益破設責押尼耳曰：「我父嬪嬙，爾曷玷辱。」押尼耳怒曰：「我不從猶大族，惟助爾父掃羅家，及其戚屬友朋，不陷爾於大關手。」爾反視我若犬首，今日乃爲此女詰責我乎。昔耶和華誓，移掃羅國祚，立大關爲王，治以色列族，與猶大族自但及別是巴，今我亦將助之，否則願上帝降罰於我。益破設無辭以對，畏之故也。押尼耳遣使謂大關曰：「斯土屬誰乎？」又曰：「爾與我。」

約我則助爾。使以色列族衆歸爾。大關曰善。我與爾約。惟索一詞。爾歸我時。必攜掃羅女米甲至。否則毋許覲面。大關遣使謂掃羅子益破設曰。昔我斷非利士人之皮一百。聘掃羅女米甲爲妻。今當反我。益破設遣使者詣米甲。夫拉億子八氏所取之。夫隨其後而哭。至巴戶林。押尼耳曰。汝盍歸。乃歸。押尼耳與以色列族長老相議曰。昔爾求大關爲王。治理爾衆。今可立之。蓋耶和華嘗曰。我將使僕大關拯我。以色列族之民脫於非利士人及諸敵手。押尼耳往說便雅憫人。旋至希伯崙。以以色列族及便雅憫家所欲爲者告大關。押尼耳與從者二十人入希伯崙覲大關。大關賜宴。押尼耳謂大關曰。我將往。集以色列族衆歸於我主我王。與爾結約。使爾任意以治。大關遣押尼耳安然以去。既往之後。約押偕大關臣僕大獲貨財。自陳而歸。約押與衆軍旅既至。或告之曰。尼耳之子押尼耳入覲吾王。王遣之安歸。約押見王曰。王果何爲。押尼耳至此。爾遣之去。曷故。豈不知尼耳子押尼耳至此。乃欺爾也。欲窺伺爾出入。與凡所爲耳。約押退。遣使追押尼耳。遇於西臘井傍。請復入邑。大關不知。押尼耳至希伯崙。約押佯欲私語。導至邑門。側刺其腹。致之於死。以報殺弟亞撒黑之仇。大關聞之曰。尼耳子押尼耳見殺。我與我民永無辜。耶和華爲證。罪歸約押。與其父家。願約押全家或患白濁。或患癩疾。或扶杖而行。或殞沒於刃。或飲食匱乏。代有其人。相繼不絕。約押及亞庇篩殺押尼耳。因昔戰於基遍。曾戮其弟亞撒黑也。大關告約押與臣僕曰。當裂衣衣麻。爲押尼耳哭。王親送喪。葬押尼耳於希伯崙。王大聲哭泣於其墓側。民衆亦哭。王爲押尼耳作悲歌曰。押尼耳之死。豈若罪犯哉。爾手足無桎梏。猶人亡於匪類。爾之死亡。亦若是。民

又爲之哭。時未及夕，民至於前，請大關食餅。大關誓曰：如日未入，而我食餅，或食諸物，願上帝罰我。民見此甚悅。王凡所爲，無不悅服。當日以色列族衆咸知殺尼耳子押尼耳者，非由於王。王謂臣僕曰：今日在以色列族中，元戎陷於死亡，汝豈不知我雖受膏爲王，今猶荏弱，而西魯雅之二子，桀驁不馴，願耶和華視惡人之罪戾，而報施焉。

掃羅子聞押尼耳沒於希伯崙，則喪膽。以色列族衆無不悚懼。從掃羅子者，有軍長二，皆便雅憫族之庇綠人。臨門子也。一曰巴拿，一曰哩甲。庇綠之邑，屬便雅憫族。昔庇綠人遁於其大音，越至今日，仍旅於彼。掃羅之子約拿單，惟遺一子，跛其足，名曰米非波設。昔掃羅及約拿單被害，有人自耶斯列報其事。斯時是子僅五歲，其媪抱之以遁，疾趨而子墜地，足以是跛。一日亭午，庇綠人臨門子哩甲巴拿，至益破設家，見其寢於牀，入室，佯欲取麥，則刺其腹而遁。蓋入寢室，見其偃臥，擊而殺之，取其首級，竟夕過征經平原而去。攜益破設首，至希伯崙，往見大關，告曰：昔爾敵掃羅，欲害爾命，今日耶和華報我主我王之仇，害及其子，試觀益破設之首，已在於此。大關曰：拯我命脫諸難，耶和華爲證。昔有人在息臘告我曰：掃羅已沒，意欲報嘉音而獲賞，我反執而殺焉。况爾行惡，入義者之家，殺之於牀，我豈不罰爾罪，絕爾於地乎。大關乃命其少者殺之，斷其手足，懸於希伯崙沼上，取益破設首級，葬於希伯崙押尼耳墓。

以色列族支派，咸至希伯崙，見大關曰：我儕與爾誼屬同宗。昔掃羅爲王，治理我儕，爾導以色列族出入，耶和華有應許曰：爾必牧以色列族，爲我民之長。以色列族長老，既至希伯崙，觀

王大關與之立約，在耶和華前，長老以膏沐大關，立爲以色列王。大關卽位時，年已三十，在位歷四十載。在希伯崙轄猶大族，歷七年有半，在耶路撒冷兼轄以色列猶大二族，歷三十三年。王率衆至耶路撒冷，攻斯土之民，耶布土人，耶布土人意大關不能入其邑，故告大關曰：如跛者瞽者，爾不能勝，要難入此。大關取郇險要之所，更其邑名，以己名稱之。時大關曰：凡入暗竇，擊耶布土人，及我所惡之跛者瞽者，則可爲軍長，蓋敵有言跛者瞽者尙存，則不得入室。大關扼居險要，稱大關之邑，四周築垣，在米羅之內。自此大關日漸昌大，萬有之上帝耶和華祐之。推羅王希蘭遣使攜柏香木，偕木工石工以至，爲大關建宮。大關知耶和華立己爲以色列王，爲其民以色列族故鞏固其國。大關自希伯崙至耶路撒冷後，娶斯土之女，以爲后妃，誕育子女。在耶路撒冷所生者，臚列於左：沙母亞，說巴，拿單，所羅門，益轄，以利書亞，尼弗，雅非亞，以利沙馬，以利亞大，以利法列。○非利士人聞大關受膏爲以色列王，則前來攻擊大關知之，據其險要。非利士人至，遍於哩乏音谷。大關問耶和華曰：非利士人，我當往攻之乎？爾其以彼付我手乎？耶和華曰：往哉，我必付於爾手。大關至巴勒比哩心，擊敵曰：耶和華破敵於我前，若水決而分流，故名其地曰巴勒比哩心。敵遺其偶像，大關與臣僕取之。非利士人復至，遍於哩乏音谷。大關詢耶和華，耶和華曰：爾勿往前，宜襲其後，在桑林相對之所。如聞步履之聲，出於桑杪，則當速往，蓋耶和華已先爾而行，擊非利士人軍旅。大關遵耶和華命，擊非利士人，自基巴基巴至伽息。

第廿一章

大關又簡於以色列族，得軍三萬，率衆往猶大之巴勒欲昇上帝之匱至，匱前民頌居嘒

略味間萬有之主耶和華。取上帝之匱，載於新車，御車者亞庇拿撻二子，一曰烏撒，一曰亞希阿，出亞庇拿撻之家，自山巔而下。亞希阿行於匱前，大關及以色列族衆，踴躍於耶和華前，或敲鉞，或播鼗，擊磬，或鳴琴鼓瑟，其樂器間有松木所製者。至拿干基田曰穀場，昇匱之牛，桀驚不馴，烏撒僭扶上帝之匱。比列耶和華怒責其過，使殞沒於匱前。上帝擊烏撒，大關不悅，名其地曰比列烏撒。至於今日，其名尚存。比列時大關畏耶和華，曰：「可使耶和華之匱適我邑乎？」故不昇之。至大關邑中，轉往他所，至迦特人阿別以東家。耶和華之匱居彼三月，耶和華錫嘏於阿別以東全家。或告大關王曰：「緣上帝之匱，耶和華錫嘏於阿別以東，暨凡所有。」於是大關往迎上帝之匱，於阿別以東家，歡然昇至大關邑中。主昇耶和華匱之人，行纜六步，大關獻牛與肥畜爲祭。大關衣臬公服，舞蹈於耶和華前，竭力以爲大關。及以色列族衆，歡呼吹角，昇耶和華之匱，以至耶和華之匱入大關邑時，掃羅女米甲自牖而窺，見大關王，踴躍舞蹈於耶和華前，中心藐視之人，昇耶和華之匱，置於其所。在大關所張之幕，大關獻燔祭，及酬恩祭，奉事耶和華。其事既畢，則願萬有之主耶和華，名爲民祝嘏。以色列族衆，男女各有匪頌，饅首一團，酒一罇，葡萄乾一方，然後民歸。大關歸，爲眷聚祝嘏，掃羅女米甲出迓，曰：「今日以色列王，弛解其衣，若遊蕩之徒，卽臣僕之婢，亦所目覩，安得爲榮乎？」大關曰：「我之爲此，第欲尊崇耶和華耳。昔耶和華遺棄爾父，及其全家，簡我爲民長，治理以色列族，故在耶和華前，我必踴躍。」如因是事而藐視我，則我自待，必更卑微。然後爾所言之婢，將尊敬我。由是掃羅女米甲，不復誕育，至於畢生。

王坐於宮庭，蒙耶和華錫以綏安，不爲四周之敵所害。論先知拿單曰：我居之宮，以柏香木創造，而上帝之匱，反在幔中。拿單曰：耶和華祐爾，任意以行。是夕，耶和華命拿單曰：往告我僕大闢耶和華，有言曰：欲建殿宇，爲我居處，豈在爾乎？我自導以色列族出埃及以來，迄於今日，恒寓帷幕，未嘗居殿。我與以色列族偕，簡於支派之中，得數人使牧我民，我曷嘗命建柏香木殿，爲我居所乎？今當告我僕大闢，萬有之主耶和華云：昔爾在羊牢牧羊，我特遴選爾，使爲我民以色列族長，不論所往，我眷祐爾，絕爾諸敵。錫爾大名，同於斯世之豪傑。我賜土於我民以色列族，使安居其所，得有恒業，不復遷移，不遭惡人之害。如在疇昔，我命士師治理我民，以色列族，今我賜安於爾，不爲敵所害。自此而後，必永爾國祚。爾逝世之期既至，得與祖父同墓。我將以爾所出之苗裔，使繼爾位，鞏固其國。彼將爲我建殿，我必俾其國祚恒久弗替。我必爲其父，彼必爲我子，若其行惡，我將責之，猶人之督責其子。我必待之以恩，不若掃羅。恩義已絕。昔我棄掃羅，簡擇於爾，必昌熾爾後綿長爾祚，永世弗替。拿單見異象，聞諭言，以告大闢。大闢王入耶和華所坐於前，禱曰：我主耶和華歟，我何人斯？我家世式微，乃蒙爾導我，有此今日。曾是我主，以今所行，猶爲不足。復有應許，欲昌我後，至於恒久，此豈世所常有乎？我更有何辭哉？我主耶和華素悉僕衷，爾有大作爲，任意應許，爾曾言之，使僕預知。我聞於人，耶和華上帝至大，無可比擬，其外無他。昔爾蒞臨埃及，拯以色列族，使爲爾民，而名以播揚爾行大事，深爲可畏，以保爾民，斯土之衆，及其上帝，被爾驅逐，如是天下之億兆，安能與斯民比擬乎？以色列族之上帝耶和華歟，爾簡斯衆，以爲爾民。

恒久不已。耶和華上帝應許爾僕，克昌厥後，願踐前言，永世弗忘。萬有之主，以色列族之上帝耶和華，爾名永尊。願爾僕大關之後，寔昌寔熾，萬有之主，以色列族之上帝耶和華，已示厥僕，其後必昌，故爾僕敢祈禱若是。我主耶和華，爾乃上帝，所言眞實無妄，爾有應許，賜僕純嘏。我主耶和華有言，錫嘏於爾僕之家，備於爾前，永世靡暨。今我禱告，願爾前言是踐。

爾嗣後大關擊非利士人敗之，取米的安馬，又擊摩押，使其人伏地，以繩量度，區之爲三，死亡者二，生者一。由是摩押人服役於大關，而進貢焉。大關往百辣河，欲得其地，則擊鎖巴王，哩合子哈大底泄，擄馬乘一千七百，步卒二萬，斷其馬筋，所存者惟馴一百。大馬色之亞蘭人至，欲助鎖巴王哈大底泄，大關殺之，約二萬二千。大關遣兵成大馬色，於是亞蘭人爲大關僕，而進貢。大關不論所往，得耶和華祐。哈大底泄僕衆，各執金干，大關奪之，攜至耶路撒冷。庇大或曰庇羅太或曰二邑，屬於哈大底泄，大關取其銅，不可勝數。昔哈末王陀以與哈大底泄戰，今聞大關已擊其軍旅，則遣子約蘭或曰攜金銀銅器，往見大關王，慶賀而祝之。大關王取器，與降國所進之金銀，俱獻於耶和華。所伐者亞蘭、摩押、亞捫族、非利士人、亞馬力人、鎖巴王哩合子哈大底泄，盡獲其貨財以獻。大關在鹽谷，殺以東人一萬八千，播揚其名。然後旋軍，遣兵戍以東，而以東人咸爲大關僕。大關不論所往，得耶和華祐。大關治理以色列，秉公行義於民間。西魯雅子約押爲軍長，亞希律子約沙法爲史官，亞希突子撒督，與亞庇亞塔子亞希米勒爲祭司，西勒亞職繕寫。耶何耶大子庇拿雅統轄劊役皂隸，大關衆子咸爲牧伯。



大關曰：掃羅裔尚有遺乎？緣約拿單故，我欲施恩於彼。掃羅家有僕，名西巴，大關王召之入見，問曰：汝西巴乎？是也。王曰：掃羅家尚有人乎？我念上帝欲施恩焉。西巴曰：約拿單遺一子，其足已跛。王曰：今在何所？西巴曰：在羅底巴邑。亞米利子馬吉家王遣使召之至。掃羅孫約拿單子米非波設，至大關所，俯伏而拜。大關呼其名，對曰：僕在此。大關曰：毋畏，我緣爾父約拿單之故，施恩於爾，以祖掃羅之產業，復賜於爾，使爾恒偕我食。米非波設頓首曰：僕何人斯，與已斃之犬何異？乃蒙爾眷顧若是。大關召掃羅之僕西巴，告之曰：凡屬掃羅家者，我已賜爾主之孫。爾與爾子爾僕，必耕其田，斂其所產，使爾主之孫有糧可食。爾主之孫米非波設，必恒偕我宴飲。西巴有子十五人，僕衆二十人。西巴告王曰：循我主我王之命，爾之臣僕必悉遵行。王又曰：米非波設必偕我食，與王子無異。米非波設有子尚幼，厥名米加。西巴全家爲米非波設僕。米非波設二足俱跛，居耶路撒冷，恒偕王宴飲。

嗣後亞捫族之王薨，子哈嫩繼位。大關曰：昔拿轄善待我，我必善待其子，乃遣臣僕至哈嫩所，唁其喪。大關臣僕詣亞捫族之地，亞捫族諸伯告其主哈嫩曰：爾謂大關唁爾父喪，其意豈在尊崇乎？蓋遣其臣僕，欲詳察我邑，而使我敗亡耳。於是哈嫩執大關臣僕，薙其鬚之半，斷其衣，露其下體，然後縱之使去。使者深以爲恥，或以告大關王，乃遣人諭之曰：且居耶利哥，俟鬚長而後旋歸。亞捫族知大關憾已如惡惡臭，遣人至伯哩合及鎖巴，借亞蘭人步卒二萬，至馬迦王，借兵一千，又至奪地，借兵一萬二千。大關聞之，則遣約押率英武之士，亞捫族出陳，列行伍，在

邑門前鎖巴哩合之亞蘭人及奪地人與馬迦僕從別列其陳在曠野之所約押見敵前後列陳以攻則簡以色列精銳之卒陳列行伍攻擊亞蘭人以餘軍付於弟亞庇篩使陳列行伍攻亞捫族曰如亞蘭人強於我爾必助我如亞捫族強於爾我必助爾宜強乃志爲我民及爲我上帝之衆邑戰願耶和華任意以行約押率軍前往攻亞蘭人使其敗北亞捫族見亞蘭人潰而奔則亦遁逃避亞庇篩入於邑中約押不攻亞捫族而歸耶路撒冷亞蘭人見敗於以色列族則復集哈大哩泄遣使招河外之亞蘭人命其軍長說把導之至希蘭或告大關遂集以色列族衆濟約但河亦至希蘭亞蘭人陳列行伍攻擊大關爲以色列族所敗大關毀其車七百乘戮其騎四萬匹殛其軍長說把昔有列王臣服於哈大哩泄今見其爲以色列族所敗遂與以色列族修好供其役事嗣後亞蘭人不敢助亞捫族

歲聿云暮列王出戰之時大關特遣約押與其臣僕及以色列族衆使滅亞捫族環攻喇巴大關駐於耶路撒冷日昃大關自牀起陟宮巔而遨遊見婦沐浴色殊豔麗乃遣人問婦爲誰或曰以連之女拔示巴適赫人烏利亞爲妻大關遣使取之既至與之偕寢婦蒙不潔自濯其身而歸旋即懷妊遣人告大關曰我已懷妊大關遣使詣約押所曰使赫人烏利亞至此約押遵命烏利亞既至大關問曰約押無恙耶民亦無恙耶戰事若何旋使烏利亞歸家濯足烏利亞出王宮王賜肴饌以隨其後烏利亞寢於宮門與王之臣僕偕不返私第或告大關烏利亞未歸其第大關謂烏利亞曰爾自遣征而至曷不歸第烏利亞曰法匱及以色列猶大二族俱居於幕我

主約押及我主之僕從在野建營而居處我豈可歸第飲食與妻偕寢乎我指王以誓亦指爾生命以誓我必不行此大關謂烏利亞曰今日宿此明日我遣爾往烏利亞居耶路撒冷至於明晨大關召之於其前賜以飲食使之醉飽至夕烏利亞出寢於牀與主之臣僕偕不歸其室詰朝大關致書約押付於烏利亞手書曰戰事孔亟之時使烏利亞列於前茅命衆悉退留彼獨在被擊而死約押攻城知敵勁旅之所在而使烏利亞與戰邑衆悉出以戰約押大關臣僕殞沒者數人赫人烏利亞亦死約押遣人以戰事告大關囑使者曰汝以戰事告王既畢其言如王怒曰戰鬪之際何逼近城垣豈不知敵將自城射我乎昔耶魯庇設子亞庇米力戰於提拜士誰擊之死非婦自牆擲磨石之上層中之而喪亡乎汝既知此何近於城則對曰王之臣僕赫人烏利亞亦死使者至以約押言告大關使者曰敵勝於我出野與我相角我復追襲逼近邑門矢人自城上射爾臣僕數人殞亡王之臣僕赫人烏利亞亦死大關謂使者曰汝必告約押曰勿以此爲憂亡於刃者或彼或此爾當攻城愈奮其力期以必陷爾以是言勵其銳志烏利亞妻聞夫已亡爲之哀泣哀既止大關遣人召之入宮爲妻生子然大關所爲耶和華不悅

耶和華遣拿單見大關告曰邑中有二人一富一貧富者有牛羊不可勝數貧者惟畜一羔牝且稚自購之後養之與己子偕食同食飲同飲臥於其懷視若己女有旅人造富者之室富者吝其牛羊不以供給乃取貧者之羔烹之宴客大關盛怒謂拿單曰我指耶和華以誓若此者罪當死必償之四倍其羔緣作是事無矜憫之懷拿單告大關曰作此者爾也以色列族之上

帝耶和華云、我沐爾以膏、爲以色列王、援爾於掃羅手、得據爾主之業、取爾主之妻、以以色列猶大二族、畀爾治理、爾猶以爲寡、我更給爾貨財、難以悉計、何藐視我命、行惡於我前、藉亞捫族之刃、殺赫人烏利亞、而取其妻爲妻、爾既藐視我、以赫人烏利亞之妻爲妻、人必以刃擊爾家、歷久不已、耶和華又云、我必使惡人生於爾家、爾之骨肉奪爾嬪妃、白晝宣淫、爲爾目擊、爾隱行是惡、我將於以色列族前顯以報爾、大闢曰、我犯罪於耶和華、拿單曰、耶和華已有爾罪、不至死亡、爾之作爲若此、使逆耶和華之人愈生厭惡、故爾所得之子必死、拿單歸耶和華擊烏利亞妻所生之子、邁疾垂危、大闢緣子祈禱上帝、入內禁食、竟夕俯伏於地、家之長老至其前、欲扶而起之、大闢不從、亦不偕食、越至七日子死、大闢之臣僕不敢以告、意謂子尙生時、我與王言不聽、今子已死、如我相告、豈不愈傷其心乎、大闢見臣僕切切私語、意子已死、故問臣僕曰、子死否、曰、死、大闢遂起、濯身沐膏、更衣入耶和華室而崇拜、旋返宮庭、使人設席、以供己食、臣僕曰、爾所爲何意、子尙生時、爾禁食哭泣、今子已死、爾起而食、曰、子生存之日、我禁食哭泣者、蓋望上帝施恩、使子得保其生耳、今子已死、我禁食何爲、豈能返其魂乎、我將歸子所、子不復就我、大闢慰藉其妻、拔示巴、偕寢生子、命名所羅門、耶和華眷愛之、遣先知拿單、賜子名耶底亞、見愛於耶和華、故也、○約押攻亞捫族之喇巴、將取京都、遣使至大闢曰、我攻喇巴、絕其邑中水道、今爾可集餘民、建營攻擊、以陷其城、恐我獲勝、功歸於我、大闢集民往喇巴、攻城拔之、獲敵王之冕、重千五百兩、鑄以兼金飾以寶石、人置於大闢首、邑中貨財、獲之甚多、驅民出邑、或解以鋸、或擊以打禾之鐵具、或

傷以斧斤，或使經陶瓦之所。大關待亞捫族諸城俱若此，然後率眾凱旋，至耶路撒冷。

大關子押沙龍有妹，色殊艷麗，名曰大馬，見愛於異母兄暗嫩。大馬尚屬處子，暗嫩戀慕情殷，意欲得之，以爲甚難。至於患疾，大關兄示米亞子約拿撻，狡人也，與暗嫩爲友，問之曰：爾爲王子，日益憔悴，果何故歟？請明告我。暗嫩曰：押沙龍之妹大馬，我所屬意。約拿撻曰：爾佯爲違病，委頓牀第，父來問時，則求之曰：容我妹大馬至此，於我前備餼，親授於我，俾我饜飮。暗嫩遂寢，佯違疾病。王至詢其安否，暗嫩曰：竊有所請，容妹大馬至此，備二餅於我前，親授我食。大關遣使召大馬曰：可詣爾兄暗嫩室，爲之烹飪。大馬既至，見兄暗嫩寢於室，取濕麵搏之，作餅煎熬，爲其目擊。以釜傾於其前，暗嫩不欲食，謂侍從曰：爾姑退。於是從人悉退。謂大馬曰：可攜所製，入於寢室，親授於我，俾我食焉。大馬取所作之餅，入以與其兄，既入，暗嫩攫之曰：我妹與我偕寢。曰：兄毋辱我，毋妄行，在以色列族中不可爲此。若然，何以掩我之羞？爾於以色列族中必爲頑豎。若告於王，王必聽從，使我于歸於爾。暗嫩弗聽，強污其妹，與之偕寢。其後憾之甚，其憾之情較愛之情尤切。遂告之曰：起往哉。曰：爾遣我去，較前所行，愈爲不善。暗嫩弗聽，召僕役曰：盍驅之出。出則上櫪，僕如其言。王女處室，常衣彩衣，大馬亦嘗衣此，今裂之，蒙灰於首，接手其上，且行且哭。其兄押沙龍問曰：爾兄暗嫩嘗與爾偕乎？我妹勿語，毋以爲意，彼乃爾兄。於是大馬在兄押沙龍家獨處。大關王聞此，怒甚。押沙龍銜憾，暗嫩因辱其妹，不與之交。一語以辨曲直。越二年，押沙龍在以法蓮山麓之巴勒哈索，僱人羊翦毛，請王之眾子偕往。覲王曰：臣僕僱人往翦羊毛，請王及羣臣與我

偕行。王曰：我子，毋庸羣去，恐費過奢。押沙龍強請之，亦不允。第爲之祝嘏。押沙龍曰：如爾不往，則兄暗嫩可偕我往，請爾俯允。王曰：彼往曷故？押沙龍強求而允。暗嫩與諸子偕往。押沙龍預囑其僕曰：待暗嫩飲酒已酣，我曰：擊暗嫩，則殺之。毋畏。我既令爾當強乃志，毋忝英武。僕遵命以行。於是王之衆子起，各乘其驢而遁。在途間未至，或告大關曰：王之衆子，盡爲押沙龍所殺。靡有孑遺。王遂裂衣仆地，臣僕裂衣侍立。大關兄示米亞子約拿達曰：王之衆子，毋意其皆死，見殺者惟暗嫩一人，蓋彼辱其妹，自此日迄今，押沙龍欲殺之，其意已決。我主我王，勿謂衆子已死，而傷其心。蓋死者惟暗嫩耳。押沙龍遁，戍城之卒迴顧衆人沿山而至。約拿達告王曰：王之衆子至矣。應臣僕所言。言既竟，王之衆子至，大聲而哭。王與臣僕咸哭甚哀。押沙龍遁於其述。王亞米忽子達買所，大關思子懷憂，靡日或已。押沙龍居其述，歷至三年。大關王見暗嫩已死，漸釋其哀，欲見押沙龍時爲思念。

西魯雅子約押，知王中心思念押沙龍，乃遣人至提哥亞，招哲婦，謂之曰：爾佯懷憂，身勿沃膏，當衣喪服，若爲死恒哀之婦。覲王與言。約押乃以言囑婦。提哥亞地之婦，入覲於王，伏地拜曰：請王拯我。王曰：爾緣何事？曰：我夫已死，遺我爲孀。婢有二子在田相鬪，排解無人，甲擊其乙，以至於斃。鬪家攻婢曰：殺昆弟者當解之。至以償弟命。然婢止存此子，猶爐存燭火，尙欲撲滅之乎？若是則我夫之名不能恒繼於世。王曰：爾歸，我將爲爾委人治理。婦曰：我主我王歟，答歸於我，及我父之家。爾與爾國均無尤焉。王曰：如人與爾噴有煩言，使至我前，我不許其干犯爾。曰：報仇

之戚屬，欲加殺害，請王念爾之上帝耶和華，毋許其滅我子。王曰：我指耶和華以誓，汝子之一毫，不隕於地。婦曰：我主我王歟，容婢復進一辭。曰：可。婦曰：王既爲上帝之民，折中若此，然王亦有差失，何不使亡人歸國？我衆終必有死，如水傾地，不能復聚。故上帝不使償命，別設一法，俾亡者得免。驅逐民，使我危懼。故我曰：必告於王，望允婢所求。我與我子，人欲殲滅，不令我居上帝之業。王必俯允，援我於其手。故婢曰：我主我王之言，致我慰藉。我主我王如上帝之使，辨其是非，望耶和華爾之上帝祐爾。王曰：我有一言，諒諷於爾，願爾毋隱於我。婦曰：我主我王歟，願聞其言。王曰：爾之言，此非爲約押所使乎？婦曰：我主我王歟，我指爾生命以誓。我主我王所言確然，弗爽毫釐。爾臣僕約押，囑我言：此事實緣於爾臣約押。我主我王自具智慧，如上帝之使，天下事無不洞悉。王諭約押曰：我今許爾，爾其往哉。召少者押沙龍以歸。約押伏地謝曰：臣僕所求，王其應許。今日我知於我主我王之前，得沾恩焉。約押遂往。其述攜押沙龍至耶路撒冷。王曰：可歸私第，毋覲我面。押沙龍旋歸，不與王相見。押沙龍丰采甚都，自頂至踵，無少瑕疵，見舉於衆，遍以色列族，無能比擬。髮多而重，每值卒歲，則剪之。循王權衡以計，得一百兩。押沙龍生三子一女，女亦名大馬，姿容艷麗。押沙龍居耶路撒冷二年，未能覲王。乃邀約押，欲遣之覲王。約押不赴。至於再，亦若是。論僕從曰：約押田疇，與我接壤。田有薺麥，汝往縱火以焚。僕遂焚之。約押至押沙龍家，問曰：爾僕焚我田曷故？押沙龍曰：我遣使邀爾至此，欲爾覲王，以我意告之。曰：我自其述至此，何爲弗如仍居於彼？今盍許我入覲，如我有咎，請王加誅焉。約押入覲，以此告王，遂召押沙龍入覲，俯伏於王前。王

與接吻。

押沙龍招之曰：汝來自何邑？曰：僕自以色列族支派而至。押沙龍曰：爾事善理直，其如王未委人以鞠何？又曰：我願爲士師於斯土，凡有訟事，咸詣我所，我必代之剖析。有就押沙龍欲拜之者，押沙龍舉手扶之而接吻焉。凡在以色列族中欲詣王，所以訟者，押沙龍待之若此，以是陰得人心。越四年，押沙龍請於王曰：昔我於耶和華前曾許其願，今欲往希伯崙，以酬王其許我。初爾臣僕居亞蘭之其述，曾許願曰：如耶和華使我歸耶路撒冷，我必服事耶和華。王曰：可安然以去。乃往希伯崙，押沙龍預遣數人，以偵動靜，遍行以色列族諸支派，曰：爾聞角聲，則呼押沙龍在希伯崙爲王。押沙龍自耶路撒冷招二百人偕行，此衆秉性質樸，不識其謀爲不軌。亞希多弗，其祿人也，嘗爲大闢議士，斯時獻祭於其祿，押沙龍召之與謀，於是叛黨日強，從者愈衆。或告大闢曰：以色列族之心咸歸押沙龍。大闢諭在耶路撒冷從己之臣僕曰：盍起而遁，否則不得避押沙龍。迅速往哉，恐其倏至，加害於我。刃殲邑民。臣僕曰：我主我王所諭，臣咸願行。王出，眷聚隨之，遺嬪妃十人，以守宮闈。王出，民從，旅於伯黑哈王之僕衆，卽創役皂隸。昔自迦特從王而至者六百人，悉於王前過焉。王謂迦特人以太曰：爾與我偕曷故？爾仍還都，與新王偕居，爾乃異邦人，出亡至此，爾來要無幾時，今我不知何適。安忍使爾從亡，爾仍還都，導爾同儕，願上帝恩寵，真實無妄。恒左右爾。以太曰：我指耶和華而誓，亦指我主我王以誓，我主我王所往，臣僕必偕，雖生死而弗渝。大



關曰：往哉，可濟其溪。迦特人以太，偕其侍從，與其幼穉同濟。斯土有溪名汲淪，民濟是溪，大聲而哭。王亦濟，望野，遣征撒督及利未族人偕行，昇上帝法匱，置之於彼，待民出邑。亞庇亞塔亦往。王謂撒督曰：昇上帝之匱入城，如我蒙恩於耶和華前，則將使我反見匱，亦見聖幕。如我不見悅於耶和華，則任其意而行。又謂祭司撒督曰：汝乃先見者，爾與爾子亞希馬斯及亞庇亞塔子約拿單安然歸邑。我將留於野之平原，待爾報我以信音。撒督亞庇亞塔昇上帝之匱，至耶路撒冷，而居於彼。大關蒙首跣足，陟橄欖山，且陟且哭，侍從左右亦蒙首哭泣，或告大關曰：亞希多弗從押沙龍，在叛黨之中。大關曰：願耶和華以亞希多弗之謀變為不智。大關躋山巔，崇拜上帝，有亞其人戶篩，自裂其衣，以塵蒙首，而迓大關。大關謂之曰：若爾與我偕，適以阻我而已。如爾歸城，佯告押沙龍，欲為新王之臣，如昔之臣於爾父，則可為我敗亞希多弗之謀。在彼有祭司撒督、亞庇亞塔助爾，爾於王宮所聞，必告於彼。彼有二子，即撒督子亞希馬斯、亞庇亞塔子約拿單，凡有所聞，使此子告我。於是大關友戶篩入城，押沙龍亦至耶路撒冷。

大關過山巔未遠，米非波設僕西巴備二驢，載餅二百，葡萄乾一百穗，無花果一百方，酒一革囊來迓。王曰：汝攜此何意？西巴曰：驢為王眷聚所乘，餅及無花果供給少者，所有之酒以飲行野困憊者。王曰：爾主之孫何在？曰：在耶路撒冷。彼曰：今日以色列族必以祖之國祚仍歸乎我。王曰：米非波設所有，必歸於爾。西巴拜謝曰：願於我主我王前得沾恩寵。大關王至巴戶林，有掃羅族其喇子示每出，且行且詛，石擊大關，及王左右臣僕，民衆武士示每詛曰：汝乃殘忍之子。

行惡之人，速去勿遲。爾鬻掃羅全家，移其國祚。今耶和華已報其仇，以爾國位與子押沙龍。惟爾殘忍，自取咎戾。西魯雅子亞庇篩告王曰：彼猶已斃之犬，詛我主我王曷故？我請往斬其首。王曰：西魯雅之子，我與爾何與？耶和華使之詛。大關誰能禦之，聽其咒詛可也。又告亞庇篩與臣僕曰：我所生之子，尚欲害我命，况此便雅憫人乎？耶和華使詛而我容之，庶幾耶和華眷顧我。緣其咒詛，加我以善。大關與從者行於道，示每行於山旁相對之處，且行且詛，擲石揚塵。王與侍從困憊，養其精力。押沙龍與以色列族衆，及亞希多弗至耶路撒冷。大關友亞其人戶篩至押沙龍曰：願王千歲。呼之者再押沙龍曰：奚不與友偕，爾何不敦友誼？戶篩曰：耶和華所特簡，以色列族所遴選者，我必歸之，而與之偕。我當服事者爲誰，豈非王子乎？昔我事爾父者若何，今事爾亦當如是。押沙龍謂亞希多弗曰：今日之事，如何處置，爾其斟酌之。對曰：爾父留妃以守宮闈，爾與偕寢，以色列族中知爾爲父所憾，必協力助爾。有人張幕於宮巔，押沙龍遂御嬪妃，以色列族中無不知之。亞希多弗昔從大關，今從押沙龍，所議之事，人視之若謔，詎於上帝。

亞希多弗告押沙龍曰：我欲簡兵一萬二千，夤夜以行，追襲大關，乘其困乏喪膽，我必洩臨，使彼戰慄。侍從必遁，我擊其王，爾所欲害之人，旣已被擊，所遺民衆，率之歸爾，俾其安處。押沙龍及以色列族長老，咸以其言爲善。押沙龍曰：召亞其人戶篩至，使與聞其論。戶篩旣至，押沙龍曰：亞希多弗所言若此，可從之乎？否則請爾別畫一策。戶篩曰：亞希多弗之計，不宜於今。又曰：爾父與其侍從，素稱英武，爾所知也。今其衷懷暴怒，如熊在野而亡其子，爾父又善戰鬪，不宿於

民中今在坎阱，或於他所。如爾從者數人初敗，衆聞其聲，必曰：從押沙龍者見戮。於是稱英武，猛若獅者，風聞乎此，必喪其膽。蓋以色列族皆知爾父爲豪傑，侍從亦英武，故我勸爾集以色列族，自但至別是巴，如海沙之衆多，親往迎戰。彼之所在，勿論何方，我必蒞至，如露之降，徧於土壤，使彼及臣僕靡有孑遺。如彼入城，以色列族衆必攜繩至，曳城入河，卷石靡遺。押沙龍及以色列族衆曰：亞其人戶篩之議較亞希多弗尤善。蓋耶和華欲廢亞希多弗議，以敗押沙龍。戶篩以亞希多弗所勸押沙龍及以色列族長老之言與己所議者悉告祭司撒督、亞庇亞塔，令其遣使速告大關曰：今夕勿居於野之平原，必速濟河，恐王與侍從俱見并吞。約拿單、亞希馬斯不敢入城，居宴羅結，有女往告之，彼往欲告大關王。有孺子見之，告押沙龍。二人速往，至巴戶林人家，其院有井，二人下焉。婦掩井口，布麥屑於上，以隱其踪。押沙龍僕至其家，問婦曰：亞希馬斯約拿單何在？婦曰：已濟溪矣。使者求而不得，乃返耶路撒冷。其後二人自井出，往告大關王曰：亞希多弗所議若此，爾當速起濟河。大關與僕從遂濟約但，待及黎明，民衆悉濟，不遺一人。亞希多弗見所議不從，則備驢反故邑，歸私第，以事囑其家人，自縊而死，葬於祖墓。大關至馬哈念，押沙龍與以色列族衆濟約但。押沙龍使亞馬撒代約押爲軍長，以色列人以達拉與拿轄之女亞庇該同寢。生亞馬撒、亞庇該與約押母西魯雅誼屬姊妹。押沙龍與以色列族建營於基列。大關既至馬哈念，亞捫族喇巴邑人拿轄子說比與羅底巴人亞米利子馬吉暨基列之羅結林人巴西來咸至，俱攜牀第、杯、椀、瓦缶、小麥、薺麥、細麵、烘穀、豆之巨細與烘者、蜜酥與羊、牛酪之餅，以供大關及其僕從。

蓋曰，民在曠野饑渴困億。

大關核其僕從，立千夫長，百夫長，區民爲三，以一委約押，以一委約押弟西魯雅子亞庇篩，以一委迦特人以太。王曰：我亦與爾偕往。民曰：爾不可往，如我遁逃，死亡者半，敵志不在我，爾之一人，可當我萬。爾自城助我爲幸。王曰：爾以爲善者，我無不行。於是王立於門側，軍旅或百或千向前而進。王諭約押亞庇篩以太曰：爾緣我故，少者押沙龍姑待以寬。王爲押沙龍故，囑諸軍長，民悉聽聞。大關之臣僕咸往田間，攻以色列族，戰於以法蓮林。以色列族敗績，大關臣僕戮其衆約二萬。戰鬪之時，四方散布，死於林者較亡於刃者尤衆。押沙龍避大關臣僕，乘騾行於大橡之下，首爲茂枝所繫，懸於空際，所乘之騾逸而去。或見之，告約押曰：我見押沙龍懸於橡。約押曰：爾旣目覩，曷不擊之，踏地，我必以十金與紳子爾。或曰：雖得千金，我不敢擊王子。我聞王囑爾及亞庇篩以太曰：少者押沙龍，慎勿加害。如我害之，必陷己生命。於王前無所隱，而爾亦將加罪於我。約押曰：我不可遲延。遂執三戈，見押沙龍懸於橡中，氣猶未絕，則剗其腹。約押持兵之少者十人，環攻押沙龍而殺之。約押吹角，禁止僕從，不追以色列族而歸。擲押沙龍尸於林中巨阱，壘石其上。以色列族各歸故幕。押沙龍尙存之時，嘗曰：我無遺子，以傳我名。故在王谷建柱，稱以己名。迨於今日，人尙稱之爲押沙龍柱。○撒督子亞希馬斯請約押曰：容我疾趨，以耶和華報仇之事，告之於王。約押曰：王子旣死，爾今日勿報信音，當俟他日。約押告古示曰：爾往以所見者告王。古示揖約押而趨。撒督子亞希馬斯亦請曰：容我接踵於古示之後。約押曰：吾子欲報信音而不

獲賞爾趨何爲。曰雖然請容我趨。曰可。亞希馬斯乃趨道由平原較古示愈疾。大關坐邑之月城間。戍卒登邑門之樓遙見一人獨趨呼告於王。王曰如惟一人必報信音。其人疾走漸近。戍卒又見一人趨至告闈者曰我又觀一人獨趨。王曰彼亦報信者也。戍卒曰我視首趨者之步履與撒督子亞希馬斯無異。王曰彼善人也必報嘉音。亞希馬斯呼告於王曰捷矣俯伏於王前曰當頌美爾之上帝耶和華已將所犯我主我王者付於爾手。王曰少者押沙龍安否。亞希馬斯曰約押遣王之臣僕及我時我見衆喧嘩不知何故。王曰汝暫退待於側遂遵其命。古示至曰我主我王歟我獲信音今日耶和華已伸爾冤報犯上之人。王曰少者押沙龍安否。古示曰願我主我王之敵暨諸犯上欲害爾者咸如彼少者。王甚憂登邑門之樓而哭且行且言曰我子押沙龍我子我子押沙龍我願代爾死我子我子押沙龍。

或告約押曰王緣押沙龍哀哭。民聞王爲子憂故是日雖捷轉以爲憂。民私歸邑若戰敗者恥而遁逃。王掩面大聲呼曰我子押沙龍我子我子押沙龍約押入宮覲王曰王之臣僕今日拯爾之命爰及后妃子女爾乃使之懷羞是愛敵憾友不顧方伯臣僕也。今日我知如押沙龍尚存而我儕咸死爾乃權然。今爾當泄民以甘言慰藉否則我指耶和華發誓今日至夕一人不與爾偕此害較爾自幼所遭者尤甚。王遂起坐於邑門有告民曰王坐於邑門民遂覲王蓋前此以色列族各歸故幕以色列諸支派相爭曰王拯我於敵手又救我於非利士人今乃爲押沙龍故出亡於外昔押沙龍爲我沐膏今亡於陳爾何緘默不導王歸大關王遣人至祭司撒督亞庇

亞塔曰：當告猶大長老曰：以色列族所言傳聞於王宮，爾導王歸，何居人後乎？爾乃王之昆弟，誼屬同宗，則導王歸，何居人後？亦告亞馬撒曰：爾乃我骨肉之親，我必使爾代約押，恒爲軍長，不然願上帝罰我。於是猶大人咸懷一心，遣使告王曰：請王與臣僕偕歸。王歸至約但，猶大人至吉甲以迓王，導之濟河。巴戶林地，便雅憫族，其喇子示每與猶大人偕迓大關王，其至甚速。便雅憫族人一千咸從之至，亦與掃羅家僕西巴及其子十五人，僕二十人，皆濟約但，爲王前驅。有人備筏，濟王眷聚以及什物，王旣濟河，其喇子示每俯伏王前曰：我主毋咎我，昔我主我王離耶路撒冷時，臣僕所行背逆之事，王毋繫念於懷。我知有罪，故今日在約瑟族中，我至獨先，以迓我主我王。西魯雅子亞庇篩曰：耶和華沐以膏者，示每詛之，其罪詎不當死。大關曰：西魯雅二子，我與爾何與？爾敵我於以色列族中，我今日復爲以色列族王，奚可遽行殺戮？王告示每曰：汝必不死，加以誓言。掃羅孫米非波設亦至迓王，彼自王出亡及王安歸，不治其足，不飾其鬚，不澣其衣。茲自耶路撒冷迓王，王曰：米非波設不偕我出亡，何故？對曰：我主我王歟，我旣跛足，意欲備驢乘之，以赴王所，乃我僕欺我，謗我於我主我王前，惟我主我王智若上帝之使，請爾任意以行。我祖全家當殞沒於我主我王前，乃爾待臣僕視若上賓，我尙有何詞，赴愬於王？王曰：毋庸仲寃，我命爾及西巴分其土地米非波設曰：我主我王旣安然歸宮，任其取一切可也。基烈人巴西來自羅其林而至，偕王濟約但，以送王行。巴西來老邁年已八十，其家巨富，王在馬哈念時，以所需供王。王謂巴西來曰：與我偕往，我在耶路撒冷，以養贍爾。巴西來曰：我之生存，要無幾年，我偕王往耶路撒冷。

果何爲乎。我今年八十，所食所飲，不知其味，不別美惡，謳歌之男女，不能分其聲。臣與王偕，適以阻王而已。第容臣濟約但，送王於咫尺之地，何必賞賚，若是之厚乎。容臣旋歸，死於故邑，葬於父母墓側。爾之臣僕金罕，可與王偕，任意以行可也。王曰：金罕可與我偕，我必待之。任爾所欲，爾尚有所求，我必相從。僕衆濟約但，王既濟河，與巴西來接吻，爲之祝嘏。巴西來歸。王至吉甲，金罕偕行，猶大衆人，及以色列族之半，送王。○以色列族之餘民見王，曰：我之同儕猶大人，以王與眷聚，爰及僕從，濟約但，河而私導之歸。曷故。猶大人語以色列族曰：王與我誼屬同宗，何因此而怒我。豈食王祿，受王饋者乎。以色列族曰：立王十二支派，我有其十，故我得王較爾應多。爾欲導王歸曷藐視我，不先與我議乎。然猶大人之言，較以色列族尤厲。

便雅憫族，庇革哩子示巴，兇暴人也。吹角告衆曰：我與耶西之子大闢無與。以色列族各歸故幕可也。於是以色列族不從大闢，羣從示巴。惟猶大人恒從大闢，自約但擁護至耶路撒冷。大闢至耶路撒冷，既入王宮，貶前所遣守宮嬪妃十人，幽於別室，供其養贍，不復進御。使若瑟婦以畢其生。王諭亞馬撒曰：限以三日，集猶大人與爾偕至。亞馬撒往，欲集猶大人，已逾限期。大闢告亞庇篩曰：庇革哩子示巴，必將貽害，尤其於押沙龍。爾率爾兄之僕從，追襲其後，恐其入鞏固之城，我不能獲。約押之兵，與劊役皂隸，及衆英武羣從之，出耶路撒冷，以追示巴。至基遍之大磐，亞馬撒來逆，約押束衣繫紳，中挾利刃，猶藏於鞘，行時刃忽墜地。約押謂亞馬撒曰：我兄安乎。以右手接其鬢，欲與接吻。亞馬撒見約押拾刃，不以爲意。約押刺之腹，洞腸流，毋庸再擊，已斃其

命。約押及弟亞庇篩仍追庇革哩子示巴。亞馬撒偃仆途側，血污遍體。約押僕從中有一人立而呼曰：「欲助約押，尊大闢者當從約押。」見民至此而立，則移尸自大道至田野，掩之以布。於是民從約押，追庇革哩子示巴。示巴遍行以色列族諸支派，至伯馬迦之亞伯及庇哩人之地，民衆咸集相從。約押之軍至伯馬迦之亞伯，環攻其邑，築土爲壘，逼近城壕，欲擊垣牆而傾圮之。邑中哲婦呼曰：「請聽我言，願約押來前，我欲與言。」既近城前，婦曰：「爾約押乎？」曰：「是也。」曰：「請聽婢言。」曰：「我聽之矣。」婦曰：「嚙昔人嘗有言當往亞伯而諮詢，以斷事理。我在以色列族中和平忠厚，今爾欲殲滅以色列族之大邑，并吞耶和華之選民，誠何故歟？」約押曰：「我不欲滅絕，不欲并吞，請以實情告爾。」惟以法蓮山人庇革哩子示巴逆王大闢，今以之付我，我卽離城而去。婦曰：「必斬其首級，擲於城外。」婦用巧言勸衆，斬庇革哩子示巴，擲其首級與約押。約押吹角，衆離其城而歸故幕。約押返耶路撒冷，覲王。約押爲以色列軍長，耶何耶大之子庇拿雅統轄劊役皂隸，亞多蘭理貢物，亞希律子約沙法爲史官，示法職繕寫，撒督亞庇亞塔爲祭司，雅耳人以喇爲牧伯，咸從大闢。

**第二十一章** 大闢在位之時年饑，歷三載。大闢諮詢於耶和華，耶和華曰：「緣掃羅及其全家殘忍，是行嘗殺基遍人，初基遍人不屬以色列族，乃亞摩哩族遺民。以色列族與之盟約，掃羅爲以色列猶大二族熱中而殺之。至是大闢召基遍人，問曰：「我爲爾將何所爲，以贖此罪，使爾爲耶和華之選民而祝嘏。」基遍人曰：「掃羅家有金銀，我不欲得，亦毋緣我之故，殺以色列族一民。」曰：「汝所言者，我必行之。」基遍人曰：「昔耶和華簡掃羅爲王，彼謀害我，欲行殲滅，使在以色列族四境，不存我。」



命我欲其後裔七人，悉付我手，我必懸於掃羅之邑。其庇亞在耶和華前。王曰：我必付爾。昔大關與掃羅子約拿單，指耶和華而誓，故掃羅孫約拿單子米非波設，王矜憫焉。乃以掃羅妃愛雅女哩斯巴所生二子亞摩尼、米非波設，亦以米何拉邑人巴西來子亞得哩妻掃羅女米甲所生五子，悉付基遍人手，懸於山上。在耶和華前，七人並亡。其時值麩麥始稔之日，愛雅之女哩斯巴取麻布布之於磐，自麥始稔之時，迨雨自天降，晝之飛鳥，夜之走獸，欲犯其尸，則驅之去。或以掃羅妃愛雅女哩斯巴所爲告大關，昔非利士人殺掃羅在吉破，懸掃羅及約拿單尸於伯山之衢。基列之雅非人私取之歸，今大關遣使取其骸骨，亦斂被懸者之骸骨，俱葬於掃羅父基士之墓。在便雅憫地之西拉，悉循王命，嗣後耶和華垂顧其地。○非利士人復與以色列族戰，大關率其臣僕往迎，戰時困憊，哩之音子以實庇諾佩新刃，執銅戟，重百五十兩，欲殺大關。西魯雅子亞庇篩救之，殺非利士人，於是大關僕從誓曰：斯後爾斷不可往戰，恐滅以色列族之光。嗣後又與非利士人戰於珂伯，或曰基色戶沙人西庇該殺哩之音子撒弗，又與非利士人戰於珂伯，伯利恒人雅耳子耳哈難殺迦特人，珂利亞弟厥槍之柯，大如織器之梁。又戰於迦特，有哩之音子，形體傀偉，手足各有六指，共指二十有四。侮以色列族時，大關兄示每子約拿單殺之，上四人俱哩之音之子，居迦特邑，爲大關與臣僕所殺。

耶和華拯大關於羣敵，及掃羅手，大關乃作歌以頌之，曰：耶和華如同岡巒，如衛所以拯救我，上帝如山巖，我將倚賴，如干我藉以自衛，如角我恃以望救，如高峻之臺，如遁逃之藪，我

之救主，援我於暴虐。當頌美者，惟耶和華。我曾頌之，蒙其拯我於敵。欲殺我者，若波濤向我旋繞。恒作惡者，猶行潦。俾我恐懼。幽冥之困苦環我身，死亡之機檻陳我前。我遭艱辛之際，呼籲耶和華。祈我上帝，聲聞於上。彼自宮中俯聽我祈。上帝盛怒，大地震動。天基搖撼，烟從鼻生。燄自口出，炭以之燃。彼孽天雲而臨格。於其足下，幽深玄遠，乘嘍啞以奮飛。藉風爲翼而顯現。以晦冥爲宮，以鬩翳爲幃。前有光耀，炭以之燃。耶和華自天起雷，至高者發其洪聲。電閃如矢，衆敵敗北。耶和華叱咤而吹其氣，則地基海底悉顯露焉。彼自上舉手，援我出於水中。敵我者強悍，憾我者剛愎。惟耶和華拯我。當臨難之日，敵軍突如其來。我所恃者耶和華而已。緣我見悅於彼，故特加援手。導我至空曠之所。耶和華視我義而加賞賚。見我潔而有報施。耶和華之道，我嘗恪守。弗敢作惡。違我上帝。我恒遵其典章。日不忘其禮儀。我侍其前，德無不備。兢兢自守，勿敢行惡。故耶和華視我義而賞賚。見我潔而報施。仁者爾賞以仁。義者爾報以義。潔者爾酬以潔。逆者爾反以逆。困苦者爾援以手。矜高者爾見之。俾其降格。耶和華似明燈，燭於幽暗。我賴耶和華趨入敵軍。賴我上帝以踰垣牆。上帝所行，德無不備。耶和華所言，煨煉若金。凡賴之者，得其範備焉。耶和華爲上帝。其外無他。我上帝至能，誰堪比擬。上帝賜我能力，俾我道平直。令我足甚疾，趨行若鷹。升我於崇邱。教我戰鬪，手闢銅弓。爾範備我，拯救我。秉性溫良，使我爲大。爾使我所履之地，恢廓則無失足之虞。我追襲敵後，若未殲滅，不復旋轉。我攻擊之，并吞之。使仆足下，一蹶不振。爾賜以膂力，能於戰鬪。使逆者至於敗亡。俾我勝敵，憾我者滅之。彼遙而望之，不見援兵。頌耶和華，弗蒙應許。我

擣之使細，可礙塵沙，我踐之若衢路之泥。民自相爭，爾乃援我，使爲他族之巨魁，素所未識者，服役於我。外人詔媚於我，聞名而歸順，異邦之人必廢弛，束帶於腰，以離衛所。耶和華永生，當頌美至能之主，品評救我之上帝。上帝代我雪忿，使民來降，舉我於敵，強悍者逆我，爾乃救我，舉我成高，異邦之中余頌美耶和華，謳歌其名。耶和華大拯所簡之王，曾沐以膏者，大關及其苗裔，恒施厥恩，永世靡暨。

大關復有言詞，備詳如左。雅各之上帝所沐以膏，升之爲高，在以色列族中爲

善歌者。耶西之子大關曰：耶和華之神感我而言，我口所宣，卽其詞也。以色列族至能之上帝許我曰：必有義主，畏上帝而治人，彼如旭日晨光，猶朝無雲，雨後日出，草萌其芽。蒙上帝佑，吾裔必若是，彼與我立約，約已定擬，恒久不移，我望乎此，以得拯救。今雖未得，終必成之。匪類如荆棘，人不得執，故必推而去之。人欲斬刈，必用鐵戈與柯，而後立焚以火。○大關所轄之傑士，名列於左：首三傑之魁，達門或曰哈門人，耶說巴設或曰耶說揮戈擊八百人，或曰三百其次亞合孫，多子，以利亞撒，昔非利士人集戰，以色列族遁逃，從大關者有三傑士，向前挑戰，此人亦在其中，以利亞撒擊非利士人，雖至困憊，手仍執刃，當時耶和華賜其大獲全勝，民從其後，以得貨財。其後有哈辣人亞基子沙馬，昔非利士人羣集於種豆之田，以色列族逃遁，沙馬立於田間，擊非利士人，耶和華賜以大捷。秋非利士人建營於哩乏音谷，大關之傑士三十，其中三人至亞土蘭穴，以覲大關，當時大關在衛所，非利士人戍伯利恒，大關不勝欣羨，曰：伯利恒邑門之側有井焉，甚欲汲其水，以飲傑

士三人入非利士人之軍旅，馳突而過，至伯利恒，邑門之井，汲水攜至，大闢不飲，乃灌於耶和華前，曰：「耶和華歟，彼冒死不顧，此水可礙其血，安忍飲之乎？」故不飲。三傑所爲，大率類此。西魯雅子約押弟亞庇篩，在次三傑中爲魁，持戈殺三百人，故在三傑中夙著名譽，勇冠三傑，故爲其魁，惟不得與首三傑抗衡並列。甲泄地有巨富者，耶何耶大，其子庇拿雅，勇毅非常，殺摩押之豪傑二人，又當飛雪之時，下阱殺獅，又殺埃及壯士埃及人執戈，庇拿雅執杖以迎，奪其戈而殺之。耶何耶大子庇拿雅作此，在次三傑中可列其名，彼較三十傑士尤爲尊貴，惟與爲首之三傑則弗能及。大闢立之爲侍衛長。約押弟亞撒黑，在三十傑士中，亦有伯利恒人，多多子，耳哈難，哈律地二人，沙馬，以利迦，八氏，比倫人希力，提哥亞人益吉子，以喇亞拿，突人亞庇以泄，戶沙人米本，乃曰或亞合人撒門，以或曰尼陀法人馬哈勒，尼陀法人巴拿子希立，便雅憫族其庇亞邑人，哩排子以太比喇頓人庇拿雅，迦實溪旁人希太，戶來曰亞把人亞庇亞本，巴路米人押馬弗，沙本人以利哈巴，雅善衆子中約拿單，哈辣人沙馬，及沙臘，沙甲曰子亞希暗，馬迦人孫亞哈拜子以利法列，其祿邑人亞希多弗子以連，加密人希斯勒，亞巴人怕勒，鎖巴人拿單子以甲，伽得人巴尼亞，亞捫人西勒，西魯雅子約押持兵之士，庇綠人拿哈利，以得二人，以喇伽立，赫人烏利亞，共三十七人。

決約押及武士長不能違，於是退而核數以色列族，濟約但至伽得河中之亞羅耳，建營於邑南，牙設相向之所，後至基列答丁合示地，及但雅安環繞至西頓，至推羅城，與希未迦南諸邑，延出猶大南方，至別是巴，遍行其地，凡越九月二十日，而返耶路撒冷，約押核民衆，以數進於王，以色列族能從軍者八十萬，猶大族五十萬，大關核民既畢，中心不安，禱於耶和華曰：我所行者，大千罪戾，不智孰甚，求耶和華宥僕之過。先見者伽得爲大關所倚重，詰朝大關起，耶和華命彼往告大關曰：三災之中，耶和華必降一於爾，使爾自擇。伽得告大關曰：或饑饉臨於爾土，歷至七年，或爲敵追襲，歷至三月，或瘟疫流行爾國，歷至三日，爾其思之，俾我反告遣我者。大關曰：我迫阨甚矣，耶和華矜憫爲懷，願陷於其手，勿陷於人手。當日清晨，耶和華降疫癘，遍染以色列族，迄至所定之期，自但及別是巴死者七萬。天使在耶路撒冷，舉手欲擊都城，耶和華怒息，諭剽民之天使曰：足矣，可止爾手。其時天使在耶布士人亞勞拿之穀場，大關見擊民之天使，則曰：我犯罪行惡，何與羣羊，請爾攻我，及我父之家。時伽得見大關曰：往前築壇奉事耶和華，在耶布士人亞勞拿之穀場。大關依伽得之言，遵耶和華之命而行。亞勞拿遙見王與羣臣咸至，遂出伏地拜王曰：我主我王，蒞臨僕所，曷故。大關曰：欲購穀場，以築祭壇，奉事耶和華，使疫止於民間。亞勞拿曰：我主我王，取所欲取，獻所欲獻，在此有牛，以爲燔祭，亦有打穀之器，與牛軛爲柴。亞勞拿以此物悉予王，慨然無吝色。曰：願爾之上帝耶和華悅爾王曰：不然，我欲購之，以償其值，不欲不費貲財，而獻燔祭，奉吾之上帝耶和華。於是大關以金二十有五，購穀場與牛，在彼築壇，奉事耶和華，獻燔祭。


及酬恩之祭於上、耶和華允所祈、恤其國民、瘟疫止息、不染於以色列族地。

舊約聖書

撒母耳記下

第二十四章

三百三十八





列王紀畧上

大闢王壽高年邁，雖蔽以衣而不溫。臣僕告曰：緣我主我王之故，必求處女，侍於王側，爲王左右，臥於王懷，使我主我王得溫焉。遂遍以色列四境，以求麗妹，得書念女亞庇煞，導之覲王。女有殊色，爲王左右而侍於側，王不御焉。○哈及所出之子亞多尼雅期許自高，曰：我必爲王。遂備車馬，簡僕從五十人，趨承於前。此子乃押沙龍弟，丰采甚都，在昔其父未嘗詰其所爲何事，故不使懷憂。亞多尼雅與西魯雅子約押及祭司亞庇亞塔私議，欲其相從，以爲輔翼。惟祭司撒督及耶何耶大子庇拿雅先知拿單，示每，哩以暨大闢之武士，咸弗協從。亞多尼雅在隱羅結於鎖希列石上，宰牛羊肥畜，以宴衆兄弟王之子及王之臣，猶大族衆。惟先知拿單與庇拿雅及衆武士暨弟所羅門，俱不蒙請。拿單告所羅門母拔示巴曰：吾聞哈及子亞多尼雅卽位，我主大闢未之知也。今我獻一策，請爾從焉。俾拯爾及爾子所羅門之命。當往覲大闢王，告之曰：昔我主我王與婢相誓，婢子所羅門必卽位，繼爾爲王。今亞多尼雅卽位，曷故？爾陳言之際，我接踵而入，以證爾言之不謬。拔示巴入宮覲王，王年已邁，書念女亞庇煞侍側。拔示巴伏拜王前，王曰：汝欲何爲？曰：昔我主指爾之上帝耶和華與婢發誓，言婢子之所羅門必踐位，繼爾爲王。今亞多尼雅卽位，我主我王不知也。彼宰牛羊肥畜，不可勝計，以請王之衆子與祭司亞庇亞塔軍長約押，惟爾之臣僕所羅門不見請。今以色列族衆所仰者，惟待王明言，我主我王之後，誰踐爾位？不然，則我主我王返本之後，我與我子將視同罪人矣。陳言於王之時，先知拿單進，或告王曰：先知拿單至。旣

至王前俯伏於地。曰：我主我王，豈言亞多尼雅必踐爾位，繼爾爲王乎？今日彼宰牛羊肥畜，難以悉數，請王衆子與軍長及祭司亞庇亞塔，俱飲食於前，呼曰：願亞多尼雅王千歲。惟臣與祭司撒督及耶何耶大子庇拿雅暨爾之臣僕所羅門，俱不蒙請。此豈爲我主我王所許乎？當繼我主我王之位者，其人已定，而不我告，誠何故歟？大闢王曰：召拔示巴。拔示巴遂進侍於王前，王發誓曰：昔我指以色列族之上帝耶和華與爾發誓，言爾子所羅門必卽我位，繼我爲王。今我亦指援我於患難中之耶和華而發誓，必如是以行。拔示巴伏地拜王曰：願我主大闢王千歲。大闢王曰：召祭司撒督、先知拿單、耶何耶大子庇拿雅至此。咸至王前，王諭之曰：爾率王之僕從，令吾子所羅門乘我騾，送至其訓，使祭司撒督與先知拿單沐之以膏，爲以色列王。吹角曰：願所羅門王千歲。爾必從之，使踐我位，代我爲王。蓋我命之爲以色列猶大二族之主。耶何耶大子庇拿雅對曰：固所願也。願我主我王之上帝耶和華所命亦若是。昔耶和華祐我主我王，今願祐所羅門，使其國較我主我王之國尤大。於是祭司撒督、先知拿單、耶何耶大子庇拿雅及劊役皂隸俱往，請所羅門乘大闢王之騾，送之至其訓。會幕有膏，盛於角中，祭司撒督取之，以沐所羅門，然後吹角，衆盡權呼曰：願所羅門王千歲。民衆品簫，欣喜相從，其聲震地。○亞多尼雅與衆客飲食既畢，咸聞憻聲。約押又聞吹角之聲，則曰：城中喧嘩，曷故？言時，祭司亞庇亞塔子約拿單至，亞多尼雅謂之曰：爾爲義士，必報嘉音，可進於此。約拿單告亞多尼雅曰：我主大闢王立所羅門爲王，此事誠然。王遣祭司撒督、先知拿單、耶何耶大子庇拿雅同劊役皂隸從所羅門，使乘王騾，祭司撒督及先知

拿單在其訓誅之以膏立之爲王由彼而至權聲震地爾所聞者卽此今所羅門踐其國位王之臣僕視我主大關王時皆言願上帝以所羅門之名較王名尤尊其國較王國尤大王聞是言伏牀而拜上帝曰當頌美以色列族之上帝耶和華賜我子得踐國位俾我目擊其事時亞多尼雅衆客恐懼起而四散亞多尼雅畏所羅門往執壇角或告所羅門曰亞多尼雅畏所羅門王自執壇角曰願所羅門今日與我發誓不以刃擊臣所羅門曰如其爲義士則彼之髮一毫不隕若其作惡則必死亡所羅門王遣人詣壇攜亞多尼雅至伏拜王前所羅門諭之曰汝歸可也

大關逝世之期將至囑其子所羅門曰我將逝世無異凡民強乃志爲豪傑當供爾上帝耶和華之役行由其道守其禁令禮儀循其典章法度遵摩西律例所載則無論所往凡有作爲可納福祉昔耶和華有應許若我子孫所爲謹恪一心一意行於其前真實毋妄則不絕我嗣踐以色列國位如爾恪守斯命則其前言必不食也昔西魯雅子約押背逆乎我亦殺以色列族軍長二人卽尼耳子押尼耳益帖子亞馬撒彼於綏安之日殘害人命與戰鬪之際無異以人血染所束之紳所着之履其事皆爾所知循爾智慧以行不使其皓然白首安樂歸墓昔我避爾兄押沙龍時基列人巴西來衆子來迓故當待之以恩視若上賓我往馬哈念時巴戶林地便雅憫族其喇子示每詛我以厲詞逮我歸約但之時彼來晉接故我指耶和華而誓必不戮之以刃惟爾有智知所當爲必視示每若負罪戾使其皓然白首流血歸墓大關旣薨與祖父同葬於大關邑大關轄以色列族歷四十載在希伯崙歷七年在耶路撒冷歷三十三年所羅門繼父大關之位

其國鞏固。○哈及子亞多尼雅見所羅門母拔示巴，拔示巴曰：汝爲平康而至乎？曰：然。曰：我有事以告，請言其詳。曰：國祚屬我，向者以色列族歸心於我，使我卽位，乃爾所知。然耶和華反以國祚錫我兄弟。今我有事求爾，請毋相辭。曰：爾試言之。曰：所羅門王，凡事必從爾命，故請爾求之，以書念女亞庇煞，給我爲妻。拔示巴曰：諾，我必爲爾求王。○拔示巴遂入覲所羅門王，爲亞多尼雅而求。王起晉接，以拜其母，復坐於位，更爲設座，使王母坐於右。母曰：我有事求爾，請勿相辭。王曰：我母所求，必無不從。曰：請以書念女亞庇煞，給爾兄亞多尼雅爲妻。所羅門王曰：母爲亞多尼雅求子，以書念女亞庇煞，果何故歟？彼爲我兄，盍求國祚歸之？彼有祭司亞庇亞塔，及西魯雅子約押，以爲輔翼。遂指耶和華而誓曰：因亞多尼雅言此，必喪其命，不然願上帝罰我。耶和華既踐其前言，使我繼父大關之位，以國祚賜我，我指之而誓。亞多尼雅見戮，必於今日。遂使耶何耶大子庇拿雅擊之，以斃其命。王告祭司亞庇亞塔曰：昔爾昇耶和華上帝之匱，在我父大關前，恒與我父同憂，今雖當死，我不於此時殺爾，盍歸故土亞拿突，遂驅亞庇亞塔，不使爲耶和華之祭司。於是耶和華在示羅，論以利家之言應矣。昔約押不從押沙龍，後從亞多尼雅，今聞王所爲，則遁於耶和華會幕，而執壇角。或以此事告所羅門，所羅門遣耶何耶大子庇拿雅擊之。庇拿雅至耶和華會幕，告約押曰：王使爾出，曰：否，我必死於此。庇拿雅以約押言反告於王。王曰：可如其言而行，擊而葬之。於是約押流無辜之血，其罪不歸於我，亦不歸我父之家。彼刃擊二人，較己尤善，卽以色列族軍長尼耳子押尼耳，猶大族軍長益帖子亞馬撒，我父大關不之知也。今耶和華必以是

罪歸之。此罪必永歸約押及其苗裔，惟耶和華必賜平康於大關眷聚，爰及苗裔。至於國家永世靡暨，耶何耶大子庇拿雅遂往擊約押，殺之葬於私宅地鄰曠野。王使耶何耶大子庇拿雅代約押爲軍長，使祭司撒督代亞庇亞塔。王召示每諭之曰：爾當建室於耶路撒冷，杜門勿出。如爾出而濟汲淪溪，當日必死，死則罪歸乎爾。示每曰：斯言甚善，我主我王所命，臣必遵行。示每恒居耶路撒冷，越三年，示每二僕遁於迦特王馬迦子亞吉所，或告示每曰：爾僕在迦特，示每備驢啟行，往迦特見亞吉，索取其僕攜之而歸，或以示每所爲告於所羅門。王召之曰：我曾使爾指耶和華而發誓，又戒爾云：如爾出外遨遊，當日必死。爾對曰：所言甚善，是事非有之乎？何爾不守所誓，不遵我命乎？又曰：昔爾以惡待我父大關，爾心所知，今耶和華必因是惡而報施焉。惟王必蒙祝嘏，大關之國祚在耶和華前，必恒久弗替。王命耶何耶大子庇拿雅出擊之，以斃其命。於是國祚以定歸於所羅門。

所羅門與埃及王法老訂婚姻，娶其女，迓之進大關邑，待及建置宮室，創造耶和華殿，築耶路撒冷四周之垣，既畢，然後歸宮。當時未建宮殿，以顯耶和華名，故民在崇邱獻祭。所羅門愛耶和華，遵父大關所立之禮儀而行，惟獻祭焚香於崇邱，此大關所未行也。基遍有崇邱，更播聲聞，王往彼獻牲畜一千，以爲燔祭。至夕，耶和華夢中顯現於所羅門，曰：爾有所求，我無弗予。所羅門曰：昔我父大關，真實無妄，行善爲義於爾前，爾施厚恩，使子繼其位。今日之事爲證，我之上帝耶和華，以臣僕爲王，代父大關，我尙幼冲，不知治民，爾所簡之民甚衆，不可勝數，爾之臣僕居於

其中孰能聽訟於斯衆之間乎。故祈爾使僕聰慧，可辨是非，爲民折中。耶和華聞所羅門所祈，而悅其言，謂之曰：爾不求遐齡，巨富勝敵，乃求聰慧，可以聽訟，我則許爾所求，以智慧之心錫汝。爾之前未有若是，爾之後亦不能若是。爾所未求者，我亦賜爾，卽貨財尊榮，爾之畢生。列王之中，無可比擬。如爾行由我道，守我禁令禮儀，循爾父之所爲，我亦將錫爾遐齡。所羅門既寤，知涉於夢寐，遂至耶路撒冷，立耶和華法匱前，獻燔祭，酬恩祭，賜宴與僕從。時有二妓至，立於王前，其一曰：我主歟，我偕彼同居一室，我產一子於室中，越三日，彼亦產一子，處此室者惟我二人，無人與居。彼至夕而寢，誤壓其子，致死。中夜睡覺，見我尙寢，則取我子抱於其懷，而置死子於我側。味爽，我起哺子，見子已死，旣明察之，乃非我所產。一曰：不然，生者屬我，死者屬爾。對曰：不然，死者爾子，生者我子。於是爭辨於王前。王曰：此云：生者我子，死者爾子。彼云：死者爾子，生者我子。王又曰：攜刃至此。人攜刃至王前。王曰：剖生子爲二，使各得其半。生子之母中心如焚，告王曰：我主歟，願以生子給之，斷勿加害。其一曰：勿歸於我，勿歸於彼，剖之可也。王曰：先言者乃生子之母，以子歸之，斷勿加害。以色列族衆聞王所擬若是，知王感於上帝，得智以折中，故無不寅畏焉。

**第四章** 所羅門爲王，治以色列族衆。所屬羣臣臚列於左：撒督子亞薩哩亞爲牧伯，示沙二子，以利何烈亞希亞職繕寫，亞希律子約沙法爲史官，耶何耶大子庇拿雅爲軍長，撒督，亞庇亞塔爲祭司，拿單子亞薩哩亞爲衆吏之長，拿單子撒不爲牧伯，及王之友，亞希煞掌官闈，押大子亞多尼蘭理貢物。又於以色列遍地立吏十二月，委其一爲王及眷聚採備食物，其名臚陳於左：戶耳

子徵以法蓮山底甲子徵馬迦斯沙押賓伯示麥以倫伯哈南希泄子徵亞魯泊瑣哥希弗四境  
亞庇拿塔子徵多耳四境彼尙大法公主亞希律子把拿徵大納米吉多伯善四境附撒大拿近  
耶斯烈山麓延亞伯米何拉及約念外其別子徵基列之喇末及馬拿西子畦耳衆邑亞略地之  
巴山境有牆垣銅樅之大邑六十易多子亞希拿達徵馬哈念亞希馬斯徵納大利彼尙巴實抹  
公主戶篩子巴拿徵亞設及亞祿巴路亞子約沙法徵以薩迦以拉子示每徵便雅憫烏利子其  
別徵基列地卽亞摩哩王西宏巴山王疆之地獨任其事猶大以色列二族衆如海濱之沙不可  
勝數皆飲食歡樂所羅門轄衆國自大河至非利士人地及埃及境皆進貢服役以至於王之畢  
生所羅門宮中食物日供細麵一千八百斗麥粉三千六百斗肥牛十在野之牛二十羊一百又  
有鹿麀赤鹿及肥禽自大河之西亦自的薩延及亞薩列王皆爲所羅門所轄四方平康所羅門  
在位時猶大以色列二族自但及別是巴各安其居得蔭於葡萄及無花果樹下所羅門之廐有  
服車之馬四萬騎兵一萬二千十二吏各按月期爲所羅門王及諸食客採備食物無所缺乏又  
取麥芻藁攜之而至以養馬及疾足之畜各盡其職上帝賜所羅門智高識廣如海濱之沙不  
可測量論其智慧勝於東方之子埃及之民多矣亦勝於以士拉人以探希慢甲各達大馬曷諸  
子以及兆人其名洋溢乎四方所羅門作諺三千言作詩千有五篇其論草木自利巴嫩之柏香  
木及牆上之牛膝草又論禽獸蟲魚天下列王聞所羅門智慧遣其民人願聽聞焉

希蘭曰：昔我父大關四方戰鬪，未蒙耶和華服諸敵於足下，故不得建殿，以顯其上帝耶和華之名。乃爾所知，今我上帝耶和華錫我綏安曠觀四方，無敵無殃。我欲建殿，願我上帝耶和華名，應耶和華告我父大關之言曰：我將使爾子繼位，彼必建殿，以顯我名。西頓人能斫木，吾中無人得，以比儼。乃爾所知，請爾宣諭於衆，爲我斫柏香木，在利巴嫩。我僕與爾僕偕，爾計其值，我必予之。希蘭聞言，忻喜不勝，曰：當頌美耶和華，賜大關之子，得具智慧，治此大國。遣人告所羅門曰：爾所請者，我已聞之。爾欲得柏香木及松木，我將予焉。我僕將昇之，自利巴嫩至海濱，乘桴浮海，至爾所指之地，在彼給爾。爾以食物供我僕役，任我所欲。希蘭以柏香木松木予所羅門，隨其所欲。所羅門歲以麥一百二十萬斗，清油一萬二千斤，供希蘭之僕役。希蘭與所羅門立約，以修和好。耶和華循其所許，以智慧賜所羅門。所羅門王在以色列族中，簡民三萬，以供役事。月遣一萬，至利巴嫩。居利巴嫩一月，居家二月。亞多尼蘭轄之所羅門，以七萬人負荷，八萬人登山鑿石。此外有匠長督工作者，約三千三百人。王令人雕石大而美者，昇之以築殿基。所羅門及希蘭之匠暨吉利人備木石，以建殿宇。

**第二十章** 以色列族出埃及後，四百八十年，所羅門卽位之四年，西弗月，卽二月，所羅門始建耶和華之殿。殿深六丈，廣二丈，高三丈。殿前之廊，廣同於殿，深約一丈，爲殿作牖，閉以斜櫺。前後之殿，其四周附牆作臺，以建複樓。下臺廣五尺，中臺廣六尺，上臺廣七尺。殿外四周，相間以凹使臺，弗附於牆。建殿之石，鑿以預備，後昇以至。於是築垣之時，不聞椎斧鐵器之聲。中樓之門在殿右，自



下至中，延及上樓，其梯曲折而登。建殿既畢，乃置棟梁，作板蓋其上，俱柏香木所製，以柏香木作臺，各高五尺，四周附殿。耶和華命所羅門曰：如爾循我禮儀，守我法度禁令，則昔所許爾父大衛者，我必踐言。爾所建之殿，我必居處，不厭棄我以色列族之民。所羅門建殿，草創初成，殿中牆垣，自下及上，取柏香木作板，以蓋牆。松木作板，以布地。殿內離後牆二丈，以柏香木之板布地作壁，自下及上，以爲後殿。卽至聖之所餘室，卽前殿，其深四丈。殿以內，弗使片石顯露，俱蓋以柏香木。雕木作匏瓜華蕊之形。室中有後殿，以置耶和華法匱。後殿深廣，崇高各二丈，飾以兼金。以柏香木作香壇，蓋以兼金。殿中悉以兼金塗飾。後殿之前，以金索間隔，亦飾兼金。殿之四周飾以金，後殿前之香壇亦然。後殿之中，作基略咄二，各高一丈，俱油木所製。翻長五尺，二翻之末，由此達彼，共約一丈。二基略咄量度，維一，各高一丈，置基略咄於後殿，各張其翻，兩旁俱及牆垣，中則二翼相接，以金飾基略咄。前殿後殿，其牆四周雕作基略咄，棗樹花蕊之形。前殿後殿，其下俱布以金。以油木作後殿之門，及櫺與闕，其門當壁之中，五分得一門，乃油木所製。其上雕刻基略咄，棗樹花蕊之形，俱飾以金。前殿門櫺，製以油木，其門當壁之中，四分得一，二門以松木爲之，門之左右各有二扉，能自轉掄。其上雕刻基略咄，棗樹花蕊之形，俱飾以金。內院以雕石三行，柏香木一行。所羅門卽位四年，西弗月，置耶和華殿基。越至十一年，布勒月，卽八月，建殿四周，遵式以造。凡歷七年，始竣厥工。

所羅門創建宮室，歷至十三年，始竣其工。又建一宅，名曰利巴嫩林，深十丈，廣五丈，高三丈。舊約聖書 列王紀上 第七章 三百四十七

丈有柱四行，其上俱有棟梁，悉柏香水所製。棟梁之上，以柏香水爲蓋，柱計四十有五，行各十五。有牖三行，光明之處，遙與相對。衆牖與櫺，形製維方，各有三行，明徹之處，遙與相對。更建一廊，承之以柱，深五丈，廣三丈。廊柱之前有階，又建一廊，其中有座，坐以鞫民，自下及上，飾以柏香水。所居之宮有廊，與鞫民之廊無異。廊後有院，所羅門亦爲所娶法老之女作宮，制度與此廊相同。宮之內外，自基及上，以及大院，皆用珍貴之石，其形維方，循其量度，以錫剖之，基卽珍貴之石，其形甚巨，或長一丈者有之，或長八尺者有之，基之上亦用珍貴之石，其形維方，循其量度，亦有柏香水。四周大院，有雕石三行，柏香木一行，在耶和華殿之內院，及殿廊俱同斯製。○所羅門王遣人僱戶蘭，自推羅至戶蘭之交，納大利人也，居於推羅，其母曾爲嫠婦，戶蘭業銅工，智慧具備，巧捷罕倫。旣應所羅門王之召，製造銅物，工作咸興，鑄銅柱二，高俱丈有八尺，周圍丈有二尺，鑄銅爲頂，置於柱首，頂各高五尺，柱頂飾以櫺，狀如欄杆，亦飾以絡，狀如金索，其數各七。柱頂櫺上，四周作石榴之形，二行，二櫺以爲蓋，俱循一例。柱頂之狀，如百合花，其廣四尺，在廊有之。櫺形維圓，各柱頂上，與櫺相對之所有石榴之形，二行，其數二百，柱式俱如一例。遂立柱於殿廊，右柱命名雅斤，左柱命名波士。柱頂有百合花之狀，作柱之工旣竣，鑄銅作盤，形製維圓，徑一丈，周三丈，高五尺，盤外四周鑄匏瓜二行，每徑一尺，有匏瓜十，環繞其盤，盤與瓜同時而鑄，盤以銅牛十二爲負，分東西南北而立，每方各置三牛，牛尾內向，盤厚一掌，其旁如盂，飾以百合花形，中可容一萬二千斗。又鑄銅作盆座十，每座縱橫俱四尺，高三尺，其狀如左，座之四旁各有相接之處，其間有獅

牛與噉啞啞之像，接處之上有座，獅牛像下，有如結綵垂焉。盆座各有銅輪銅軸四，軸之四端有物以間隔，盆下鑄間隔之物，在結綵旁，自座頂至盆口高一尺，其口乃圓，與座無異，廣尺有半，口上有緣，雕刻之形，皆方而不圓。緣下有四輪，輪軸與座相連，輪高一尺有半，輪狀如車輪，其軸其環其輻其軛，俱鑄以銅。座之四隅有間隔之物，與座俱製以銅。座上有緣，其形維圓，高約半尺，旁及相接之處，俱製以銅。在其旁及相接處，雕刻噉啞啞及獅與棗樹之形，俱遵式而作。四周狀若結綵，鑄其十座，所循之度量維一，以銅鑄盆，十各容二百六十斗，其徑四尺，置於座上。殿之左右各置五盆，置巨盤於院右東南隅。戶蘭爲所羅門王作，耶和華殿之物，如盆、盃、盂及二柱，柱上各有一頂，其形圓，以櫨爲蓋，櫨上有石榴之形，四百櫨各二行，以蓋杆上之頂座十，座之盆十，巨盤一，負以銅牛十二，其鼎其釜其盂，戶蘭爲所羅門王所作，耶和華殿之器，俱光潔之銅所製。在約但平原，數割撒利，但間王取土爲模，以鑄此銅，所作之器，既繁且多，不可勝數。銅之重輕，所羅門置而不問。所羅門作耶和華殿所用之器皿，卽金壇及陳餅之金几，後殿前之燈臺，左右各五，以兼金爲之，以及其花，其燈，其鉗，其盂，其剪，其盤，其匙，其鼎，悉兼金所製。後殿卽至聖所之門樞，與前殿之門樞，俱製以金。所羅門王所作耶和華殿諸器，已竣其工，於是攜父大關所獻之金銀器皿，置於殿中之府庫。

所羅門集以色列長老族長，族中最著者，至耶路撒冷，欲昇耶和華法匱，自郇城入殿，郇城卽昔所稱大關之邑。時值以大念月，卽七月之節禮，以色列衆咸至，集於所羅門王前，以色列

長老既至，祭司乃昇法匱，祭司及利未族人，昇耶和華法匱，與會幕及聖物。所羅門王與以色列族衆至，集於法匱前，獻牛羊爲祭，不可勝數。祭司昇耶和華法匱，入於其所，卽後殿至聖之室，嘒嘒唌唌下。嘒嘒唌唌於法匱之所，展其雙翮，覆蓋法匱，并及其杠，其杠甚長，在前殿猶得見其末，惟殿外不得見之。迄今亦若是。法匱中惟有二碑，昔以色列族出埃及，至何烈山，耶和華與之立約，摩西置碑於匱。祭司自聖所出，雲盈耶和華殿，耶和華之榮光，充盈殿宇，祭司不得在彼，供其役事。所羅門曰：耶和華曾云：必居於幽深玄遠之處，我爲之建殿，永爲駐蹕之所。以色列族衆侍立，王回顧焉，爲之祝嘏曰：昔以色列族之上帝耶和華，許我父大闢，今踐其前言，當頌美之。所許之言曰：自耶和華導以色列民出埃及以來，迄於今日，未嘗於以色列支派中，遴選一邑，使人建殿，爲顯名之所，惟簡大闢治理我民。我父大闢意欲建殿奉事以色列族之上帝耶和華，以顯其名。耶和華諭之曰：爾意欲建殿爲顯名之所，此舉甚善。然爾不得建殿，惟爾一脈之裔，必建殿，以顯我名。今我繼父大闢卽位，已建此殿，奉事以色列族之上帝耶和華，以顯其名，而耶和華前之所言應矣。昔耶和華導我列祖出埃及，與之約，藏於法匱，我今建室以度置。以色列族衆咸觀，所羅門立於耶和華壇前，向天舉手，曰：以色列之上帝耶和華歟，天上地下，無可比擬，爾僕專心，行於爾前，爾與之守約，施其仁慈。昔所許爾僕我父大闢者，爾踐其前言，以今日之事爲證。以色列族之上帝耶和華，又許爾僕我父大闢曰：如爾子孫所爲，謹恪行於我前，克肖乎爾，則必不絕爾嗣，繼以色列國位。今求以色列族之上帝耶和華，所許爾僕我父大闢之言，俾有效驗。然上帝豈

居於地乎。穹蒼不足以居爾。天上明宮亦不足以居爾。况我所建之殿乎。我之上帝耶和華。垂念爾僕之禱。聽我今日所求。望爾晝夕垂顧此殿。卽爾曾許必爲顧名之所。爾僕於此祈禱。爾其俯聞。凡爾僕及以色列民。祈禱於此。望爾在天上。居處之所。俯聽其所。得蒙赦宥。如人與同儕有所干犯。使至此殿。發誓於壇前。則爾在天。俯聞其聲。在爾僕中判其是非。以惡者爲惡。罰其罪戾。以義者爲義。賞其善行。如爾民以色列族。犯罪於爾。爲敵所敗。厥後心歸乎爾。虔向此殿。以祈禱呼願爾名。則爾在天。俯聞其祈。赦宥爾民。導之至所錫列祖之地。如人獲罪於爾。使天閉塞。雨澤不降。至殿祈禱。呼願爾名。緣遭患難。去厥罪愆。則爾在天。俯聞其聲。赦宥爾僕。卽以色列族之民。指示以善。所錫之地。降以膏澤。如於斯土有饑饉。瘟疫。風暴特甚。五穀細弱。如有蝗蟲。食其物產。如有仇敵。困其邑鄉。勿論何災。勿論何害。如以色列族人。自知其心之非。不論何事。展舒其手。向斯殿以祈求。則爾在天。居於明宮。俯念厥祈。赦宥其罪。天下人心。惟爾灼知。視其作爲。而加報施。使其畢生畏懼於爾。在爾所錫列祖之地。如有賓旅。不屬於以色列族。聞爾名譽。知爾大能。巨力。自遠方來。至於斯殿。祈求於爾。則爾在天。居於明宮。俯聞厥祈。應其所求。使天下億兆。悉知爾名。畏懼於爾。與爾民以色列族。無異。亦知我所建之殿。爲顧爾名之所。如爾國民。奉爾所遣。無論何適。與敵戰鬪時。向爾所簡之邑。及我所建之殿。爲顧爾名之所。祈禱耶和華。則爾在天。俯聞厥祈。使其獲勝。天下億兆。誰能無過。若爾民蹈於愆尤。于爾震怒。爾付之於敵。見虜於異邦。無論遠近。如在被虜之地。翻然易念。悔改前非。祈求於爾。自陳其過。以負咎戾。一心一意。歸向乎爾。望爾所錫

列祖之故土及爾所簡之邑垣與我所建之殿爲顯名之所祈求於爾則爾在天居於明宮俯聞厥祈俾其得救爾民犯罪於爾爾其赦宥使虜之者施其矜憫蓋斯民原屬於爾昔爾導之出埃及脫於鐵爐望爾眷顧爾僕俯念以色列族所禱無論所求爾其允從上帝耶和華歟爾導我列祖出於埃及命爾僕摩西在億兆中區別斯民爲爾所得所羅門跪耶和華壇前向天舉手祈禱既畢則起遂立於前爲以色列族會衆大聲祝嘏曰耶和華踐其前言錫安於以色列族之民當頌美焉昔託厥僕摩西許民福祉迄今不廢其一言願我上帝耶和華眷祐乎我毋遺棄我與祐列祖無異使我心歸上帝行從其道守其所命列祖之禁令禮儀法度願我上帝耶和華無間晝夜垂念我所禱之言俾得恒救厥僕及以色列族之民無論何事悉蒙其佑使天下億兆皆知耶和華乃上帝其外無他今爾有衆當誠心從我上帝耶和華守其禮儀禁令與今日無異王與以色列族衆獻祭於耶和華前耶和華之殿告成王與以色列衆獻酬恩之祭奉事耶和華牛二萬二千羊十二萬燔祭禮物焚膏以酬恩其數繁多耶和華前銅壇甚小不能臚陳故以殿前中院爲聖院而獻之是時以色列族大衆自哈末至埃及河集於我上帝耶和華前所羅門與民同守節禮歷至七日又至七日共十四日厥後遣民旋歸去時咸謝王恩緣耶和華善待其僕大闢以色列族之民故心歡意悅各歸故土

所羅門建耶和華殿及所居宮室與凡欲創造者悉竣其工耶和華又顯現於所羅門與昔在基遍無異告之曰爾所禱於我前我聞之矣爾所建之殿爲永顯我名之所我使之成聖我

將目觀心思，恒久不已。如爾誠心實意，遵從我命，守我禮儀法度，於爾父大關是則是效，我必鞏固以色列國，俾爾國祚恒久弗替。昔我許爾父大關，不絕其嗣，以繼以色列國位，今必踐其前言。如爾及子孫，背逆乎我，不守所命之禮儀禁令，奉事他上帝，我將於所賜之地，殲滅以色列族。我所成聖之殿，爲顯名之所者，必毀，使以色列族爲兆民作歌譏刺。凡過此有名之殿宇，必駭異，作怨憤之聲。如有詢及者，曰：耶和華毀此殿，害此國也。曷故則必答曰：昔其上帝耶和華，導其列祖出於埃及，彼乃違逆，反簡他上帝，奉事崇拜，故耶和華降以是災。所羅門建二室，卽耶和華殿及所居宮室，凡越二十年，告厥成功。創造之時，推羅王希蘭，以柏香木、松木及金，饋於所羅門，任其所欲。所羅門以加利利地二十邑，予希蘭。希蘭自推羅而來，見所羅門所予之邑，不悅，曰：我兄弟所予何邑，遂稱之爲迦不。迄於今日，是名猶存。希蘭曾進金九萬於王。所羅門王召人役事，以建耶和華之殿，及王宮室，與耶路撒冷之城垣。又建米羅夏朔，米吉多，基色，昔埃及王法老取基色燬之以火，迦南人之居於城中者，悉被殺戮，以邑畀其女。卽所羅門之后，故所羅門復建基色，平原之伯和倫，暨巴拉，近野之達莫，以至府庫，車騎之邑，暨在耶路撒冷利巴嫩所轄之境。凡欲建者，悉建之所羅門所用，以從役事者，非以色列族民，乃在昔未能盡滅之亞摩哩人、赫人、比哩洗人、希未人、耶布士人，所遺於世之子孫。迄於今日，猶供役事。所羅門不使以色列族服役，乃使其爲武士、臣僕、牧伯、軍長及車騎之長。所羅門遣五百五十人，以轄操作之衆，而督其役。法老之女，自大關城，至所建之宮，其後所羅門又建米羅所羅門獻燔祭及酬恩祭於所作之壇，以奉事耶

和華者歲凡三次，亦焚香於耶和華前，於是建殿厥功告成。在以東地、紅海之濱，附以祿之，以旬迦別所羅門創造舟楫，航海之事，希蘭僕素所諳悉，故遣其舟子與所羅門僕偕，至阿妃得金六十三萬兩，攜至王所。

示巴女王聞耶和華與所羅門之名，遣征而往，欲以言難王。僕從甚衆，有駝載芬芳之品，以及金玉，難以悉計。既至耶路撒冷，入覲所羅門，以己意詰之。所羅門隨問而答，無所不知，明晰以告。示巴女王見所羅門智慧具備，又觀其所建之殿，筵席臚陳，僕役班列，臣工酒正，衣朝服而侍，及耶和華殿所奉之燔祭，則神爲之奪告。王曰：彼邑聞爾作爲，與爾智慧，其言不虛，我初不信，及我蒞臨，目擊斯事，乃知所聞，猶不及所見之半也。爾之智慧全備，較我所聞者，尤覺其多。爾羣臣、爾僕役、恒侍於爾前，聞爾智慧，甚有福社。當頌美爾之上帝耶和華，以爾爲悅，使繼國位。耶和華恒愛以色列族，使爾爲王，秉厥公義，以聽其訟。示巴女王饋所羅門金十八萬，以及寶石，更獻芬芳之品，不可勝數。前此未有若是之多也。希蘭之舟，自阿妃載金與寶石檀木，不可悉數。自昔以來，未見若此之檀木。王以之作闌，飾耶和華殿，及王宮，又作琴瑟，爲謳歌者所用。所羅門王以物饋示巴女王，更任其所欲，無論何求，皆以遺贈。厥後女王與其臣僕返國。所羅門王除商賈鬻芬芳之品，亞喇伯列王及列邦，故伯所貿易之金而外，歲得金九十九萬九千兩。所羅門王以金之次者，作盾二百，每盾三百兩，又用以作千三百，每千一百五十兩，王置之於宅，其宅曰利巴嫩林。王用象牙作大座，飾以兼金，座之階級有六，在座之後，其形維圓，左右有柄，柄旁刻獅象，階級



左右亦如之，共十有二。他國未能頡頏。所羅門王所飲之杯，悉以金製，利巴嫩林宅中，所有器皿，皆係兼金。當所羅門時，人弗以銀爲貴重。王在大失有舟，與希蘭舟偕，三年一歸，載金銀象牙猿猴孔雀。所羅門之智慧貨財，甲天下列王。上帝賦所羅門以智慧，天下億兆咸求見焉。各饋禮物，歲有金銀器皿，衣服甲冑，芬芳之品，以及馬騾。所羅門車一千四百乘，騎一萬二千匹，或置藏車之邑，或在耶路撒冷畿內。因王富有耶路撒冷，人視銀猶石，視柏香木猶谷中之桑。所羅門之馬成羣，從埃及而至，王之商賈，如其值以得之，自埃及得一車，價三百金，一馬七十五金。赫人之王，亞蘭之王，得馬車，亦藉王之商賈。

所羅門王除法，老女之外，內寵甚多，皆異族之女，卽屬於摩押、亞捫、以東、西頓、赫人者，論及異族之人，耶和華曾諭以色列族云：爾與彼婚姻，勿相通，恐其誘爾心，從他上帝。然所羅門戀愛此女，娶列王之公主，充其後宮，凡七百人，外此又有嬪妃三百，咸蠱惑其心。所羅門年既老，諸妃迷眩其衷懷，使不一心誠恪，從其上帝耶和華，效父大關所爲，反從事他上帝。卽西頓人之上帝亞大綠，亞捫人可惡之物密君，亦曰不效父大關，恒從耶和華，乃行惡於耶和華前。在耶路撒冷相對之山，築崇邱，奉摩押人可惡之物基抹，亞捫人可惡之物摩洛，亦從娶於異族之嬪妃，焚香獻祭，奉厥上帝。以色列族之上帝耶和華，見所羅門之中心不從己命，則怒，蓋耶和華曾二次顯現於所羅門，命其不可從他上帝，乃所羅門不遵其命，故復諭之曰：因爾行是，不守我約，及我所諭之禮儀，我必奪爾國祚，以予爾僕。緣爾父大關之故，爾尙生存，我不行是，惟奪爾子之國。

祚亦不奪其全土，乃因我僕大關亦因我所選之耶路撒冷故，必遣一支派，以子爾子耶和華使，以東王後裔哈撻敵所羅門，昔大關征以東，其軍長約押及以色列族衆居彼六月，待殺其衆，丁男後約押欲封所戮之尸，時哈撻尙幼，與父臣僕居以東者數人，欲遁於埃及，及先至米田，後經巴蘭，在巴蘭得衆，偕至埃及，覲王法老王，賜以宅，詔精有定，亦封以土地，法老施恩於哈撻甚厚，以其后大比拉之妹妻之，生其倂八大比拉，使在法老之宮而斷其乳，於是其倂八居於宮中，與法老諸子偕哈撻在埃及，聞大關與祖同葬，亦聞軍長約押已死，則謂法老曰，容我旋歸故土，法老曰，爾與我偕，無所缺乏，胡爲欲歸故土，對曰，雖無缺乏，請容我歸，上帝使以利亞大子哩遜爲所羅門之敵，彼自鎖巴王哈大底泄所遁逃於外，大關殺鎖巴人，其時哩遜集人成羣，而爲其長，往大馬色據其國而治理，哩遜轄亞蘭人，憾以色列族於所羅門，尙存之日爲敵，此哈撻之外，又加一害也，又有西利大之以法大人尼八子耶羅破暗爲嫠婦西魯亞所出，本屬所羅門僕役，亦攻其王，其攻王之端，可詳述焉，父大關之城，間有損缺，所羅門重爲修葺，又建米羅耶羅破暗方在弱齡，已具英武之槩，所羅門見其勤於操作，便治約瑟全家之事，適耶羅破暗衣新製之服，自耶路撒冷出時，先知者示羅人亞希雅遇諸塗，無人在側，亞希雅取耶羅破暗所衣之新服，裂成十有二方，告之曰，爾必取十方，蓋以色列族上帝耶和華曰，我將分裂以色列國，奪於所羅門手，界爾十支派，緣我僕大關，又緣我所簡之耶路撒冷，在以色列族中者，我必以一支派予大關，後裔所羅門與其家，背逆乎我，崇拜西頓人之上帝亞大綠，摩押人之上帝基抹，亞捫人之上帝密君。

不從我道，不行善於我前，不守我禮儀法度，不於其父大關是則是效，故必奪其國祚，然不奪其全土，必使之爲王，以畢其生，緣我所簡之僕大關，恪守我禁令法度故也。乃必奪國祚於所羅門子，以十支派子爾，遺一支派子彼，使我僕大關歷世有光，於我所簡之耶路撒冷，爲顯我名之所。我將以爾爲王，任爾所欲，治以色列族，如爾聽從我命，行由我道，作善於我前，守我禁令禮儀，效我僕大關所爲，則我必祐爾，鞏固爾國，與大關無異，以以色列族畀爾治之。我雖使大關後裔困苦，不至歷年甚久，所羅門聞此，欲殺耶羅破暗，耶羅破暗遁於埃及，及覲埃及，王示撒居於其國，迨所羅門薨，而後旋歸，所羅門之事實，及其智慧作爲，備載於所羅門紀畧。所羅門在耶路撒冷，治以色列全家，歷四十年，既薨，與列祖同葬，在父大關之城，其子羅波暗繼其國位。

羅波暗至示劍，以色列族衆亦至，欲立之爲王，所羅門王尙存之日，尼八子耶羅破暗避之，往埃及居焉。今聞王已沒，又見衆招己，則至，與以色列族衆覲羅波暗，告之曰：爾父使我負重軛，操作維艱，爾其輕我，我則役事爾。曰：三日後，爾衆來此可也。衆乃去。所羅門存日，有侍其前之老者，羅波暗王與之議，曰：汝有何良策，以對斯民？曰：爲今計，惟順輿情，以善言慰之，彼必承爲爾僕。王弗聽。有少者與王年相若，侍於王側，王與之議，曰：民來告，我父使衆所負之軛，必易以輕，汝何策以答之？對曰：斯民曾言，爾父使衆負重軛，請爾輕之，爾則應之曰：我之小指，較父之身尤巨，父使爾負重軛，我必益之，我父以鞭責爾，我必以蠍螫爾。越三日，耶羅破暗遵王命，率衆至王前，王不用老者之言，而從少者之謀。叱斯民曰：我父使爾負重軛，我必益之，我父以鞭責爾，我必

以蠟螫爾。王不順與情，乃耶和華使之，以應所命，示羅人亞希雅告尼八子耶羅波暗之言。以色列族衆知王不聽，則告王曰：我與耶西之子大關何與？我族當各歸故土，大關之家爾自治之。於是以色列族各歸故土，惟居猶大衆邑者尙歸羅波暗統轄。時羅波暗王遣理貢物之亞多蘭，至以色列，以色列族石擊之，斃其命。王疾登車，遁於耶路撒冷。以色列族背大關之家，以迄於今尙未臣服。以色列族衆知耶羅波暗已歸，則遣人招集會衆，立之爲王，轄以色列族，除猶大支派以外，從大關家者絕無一人。羅波暗至耶路撒冷，則招猶大全家，使雅憫支派，計簡練之卒，十有八萬，欲與以色列族戰，以復國祚。上帝命其僕示馬雅曰：當告猶大王所羅門子羅波暗，與猶大便雅憫二族，暨所餘之衆曰：耶和華云：此我所使爾毋往，與同族兄弟以色列族戰，各歸故土。民從耶和華命而歸。○耶羅波暗在以法蓮山，建示劍而居，自此而往，建便奴利。耶羅波暗竊言曰：恐其國祚歸大關家，如民恒往耶路撒冷，獻祭於耶和華殿，則其心必歸厥主。猶大王羅波暗，而謀殺我，籌思既竟，作二金犢，告民曰：詣耶路撒冷甚難，昔導以色列族出自埃及之上帝，卽此。置一犢於伯特利，一犢於但，此事陷人於罪，民往至但，崇拜一犢。耶羅波暗於崇邱作殿，以凡民爲祭司，不屬利未族者，猶大地固有節期，耶羅波暗別設節期，於八月之望，獻祭於壇，亦在伯特利。祭所作之犢，以所任爲崇邱之祭司，置於伯特利。既從己意，八月之望，定節期，使以色列族恪守，則在是月，於伯特利所作之壇，獻祭焚香。

時值耶羅波暗侍於壇側，方欲焚香，有上帝之僕，奉耶和華命，自猶大至伯特利，指壇

而呼曰、嗟乎此壇、耶和華有命云、大闢之家必挺生一子、名約西亞、取崇邱之祭司、焚香於是壇者、獻於壇上、亦取死者之骨、焚於此壇。上帝之僕預言異蹟曰、此壇必裂其灰盡傾、是耶和華所預言之異蹟、耶羅破暗王聞上帝之僕叱咤伯特利之壇、則伸其手曰、當執之、所伸之手、卽枯不能縮。壇亦裂、灰亦傾、應上帝僕循耶和華命所預言之異蹟。王告上帝之僕曰、請爾在爾上帝耶和華前祈禱、俾我手得愈。上帝之僕求於耶和華前、王手遂愈、仍如平時。王曰、爾同我歸、補爾精力、我必加以賞賚。上帝之僕曰、卽爾以家之半賜於我、我不入爾室、亦不食餅飲水於此。蓋耶和華曾命我曰、毋食餅飲水於此、所往之途毋再由之。上帝之僕反自伯特利、由他途而歸。○有先知居伯特利、其年已老、衆子咸至、以上帝之僕當日在伯特利所作之事、所奏之言、悉以告父。父問上帝之僕、自猶大至者、由何途而往、衆子知其所往之途、則以告父。父曰、爲我備驢、旣備則乘之、迹上帝僕之後、見其坐於椽下、問曰、上帝之僕、自猶大而至者、果爾乎。曰是也。曰、盍與我歸、偕我食餅。曰、我不得與爾歸、入爾室、亦不得食餅飲水於伯特利。蓋耶和華命我云、毋食餅飲水於此、所往之途毋再由之。伯特利先知給之曰、我乃先知與爾無異、有天使奉耶和華命告我曰、攜彼同歸、使食餅飲水。上帝之僕遂與偕歸、食餅飲水。席間伯特利先知得耶和華默諭、告自猶大而至上帝之僕曰、耶和華云、因爾違命、不守爾上帝耶和華誡、乃復至此、在耶和華所禁之處、食餅飲水、故爾尸骸不得與父同葬。飲食旣畢、居伯特利先知爲猶大先知備驢、旣往之後、途間遇獅、爲獅所殺、尸仆於途、獅立尸傍、驢遺於側。有人過之、見尸仆於途、獅立於旁、則入老先知所居

之邑，以告先知聞之曰：此上帝之僕，違耶和華命者，故耶和華付之於獅，使被傷殘，置之死地，以應所言。謂衆子曰：爲我備驢，遂備之。既往，見尸仆於途，驢與獅俱立於旁，獅未食尸，亦不傷驢。先知取上帝僕之尸，載於驢，攜歸入城，將葬而哭。置尸於家塚，哭曰：哀哉！兄弟乎！既葬，則告衆子曰：我死當葬，我與上帝僕同墓，以我骨置其側。彼奉耶和華命，指伯特利祭壇，撒馬利亞諸邑，崇邱之殿而言，其後必應。耶羅破暗怙惡不悛，仍以凡民爲崇邱祭司，不論何人欲爲之者，使任其職。是事陷耶羅破暗家於罪戾，故上帝滅之於天下。

耶羅破暗子亞庇雅，遭疾，耶羅破暗告妻曰：爾起易服，使人不知爾，乃我妻，可往示羅。在彼有先知亞希雅，昔嘗告我，必爲王治理斯民。爾攜饅首十，暨薄餅與蜜一餅，以見先知，俾其告爾。我子可得愈否？耶羅破暗妻遵言而行，過征往示羅，至亞希雅家。亞希雅年已老邁，目眊不明。耶和華曾告亞希雅曰：耶羅破暗之妻欲至此，爲子遭疾，諳諷於爾。彼入室時，必佯爲民婦。爾當告之，惟循我命。婦將入門，亞希雅聞其履聲，則曰：耶羅破暗之妻其進，爾佯爲民婦，果何爲耶？我已奉命，以不吉之事告爾。爾往告耶羅破暗，以色列族之上帝耶和華云：昔爾在民中，我舉爾爲王，轉以色列民，瓜分大國之國，以賜於爾。我僕大關守我誠命，誠心從我，行善於我前。爾不則效，乃敢作惡，較前人尤甚。既違背我，鑄作偶像，奉事他上帝，于我震怒，故我必降災於耶羅破暗。家使在以色列族中，絕其所有，或主或僕，不遺一男，如其子孫尙有存者，棄之如糞壤，必務其盡。屬耶羅破暗者，死於城邑，犬將食之，死於郊野，飛鳥食之。耶和華所命如是。爾當旋歸，足履城時，

爾子必死以色列族衆必哭而葬之屬耶羅破暗者惟此子得葬於墓蓋彼一人行善於以色列族上帝耶和華前耶和華必舉人爲王治理以色列絕耶羅破暗家其時將至因以色列族作偶像于耶和華震怒故必擊之若萑葦搖於水中拔以色列族之根株出於所錫列祖之腴壤散於河外蓋耶羅破暗已干罪戾令以色列族陷罪故耶和華必棄以色列族耶羅破暗妻反至得撒既履門闕其子已死以色列族衆葬之而爲哭泣應耶和華僕先知亞希雅所傳耶和華之命耶羅破暗事實以及戰功治績備載於以色列王紀畧耶羅破暗在位二十二年而薨子拿答卽位所羅門子羅波暗乃亞捫族之婦拿馬所出年四十有一始卽位於耶路撒冷統轄猶大歷十七載耶路撒冷卽耶和華在以色列支派中所簡以爲顯名之所者猶大人行惡於耶和華前所犯罪愆致干震怒較先人尤甚在高岡之巔茂林之下建諸崇邱作諸偶像昔異族行可惡之事耶和華於以色列族前逐之今民效尤其地仍有變童○羅波暗五年埃及王示撒攻耶路撒冷耶和華殿及王宮之寶盡劫以去又劫所羅門所作之金于羅波暗王作銅于以代趨承之人環守宮門王以銅于付於其長王入耶和華殿時趨承者負于以從厥後藏於趨承者所羅波暗事實備載於猶大王紀畧羅波暗在位之時與耶羅破暗戰鬪羅波暗乃亞捫族婦拿馬所出既薨與列祖同葬於大關之城子亞庇雅繼位

尼八子耶羅破暗十八年亞庇雅踐猶大國位乃押沙龍女馬迦所出在耶路撒冷爲王凡歷三年濟父之惡蹈於愆尤不效祖大關所爲中心誠恪尊厥上帝耶和華緣大關之故上

帝耶和華使彼在耶路撒冷歷世有光立其子繼國位則耶路撒冷之邑歷久不廢大關所行除赫人烏利亞之事而外其餘皆行善於耶和華前不違所命以畢其生羅波暗子亞庇雅在位之時與耶羅破暗戰亞庇雅事實備載於猶大王紀畧亞庇雅既薨與列祖同葬於大關之城子亞撒繼位○以色列王耶羅破暗二十年亞撒治猶大在耶路撒冷爲王歷四十一年押沙龍女馬迦乃其祖母亞撒行善於耶和華前於祖大關所爲是則是效驅變童於斯土毀父所作之偶像祖母馬迦於林間立偶像故貶其太后之位斫其所奉之像焚於汲淪溪旁所有崇邱雖猶不廢然誠心從耶和華以畢其生以父所獻及己所獻之金銀器皿進於耶和華殿以色列王巴沙在位之時與亞撒戰往攻猶大建拉馬邑使民不得歸猶大王亞撒亞撒以耶和華殿中之府庫及王宮室所藏之金銀託其臣僕遣至大馬色以饋亞蘭王希旬孫達哩門子便哈達曰爾我之友有約爾我間亦常有約我饋爾以金銀請爾淪以色列王巴沙之盟俾勿攻我便哈達從其言使武士長攻以色列邑擊以雲但亞伯伯馬迦基尼烈四方與納大利全境巴沙聞之則不建拉馬惟居得撒亞撒王降詔命猶大衆咸至不遺一人使取巴沙建拉馬之木石以建便雅憫之基巴及密士巴亞撒事實及其大力與所建之城備載於猶大王紀畧亞撒年老其足有疾既薨與列祖同葬在祖大關之城其子約沙法繼位○猶大王亞撒二年耶羅破暗子拿答治以色列凡歷二年作惡於耶和華前從父所爲使以色列族陷罪猶大王亞撒三年以薩迦人亞希雅子巴沙叛拿答見拿答與以色列族衆環攻非利士人之其庇頓則擊之代之爲王卽位之後戮耶羅破



暗全家，凡有血氣者，悉行翦滅。靡有孑遺。應示羅人亞希雅所傳耶和華之命。因耶羅破暗所犯之愆尤，使以色列族陷罪。于厥上帝耶和華震怒。拿答事實備載於以色列王紀畧。以色列王巴沙在位之時，與亞撒戰。○猶大王亞撒三年，亞希雅子巴沙，在得撒治以色列。凡歷二十四年，行惡於耶和華前，從耶羅破暗所爲，使以色列族陷罪。

耶和華命哈拿尼子耶戶，責巴沙曰：昔爾辱在泥塗，我舉爾爲王，治我以色列族之民。爾從耶羅破暗所爲，使以色列族犯罪。于我震怒，故我必絕爾苗裔。及爾全家與尼八子耶羅破暗家無異。爾所屬者，死於城邑。犬必食之，死於郊野。飛鳥食之。巴沙事實及其大力，備載於以色列王紀畧。巴沙既薨，葬於得撒子以拉繼位。哈拿尼子耶戶，先知也。奉耶和華命，切責巴沙，爰及全家。因其行惡於耶和華前，于厥震怒，效尤耶羅破暗，又行篡弒。○猶大王亞撒二十六年，巴沙子以拉，在得撒治以色列。凡歷二年。治車騎之半者。心哩，見以拉在得撒家宰亞雜之室，飲酒已醉，則行謀叛，入室擊之，以斃其命。代之爲王。事在猶大王亞撒二十七年。心哩篡位，殺巴沙全家，戚屬友朋間，凡其丁男，靡有孑遺。應先知耶戶奉耶和華命，責巴沙之言。因巴沙及子以拉，蹈於罪愆，以其妄爲，于以色列族之上帝耶和華震怒，亦使以色列族陷罪故也。以拉事實，備載於以色列王紀畧。○猶大王亞撒二十七年，心哩在得撒治國七日。時以色列民建營，攻非利士人之庇頓。心哩謀叛，弒其國王。以色列族聞之，卽於是日立軍長暗利，爲以色列族王。暗利率以色列族衆，自其庇頓，往攻得撒。心哩知邑已陷，乃進王宮，縱火自焚。緣其行惡於耶和華前，從耶羅

破暗所爲，使以色列族陷罪故也。心哩事實，及叛逆之由，備載於以色列王紀畧。以色列族遂分爲二，立其納子的尼爲王而從之者半，從暗利者亦半。從暗利者較從其納子的尼者爲勝，的尼旣薨，暗利卽位。○猶大王亞撒三十一年，暗利治以色列，凡歷十有二年，昔居得撒，治國六年。後以銀三千兩，與撒馬購撒馬利亞山，在山建邑，斯山本屬於撒馬，故仍其名，稱邑曰撒馬利亞。暗利行惡於耶和華前，較前王尤甚。從尼八子耶羅破暗所爲，使以色列族陷罪，以其妄行，于以色列族之上帝耶和華，震怒。暗利事實，及所著大能，備載於以色列王紀畧。暗利旣薨，葬於撒馬利亞。其子亞哈卽位。○猶大王亞撒三十八年，暗利子亞哈治以色列，在撒馬利亞，凡歷二十二年，行惡於耶和華前，較前王愈甚。從尼八子耶羅破暗所行，猶爲細事，乃娶西頓王，謁巴力女，耶洗別爲后，遂服事崇拜巴力，在撒馬利亞，建巴力殿，內築祭壇，以奉事之，亦作偶像，較以色列前王更甚。于以色列族之上帝耶和華，震怒。是時伯特利人，蒞重建耶利哥，築基時，則喪長子亞庇蘭。置門時，則喪季子西割。於是嫩之子約書亞，所傳耶和華之命，應矣。

基列之的庇人，以利亞告亞哈曰：我指所事以色列族之上帝耶和華而誓，今以後，數年間，雨露不降，惟我言是聽。耶和華命之曰：汝往哉，適彼東方，近約但之基立，隱於溪濱，可飲溪水，我命阿利冰族，供爾養贍，以利亞遵命而往，至約但，東之基立溪，居焉。阿利冰族以餅以肉，攜之而至，無間朝夕，所飲者此溪之水，日久無雨，溪水盡涸。耶和華命曰：往居西頓之撒勒大，我命嫠婦供養爾，遂往撒勒大，近邑門，見嫠婦採薪，呼之曰：請爾以一勺之水飲我，婦欲往時，又呼曰：

請爾以片餅與我。我指爾之上帝耶和華，以誓我家無餅，所有者惟器中之粉一握，餅中之油少許，我採薪纔盈二束，欲歸而烹之，備我及子食之而死。以利亞曰：毋懼，爾往，如爾所言以行。先作小餅予我，後爲爾及爾子作餅，可也。以色列族之上帝耶和華曰：器內之粉不減，餅內之油不罄，迨及我降雨於斯土，則止。發往遵命而行。以利亞及發眷聚，得此爲食，非止一日。器內之粉不減，餅中之油不罄，應以利亞所傳耶和華之命。斯後發婦之子，遭疾甚殆，絕無氣息。發告以利亞曰：上帝之僕，我與爾無與，爾豈來使上帝憶我罪，以殺我子乎？以利亞曰：以爾子予我，遂取於其母之懷，負至所居之樓，寢之於牀。顛耶和華曰：我與此發偕居，我之上帝耶和華降災，殺其子，將若何？伏於子身。如<sup>三</sup>者三。顛耶和華曰：求我之上帝耶和華，使此子之魂返焉。耶和華允其所祈，使子魂返而甦。以利亞攜子下樓入室，以付於婦。曰：汝子已復生矣。婦曰：今我知爾乃上帝之僕，爾所傳耶和華之命，眞實無妄。

<sup>四</sup>撒馬利亞地歲大饑，越至三年，耶和華命以利亞曰：我將降雨於斯土，汝可往見亞哈，以利亞遵命而行。阿巴底爲亞哈掌官，閼寅畏耶和華，適耶洗別欲殲滅耶和華，諸先知阿巴底匿先知百人於巖穴，每穴五十人，以水以餅爲其養贍。亞哈召阿巴底，告之曰：爾往遍地，并旁溪側，或有芻蕘，以供馬騾，免使羣畜喪亡。亞哈及阿巴底分地巡行，此左彼右。阿巴底遇以利亞於途間，識之，則拜曰：我主以利亞歟。曰：往告乎王，以利亞在此。曰：我未嘗獲罪於爾，乃藉手於亞哈，使殺我乎。我指爾上帝耶和華而誓，無論何國王遣人索爾，若云不在者，則令民發誓曰：求爾不

得。今使我告於王曰，以利亞在此。我往之後，耶和華之神必感爾，使爾他往，不知何適。我既進告，彼索爾不得，則必殺我。然我自幼迄今，實畏耶和華。昔耶洗別欲殺耶和華之先知，我匿百人於巖穴，每穴五十人，以水以餅而供給之。此事爾豈不聞乎？今爾欲我進告於王曰，以利亞在此，非使其殺我乎？以利亞曰，我指所事萬有之主耶和華而誓，我今日必入覲乎王。阿巴底往以告亞哈。迨以利亞見之，則曰，貽禍於以色列族者，豈非爾乎？對曰，貽禍於以色列族，非我也。乃爾及爾父之家，違耶和華命，奉事巴力故耳。今爾當召以色列族衆，至加密山，亦召從巴力，佯爲先知者四百五十人，崇拜偶像，佯爲先知爲耶洗別之食客者四百人。亞哈遂召以色列族衆，集諸先知，至加密山。以利亞至民前曰，爾曹執持兩端，躊躇未決，將伊於何底乎？如以耶和華爲上帝，則從耶和華；如以巴力爲上帝，則從巴力。斯民無言以對。以利亞告民曰，耶和華之先知，惟我一人，爲巴力之先知者，四百五十人。當以二犢予我，儕彼取一而剖之，置之於柴，惟不縱火。我亦取一置之於柴，亦不縱火。爾曹顧爾之上帝，我則顧耶和華，孰能降火，以應所祈，則以之爲上帝。民曰，所言甚善。以利亞告巴力之先知曰，爾曹甚衆，先簡一犢，預備以獻，惟不縱火。顧爾之上帝。於是取所予之犢備之，自朝至於日中。顧巴力曰，巴力乎，向其聽我。巴力杳無聲響，不能應對。其先知踊於所築之壇。亭午，以利亞戲之曰，可大聲而呼，彼乃上帝，或默想，或燕居，或遠行，或假寐。爾必使其儆醒。遂大聲呼籲，以刃以匕自割其肉，迨及血流，循其常例。至午後，近獻祭之時，彼僞爲憑神而言，實無聲響，亦無應對而垂顧之者。以利亞告民曰，當來就我，民咸就焉。耶和華之祭壇已毀。

以利亞重爲修葺。昔耶和華以名賜雅各，稱爲以色列。其子分爲十二支派，以利亞取石，循其支派之數，以築祭壇，奉事耶和華。壇之四周作溝環繞，可容穀六斗。列柴剖攢，置於柴上，告民曰：「以水四甕，傾於祭壇及柴。」又曰：「如是者二，則行之二次。如是者三，則行之三次。」水流於壇之四周，以充其溝。當獻祭之時，先知以利亞前曰：「耶和華歟，亞伯拉罕以撒，以色列之上帝，今日使民咸知，爾在以色列族中爲上帝，亦知我屬爾僕。凡有所爲，悉遵爾命。」耶和華尙其聽我哉，使斯民皆知，爾乃耶和華上帝，使其心翻然以改。耶和華遂降火，燬其燔祭，以及其柴，其石，其土，溝中之水亦涸。民衆見此，則俯伏曰：「耶和華誠上帝矣。」耶和華誠上帝矣。以利亞告衆曰：「從巴力僞爲先知者，爾當執之，毋遺一人，遂執之。」以利亞攜至基順溪，悉殺戮焉。又告亞哈曰：「當起飲食，霖雨其零，我聞其聲。」亞哈乃往，式飲式食，惟以利亞陟加密山巔，俯伏於地，屈首至足，告其僕曰：「汝往哉，可觀於海。」旣觀而反，曰：「絕無一物在焉。」曰：「再往。」至七次乃已。迨及七次，則反曰：「有雲甚小，自海而起，大約人掌。」曰：「往告亞哈云：當備車而往，恐爲雨所阻。」其間風雲驟起，黑蔽霄漢，沛然下雨。亞哈乘車，往耶斯烈。耶和華助以利亞，使於亞哈前，東腰疾行，亦至耶斯烈。

以利亞殺其先知，及凡所爲，告耶洗別。耶洗別遣人告以利亞曰：「如於明日，斯時我不殺爾，若爾殺彼者，則願上帝降罰於我。」以利亞聞此，則遁逃以保命，至猶大之別是巴，而留其僕。又行一日，至於曠野，坐於金雀花下，求欲喪命，曰：「而今已矣，望耶和華取我生命。」蓋我較之他先知，無能出乎其上。寢於花陰，有天使撼之，曰：「起而食。」見有已炙之餅，及水一餅，在於臥側。

遂飲食而復寢。耶和華之使者再至，撼之曰：「將行遠途，當起而食。」遂起飲食，精力頓增，行歷四旬，晝夜不息，詣上帝之山何烈，入穴而居。耶和華問之曰：「以利亞在此何爲？」曰：「我緣萬有之上帝耶和華熱中特甚，以色列族背爾約，毀爾壇，殺爾先知，獨余留焉，亦欲殲滅。」曰：「當出立於山岡，在於我前。」斯時耶和華過焉，在其前有風，勢大而猛，裂山破石。耶和華不御風而至，風後地震，地震之際，耶和華亦不降臨。厥後有火，耶和華亦不與火偕來，火後有聲，細而不揚。以利亞聞之，以衣蒙面而出，立於穴口，有聲謂之曰：「以利亞在此何爲？」曰：「我因萬有之上帝耶和華熱中特甚，以色列族背爾約，毀爾壇，殺爾先知，獨余留焉，又欲害我矣。」耶和華曰：「爾當旋歸，往大馬色野，既至，沐膏哈泄立爲亞蘭王，沐膏寧示子耶戶爲以色列王，沐膏亞伯米何拉人沙法子以利沙，代爾爲先知。至於後日，避哈泄者，耶戶殺之，避耶戶者，以利沙殺之。在以色列族中，我遺七千人，身未嘗曲，蹠巴力，手未嘗接吻以爲禮。以利亞遂往，遇沙法子以利沙耕田，牛十有二耦，最後者以利沙自御，以利亞過時，以其衣蔽之，以利沙棄牛，趨於以利亞後，曰：「容我與父母接吻而後相從。」曰：「歸哉，但憶我與爾所爲。」遂歸，取雙牛宰之，以耕器烹其肉，予民食之，然後啟行，從事以利亞。

**第二十一章** 亞蘭王便哈達集其軍旅，備其車馬，同盟者三十二王，遂往環攻撒馬利亞，遣使入城，見以色列王亞哈，曰：「便哈達云：爾之金銀屬我，爾之妻孥其佳者屬我。」以色列王曰：「我主歟，我王歟，我與凡所有咸屬於爾，如爾所言。」使者復至，曰：「便哈達云：昔我遣人使爾以金銀妻孥悉付於我，明日斯時，我將復遣使臣，徧索爾宮與爾僕家，凡爾所寶者，必取之而去。」以色列王召其長老，

曰爾觀斯人特生罅隙加害乎我彼遣人索我妻孥取我金銀我不敢辭長老與民衆對曰毋聽之毋允焉王告便哈達之使者曰爾反告於我主我王曰初遣使臣索於僕者僕將與焉今日之命不敢聽從使者反命便哈達更遣人告亞哈曰從我者衆爾撒馬利亞地之塵我軍各取一握猶且未足如以爲足則願上帝降罰於我以色列王對曰卸甲之士可以凱歌披甲之士勿效之便哈達與列王宴於幕聞其所對則命僕臣曰列陳遂列陳攻城有先知觀以色列王亞哈曰耶和華云此實繁有徒者爾見之乎今日我必付於爾手使爾知我乃耶和華亞哈曰孰能勝任曰諸方伯之僕曰誰堪列陳曰爾遂核方伯之僕得二百三十二人核以色列民得七千人日中而出見便哈達與同盟之三十二王於幕中飲酒已醉方伯之僕爲前茅戍卒告便哈達曰有人自撒馬利亞出曰或欲修好或欲戰鬪而出者俱當生執之方伯之僕自城出軍旅從其後各殺一敵亞蘭人敗北以色列族追之亞蘭王便哈達乘馬與騎兵偕遁以色列王出擊其車騎大戮厥衆先知觀以色列王曰當益爾軍旅謹爾作爲明年亞蘭王必復至以攻擊爾亞蘭王臣僕告之曰其上帝乃山嶽之上帝故強於我若戰於平原必能取勝毋庸列王偕往以武士長代之核數軍旅與前所敗之軍無異車騎之數亦相符我在平原與戰必能取勝王從其言明年便哈達核亞蘭之衆往亞弗與以色列族戰以色列族核數民衆採備食物而後往攻亞蘭人充斥遍地以色列族建營於前若羔羊二羣上帝之僕至告以色列王曰耶和華云亞蘭人謂耶和華乃山嶽之上帝非平原之上帝故我必以此實繁有徒付於爾手使爾知我乃耶和華相對建營歷至七

日然後交戰。是日以色列族殺亞蘭人步卒十萬。其餘遁於亞弗入城。城垣傾圮。壓斃二萬七千人。便哈達遁入城。匿於室中。其臣僕曰。我聞以色列族歷代之王。秉性仁慈。我儕當身衣麻。項繫索。覲以色列王。庶保生命。遂衣麻於身。繫索於項。至以色列王前。曰。爾臣便哈達云。請宥我命。曰。我兄弟尚在乎。其人細聆其言。隨機應曰。爾兄弟便哈達尚在。王命之至。便哈達遂出。王令同車。便哈達曰。昔我先人所奪爾父之邑。我必反爾。我先人在撒馬利亞作衢。今爾在大馬色亦可作衢。亞哈曰。既結此約。可令爾歸。於是結約而使之去。○有先知之徒奉耶和華命。告於同儕曰。爾可擊我。同儕不從。先知之徒曰。因爾不聽耶和華命。離我之時。必見殺於獅。同儕離之。果爲獅所殺。又遇一人曰。爾可擊我。擊之致傷。先知遂往。俟於途側。以迓王至。改其儀容。以巾掩面。王過時。則呼曰。臣僕往戰。有人執其敵。命我守之。曰。如其不在。爾必償命。或罰金千有五百。僕顧左右。不覺其人已逸。以色列王曰。循爾所言。必鞠爾事。速去其巾。面遂顯露。以色列王乃知爲先知之徒。先知之徒曰。耶和華云。我欲殲滅者。爾反釋之。故必以爾命償其命。以爾民代其民。以色列王憂憤交集。至撒馬利亞。而返宮闈。

撒馬利亞王亞哈有離宮。在耶斯烈。鄰拿泊之葡萄園。亞哈告拿泊曰。爾之園圃。鄰我宮闈。爾當給我爲圃。或易以佳園。或予以所值。任爾擇焉。拿泊曰。是業乃我祖所遺。爾欲得之。我指耶和華以誓。斷不能從。亞哈聞言。知其不欲。以祖遺業予人。憂憤交集。歸臥於牀。面壁不食。王后耶洗別至。問曰。憂心不食。曷故。曰。我告耶斯烈人拿泊云。爾之葡萄園。或予以金。或易以他



園任爾所擇。彼曰：不<sub>レ</sub>以我園予爾。耶洗別曰：爾非統轄以色列國者乎？可<sub>レ</sub>歡然飲食。我將以耶斯烈人拿泊之園予爾。遂藉亞哈名作書，鈐以王印，致於拿泊所居邑中。之長老世職曰：當使民禁食在民間舉拿泊於高坐，令匪類二人作證。曰：爾誣上帝與王。遂曳之出，擊之以石，而斃其命。邑人與長老世職，遵耶洗別書所言而行，使民禁食。在民間舉拿泊於高坐。其時匪類二人進，而坐於前，以作證。訟拿泊曰：拿泊誣上帝與王。乃解之至邑外，石擊斃命。遣人告耶洗別曰：拿泊石擊而死。耶洗別聞言，則告亞哈曰：耶斯烈人拿泊之葡萄園，初不欲以金鬻爾者，今可得焉。蓋拿泊已死。亞哈聞言，往耶斯烈，入拿泊園，據而得之。耶和華命<sub>レ</sub>的庇人以利亞曰：都於撒馬利亞。以色列王亞哈，今詣拿泊之園，據有其地。爾可前往，以<sub>レ</sub>迓告之。曰：耶和華云：汝豈非殺人而據其業乎？又云：犬舐拿泊之血於其處，亦必舐爾之血。亞哈曰：爾爲我敵，今乃與我相遇乎？曰：我遇爾者，因爾在耶和華前，惟惡是務。耶和華必降災於爾，絕爾後裔，不遺一男。爾之子孫，在以色列族中，自主及僕，靡有子遺。必使爾家如尼八子耶羅破暗之家。亦如亞希雅子巴沙之家。因爾千其震怒，使以色列族陷罪論。及耶洗別。耶和華云：近耶斯烈城，耶洗別必爲犬所噬。凡亞哈所屬者，死於城邑，犬必食之。死於曠野，飛鳥食之。自昔以來，未有若亞哈在耶和華前，惟惡是務，爲其後。耶洗別所從，憑彼事偶像，乃可惡之事。效尤乎亞摩哩人。耶和華所驅於以色列族前者。亞哈聞言，則裂其衣，衣麻禁食，或寢或行，卑以自牧。耶和華諭<sub>レ</sub>的庇人以利亞曰：爾觀亞哈卑以自牧，因此亞哈尚存之日，我不降以禍災，迨及其子相繼，乃降災於其家。

亞蘭與以色列國歷三年息戰。越至三年，猶大王約沙法至以色列王所。以色列王謂其臣曰：「基列之喇末，豈非屬我，爾志何怠，不圖進取，奪於亞蘭王之手乎？」問約沙法曰：「爾欲與我偕往，至基列之喇末一戰乎？」曰：「可。爾我無異視，我民如爾民，我馬如爾馬。」又曰：「今當諮諏於耶和華。」以色列王乃集先知，約四百人，告之曰：「我欲往基列之喇末，一戰，行止若何？」曰：「往哉。」耶和華將使彼敗於王手。約沙法曰：「外此尚有耶和華之先知，以備諮諏否？」以色列王曰：「尚有一人，音拉子米該亞，可以之諮諏耶和華。」然我嘗憾其人，因彼所預言，有凶而無吉。約沙法曰：「王毋言是。」以色列王命臣僕曰：「速召音拉子米該亞至此。」以色列王與猶大王服朝衣，居王位，在撒馬利亞邑門之場。眾先知預言於前。基拿拿子西底家作鐵角數枝，曰：「耶和華云：爾可以此角觸亞蘭軍，盡滅而止。」眾先知預言曰：「可往基列之喇末而獲勝。」蓋耶和華將以之敗於王手。奉遣之使告米該亞曰：「諸先知衆口一辭，以休徵進告於王。」爾亦當言與彼無異。米該亞曰：「我指耶和華以誓，必循耶和華命而言。」既至王前，王曰：「米該亞歟，我欲攻基列之喇末，行止若何？」曰：「往可獲勝。」蓋耶和華必使彼敗於王手。王曰：「我豈不屢使爾奉耶和華命，當以真實告我乎？」曰：「我觀以色列族衆散布山谷，猶羊無牧。」耶和華曰：「此無其主，當各安歸。」以色列王語約沙法曰：「我豈不云，彼所預言，有凶無吉。」米該亞曰：「請聽耶和華之命。我觀耶和華坐於其位，萬天使侍左右。耶和華曰：『誰能誘亞哈，使往基列之喇末，殞沒其命。』」眾天使所陳之詞不一，有神越班而出侍耶和華前，曰：「我將誘之。」曰：「誘之若何？」曰：「我將感其先知，胥動以浮言。」曰：「往哉，行此，爾必誘之，以成爾志。今有神感爾之先。」

知使之浮言、耶和華聽之。聽之句以使之然耶和華有言、必降災於王。王基拿拿子西底家前批其頰曰、耶和華之神離我以指示爾、由於何途、米該亞曰、後日爾入室自匿、則可知也。以色列王曰、解米該亞於邑宰亞門、及王子約轄、所告之曰、王命拘幽此人、供餅給水、使嘗艱苦、追我安歸。米該亞曰、如爾安歸、則我未奉耶和華之命。又曰、斯民之衆、宜共聽聞。以色列王與猶大王、往基列之喇末、以色列王告約沙法曰、我將微服入陳、惟爾衣王服。以色列王遂改服色、入陳戰鬪。亞蘭王命車騎之長、三十二人、曰、大小軍旅、毋庸與戰、惟攻以色列王而已。車騎之長見約沙法、則曰、彼以色列王也、遂與之戰。約沙法大聲而呼、車騎之長知非以色列王、不追襲。有人挽弓以射、偶中以色列王在甲縫之處、土告御車者曰、我傷矣、自陳旋歸。戰事孔亟、軍士扶王於車中、攻擊亞蘭之衆、創劇血流、溢於車中。迨夕王死、日入之際、軍中傳令曰、各歸故城。故土王薨、人昇其尸至撒馬利亞葬焉。有人在撒馬利亞池濯車、滌甲、犬舐其血。應耶和華所言、亞哈事實及所作象牙之室所建之城、備載於以色列王紀。畧亞哈薨、其子亞哈謝繼位。○以色列王亞哈四年、亞撒子約沙法治猶大族。約沙法乃示利女亞蘇巴所出、卽位之時、年三十有五、爲王於耶路撒冷、凡歷二十五年。從父亞撒所爲、不肯厥道、行善於耶和華前、惟崇坵猶不廢。民尙在彼獻祭焚香。約沙法與以色列王仍修和好。約沙法事實及其大能戰績、備載於猶大王紀。畧父亞撒時尙有變童、約沙法驅之於斯土。當時在以東、無王、立吏以治。約沙法在大失作舟、使往阿妃得金、因在以旬迦別舟破而止。亞哈子亞哈謝告約沙法曰、容我臣僕、附爾臣僕之舟、偕往。約沙法不許。約沙法既薨、與

列祖同葬在祖大關之城，其子約蘭繼位。○猶大王約沙法十七年，亞哈子亞哈謝在撒馬利亞治以色列，在位二年，行惡於耶和華前，父母有惡，尤而效之。尼八子耶羅破暗使以色列族陷罪，彼亦效其所爲，服事崇拜巴力，于以色列族上帝耶和華震怒，凡其所行皆濟父之惡也。

列王紀畧下

以上帝巴力西卜，此疾得愈否。耶和華之使告的庇人以利亞曰：爾往迓撒馬利亞王之使者，告之曰：在以色列中，豈無上帝，乃往詢以革倫之上帝巴力西卜乎？故耶和華云：爾寢於牀，不得再下，至於死亡。以利亞遂往，使者反，王曰：爾何遽返？曰：有人迓我，使我以耶和華所言，反告於王云：在以色列中，豈無上帝，乃遣人詢以革倫之上帝巴力西卜乎？故爾寢於牀，不得再下，至於死亡。迓爾而告以此言者，其人若何？對曰：身衣裘服，腰束革帶。王曰：是的，庇人以利亞也。遂遣五十夫長，率五十人，既至，見以利亞坐於山巔，謂之曰：上帝之僕，王命爾下。以利亞對曰：如我爲上帝之僕，願火自天降，燬爾及五十卒。於是自天降火，燬五十夫長及卒。王再遣五十夫長，率五十人，謂之曰：上帝之僕，王命爾速下。以利亞曰：如我爲上帝之僕，願火自天降，燬爾及五十卒。於是上帝自天降火，燬五十夫長及卒。三遣五十夫長，率卒五十，陟山拜跪於以利亞前，求曰：上帝之僕，歟？請以我及我卒之命爲寶。前者火自天降，燬五十夫長及五十卒，如是者再，今請爾以我命爲寶。耶和華之使告以利亞云：汝下毋畏。遂下覲王，告王曰：耶和華云：爾遣人詢以革倫之上帝巴力西卜，在以色列中，豈無上帝，可以諮諏，故爾寢於牀，不得再下，至於死亡。王果薨，循耶和華命以利亞之言，王無子，弟約藍繼位，事在猶大王約沙法子約蘭之二年。亞哈謝事實，備載於以色列王紀畧。

耶和華欲以大風接以利亞上昇於天。其時以利亞與以利亞偕離吉甲而往。以利亞告以利亞曰：「耶和華使我往伯特利，汝可待此。」以利亞曰：「我指耶和華而誓，亦指爾生命以誓，我不離爾。」乃偕往伯特利。先知之徒居於伯特利者，出迓以利亞曰：「耶和華今日將接爾師，行將離爾。」爾知之乎？曰：「我知之。」汝毋語。以利亞告以利亞曰：「耶和華遣我往耶利哥，汝且待此。」曰：「我指耶和華以誓，亦指爾生命以誓，我不離爾。」乃偕往耶利哥。先知之徒居於耶利哥者，就以利亞曰：「耶和華今日將接爾師，行將離爾。」爾知之乎？曰：「我知之。」汝毋語。以利亞謂之曰：「耶和華遣我至約但。」汝且待此。曰：「我指耶和華以誓，亦指爾生命以誓，我不離爾。」於是二人偕行至約但河濱而立。先知之徒五十人遙立觀望。以利亞摺衣擊水，水分左右，二人過之，若履陸地。既過，以利亞謂以利亞曰：「我未與爾相離之際，爾欲我何爲？求無不得。」以利亞曰：「我欲爾所感之神降臨於我，較爾維倍。」曰：「爾所求者未易得也。」然上帝接我之時，爾若同在，則可得。否則不可得。仍與偕行，言間忽有車馬如火炎炎，間隔二人。以利亞乘大風而昇天。以利亞見之，呼曰：「我父乎！我父乎！爾以色列之車騎也。」言竟望之，不見。中裂其衣，見以利亞之衣墜地，則取之，返至約但河濱，以之擊水。曰：「以利亞之上帝耶和華安在。」復擊水，分左右。以利亞過焉。先知之徒在耶利哥，見此則曰：「以利亞所感之神臨格以利亞。」遂迓之，俯伏於地。曰：「有壯士五十在此，容之往索爾師。」庶幾耶和華之神取而降之於陝谷間。曰：「毋庸遣之。」先知之徒促之良久，則曰：「遣之可也。」遂遣五十人往索以利亞，三日不見。以利亞居耶利哥，遣者既反，以利亞曰：「我豈不曰：『毋庸去乎？』邑人告以利亞曰：『邑所建之處，便

於利涉我師所目覩也然其水不佳其土不產曰以新孟威鹽攜之至此遂攜以至以利沙至水泉以鹽投之曰耶和華云我使此水變爲佳矣今而後不致人死土亦可產其水卽佳應以利沙言迄於今日水猶若是以利沙離耶利哥往伯特利行於途間有孺子自城而出戲之曰頭童者爾亦能上昇歟如此者再以利沙回顧之顛耶和華名加以咒詛遂有二牝熊出林間斷傷孺子四十二人自此而往加密山遂至撒馬利亞

猶大王約沙法十八年亞哈子約藍在撒馬利亞治以色列凡歷十二年行惡於耶和華前較其父母少愈蓋父所作巴力之像約藍去之然亦恒從尼八子耶羅破暗之惡使以色列族陷罪摩押王米沙有羊衆多歲以羔羊十萬未翦毛之牡綿羊十萬入貢於以色列王亞哈既薨摩押王叛當時約藍王出撒馬利亞核以色列族衆遣人至猶大王約沙法曰摩押王叛我爾與我偕攻摩押可乎曰可爾我無異視我民卽爾民我馬卽爾馬曰當由何途而往曰途必由以東野以色列猶大以東三王偕往紆途而行歷程七日軍旅及牲畜無水以色列王曰哀哉耶和華集此三王付之於摩押人手約沙法曰在此豈無耶和華之先知容我問耶和華以色列王之臣對曰供以利亞盥手之役者沙法子以利沙在此約沙法曰彼奉耶和華之命者歟於是以色列王及約沙法與以東王俱往見之以利沙告以色列王曰我與爾何與爾父母亦有先知可往問焉以色列王曰請毋言是我知耶和華已集三王付之與摩押人手以利沙曰我指所事萬有之主耶和華以誓惟猶大王約沙法我眷顧之若祇爾一人豈得蒙我眷顧乎盍命鼓琴者至琴既

鼓焉。耶和華感之，遂曰：「耶和華云：宜於谷中作諸溝澮，雖無風雨，水必盈於斯谷，使爾及牲畜咸飲。我視此猶爲細事，亦將以摩押人付於爾手。」邑垣之鞏固者，華麗者，爾可擊之，砍諸佳木，塞諸井泉，以石填諸腴壤。詰朝獻禮物之時，自以東道有水忽至，充溢斯谷。摩押人聞列王至，欲與戰，則集少長，凡能披甲者，立於其境。夙興，日照於水，此水與摩押人相對，望之色紅若血。遂曰：「是乃血矣。」列王相擊而斃，我摩押之衆可起，得其貨財。乃至以色列族營，以色列人起，攻擊其衆，使之敗北，從而追襲，遂入摩押境，擊其邑垣，在諸腴壤，各擲石以填之，塞諸井泉，砍諸佳木，環攻吉哈喇泄，以繩發石，僅存城垣。摩押王見戰不利，則率軍旅七百人欲馳突而過，至以東王所，不得過焉。遂取將繼位之長子，獻爲燔祭於邑垣，以色列族見此，無不憤怒，離摩押王而反故土。

**第四章** 先知衆徒中有妻一人，求以利沙曰：「我之夫子，亦爾之徒，素畏耶和華，乃爾所知，今已死矣。有貸金者至，欲取我二子，供其僕役，以利沙曰：我將何以助爾？」爾之家中，尙有何物，請以告我。」婢家無長物，惟油一餅。曰：「爾可出外，多乞空器於比鄰。」既入於室，爾及爾子當閉其門，斟油於器，器盈則藏。婦歸，如言而行，與子入室，既閉其門，子運器而婦斟油，諸器既盈，婦告其子曰：「再攜器至，曰：無矣。」油卽止。婦至上帝僕所以告彼曰：「可鬻此油，以償所貸之金，尙有餘焉。」爾與爾子以供日用。○一日以利沙往書念，在彼有婦，家甚富饒，促之飲食，嗣後每過其所，則入飲食。婦告其夫曰：「斯人屢經我所，我知爲上帝之聖僕也，求爾附壁作小室，以几榻及坐與燈臺置於其中，彼若至此，則可寓焉。」以利沙一日至其所，入室而臥，告其從者其哈西曰：「呼書念婦至此，既呼立於



前以利沙告從者曰、爾當告婦曰、爾既爲我慮之周密、我當爲爾何爲、或請於王、或請於軍長、婦曰、我居於民間、無不自得、以利沙又告從者曰、當爲之何爲、其哈西曰、婦尙無子、其夫年邁、曰、再呼之至、既呼之、立於門、以利沙曰、明年屆期、爾必誕育、曰、我主、上帝之僕歟、毋欺爾婢、厥後婦果懷妊、屆期生子、應以利沙之言、子少長、一日往於田、見父在衆穫者所、告父曰、我首有疾、如是者再、父使僕攜歸見母、既攜之至、母懷抱之、日中卽死、母負之登樓置於上帝僕之牀、閉門而出、語夫曰、請遣一僕、攜驢而至、我欲趨至上帝僕所而回、夫曰、今日非朔日、亦非安息日、欲往何爲、婦曰、此行必得平康、於是備驢、告僕曰、驅驢前往、未得我命、爾驅勿懈、遂往加密山、就上帝僕所、上帝之僕遙見之、告其從者其哈西曰、書念婦至矣、爾當趨迓之、問曰、爾安乎、爾夫安乎、爾子安乎、婦曰、安、陟山至上帝僕所、而抱其足、其哈西前、欲行驅逐、上帝之僕曰、勿阻之、其中心彌苦矣、耶和華隱於我而不告、婦曰、我豈求主欲得子乎、我豈不云、毋欺我乎、以利沙告其哈西曰、東爾帶、執我杖、而後前往、若遇人於途、勿施禮、有人施禮於爾、勿答、惟置我杖於子面、子之母曰、我指耶和華以誓、亦指爾生命以誓、我必不離爾、以利沙遂起偕行、其哈西先至、置杖於子面、子無聲響、漠然不覺、其哈西反命曰、子猶未醒、以利沙入室、見子已死、尸在於牀、遂閉室門、祈禱耶和華、登牀伏於子身、口與口相對、目與目相對、手與手相對、於是子體始溫、遂下行於室中、又上、伏於子身、子發噓七、旋啟其目、以利沙告其哈西曰、呼書念婦至、乃呼之、入告曰、當抱爾子、婦俯伏於地、抱子而出、○以利沙又至吉甲、歲大饑、先知之徒、坐於其前、乃命從者曰、置巨釜於火、爲先知之

徒煮羹人往於田以斂菜蔬遇野藤而摘其瓜盈於懷中既至剖而投之釜與菜同煮蓋不識故也杓出共食食時呼曰上帝之僕歟釜中有毒遂不能食以利沙曰攜粉至此遂投於釜曰可杓之出以供人食於是釜中之毒已解○有人自巴力沙利沙至以初實之穀爲餅麩麥之饅首二十更以嘉穗藏於囊俱獻於上帝之僕曰以此供給乎衆使共食之從者曰以此供給百人將若何曰可供厥衆蓋耶和華云其必食足而有餘遂供給之衆食已足尙有餘焉以應耶和華之言

昔亞蘭人羣出侵以色列族之境擄一少女居乃慢家供其妻之役事女謂主母曰願我主得見撒馬利亞之先知能醫其癩乃慢以以色列族之女所言入告於王亞蘭王曰爾往哉我將致書於以色列王遂往攜銀一萬五金三千衣十襲賁王所致之書曰我致書於爾亦遣使臣乃慢至請醫其癩以色列王覽書既畢裂其衣曰上帝能殺人能甦人我豈上帝乎何乃遣人就我使醫其癩彼欲與我構釁爾羣僚其思之上帝之僕以利沙聞以色列王已裂其衣則遣人至告王曰何爲裂衣可使彼就我則知在以色列族中有先知也乃慢率車騎至立以利沙門前以利沙遣使告之曰當往約但濯身七次則爾體可痊得以成潔乃慢怒曰我意謂彼必出立而顧其上帝耶和華之名以手懸撫於病處而醫我癩大馬色之河亞巴拿與法法較之以色列地之水豈非尤善濯身於彼豈不能成潔乎遂怒欲歸其從者至前告曰我主歟如先知以難成之事使爾

爾豈有所不爲、况彼第言、濯身而成潔乎、乃慢循上帝僕之命、往濡於約但七次、而體已痊、膚若童稚、得以成潔、乃慢與衆從者、反見上帝之僕、立於其前、曰、今我知天下惟在以色列族中有上帝、願饋禮物、請勿却、曰、我指所事之耶和華而誓、我必不受、促之固辭、乃慢曰、請以土壤載於二騾、昇之於我、自今以後、我不獻燔祭禮物、事他上帝、惟奉耶和華而已、斯後若遇我王、倚於我手、入臨門之殿而崇拜、我在臨門、殿屈身、願耶和華宥我、曰、可安然而歸、相去無幾、上帝僕以利沙之從者、其哈西私念曰、我主釋此亞蘭人乃慢、不受其所饋、我指耶和華以誓、我將追之、冀有少得、於是從乃慢後、乃慢見其趨至、則下車迓之、曰、安乎、曰、安、我主遣我告爾、曰、今有先知之徒、年少者二人、自以法蓮山來就我、請以銀一千五百、及衣二襲與之、乃慢曰、請受三千、促之而許、遂取銀三千、盛於二囊、與衣二襲、使二僕負之以行、在其哈西前、至於山岡、則受之藏於室中、遂遣二僕往、進立於主前、以利沙曰、其哈西從何而至、曰、僕無所往、曰、彼下車迓爾之時、我心非與爾同在乎、此時豈可受人所饋、或金、或衣、以售橄欖園、葡萄園、牛羊僕婢乎、故乃慢之癩、必移於爾、及爾苗裔、歷世勿愈、遂出成癩、皓白如雪。

**第二十三章** 先知之徒告以利沙曰、爾我偕居、其室甚隘、容我往約但、各取材木、創建一所以居、曰、往哉、曰、請爾與我偕往、曰、可、遂與偕往、至約但、砍木、有人砍樹、斧斤之鐵已脫、而墜於水、則呼曰、惜哉、我主歟、斧乃貸諸他人者、上帝之僕曰、墜於何所、人示其處、則削片木投水、鐵浮出、曰、取之、乃取焉、○亞蘭王與以色列族戰、謀於臣曰、至某地必建營壘、上帝之僕遣人至以色列王、曰、爾慎

旃哉，勿過某地。蓋亞蘭人已至彼矣。以色列王遣人至上帝僕指示之所，脫於患難，已非一次。亞蘭王之心，因此深爲懷憂，召其臣僕曰：我中孰助以色列王，蓋明告於我。一臣曰：我主我王，無人助之。乃以色列族之先知，以利沙以王在寢室所言之事，悉告其主，曰：往哉，觀其所居，我將遣人執之而至。曰：彼在多丹。故遣車騎，實繁有徒，夤夜圍城。上帝僕之從者，夙興而出，見車騎軍旅環繞城垣，乃曰：哀哉，我主歟，我儕將若何。曰：毋畏，助我者，較助彼者衆。以利沙禱曰：求耶和華明其目，使能得見。耶和華遂明少者之目，俾其得見，以利沙所居之山岡，車騎四集，似火炎炎。敵既至，以利沙禱耶和華曰：請使此民，目昧不明。敵遂目昧，應以利沙所求。以利沙謂之曰：此非其途，此非其城，爾當從我，爾所求之人，我導爾至其地。遂導之至撒馬利亞。入城，以利沙曰：願耶和華明斯衆之目，俾其得見。耶和華遂明其目，使得見，乃知在撒馬利亞。以色列王見之，則謂以利沙曰：我父歟，當擊之乎。當擊之乎。曰：不可，即使以刃以弓虜之而至，亦不可擊，當供以餅，給以水，使其飲食，而歸其王。遂備盛饌，飲食既畢，使歸其王。斯時也，亞蘭人之軍旅，不侵以色列地。○越至於後，亞蘭王使哈達集其全軍，圍撒馬利亞。撒馬利亞糧絕，驢之一首，值金四十，鴿糞二升，三合，值金二兩，有半。以色列王沿城垣而過，聞婦呼曰：我主我王歟，其助我。曰：如耶和華不助爾，我何由助爾，或由穀場，或由酒醴，俱無從得。又曰：爾何事。曰：昔有一婦，告我曰：今日食爾子，明日食我子。於是烹我子而食之。次日我告彼曰：今當食爾子，乃彼匿其子。王聞婦言，則裂其衣，沿城垣而過，民見王身衣麻，王曰：今日必斬沙法子，以利沙首，不然，願上帝降罰於我。以利沙坐

於室長老偕在。其時王遣使者未至。以利沙謂長老曰。爾觀此戕民者之子。遣人取我首級。使者既至。汝當閉門而執之。其主必繼至。言時。使者至。王亦至。曰。斯災自耶和華而降。何必仰望耶和華哉。

以利沙曰。宜聽耶和華之命。耶和華云。明日斯時。在撒馬利亞邑門。麥粉三斗。值金半兩。麩麥六斗。值金半兩。王之近臣。告上帝之僕曰。如耶和華破天之際。可得此。否則不然。曰。爾可目覩。惟不得食。○邑門前有癩者四人。相語曰。我胡爲坐此。以待斃。若欲入邑。則邑中饑甚。我必死。如坐於此。亦必死。寧降於亞蘭軍。若保我生。則得生。若殺我。則有死而已。味爽遂起。往亞蘭營。既至營之邊隅。闕其無人。蓋主曾使亞蘭人聞車騎之聲。若全軍忽至。則相語曰。以色列王。以金饋赫人埃及人列王。俱來攻我。故不待味爽。已虛其帷幕。棄其馬驢。全營尙在。遁逃保命。癩者既至營之邊隅。則入一幕。式飲式食。得金銀衣服。匿之。又入一幕。亦得貨財。匿之。乃相語曰。我所爲者未善。今日獲茲嘉音。而我不報。如俟日出。必遭其災。盍返告王。既至。呼闕者曰。我至亞蘭人之營。不見一人不聞一聲。惟馬驢繫焉。營幕如故。闕者告於王宮。未及黎明。王夙興。謂厥臣工曰。亞蘭人所爲。我指示爾。彼知我饑。故出營。匿於田。待我出城。則生擒而襲我邑。一臣對曰。我以色列族中人馬殆盡。邑中惟遺五馬。可取之。遣人往觀。故取服車之馬二。王遣人迹亞蘭軍之後。曰。往觀之哉。迹之至約但。見衣服器皿。遍遺衢路。乃亞蘭人疾趨而棄者。使者反告於王。民遂出。劫亞蘭人之幕。於是麥粉三斗。值金半兩。麩麥六斗。值金半兩。循耶和華命。○王使近臣統轄邑門。民衆

蹶之，以斃其命。昔王就見上帝之僕，上帝之僕以是事相告，至今其言應矣。當時上帝之僕告於王曰：明日斯時，在撒馬利亞，色門麥粉三斗值金半兩，麩麥六斗值金半兩。王臣對曰：如耶和華破天之際，則可得此，否則不然。上帝之僕曰：汝可目覩，惟不得食。所言俱應，蓋民蹶之於門，以斃其命。

有婦人焉，以利沙曾甦其子，今告之曰：耶和華命必使饑饉，臨於斯土，歷至七載，爾與爾家，必當遷徙，隨爾所適。婦遵上帝僕所言，挈其全家往非利士人地，而居。歷至七年，既盈其期，婦自非利士人地歸，爲田畝宅第，呼告於王。其時王與上帝僕之從者，其哈西相語。王曰：以利沙所行異蹟，願聞其詳。對曰：以利沙曾使死者復生，言間所甦其子之婦，爲室與田呼告於王。其哈西曰：我主我王歟，昔以利沙所甦之子，卽此子也。此婦卽其母也。王問之，婦悉以告。王使宦豎曰：婦自出遊及今，其田所產，暨所當得者，俱反之。○以利沙至大馬色，亞蘭王便哈達遣疾，或告王曰：上帝之僕至此。王諭哈泄曰：爾攜禮物，往見上帝之僕，請彼問耶和華，我疾得愈否。哈泄攜大馬色所產之嘉品，載於四十駝，以爲禮物，就見上帝之僕，立於其前，曰：爾弟子亞蘭王便哈達，遣我見爾，問此疾可愈否。以利沙曰：爾往告於王，此疾不致殞命。雖然，耶和華曾示我，王必薨。上帝之僕注目視哈泄，良久旋卽哭泣。哈泄曰：我主何爲哭泣。對曰：我知爾將惡待以色列族，燬其城垣，戮其丁男，榨死嬰孩，刳剔孕婦。哈泄曰：我甚微藐，無異於犬，焉能作此大事乎。以利沙曰：耶和華示我爾必爲亞蘭王。哈泄離以利沙覲王。王曰：以利沙何言。對曰：言王疾不至殞命。詰朝，哈泄以

厚布濡水、掩王面而斃之、遂篡其位。○以色列王亞哈子約藍五年、約沙法子約蘭治猶大、年三十有二、卽位於耶路撒冷、凡歷八年、行惡於耶和華前、從以色列國列王所爲、亦娶亞哈之公主而效尤焉。昔耶和華許厥僕大闢、爰及子孫、歷世有光、故猶大一族不行翦滅。當時以東人叛、猶大立王治理。約蘭率車馬往撒益、以東人環攻之、約蘭夤夜擊以東人、及車騎長、餘民遁歸故幕。當時以東人叛、猶大國迄今尙未臣服。立拿人亦叛、約蘭事實備載於猶大王紀畧。約蘭既薨、與列祖同葬於大闢之城。子亞哈謝繼位。○以色列王亞哈子約藍十二年、猶大王約蘭子亞哈謝卽位。亞哈謝乃以色列族王暗利之女孫、亞大利所出。年二十有二、卽位於耶路撒冷、僅歷一年。既與亞哈家爲姻婭、則從亞哈所爲、行惡於耶和華前。與亞哈子約藍往基列之喇末、戰亞蘭王哈泄亞蘭、人傷約藍、約藍既傷、則歸耶斯烈、以療其疾。猶大王約蘭子亞哈謝往耶斯烈、見亞哈子約藍而問其疾。

○先知以利沙呼先知衆徒之一曰、爾當束帶、取膏一盒、往基列之喇末。既至、可問寧示孫約沙法子耶戶、使離其衆昆弟、入於寢室、以膏一盒、傾於其首。曰、耶和華云、我沃爾以膏、使爲以色列王。遂啟門、遽遁、毋少延。爲先知者、年尙少、詣基列之喇末、既至、見武士之長皆坐、曰、長者、我有事相告。耶戶曰、欲告何人。曰、長者、爾卽是也。耶戶起而入室、先知傾膏於首、曰、以色列族之上帝耶和華云、我以膏沃爾、使治我民、爲以色列王。爾必滅爾主亞哈之家、昔耶洗別殺我先知衆僕、故行殲滅、以雪其忿。亞哈全家必淪胥以亡、在以色列族中、我必絕其所有、或僕或主、不遺一

男使亞哈全家與尼八子耶羅破暗家亞希雅子巴沙家無異。在耶斯烈田，耶洗別必爲犬所噬。無人理瘞。先知言竟，啟門而遁。耶戶出見王之羣臣，其一問曰：安乎？彼心狂者，見爾何爲？曰：爾識其人，知其所言。曰：不知，請以告我。曰：彼傳耶和華之命云：我以膏沃爾，使爲以色列王。衆各取衣立佈於階，使耶戶坐。吹角曰：耶戶爲王。初約藍率以色列族衆守基列之喇末，攻亞蘭王哈泄。約藍被傷，則歸耶斯烈而療其疾。寧示孫約沙法子耶戶叛約藍，告從者曰：若愜爾意，毋許人出，以洩此事爲耶斯烈人所知。約藍居於耶斯烈，猶大王亞哈謝來會。耶戶乘車以至，有戍卒立於耶斯烈臺，遙見耶戶之軍將至，曰：我見一軍。約藍曰：當遣騎者往迓之，問其爲平康而至于乎？騎者往迓之，曰：王使問爾，爲平康而至于否？耶戶曰：是平康與否？何涉爾事？當從我後。戍卒告曰：使者至，彼不見反命，再遣騎者。至則曰：王使問爾，爲平康而至于乎？耶戶曰：是平康與否？何涉爾事？當從我後。戍卒又告王曰：使者至，彼惟不反命。來者御車甚猛，有若寧示之孫耶戶。約藍曰：備車，遂備車。以色列王約藍，猶大王亞哈謝，各乘車而出，至耶斯烈人拿泊之田，而遇耶戶。約藍見耶戶，則曰：耶戶，爾爲平康而至于乎？曰：王母耶洗別，狗私欲拜偶像，從巫覡，若是之多，焉得平康乎？約藍告亞哈謝曰：亞哈謝歟，彼懷不軌，遂旋轅而遁。耶戶挽弓力射，中約藍於二臂間，矢洞其心而出，仆於車中。耶戶告其軍長畢甲曰：取尸投於耶斯烈人拿泊之田。爾可憶疇昔爾我同乘，從其父亞哈後。耶和華以預言告之曰：我曾見拿泊及其子之血，必於是田報之。故爾當取尸投諸田，循耶和華命。猶大王亞哈謝見此，則由離宮之道而遁。耶戶追襲其後，曰：當擊之於車中，既至，附以伯連之



姑耳岡擊之至傷，王遁至米吉多而薨。<sup>六</sup>臣僕載尸於車，至耶路撒冷，葬於大關之城，與祖同墓。按亞哈謝卽位之日，乃亞哈子約藍之十一年也。○耶戶至耶斯烈，耶洗別聞之，則櫛髮修容，自牖而窺。耶戶入宮門時，耶洗別曰：昔心哩弑厥王，豈得平康乎？<sup>三</sup>耶戶仲觀牖間，曰：誰肯助我？二三宦暨自牖而窺。耶戶曰：可擲此婦，使隕於下。遂擲之，血濺於牆，及於馬。耶戶蹴以足，遂入宮中，式飲式食，既畢，則謂左右曰：是婦雖服咒詛，然爲王女，當往觀而瘞其尸。往欲葬之，僅得其頭顱，及手足之掌而已。左右反告。耶戶曰：昔耶和華命的庇人以利亞云：在耶斯烈田，耶洗別必爲犬所噬，其尸必化糞壤於耶斯烈田，後人不得指之而言，是乃耶洗別尸是言應矣。

第二十章 亞哈有子七十人，居撒馬利亞。耶戶作書，致於耶斯烈之牧伯長老，寓居撒馬利亞，及訓迪亞哈衆子者。書曰：爾所轄者有車騎城垣器械，爾主衆子居於爾中。書至之日，爾當簡王子之德容具備者，使踐王位，爲國家而與戰鬪。當事者懼甚，曰：二王敵耶戶，尙爲所敗，我焉能禦之家宰。邑宰長老訓迪者，遣人告耶戶曰：任爾爲所欲爲，我不敢立王，願爲爾臣，惟命是聽。耶戶復致書曰：如爾欲爲我輔，聽從我命，則當斬衆王子之首。明日斯時，攜至耶斯烈，見我。王子七十人，爲邑之巨室所訓迪，常與之偕。書至衆乃殺王子七十人，盛首於筐，遣使詣耶斯烈。使者既至，或告曰：人攜衆王子之首至矣。曰：堆於邑門左右。詰朝，耶戶出立而告民曰：爾衆無辜，我叛而弑王，此衆爲誰所殺？昔耶和華命厥僕以利亞論亞哈之家，今已行之。蓋耶和華之言必無不應，爾衆所當知也。耶戶戮耶斯烈地亞哈家所有之眷屬，巨室祭司，靡有孑遺。遂過征欲往撒馬利亞，行於

途中至牧者繫羊之室，遇猶大王亞哈謝之戚屬，問曰：爾爲誰？曰：我儕乃亞哈謝之戚屬，今往問安王子及王后之子。耶戶告從者曰：當生執之，乃生執之，旋置之死。在繫羊之阱側，共四十二人。靡有孑遺。由彼而往，遇哩甲子約拿撻，施禮既竟，問曰：我心與爾相合，不知爾心亦與我相合乎？約拿撻曰：無不相合。曰：合則與我攜手。遂攜手，賜之同車。曰：爾與我偕見我爲耶和華熱中。於是二人同車。耶戶至撒馬利亞，殺其地之屬亞哈者，至殲滅乃已。應耶和華命以利亞之言。耶戶集民衆，告曰：亞哈服事巴力，尙未勤也。耶戶將事之尤勤。今我必獻大祭，奉事巴力，故當集巴力諸先知、祭司、僕役，不遺一人，有不至者殺毋赦。耶戶言此，蓋欺人也。欲滅崇拜巴力之人耳。耶戶曰：當告於民，必有大會，奉事巴力。遂告焉。耶戶遣人遍以色列地，凡拜巴力者咸集，無一人不至。羣入巴力之殿，充斥殿宇。耶戶命掌禮服者攜衣以至，使衆拜巴力者服之，乃循其命。耶戶同哩甲子約拿撻入巴力殿，告諸拜巴力者云：爾當遍閱，惟拜巴力者在此。耶和華之僕，勿雜其中。既入欲獻禮物燔祭，耶戶使八十人立於門外，告之曰：我誘彼入此，有逼其一，爾當償命。獻燔祭畢，耶戶命趨承者及其長曰：入而殺拜巴力之人，勿遺其一。趨承者及其長以刃擊衆，擲尸於外，後入巴力內殿，攜諸偶像出而焚之。毀巴力之像，摧其殿宇，以之爲厠。迄今猶存，堪以爲證。於是耶戶滅巴力在以色列地。昔尼八子耶羅破暗在伯特利，但二邑立金犢，使以色列族陷罪。今耶戶亦尤而效之。耶和華謂耶戶曰：因爾待亞哈全家從我所欲，故以爲善。爾之子孫必繼以色列國位，歷至四代。然耶戶不一心謹恪，信從以色列族上帝耶和華之律例，又效耶羅破暗之所爲，使以

以色列族陷罪。故當時耶和華始分裂以色列地，使哈泄擊其四境，卽約但東、遍基列地、亞嫩溪旁之亞羅耳及基列巴山地，爲伽得流便馬拿西所得之業。耶戶事實與其大能備載於以色列王紀畧。耶戶旣薨，葬於撒馬利亞。子約哈斯繼位。耶戶在撒馬利亞治以色列，凡歷二十八年。

亞哈謝之母亞大利見子已沒，則殲滅宗室殆盡。約蘭王女亞哈謝妹約示巴見宗室將滅，則竊亞哈謝子約轄，與其乳媪藏於寢室，以避亞大利免其殘害。約示巴匿之於耶和華殿，歷至六年。亞大利統轄斯土，越至七年，耶何耶大招諸百夫長與劊役及趨承者，俱至耶和華殿，使之發誓，與之立約，然後以王子示之，曰：宜聽我言，值安息日爾衆入此者，當以三分之一守王子之室，三分之一在蘇耳門，三分之一在趨承者門後，於是殿可以守，民不得擅入。每值安息日，爾衆二隊當出，惟今必在耶和華殿院環衛王子，各執器械，環王子而侍立，凡侵爾班列者殺之。王子出入，爾必擁護。諸百夫長遵祭司耶何耶大命，各守安息日，所當入與所當出者，俱至祭司所。祭司取耶和華殿所藏大關之干戈，與諸百夫長趨承者各執器械，立於王子四周，自殿左至殿右，環祭壇及聖所。祭司扶王子出，戴王冕，執律法之書，遂立爲王。沐之以膏，鼓掌呼曰：願王千歲。亞大利聞趨承者與民號呼之聲，則至耶和華殿，民所叢集之處，見王立於臺，循其常例，又見羣臣及吹角者侍於王側，角鳴之際，斯土之民歡然欣喜。亞大利乃裂其衣，疾呼曰：爾黨其謀叛乎？爾黨其謀叛乎？祭司耶何耶大命諸百夫長及統轄全軍者曰：在耶和華殿勿殺是婦，當曳出班列之外，凡從之者擊以刃，遂曳婦出，至王宮之馬道而殺焉。耶何耶大在耶和華及王與民間

立約使民奉事耶和華。又在王與民間立約。民往燬巴力殿，摧其祭壇，斫其偶像，殺其祭司。馬坦於壇前，祭司耶何耶大有司統轄耶和華殿。自率百夫長，創役趨承者，及斯土之民，衛王自耶和華殿，由趨承者之門，至於王宮，以踐國位。既殺亞大利於王宮之側，民皆忻喜，共享平康。約轄卽位之時，年僅七齡。

約轄卽位於耶路撒冷，凡歷四十年。其母乃別是巴婦，名西庇亞。約轄得祭司耶何耶大之啟迪，行善於耶和華前，惟崇壇猶不廢，民仍焚香獻祭於其上。約轄告衆祭司曰：凡獻物攜金入耶和華殿者，卽核民之金，與人爲祭司所估之價，暨人從心所願，樂輸於耶和華殿之金。此金供自同宗，衆祭司可受焉。殿有損缺，則爲修葺。越至約轄王二十三年，殿之所損，衆祭司猶未葺理。故約轄王召祭司長耶何耶大，與衆祭司，告之曰：殿之所損者，胡爲至今猶未修葺？今而後不許爾曹爲修葺殿宇之故，受同宗之金。衆祭司循命，不受民金，亦不修葺殿宇。祭司長耶何耶大取匱鑿隙於蓋置之壇側，耶和華殿門右，使守門之祭司取人所獻耶和華殿之金，悉納其中。匱中之金已盈，則王之繕寫者，暨祭司長至，核數耶和華殿內所得之金，盛之於囊。又核數其金，予統轄耶和華殿之工作者，以與修殿之木工土工。又予版築者鑿石者，俾購材木，雕石以修葺耶和華殿，及凡所用。所獻耶和華殿之金，不以作殿中所用之盂、翦、盤、角、金銀器皿。乃予諸工作，修葺耶和華殿。督工者秉性誠實，故予金以償工值，毋庸核數。補過贖罪之金，俱歸祭司，不攜入耶和華殿。○時亞蘭王哈泄往攻迦特，既陷其城，望耶路撒冷而行。猶大王約轄以

列祖約沙法、約蘭、亞哈謝，俱爲猶大王所獻之物，與己所獻之物，及耶和華殿府庫、爰及王宮諸金、悉饋亞蘭王哈泄，故哈泄不侵耶路撒冷。約轄事實，備載於猶大列王紀畧。其臣謀叛，式句於近悉拉之米羅室，蓋其臣僕，示米押子約撒甲，與說默子約薩八擊王斃命。開之城，子亞馬謝繼位。

第十三章 猶大王亞哈謝子約轄二十三年，耶戶子約哈斯在撒

行惡於耶和華前，恒從尼八子耶羅破暗所爲，使以色列族陷罪。

於亞蘭王哈泄及其子便哈達之手。約哈斯求於耶和華，耶和華垂

殲滅其衆，蹂躪如塵沙，惟遺車十騎，五十步卒一萬，從約哈斯，故耶和

列族脫於亞蘭人手，安居如故。然斯民猶恒從耶羅破暗所爲，陷以色列

撒馬利亞邑。約哈斯事實，與其大能，備載於以色列王紀畧。約哈斯既薨，

繼位。○猶大王約轄三十七年，約哈斯子約轄治以色列，在撒馬利亞凡麻

華前，恒從尼八子耶羅破暗所爲，使以色列族陷罪。約轄事實，及其所著之

戰圖，備載於以色列列王紀畧。約轄既薨，與以色列列王同葬於

以色列王約轄之尙存也，以利沙遘不起之疾，約轄往見哭泣，

以色列之車騎也，以利沙曰：當執弓與矢，王執之，以利沙

沙按手於上，曰：盍啟東牖，遂啟之。以利沙曰：射則射，

舊約聖書

列王紀畧下 第十三章

爾在亞弗必敗亞蘭人，迨殲滅而後已。以利沙又曰：

三擊而止。上帝之僕怒曰：爾當擊地，以至五六，則可擊

而已。以利沙死而葬。明年摩押之軍侵斯土，民間有死者，將欲

沙墓，尸既下觸以利沙之骨，則甦而立。○約哈斯尙存之日，亞蘭

念與亞伯拉罕以撒雅各所立之約，故待以色列族仁慈矜恤，不欲盡滅耶

莫子，便哈達繼位。昔哈泄與約哈斯戰，曾陷數邑，至今約哈斯子約哈三

故邑，仍歸以色列。

○約哈三以以色列王約哈斯子約哈三二年，約轄子亞馬謝治猶大，乃耶

二十有五卽位，於耶路撒冷。凡歷二十九年，行善於耶和華前，於父約

大闢，則有遜焉。崇邱猶在，民獻祭焚香於其上。國旣鞏固，則討弑

摩西律例所載耶和華命云：不可因子殺父，因父殺子，各任其罪。

於鹽谷攻西拉，陷其城，易名約帖。迄今是名猶存。○亞馬謝遣使

子約哈三曰：汝來以決一戰。以色列王約哈三語使者曰：利巴嫩有荆棘，

子猝有獸過，荆棘爲其蹂躪。今王旣擊以東人，中心驕奢，以此爲榮，深居九重，

取其禍，欲與猶大族偕亡乎。亞馬謝弗聽，故以色列王約哈三至猶大之伯示麥，與猶大王亞

戰，猶大族爲以色列族所敗，遁歸故土。以色列王約哈三在伯示麥，執猶大王約哈三，約轄子亞

馬謝遂往耶路撒冷，墮其都城，自以法蓮門至邑隅之門，共四十丈，取耶和華殿及王府庫之金銀器皿，以其人爲質，而歸撒馬利亞。約瞎事實及其大能，與猶大王亞馬謝戰鬪，備載於以色列王紀畧。約瞎既薨，與以色列列王同葬於撒馬利亞。子耶羅破暗繼位。以色列王約哈斯子約瞎既沒，猶大王約轄子亞馬謝尙越十五年而終。亞馬謝事實備載於猶大列王紀畧。亞馬謝在耶路撒冷遇變，故遁於拉吉，叛黨遣人至拉吉弑之，負尸於馬，至耶路撒冷與列祖同葬於大闢之城。○時烏西亞年十有六，猶大民衆立之爲王，繼父亞馬謝之位。亞馬謝既薨，烏西亞建以辣使歸猶大統轄。○按猶大王約轄子亞馬謝十五年，以色列王約瞎子耶羅破暗在撒馬利亞卽位，凡歷四十一年，行惡於耶和華前，恒從尼八子耶羅破暗所爲，使以色列族陷罪。以色列被奪之地，耶羅破暗恢復之，自哈末境至平原之海，昔以色列族上帝耶和華曾以是言命先知甲希弗人亞米太子約拿，今其言應矣。以色列族會遭患難，困苦備嘗，其中或主或僕，均無匡助，惟耶和華垂顧焉。嘗有預言，不欲殲滅以色列族於天下，故使約瞎子耶羅破暗爲之援手。大馬色哈末二邑已屬於猶大，耶羅破暗恢復之，使仍歸以色列，其事實及大能戰鬪，備載於以色列列王紀畧。耶羅破暗薨，與以色列列王同葬，子撒加利亞繼位。

**第十五章** 以色列列王耶羅破暗二十七年，猶大王亞馬謝子烏西亞卽位，乃耶路撒冷婦耶可利所出，年十有六爲王，於耶路撒冷。凡歷五十二年，行善於耶和華前，於父亞馬謝所爲，是則是效。惟崇邱猶不廢，民仍獻祭焚香於其上。耶和華降罰王躬，使患癩疾，終身不愈，異室獨居。王子約

担治理家事，以鞫兆民。烏西亞事實，備載於猶大列王紀畧。烏西亞既薨，與列祖同葬於大關之城。子約坦繼位。○按猶大王烏西亞三十八年，耶羅破暗子撒加利亞在撒馬利亞爲王，治理以色列。僅歷六月，於耶和華前所行不善，濟列祖之惡。恒從尼八子耶羅破暗所爲，使以色列族陷罪。雅疋子沙龍叛於衆民前，弑王篡位。撒加利亞事實，備載於以色列列王紀畧。昔耶和華諭耶戶曰：爾之子孫必踐以色列國位，爰及四代。今此言應矣。○猶大王烏西亞三十九年，雅疋子沙龍在撒馬利亞卽位，僅歷一月。伽底子米拿現自得撒往撒馬利亞，擊雅疋子沙龍，而篡國位。沙龍事實及其謀爲不軌，備載於以色列列王紀畧。初的薩人不啟邑門，納米拿現，故自得撒至的薩，攻擊四境，殺戮居民，剝剔孕婦。○猶大王烏西亞三十九年，伽底子米拿現治以色列在撒馬利亞爲王，凡歷十年，行惡於耶和華前。在位之日，恒從尼八子耶羅破暗所爲，使以色列族陷罪。亞述王卜來攻斯土，米拿現以金一百五十萬饋卜，請其輔助，鞏固其國。以色列巨室米拿現令各出金二十五兩，輸於亞述王。於是亞述王反旆，不居斯土。米拿現事實，備載於以色列列王紀畧。米拿現既薨，子比加轄繼位。○猶大王烏西亞五十年，米拿現子比加轄治以色列在撒馬利亞爲王，僅歷二年，行惡於耶和華前。恒從尼八子耶羅破暗所爲，使以色列族陷罪。其武士長哩馬利子比迦叛，與亞略亞哩基列人五十同謀，在撒馬利亞宮弑王篡位。比加轄事實，備載於以色列列王紀畧。○猶大王烏西亞五十二年，哩馬利子比迦治以色列在撒馬利亞爲王，凡歷二十年，行惡於耶和華前。恒從尼八子耶羅破暗所爲，使以色列族陷罪。比迦在位之時，亞述王滴



臘比利斯至，陷以雲。亞伯伯馬迦、羅挪基特、夏朔基列、加利利納、大利四境，擄其民人。至於亞述。烏西亞子約坦二十年，以拉子何西叛哩馬利子比迦，弑之而篡其位。比迦事實備載於以色列列王紀畧。○按以色列列王哩馬利子比迦二年，猶大王烏西亞子約坦卽位，乃撒督女耶魯沙所出，年二十有五，卽位於耶路撒冷。凡歷十六年，行善於耶和華前。於父烏西亞所爲，是則是效。惟崇壇猶不廢，民仍獻祭焚香於其上。約坦建耶和華殿之崇門。約坦事實備載於猶大列王紀畧。是時耶和華使亞蘭王哩汎及哩馬利子比迦，往攻猶大。約坦旣薨，與列祖同葬於大關之城。子亞哈士繼位。

馬利子比迦十七年，猶大王約坦子亞哈士卽位。年二十在耶路撒冷爲王。凡歷十六載，不行善於上帝耶和華前，不繩其祖大關之武。從以色列列王所作，昔異邦之民，行可惡之事，焚獻其子。耶和華當以色列族前逐之。今亞哈士乃效其尤，亦獻祭焚香於崇壇，在高岡之巔，茂林之下。是時亞蘭王哩汎及以色列王哩馬利子比迦，咸來圍耶路撒冷，攻亞哈士，不能取勝。亞蘭王哩汎恢復以辣，驅猶大人出，使亞蘭人居之。迄今猶在。亞哈士遣人至亞述王滴臘比利斯曰：我乃爾之子臣，亞蘭王及以色列王攻我，請爾至此，援我於其手。亞哈士以耶和華殿及王宮府庫所有之金銀，饋於亞述王。亞述王允所請，往攻大馬色，而陷其城，殺哩汎，虜其民人。至吉亞哈士王詣大馬色，而迓亞述王滴臘比利斯，在彼見祭壇，遂圖其壇之規模制度，遣人持至祭司烏哩亞所。祭司烏哩亞作壇，循亞哈士自大馬色所賚之圖而造。王未旋歸，壇已告成。王自大

馬色至，見壇，近前獻祭，焚其燔祭禮物，酒以灌奠，以酬恩祭牲之血，灑於壇上。昔耶和華殿前，銅壇在焉，新壇既造，銅壇間之。故亞哈士移置新壇之北。命祭司烏哩亞曰：朝之燔祭，夕之禮物，王與兆民所獻之燔祭禮物，酒以灌奠，俱必獻於大壇。燔祭及禮物之血，灑於其上，惟此銅壇，我用以諂誑上帝。祭司烏哩亞遵命而行。亞哈士王斷盆座之旁，移盆離座。昔巨盤置於銅牛之上。亞哈士移置鋪華石處。昔殿前有棚，為安息日所用，與王自外入殿之廊。亞哈士俱取其材，離耶和華殿，以饋亞述王。亞哈士事實，備載於猶大列王紀畧。亞哈士既薨，與列祖同葬於大關之城。子希西家繼位。

猶大王亞哈士十二年，以拉子何西治以色列，在撒馬利亞為王。凡歷九年，行惡於耶和華前，較以色列昔之列王稍愈。亞述王撒馬尼斯攻何西，何西臣服納貢。厥後蓄異謀，遣使與埃及王瑣通好，歲貢之物不復進納。亞述王知而禁錮之，至以色列遍地，環攻撒馬利亞。歷至三年。何西王九年，亞述陷撒馬利亞，擄以色列族，至亞述地，置於珂散河旁之哈臘。哈拔及米太族諸邑。昔以色列族之上帝耶和華，導民出埃及，脫於法老之手，厥後以色列族獲罪於耶和華，實畏他上帝。耶和華驅逐異邦人，所遺之禮儀，民從之。以色列王所擅立之禮儀，民亦從之，私行非義於其上。帝耶和華前，自戍樓以至邑垣，悉建崇壇，高岡之巔，茂林之下，立諸偶像，從耶和華所驅之異邦人，在諸崇壇，焚香行諸惡事。于耶和華震怒，犯耶和華禁役事偶像。耶和華遣其先知先見者，責以色列猶大二族曰：當棄惡行，守我禁令禮儀，從我所命諸先知，傳爾列祖之律例。

斯民弗聽，強項不馴，不信其上帝耶和華，與列祖無異。昔上帝與列祖立約，斯民背之，棄其所命，違其禮儀，崇事虛無，亦爲放誕。四周之異邦人，耶和華曾命勿效其尤，彼不聽從，反崇信焉。棄其上帝耶和華之命，鑄二金犢，樹立木偶，崇拜天象，奉事巴力，焚獻子女，專用卜筮，維惡是務。于耶和華震怒，故耶和華怒以色列族，驅於其前，靡有子遺，所餘者惟猶大族而已。猶大族亦不守其上帝耶和華之誠命，從以色列族所擅立之禮儀。耶和華棄以色列族苗裔，降以禍災，爲人所虜，聖於其前，奪大關所治之以色列族，既立尼八子耶羅破暗爲王，王使以色列族不從耶和華，陷於大罪。以色列族從耶羅破暗所爲，恒行惡事，迨耶和華驅之於前，循衆僕先知所言，於是以色列族被虜離斯土，至亞述。迄今尙未歸焉。以色列族被虜，亞述王使人自巴比倫，古他亞瓦哈末，西法瓦音，至撒馬利亞諸邑，據其地，居其城，始居之時，民不寅畏耶和華，故耶和華使獅殺數人，或告亞述王曰：爾所遷徙之民，居於撒馬利亞諸邑者，不識斯土上帝之例，故見殺於獅。亞述王命曰：所虜之祭司，可反其一，使居乎彼，以其上帝之例，教誨乎衆。於是自撒馬利亞被攜之祭司一人，來居伯特利，教民畏耶和華，然民住於諸邑，各造諸上帝像，置於撒馬利亞人所作崇壇之室。巴比倫人作數割庇納像，古他人作匿甲像，哈末人作亞示馬像，亞瓦人作匿哈與大燄像，西法瓦音人焚其子奉事其上帝，亞得米勒，亞拿米勒，又畏耶和華，以凡庸之民爲崇壇祭司，獻祭於崇壇之室，如是畏耶和華，亦事他上帝，循諸族所自出之例，遷於撒馬利亞之人，其所作爲，迄今亦然，彼不誠畏耶和華，不順從其禮儀法度，律法禁令，卽耶和華所命雅各子孫者。雅

各亦名以色列。昔耶和華與以色列族立約，命之曰：毋畏他上帝，毋崇拜，毋服事，毋祭祀，乃敬畏崇拜祭祀乎我，以大能巨力導爾出埃及者，恆守我所錄之禮儀法度，律法禁令，毋畏他上帝。我與汝所立之約，毋或遺忘，毋畏他上帝，乃畏乎我，我乃爾之上帝。耶和華將拯爾脫於諸敵之手，遷於撒馬利亞之民，仍不聽從，輒蹈前轍，雖畏耶和華，又事偶像，其祖行是，子孫濟惡，迄於今日，亦若是焉。

以色列王以拉子何西三年，猶大王亞哈士子希西家卽位，乃撒迦利亞女亞比所出，年二十有五，在耶路撒冷爲王。凡歷二十九年，行善於耶和華前，於祖大關所爲，是則是效。廢諸崇壇，毀其像，斫其偶，昔摩西所作之銅蛇，迄今以色列人焚香以奉事。希西家曰：此無非爲尼忽且耳，遂碎之。尼忽且譯惟以色列族之上帝耶和華是賴，自古迄今，至於後世，在猶大列王間，殆亦未有若是之甚。希西家恆從耶和華，守其所諭摩西之禁令，無所違逆。耶和華祐之，不論所往，無不亨通，故不歸於亞述王統轄，亦不臣事。非利士人在迦薩四境，自戍樓至於邑垣，俱爲希西家所陷。以色列王以拉子何西七年，卽希西家王四年，亞述王撒馬尼斯環攻撒馬利亞，越至三年，卽以色列王何西九年，希西家王六年，其城乃陷。亞述王虜以色列族，至亞述，置於珂散河旁之哈臘，哈拔及米太族諸邑。以色列族不遵其上帝耶和華命，背其約，不聽從其僕摩西所傳之禁令，故遭此災。○希西家王十四年，亞述王西拿基立攻陷猶大諸邑。猶大王希西家遣人至拉吉，見亞述王曰：我知罪矣，請勿侵我國，惟爾命是聽。亞述王責貢於猶大王希西家金四萬五千兩。

銀四十五萬兩。希西家以耶和華殿與王官府庫所有之銀悉以爲饋。剝耶和華殿門之金及自飾於殿柱者俱饋亞述王。然亞述王遣大軍臘撒哩臘沙基統率大軍自拉吉至耶路撒冷而攻希西家。王漂工有田田間有道近上沼之溝三帥既至立於其側呼王使出。其時理家事希勒家子以利亞金繕寫設拿史官亞薩子約亞俱出。臘沙基曰爾當告希西家。亞述大王云爾誰恃爾自以爲智勇兼全善於戰鬪然爾何所恃而逆我乎。爾於埃及倚之若杖不知彼猶已折之。荏草按手其上必爲所刺。凡倚埃及王法老者亦若是。抑爾言恃爾上帝耶和華何希西家廢其崇壇去其祭壇命猶大及耶路撒冷之民惟在耶路撒冷壇前崇拜乎。今當以質質於我主亞述王。則我子爾馬二千匹爾能使人乘之否。不能曷能禦我主之僕武士長至微之一乎。然則爾恃埃及欲得車馬亦奚以爲。昔耶和華命我曰當滅斯國今我來攻毀此城垣豈非遵命而行乎。希勒家子以利亞金與設拿約亞告臘沙基曰我儕識亞蘭方言可用之與我語勿用猶大方言恐城垣之民聞之。臘沙基曰我主遣我不第與爾及爾主言也亦使我與城垣之民言使彼及爾自啖其遺溺臘沙基遂立用猶大方言大聲呼曰亞述大王之言爾宜聽從勿爲希西家所誘彼不能拯爾脫我手。希西家使爾恃耶和華望其拯爾及爾城垣脫於亞述王手爾勿聽焉。蓋亞述王曰爾當與我修和歸誠於我厥後可各食其葡萄及無花果各飲己井之水迨我遷爾往彼異方與爾故土相同有穀有酒有餅有蜜葡萄園橄欖園俱備使爾永生不死。希西家言爾必見拯於耶和華爾勿聽焉。四周之民所事之上帝豈得救其國脫於亞述王之手乎。哈末亞八之上帝安在。西

法瓦音希拿以瓦之上帝安在豈得救撒馬利亞邑於我手乎。列國諸上帝中孰一救其國於我手是則耶和華焉能救耶路撒冷於我手乎。民間是言不措一詞蓋王命勿應之。理家事希勒家子以利亞金繕寫設拿史官亞薩子約亞自裂其衣以臘沙基言反告於王。

希西家王聞言自裂其衣衣麻進耶和華殿遣理家事以利亞金繕寫設拿祭司之老者俱衣麻見亞麼士子先知以賽亞曰希西家云今日我邁患難有譴責我欺蔑我者若婦當產而無力亞述王遣臘沙基侮永生之上帝耶和華或聞其言而加以譴責故請爾爲遣民禱告於上希西家王之臣僕至以賽亞所以賽亞曰當告爾主耶和華云爾聞亞述王使臣侮我之言毋畏我將聳動其心使聞一事卽歸故土而殞於刃。○臘沙基聞亞述王已去拉吉遂反擒遇王攻立拿亞述王聞古實王特哈迦來攻則遣使至希西家曰當告猶大王希西家云爾所恃之上帝曾言耶路撒冷必不陷於亞述王勿爲所誘爾亦聞亞述前王至於今皆以翦滅列國是務而爾獨獲救乎我祖所滅之國可散哈蘭哩泄與提拉撒所居埃及田族其上帝豈得救之乎哈末亞八西法瓦音希拿以瓦列王安在希西家接使者所致之書展讀既竟則進耶和華殿陳於其前禱曰居嚙略咪間以色列族之上帝耶和華既造天地則在天下列國中爾獨爲上帝西拿基立遣使侮永生上帝請耶和華鑒之聽之亞述列王滅列國戮人民誠有此事其上帝非上帝乃木石偶像人手所作者故亞述王擲而燬於火今禱我上帝耶和華救我脫於其手使天下列國咸知耶和華獨爲上帝亞麼士子以賽亞遣人告希西家曰以色列族之上帝耶和華云爾

祈禱我攻亞述王西拿基立我已聞之當以我言告之曰郇邑未字之女藐視爾戲笑爾卽耶路撒冷之女其領首也亦適以欺爾爾所侮所欺者爲誰爾白眼而視疾聲而呼欲攻誰乎豈非以色列族之聖者乎爾遣人侮耶和華云我率衆軍已躋山巔在利巴嫩旁斫柏香木之高者松柏之美者我必造其極處奪其良田我在異邦鑿井而飲所經之地圍其城垣絕其汲道耶和華云爾豈不聞自古以來作之者我定之者亦我今爾變城垣而爲瓦礫乃我使之然彼民荏弱驚懼懷羞如山野之蔬屋上之草未及其長爲風所暴爾之居處爾之出入爾之狂妄欲攻擊我我知之矣因爾狂妄驕奢升聞於上故必置罔於爾鼻置勒於爾口使爾仍由其途而返今歲不耕而稔者爲斯民所食明年亦然至於三年可稼可穡栽植葡萄園而食其果既遇斯事可以爲徵猶大之遺民必下深其根上結其實耶路撒冷所遺之民將出郇山得救之人將往因我耶和華熱中必有此爲又曰亞述王必不入此城不以干戈弓矢陳於前不築壘以攻擊必由所來之途而返不入此城我爲己榮亦爲我僕大闢故將扞衛此城加以援手我耶和華所言如此是夕耶和華之使出在亞述營擊其士卒十八萬五千詰朝惟見尸骸而已亞述王西拿基立遂歸尼尼微備崇拜於其上帝溺落之殿其子亞得米勒沙哩斯弑之遁於亞喇臘國更有一子以撒哈頓繼位。

希西家面壁禱曰耶和華歟垂念我行善於爾前誠實無妄祈畢哭甚哀以賽亞出至中院耶和

華命之曰：爾當復入告我之民長希西家。爾祖大關之上帝耶和華云：我見爾祈禱出涕，將愈爾疾。越三日可詣我殿。我必錫爾十五齡。救爾及此城於亞述王手，將爲我榮，亦爲我僕大關。故扞衛此城。以賽亞曰：當取無花果餅一角，置王瘡處，卽愈。希西家問以賽亞曰：耶和華使我得愈，三日後詣其殿，以何爲徵？以賽亞曰：耶和華所言有應，必以一事爲徵，使日影或進十分，或退十分。任爾所欲。希西家曰：影進十分，猶爲易事，不如使其退十分爲善。先知以賽亞顛耶和華，於是亞哈士日晷之影，果退十分。巴比倫王巴拉但子米羅達巴拉但，聞希西家病愈，致書饋禮。希西家喜，以寶物金銀芬芳之品，香膏器皿，府庫及宮闈四境所有，俱使之觀。先知以賽亞見希西家王曰：此人奚自，與爾何言？希西家曰：來自遠方，卽巴比倫曰：彼在宮闈，所見何物？希西家曰：凡宮闈府庫之物，悉令觀焉。以賽亞曰：當聽耶和華言。自昔迄今，爾宮闈之什物及列祖所藏，其將遷於巴比倫。靡有孑遺。爾之子孫爲人所擄，在巴比倫。王宮爲宦豎。希西家告以賽亞曰：爾所傳耶和華之言甚善。又曰：我尙存之日，仍享綏安，豈非善乎？希西家事實與其大能，作沼鑿溝，引水入城，備載於猶大王紀畧。希西家既薨，子馬拿西繼位。

馬拿西乃協西巴所出，年十有二，卽位於耶路撒冷。凡歷五十五年。昔異邦人行可惡之事，耶和華逐之於以色列族中。馬拿西效其尤，作惡於耶和華前。其父希西家廢諸崇壇，馬拿西復建之，築祭壇，宗巴力，作偶像，從以色列王亞哈所爲，崇拜天象，而服事焉。昔耶和華曰：耶路撒冷必爲顛我名之所。馬拿西築壇於其殿之二院，崇拜天象，焚獻其子，用卜筮，術數，憑卜神。



問巫覡於耶和華前，多行不義，干厥震怒。昔耶和華諭大闢及其子所羅門曰：我於以色列支派諸邑中，簡耶路撒冷，創造殿宇，爲顯我名之所。歷世勿替，如以色列族恪守我命，循我僕摩西所傳者，我不使之復行。遷徙離我所錫列祖之地，然上帝雖有是命，民不聽從。馬拿西作亞大綠像，置諸殿間，誘民作惡，較耶和華在以色列族中所滅之異邦人尤甚。耶和華諭其僕諸先知曰：因猶大王馬拿西行可惡之事，較昔亞摩哩族尤甚，使猶大人崇拜偶像，蹈於罪愆。故我以色列族之上帝耶和華，必降災於猶大及耶路撒冷，使凡聽聞者，必震其耳。昔我滅撒馬利亞及亞哈家，亦必循此準繩，滅耶路撒冷，必行拂拭，如人拭盤，卽覆之，棄我遺民，付於敵手，爲敵所擄。蓋彼作惡於我前，于我震怒，自列祖出埃及，至於今日故也。馬拿西遍耶路撒冷四境，多殺不辜，又作惡於耶和華前，陷猶大族於罪戾。馬拿西事實及所作之惡，備載於猶大王紀畧。馬拿西既薨，葬於宮側，烏撒之園。子亞門繼位。○亞門乃約巴人哈魯斯女米述利蜜所出，年二十二歲，卽位於耶路撒冷。僅歷二年，從父所爲，於耶和華前所行不善，凡父所行之事，所拜之偶像，無不效尤。棄列祖之上帝耶和華，不從其道。亞門臣僕謀叛，弑王於宮，厥後叛黨爲民所殺，立王子約西亞繼位。亞門事實，備載於猶大王紀畧。亞門葬於烏撒園中之墓。子約西亞繼位。

年，行善於耶和華前，於祖大闢所爲，是則是效，不偏於左，不偏於右。約西亞十八年，王遣米書蘭孫亞薩利子繕寫沙番，至耶和華殿，曰：爾當見祭司長希勒家，使核閱人所取於民間，輸耶和華。

殿之金子統轄耶和華殿之工，以與工作，使修葺殿宇。又與木工、土工、版築者、俾購材木、雕石、爲修理之用。督工者秉性誠實，故予以金、毋庸核數。祭司長希勒家告繕寫沙番曰：我在耶和華殿，得律例之書，希勒家遞書與沙番，沙番讀焉。繕寫沙番復於王曰：王之臣僕計殿中所有之金，以與統轄耶和華殿之工作。又曰：祭司希勒家以書予我，遂取書陳王，誦於王前。王聞書言，裂其衣，命祭司希勒家、沙番、亞希甘、米該雅、亞革破、繕寫沙番、近臣亞帥亞曰：我得斯書，不明厥旨，爾曹往哉，爲我及猶大之民，諮諏耶和華，蓋我列祖未從此書所言。于耶和華震怒，祭司希勒家、亞希甘、亞革破、沙番、亞帥亞咸至耶路撒冷之米士尼，見掌禮服者轄哈孫、特瓦子沙龍妻，先知婦戶勒大與之語。婦曰：以色列族之上帝耶和華云：當告遣爾者，我必降災斯土，爰及民人，循猶大王所讀書中之言，因猶大族棄我，焚香奉事他上帝，以其所爲于我震怒，故我憾此邑之民，靡有已時。猶大王遣爾，諮諏於我，爾當告以色列族之上帝耶和華云：爾既聞斯言，知我譴責此邑，爰其民人，言必使其邑歸於寂寞，其民服於咒詛，爾則中心畏懼，卑以自牧，裂衣泣哭於我前。我許爾所祈，必使爾平康歸墓，然後降災此邑，不使爾目覩，使者聞言反命。

王遣人召猶大耶路撒冷諸長老及其居民，祭司先知由尊逮卑咸入耶和華殿，王誦殿中所得之約書，使民咸聞。王立於臺，在耶和華前立約，一心一志，從事耶和華，守其禁令，法度禮儀，遵約書所載，民咸樂從。王命祭司長希勒家及祭司之次者暨闖人，取所奉巴力亞大綠及天象之器皿，出耶和華殿，燬於耶路撒冷外，汲淪田間，攜其灰至伯特利。昔猶大列王立祭司，

在猶大諸邑及耶路撒冷四周崇坵之上焚香奉巴力日月十二躔次及諸天象至是約西亞廢其職取耶和華殿所有之亞大綠像出耶路撒冷外燬於汲淪溪濱擣之成粉揚於民塚昔耶和華殿側羣女織亞大綠幕旁有孿童之室約西亞毀之八九昔自基巴至別是巴皆有崇坵衆祭司焚香其上今爲約西亞所汚邑宰約書亞門左亦有崇坵約西亞毀之徒猶大諸邑崇坵之祭司於耶路撒冷不許附耶和華祭壇惟在同儕中食無醇餅而已在便欣嫩谷之陀法約西亞汚之免人在彼焚獻子女以奉摩洛昔猶大列王獻馬以奉日畜於耶和華殿側宦暨拿單米勒室旁之廊約西亞去之奉日之車亦爲其所燬猶大列王曾築祭壇置於亞哈士樓巔馬拿西亦築祭壇置於耶和華殿二院中皆爲王所毀傾其灰於汲淪溪濱昔以色列王所羅門在耶路撒冷邪僻山側耶路撒冷曾築崇坵奉西頓人可惡之物亞大綠摩押人可惡之物基抹亞捫族可惡之物密君皆爲王所汚毀其像斫其偶以骸骨充其所昔尼八子耶羅破暗陷以色列族於罪戾在伯特利立崇坵築祭壇約西亞毀其祭壇廢其崇坵焚其偶像擣之成粉約西亞回視山旁之墓遣人取其骨焚於祭壇以汚之應上帝僕奉耶和華所宣之言約西亞見碑問曰斯何碑也邑人曰昔上帝之僕自猶大而來預言爾所行於伯特利壇之事斯其墓也王曰毋遷其骨遂弗遷撒馬利亞先知之骨亦弗遷昔以色列列王在撒馬利亞諸邑作崇坵之室于耶和華震怒約西亞毀之無異於伯特利所行在壇殺崇坵之祭司焚人骨於上後歸耶路撒冷王命億兆曰爾當守爾上帝耶和華之逾越節禮循約書所載約西亞王十八年在耶路撒冷守逾越節禮奉事耶和華自

士師治以色列，以及列王統轄以色列猶大之時，守逾越節禮者，未有若是之盛也。猶大地及耶路撒冷邑，見有憑於卜神、巫覡，以及偶像可惡之物，約西亞盡去之。遵祭司希勒家在耶和華殿所得律法之書。約西亞循摩西律例，一心一志，盡其能力，歸於耶和華。自昔迄今，至於後世，未有王若是之善也。然馬拿西作不善，干耶和華震怒，故耶和華之於猶大族，怒猶未息。耶和華曰：我將驅猶大族，與驅以色列族無異。昔我簡耶路撒冷，爰及此殿，爲顯我名之所，今必厭棄之。約西亞事實，備載於猶大列王紀畧。當時埃及王法老尼哥，往百辣河，攻亞述王約西亞王禦之，被殺於米吉多。臣僕昇其尸，載之於車，自米吉多至耶路撒冷，葬於墓斯土之民立約西亞子約哈斯爲王，沐之以膏，使繼父位。○約哈斯乃立拿人耶利米女哈母達所出，年二十有三，卽位於耶路撒冷，僅歷三月，行惡於耶和華前，惟列祖所爲是效。法老尼哥幽之於哈末，之立拉，不許在耶路撒冷爲王，厥後放之，至埃及而薨。法老尼哥徵猶大民銀十五萬，金千有五百，使約西亞子以利亞金代父爲王，易名約雅金。約雅金遵法老尼哥命，徵斯土之稅，橫征居民，各以其金饋法老尼哥。○約雅金乃魯馬人比太亞女西布大所出，年二十有五，卽位於耶路撒冷，凡歷十一年，行惡於耶和華前，惟列祖所爲是效。

第四章 是時巴比倫王尼布甲尼撒征猶大，約雅金臣服三年，後復謀叛，耶和華遂使迦勒底軍亞蘭軍、摩押軍、亞捫軍、滅猶大，應耶和華命，厥僕諸先知之言，緣馬拿西犯罪，屢殺不辜，血流遍耶路撒冷，耶和華弗赦，降災於猶大族，而驅逐之。約雅金事實，備載於猶大列王紀畧。約雅

金既薨，子約雅斤繼位，自埃及河至百辣河，昔爲埃及王所得，今又爲巴比倫王所取，故埃及王不敢出征。○約雅斤乃耶路撒冷人，利拿單女尼忽大所出，年十有八，卽位於耶路撒冷，僅歷三月，行惡於耶和華前，惟父所爲是效。是時巴比倫王尼布甲尼撒之臣工僕衆環攻耶路撒冷，後尼布甲尼撒至，其僕圍城甚迫。巴比倫王八年，猶大王約雅斤同其母爰及臣工僕隸，宦豎俱出降。巴比倫王、巴比倫王執之，盡得耶和華殿及王宮府庫之寶，剝耶和華殿間以色列王所羅門所飾之金，應耶和華言，俘耶路撒冷羣臣居民，豪傑之士，工作之輩，計一萬人，所遺者惟貧乏之人而已。以約雅斤與王母、王后、宦豎及有能力者，自耶路撒冷擄至巴比倫。軍旅七千，工匠一千，及諸壯士，咸爲巴比倫王所擄。至巴比倫邑，巴比倫王使約雅斤叔馬大尼代之爲王，易名西底家。○西底家乃立拿人耶利米女哈母達所出，年二十有一，卽位於耶路撒冷，凡歷十一年，行惡於耶和華前，效約雅斤所爲。于耶和華震怒，耶路撒冷猶大之民咸被驅逐。

西底家叛，巴比倫王九年十月十日，巴比倫王尼布甲尼撒率其軍旅，至耶路撒冷，四周建營築壘，以攻擊困苦其邑。至於西底家王十一年四月九日，邑民糧罄饑甚，迦勒底人環攻其城而陷之。武士由門旁夾道，近於王圍，夤夜而遁，士卒四散，王望坦途而往，迦勒底軍追襲其後，至耶利哥之坦途，執之，解至立拉，見巴比倫王，王斷其事，乃殺西底家諸子，使其目覩之，然後瞽其目，繫以銅索，解至巴比倫。巴比倫王尼布甲尼撒十九年五月七日，其臣僕侍衛長尼布撒喇坦至耶路撒冷，燬耶和華殿，王宮宦第，及耶路撒冷民室，侍衛長率迦勒底軍，墮耶路撒冷。

城垣之四周，侍衛長尼布撒喇担擄邑之遺民，及降於巴比倫王者，悉攜以去。惟遺貧民，使修理葡萄園，耕植其田。耶和華殿中之銅柱、盆座、巨盤，俱爲迦勒底人所毀，攜其銅至巴比倫。其釜、鑿、剪、鼎，及諸銅器，以供役事者，悉攜之去。其盃、其盂，及金銀諸器，俱爲侍衛長所取。昔所羅門爲耶和華殿造諸銅器，不能權其輕重，卽巨盤、盆座、二柱，每柱高丈有八，各有銅頂，高三尺，欄杆、石榴，圍其四周，悉以銅鑄。侍衛長尼布撒喇担擄祭司長西勒亞、祭司之次者西番雅，及閹者三人，城中擄轄武士之宦豎一王之近臣五，軍中之繕寫兼掌民數者一，及民衆六十，咸至哈末之立拉，見巴比倫王。巴比倫王殺之，猶大族被擄之事如此。巴比倫王尼布甲尼撒使沙番孫亞希甘子，其大利統轄猶大遺民。諸軍長及士卒，聞巴比倫王使其大利統轄斯土，則尼大尼子以實馬利、迦哩亞子約哈難、尼陀法人單戶滅子西勒亞、馬迦人子耶沙尼，率其士卒至密士巴。見其大利，其大利發誓告諸軍長及士卒曰：毋畏從迦勒底人，臣服巴比倫王，而居斯土，可享平康。七月，宗室以利沙馬孫尼大尼子以實馬利統率十人，擊其大利，及同在密士巴之猶大人。迦勒底人皆殺之。武士之長億兆之民，自尊遠卑，皆畏迦勒底人，故往埃及。○猶大王約雅斤被擄之三十七年十二月二十七日，巴比倫王以未米羅達卽位，乃出猶大王於獄，使其易衣待之以恩，賜座高，出於同在巴比倫列王之右，每食與共，以畢其生。王日賜以糈糧，至終身不匱。



子亞雅亞拿亞拿子底順底順子暗蘭或曰一是班益蘭基蘭以察子辟罕撒番耶干底山子烏士亞蘭當以色列族未有王時惟以東地有王其名如左庇耳子庇拉都亭哈巴庇拉薨破斯喇人西拉子約八卽位約八薨提慢人戶山卽位戶山薨庇撻子哈撻卽位都亞味得昔於摩押平原擊米田族者卽此王也哈撻薨馬士哩迦人三拉卽位三拉薨河旁哩何伯人掃羅卽位掃羅薨亞革破子巴勒哈南卽位巴勒哈南薨哈達卽位都於保其後米薩合孫馬特列女米希大別哈達薨在以東爲伯者如左亭拿伯亞勒瓦伯耶帖伯亞何利巴馬伯以拉伯比嫩伯基納伯提慢伯密薩伯麥鐵伯以蘭伯

以色列子流便西面利未猶大以薩迦西布倫但約瑟便雅憫納大利伽得亞設猶大子耶阿楠示拉皆迦南人書亞之女所出猶大長子耶作惡於耶和華前耶和華殺之猶大因媳大馬生法勒士撒拉故猶大之子共有五人云法勒士之子以士崙哈母勒西拉生五子心哩以探希慢甲各達大迦米子亞干亞干昔竊所獻之物貽禍以色列族以探子亞薩哩亞希斯崙子耶喇滅亞蘭迦勒亞蘭生亞米拿達亞米拿達生拿順爲猶大族之伯拿順生撒們撒們生波士波士生阿伯阿伯生耶西耶西生七子長以利押二亞庇拿撻三示每四拿但業五喇太六阿鮮七大關大關之妹西魯雅亞庇該西魯雅生三子亞庇篩約押亞撒黑亞庇該生亞馬撒亞馬撒父以實馬利人益帖希斯崙之後迦勒有妻亞蘇巴生耶畧耶設說巴押墩亞蘇巴沒迦勒娶以法大復生戶耳戶耳生烏利烏利生庇撒列嗣後希斯崙年屆六十娶馬吉女生西割馬吉基列之



父也。西割生睡耳，睡耳在基列地，有二十三邑。復有基述、亞蘭、哈物、睡耳、基納及鄉里，共六十邑。俱爲基列之父馬吉衆子所得。希斯崙沒於以法大迦勒，其妻亞比亞遺孤亞述、亞述生提哥亞。希斯崙長子耶喇滅生亞蘭、布拿、阿連、阿鮮、亞希雅。耶喇滅又娶亞他喇生阿南。耶喇滅長子亞蘭、生馬士雅民，以結阿南子沙買。雅他沙買子拿答、亞庇述、亞庇述妻亞庇孩、生亞辨、摩立、拿答子西勒、亞遍、西勒無子而死。亞遍子以示，以示子示山。示山生女亞來、沙買弟雅他生益帖、約拿單、益帖無子而死。約拿單子比勒撒薩皆耶喇滅後裔。示山無子有女埃及人耶拉爲其僕。示山以女妻之，生亞太、亞太生拿單、拿單生撒八、撒八生以弗臘、以弗臘生阿伯、阿伯生耶戶、耶戶生亞薩哩、亞薩哩亞生希力、希力生以利亞薩、以利亞薩生西沙買、西沙買生沙龍、沙龍生耶加米、耶加米生以利沙馬、耶喇滅之弟迦勒生米沙、米沙建西弗城。迦勒又生馬哩沙、馬哩沙生希伯崙、希伯崙生可喇、大布亞哩、金示馬、示馬生喇舍、喇舍生約灌哩、金生沙買、沙買生馬雲、馬雲建伯夙、迦勒之妾，以法生哈蘭、摩薩、伽泄、哈蘭生伽泄、雅太子哩劍、約坦、基山、比力、以法、沙鴨、迦勒又有妾名馬迦，生示別、得哈拿、沙鴨、示法、沙鴨生麥馬拿、示法生抹比拿、基庇亞、迦勒生女押撒、迦勒之妻，以法大生長子戶耳。又生說八、建基列、耶林、薩馬、建伯利恒、哈勒、建伯伽得、建基列、耶林者說八、說八生哈羅、以亞雅利居馬拿黑之半者，亦其後裔。基列、耶林之居民，乃以得布、舒馬、密來諸族其所出者、撒立、益力二族、建伯利恒者、薩馬、其衆子居尼陀法、亞大錄、伯約押、所哩、馬拿黑之半、居雅必者爲士之家，及得喇、示米押、蘇押諸族，皆爲哈抹所出之基尼人、哈抹卽哩甲。

族之祖。

大關在希伯崙所生之子如左，長子暗嫩，乃耶斯烈地之女亞希暖所出。次但以理，或曰基利押乃加密地之女亞庇該所出。三押沙龍，乃基述王達買女馬迦所出。四亞多尼雅，乃哈及所出。五不法提亞，乃亞庇達所出。六以特念，乃大關妻以客拉所出。此六子者，乃大關所生於希伯崙。大關在彼爲王七年有半。在耶路撒冷爲王三十三年。在耶路撒冷大關所生者，臚列於左：亞米利或曰以連之女拔書亞，或曰拔書亞生四子：示每、說巴拿單、所羅門。亦有九子益轄，以利沙馬，或曰以利法利。那加尼弗、耶非亞，以利沙馬，以利亞大，以法列，皆係大關之子。更有庶子及女大馬，所羅門子羅波暗，羅波暗子亞比亞，亞比亞子亞撒，亞撒子約沙法，約沙法子約蘭，約蘭子亞哈謝，亞哈謝子約轄，約轄子亞馬謝，亞馬謝子烏西亞，烏西亞子約坦，約坦子亞哈士，亞哈士子希西家，希西家子馬拿西，馬拿西子亞門，亞門子約西亞，約西亞子臚列於左：長生約哈難，次約雅金，三西底家，四沙龍，約雅金子耶哥尼亞，西底家。耶哥尼亞子亞惜撒拉鐵馬，其蘭比太亞，示拿薩，耶加米何沙馬，尼他庇比太亞子所羅把伯，示每。所羅把伯子米書蘭，哈拿尼，及女示羅密，亦有五子：哈舒巴，阿黑比哩家，哈薩底，如薩黑悉，哈拿尼子比喇底，耶賽亞，亦有哩巴雅衆子，亞耳難衆子，阿巴底衆子，示迦尼衆子，示迦尼生示馬雅，示馬雅生哈突，以甲巴哩亞，尼哩亞沙法，尼哩亞生三子，以利阿乃，希西家，押利甘，以利阿乃生七子：何太雅，以利亞實比來亞，亞谷，約哈難，他來亞，亞拿尼。

猶大子法勒士，以士崙迦米戶耳，說八說八子利亞雅或曰哈羅生雅哈雅哈生亞戶買拉哈，皆屬鎖喇族。建以淡者生耶斯烈益馬益八及女哈悉勒破尼，便奴利建其突以察建戶沙，皆以法大長子戶耳之後戶耳建伯利恒亞述建提哥亞娶二妻一希拉一拿喇拿喇生亞戶哈希弗地米尼哈轄他利希拉生西勒鎖轄益南哥士哥士生亞諾瑣比八哈崙哈崙生亞哈黑其子孫尤盛雅必較諸兄弟為尊，母產時劬勞特甚，故名雅必雅必禱以色列族之上帝曰：願爾錫嘏於我，恢擴四境眷祐乎我，免遭患難毫無所憂。上帝允其所祈書亞之兄基綠生米黑米黑生益敦益敦生伯拉巴巴西亞地欣拿地欣拿建拿轄邑皆為里甲之族。基納子阿得業西勒亞阿得業生合達憫挪太生阿弗拉西勒亞生約押約押居工師谷蓋彼工師也。耶孚尼子迦勒生以路以拉拿安以拉生基納耶哈利勒生西弗西巴地哩亞撒列以士拉生益帖米勒以弗雅倫米勒之妻生米哩暗沙買益巴益巴生以實提摩以實提摩妻耶戶地雅生雅列希百耶古鐵雅列生其突希百生鎖哥耶古鐵生撒挪亞此皆米勒妻法老女比地亞所生拿舍生居於迦米生以實提摩居於馬迦其姊戶地雅生示門以示門生暗嫩林拿便哈南地倫以示生所黑便所黑猶大子示拉生啞拉他亞實庇約金約轄薩拉雅叔哩欣及居哥示巴之人啞建利迦拉他建馬哩沙亞實庇族織泉為業約轄薩拉在摩押地為宰以上所載悉屬古昔之事示拉之後咸為陶居於尼大應基大拉在王所為工西面子尼母利或曰耶利雅民雅立或曰雅斤西喇或曰掃羅掃羅生沙龍沙龍生密衫密衫生密馬密馬生哈母利哈母利生撒刻撒刻生示每示每生子十六人女六

人其昆弟所出無幾較之猶大族不及其繁多。西面族居於別是巴麼拉大哈薩書亞辟拉亞森多臘彼士利曷馬息臘伯馬嘉不哈薩蘇撒伯伯利沙勒音西面族據斯邑迨及大關之時其所得之鄉里五以淡亞因臨門多見亞山及其四境至巴力西面之譜系里居即此。米所八雅米勒亞馬謝子約沙約耳及亞泄曾孫西勒亞孫約西庇子耶戶又有以利阿乃雅哥巴耶所海亞帥亞亞鐵耶西滅庇拿雅更及示厲雅耳孫申哩玄孫耶大亞曾孫亞龍孫示非子西撒以上所載皆係族中最著其餘蔓延不可勝數往其突谷東爲羣畜求芻得牧地土壤膏腴地形廣闊民族康阜昔爲合族所據逮至猶大王希西家時西面族至擊其幕滅其衆據其地而居之得芻以牧羣畜故安然處此迄今猶在西面族五百人得以示衆子比喇底尼哩亞哩巴雅烏泄爲軍長遂往西耳山擊亞馬力族之遺民而居其地迄今猶在。

以色列之長子流便因悉父妾故以色列以長子之業予約瑟子孫而譜系仍載流便爲長子猶大卓越於昆弟間立爲家督惟約瑟得長子業以色列長子流便生哈諾巴路希斯崙迦米約耳子示厲雅示厲雅子角角子示每示每子米迦米迦子利亞雅利亞雅子巴力巴力子別喇別喇作流便族長爲亞述王滴臘比利斯所虜攷其歷代載於譜系別喇及其兄弟爲長即耶葉撒加利亞與約耳曾孫示厲雅孫亞撒子庇拉庇拉居於亞羅耳延及尼破巴力免在基列地羣畜蕃息恢復東方自曠野至百辣河爲居處當掃羅之時與夏甲人戰而敗之遍基列東方而居其幕伽得族居處之所與流便相對在巴山地延及撒迦約耳爲長次沙蕃雅乃沙法俱居巴

山及兄弟七人米迦勒米書蘭示巴約賴雅干西亞希百以上所載皆亞庇孩之子亞庇孩之族譜如左布斯子耶陀耶陀子耶示篩耶示篩子米迦勒米迦勒子基列基列子耶羅亞耶羅亞子戶利戶利子亞庇孩又有姑尼孫押得子亞希俱族中最著者居於巴山之基列及其鄉里並沙崙四境當猶大王約坦以色列王耶羅破暗之時以上數人咸載於譜系流便伽得二支派馬拿西支派之半所有武士能執干戈弓矢善戰者計四萬四千七百六十人與夏甲人戰益督拿非實那答助敵戰時民願上帝上帝見其恃已允其所祈以夏甲人及助戰者付於民手虜其牲畜駝五萬羊二十五萬驢二千人十萬因蒙上帝祐敵眾被殺民居其地至徙於亞述時馬拿西支派之半居斯土蕃衍據巴山延至巴力黑門西匿及黑門山族中最著者以弗以示以列押列耶利米何他威雅鐵皆英武有名之士然違其祖之上帝狗己私欲從異邦人之上帝異邦人昔爲上帝所逐今以色列族之上帝聳動亞述二王卜及滴臘比利斯之心俾虜流便伽得二支派馬拿西支派之半至哈臘哈拔哈喇及珂散河濱之地迄今猶在

利未子革順哥轄米喇哩哥轄子暗蘭以斯哈希伯崙烏泄暗蘭生亞倫摩西米哩暗亞倫生拿答亞庇戶以利亞撒以大馬以利亞撒生非尼哈非尼哈生亞庇書亞庇書生布基布基生烏西烏西生西喇希西喇希生米喇約米喇約生暗哩暗哩生亞希突亞希突生撒督撒督生亞希馬斯亞希馬斯生亞薩哩亞亞薩哩亞生約哈難約哈難生亞薩哩亞所羅門於耶路撒冷建殿之際斯人爲祭司亞薩哩亞生暗哩暗哩生亞希突亞希突生撒督撒督生沙龍沙龍生希

勒家希勒家生亞薩哩亞或曰亞薩亞薩哩亞生亞勒雅西勒雅生約撒答或曰亞薩當時尼布甲尼撒奉耶和華命  
 徙猶大耶路撒冷民約撒答亦已遷徙利未子革順哥轄米喇哩革順子立尼或曰亞薩示每哥轄子  
 暗蘭以斯哈希伯崙烏泄米喇哩子抹利母示此利未之族依其世系革順子立尼立尼子雅哈  
 雅哈孫心馬心馬子約亞或曰亞薩約亞子易多或曰亞薩易多子西喇西喇子耶底賴或曰亞薩哥轄子亞米  
 拿達或曰亞薩亞米拿達子可喇可喇子亞惜亞惜子以利迦拿以利迦拿子以庇撒以庇撒子亞惜  
 亞惜子大哈大哈子烏列烏列子烏亞烏亞子掃羅掃羅子以利迦拿以利迦拿子亞馬賽  
 亞馬賽子馬轄馬轄子以利迦拿以利迦拿子瑣拜瑣拜子拿哈拿哈子以利押以利押子耶羅  
 罕耶羅罕子以利迦拿以利迦拿子撒母耳撒母耳長子瓦實尼或曰亞薩次子亞比亞米喇哩子抹  
 利抹利子立尼立尼子示每示每子烏撒烏撒子示每示每子哈其哈其子亞帥亞法或曰亞薩法或曰亞薩既定其  
 所大闢使斯衆謳歌供其役事在耶和華殿此數人者在會幕前謳歌迨所羅門在耶路撒冷建  
 耶和華殿循其常例以供役事所侍立以謳歌者哥轄之裔希慢及其衆子希慢乃約耳之子約  
 耳乃撒母耳之子撒母耳乃以利迦拿之子以利迦拿乃耶羅罕之子耶羅罕乃以列之子以列  
 乃多亞或曰亞薩多亞之子蘇弗之子蘇弗乃以利迦拿之子以利迦拿乃馬轄之子馬轄乃亞馬  
 賽之子亞馬賽乃以利迦拿之子以利迦拿乃約耳或曰亞薩約耳之子約耳乃烏西亞之子烏西亞乃西  
 番雅或曰亞薩西番雅之子西番雅乃大哈之子大哈乃亞惜之子亞惜乃以庇撒之子以庇撒乃可喇曾孫  
 可喇乃以斯哈之子以斯哈乃哥轄之子哥轄乃利未之子利未乃以色列之子其同宗侍立於

右者爲亞薩亞薩乃庇拉其之子庇拉其乃示每之子示每乃米加勒之子米加勒乃巴西亞之子巴西亞乃馬其亞之子馬其亞乃益尼之子益尼乃西喇之子西喇乃亞大雅之子亞大雅乃以探之子以探乃心馬之子心馬乃示每之子示每乃雅哈之子雅哈乃革順之孫革順乃利未之子其同宗米喇哩之裔立於左者爲以探或曰以探乃基示沙雅之子基示乃押底之子押底乃馬鹿之子馬鹿乃哈沙庇之子哈沙庇乃亞馬謝之子亞馬謝乃希勒家之子希勒家乃暗西之子暗西乃巴尼之子巴尼乃沙麥之子沙麥乃抹利之子抹利與母示乃米喇哩之子米喇哩乃利未之子利未人立於上帝之殿以供役事亞倫及其子奉事於祭壇及香壇前亦在至聖之所爲以色列族贖罪循上帝僕摩西之命亞倫子以利亞撒以利亞撒子非尼哈非尼哈子亞庇書亞庇書子布其布其子烏西烏西子西喇希西喇希子米喇約米喇約子亞馬哩亞馬哩子亞希突亞希突子撒督撒督子亞希馬斯亞希馬斯子亞倫族哥轄子孫掣籤所得之里居鄉黨臚列如左在猶大地得希伯崙及其郊惟其土田爲耶孚尼子迦勒所得亞倫族在猶大地得希伯崙爲遺逃之藪亦得立拿及其郊雅的以實提摩及其郊希倫及其郊底必及其郊亞山或曰及其郊伯示麥及其郊在便雅憫支派中哥轄子孫得基巴及其郊亞勒門及其郊亞拿突及其郊計十三邑哥轄子孫之遺人得十邑在馬拿西支派之半革順子孫循其世系在以薩迦亞設納大利三支派中及馬拿西支派素居巴山地者所得共十三邑米喇哩子孫循其世系掣籤而得在流便伽得西布倫支派十二邑以色列族以上諸邑及其郊賜利未人在猶大西面便雅憫支派中掣籤而

得之哥轄子孫又得邑在以法蓮支派中，卽在以法蓮山，示劍及其郊，爲遁逃之藪。基色及其郊，約面及其郊，伯和倫及其郊，亞耶倫及其郊，迦特臨門及其郊，在馬拿西支派之半中。哥轄子孫之遺人得亞乃及其郊，庇連及其郊，在馬拿西支派之半中。革順子孫得巴山之珂蘭及其郊，亞大綠及其郊，在以薩迦支派中得基特及其郊，大庇喇及其郊，喇末及其郊，亞年及其郊，在亞設支派中得馬沙及其郊，押頓及其郊，戶割及其郊，哩合及其郊，在納大利支派中得加利利之基特及其郊，哈門及其郊，基烈亭及其郊，米喇哩子孫之所遺在西布倫支派中得臨門及其郊，大泊及其郊，在約但東，耶利哥相對之所，流便支派中，米喇哩子孫得附野之庇悉及其郊，耶夏撒及其郊，基底莫及其郊，米法押及其郊，在伽得支派中得基列之喇末及其郊，馬哈念及其郊，希實本及其郊，雅設及其郊。

陀拉部亞邪述或曰伯仲崙陀拉之子烏西，哩巴雅耶勒雅買，易散撒母耳，皆英武之士，族中最著者，在大關時其苗裔計二萬二千六百人。烏西子益喇希益喇希子米加勒阿巴底約耳，益示亞，俱族中最著者。歷代以來，循其世系，生育蕃多，所從者軍旅士卒，共三萬有六千人。以薩迦英武之士，循其譜系，計八萬七千人。便雅憫子庇拉庇結耶鐵或曰亞別庇拉有五子，以士本，烏西，烏泄，耶哩末，以哩，皆英武之士，族中最著者。其苗裔計二萬二千有三十四人。庇結子西米喇約轄，以列撒以利阿乃，暗利耶哩末，亞比亞，亞拿突，亞喇麥，皆英武之士，族中最著者。其苗裔計二萬有二百人。耶鐵子辟罕，辟罕子耶是，便雅憫，以忽，基拿拿，西但，大失，亞希沙，皆



英武之士族中最著其苗裔能臨陳者計一萬七千二百人以勒之子書反戶反亞希蘭之子戶伸納大利子雅泄姑尼耶色示臉皆辟拉所出馬拿西妻生亞士烈妾亞蘭女生馬吉馬吉娶書反戶反之妹馬迦生基列基列之孫西羅非哈西羅非哈無子有女馬吉之妻馬迦又生二子名比勒示勒示勒生烏蘭哩金烏蘭子比但此皆馬拿西孫馬吉子基列後裔基列之妹哈摩利吉生益述亞庇以泄馬拉示米大子亞現示劍利器亞念以法蓮子書提拉書提拉子比勒比勒子大哈大哈子以拉大以拉大子大哈大哈子撒八撒八子書提拉以法蓮又生以察以列因竊迦特人之牲畜而見殺迦特人素生育於斯土以法蓮爲子懷憂歷日已久兄弟咸至以暗之嗣後以法蓮與妻同室懷妊生子因遭家不造故命名庇哩亞其女示拉於平陸岡陵皆建伯和倫亦建烏心示拉庇哩亞生哩八哩八生哩悉哩悉生地拉地拉生大漢大漢生拉但拉但生亞米忽亞米忽生以利沙馬以利沙馬生嫩嫩生約書亞以色列子約瑟族所得之業卽伯特利與其鄉里東有拿蘭西有基色及其鄉里示劍迦薩及其鄉里近馬拿西境伯善大納米吉多多耳及其鄉里亞設子音拿以書亞以書以庇哩亞及女西拉庇哩亞子希百抹結抹結生伯撒威希百生雅弗勒說默何但及女書亞雅弗勒子巴薩賓哈亞是法說默子亞希羅迦耶戶巴亞蘭說默弟希連生所法音那示力亞抹所法子蘇亞哈尼弗書押比哩音喇庇悉河得山馬十沙益蘭比喇葉羅子耶孚尼必巴亞喇烏喇子亞喇漢業哩寫皆亞設子孫族中最著俱爲牧伯英武其苗裔能臨陳者計二萬六千人

第八節 便雅憫長子庇拉次亞實別三亞哈喇四挪哈五拉巴庇拉子亞撻其喇亞比忽亞庇書  
 乃慢亞何亞其喇示孚犯戶蘭以忽眾子在基巴為最著徙至馬拿哈其名如左乃慢亞希亞其  
 喇其喇遷其家人而生烏撒亞希忽沙哈鄰在摩押地娶戶申巴拉生育子女後使之去再娶何  
 得生約八悉比米沙抹干猶斯沙家墨馬皆族中最著者戶申所出者亞比壽益八益八生希百  
 米山沙麥沙麥建阿挪律及其鄉里亦生庇哩亞示馬驅迦特居民出於亞耶倫據有其地於族  
 中為最著庇哩亞子亞希阿沙煞耶哩末西巴地亞喇亞得米加勒益巴約亞益八子西巴地米  
 書蘭希西其希百益米來益利亞約八示每子雅金色哩颯底以利耐悉太以列亞大雅比喇雅  
 申喇沙煞子益班希百以列押頓色哩哈難哈拿尼以攔安毒底雅益弗地便奴利耶羅罕子山  
 示來示哈哩亞大利雅哩西以利亞色哩此皆族中最著者居耶路撒冷建其遍而居之者耶歇名  
 其妻名馬迦長子押頓次蘇耳基士巴力拿答其突亞希阿撒迦密劣密劣生示米亞皆在耶路  
 撒冷與同宗所居相對尼耳生基士基士生掃羅掃羅生約拿單馬基舒亞亞庇拿撻益巴力或曰  
益巴力約拿單子米立巴力或曰米立巴力生米迦米迦子比敦米勒他哩亞亞哈士亞哈士生約  
 雅大或曰雅大約雅大生亞喇麥押馬弗心哩心哩生摩撒摩撒生庇尼庇尼生喇孚喇孚生以利亞  
 薩以利亞薩生亞悉亞悉有六子押利甘破基路以實馬利示亞哩阿巴底哈難亞悉之弟以設  
 生三子孟烏蘭仲耶忽季以利法列烏蘭之子孫一百有五十人皆英武之士善於弓矢以上所  
 或俱屬便雅憫族

以色列族，因負罪戾，徙於巴比倫，其名載於以色列猶大二族列王之紀畧，其譜系可考如此。○厥後恢復舊業，仍居其邑者，以色列族人及祭司利未族人及服事衆會之人，猶大、便雅憫、以法蓮、馬拿西諸支派，居耶路撒冷者，臚列於左。猶大支派：法勒士族、巴尼玄孫、音利會孫、暗利孫、亞米忽子、烏太。示羅族中：長子亞帥亞及其子孫西喇子有利及其同宗六百九十人。便雅憫族：哈西奴會孫，何他威孫、米書蘭子撒路、耶羅罕子益乃亞、默哩孫、烏西子以拉益、尼亞會孫、流耳孫。示法提亞子米書蘭皆族中最著者，其同宗苗裔計九百五十六人。祭司中有耶太亞、耶何耶立、雅斤。理上帝殿者：亞希突耳孫、米喇約玄孫、撒督會孫、米書蘭孫、希勒家子亞薩哩亞，亦有馬其亞會孫、巴述孫、耶羅罕子亞大雅及音麥耳孫、米實利密玄孫、米書蘭會孫、耶西拉孫、亞鐵子馬西哀，皆族中最著者，其同宗能供役事於上帝之殿，凡一千七百六十人。利未支派中有米喇哩族、哈沙庇會孫、押利甘孫、哈述子示罵雅，亦有八八甲、希勒、加拉及亞薩會孫、色哩孫、米迦子馬大尼、耶士頓會孫、加拉孫、示罵雅子阿巴底，以利迦拿孫、亞撒子比哩家，皆居於尼陀法人之鄉里。司閽之長沙龍，亦有亞谷、達門、亞希慢及其同宗，昔此人守王東門，今在利未族班列中爲閽。可喇會孫以庇撒孫，可利子沙龍及其同宗，可喇族，轄供役事，在殿門爲閽，其祖守耶和華管門。昔以利亞撒子非尼哈，統轄斯衆，耶和華祐之。米示利米子撒加利亞爲會幕之閽，衆之被簡爲閽者，二百十二人，循其譜系鄉里而計之，卽大闢及先見者撒母耳所立，因其敏捷故也。彼與子孫循其班列，在耶和華殿及會幕爲閽，閽人立於東西南北四方，在鄉里之同宗，歷七日。

更送而至。利未族中爲闈長者四人，因其敏捷，使守上帝室，及諸府庫。每值清晨，當啟上帝殿，供其役事。故舍於室之四周，守器皿者數人，器之陳徹按其數。理聖所之器皿，麥粉、酒、油、乳香、芬芳之品數人。惟祭司之徒，循調劑法，製芬芳之品。利未族可喇家沙龍長子馬得底，理鼎烹，其同宗哥轄族，理陳設之餅，每安息日備之，亦掌謳歌之職。乃利未族中最著者，居於殿室，日夜供役。惟此是務。上所載皆利未族中世家之最著者，居耶路撒冷。歷世勿替。耶葉建其遍恒居於彼，妻名馬迦子押頓，蘇耳基士巴力尼耳拿答，其突亞希阿撒加利亞密劣密劣生示米暗，皆居耶路撒冷。與同宗相對而居。尼耳生基士基士生掃羅掃羅生約拿單，馬基舒亞亞庇拿撻益巴力。或曰益約拿單子米立巴力。或曰米非波設米立巴力生米迦米迦子比敦米勒，他哩亞亞哈士亞哈士生雅拉雅拉生亞喇麥，押馬弗心哩心哩生摩撒摩撒生庇尼，庇尼生哩巴雅哩巴雅生以利亞薩，以利亞薩生亞悉亞悉生六子，押利甘破基路，以實馬利，示亞哩，阿巴底，哈雅。

非利士人攻以色列族，以色列族敗北，亡於吉破山。非利士人追襲掃羅及其衆子，殺掃羅子約拿單，亞庇拿撻麥基舒亞，掃羅敗績，矢人射之，遂受重傷。謂持兵之士曰：汝其拔刃刺我，恐未受割者，至加以狎侮。持兵之士懼甚，不敢奉命。掃羅觸刃而死。持兵之士見掃羅已死，亦觸刃偕亡。當日掃羅與三子暨全家俱亡在谷之以色列族，見民已遁，掃羅及其子已死，亦棄邑而逃。非利士人至而居之，明日非利士人剝尸，見掃羅及其子死於吉破山，褫掃羅甲裳，斬其首級，遣使遍傳於非利士人四境，及至偶像之室，置其甲於他上帝室，鈐其首於大公殿。基列之雅正。

民聞非利士人待掃羅若此，壯士盡起奪掃羅及其子之尸，攜至雅定，葬其骨於橡下，禁食歷至七日。掃羅犯罪，違耶和華命，不詢於耶和華，乃問於憑卜神者，故耶和華殺之，移其國祚，以畀耶西之子大關。

以色列族衆集於希伯崙，見大關曰：我儕與爾誼屬同宗，昔掃羅爲王，治理我儕，爾導以色列族出入，爾之上帝耶和華云：爾必牧以色列族爲我民之長。以色列族長老既至希伯崙，覲王大關於耶和華前，與之立約。長老以膏沐大關，立爲以色列族王，循耶和華命撒母耳之言。大關率以色列族衆至耶路撒冷，耶布士人所居之邑。耶布士人告大關曰：爾不得入此，郇邑險要，大關陷之，故以己名稱其邑曰大關。大關曰：先擊耶布士人者，可爲軍長。西魯雅子約押先往，而爲軍長。大關扼居險要邑，名大關。自米羅至四周築垣，其餘爲約押修葺。自此大關日漸昌大，萬有之主耶和華祐之。大關所轄之傑士，與以色列族衆鞏固其國立之爲王，循耶和華所諭以色列族之命。傑士之名臚列如左：武士之魁哈門人耶說班，揮戈殺三百人；其次亞合人多多子以利亞撒，亦在二傑之中。昔在弗大閱，非利士人集其軍旅，欲往戰鬪，羣聚於種豆之田，以色列族稍卻，後立田間禦敵殺非利士人。耶和華賜以大捷，非利士人建營於哩乏音谷。大關之傑士三十，其中三人至亞士蘭巖穴，以覲大關。當時大關在衛所，非利士人戍伯利恒。大關不勝欣羨，曰：伯利恒邑門之側，有井焉，甚欲汲其水以飲。傑士三人入非利士人軍旅，馳突而過，至伯利恒邑門之井，汲水攜至，大關不飲，灌於耶和華前，曰：彼冒死不顧，此水可澆其血，安忍飲之，斷不

可爲故不飲，三傑所爲大率類此。約押弟亞庇篩在次，三傑中爲魁，持戈殺三百人。故在三傑中，夙著名譽。勇冠三傑，故爲其魁。惟不得與首三傑抗衡。並列甲泄地，有巨富者，即何耶大。其子庇拿雅，勇毅非常，殺摩押之豪傑二人。又當飛雪之時，下阱殺獅，又殺埃及壯士，其體高五尺。古尺布計爲度執戈大如織器之梁，庇拿雅執杖以迎，奪其戈而殺之。耶何耶大子庇拿雅行此。在次三傑中，可列其名，彼較三十傑士尤爲尊貴。惟較之首三傑，則弗能及。大關立之爲侍衛長，軍中英武者，即約押弟亞撒黑、伯利恒人，多多子耳。哈難、哈鹿人、沙摩比倫人、希勒提哥亞人、益吉子、以喇亞尼突人、亞庇以泄戶沙人、西比該、亞合人、以來尼陀法人、馬哈勒尼陀法人、巴拿子、希立。或曰便雅憫族其庇亞邑人、哩排子、以太比喇頓人、庇拿雅、加實溪旁人、戶來亞巴人、亞庇巴路米人、押馬弗、沙本人、以利哈巴、其孫人雅善、衆子中約拿單、哈辣人、沙義子、哈辣人、沙甲子、亞希暗、耳之子、以利法勒、米其喇人、希弗比倫人、亞希雅、加密人、希斯勒益、排子、拿勒、拿單之兄弟約耳、哈其利子、默轄、亞捫人、西勒、西魯雅子、約押持兵之士、別綠人、拿哈利、以得二人、以喇伽立、赫人、烏利亞、亞來子、撒八流便族、示撒子、亞地拿、爲流便族武士長、率從者三十馬、迦子、哈難、墨尼人、約沙法、押地拉人、烏西亞、亞囉耳人、何但二子、山馬、耶葉底西人、申哩二子、耶鐵、約亞馬、哈未人、以列、益南二子、耶利拜、約沙未、摩押人、益馬、以列、阿伯及米瑣八人、雅泄。

**第十三章** 大關畏基士子掃羅，居於息臘，不敢出境，有英武之士善助戰鬪，咸來就之。屬便雅憫族、掃羅同宗，用左右手，射箭擊石，俱爲便捷。首亞遜色、次約轄，俱其庇亞人。示馬之子、押馬弗子。

比力耶泄亞尼突人比喇加耶戶其便人益買雅在三十傑士中爲魁耶和米雅哈悉約哈難其得拉人約撒八以路賽耶哩末比亞利示馬利哈律人實法底以利加拿耶西亞亞薩列約以色可喇人押說班其突人耶羅罕二子猶拉西巴地伽得人歸大關在曠野險要之地皆英武之士能臨陳執干戈貌勇如獅足疾若鹿首以察次阿巴底三以利押四墨曼拿五耶利米六亞太七以列八約哈難九益薩八十耶利米十一末巴奈皆伽得人武士之長小者轄百人長者轄千人正月約但河水漲溢斯衆濟河使凡在谷者遁於東西便雅憫猶大二族至險要之地見大關大關出迓告曰如爾心懷平康欲來助我則我與爾和好如欲欺我付無辜於敵手則望列祖之上帝加以督責武士之魁亞馬賽爲神所感對曰我欲歸耶西之子大關望上帝祐爾願爾與助爾者俱獲平康大關接之使爲軍長初大關欲與非利士人偕攻掃羅馬拿西數人歸之非利士人伯疑大關必降掃羅而害及己故議去大關不許助己時大關往息臘馬拿西千夫長押拿約撒八耶鐵米加勒約撒八以利戶悉太咸歸之數子皆豪傑武士長故助大關攻敵人歸大關者日至而輔助之軍威大振嗣後至希伯崙欲使掃羅國祚歸於大關循耶和華命有羣衆預備以戰其數如左猶大族執干戈能臨陳者六千八百人西面族英武之士七千一百人利未族四千六百人耶何耶大率亞倫子孫三千七百人少者撒督素稱英武及其家人爲武士長凡二十二二人便雅憫族掃羅同宗三千前此斯衆護衛掃羅眷聚以法蓮族英武之士夙著名譽二萬有八百人馬拿西支派之半名錄於冊立大關爲王者計一萬八千人以薩迦族武士長轄同宗者二百

人俱識天時。以色列族所當行之事，無不預知。西布倫族臨陳之士，持兵善戰，行伍不亂，不生二心，數約五萬。納大利族武士長一千，執干戈者三萬七千人。但族善戰者二萬八千六百人。亞設族臨陳善戰者四萬人。約但東流便伽得二支派，馬拿西支派之半，持器械，能臨陳者十二萬人。皆係武士，能守行伍，忠乃心。至希伯崙，欲立大關爲王，治以色列族。斯七餘民，亦同此心。與大關偕，歷至三日，式飲式食，蓋其同宗，曾備食物附近者，以薩迦、西布倫、納大利三族，以牛、驢、駝、騾、載圓饅、細麵、無花果餅、葡萄乾、及酒與油，亦有牛羊，俱攜之至，不可勝數。以色列族無不欣喜焉。

大關與諸千夫長百夫長，武士長會議，告以色列族會衆曰：如蒙我上帝耶和華祐，俾爾樂爲，則遣人召以色列族地未至之同宗，及諸邑之祭司，利未人羣集於此，使攜我上帝法匱，蓋掃羅存日，我儕不至匱，所以決疑。會衆然其言，無不欲行。大關自埃及之西曷，至哈抹之道，招集以色列族，欲昇上帝之匱，自基列耶林而至。大關率以色列族衆，至猶大之把拉，卽基列耶林。欲自彼昇耶和華上帝之匱，上帝居噶路味間，卽顛厥名之所。民取上帝之匱，載於新車，出亞庇拿撻家，烏撒、亞希阿御車。大關及以色列族衆，於上帝前，或謳歌，或吹角，或鳴琴鼓瑟，或播鼗敲鈸，極其舞蹈。至基頓穀場，牛桀驚不馴，烏撒僭扶其匱。耶和華上帝怒烏撒，因僭扶其匱，使殞沒於前。耶和華擊烏撒，大關不悅，名其地曰比列烏撒。至今其名猶存。時大關畏上帝曰：可使上帝之匱適我邑乎？故不敢昇至大關邑，轉往他所。至迦特人阿伯以東家，上帝之匱居彼三月。耶和華錫嘏於阿伯以東全家。



推羅王希蘭遣使至大關，攜柏香木、偕木工石工，爲之建宮。大關知耶和華立己爲以色列族王，以色列民卽其民，故昌大其邦。大關在耶路撒冷，更娶后妃，誕育子女。在耶路撒冷所生者，臚列於左：沙母亞、說巴、拿單、所羅門、益轄、以利書亞、以利法列。那加尼弗、耶非亞、以利沙馬、比利亞大、以利法列。非利士人聞大關受膏，爲以色列族王，前來攻擊。大關知之，則出迎敵。非利士人至，遍於哩乏音谷。大關問耶和華曰：非利士人，我當往攻之乎？爾其以彼付我手乎？耶和華曰：往哉，我必付彼於爾手。敵至巴勒比哩心，大關擊之曰：上帝破敵於我前，若水決而分流，故名其地曰巴勒比哩心。敵遺其上帝像，大關命焚之。非利士人復至，遍於斯谷。大關詢上帝，上帝曰：爾勿往前，宜襲其後。在桑林相對之所，如聞步履之聲，出於桑杪，則當速戰。蓋上帝已先爾而行，擊非利士人軍旅。大關遵上帝命而擊非利士人軍旅，自基遍至伽息。大關之名洋溢乎四方，耶和華使列國畏之。

大關在邑建衆宮室，爲上帝匱張幕。大關曰：耶和華簡利未人，昇上帝匱，供其役事，歷代勿替，自是昇匱，必以利未人。大關召以色列族衆，至耶路撒冷，昇耶和華匱，至所備之所。大關召亞倫子孫及利未人：哥轄子孫一百二十人，其長烏列、米喇哩子孫二百二十人，其長亞帥亞、革順子孫一百三十人，其長約耳、以利撒反子孫二百人，其長示罵雅、希伯崙子孫八十人，其長以列、烏泄子孫一百十二人，其長亞米拿達。大關召祭司撒督、亞庇亞塔，亦召利未人烏列、亞帥亞、約耳、示罵雅，以列、亞米拿達，告之曰：爾曹爲利未族之最著者，爾與同宗當潔己，昇以色列上。

帝耶和華之匱。至我預備之所。爾初行此。不循常例。故上帝耶和華譴責我儕。祭司及利未人潔清其體。欲昇以色列族上帝耶和華之匱。上帝之匱。利未人扛負。而肩負之。循耶和華所諭。摩西之命。大關告利未人。長使其同宗謳歌。鳴琴。鼓瑟。或敲鈸。或操樂器。或發歌聲。以助忻喜。利未人使約耳子希慢。及同宗比哩家子亞薩。米喇哩後裔。古沙雅子以探。更有同宗之次者。撒加利亞。便雅泄。示米喇末。耶歇。烏尼。以利押。庇拿雅。馬西雅。馬得底。以利非勒。墨尼亞。與闞者阿伯以東。耶葉。謳歌者希慢。亞薩。以探。敲銅鈸。撒加利亞。亞泄。示米喇末。耶歇。烏尼。以利押。馬西雅。庇拿雅。鼓琴。其聲清越。馬得底。以利非勒。墨尼亞。阿伯以東。耶葉。亞撒西。鳴琴。其聲宏緩。利未人長基拿尼。善謳歌。故訓人謳歌。比哩家。以利迦拿。司匱前之闞。祭司示辨雅。約沙法。拿但業。亞馬賽。撒加利亞。庇拿雅。以列撒。在上帝匱前吹角。阿伯以東。耶歇。司匱前之闞。大關。及以色列族長老。暨千夫長。自阿伯以東。家權然欣忭。昇耶和華法匱。昇耶和華法匱之利未人。既蒙上帝眷祐。則獻贖七羊七。以爲祭祀。大關與昇匱之利未人。暨謳歌長基拿尼。及其從者。俱衣長服。大關衣公服。皆以梟爲之。以色列族衆。歡聲而呼。吹角。敲鈸。鳴琴。鼓瑟。昇耶和華法匱。耶和華法匱入大關邑時。掃羅女米甲。自牖而窺。見大關王踴躍。中心藐視之。

**第十六章** 衆昇上帝匱。置大關所張之幕。獻燔祭及酬恩祭於上帝前。既畢其事。大關籲耶和華名。爲民祝嘏。以色列族男女。各有匪頒。饅首一團。酒一罇。葡萄乾一方。又使利未人在耶和華匱前。供其役事。頌禱尊榮以色列族之上帝耶和華。首亞薩。次撒加利亞。耶葉。示米喇末。耶歇。馬得

底以利押庇拿雅阿伯以東耶葉鳴琴鼓瑟亞薩敲鈸祭司庇拿雅雅哈悉在上帝法匱前吹角  
不息○是時大關頌美耶和華使亞薩及其同儕誦之曰當頌美耶和華頌呼其名播揚其所行  
於民間當謳歌誦詩稱其異蹟讚其聖名求耶和華者俱可欣喜求耶和華力助恒祈不息其異  
蹟奇事法度猶堪追憶爾曹乃以色列之苗裔雅各之子孫俱爲其僕彼所遴選我之上帝耶和  
華治理天下其所立之約所諭之命傳於百代者爾當永憶弗忘昔與亞伯拉罕立約與以撒發  
誓以斯約賜雅各以斯命賜以色列永世勿替必以迦南地錫彼爲業當時以色列族其數無幾  
旅於斯土自此邦至於他邦又轉徙於列國上帝不容人虐遇苟爲列王所侮譴責必加其沐以  
膏者不許干犯其立爲先知者不許惡待天下之人當稱頌耶和華其拯救之恩日以彰明爾在  
異邦中當昭著其榮光播揚其異蹟耶和華至大頌禱宜切較他上帝更當畏懼異邦之上帝偶  
像而已惟耶和華創造穹蒼尊榮光耀巨能永樂俱其所有億兆族姓宜以巨能永樂歸耶和華  
以榮光歸耶和華獻以禮物清心崇拜斯爲美耶和華鞏固大地俾不搖撼天下人當寅畏焉天  
地欣喜萬國億兆咸宜頌讚稱耶和華爲王滄海百族田疇萬物俱當欣喜歡呼樹林震響蓋耶  
和華臨格治理人世耶和華無不善恒懷矜憫故當尊榮之上帝救我援於異邦使我咸集宜尊  
其聖名稱其榮光當頌以色列族之上帝耶和華永世弗息民咸應曰正心所願於是頌讚耶和  
華○大關使亞薩及其同宗立耶和華法匱前供其役事日盡乃職畢生勿替阿伯以東及其同  
宗六十八人助其工作耶士頓子阿伯以東及何薩爲關人祭司撒督及同宗衆祭司居於基遍

崇丘，耶和華幕前。每值朝夕，獻燔祭於壇，循耶和華律例所載，諭以色列族之言。耶和華恒懷矜憫，希慢耶士頓與所簡者，助諸祭司，尊崇其名，吹角敲鈸，操諸樂器，於上帝前。耶士頓衆子爲闈人，於是民歸大關，反宮爲眷聚祝嘏。

大關坐於宮時，謂先知拿單曰：我居之宮以柏香木創造，而耶和華法匱，反在幔中。拿單告大關曰：上帝祐爾，任意以行。是夕，上帝命拿單曰：往告我僕大關，耶和華有言曰：爾勿建殿爲我居處，我自導以色列族以來，迄於今日，未嘗居殿。由此遷彼，行於帷幕，我與以色列族偕行，不論何所，特簡數人，使牧我民，曷嘗命建柏香木殿爲我居所乎？今當告我僕大關，萬有之主耶和華云：昔爾在羊牢爲牧，我特遴選爾，使爲我民以色列族長，不論所往，我眷祐爾，絕爾諸敵。錫爾大名同於斯世之豪傑，我賜土於我民以色列族，使安居其所，得有恒業，不復遷徙，不遭惡人之害。如在疇昔，我命士師治理我民以色列族之時，我必敗爾衆敵，永爾國祚。爾逝世之期既至，得與祖父同墓，我將以爾所出之子，使繼爾位，鞏固其國。彼將爲我建殿，我必使其國祚恒久弗替，我必爲其父，彼必爲我子，我必待之以恩，不若前王，恩義已絕，必使治理我家國，綿長其祚。永世弗替。拿單見異象，聞諭言，悉告大關。大關王至耶和華前，坐而禱曰：我上帝耶和華歟！我何人斯？我家世式微，蒙爾導我，有此今日，曾是上帝以今所行，猶爲不足，復有應許欲昌我後。至於恒久，耶和華上帝錫我，得同於斯世之豪傑，爾尊我若是我，更有何辭哉？維爾素悉僕衷。耶和華歟！爲爾僕之故，大有作爲，任意以行，使僕預知。我聞於人，耶和華無可比擬，其外無上帝。昔爾蒞臨

埃及拯以色列族，逐異邦人於民前，名以播揚爾行大事，深爲可畏，以保爾民。天下億兆，安能與斯民比擬。耶和華歟，爾簡以色列族，以爲爾民，爾爲其上帝，恒久不已。耶和華應許爾僕克昌厥後，願踐前言，永世勿忘。爾命不爽，萬有之主，以色列族之上帝耶和華，爾名永尊，願爾僕大關之後，寢昌寢熾。我上帝已示爾僕，其後必昌，故爾僕敢祈禱若是。耶和華歟，爾乃上帝，爾有應許，賜僕純嘏。耶和華歟，請錫嘏於爾僕之家，俾恒存於爾前，蓋爾所祝者，必永受其祝。

爾僕大關後，大關擊非利士人，敗之，取迦特及其鄉里，又擊摩押，由是摩押人服役於大關，而納其貢。大關往百辣河，欲鞏固其國，則擊鎖巴王哈大底泄，延及哈末，擄車一千，騎七千，步卒二萬，斷其馬筋，所存者惟馴一百大馬，色之亞蘭人至，欲助鎖巴王哈大底泄，大關殺之，計二萬二千人，成亞蘭之大馬色。於是亞蘭人爲大關僕，而納其貢。大關不論所往，得耶和華祐，哈大底泄僕衆，各執金盾，大關奪之，攜至耶路撒冷底巴。或曰及耶路撒冷二邑，屬於哈大底泄。大關取其銅，不可勝數，後爲所羅門造銅盤、銅器及柱。○昔哈末王陀以與哈大底泄戰，今聞大關擊鎖巴王哈大底泄之軍，則遣子哈多蘭，攜金銀銅器，往見大關王，慶賀而祝之。大關王取器，與以東、摩押、亞捫、非利士、亞馬力諸國所進之金銀，俱獻耶和華。○西魯雅子亞庇篩，在鹽谷殺以東人一萬八千，遣兵戍以東，以東人咸爲大關僕。大關不論所往，得耶和華祐。大關治理以色列族，秉公行義於民間。西魯雅子約押爲軍長，亞希律子約沙法爲史官，亞希突子撒督，與亞庇亞塔子亞庇米力爲祭司，西勒亞職繕寫，耶何耶大子庇拿雅統轄劊役皂隸，大關衆子咸爲牧伯。

爾嗣後亞捫族之王拿轄薨其子哈嫩繼位。大關曰：昔拿轄善待我，我必善待其子，乃遣臣僕唁其喪。父大關臣僕詣亞捫族之地，見哈嫩而唁之。亞捫族諸伯告哈嫩曰：爾謂大關唁爾父喪，其意豈在尊崇乎？蓋遣其臣詳察我地，使我敗亡耳。於是哈嫩執大關臣僕，薙其鬚，中斷其衣，露其下體，然後縱之，使去。使者深以爲恥，或告大關，何以處之？大關遣人諭之曰：且居耶利哥，鬚長而後歸哈嫩。及亞捫族知大關憾已如惡惡臭，遣人賚金一百五十萬，至米所波大米亞蘭馬迦及鎖巴，借車騎得車三萬二千及馬迦王與其民，俱至米底巴，而建營。亞捫族出邑，咸集助戰。大關聞此，卽遣約押與衆武士出迎亞捫族陳列行伍，在邑門前助戰之王列陳於野。約押見敵前後列陳以攻，則簡以色列族精銳之卒陳列行伍，攻擊亞蘭人，以餘軍付弟亞庇篩，使陳列行伍。攻亞捫族曰：如亞蘭人強於我，爾必助我，如亞捫族強於爾，我必助爾。宜強乃志，爲我民及爲我上帝之衆。邑戰，願耶和華任意以行。約押率軍前行，攻亞蘭人，使其敗北。亞捫族見亞蘭人潰而奔，則亦逃遁，避亞庇篩入於邑中。約押遂歸耶路撒冷。亞蘭人見敗於以色列族，則遣人招河外之亞蘭人爲哈大底泄軍長，說把所率或告大關，遂集以色列族衆濟約但，陳列行伍，攻擊亞蘭人。亞蘭人與之戰，爲以色列族所敗。大關殺亞蘭人乘車者七千，徒行者四萬，殛其軍長說把。昔從哈大底泄者，見其爲以色列族所敗，遂與大關修好，供其役事。嗣後亞蘭人不敢助亞捫族。

第廿章 歲聿云暮，列王出戰之時，約押率軍旅，滅亞捫族地，環攻喇巴。大關駐於耶路撒冷，約

押敗喇巴邑大關獲敵王之冕重千五百兩鑄以兼金飾以寶石人置於大關首邑中貨財獲之甚多驅民出邑或解以鋸或擊以打禾之鐵具或傷以斧斤大關待亞捫族諸城俱若此然後率衆歸耶路撒冷嗣後與非利士人戰於基色或曰戶沙人西庇該殺哩之子撒弗使敵敗北又與非利士人戰哩耳子耳哈難殺迦特人柯利亞弟拉米厥槍之柯大如織器之梁又戰於迦特哩之子形體傀偉手足各有六指共指二十有四侮以色列族時大關兄示米亞子約拿單殺之上所載者俱哩之子居迦特邑爲大關與其臣僕所殺

撒但欲害以色列族誘惑大關使核民數大關告約押與民長曰往核以色列民數自但至別是巴反而告我約押曰勿論民數多寡惟願耶和華增益百倍斯民之衆莫非我王臣僕乃王喜核民遺禍以色列族何歟王意已決約押不能違於是遍以色列族至耶路撒冷統核民衆以數進大關以色列族能從軍者百有十萬猶大族四十有七萬約押以王命爲不善故利未便雅憫二族不核其數大關所爲上帝不悅遂擊以色列族大關禱上帝曰我所行者大千罪戾不智孰甚求爾宥僕之過先見者伽得爲大關所倚重耶和華命彼往告大關曰三災之中耶和華必降一於爾使爾自擇伽得告大關曰耶和華云或饑饉薦臻歷至三年或勁敵追襲歷至三月或我遣使降災瘟疫流行遺禍於以色列民歷至三日爾其思之於斯三者爾擇其一俾我反告遣我者大關曰我迫阨甚矣耶和華矜憫爲懷願陷於其手勿陷於人手耶和華降疫癘遍染以色列族死者七萬上帝耶和華遣使至耶路撒冷擊衆忽垂顧息怒諭天使曰足矣可止爾

手。其時耶和華使者在耶布士人亞勞拿之穀場。大關見耶和華之使者，立於空中，拔刃在手，直指耶路撒冷，則率長老，俱衣麻服，俯伏於地。大關頌上帝曰：核民數者，非我乎？我犯罪行惡，何與羣羊？請我上帝耶和華，攻我及我全家，毋降災於斯衆。耶和華之使命，伽得告大關曰：前往築臺奉事耶和華，在耶布士人亞勞拿之穀場。大關依伽得之言，遵耶和華命而行。亞勞拿打麥時，回見天使，卽與其四子共誓，見大關至，乃出穀場，伏地而拜。大關曰：以此穀場，予我築壇奉事耶和華，我與爾值，俾民疫止。亞勞拿曰：我主我王，願以牛予爾爲燔祭，以打穀之器爲柴，麥爲禮物，惟所欲取，俱獻於爾。大關王曰：不可，我欲購之，以償爾值，不欲不費我財而取爾物，用獻燔祭。奉事耶和華，於是以金三百，予亞勞拿，而購其地。在彼築壇奉事耶和華，而獻燔祭及酬恩祭。願耶和華耶和華允所祈，自天降火於祭壇，命使者以刃入鞘。是時大關見耶和華降臨於耶布士人亞勞拿之穀場，應其所祈，遂在彼獻祭。昔在曠野摩西所造耶和華會幕及燔祭之壇，今在基遍崇邱。大關畏耶和華使者之刃，不及陟崇邱，以詢上帝。

大關曰：耶和華上帝之殿，以色列族燔祭之壇，宜建於此。異邦人之居於以色列地者，大關招之咸集，選石工雕石，以建上帝之殿。大關備鐵甚多，供門樞榱桷之用，又備銅不可勝數。備柏香木無算，蓋西頓人自推羅多運柏香木而至。大關曰：我子所羅門，尚在弱齡，必爲耶和華建殿，高皇顯麗，萬國播揚，我必爲之備。於是大關存日，預備之物，不可悉數。召子所羅門，囑子爲以色列族上帝耶和華建殿，曰：吾子歟，我欲爲我上帝耶和華建殿，爲頤厥名之所，素有此心。



惟耶和華命我曰、爾四方戰鬪、殺人甚衆、故不可建殿、爲顯我名之所、爾將生子、命名所羅門、彼喜平康、在世之日、我必拯之於羣敵、錫綏安於以色列族、彼將建殿、爲顯我名之所、彼將爲我子、我將爲其父、立爲以色列族王、鞏固其國、永世靡暨、今願耶和華祐爾、使爾亨通、爲爾上帝耶和華建殿、循其所言、願耶和華賦爾智慧、恪守其律例、用治以色列族、壯爾志、強爾心、毋畏蕙、敬承耶和華命摩西傳以色列族之法度禮儀、俾爾納福、我在患難中、曾爲耶和華之殿、備金一萬五千萬兩、銀十五萬萬兩、銅鐵甚多、不能權其輕重、木石我會備之、爾益其數、亦有羣匠、石工木工、及慧心人、以竣厥事、金銀銅鐵無數、爾其興作、願耶和華祐爾、大闢命以色列族羣臣、咸助其子曰、爾之上帝耶和華、祐爾、賜爾隨在平康、以斯土之民、付我手、使土壤歸耶和華民、故爾當盡心盡意、崇爾上帝耶和華、爾其興作、建爾上帝耶和華聖所、昇其法匱、攜其聖器、入爾所建之殿、爲顯耶和華名之所。

大闢年邁、使子所羅門爲王、治以色列族、召羣臣祭司利未人咸至、利未人自三十歲以上者、則錄於冊、計三萬八千人、其中二萬四千掌建耶和華殿、六千督工師理民人、四千爲闈者、四千用大闈所作樂器、頌讚耶和華、大闈分利未人爲班列、卽革順、哥轄、米喇哩、革順家有拉但、示每、拉但生三子、孟耶、葉仲、西坦、季約耳、爲拉但族中最著者、示每生三子、示羅黑、哈泄、合蘭、又生四子、雅哈、西撒、耶是、庇哩亞、雅哈爲長、西撒次之、耶是、庇哩亞生子不甚蕃衍、故在冊中、以爲一家、哥轄生四子、暗蘭、以斯哈、希伯崙、烏泄、暗蘭子亞倫、摩西、亞倫與其子區別於衆、以潔

至聖之物，焚香於耶和華前，供其役事，顯其名而祝嘏，永世弗替。上帝僕摩西之子，錄於利未支派中。摩西生革順，以列撒革順衆子中，以示拔爲長，以列撒惟一子哩哈比哩哈比生衆子，以斯哈衆子中，以示羅密爲長，希伯崙子，首耶哩亞，次亞馬哩，三雅哈悉，四耶迦面，烏泄子，首米迦，次耶西亞米喇哩子，抹利母，抹利子，以利亞撒，基士，以利亞撒無子有女，其同宗基士之子娶之母，示有三子，抹利，以得，耶哩。末此皆利未族中最著者，其苗裔生齒，載諸冊，自二十歲以上，始在耶和華殿，供其役事。大闢曰：以色列族之上帝耶和華，賜民平康，恒居耶路撒冷。利未人不復昇會幕，及所用器皿，大闢將沒，使核利未人自二十歲以上者，命侍亞倫子孫之側，以服其役。在耶和華殿，供其役事，亦在院與室，滌諸聖物，竣上帝殿之工，理陳設之餅，麵爲禮物，及無酵之餅，或以鼎煎熬，或以釜烹煮，亦理權量法度，朝夕侍耶和華前，尊榮頌讚其名，安息日月朔，節期，獻燔祭，常例宜遵，物數有定，奉事耶和華，永世勿替。司會幕，聖所，助其同宗亞倫子孫，供役事於耶和華殿。

亞倫衆子班列如左：亞倫之子拿答，亞庇戶，以利亞撒，以大馬，亞倫存時，拿答，亞庇戶死，而無子，故以利亞撒，以大馬，供祭司職，以利亞撒之裔撒督，及以大馬之裔亞希米勒，大闢使之各供其職。以利亞撒之後，其名最著者，較以大馬尤衆，在班列中，以利亞撒得十六人，以大馬惟八人，掣籤得職，或爲聖所之長，或爲士師。利未族拿但業子，示罵雅，職繕寫，在王與羣伯，祭司利未族長撒督，亞庇亞塔子，亞希米勒前，核數其名，以利亞撒裔中，取二人，其名最著，以大馬

裔中取一人其名最著掣籤而得者首耶何雅立次耶太亞三哈林四宿林五馬其亞六米亞民  
七哈割八亞庇雅九耶書亞十示迦尼十一以利亞實十二雅金十三合巴十四耶示庇押十五  
必迦十六音麥十七希悉十八押悉十九庇大希二十耶西吉二十一雅斤二十二迦末二十三  
地來雅二十四馬西雅咸進耶和華殿供其役事循厥常例遵以色列族上帝耶和華所諭厥祖  
亞倫之命斯其班列也利未子孫之餘臚列如左暗蘭裔書別書別子耶底亞哩哈庇衆子中以  
益示亞爲長以斯哈子示羅墨示羅墨子雅哈希伯倫子耶哩亞亞馬哩雅哈悉耶迦面烏泄子  
米迦米迦子沙墨米迦弟益示亞生撒加利亞米喇哩子抹利母示米喇哩孫雅西亞子比挪說  
舍撒刻益哩抹利生以利亞撒以利亞撒無子基士子耶喇滅母示子抹利以得耶哩末考其世  
系皆利未子孫在大關王及撒督亞希米勒祭司利未族中最著者前與同宗亞倫子孫掣籤  
大關與會長使亞薩希慢耶士頓衆子爲伶官鳴琴鼓瑟敲鈸謳歌其數如左亞薩  
衆子撒刻約瑟尼大尼亞薩哩拉俱爲亞薩所轄遵王命而謳歌耶士頓衆子其大利西哩以賽  
亞哈沙庇馬得底俱爲其父耶士頓所轄鼓琴謳歌頌美耶和華希慢衆子不加馬但尼烏泄示  
拔耶哩末哈拿尼亞哈拿尼以利亞他客撻底囉曼地以設約比加沙馬羅底何得馬哈宿希慢  
奉上帝命爲先見者而臣於王上帝賜之生子十四人女三人彼與衆子吹角又教子女於耶和  
華殿謳歌鳴琴鼓瑟敲鈸以供役事循王所諭亞薩耶士頓希慢之命彼與同宗學習謳歌頌美  
耶和華能善其事約二百八十八人由師及弟自尊速卑各掣籤而歸班列亞薩族中掣籤第一

約瑟次其大利其子弟十二人<sup>三</sup>撒刻其子弟十二人<sup>四</sup>西哩其子弟十二人<sup>五</sup>尼大尼其子弟十二人<sup>六</sup>不加其子弟十二人<sup>七</sup>耶薩哩拉其子弟十二人<sup>八</sup>以賽亞其子弟十二人<sup>九</sup>馬但尼其子弟十二人<sup>十</sup>示每其子弟十二人<sup>十一</sup>亞薩列其子弟十二人<sup>十二</sup>哈沙庇其子弟十二人<sup>十三</sup>書別其子弟十二人<sup>十四</sup>馬得底其子弟十二人<sup>十五</sup>耶哩末其子弟十二人<sup>十六</sup>哈拿尼亞其子弟十二人<sup>十七</sup>約比加沙其子弟十二人<sup>十八</sup>哈拿尼其子弟十二人<sup>十九</sup>馬羅底其子弟十二人<sup>二十</sup>以利亞他其子弟十二人<sup>二十一</sup>何得其子弟十二人<sup>二十二</sup>客撻底其子弟十二人<sup>二十三</sup>馬哈宿其子弟十二人<sup>二十四</sup>羅曼地以設其子弟十二人

司閽之數如左可喇族卽亞薩孫可喇子示利米長子撒加利亞次耶鐵三西巴地四押業五以攔六約哈難七以利阿乃阿伯以東長子示罵雅次約薩八三約亞四沙甲五拿但業六亞米利七以薩迦八庇耳太蓋上帝錫嘏阿伯以東示罵雅子阿得尼哩巴益阿伯益薩八以利戶西馬迦皆壯士豪傑得權於父家阿伯以東子孫兄弟亦皆壯士能供役事計六十二人示利米弟子亦爲壯士計十八人米喇哩裔何薩有十三子首申哩雖非長子父以之爲首次希勒家三底巴利四撒加利亞以上所載爲司閽之長班列分於兩旁供其役事於耶和華殿各掣籤以守四門循其世系自尊逮卑示利米得東門其子撒加利亞議士也掣籤得北門阿伯以東及其子得南門兼守府庫書反何薩得西門及沙利吉門門達通衢於是班列分立四旁在東門有利未族六人北門四人南門四人府庫前二人日以爲常在西門通衢四人在巴八二

人上載米喇哩族可喇家司關之班列如此利未族中亞希雅掌上帝殿中府庫及所獻寶物。華順族拉但家之最著者耶葉耶葉子西但約耳掌耶和華殿寶物暗蘭以斯哈希伯崙烏泄四族亦有職事。摩西孫革順子示拔掌府庫革順弟以列撒以列撒耳孫哩哈比玄孫以賽亞曾孫約蘭孫色哩子示羅密示羅密及其兄弟掌寶物乃大關王與族中之最著及千夫長百夫長武士長所獻者也。彼戰時所獲貨財獻之以建耶和華殿。先見者撒母耳基士子掃羅尼耳子押尼耳西魯雅子約押及衆所獻者俱爲示羅密及其兄弟所掌。以斯哈族基拿尼及其子爲民長士師理以色列外事希伯崙族哈沙庇及其同宗一千七百俱爲豪傑在約但西以色列族中統理或事耶和華或從王事希伯崙族循其世系首耶哩雅大關之四十年在基列之雅設核此族得豪傑之士二千七百人俱族中最著者大關王使之統理在流便伽得二支派及馬拿西支派之半或事上帝或從王事。

以色列族中最著者千夫長百夫長武士長從事於王依其班列各班二萬四千人每月迭爲出入正月首班軍士長法勒士族薩特子耶說班二月之班其首亞合子多多軍士長密劣三月之班祭司長耶何耶大子軍士長庇拿雅庇拿雅統理三十傑士其子暗米薩八亦在班中四月之班軍士長約押弟亞撒黑其子西巴地從之五月之班軍士長以斯喇人山合六月之班軍士長提哥亞人益吉子以喇七月之班軍士長以法蓮族比倫人希勒八月之班軍士長西喇族戶沙人西庇該九月之班軍士長便雅憫族亞尼突人亞庇以泄十月之班軍士長西喇

族尼陀法人馬哈勒十一月之班軍士長以法蓮族比喇頓人庇拿雅十二月之班軍士長阿得業族尼陀法人黑太各班二萬四千人統理以色列支派者臚列如左理流便族者色哩子以列撒理西面族者馬迦子示法提亞理利未族者基母利子哈沙庇理亞倫家者撒督理猶大族者大闢兄以利戶理以薩迦族者米加勒子暗利理比布倫族者阿巴底子益馬雅理納大利族者押列子耶哩未理以法蓮族者亞撒西子何西理馬拿西支派之半者比太亞子約耳理居基列馬拿西支派之半者撒加利亞子易多理便雅憫族者押尼耳子雅泄理但族者耶羅罕子亞薩列以上所載皆以色列族長耶和華曾有應許必蕃衍以色列族如天星之多故二十歲以下者大闢不核西魯雅子約押始核斯民因上帝之震怒降災於以色列族故不竣厥事不載其數於大闢王之籍亞鐵子押馬弗掌王府庫烏西亞子約拿單掌邑倉社倉基綠子以斯哩掌農事喇馬人示每掌葡萄園實米人颯底掌室中所藏葡萄之酒基特人巴勒哈南掌平陸之橄欖桑樹約轄掌油室沙崙人失勒掌沙崙山所牧之牛押賴子沙法掌在谷之牛以實馬利人阿必掌駝米崙人耶底亞掌驢哈其利人雅實掌羊以上所載皆掌大闢王之所有大闢叔約拿單有智慧爲議士兼繕寫哈門子耶葉爲王子師亞希多弗爲王議士亞其人戶篩爲王之友庇拿雅子耶何耶大及亞庇亞塔繼亞希多弗職約押爲王軍長

大闢召以色列羣臣族長及月從王諸班列之軍士長與千夫長百夫長宦豎豪傑壯士掌王及王子之所有者俱至耶路撒冷大闢王立而告民曰爾爲我民亦我兄弟宜聽我言

我素志欲建殿宇，置我上帝耶和華法匱，及駐蹕之所。我曾備材，以待經營。上帝諭我曰：爾戰鬪殺人，不當建殿爲顯我名之地。以色列族之上帝耶和華簡猶大族爲長，在猶大族中簡我父家爲最。在我父衆子中簡我永爲以色列族王。耶和華賜我衆子，在衆子中簡所羅門奉命踐以色列國位。諭我曰：爾子所羅門將建我殿我院，蓋我簡彼爲子，我將爲其父。如彼恆遵我禁令法度，一如今日，我必永其國祚。今我在以色列族耶和華會前，對上帝告爾有衆，當恪守爾上帝耶和華禁令，則汝可據此映壤，遺於子孫，以爲恆業。我子所羅門宜知爾父之上帝，誠心悅意事之。蓋耶和華鑒察人心，知悉人意，求之無弗得，遺之亦見。兼耶和華簡爾建殿爲聖所，當謹恪，強志興作。大關以殿廊、府庫、樓室、施恩所之式，示子所羅門。耶和華殿院四周之室、府庫及藏聖物之所，祭司利未人之班列，及耶和華殿間役事器皿，凡心所欲，悉以其式，示所羅門。欲製器皿以供役事，權衡其金銀而予之。諸金銀燈臺，若燈以適其用，陳餅之金几，及金銀諸几，皆權衡而予之。兼金製鈎、盂、盎及諸卮，銀以製卮，兼金飾香壇，及展翻覆耶和華法匱之噓略咪，其金俱權衡而予之。大關曰：以上諸式，乃耶和華圖以示我，故告其子所羅門曰：強乃志壯乃心，以行是事，毋畏。毋恐懼。我上帝耶和華祐爾，不汝遐棄。迨製耶和華殿役事之物，而竣厥工。祭司利未人循其班列，將在上帝殿，供其役事。諸慧心人將竣其工。羣伯億兆，俱從爾命。

**第二十九章** 大關王告會衆曰：我子所羅門，尚在弱齡，上帝特遴選之，工作甚鉅，蓋殿非爲人也，乃爲上帝耶和華。我爲上帝之殿，竭其才力，預備金銀銅鐵材木，俱適其用，碧玉以飾服，又有光

石、彩石、寶石、花石，不可悉數。上帝之殿，我素仰慕，所備建聖室外，取己所有之金銀以獻。卽阿妃之金四百五十萬兩，煅煉之銀一千有五十萬兩，以飾殿牆。金銀皆適所用，俾匠咸興工作。今有無人從心所願，竭忠奉事耶和華乎？於是以色列族長與族中最著者及千夫長、百夫長，一切爲王督役之人，俱樂輸焉。得金七百五十六萬兩，銀一千五百萬兩，銅二千七百萬兩，鐵一萬五千萬兩，以供上帝殿之用。有寶石者則上獻入耶和華殿之府庫。革順裔耶葉掌之民，旣誠心樂輸，獻於耶和華，則盡歡忭。大闢王亦欣喜不勝，在會衆前頌禱耶和華曰：我祖以色列族之上帝耶和華歟，當頌美爾，永世靡暨。耶和華有巨力大能，顯榮赫奕，尊貴無倫。凡在天地咸歸向爾。耶和華爲王，尊爲萬物主，財貨尊榮，皆爾所得。爾理萬物，爾有巨能大力，使人昌大，使人強盛。我上皇帝歟，爾名維顯，我頌讚尊榮之。我何人斯，焉敢當樂輸之名。萬物由爾出，仍以爾物爲獻。昔我列祖爲賓旅於爾前，我儕亦然。我生命如影，難冀其長存。我上上帝耶和華歟，我欲建殿爲頌爾聖名之所，會爲備材，不可悉數，咸屬於爾，亦由爾出。我知上帝鑒察人心，眞實無妄者爲爾所喜。我誠心樂輸，爾民亦從心所願而樂輸，我見之懽然欣喜。列祖亞伯拉罕、以撒、以色列之上帝耶和華歟，願使爾民恒懷斯心，以奉事爾。賜我子所羅門，誠心守爾禁令，法度禮儀。我嘗備材，以建斯殿，亦願我子告厥成功。大闢告衆曰：宜頌讚爾之上帝耶和華。會衆遂頌讚列祖之上帝耶和華，伏拜耶和華與王。詰朝，以色列族衆，獻燔祭奉事耶和華，千犢、千羊、千羔，與其禮物，酒以灌奠，不可勝數。在耶和華前，式飲式食，欣喜懽忭，以大闢子所羅門再立爲王，奉耶和華命，沐之以膏，俾作



民主以撒督爲祭司長。所羅門得耶和華命，繼父大關之位，無不亨通。以色列族衆聽從其命。羣臣豪傑與大關王衆子服所羅門王。耶和華使所羅門昌大於以色列族中，賜其家國尊榮，超軼以色列前王。耶西子大關治以色列四十年，在希伯崙七年，在耶路撒冷三十三年。壽高年邁，財貨尊榮，子所羅門繼位。先見者撒母耳、先知拿單及先見者伽得之書，載大關事特詳，其秉鈞能力及以色列四方列國所歷之事，俱載斯書。

舊約聖書

歷代志畧上 第二十九章

四百四十四

歷代志畧下

**第二十章** 大闢子所羅門蒙上帝耶和華所祐，國家鞏固，甚爲昌大。所羅門召以色列千夫長、百夫長、士師、牧伯、族中最著者，率衆至基遍崇壇，在彼有上帝會幕，乃耶和華僕摩西在野所作。惟上帝之法匱，爲大闢所昇，自基列耶林至耶路撒冷，進所備之幕。昔戶耳孫烏利子庇撒列所作之銅壇，仍在耶和華幕前，故所羅門與會衆往彼獻燔祭，其數盈千。是夕上帝顯現，告所羅門曰：爾有所求，吾無弗予。所羅門曰：爾施厚恩於我父大闢，令我繼位，願我上帝耶和華踐所許我父之言。斯民蕃衍如塵沙，爾使我爲王，而臨其上，孰能聽其訟，祈爾賜僕智慧聰明，能治斯民。上帝告所羅門曰：我立汝爲王，以臨民，乃爾心不求財貨，尊榮，遐齡，勝敵，惟求智慧聰明，能聽民之訟，故我許爾所求，以智慧聰明賜爾，更以貨財尊榮予爾。爾之前王未有若是，爾之後人亦不能若是。所羅門自基遍崇壇會幕之所，至耶路撒冷，治以色列。所羅門車騎甚衆，車一千四百乘，騎一萬二千匹，或置藏車之邑，或在耶路撒冷畿內。因王富有，耶路撒冷人視金銀猶石，視柏香木猶原隰之桑。所羅門之馬成羣，自埃及而至，王之商賈，如其值以市之，自埃及市一車價三百金，一馬七十五金。赫人之王亞蘭之王，市車馬，亦藉王之商賈。

**第二十一章** 所羅門志欲建殿，頌耶和華名之所，亦建宮室。所羅門簡七萬人使負荷，八萬人登山鑿石，三千六百人督其工作。所羅門遣人告推羅王希蘭曰：昔爾饋柏香木於我父大闢，以建宮室。今我建殿奉我上帝耶和華，爲頌厥名之所，欲焚芬芳之品，恒陳餅於前，每值朝夕，及安息日，月

朔節期奉獻燔祭，此乃以色列族之常例。我上帝至尊無對，故所建之殿必巨。穹蒼不足以居之，天上明宮亦不足以居之。我何人斯，焉能爲彼建殿乎？第獻祭於其前而已。昔我父大關於猶太耶路撒冷，曾備百工，請爾遣良工一，能製金銀銅鐵，能編赤絳紫三色之纓，又能鑄玉，與之同作。我知爾僕善於斫木，我僕可與之偕，取利巴嫩之柏香木、松木、檀木，運至我所。於是備材甚多，所建之殿必巨。爾僕旣斫材木，我必與彼嘉麥一千二百萬斗，薺麥一千二百萬斗，酒一百二十萬斤，油一百二十萬斤。推羅王希蘭致書所羅門曰：「耶和華愛斯民，故立爾爲王。」又曰：「當頌讚造天地者，以色列族之上帝耶和華。賜大關王賢子，賦以智慧，能建耶和華殿及王宮室。我父希蘭得良工，我遣之來，彼具聰明，其母屬但支派，其父居推羅，能製金銀銅鐵木石，能編赤絳紫三色之象，又能鑄玉，心思奇巧，可與爾父大關及爾良工偕作。我主所言之嘉麥、薺麥、酒、油，可運至爾僕所。我儕於利巴嫩斫木，適爾所用，可編爲桴，浮海達約帕，任爾之僕運至耶路撒冷。昔異邦人之居於以色列地者，大關曾核其數，今所羅門復核之，得十五萬三千六百人，使七萬人負荷，八萬人在山斫木，三千六百人督其工作。」

所羅門建耶和華殿，在耶路撒冷邑，摩哩山，昔耶和華顯現於父大關，在耶布士人亞勞拿穀場。大關所備之所，所羅門四年二月二日，始建斯殿。所羅門築上帝殿基，長六丈，廣二丈，循其古尺。古尺布殿前廡，廣與殿等，高十二丈，內飾兼金，大殿蓋以松木，飾以兼金，刻棗樹鐵索之狀，以寶石飾殿，金由巴瓦音所至，以金飾殿及梁柱牆門，牆上刻嗒略咪像，又作至聖之所，廣與殿

等長廣俱二丈，以兼金九十萬兩爲飾，金釘二十五兩，以金飾樓。在至聖之所，雕刻二噤略咪像，飾之以金。噤略咪計四翻，共長二丈，每翻長五尺，左噤略咪之翻一及牆，一與右噤略咪之翻相接。右噤略咪之翻亦若是。噤略咪各張其翻，首內向而立，以紫赤絳三色之桌織幔，繡噤略咪像。殿前二柱，高三丈五尺，各柱之頂高五尺，作銅索置柱頂，制同後殿，亦鑄石榴一百繫索上，殿前立柱，一左一右，右名雅斤，左名破士。

【銅圓盤】所羅門作銅壇，長廣各二丈，高一丈，鑄銅作盤，徑一丈，周三丈，高五尺，盤外四周鑄牛二，行，每徑一尺，有牛十環繞其盤，盤與牛同時而鑄。盤以銅牛十二爲負，分東西南北而立，每方各三牛，牛尾內向，盤厚一掌，其旁如盂，飾以百合花形，中可容一萬八千斗。又鑄盆十，左右各五，凡獻燔之物，則濯於盆，惟祭司濯用巨盤，以兼金鑄燈臺十，依其定例，置之於殿，左右各五，作几，十置之於殿，左右各五，又鑄金盂一百，更造祭司之院，與大院及院門，飾之以銅，置巨盤於院右，東南隅，戶蘭爲所羅門王作上帝殿之物，如鼎、釜、盂及二柱，柱上各有一頂，其形圓，以櫛爲蓋，櫛上有石榴之形，四百櫛各二行，以蓋柱上之頂座及座上之盆。巨盤一，負以銅牛十二，其鼎、釜、鉤、戶蘭與其父爲所羅門王所作，耶和華殿之器，俱光潔之銅所製，在約但平原，數割西利大間，王取土爲模，以鑄此銅，所羅門製器，不可勝數，銅之輕重不能權。所羅門作上帝殿中所用器皿，卽金壇及陳餅之几，以兼金製燈臺及燈，使燈常明於後殿之前，以爲永例。燈臺之花，燈鉗俱以百鍊之金而製，亦以兼金作翦、盤、匙、鼎，其至聖所之門及殿門，皆以金爲飾。

所羅門作耶和華殿諸器，已竣厥工，於是攜父大關所獻之金銀器皿，置上帝殿中之府庫。所羅門召以色列長老、族長，族中最著者，至耶路撒冷，欲昇耶和華法匱，自大關城而來，卽郇邑也。時值七月節期，以色列衆咸至王前，以色列長老既至，利未人昇法匱，祭司利未人昇法匱，及會幕、幕中聖器。所羅門王偕以色列族，集於法匱前，獻牛羊爲祭，不可勝數。祭司昇耶和華約匱入後殿，至聖之所在，嗾略咏翻下。嗾略咏在法匱所，展其雙翮，覆蓋法匱，并及其杠。其杠甚長，在前殿猶得見其末，惟殿外不得見之。迄今亦若是。法匱中惟藏二碑，昔以色列族出埃及至何烈山，耶和華與之立約，摩西置碑於匱。當時衆祭司成潔，不循班列，以供役事。利未族謳歌者，亞薩、希慢、耶士頓及其子弟，俱衣白臬，執鈸、琴、瑟，立壇東。祭司一百二十人，吹角偕立。適祭司自聖所出，吹角者謳歌者，敲鈸者操樂器者，其音克諧，頌讚耶和華。曰：耶和華無不善，恒懷矜憫。斯時則有白雲繚繞耶和華殿。耶和華上帝榮光，充溢殿宇，祭司不得在彼，供其役事。

所羅門曰：耶和華會云：必居於幽深玄遠，我爲之建殿，永爲駐蹕之。所以以色列族衆侍立，王回顧焉，爲之祝嘏。曰：昔以色列族上帝耶和華，許我父大關，今踐其前言，當頌美之。所許之言曰：自導以色列民出埃及以來，我未嘗於以色列支派中，遴選一邑，使人建殿，爲頌我名之所，亦未嘗簡人，治我民以色列族。今選耶路撒冷，爲頌我名之所，又選大關，治我以色列族之民。我父大關欲建殿，奉事以色列族之上帝耶和華，而顛其名。耶和華諭之曰：爾欲建殿，爲頌我名之所，此舉甚善。然爾不得建殿，惟爾一脉之裔，必建殿，以頌我名。今我繼父大關踐以色列國位，已建

此殿奉事以色列族上帝耶和華，以顯其名，而耶和華前言懣矣。昔耶和華與以色列族約，碑藏法匱，我今度置於殿。以色列族衆咸觀，所羅門立耶和華壇前，向天舉手，既作銅臺，長廣各五尺，高三尺，置院中，所羅門立其上，在以色列族前曲跪，向天舉手，曰：以色列族之上帝耶和華歟！天上下地，無可比擬。爾僕克盡厥心，行從爾道，爾與之守約，施其仁慈。昔所許爾僕，我父大闢者，爾踐其前言，以今日之事爲證。以色列族之上帝耶和華，又許爾僕大闢，曰：如爾子孫所爲，謹恪行於我前，守我律法，克肖乎爾，則必不絕爾嗣。繼以色列國位，今求以色列族之上帝耶和華，所許爾僕大闢之言，俾有效驗。然上帝豈居於地乎？穹蒼不足以居爾，天上明宮亦不足以居爾，況我所建之殿乎？我之上帝耶和華，垂念爾僕之禱，聽我今日所祈。望爾晝夜垂顧此殿，卽爾曾許必爲顯名之所，爾僕於此祈禱，爾其俯聞。凡爾僕及以色列民，祈禱於此，望爾在居處之所，自天俯聽，得蒙赦宥。如人與同儕有所干犯，至此殿發誓於壇前，則爾在天俯聞其聲，在爾僕中判其是非，以惡者爲惡，罰其罪戾，以義者爲義，賞其善行。如爾以色列族之民，獲罪於爾，爲敵所敗，厥後心歸乎爾，虔向此殿祈禱，呼籲爾名，則爾在天俯聞其所，赦宥爾民，導之至所賜列祖之地。如人獲罪於爾，使天閉塞，雨澤不降，至殿祈禱，呼籲爾名，緣違患難，去厥罪愆，則爾在天俯聞其聲，赦宥爾僕，卽以色列族之民，指示以善，所錫之地，降以膏澤。如於斯地，有饑饉瘟疫，風暴特甚，五穀細弱，如有蝗蟲食其物產，如有仇敵困其邑鄉，勿論何災，勿論何害，如以色列族中知其艱苦，不論何事，展舒其手，向斯殿以祈求，則爾在天居於明宮，俯念厥所，赦宥其罪，天下人心，惟爾灼知。

視其作爲，而加報施，使其畢生長爾，在爾所錫列祖之地。如有賓旅，不屬以色列族，聞爾名譽，知爾大能巨力，自遠方來，至斯殿，祈求於爾，則爾在天，居於明宮，俯聞厥祈，應其所求，使天下億兆，悉知爾名，而畏懼爾，與爾民。以色列族無異，亦知我所建之殿，誠爲顯爾名之所，如爾國民，奉爾所遣，無論何適，與敵戰鬪時，祈禱於爾，向爾所簡之邑，及我所建之殿，爲顯爾名之所，則爾在天，俯聞厥祈，使其獲勝。天下億兆，誰能無過，若民蹈於愆尤，干爾震怒，爾付之於敵，見虜於異邦，無論遠近，如在被虜之地，翻然易念，悔改前非，祈求於爾，自陳其過，負罪引慝，一心一意，歸向乎爾，望爾所賜列祖之故土，及爾所簡之邑，垣與我所建之殿，爲顯名之所，祈求於爾，則爾在天，居於明宮，俯聞所祈，俾其得救，赦其罪愆，望我上帝眷顧，凡祈求於斯殿者，爾其俯念。耶和華上帝，歟，使爾尊榮之法，匱歸於此殿，爲爾駐蹕之所，使爾祭司，蒙爾拯救，使爾聖人，喜爾矜憫。耶和華上帝，爾所沐以膏者，勿却其祈，以矜恤爾僕，大闢爲念。

所羅門所禱既畢，火自天降，燬其燔祭禮物，耶和華榮光充盈殿宇，因是祭司不得入耶和華殿，以色列族衆見火降，亦見耶和華榮光覆殿，則俯伏於鋪花石處，崇拜頌讚。耶和華曰：耶和華無不善，恒懷矜憫。王與民衆獻祭，奉事耶和華，所羅門王獻牛二萬二千，羊十二萬，於是王與民建上帝殿，告厥成功。昔大闢王念耶和華，恒懷矜憫，頌讚耶和華，作諸樂器，使利未人掌之，利未人操樂器，祭司吹角於前，供其役事，以色列族衆侍立，所獻之燔祭，禮物與膏，其數繁多，耶和華殿前銅壇甚小，不能臚陳，故以殿前中院爲聖院，獻燔及焚膏，爲祭以酬恩，是時所羅門及



以色列族衆自哈末至埃及河咸集同守節禮七日越八日大會蓋祭壇告成守節禮七日復守節禮亦七日七月二十三日王遣民歸故土念耶和華待大關所羅門及以色列民之厚恩則欣喜歡忭於是耶和華殿與王宮室凡所羅門所欲建者至是告成是夕耶和華顯現於所羅門曰我聞爾所特簡斯殿爲獻祭奉我之所如我使天閉塞雨澤不降或使蝗蟲食其土產或使瘟疫流於民間時我選民卑以自牧祈禱求我免厥罪愆則我在天必聞其所赦其愆尤使封疆無害人於此祈禱我必眷顧之俯念之我曾簡是殿使之成聖爲顯我名之所我必眷顧垂念歷久靡暨如爾遵從我命守我禮儀法度於爾父大關是則是效我必鞏固爾國昔我許爾父大關不絕其嗣以繼以色列國位今必踐其前言如爾背逆棄所命之禮儀禁令奉事他上帝我必拔斯民之根株驅於所錫之地我所成聖之殿爲顯我名之所者必廢使兆民作歌譏刺凡過此有名之殿宇必駭異如有詢及者曰耶和華燬此殿害此國也曷故則必曰昔上帝耶和華導其列祖出於埃及彼乃違逆反簡他上帝奉事崇拜故耶和華降以是災。

所羅門建耶和華殿及己宮室越二十年希蘭復歸所羅門之侵地凡有數邑所羅門重爲修葺使以色列族居之所羅門往哈末之鎖巴陷之建近野之達墓及哈末之府庫又於岡陵平陸均建伯和倫俱爲邑垣有門有榭亦建巴拉與府庫車騎之邑及在耶路撒冷利巴嫩所轄之境凡欲建者悉建之所羅門所用以供役事者非以色列族民乃在昔未能盡滅之赫人亞摩哩人比哩洗人希未人耶布土人所遺之子孫迄於今日猶供役事所羅門不使以色列族服役

使爲武士長、軍士長、車騎長，其大臣課百工者二百五十人。所羅門攜法老女，自大關邑，至所建之宮。蓋曰：我后不得居於以色列王。大關之宮，因耶和華法匱所至之所，無不成聖。所羅門在廡前於所築於壇，獻燔奉事耶和華，每日循例，遵摩西之命，亦於安息日、月朔及大會，歲凡三次，卽無醉節期。七七日節期，構廬節期。所羅門遵父大關之諭，定祭司班列，以供役事，及利未人之職。在祭司前，頌讚奉事上帝，日爲其所當爲。司闢者各守其門，循上帝僕大關所命。利未人及祭司，或掌府庫，或理他事，不違王命。所羅門建耶和華殿，自築甚至竣工之日，材俱預備。所羅門往海濱，至以東地，之以旬迦別，及以祿。希蘭遣羣僕，諳於航海，偕所羅門僕，駕舟往阿妃，得金六十七萬五千兩，攜至所羅門王。

示巴女王聞所羅門名，過往耶路撒冷，欲以言難王。僕從甚衆，有駝載芬芳之品，及金玉，難以悉計。入覲所羅門，以己意詰之。所羅門隨問而答，無所不知。明哲以告。示巴女王見所羅門智慧具備，又觀其所建之殿，筵席臚陳，僕役班列，臣工酒正，衣朝服而侍，及耶和華殿所奉之燔祭，則神爲之奪。告王曰：彼邑聞爾作爲，與爾智慧，其言不虛。我初不信，及我蒞臨，目擊斯事，乃知所聞猶不及所見之半也。爾之智慧全備，較我所聞，尤覺其多。爾羣臣、爾僕役、恒侍爾前，聞爾智慧，甚有福祉。當頌美爾上帝耶和華，以爾爲悅，使繼國位。代耶和華以臨民。因爾上帝恒愛以色列族，俾爾爲王，秉厥公義，以聽其訟。示巴女王饋所羅門金十八萬，以及寶石、更獻芬芳之品，不可勝數。前此未有若是之多也。希蘭之僕，偕所羅門僕，自阿妃載金玉檀木，王以之作闌，飾於耶

和華殿及王宮，又作琴鼓爲謳歌者所用。自昔以來，在猶大地，未見若是之木。所羅門王以物饋示巴女王，任其所欲，無論何求，皆以遺贈。厥後女王與其臣僕返國，除商賈與亞喇伯王及列邦牧伯貿易之金而外，所羅門歲得金九十九萬九千兩。所羅門王以金之次者，作盾二百，每盾三百兩，又用以作千三百，每千一百五十兩，王置之於宅，其宅曰利巴嫩林。王用象牙作大座，飾以兼金，座之階級有六，足凳與座相連，亦以金製，左右有柄，柄旁刻獅像，階級左右亦如之，共十有二。他國未能頡頏。所羅門王所飲之杯，悉以金製，利巴嫩林中所有器皿，不以銀作，皆係兼金。當所羅門時，人弗以銀爲貴重。希蘭僕駕王舟，至大失，三年一歸，載金銀象牙、猿猴、孔雀。所羅門之智慧貨財，甲天下。列王上帝賦所羅門智慧，天下列王咸求見焉。各饋禮物，歲有金銀器皿衣服，甲冑芬芳之品，以及馬騾。所羅門之廐，有服車之馬四千騎，一萬二千，或置藏車之邑，或在耶路撒冷畿內。所羅門統轄列王，自大河至非利士人地，延及埃及境，因王富有，耶路撒冷人視銀猶石，視柏香木猶原隰之桑。人驅羣馬，自埃及列國而至，獻於所羅門。先知拿單之書，示羅人亞希雅先知之書，與先見者易多、責尼八子耶羅破暗之書，載所羅門事特詳。所羅門在耶路撒冷治以色列四十年。所羅門薨葬於父大闢之邑，子羅波暗繼位。

羅波暗至示劍，以色列族衆亦至，欲立之爲王。尼八子耶羅破暗避所羅門王，往埃及及居焉。後聞王沒，則自埃及而歸，見衆招己，則與以色列族覲羅波暗，告之曰：爾父使我負重軛，操作維艱，爾其輕我，我則役事爾。曰：三日後，爾衆來此可也。衆乃去。所羅門存日，有侍其前之老者羅

波暗王與之議曰：汝有何良策，以對斯民？曰：爲今計，惟施恩斯民，以善言慰之，俾其欣喜，彼必永爲爾僕。王弗聽。有少者與王年相若，侍於王側，王與之議曰：民來告我，父使衆所負之軛，必易以輕，汝何策以答之？對曰：斯民曾言，爾父使衆負重軛，請爾輕之，爾則應之曰：我之小指，較父之身尤巨。父使爾負重軛，我必益之，父以鞭責爾，越三日，耶羅波暗遵王命，率衆至王前，王不用老者之言，而從少者之謀。叱斯民曰：我父使爾負重軛，我必益之，父以鞭責爾，我必以蠍螫爾。王不順輿情，乃耶和華使之，以應所命。示羅人亞希雅告尼八子耶羅波暗之言。以色列族衆知王不聽，則告王曰：我與耶西之子大關，何與我族當各歸故土，大關之家，爾自治之。於是以色列族各歸故土，惟居猶大衆邑者，尙歸羅波暗統轄。時羅波暗王遣理貢物之哈多蘭，至以色列族，以色列族石擊之，斃其命，王疾登車，遁於耶路撒冷。以色列族背大關之家，以迄於今，尙未臣服。

羅波暗至耶路撒冷，則招猶大全家，便雅憫支派，計簡練之卒，十有八萬，欲與以色列族戰，以復國祚。上帝命其僕示罵雅曰：當告猶大王所羅門子羅波暗，及猶大便雅憫地所居之以色列族曰：耶和華云：此我所使，爾毋往與以色列族戰，各歸故土。民從耶和華命而歸，不攻耶羅波暗。羅波暗居耶路撒冷，在猶大地建邑垣，卽伯利恒，以淡提哥亞，伯夙鎖哥亞，土蘭，迦特，馬哩沙，西弗亞，多勒音，拉吉亞，西加鎖喇亞，耶倫，希伯崙，此邑在猶大，便雅憫地，使其邑強盛，立武士長，廣貯食物，油，酒，旣得便雅憫猶大二族歸已，則置干戈於諸邑，愈爲鞏固，遍以色列地之利。

未人及祭司俱歸羅波暗。利未人見絕於耶羅破暗及其子，不許爲祭司，奉事耶和華，故離其邑郊舍其田里，至耶路撒冷及猶大地。耶羅破暗擅立祭司，在諸崇壇奉事魑魅，及所作儼像。以色列支派中，凡一心求其列祖之上帝耶和華而獻祭者，皆從利未人。至耶路撒冷，助所羅門子羅波暗，鞏固猶大國。歷至三年，循從大關所羅門之道。羅波暗娶大關子耶哩末女馬哈喇，亦娶耶西子以利押女亞庇孩，生子耶是沙馬哩。撒罕更娶押沙龍女馬迦，生亞庇雅亞。太西撒示羅密羅波暗娶后妃十八，嬪嬙六十，生子二十八人，女六十人。押沙龍女馬迦爲羅波暗所愛，寵冠後宮，立其子亞庇雅爲太子，尊於昆弟間，將繼其位。羅波暗多內寵，善處衆庶子，俱厚賜而遣之，使在猶大，便雅憫諸邑中。

羅波暗既鞏固，則棄耶和華律例，以色列族衆亦效尤焉。民違耶和華命，羅波暗王五年，埃及王示撒率車一千二百乘，騎六萬匹，與從者路庇蘇割古實三族，不可勝數，咸來攻擊。陷猶大邑垣，至耶路撒冷。羅波暗與猶大羣伯畏示撒，集於耶路撒冷。先知示馬雅見之，告曰：耶和華云，爾曹棄我，故我遺爾於示撒手。以色列君臣卑以自牧，曰：耶和華無不義。耶和華見其如是，則命先知示馬雅曰：彼卑以自牧，我不殲滅，乃必拯救，不假手於示撒。洩怒於耶路撒冷。惟使以色列族服役示撒，使知服事列王，孰與事我埃及王。示撒遂攻耶路撒冷，盡奪耶和華殿及王宮寶物，亦奪所羅門所作金盾。羅波暗作銅千以代，趨承之人環守宮門。王以銅千付其長。王入耶和華殿時，趨承者負千以從，厥後藏於趨承者所。王痛自怨艾，耶和華息怒，不盡滅之。猶大族

中事亦亨通。昔耶和華在以色列支派中，曾簡耶路撒冷爲顯厥名之所。羅波暗在彼鞏固其國，時年四十有一，卽位於耶路撒冷。歷十七年，亞捫婦拿馬其母也。不一心崇耶和華，惟惡是作。先知示屬雅之書，先見者易多之族譜，載羅波暗事特詳。羅波暗、耶羅波暗恒有戰鬪。羅波暗薨，葬於大關之邑，子亞庇雅繼位。

耶羅波暗十八年，亞庇雅踐猶大國位。乃其庇亞婦烏利之女馬該所出，都耶路撒冷。凡歷三年，亞庇雅與耶羅波暗戰。亞庇雅率武士四十萬，以備戰鬪。耶羅波暗率英武壯士十八萬，陳列行伍。亞庇雅立於以法蓮地之西馬臉山，曰：耶羅波暗及以色列族衆，宜聽我言。以色列族之上帝耶和華，以以色列國賜大關，爰及子孫，著爲永例不易之約。爾所當知，乃大關子所羅門僕尼八子耶羅波暗，叛其主，率遊蕩不逞之徒，乘所羅門子羅波暗新踐國祚，不能禦敵，植黨自強，攻擊其主。今爾有衆，奉耶羅波暗所作金犢，尊爲上帝，意謂能拒耶和華所賜大關子孫之國。爾曾棄耶和華祭司亞倫後裔，及利未人，擅立諸祭司，循異邦之例，無論何人，攜犢一，牡綿羊七，欲爲非上帝之祭司，爾則立之。我儕不棄我之上帝耶和華，所奉耶和華之祭司，俱亞倫子孫利未人，亦供役事。每值朝夕獻燔，及芬芳之品，陳設之餅，置諸潔几，有金燈臺，竟夕常明，以役事我上帝耶和華，永不遺棄。上帝祐我，爲我主宰，祭司吹角，其聲宏遠，以色列族歟，勿與爾列祖之上帝耶和華戰，必不得勝。耶羅波暗伏兵於後，環而攻之，於是以色列人在前，伏兵在後。猶大人回顧，見前後受攻，則頷耶和華，祭司吹角。猶大人號呼時，上帝擊耶羅波暗，與以色列族衆，爲亞

庇雅猶大人所敗。以色列族遁逃，上帝付之與猶大人手。亞庇雅率民大戮以色列族壯士五十萬。以色列族已降猶大人，賴列祖之上帝耶和華，故獲勝焉。亞庇雅追襲耶羅破暗，取其邑垣，卽伯特利。耶沙拿以法蓮與其鄉里亞庇雅存日，耶羅破暗不復盛強，爲耶和華所擊，至於死亡。亞庇雅日強，娶后妃十四，生子二十二，人女十六。人亞庇雅事實及其言行，備載於先知易多之書。

第四章 亞庇雅薨，葬於大闢之邑。子亞撒繼位，十年稱治平焉。亞撒行善爲義於其上帝耶和華前，棄異邦上帝之壇，廢崇壇，毀偶像，伐林木，命猶大族宗事列祖之上帝耶和華，遵其律例，禁令在猶大諸邑，廢崇壇，毀日像，國享平康，築城猶大地。耶和華旣賜平康，于戈漸息，王告猶大人曰：我曾求我上帝耶和華，賜四方平康，國家無事，當及時築城垣，建樓，作門，榷，百姓樂從。國以又安。亞撒得猶大族執干戈者三十萬人，使雅憫族執盾執弓者二十八萬人，皆勇士也。古實人西喇率軍百萬，車三百乘，至馬哩沙，攻猶大族。亞撒至馬哩沙，於西法大谷陳列行伍，顛上帝耶和華曰：爾欲援我，民之多寡，力之強弱，無不可以之克敵。我之上帝耶和華歟，求爾助我，蓋我賴爾名，禦斯有衆，願上帝耶和華毋許人勝爾。耶和華擊古實人，使爲亞撒猶大族所敗而遁。亞撒蒙耶和華佑，帥師追殺，至其臘，多獲輜重，古實之軍燬焉。其國幾不復振。其臘四境，慄慄危懼，畏耶和華，不敢禦敵。故以色列族擊之，所獲不可勝計。破羣畜之牢，得羊駝無數，歸耶路撒冷。

第五章 上帝之神感阿特子亞薩哩亞，往迓亞撒，告之曰：亞撒及猶大，便雅憫二族，其聽我言，如爾從耶和華，則蒙其祐，求之無弗得，遺之必見棄。昔以色列族不尊崇真上帝，不從祭司訓迪，

不守律例，至於持久患難之際，則向以色列族之上帝耶和華而求，得沾其恩。當時四周之民，俱遭譴責，出入弗獲平康。國相攻，民相殺，蓋上帝降以厲災，強乃志，毋喪膽，必得賞賚。亞撒聞阿特子先知亞薩哩亞之言，則強厥志，在猶大便雅憫地，及所得以法蓮山邑，去可惡之偶像，重葺耶和華廡前之壇。以色列族見上帝耶和華眷祐亞撒，以法蓮、馬拿西、西面三族之賓旅，多歸焉。亞撒召之，亦召猶大便雅憫族衆於十五年三月，俱至耶路撒冷，以所得者奉耶和華牛七百，羊七千，相約一心一意，宗事列祖之上帝耶和華。凡不崇以色列族之上帝耶和華，無論尊卑男女，死無赦。遂大聲號呼吹角，於耶和華前發誓，猶大族衆發誓，一心崇耶和華，蒙其施恩，錫綏四方，忻喜不勝。亞撒王祖母馬迦於林間立偶像，故貶其太后之位，斫其所奉之像，擣之成粉，焚於吉崙溪旁。以色列地之崇壇，雖未廢然，亞撒誠心從事，耶和華終身不倦，以父所獻及己所獻之金銀器皿，進上帝殿，自是于戈克靖，至於亞撒三十五年。

亞撒王三十六年，以色列王巴沙攻猶大建拉馬邑，使民不得歸。猶大王亞撒、亞撒以耶和華殿中府庫及王宮室所藏金銀，遣使至大馬色饋亞蘭王，便哈達曰：爾我之父有約，爾我間亦當有約，我饋爾金銀，請爾渝以色列王巴沙之盟，俾勿攻我。便哈達從其言，使武士長攻以色列族邑，擊以雲，但亞伯馬音納大利諸府庫巴沙方建拉馬，聞其謀乃止。亞撒王召猶大族衆，使取巴沙建拉馬之木石，以建基巴密士巴。○是時先見者哈拿尼覲猶大王亞撒，告之曰：因爾恃亞蘭王不爾上帝耶和華是賴，故不克亞蘭軍。古實人路庇人軍勢浩大，車騎衆多，因爾恃耶



和華故耶和華使爾戰勝之耶和華遍覽天下見誠心從之者則力庇焉爾弗以之是賴不智孰甚嗣後戰鬪靡有已時亞撒震怒幽先見者於獄虐遇其民亞撒事實備載於猶大及以色列列王紀畧亞撒三十九年患足疾甚重延醫調治不求耶和華四十一年薨葬於大關邑在彼生時所作之墓醫士製芬芳之品盈牀置之於塚焚香無算

亞撒子約沙法繼位國既鞏固設備以色列族於猶大地及亞撒所據以法蓮山諸邑各立有司遣兵戍之約沙法效祖大關善行宗事上帝遵從厥命不蹈以色列族之愆尤而崇巴力故蒙耶和華祐國以鞏固猶大族衆饋禮物極其尊榮貨財甚饒約沙法勇行耶和華道廢猶大地之崇壇偶像在位三年使臣僕使海益阿巴底撒迦利亞拿但業米該雅在猶大諸邑訓迪民人亦使利未人示馬雅尼大尼此巴地亞撒黑示米喇末約拿單亞多尼雅多庇亞奪亞多尼雅偕祭司以利沙馬約蘭執耶和華律例之書遍猶大諸邑訓迪民人鄰國畏耶和華不敢與約沙法戰非利士人貢銀亞喇伯人饋羣畜牡綿羊牡山羊各七千七百約沙法昌大於猶大地建衛所府庫巡狩諸邑武士戰卒居耶路撒冷核其數按其譜臚列於左猶大族中押拿寇於千夫長率武士三十萬其次約哈難率二十八萬其次色哩子亞馬邪樂從耶和華率武士二十萬便雅憫族中豪傑之士以利亞大率執盾挽弓者二十萬其次約薩八率戰卒十八萬上所載皆虎賁之臣其戍猶大諸邑者不在此數

約沙法財貨甚饒極其尊榮娶於亞哈越數年往撒馬利亞觀亞哈亞哈多宰牛羊宴

王及僕從，勸其同往基列之喇末。問約沙法曰：爾欲與我偕往乎？曰：爾我無異視，我民如爾民，我馬如爾馬。又曰：今當諮諏於耶和華。以色列王乃集先知，約四百人，告之曰：我欲往基列之喇末一戰，行止若何？曰：往哉。上帝將使王克敵。約沙法曰：外此尚有耶和華之先知，以備諮諏否？以色列王曰：尚有一人，音拉子米該亞，可以之諮諏。耶和華然我嘗憾其人，因彼所預言有凶而無吉。約沙法曰：王毋言。是以色列王命臣僕曰：速召音拉子米該亞至此。以色列王與猶大王服朝衣，居王位在撒馬利亞邑門之場。衆先知預言於前，基拿拿子西底家作鐵角數枝，曰：耶和華云：爾可以此角觸亞蘭軍，盡滅而止。衆先知預言曰：可往基列之喇末而獲捷。蓋耶和華將使王戰而克。奉遣之使，告米該亞曰：諸先知，衆口一辭，以休徵進告於王。爾亦當言，與彼無異。米該亞曰：我指耶和華以誓，必循上帝命而言。既至王前，王曰：米該亞歟，我欲攻基列之喇末，行止若何？曰：往可獲勝，彼必爲王所敗。王曰：我豈不屢使爾奉耶和華命，當以真實告我乎？曰：我觀以色列族衆，散布山谷，猶羊無牧。耶和華曰：此無其主，當各安歸。以色列王語約沙法曰：我豈不云彼所預言有凶無吉。米該亞曰：請聽耶和華之命，我觀耶和華坐於其位，萬天使侍左右。耶和華曰：誰能誘亞哈，使往基列之喇末，殞沒其命。衆天使所陳之詞不一，有神越班而出，侍耶和華前，曰：我將誘之。曰：誘之若何？曰：我將感其先知，胥動以浮言。曰：往哉，行此。爾必誘之，以成爾志。今有神感爾之先知，使之浮言。耶和華聽之，曰使之或然耶和華有言，必降災於王。基拿拿子西底家前，批其頰，曰：耶和華之神，離我以指示爾，由於何途。米該亞曰：後日爾入室自匿，則可知也。以色列王曰：解米該

亞於邑宰亞門及王子約轄所告之曰。王命拘幽此人。供餅給水。使嘗艱苦。迨我安歸。米該亞曰。如爾安歸。則我未奉耶和華之命。又曰。斯民之衆。官共聽聞。以色列王與猶大王。往基列之喇末。以色列王告約沙法曰。我將微服入陳。惟爾衣王服。以色列王遂改服色。入陳戰鬪。亞蘭王命車騎之長曰。大小軍旅。毋庸與戰。惟攻以色列王而已。車騎之長見約沙法。則曰。彼以色列王也。遂環而攻之。約沙法大聲而呼。耶和華上帝祐之。敵乃去。車騎之長知非以色列王。不追襲。有人挽弓以射。偶中以色列王甲縫之處。王告御車者曰。我傷矣。自陳旋歸。戰事孔亟。王坐於車中。攻擊亞蘭之衆。是夕王死。

猶大王約沙法歸耶路撒冷。同宮無恙。先見者哈拿尼其子耶戶。出迓之。告曰。不義者爾反助之。憾耶和華者。爾反愛之。獨何歟。耶和華震怒。以此然。爾於斯土。毀偶像。誠心崇上帝。猶可爲善。○約沙法居耶路撒冷。不數日。巡行通國。自別是巴。至以法蓮山。訓迪厥民。使歸列祖之上帝耶和華。在猶大諸邑。立士師告之曰。爾其謹恪。聽訟非爲人。乃代耶和華。蓋聽訟之時。耶和華實鑒之。當畏耶和華。慎爾所爲。凡行不義。以貌取人。賄賂是貪者。我上帝耶和華不悅。○約沙法使利未人及祭司以色列族中最著者。歸耶路撒冷。代耶和華聽訟鞫事。告之曰。當寅畏耶和華。盡乃心。真實無妄。如爾邑中。同儕有訟事。爲流血。爲犯律例。禁令禮儀法度。爾當訓衆。勿違耶和華。恐其怒爾。及爾同儕。爾如是行。則可無過。凡奉耶和華之事。祭司長亞馬哩可統理。凡從王之事。猶大族長。以實馬利子西巴地可統理。利未人可爲爾長。強乃志。耶和華必祐善人。

至欲攻擊爾。今在哈洗遜大馬，卽隱其底。約沙法甚恐，禱耶和華，使猶大舉國禁食。猶大族自諸邑和會，求耶和華。約沙法立於耶和華殿之新院，在猶大耶路撒冷會中。禱曰：我列祖之上帝耶和華，穹蒼之上帝，萬國之主宰。爾有能力，莫之敢禦。昔有人居斯土，上帝啟以色列族而驅之。亞伯拉罕爲上帝所眷顧，遂以斯土錫其苗裔，俾爲恒業。今以色列族居此，建聖室爲顯爾名之所。自謂如遇災害，或興戎，或譴責，或瘟疫，或饑饉，我至斯殿，以顯爾名，立於爾前，求爾去禍。爾必垂聽，援我。昔以色列族出埃及時，謹守爾命，過亞捫、摩押、西耳之地，不侵伐之，不翦滅之。今彼以惡報我，欲行驅逐，出爾所錫之地。願上帝爲我一酒之，彼衆我實不能禦，如何則可。惟爾是望。猶大族衆與其妻孥，侍立耶和華前。磨利未族、亞薩家者、馬大尼、玄孫、耶葉、曾孫、庇拿雅、孫、撒加利亞、子雅色，爲耶和華神所感，則於會中言於衆曰：約沙法王與猶大族耶路撒冷民，宜聽我言。耶和華云：爾勿畏，懼斯有衆，蓋攻敵者，非爾乃上帝也。明日出禦，彼由息巖而至，爾必遇於溪口。近耶魯耳野。猶大族耶路撒冷民，歟。明日迎敵，爾毋與戰，成列以待。耶和華拯爾，毋畏，慮必蒙其祐。約沙法率猶大衆，耶路撒冷民，俯伏崇拜耶和華。利未人哥轄可喇二族羣起，大聲頌讚以色列族之上帝耶和華。○夙興往提哥亞之野，將行約沙法立而告之曰：猶大族耶路撒冷民，宜聽我言。當信爾之上帝耶和華，自可獲勝，信其先知，自得亨通。旣與民議，使人禮服謳歌於軍前，頌讚曰：耶和華恆懷矜憫，當頌讚之。甫頌讚時，耶和華發伏兵，攻猶大之敵，使亞捫、摩押二族及西耳

山人互相攻擊，蓋亞捫摩押二族，攻滅西耳山人。西耳山人既滅，二族自相殘害，猶大人登野中成樓以望，尸相枕藉，敵衆靡有孑遺。約沙法率衆，得貨財寶物甚多，剝尸又得財物，不能攜負，因貨財之多，三日取之，猶不盡。越四日，集於比喇加谷，即比喇加頌讚耶和華，故稱谷曰比喇加。迄今其名猶存。約沙法蒙耶和華祐而克敵，於是率猶大族，耶路撒冷民，凱歌還都，鳴琴鼓瑟，吹角至耶路撒冷，入耶和華殿，列邦之民，聞耶和華擊敗以色列族之敵，無不畏葺。上帝祐約沙法，國治民安，四郊無事。○約沙法乃示利女亞蘇巴所出，年三十五卽位，治猶大。都耶路撒冷，歷二十五年，恒從父亞撒所爲，行善於耶和華前。民未一心奉事列祖之上帝，故崇壇不廢。哈拿尼子耶戶之書載約沙法事特詳，書見以色列列王紀畧。○以色列王亞哈謝不道，猶大王約沙法與之要約，在以甸迦別造舟，欲往大失馬哩沙人，多大瓦子，以列撒感於神，告約沙法曰：「因爾與亞哈謝要約，耶和華必毀爾舟於地，舟壞不能往大失。」

約沙法薨，與列祖同葬於大關之邑。子約蘭繼位。約蘭弟亞薩哩亞、耶歇、撒加利亞、亞薩哩亞、米加勒，示法提亞，皆約沙法王庶子。其父存日，厚賜以金銀寶物，使往猶大諸邑。約蘭乃其長子，故以國祚賜之。約蘭繼父位，其國鞏固，殺戮諸弟，及以色列諸伯。○約蘭年三十有二卽位，都耶路撒冷。凡八年，及娶以色列王亞哈女爲后，則效其家之所爲，行惡於耶和華前。耶和華昔與大關約，俾歷代有光，故大關之家不殲滅。當時以東人叛，猶大立王治理，以東人環攻約蘭，及其軍長，約蘭率羣伯車輛，夤夜擊之。約蘭既背列祖之上帝耶和華，故以東人叛，猶大迄今

尙未臣服，立拿人亦叛，約蘭在猶大山築崇坵，威迫猶大族，耶路撒冷民縱欲服事偶像。○或以先知以利亞書陳於王，書畧曰：爾祖大闢之上帝耶和華云：因爾不從猶大王亞撒及父約沙法之道，乃效以色列列王尤，使猶大族耶路撒冷民，徇私欲拜偶像，與亞哈家無異，亦因爾殺愈己之昆弟，故耶和華必降災於爾民及爾妻孥，與凡所有，使爾患腸疾，腸墜日劇。○耶和華使非利士人與附古實之亞喇伯人攻約蘭，侵猶大地，劫王宮貨財，擄其妻孥，惟季子約哈斯或曰亞哈謝得免。嗣後耶和華擊約蘭，患腸疾，醫不能治，越二年腸墜，病劇而薨。前王沒百姓焚香，至此無聞焉。約蘭年三十，有二卽位都耶路撒冷，凡八載，死之日，民無慕之者，葬於大闢邑，不在列王之墓。

昔亞喇伯人軍攻猶大營，約蘭諸長子爲亂軍所殺，耶路撒冷民奉其季子亞哈謝繼位。暗利女孫亞大利所出也。年四十，有二卽位，攷列王紀畧卽位之時，年二十，有二都耶路撒冷，惟一年從母言，行不義，效亞哈家尤。父沒，輕信母族，行惡於耶和華前，自取其戾。借以色列王亞哈子約藍往基列之喇末，與亞蘭王哈泄戰，約藍爲亞蘭人所敗，被傷，歸耶斯烈，求醫，時猶大王約蘭子亞薩哩亞或曰亞哈謝至彼問疾，亞哈謝之見約藍而遇害，乃上帝所命，相見時，則偕約藍往迓寧，示子耶戶，昔耶和華所沐以膏，使滅亞哈全家者，其時耶戶罰亞哈家，遇猶大諸伯與亞哈謝之猶子僕從，而殺之。亞哈謝匿於撒馬利亞人索而獲之，解至耶戶所而殺焉。念昔約沙法一心崇耶和華，亞哈謝實爲其子，故葬之。亞哈謝子弱，不得立，其母亞大利見子已沒，收猶大

宗室殺之殆盡。約蘭王女約示巴下嫁於祭司耶何耶大亞哈謝之妹也。取亞哈謝子約轄與其乳媪藏於寢室，以避亞大利。恐與衆王子同罹患難。匿約轄於上帝殿。歷六年。亞大利統轄斯土。越七年。耶何耶大志存恢復，與百夫長耶羅罕子亞薩哩亞約哈難子以實馬利阿伯子亞薩哩亞亞大雅子馬西雅色哩子以利沙法約普告猶大諸邑。集利未人與以色列族中最著者。至耶路撒冷。會衆在上帝殿與王約祭司告衆曰。王子當繼位。應耶和華許大關子孫之言。值安息日。爾曹祭司及利未人入此者。當以三分之一司闕。三分之一守王子室。三分之一在蘇耳門。民必在耶和華殿院。惟祭司與供役之利未人潔己可入耶和華殿。其餘不入。民必扞衛耶和華殿。利未人各執器械環侍王子。出入擁護。凡越班而入者。殺無赦。利未人與猶大族。遵祭司耶何耶大命。安息日當入者。入當出者。亦留不歸。祭司取上帝殿所藏大關之干戈。子諸百夫長。使民各執器械。立於王子四旁。自殿左至殿右。環祭壇及聖所。遂扶王子出。戴王冕。執律法之書。立爲王。耶何耶大及其子沐之以膏。曰。願王千歲。亞大利聞百姓踴躍歡呼之聲。則至耶和華殿。民所叢集之處。見王立於臺及門。又見羣臣與吹角者侍於王側。鳴角謳歌。操樂器。斯土之民歡然欣喜。乃裂其衣。呼曰。爾黨其謀叛乎。爾黨其謀叛乎。祭司耶何耶大命諸統轄軍旅之百夫長曰。在耶和華殿勿殺是婦。當曳出班列之外。有從之者。殺無赦。遂曳婦出。至王宮之馬道。而殺焉。耶何耶大與王及民約。使民爲耶和華民。民往雙巴力殿。擢其祭壇。破其偶像。殺其祭司。馬坦於壇前。昔大關立利未人及祭司之班列。在耶和華殿。欣喜謳歌。燔祭循摩西例。今耶何耶大

而爲之，使關人守殿門，不潔者不許入。自率百夫長，有能之士，方伯及國人，衛王自耶和華殿，由崇門入王宮，以踐國位。亞大利既殺民咸欣喜，共享平康。

約轄行善於耶和華前。耶何耶大爲之娶二妻，誕育子女。約轄欲修葺耶和華殿，召祭司大存日，約轄行善於耶和華前。耶何耶大爲之娶二妻，誕育子女。約轄欲修葺耶和華殿，召祭司利未人曰：「遍猶大諸邑，以色列族歲必捐金，修葺上帝之殿，務期速成。利未人獨不亟。」王召祭司長耶何耶大，告之曰：「昔耶和華僕摩西使以色列族爲法幕之用，獻金曷不使利未人取猶大族耶路撒冷民所獻之金，以循此例？」初亞大利不道，率子弟毀上帝殿，以所獻耶和華之物奉巴力。至是王命作匱，置耶和華殿門外，告猶大族。耶路撒冷民當奉耶和華金，循上帝僕摩西在野所命，以色列族之例。民長與衆欣喜，納金盈匱。利未人見金已多，昇匱入王所。王之繕寫與祭司長之吏，領取其金，以匱復其所。日恒如此，積金無算。王與耶何耶大以金予統轄耶和華殿之工師，俾與修殿之木工、土工、鐵工、銅工，諸工興作。上帝之殿修葺完固，厥功告成。以餘金反王及耶何耶大爲耶和華殿作器皿，以供役事。爰及燔祭，卽匙與金銀諸器。耶何耶大存日，在耶和華殿，恒獻燔祭。耶何耶大有三十餘壽，高年邁而得考終。彼於以色列族中事上帝，修殿宇，行百善，故葬於大關邑，列王之墓。耶何耶大既沒，猶大諸伯拜請於王前，王從之，遂棄列祖之上帝耶和華殿奉事偶像於上。上帝震怒，降災於猶大族。耶路撒冷民，上帝遣先知訓迪民人，歸耶和華弗聽。祭司耶何耶大子撒加利亞，感上帝之神，當衆前言曰：「上帝云：爾違耶和華命，曷故爾必不亨。」



通爾棄耶和華耶和華亦棄爾民聽王命謀害祭司於耶和華殿院石擊之約轄王忘祭司耶何耶大保育之恩殺其子臨死呼曰願耶和華垂顧伸冤○歲暮亞蘭軍攻約轄至猶大耶路撒冷殺諸民長取其貨財遣使資至大馬色王亞蘭軍雖寡因猶大族遺列祖之上帝故耶和華付其衆於敵手以罰約轄亞蘭人擊約轄傷重而去約轄臣僕叛黨爲祭司耶何耶大子復仇弑之於牀葬於大關邑不在列王墓叛黨者亞捫婦示米押子撒八摩押婦伸勒子約薩八約轄及其子之事實與命民所輸之金修葺殿宇備載於列王紀畧其子亞馬謝繼位

耶和華前雖行善而心不誠國既鞏固則討弑父之臣僕置諸法弗及其嗣循摩西律例所載耶和華命云不可因子殺父因父殺子各任其罪以就戮亞馬謝召猶大通族按其世系立千夫長百夫長核猶大便雅憫二族民數自二十歲以上勇敢之士能執干戈効力戎行者三十萬人以金十五萬賜以色列族得壯士十萬有上帝之僕覲王曰以色列族以法蓮之後不蒙耶和華祐其軍旅毋令與爾偕往如爾獨往以戰可壯乃志如與彼偕上帝將使爾敗北蓋勝敗悉由上帝亞馬謝告上帝僕曰我已資金十五萬犒以色列軍矣將若何曰耶和華倍賜爾固易易也以法蓮軍爲亞馬謝遣歸甚怒猶大族而返其國亞馬謝志強氣壯率民至鹽谷與西耳山人戰斬首萬級猶大族俘萬人引至巖巔推下殺之以法蓮軍亞馬謝不許同往而遣之歸道由撒馬利亞及伯利倫攻猶大邑鄉擊三千人所獲輜重不可勝計亞馬謝既殺以東人凱旋載西耳族之上

帝像以歸，焚香崇拜，尊若上帝。耶和華震怒，遣先知告亞馬謝曰：爾戮異邦人，其上帝猶不能援手，爾反崇之曷故？言時，王阻之曰：爾非言官，諫我奚爲，獨不畏罪乎？先知不敢復諫，曰：爾弗聽從，我知上帝必敗爾。猶大王亞馬謝與羣臣謀，遣使至以色列王耶戶之孫約哈斯子約轄，曰：汝來以決一戰，以色列王約轄曰：利巴嫩有荆棘，謂柏香木云，當以爾女妻我子，猝有獸過荆棘爲其蹂躪，今王既擊以東人，中心驕奢，深居九重，亦可已矣。何爲自取其禍，欲與猶大族偕亡？亞馬謝之弗聽，皆出上帝意，因彼宗事以東人上帝，將使彼爲敵所敗。以色列王約轄至猶大之伯示麥，與亞馬謝戰，猶大爲以色列所敗，遁歸故土。以色列王約轄在伯示麥，執猶大王約哈斯孫約轄子亞馬謝，往耶路撒冷，墮其都城，自以法蓮門至邑隅之門，共四十丈。上帝室中，阿別以東所守之金銀器皿及王宮寶物，盡爲所取，亦虜其人爲質，歸撒馬利亞。○以色列王約哈斯子約轄既薨，猶大王約轄子亞馬謝尙越十五年而終，其始未備載於猶大以色列列王紀畧。亞馬謝季年，違逆耶和華，耶路撒冷謀叛，王遁於拉吉，叛黨遣人至拉吉弑之，負尸於馬，歸猶大邑，與列祖同葬。

烏西亞

耶路撒冷

婦歌利亞

所出也

年十有六

猶大民衆

立之爲王

繼父亞馬謝

位都耶路撒冷

凡五十二年

亞馬謝既薨

烏西亞復建

以祿使歸猶大統轄

行善於耶和華前

於父亞馬謝所爲，是則是效，當先見者撒加利亞存日，烏西亞宗事耶和華，上帝使之無不亨通，往攻非利士人，墮迦特，押尼亞實突三邑之城，在非利士人亞實突地，別建城垣，上帝祐之，攻非利

士人姑耳巴力之亞喇伯人與米戶寧族烏西亞其國鞏固名播埃及亞捫人納貢烏西亞在耶路撒冷城隅之門與谷門及城隅築成樓封守慎固烏西亞牧羣畜於平原故築成樓多掘井又務農事山巔良田有農夫以耕之葡萄園有場師以治之烏西亞簡閱軍旅以備戎行繕寫耶葉族長馬匹雅檢軍數以使臣哈拿尼統理之傑士二千六百人皆族中最著者所帥軍旅三十萬七千五百人能折衝禦侮以敵王愾烏西亞備干戈甲冑弓與發石之繩在耶路撒冷使工匠作機置敵樓邑隅以發矢石蒙上帝眷佑日以強盛威振四方國強心驕以召禍患干上帝耶和華命入殿焚香於壇祭司長亞薩哩亞與以利華祭司八十人素稱傑士從王入殿諫曰凡焚香於耶和華前者惟亞倫子孫爲祭司則可非爾所得與焉今爾干大典入聖所上帝耶和華必不加榮爾宜速退王於殿間壇側祭司之前執鼎焚香聞諫而怒額忽患癩祭司長亞薩哩亞與衆祭司望見王額患癩遂驅之出王亦速出知爲耶和華所擊王既患癩終身不治異室獨處不得入殿其子約坦理王家鞠兆民烏西亞事實自始迄終備載於亞麼士子先知以賽亞書烏西亞薨因其患癩葬於列王塚側之田子約坦繼位

約坦乃撒督女耶魯沙所出年二十有五卽位都耶路撒冷凡十六年行善於耶和華前於父烏西亞所爲是則是效耶和華之殿不敢擅入斯民仍行邪僻約坦建耶和華殿之崇門築垣山岡於猶大之山巖林麓間築城垣建衛所置成樓戰勝亞捫王之年亞捫族貢金十五萬小麥麩麥各六十萬斗二年三年亦若是約坦遵其上帝耶和華之路日以強盛約坦事實及

其戰功備載於以色列猶大列王紀畧年二十有五卽位都耶路撒冷歷十六年約坦堯葬於大  
鬪邑子亞哈士繼位。

亞哈士年二十卽位都耶路撒冷歷十六年不行善於耶和華前不繩厥祖大關之  
武從以色列列王所爲鑄偶像奉事巴力昔異邦族類行可惡之事耶和華爲以色列逐之今亞  
哈士亦效其尤在便欣嫩谷焚獻子女獻祭焚香於崇壇在高岡之巔茂林之下上帝耶和華使  
亞蘭王擊敗之虜衆至大馬色後又使以色列王擊之戮民無數猶大族棄列祖之上帝耶和華  
故哩馬利子比迦於一日間殺其壯士十二萬人以法蓮之僕土色哩弑王子馬西雅王之家宰  
押利甘二王以利迦拿以色列族擄同宗與其妻孥二十萬人得輜重甚多歸撒馬利亞軍旅  
旋時耶和華之先知阿特出牙告之曰列祖之上帝怒猶大俾爾克之乃爾怒氣冲霄殺戮不已  
欲執猶大族耶路撒冷民爲奴婢豈不獲罪爾之上帝耶和華宜聽我言反其同宗不然必于耶  
和華震怒以法蓮族長約哈難子亞薩哩亞米實利末子比哩家沙龍子耶黑迦哈來子亞馬撒  
拒凱旋之軍士曰勿以所俘入邑我曾于耶和華震怒今若此是益我罪也武士遂於民長會衆  
前縱俘囚棄輜重亞薩哩亞等悉取之裸者賜以衣履供以飲食沐以膏油弱者乘以驢導至褒  
城卽耶利哥見其同宗然後返○亞哈士求助於亞述王蓋以東人復擊猶大擄其民人非利士  
人侵猶大南平原之邑陷伯示麥亞耶倫其得落說哥亭納金鎖及鄉里據其地而居之亞哈士  
違逆耶和華使猶大族效已故耶和華降災猶大亞述王滴勝比利斯旣至加以困苦不爲援手

亞哈士以耶和華殿、王宮、宦室之物、悉賂亞述王、猶不之助、患難之際、亞哈士王愈犯耶和華、祭大馬色之上帝、彼以爲亞蘭列王之上帝、助亞蘭王以陷我、我亦獻祭、望其助我、是自取罪戾、害及以色列族衆、亞哈士集上帝殿之器皿、毀之、閉塞殿門、在耶路撒冷、隨在築祭壇、在猶大諸邑、築崇壇、焚香奉事他上帝、千列祖之上帝、耶和華震怒、亞哈士始末、備載於猶大以色列列王之紀畧、亞哈士薨、葬於耶路撒冷邑、不葬於列王之墓、子希西家繼位。

希西家乃撒加利亞女亞庇雅所出、年二十有五卽位、都耶路撒冷、凡二十九年、行善於耶和華前、於祖大關所爲、是則效、元年正月、啟耶和華殿門、加以修葺、導利未人及祭司入、集於東院、告之曰、利未人宜聽我言、爾當潔己、列祖上帝耶和華之殿、亦宜潔、去聖所之污穢、蓋我諸父曾犯罪作惡、於我上帝耶和華前、不敬聖室、塞其廡門、滅其明燈、不在聖所焚香燔祭、奉事以色列族之上帝、耶和華降災於猶大族、耶路撒冷民、俾其困苦、人見之駭異、作怨憤之聲、今日之事爲證、我諸父見殺、妻孥被虜、悉由此起、我欲與以色列族之上帝耶和華約、望息震怒、我國之赤子、毋怠荒、蓋耶和華遴選爾曹、使立於前、供役焚香、利未人哥轄族亞馬賽子馬轄、亞薩哩亞子約耳、米喇哩族押底子基士、耶哈利勒子亞薩哩亞、革順族心馬子約亞、約亞子埃田、以利撒反子申哩、耶葉亞薩子撒加利亞、馬但尼、希慢子耶歇、示每、耶士頓子示罵雅烏泄、咸至、集其同儕、各潔其身、肅清殿宇、循王所傳耶和華之命、祭司入耶和華殿、灑掃成潔、凡不潔之物、出置於院、利未人投諸汲淪溪、正月朔潔殿八日、次殿廡亦八日、凡十有六日、其事告竣、覲希西

家王告之曰、耶和華殿燔祭之壇、陳餅之几、與其器皿、我俱潔之。昔亞哈士王犯罪、所棄器皿、我已滌理、置諸壇前。希西家王夙興、召邑中諸長、詣耶和華殿、牽犢七、牡綿羊七、綿羊羔七、牡山羊七、爲猶大民、及不敬聖室者、獻贖罪祭。惟亞倫子孫、咸爲祭司、故命彼獻於耶和華壇。祭司宰犢、灑血於壇。宰牡綿羊、與綿羊羔、亦如之。牡山羊、爲贖罪之祭。人牽之至、王與會衆、按手其上。祭司宰羊、獻血爲以色列族贖罪。若燔祭贖罪祭、乃王命爲以色列族衆而獻者。王使利未人、敲鈸鳴琴、鼓瑟於耶和華殿、循大關及所倚重之先見者、伽得、先知拿單、傳耶和華命。利未人執大關、樂器、祭司執角而立。希西家命獻燔於壇。始獻之際、吹角謳歌、頌讚耶和華。間以以色列王大關之樂器、謳歌者謳歌、吹角者吹角。會衆崇拜、至於卒祭。祭畢、王率左右、俯伏崇拜。希西家王與羣伯、使利未人誦大關及先見者、亞薩之詞、頌讚耶和華、欣喜謳歌、俯伏再拜。希西家曰、祭司奉事耶和華、既有專司、凡爾有衆、可前攜祭品、及酬恩祭。入耶和華殿、會衆遂攜祭品、及酬恩祭。樂輸者亦獻燔祭。會衆所燔之祭、卽牛七十、牡綿羊一百、綿羊羔二百、俱獻耶和華爲燔祭。所獻祭品、牛六百、羊三千。祭司甚寡、剝燔祭之皮、弗遑暇、及其同儕、利未人助之。迨他祭司自潔、以竣厥事、蓋利未人黽勉以潔己、較諸祭司、其誠過之。燔祭甚多、酬恩祭之脂、灌奠之酒、如其數。於是耶和華殿之役事、均備。上帝感動其民、民奉行維速。希西家與民偕樂。

希西家召以色列猶大二族、復致書以法蓮馬拿西二支派、使至耶路撒冷、詣耶和華殿、守逾越節、奉事以色列族之上帝耶和華。正月祭司未得成潔、民未咸至、耶路撒冷不能守此

禮故王與羣伯及耶路撒冷會衆議於二月守逾越節王與會衆以爲善年久民未循例守禮故立志普告以色列族自但及別是巴使咸至耶路撒冷守逾越節奉事以色列族之上帝耶和華王與羣伯使趨承者致書遍以色列猶大二族曰以色列族當歸亞伯拉罕以撒以色列之上帝凡不見害於亞述列王之遺民者必蒙耶和華祐爾父兄違列祖之上帝耶和華故見殲滅今日之事爲證爾勿效尤毋強爾項濟乃父之惡宜從耶和華彼之聖室業已成潔歷世弗替爾當入之役事爾之上帝耶和華則其震怒可息爾之上帝耶和華仁慈矜憫如爾歸之必不棄爾卽爾見虜之子弟亦蒙矜憫得反斯土趨承者遍行以法蓮馬拿西諸邑延及西布倫爲人訕笑亞設馬拿西西布倫中有數人卑以自牧詣耶路撒冷在猶大地上帝使民一心遵從王與羣伯所傳耶和華命○二月會衆至耶路撒冷守無酵節不可勝數在耶路撒冷獻祭之壇焚香之壇民去之投於汲淪溪惟耶和華之壇存焉二月十四日人宰逾越節羔祭司及利未人深以爲恥自潔其身攜燔祭入耶和華殿各立其所循常例遵上帝僕摩西律例利未人畀血於祭司祭司灑之會中之人未潔者衆弗敢宰逾越節羔利未人代宰則於耶和華前可爲潔以法蓮馬拿西以薩迦西布倫所至民衆未潔其體守逾越節不循常例希西家禱曰如人崇列祖之上帝耶和華惟一其心雖不潔已循聖所之例耶和華無不善願蒙赦宥耶和華允所祈悉赦之凡以色列民詣耶路撒冷者守無酵節七日欣喜利未人及祭司日操樂器頌讚耶和華利未人以耶和華道訓迪民人希西家勞之歷七日衆會享盛饌獻祭以酬恩於列祖之上帝耶和華前自陳其過會衆

咸議更守七日無不樂從猶大王希西家賜會衆牛一千羊七千諸伯賜會衆牛一千羊一萬祭司潔齊者甚衆祭司利未人猶大會衆來自以色列地之會衆旅於二族之賓旅欣喜不勝自以色列王大闢子所羅門時至於今日在耶路撒冷未有若此之樂也祭司利未人爲民祝嘏聲聞於上及於聖殿明宮

○三十一 耶路撒冷之事既畢以色列衆往猶大便雅憫以法蓮馬拿西諸邑毀偶像伐林木廢崇壇拆祭壇滅之務盡然後歸希西家定三十一 祭司之班列各循其職使之獻燔及酬恩祭在殿門頌讚耶和華供其役事王發內帑爲朝夕之燔祭及安息日月朔節期之燔祭循耶和華律例所載命耶路撒冷民以利未人祭司所應得之物賜之俾其盡心從耶和華律例渙汗既頌以色列族以始成之土產或穀或酒或蜜爲薦新之舉復以所有什取一以獻不可勝數猶大民及旅其地之以色列族各牽牛羊什獻其一所當供其上帝耶和華之聖物亦十輸其一積之成邱自三月積至七月希西家與羣伯入見物成邱頌耶和華爲以色列民祝嘏問祭司利未人曰何從積之若邱如此耶撒督族祭司長亞薩哩亞對曰耶和華錫嘏於民民獻禮物於殿我儕食有贏餘此特其餘耳希西家使蕘除殿中別室民從之中心誠恪取所獻之禮物所輸之什一藏其中利未人哥挪尼綜理之其弟示每爲副其下有耶歇亞撒西拿哈亞撒黑耶哩末約撒八以列益馬基馬轄庇拿雅俱遵王命佐理惟亞薩哩亞上帝殿凡獻物於上帝耶和華則其物稱爲至聖司東門者利未人音拿子可喇掌之頌諸同宗其次埃田米拿民耶書亞示屬雅亞馬哩示迦尼



在祭司邑循其班列，頒於同儕，自尊逮卑，出乎均平。凡男子自三歲以上，入耶和華殿者，按其譜系，循其班列，日給所需，俾供役事。祭司依其世系，利未人依其班列，自二十歲以上，爰及妻孥，凡在會中潔己者，當以所獻之物頒之，一以均平爲本。亞倫子孫，咸爲祭司，居於邑郊，其登籍之丁男，皆以所應得之物頒之。利未人按其譜系，頒亦如之。希西家在猶大全地，悉循斯例，行善於耶和華前，真實無妄。在上帝殿供役事，遵律例，守禁令，崇上帝，皆誠心爲之，爰得福祉。

厥後亞述王西拿基立，侵猶大圍諸城，將陷希西家，知其將至，欲攻耶路撒冷，則與羣伯傑士議，堙邑外水源，羣衆助之，遂悉力塞泉源，絕汲道，意謂亞述王至，必不得水。王盡其力，復建邑垣，高與戍樓等，環以郭，在大關邑，修葺米羅，多備干戈，使武士長治民，召衆至邑門之衢，以善言慰之，曰：「強乃志，壯乃心。」亞述王率軍旅以來，毋懼，蓋助我者，較助彼者衆，助彼者人之股肱，助我戰者上帝耶和華也。民信猶大王希西家言。○亞述王西拿基立率軍旅攻拉吉，遣使臣告猶大王希西家，與耶路撒冷民。猶大族曰：「亞述王西拿基立云：『爾居耶路撒冷城，果誰恃？希西家許爾上帝耶和華，必拯爾於亞述王手，豈非誘爾饑渴而死？何希西家廢彼崇壇，去彼祭壇，命猶大族耶路撒冷民，惟在一壇崇拜焚香？我與列祖滅四方民，爾豈不知乎？列邦之上帝，豈能救其國，脫於我手乎？我列祖殲滅四國，其中皆有上帝，孰一能救其民於我手，則爾上帝，焉能援爾於我手，勿爲希西家所惑，而信其言。』」蓋列邦之上帝，無能拯其民於我祖及我之手，則爾上帝，必不能援爾於我手。使臣復訕上帝耶和華，及其僕希西家，致書侮以色列族之上帝耶和華，訕之。

曰列邦之上帝，不拯其國，脫於我手，故希西家之上帝，亦不能救其民，脫於我手。亞述王之使臣，用猶大方言，大聲呼耶路撒冷城上之民，使之恐懼，穀，以陷其城。耶路撒冷之上帝，與訕人手所作列邦之上帝無異。希西家王亞摩士子先知以賽亞呼天祈禱，耶和華遣使至亞述王營，壘滅諸勁旅，與武士長，亞述王恥之，遣歸故土，入其上帝殿，爲子所弑。於是耶和華拯希西家及耶路撒冷民，脫於亞述王西拿基立手，隨在護之，脫於諸敵。衆至耶路撒冷，獻禮於耶和華，納貢於猶大王，自後希西家昌大於列邦。○希西家患病瀕死，禱耶和華，蒙其啟示，施行異蹟。希西家不酬斯恩，中心驕泰，於是干上帝震怒，降災於猶大族。耶路撒冷民，嗣後希西家及耶路撒冷民，汰其驕心，卑以自牧，故希西家存日，耶和華不降以災。○希西家多得貨財，極其尊榮，建府庫，藏金銀寶石，芬芳之品，金盾珍器，亦作倉廩，藏百穀，油，酒，建廐，畜牲，建牢畜羣羊，蒙上帝錫財無算，故建邑垣，畜牛羊，不計其數。壅其訓，上流之泉，導至大關城西，凡所作者，無不亨通。巴比倫王使臣既至，詢問斯土異蹟，時上帝暫不祐希西家，以試其心。希西家事實及其善行，備載於亞摩士子先知以賽亞書，及猶大以色列列王之紀畧。希西家薨，葬於大關後裔之高陵，猶大族，耶路撒冷民，俱尊之子馬拿西繼位。

馬拿西年十有二卽位，都耶路撒冷，凡五十五年。昔異邦人行可惡之事，耶和華使以色列族逐之，馬拿西行惡於耶和華前，而效其尤。厥父希西家會毀崇壇，馬拿西築之，且築祭壇，立偶像，服事巴力，崇拜天象，昔耶和華曰，耶路撒冷必爲顯我名之所，永世勿替，而馬拿西在

耶和華殿之二院築壇奉事天象在便欣嫩谷焚獻其子亦用術數卜筮從巫覡憑卜神於耶和華前多行不義千厥震怒昔上帝諭大關及其子所羅門曰在以色列族支派中簡耶路撒冷創造殿宇爲顯我名之所歷世勿替如以色列族恪守我命循我僕摩西所傳之律例禁令法度我不使之復行遷徙離我所錫列祖之地然上帝雖有是命而馬拿西竟作亞大綠像置於殿間誘猶大族耶路撒冷民作惡較耶和華使以色列族所滅之異邦人尤甚耶和華諭馬拿西及其民不聽故使亞述王軍長攻之執馬拿西繫以鐵索解至巴比倫馬拿西於患難中自怨自艾禱列祖之上帝耶和華耶和華允所祈復其國祚俾仍都於耶路撒冷自是馬拿西知耶和華誠爲上帝後在大關城外谷內其訓河西築垣高峻延至魚門包其岡巒使軍士長戍猶大諸邑山岡有耶和華殿昔馬拿西築壇其中在耶路撒冷亦然又於殿中立異邦之上帝造偶像今悉去之邑外復築祭壇奉事耶和華獻酬恩之祭於上頌讚上帝諭猶大人奉事以色列族之上帝耶和華民雖奉其上帝耶和華誤獻祭於崇壇馬拿西事實備載於以色列列王紀畧其所禱上帝之言與先見者奉以色列族上帝耶和華命亦附斯書馬拿西有所祈上帝允之末自卑之前所犯罪愆所築崇壇所奉偶像載於何賽之書特詳○馬拿西薨葬於內園子亞門繼位亞門年二十二卽位都耶路撒冷凡二年行惡於耶和華前效父初年所爲凡父所作之偶像亞門祭祀崇事之其父後能於耶和華前革其非心亞門不然犯罪愈重臣僕謀叛弑之於宮民討叛黨置諸法扶王子約西亞繼位

約西亞卽位年僅八齡都耶路撒冷凡三十一年行善於耶和華前繩厥祖大關之武無偏無頗八年王尙幼冲崇事其祖大關之上帝十二年在猶大國耶路撒冷邑廢諸崇坵伐諸林木毀諸偶像王使人毀巴力壇日像高懸於側王斫之伐林木擣偶像成粉揚於祭偶者之塚昔有祭司獻祭於斯壇王焚其骨於上於是猶大國耶路撒冷邑成潔在馬拿西以法蓮西面諸邑延及納大利毀諸淫祠於是以色列全地毀祭壇伐林木擣偶像成粉乃歸耶路撒冷十八年土地與殿宇均潔王遣亞薩利子沙番邑宰馬西雅繕寫約哈斯子約亞修葺殿宇昔司閽之利未人取金於馬拿西族以法蓮族以色列遺民猶大族便雅憫族耶路撒冷邑置於上帝殿沙番等以金饋祭司長希勒家子統轄耶和華殿之工師俾分與修葺殿之百工先是諸室棟梁爲猶大王所毀今以金字版築鑿石諸工俾購材雕石悉加修葺操作者秉性誠實利未人米喇哩族雅哈阿巴底爲督役長哥轄族撒加利亞米書蘭與他利未人能操樂器催督百工爲負荷者工作者之長利未人或繕寫或督役或司閽取耶和華殿所貯之金時祭司希勒家忽得摩西所傳耶和華律例之書告繕寫沙番曰我在耶和華殿得律例之書乃以書授沙番沙番以書奉王復於王曰王命會計殿中所貯之金與統轄百工者臣僕悉惟命是遵又曰祭司希勒家以書授我遂誦書於王前王聞律例所言自裂其衣命希勒家沙番子亞希甘米迦子押頓或曰亞繕寫沙番近臣亞帥亞曰我得斯書不明厥旨爾曹往哉爲我及猶大以色列之遺民諮諏耶和華蓋我列祖未從此書所言于耶和華震怒希勒家與王使臣咸至耶路撒冷之米士尼見掌禮服者轄

哈孫特法子沙龍妻先知婦戶勒大與之語婦曰以色列之上帝耶和華云當告遣爾者爾曾於猶大王前諷誦此書其中有譴責之詞我必降災斯土爰及民人以踐是言因猶大族棄我焚香奉事他上帝所爲于我震怒故我降災靡有已時猶大王遣爾諮諏於我爾當告之以色列族之上帝耶和華云爾聞斯言知我譴責斯邑爰及民人爾則中心畏懼自怨自艾裂衣泣哭於我前我允爾祈必使爾平康歸墓然後降災斯邑弗使爾目覩焉使者反命王遣人召猶大耶路撒冷長老及其兆民祭司利未人由尊逮卑王入耶和華殿誦殿中所得之約書俾民咸聞王立於臺上與耶和華約一心一意宗事耶和華守其禁令法度禮儀遵約書所載使耶路撒冷民便雅憫族無不聽從咸遵列祖上帝之約以色列地四方所臣服之列邦奉可惡之物約西亞廢之教民奉事其上帝耶和華故其在位之時民恒事不輟

約西亞在耶路撒冷守逾越節奉事耶和華正月十四日宰逾越節羔俾祭司守職凡供役於殿者則勞之利未人潔己奉事耶和華以其道訓迪以色列人約西亞告之曰以色列王大闢子所羅門所建之殿當置聖匱於中毋庸肩負役事爾之上帝耶和華輔翼以色列民爾當自備按爾譜系循爾班列遵以色列王大闢及其子所羅門命凡利未族可依同儕以色列之支派立於聖所宰逾越節羔自潔其身使爾同宗咸潔遵耶和華所諭摩西之命約西亞以己之山羊綿羊羔三萬犢三千頒錫兆民爲逾越節禮諸伯樂輸以牲牲頒祭司利未人及國之億兆治理殿者希勒家撒加利亞耶歇頒祭司以逾越節羊二千六百牛三百哥挪尼示罵雅拿但業

及同宗利未族長哈沙庇耶葉約撒八頒利未人以逾越節羊五千牛五百禮物均備祭司立於其所利未人循其班列俱遵王命宰逾越節羔利未人剝皮男血於祭司祭司灑之遂取燔祭之牛羊按民世系以匪頒之俾獻耶和華循摩西書所載爰逾越節羔循其常例其餘牲牲烹於釜甑鼎鑊卽頒於衆祭司務獻燔祭及脂至於薄暮故利未人烹肉爲己亦爲亞倫子孫咸作祭司者供其飲食亞薩子孫職謳歌立於其次循大闢與奉王命爲先見者耶士頓及亞薩希慢所諭司闢恒在門故同宗利未人爲之烹肉是日獻逾越節羔燔祭於壇奉事耶和華遵王約西亞命以色列族守逾越節及無酵節歷七日自先知撒母耳時迄於今日以色列族列王未守逾越節若約西亞祭司利未人猶大以色列二族耶路撒冷民所守者約西亞十八年守逾越節○約西亞既潔殿宇埃及王尼哥往百辣河攻迦基密約西亞禦之尼哥遣使告約西亞曰我與猶大王何與我不攻爾乃攻我敵上帝命我亟行我蒙上帝祐爾勿攻我恐自取戾尼哥傳上帝命約西亞弗聽微服往米吉多谷與尼哥戰矢人射之王告其僕曰我受重傷盍扶我歸臣僕扶之出於所乘之車易以次輅載至耶路撒冷而薨葬於列祖之墓猶大族耶路撒冷民傷之耶利米緣約西亞故作誄詞凡謳歌男女吟及誄詞必言約西亞事在以色列地以此爲常例其事俱載誄詞中約西亞事實及其善行循耶和華律例所命自始及終備載於以色列猶大列王之紀畧

國<sub>三</sub>人立約西亞子約哈斯俾繼國祚年二十三卽位都耶路撒冷僅三月埃及王尼哥廢之責民貢銀十五萬兩金一千五百兩放王於埃及立其弟以利亞金治猶大耶路撒冷易

名曰約雅金。年二十有五卽位。都耶路撒冷。凡十一年。行惡於上帝。耶和華前。巴比倫王尼布甲尼撒攻之。繫以鐵索。解至巴比倫。取耶和華殿之器皿。徙至國中。置於其殿。約雅金事實。及其所爲不道。備載於以色列猶大列王之紀畧。子約雅斤繼位。年僅八齡卽位。都耶路撒冷。凡十旬。行惡於耶和華前。歲暮。尼布甲尼撒王遣使臣。取王至巴比倫。虜耶和華殿之珍器。立約雅斤叔西底家。治猶大耶路撒冷。年二十有一卽位。都耶路撒冷。凡十一年。行惡於上帝。耶和華前。先知耶利米雖諭以耶和華命。猶不痛自怨艾。尼布甲尼撒王使之指上帝而誓。永不離叛。王猶強項不馴。剛愎乃心。不歸以色列族之上帝。耶和華更背尼布甲尼撒王。衆祭司長與兆民。效尤異邦。多蹈罪愆。在耶路撒冷。耶和華之殿業已肅清。復污穢之。其列祖之上帝。耶和華。矜憫其民。視其殿爲貴重。數遣使訓誨之。彼譏上帝之使。藐視其命。侮其先知。于耶和華震怒。不復援手。使迦勒底王至。在聖室中。戮諸壯士。凡丁男。處女者。年耄耄者。俱無所惜。見虜於敵。上帝殿中。大小器皿。以及寶物。王與諸伯珍貴之器。悉徙至巴比倫。燬上帝殿。墮耶路撒冷城。焚宮室。壞珍器。凡免殺戮者。虜至巴比倫。使爲奴婢。世供服役。迨巴西國興。於是以色列土地荒寂。若享安息。歷七十年。應耶利米所傳耶和華言。耶和華諭耶利米之預言。必應。故巴西王古列元年。耶和華感動古列之心。詔告天下。曰。巴西王古列云。天上之上帝。耶和華。以天下列國。予我。命我在猶大之耶路撒冷。建殿。以奉其名。爾乃遴選之民。誰欲建斯殿。則可往。望其上帝。耶和華。祐焉。


舊約聖書

歷代志畧下

第三十六章

四百八十二





以士喇紀

耶和華諭耶利米預言必應，故巴西國王古列元年，耶和華感古列王之心，詔告天下云：巴西王古列曰：天上上帝耶和華，以天下列國賜我，命我在猶大之耶路撒冷建殿，以奉其名。以色列之上帝耶和華，誠爲上帝，凡爾遴選之民，可往猶大之耶路撒冷，建置殿宇，願上帝祐之。猶大人所旅之地，其地之民，可助之，饋以金銀財貨，牲牲，亦可樂輸禮物，供耶路撒冷上帝之殿。於是猶大便雅憫族中最著者，與祭司利未人，及凡爲上帝所感者，咸往耶路撒冷，欲建耶和華殿。猶大人所旅之地，其人以金銀財貨，珍奇，牲牲，器皿，饋猶大人，亦樂輸禮物。昔尼布甲尼撒在耶路撒冷，遷耶和華殿之器皿，置於己上帝之殿。今巴西王古列，命司庫之吏密哩撻，攜器皿出，依其數予猶大伯設巴薩。其數如左：金盃三十，銀盃一千，刀二十九，金卮三十，銀卮之次者四百有十，其餘器皿一千，金銀器皿計五千四百。設巴薩自巴比倫，率被虜者歸耶路撒冷時，攜此器皿。

昔巴比倫王尼布甲尼撒，擄以色列族，今所羅把伯、耶書亞、尼希米、西勒亞、哩來亞、木底、改必山、密八、必歪、哩宏、巴拿，率被虜之子孫，自巴比倫歸猶大。耶路撒冷各赴故邑，其數臚列於左：巴綠族二千一百七十二人，示法提亞族三百七十二人，亞喇族七百七十五人，巴哈摩押裔、耶書亞及約押族二千八百十二人，以攔族一千二百五十四人，薩土族九百四十五人，薩改族七百六十人，巴尼族六百四十二人，比拜族六百二十三人，押甲族一千二百二十二人，亞多尼干族六百六十六人，必歪族二千有五十六人，亞丁族四百五十四人，希西家裔、亞特族九十八

人。比賽族三百二十三人。約喇族一百有十二人。哈順族二百二十三人。吉巴族九十五人。伯利恒民一百二十三人。尼陀法民五十六人。亞拿突民一百二十八人。押馬弗民四十二人。基烈亞琳。基非拉。比綠之民七百四十三人。拉馬及柳巴之民六百二十一人。默馬民一百二十二人。伯特利及埃之民二百二十三人。尼破之民五十二人。未必民一百五十六人。以攔亞哈之民一千二百五十四人。哈林之民三百二十人。律哈特阿挪之民七百二十五人。耶利哥之民三百四十五人。西拿之民三千六百三十人。祭司之數如左。耶書亞家。耶太亞族九百七十三人。音麥族一千有五十二人。巴述族一千二百四十七人。哈林族一千有十七人。利未人之數如左。何他威。亞子耶書亞及甲滅族七十四人。謳歌之數如左。亞薩族一百二十八人。司闢者之數如左。沙龍。亞特達門。亞谷。哈底大。說拜諸族共一百三十九人。殿中奔走者其數如左。西哈。哈蘇巴。答僕。其綠。西亞巴。頓利巴。拿哈迦巴。亞谷。哈甲薩買。哈難。吉特。迦哈。利亞雅。哩。汎。尼哥。大迦散。烏撒。巴西。亞比賽。押拿。米戶。寧。尼埔。心。八不。哈古。巴。哈忽。八綠。米希。大。哈沙。八谷。西西喇。他馬。尼邪。哈底巴。以上所載咸有子孫。所羅門僕從之名如左。瑣太。瑣比列。比路。大雅。拉達君。吉特。示法。提亞。哈的。破基勒。西巴音。亞米。以上所載咸有子孫。殿中奔走之人及所羅門僕從之後。其裔計三百九十二人。亦有數人自特米拉。特哈薩。基錄。押但。音麥。而至。不知譜系。或屬以色列族否。卽地來雅。多比。尼哥。大諸族。共六百五十二人。祭司同宗。有哈巴雅。哥士。巴西來之族。巴西來娶基列人。巴西來之女孫。因以巴西來之名。名己。此三家之後。其名攷之譜系不得。故人以為不潔。不許爲祭司。

牧伯曰，所獻之物，彼不可食，越至於後，有祭司與，能別烏陵土明，烏陵土明，即光輝無玷。言可食則可食，會衆計四萬二千三百六十人，其僕婢七千三百三十七人，中有男女謳歌者二百人，馬七百三十六，騾二百四十五，駝四百三十五，驢六千七百二十，族中最著者，至耶路撒冷，樂輸禮物，修葺耶和華上帝之殿，量力納庫，以畀百工，金三十六萬六千兩，銀二十五萬兩，祭司之衣百襲，於是祭司利未人謳歌者，司闈者，殿中奔走者，與以色列衆，居其故邑。

第七章 七月將屆，以色列族自諸邑，至耶路撒冷，咸集惟一，心約薩撻子耶書亞及其同宗，咸爲祭司，暨撒拉鐵子所羅把伯，及其同宗，築以色列族上帝之壇，燔祭於上，遵上帝僕摩西之律例，雖懼鄰國，仍立祭壇於其地，朝夕獻燔，奉事耶和華，守張幕節，循例獻燔，日供祭品，依其物數，後於月朔，及耶和華所定之節期，恒獻燔祭，此外凡有樂輸禮物，奉事耶和華者，亦獻之，七月朔始獻燔祭，惟耶和華殿基猶未築，畀金於木工石工，畀餼糧油膏與西頓推羅人，使運柏香木，自利巴嫩，至約帕海濱，循巴西西王古列之諭，至耶路撒冷，詣上帝殿所之，二年二月，撒拉鐵子所羅把伯，約薩撻子耶書亞，及所餘同宗祭司利未人，與被虜而歸之衆，肇造耶和華殿，使利未人，自二十歲以上，督建殿之百工，耶書亞及其子弟甲滅族，猶大族，希拿達族，與其同宗利未人，治理建殿之百工，版築者，築殿基時，耶書亞使祭司，禮服執角，利未人亞薩，族敲鈸頌讚耶和華，遵以色列王大衛之命，耶和華無不善，恒懷矜憫，祐以色列族，故更唱迭和，謳歌頌讚，衆見耶和華殿基已成，則大聲歡呼，頌讚耶和華，有數祭司，利未人，及族中最著者，耆年之士，曾見古昔之殿，今見

人置斯殿基，大聲哭泣者有人，欣然歡呼者有人民，大聲號呼，遙聞其音，故哭泣與歡呼之聲，一時不能辨。

猶大便雅憫二族之敵，聞被虜者歸而建殿，奉事以色列族之上帝耶和華，則詣所羅把伯與族中最著者曰：我宗事爾之上帝，與爾無異，自亞述王以撒哈頓使我至此迄今，祭司匪懈，故欲與爾同建斯殿。所羅把伯、耶書亞與以色列族中最著者曰：巴西王古列命我儕建殿奉事以色列族之上帝耶和華，故我當獨建之，爾曹勿與。敵國於猶大族建殿時，則阻之，使畏難而止。巴西王古列在位之日，至巴西王大利烏即位之年，敵國之民賄通議士，以敗其成。亞哈隨魯即位之時，敵人赴愬於王，訟猶大族耶路撒冷民。亞達泄西年間，必蘭密哩撻大別與其黨，上表告耶路撒冷民於巴西王亞達泄西，表用亞蘭方言。亞蘭文字。方伯哩宏繕寫伸帥及其同儕，底拿人押法薩人，大比利人，亞法西人，亞基微人，巴比倫人，蘇山人，底哈微人，以攔人，皆大臣押納闕率而遷於撒馬利亞者，與百辣河西餘民，羣奉表於亞達泄西王，其畧曰：百辣河西之臣民，奏王有猶大人，自王畿至耶路撒冷，建置邑城，築基立垣，其城素爲羣醜淵藪，若許其創建城邑，其後民不納稅輸餉，國帑日虧，臣食君祿，見民凌上，不敢不言，故遣人奏王，請稽先王典籍，則可燭其奸，斯邑之民，亂國犯上，自古迄今，多萃叛黨，故見翦滅。今敢直陳於王，如此邑復建，城垣復築，則河西之地，不復爲王有矣。王諭方伯哩宏繕寫伸帥，與其同儕，居撒馬利亞及河西餘民曰：願爾衆綏安。爾所陳之表，誦於我前，我命人考稽，悉知彼邑，自古迄今，作亂叛王。維昔英主都耶路撒

冷懾有河西四境餉稅所入盡歸諸己。今當宣播我命，止諸工作，不建邑垣，俟我再頒斯諭。免虧國帑，毋方我命，欽哉。哩宏伸帥與其同儕誦王之詔，急往耶路撒冷，強使猶大人止其工作。於是耶路撒冷建殿之事以寢，逮乎巴西王大利烏二年。

第五章 先知哈基，易多孫撒加利亞，感於神，以上帝命傳於猶大族耶路撒冷民。撒拉鐵子所羅把伯約薩撻子耶書亞，肇興工作，建殿於耶路撒冷。上帝之先知勗之。河西牧伯達乃，示達薄乃，爰及同儕，問曰：建殿築垣，伊誰所命？又曰：作此殿者，其名伊何？上帝垂顧猶大長老，不止工作，及民奏大利烏也，乃以王諭示之。河西牧伯達乃，示達薄乃，爰及同儕，亞八薩人羣奉表於大利烏王曰：願大利烏王安。茲我奏王，我往猶大，詣至尊上帝殿，見人用巨石材木，以築牆垣，工師迅作，其事亨通。我儕問長老曰：建斯室，築斯垣，伊誰所命？又問首事之人，欲錄其名以奏王。彼曰：上帝乃天地之主，我儕爲其僕，欲復爲之建殿，昔以色列族英主，建殿於此。我列祖于天上上帝之怒，故上帝使迦勒底人巴比倫王尼布甲尼撒擊之，毀斯殿，虜斯民，至巴比倫。巴比倫王古列元年，頒詔天下，使復建上帝殿。尼布甲尼撒所遷金銀器皿，自耶路撒冷上帝殿，至巴比倫殿。古列王取之，以畀所立之牧伯設巴薩，使攜至耶路撒冷，建上帝殿於其所。設巴薩至耶路撒冷，建置殿基，迄今人建斯殿，猶未告成。今請王稽巴比倫國庫，可有古列王降詔使復建耶路撒冷上帝之殿，否亦請王降詔示我。

第六章 大利烏王頒詔使稽巴比倫庫所藏之籍，在米太州押米大宮得籍，上載古列王元年降

詔詔曰，咨爾有衆，可於耶路撒冷建殿，奉事上帝，獻祭之所，宜基深址固，所建室高廣各六丈。以大石三行，材木一行，所費則取諸國帑。昔尼布甲尼撒取上帝殿中金銀器皿，自耶路撒冷遷於巴比倫，茲可復攜之，置上帝殿，仍歸其所。云云。爰命河西牧伯達乃，示達薄乃，及其同儕亞八薩人，宜自謹恪，人建上帝殿，勿行沮尼。猶大方伯，以及長老，建殿於其所許之可也。申命收河西餉稅，於其中取金，予猶大族長老，使建上帝殿，俾興作無所窒礙。彼宜用犢，牡綿羊，綿羊羔，爲燔祭，奉事天上上帝，亦用麥鹽油酒，應耶路撒冷祭司所求，爾必供給，日恒不絕。俾得獻祭，奉事天上上帝，取其馨香，爲王及王子祈禱。我頒詔天下，如違我命，則取其室之梁，木立之，懸其人於上，以其室爲廁。昔上帝簡是殿，爲顯厥名之所，或君或民，欲廢斯命，毀耶路撒冷之殿，願上帝加以翦滅，我降是詔，速行勿緩。於是河西牧伯達乃，示達薄乃，爰及同儕，遵大利烏王所命，弗敢濡滯。猶大長老，聽先知哈基，易多，孫撒加利亞，感神之言，遂建殿宇，無不亨通。遵以色列族上帝，及巴西王古列，大利烏，亞達泄西之命，迨竣厥工。大利烏王六年，亞達月三日，殿宇告成。以色列族祭司，利未人，被虜而歸者，歡然欣喜，告成厥殿。獻犢一百，牡綿羊二百，綿羊羔四百，爲落成獻祭。以色列支派十二，故獻杜山羊，亦如其數，爲衆贖罪。俾祭司利未人，循其班列，在耶路撒冷奉事上帝，遵摩西之書所載。正月十四日，被虜而歸之衆，守逾越節。祭司利未人，俱潔其身，爲己及被虜而歸者，宰逾越節羔。凡以色列族，被虜而歸之衆，及異邦人，凡去污穢，欲崇以色列族之上帝耶和華者，俱食逾越節羔。蓋耶和華感亞述王心，使助建以色列族上帝之殿，故歡然守無酵節。凡歷

七日。

家希勒家父沙龍沙龍父撒督撒督父亞希突亞希突父暗哩暗哩父亞薩哩亞亞薩哩亞父希勒喇約米喇約父西喇希西喇希父烏西烏西父布其布其父亞庇書亞庇書父非尼哈非尼哈父以利亞撒以利亞撒父祭司長亞倫以色列族上帝耶和華所傳摩西之律例選士以士喇能明厥旨既蒙上帝祐所求於王王無弗許亞達泄西七年以士喇自巴比倫詣耶路撒冷以色列族中有庶民祭司利未人謳歌者司闕者殿中奔走者咸從之往蒙上帝祐七年正月朔離巴比倫五月朔乃至耶路撒冷以士喇克誠厥心學耶和華律例謹恪遵行以法度禮儀示以色列族耶和華以誠命法度賜於以色列族選士祭司以士喇能洞明之亞達泄西王乃頒以明詔曰諸王之王亞達泄西告選士祭司以士喇能明天上上帝之律例者願爾享厥綏安我國中以色列衆祭司利未人欲往耶路撒冷者許與爾偕因爾素明上帝之律例故我謀於言官七人遣爾往猶大耶路撒冷以察斯民果克守之否耶路撒冷爲顛以色列族上帝之所我與言官樂輸金銀爾可運之至彼凡在巴比倫國億兆祭司樂輸金銀欲供耶路撒冷殿中之所需奉事上帝爾可以之市犢牡綿羊綿羊羔及所用禮物灌奠之酒獻於耶路撒冷上帝之壇所餘金銀任爾與同儕之所欲爲惟遵爾上帝命所錫器皿供役於上帝殿者爾必賚至耶路撒冷奉於上帝前若上帝殿復有所需則可取諸國帑選士祭司以士喇習天上上帝之律例我今降詔命河西府庫諸司



凡其所欲，必供給毋怠。卽彼欲銀十五萬兩，麥六千斗，酒油各六千斤，鹽不計數，爾亦必予之。天上帝所命，奉事於殿中者，必勉勉遵行，則我國家可不世遭其災。我命祭司利未人，謳歌者，司閽者，殿中奔走者，俱蠲其餉稅。命爾以士喇，憑上帝所賦之智，凡洞悉上帝律例者，簡爲士師，鞫河西之民，其未悉者，爾訓迪之。凡不遵上帝律例，及我勅命者，當服厥刑，或殛，或竄，或籍其家，或囚於獄。以士喇曰：當頌讚列祖之上帝耶和華，感動王心，修葺耶路撒冷之殿，俾我得沾王恩，言官羣伯之惠，既蒙上帝祐，我志孔強，集以色列族中最著者，與我偕往。

亞達泄西王時，族中最著者，與其同宗，離巴比倫，偕我過征，其數臚列於左。非尼哈族，革順，以大馬族，但以理，大關族，哈突，巴綠族，示迦尼，子撒加利亞，與其同宗，計丁男百五十人。巴哈摩押族，西喇希子，以利阿乃，與諸丁男二百人。示迦尼族，雅哈悉子，與諸丁男三百人。亞丁族，約拿單子，以別，與諸丁男五十人。以攔族，亞大利子，耶賽亞，與諸丁男七十人。示法提亞族，米加勒子，西巴地，與諸丁男八十人。約押族，耶歇子，阿巴底，與諸丁男二百十八人。示羅密族，約示比子，與諸丁男百有六十人。比拜族，比拜子，撒加利亞，與諸丁男二十八人。押甲族，哈甲但子，約哈難，與諸丁男百有十人。亞多尼干族，所遺者，以利非勒，耶葉，示屬雅，與諸丁男六十人。必歪族，烏太撒，不與諸丁男七十人。我以士喇於亞哈瓦河濱，招集斯衆，在彼旅幕中，凡三日，大閱庶民，稽察祭司，於其中，不見利未人，乃召以列撒亞，列示屬雅，利拿單，雅立，利拿單，拿單，撒加利亞，米書蘭，皆名著族中，及哲人，約雅立，利拿單，遣之至加西巴，見民長易多，告之，又告其同宗，殿中奔走者，

當令人至此，可於上帝殿，供其職司。蒙我上帝之佑，於以色列族，利未家，抹利裔中，得聰慧者一人，亦得示哩比與其子弟十八人，哈沙庇米喇哩族之耶賽亞與其子弟二十人。昔大闢與羣伯，使人在殿中，供奔走，輔翼利未人，今得二百二十人，其名載在方策。我在亞哈瓦河濱，俾衆禁食，在我上帝前，痛自怨艾，望我儕及子女，與凡所有，俱得坦途。昔我告王曰：凡宗事我上帝者，必蒙其祐，棄之者必干其怒。今若求王，以騎兵步卒賜我禦敵，則我必深以爲恥。故我禁食，求我上帝，蒙其應許。時我簡祭司諸長十二人，卽示哩比、哈沙庇及其同儕十人，以王與言官羣伯、以色列衆所輸之金銀器皿，供我上帝殿，權衡其數，得銀九十七萬五千兩，金銀器皿各十五萬兩。金盃二十重六千兩，銅盃二，其色光華，可比兼金。我告祭司曰：爾潔己奉事耶和華，金銀器皿爲人樂輸奉事我列祖之上帝耶和華，亦視爲潔。爾當恪守，迨於耶路撒冷。耶和華殿中祭司諸長利未人，以色列族中最著者前，再權衡之。祭司利未人收金銀器皿，運至耶路撒冷，入上帝殿。正月十二日，我離亞哈瓦河濱，欲往耶路撒冷。上帝祐我，援我於敵，及途間伏兵。遂至耶路撒冷，寓彼三日，越至四日，在上帝殿中，祭司烏利亞子米哩末、非尼哈子以利亞撒及利未人耶書亞子約撒八品內子挪亞底，權衡金銀器皿，登其數於冊。被虜者歸故土，爲以色列衆獻祭奉事上帝耶和華。牛十二，牡綿羊九十六，綿羊羔七十七，俱燔以祭。牡山羊十二，以贖罪。布王詔於王臣及河西諸伯，遂助民供殿中之所需。

第九十章 嗣後民長就我曰：斯土之民，迦南人，赫人，比哩洗人，耶布土人，亞捫人，摩押人，埃及人，亞

摩哩人俱作不善，以色列族衆祭司及利未人與居與處，則清濁不判。成聖之民與斯土之人雜處，娶其女爲妻爲媳，民長牧伯先犯此罪。我聞之不禁裂裳衣，拔鬚髮，愕然而坐。凡凜遵以色列族上帝之道者，聞被虜而歸之衆，干犯罪戾，咸來見我，我愕然而坐，越至薄暮，獻祭之時，憂心悄悄，裂衣曲跽，向天舉手禱我上帝耶和華，曰：我上帝歟！子覺赧然，不敢仰視，蓋我衆罪惡滔天，幾至滅頂。自列祖之時，迄於今日，世濟其惡，因此我與我王祭司，敗於列國之王，爲其殺戮，劫掠擄奪，蒙恥忍辱。今日之事爲證。今我上帝耶和華，暫施其恩，拯我遺民，使恒居聖所，錫我寵光，不爲人奴，保我生命。昔我爲人服役，蒙上帝不棄，使巴西王矜憫我，賜復振興，能建上帝殿，見其傾圮，重加修葺，築壇於猶大及耶路撒冷。我上帝歟！方命之罪，我不敢諉，昔爾命臣諸先知告我云：爾所欲據之地甚不潔，因斯民作不善，四境皆然，以此污穢。爾女不得適其子，爾子不得娶其女，勿與之和好，勿助其獲利，則可強盛，享其土產，世爲恒業。我之上帝歟！我罪大惡重，故罹災害，爾雖加刑，猶不及其罪，反援手以拯我。今我若違上帝命，與斯土之民通嫁娶，行不善，必于爾震怒，翦滅我儕，靡有子遺。以色列族之上帝耶和華歟！爾無不義，我衆有過，不敢推諉，然我儕得救，至今生存，可以爲證。

**第二十章** 以士喇祈禱上帝，涕泣陳過，俯伏殿前，以色列族男女和會，爰及孩提，皆大哭。以攔族、耶歇子示迦尼曰：我與異邦之民通嫁娶，實違上帝命，然以色列族雖有是行，猶可冀其赦宥。今指上帝而誓，凡娶於異邦者，必出其妻，與其所生，從我主及畏上帝者之言，循例而行。爾當理此事。

強厥志，我爲扶翼。以士喇使祭司諸長，利未人，以色列衆發誓，必從此言。衆乃發誓。以士喇離殿，入以利亞實子約哈難室，見被虜而歸之衆，干犯罪戾，中心殷憂，不食不飲。普告猶大耶路撒冷，被虜而歸者，使咸會於都城，凡不聽諸伯長老命，三日不至者，籍沒所有，驅於會外。越三日，卽九月二十日，猶大便雅憫衆，咸至耶路撒冷，坐於殿前之衢，緣犯罪愆，天降霖雨，莫不戰慄。祭司以士喇普告於衆曰：爾曹娶於異邦，以色列族之罪愆，因此愈增，故當於列祖之上帝耶和華前，自陳過失，遵從其命，絕斯土之民，去異邦之女會衆，大聲對曰：所言必行。時霖雨滂沛，不能立於外，犯法者甚衆，一二月間，難以遍察。諸會長居其次，凡諸邑娶於異邦者，偕其長老士師，屆期咸至。迨此事考覈既明，則上帝之震怒可息。亞撒黑子約拿單，特瓦子雅哈謝，剖晰此事。米書蘭及利未人，沙比太佐理，被虜而歸者，遵言而行。祭司以士喇與族中最著者，按其世系，名數於十月朔稽察此事。正月朔，凡娶於異邦者，悉考覈而出之。祭司諸子娶於異邦者，臚列於左：約薩撻子耶書亞之子弟，馬西雅，以列撒雅，立其大利，皆執手爲盟，許出其妻。既負罪戾，獻牡綿羊爲贖罪祭。又有音麥族，哈拿尼，西巴地，哈林族，馬西雅，以利亞，示罵雅，耶歇，烏西亞，巴述族，以利阿乃，馬西雅，以實馬利，拿但業，約撒八，以利亞薩，利未人，約撒八，示每，其拉雅，又名其利，大庇，大希，猶大，以列撒，謳歌者，以利亞實，司闖者，沙龍，提臉，烏利，以色列人，巴綠族，喇米，耶西亞，馬其亞，米亞民，以利亞實，馬大尼，耶哩未，薩八亞，西撒比，拜族，約哈難，哈拿尼，薩排，押賴，巴尼族，米書蘭，馬鹿亞，大

雅雅述示押喇末巴哈摩押族押拿基喇庇拿雅馬西雅馬大尼庇撒列品內馬拿西哈林族以  
列撒益示亞馬其亞示馬雅西面便雅憫馬鹿示馬利哈順族馬地乃馬達他撒八以利法列耶  
哩買馬拿西示每巴尼族馬泰暗蘭烏益庇拿雅比底雅基祿瓦尼亞米哩末以利亞實馬大尼  
馬地乃雅掃巴尼品內示每示利米拿單亞大雅馬拿底拜沙賽沙賴亞薩利示利米沙馬哩沙  
龍暗哩約瑟尼破族耶葉馬得底撒八西比拿雅道約耳庇拿雅以上所載俱娶於異邦亦有生  
育子女者。

尼希米紀

第二章 哈迦利子尼希米著述如左。亞達泄王二十年，其士流月，我在書山宮。我同宗哈拿尼與猶大數人，咸來就見我，問之曰：猶大人被虜而歸者安否？耶路撒冷之事若何？彼曰：猶大人被虜而歸者，遭難受辱，耶路撒冷城堞仍墮，邑門仍燬。我聞之，深以為憂，坐而哭泣，數日飲食俱廢。祈禱天上上帝曰：天上之主耶和華，巨能可畏之上帝，凡敬愛爾，守爾誠者，爾矜憫之，踐爾前言，我為爾僕，晨夕祈禱，求爾施恩於衆僕。以色列族願爾垂顧，冀爾俯聞，我與室人及以色列族多獲罪愆，今於爾前，自言已過，我嘗違逆，獲罪於爾，爾所諭爾僕摩西之禁令禮儀法度，未嘗恪守。昔爾諭僕摩西云：若民犯罪，必散於列邦，如其翻然悔改，遵我誠命，雖被逐至天涯，我必由彼安集之，使復歸所簡之地，為顧我名之所。請爾毋忘斯言焉。斯民也，皆爾僕從，爾以巨能大力拯之。今求耶和華垂聽爾僕，及寅畏爾者所祈，使我今日亨通，沾恩於王，當是時我為王酒正。

第三章 亞達泄西王二十年，尼散月，我晉酒於王，前此我侍王側，未有憂色。王問曰：爾不患疾，何以不豫色，必爾中心憤懣。是時我甚恐，奏王曰：願王千歲，我之故城，先人之兆在焉，迄今土地荒蕪，邑門已燬，焉得不憂。王曰：爾有何求。我則心禱天上之上帝，遂告王曰：如王樂施恩於我，請遣臣僕，至猶大地祖墓之邑，俾我得復建。是時王后坐於側，王問我曰：往返將幾日。我定厥期，王乃遣我。我又告王曰：請王以詔頒我，命河西諸伯途間資我，至猶大。亦請王降詔於虞人亞薩，使彼賜我材木，可建城門，築垣墉，與我所居之室，蒙上帝祐，王允所祈。王使武士長驍騎護我，我至

河西布王詔於諸伯和倫人撒八拉亞捫人曾爲僕人之多比聞有人撫綏以色列族則懷殷憂我至耶路撒冷居三日上帝感我使重建耶路撒冷我有是志未嘗告人夤夜率數人獨乘一騎而往由谷門出近蛇井至糞門見耶路撒冷城垣已墮邑門已燬遂至泉門及王沼道崩塞騎不得過乃自溪而上觀城復入谷門而歸我往何所我爲何事諸伯不知我亦不告猶大人祭司世職諸伯工匠惟謂之曰耶路撒冷其地荒蕪其門被燬遭此蹂躪爾所目擊不如重築城垣毋爲人媿笑我更以上帝眷祐國王降詔之事告之彼曰願建邑垣於是衆志已堅爲此善事和倫人撒八拉亞捫人曾爲僕人之多比亞喇伯人基善聞之則媿笑藐視我曰爾所爲者何事豈將謀叛歟我曰天上帝祐我我爲其臣僕將建邑垣爾曹在耶路撒冷無斯土之業而名不登諸冊

**第 三 章** 祭司長以利亞實與其同宗祭司建羊門告竣遂置扉亦建邑垣延及米亞哈拿業之成樓次第告成其次耶利哥人建垣其次音利子撒刻建垣哈西拿衆子建魚門立柱置扉鎖鑰俱備其次哥士孫烏利亞子米哩末修葺其次米示薩別孫比哩家子米書蘭修葺其次巴拿子撒督修葺其次提哥亞人修葺然其世職不用力服勞上主之事巴西亞子耶何耶大比所太子米書蘭修葺舊門立柱置扉鎖鑰俱備其次基遍人米拉底米崙人雅墩與河西方伯所轄之基遍密士巴人修葺其次金工哈海雅子烏泄修葺其次製藥者之子哈拿尼亞修葺惟廣城之地不與焉其次治理耶路撒冷之半者戶耳子哩巴雅修葺其次哈路抹子耶底亞修葺其室相對之所其次哈沙尼子哈突修葺哈林子馬其亞巴哈摩押子哈述修葺一方及爐前成樓其次哈羅

黑子沙龍及其女修葺。治理耶路撒冷之半者，卽斯人也。哈嫩及撒挪亞居民修葺谷門，建門立柱，置扉鎖鍵俱備，亦建垣百丈，爰及糞門。哩甲子馬其亞治理伯哈西琳者，修葺糞門，置扉鎖鍵俱備。治理密士巴之半者，谷何西子沙龍，建泉門，作蓋於門上以蔽之，置扉鎖鍵俱備。王圍之側，西羅亞沼濱建垣，及大關邑之階。其次治理伯夙之半者，押僕子尼希米修葺，大關墓相對之所，及王之沼，傑士之室。其次利未人巴尼子哩宏修葺。其次治理枝拉之半者，哈沙庇修葺。近其所居之地。其次治理枝拉之半者，希拿達子巴歪修葺。哈沙庇其宗人也。其次治理密士巴者，耶書亞子以察修葺。近邑隅，藏甲之所。其次薩排子巴錄，竭力修葺。自邑隅至祭司長以利亞實門前。其次哥士孫烏利亞子米哩末修葺。自以利亞實門前至其室隅。其次祭司居於平原者修葺。其次便雅憫，哈述於其室前修葺。其次亞難尼孫馬西雅子，亞薩哩亞，近其室修葺。其次希拿達子品內，自亞薩哩亞之室，延及邑隅修葺。烏賽子巴拉修葺邑隅之前，附王高宮之成樓，近於狴狴。其次巴綠子比太亞修葺。居於山岡，殿中奔走者，修葺邑東水門，附於成樓。其次提哥亞人，修葺大成樓前及山岡之垣。祭司自馬門而上，各在其室前修葺。其次音麥子撒督，在其室前修葺。其次司東門者，示迦尼子，示罵雅修葺。其次示利米子，哈拿尼亞及薩拉第六子哈嫩修葺。其次比哩家子米書蘭，在其室前修葺。其次金工之子，馬其亞修葺城垣，延至商買賣，及殿中奔走者之所。又至獸甲門及邑隅。金工與商賈修葺自羊門至邑隅。

**第四章** 撒八拉聞我儕築垣，怒甚，訕謗猶大人，告其同宗及撒馬利亞軍旅，曰：此荏弱之猶大人



何爲斯邑既燬，盡成瓦礫，彼乃欲復興工作，立竣厥工乎。吾儕豈容其建城獻祭哉。亞捫人多比侍立曰：彼所築之石牆，卽狐登之亦圯。我禱曰：我爲人藐視，望上帝鑒察，願彼之凌辱人者，反以自愛，見虜於異邦，遭其虐遇，勿宥其過，勿赦其罪，蓋彼故令版築者中心忿怒。我儕建邑垣，使相連接，其功已半，乃民一心於斯故也。撒八拉多比及亞喇伯人、亞捫人、亞實突人，聞耶路撒冷民建邑垣，修損缺，則怒甚，謀攻耶路撒冷，阻其工作。我儕禱告上帝，晨夕設備。猶大人曰：瓦礫尙多，負荷乏力，不能築垣。敵意將乘其不備，突入其中，殺之，使工作悉止。鄰敵之猶大人，數告我曰：敵必四面而至。我則令民各率家人，執弓刀，持戈矛，立於牆下隙地。我簡閱之，遂告世職諸伯及餘民曰：主至大可畏，爾當念之，毋恐懼，實爲爾妻孥兄弟家室，而有是役，敵聞謀已洩，爲上帝所破，乃不攻我，我復興工築垣。自是而後，以僕衆之半操作，餘執干戈，持弓矢，服甲冑，諸伯立於猶大族築垣者之後，負荷者及司任載之人，右手作工，左手執械。版築者腰各懸劍，吹角者立於我側。我告世職諸伯及餘民曰：工鉅地廣，我在邑垣，彼此間隔，不論何處，聞角之聲，則當咸集，願上帝助我戰鬪。我儕操作，其餘執戈，自黎明至星現，我告民曰：各宜率僕，宿於耶路撒冷，晝作工，夜防範。我與宗人及從卒，寢不解衣，出汲者亦執械。

第四十四 匹夫匹婦號呼，怨其同宗猶大人，或曰：我已頻鬻子女，易穀養生。或曰：饑饉既甚，我已質田園宅第於人，以糴穀。或曰：我之田園，已質於人，得金以納稅。我及我子，與同宗何異，奚以我之子女爲人服役，我有數女爲人所玷，欲拯無能，我之田園爲人所據，民出怨言若此，我聞之甚怒。

中心籌畫，責諸伯世職。曰：爾貸同宗金，權子母，果何爲乎？我集會衆，告之曰：我之同宗，猶大人，鬻於異邦，我盡力贖之。爾乃以同宗爲奇貨乎？衆無詞以對。我又曰：爾所爲不善，尙其寅畏上帝，則敵我之異邦人，誰敢侮子？我與宗人僕從，未嘗誅求於民，或金或穀，我弗取。放利之事，爾不可行。爾得同儕田疇、葡萄園、橄欖園、宅第，又征金穀、酒油之利，今悉當反之。衆言必將反之，不敢取利。遵命以行。我使祭司命衆發誓，必踐其言。我則拂去衣上塵，曰：凡不踐其言，上帝必去之。有如此去，離家室，失產業，使之匱乏。會衆曰：正所願也。遂頌讚耶和華。嗣後民咸從斯言。自亞達泄西王二十年，至三十二年，共十二年，我爲猶大方伯，不食祿，卽吾宗人亦然。舊方伯橫征閭閻，日得餅與酒，金二十兩，僕從亦從而挾制之。我畏上帝，不敢若是。惟日築垣墉，僕從皆然，不事田園。有猶大人及諸伯，百五十人，與來自異邦者，偕我飲食。我日備牛一，肥羊六，鷄鶩無數，十日一次備各品之酒。我見民服役繁重，故我雖爲方伯，不食其祿。我旣愛民若此，願上帝垂顧焉。

**第六章** 門未置扉，撒八拉多比亞喇伯人基善，與我諸敵，聞我築城完固，則謀我，約我至阿挪平原，相見於鄉。我遣使對曰：我經營孔急，弗能趨造，恐妨工作。彼使往返者四，我答之如前言。厥後撒八拉五遣其使，執未封之書，以至其畧，曰：基善有言，異邦人聞爾與猶大人將叛，故築斯城，欲僭稱王。爾使先知託神言，謂爾當爲猶大王。都耶路撒冷，吾恐人以此奏王，故請爾至此，與我相議耳。我對曰：爾所云云，毫無確據，乃爾私心忖度。彼言此，欲以懼我，使我心危，工作廢弛。然我志益銳，米希大別孫地來雅子，示罵雅杜門不出，我造其廬。彼曰：爾我當入上帝殿，閉其門，有殺爾

者，今夕猝至。我曰：豈有我而逃遁者乎？豈有我而入殿，倖保己命者乎？是謀我不爲也。蓋吾知其言非上帝所遣，乃受多比、撒八拉之賄而云然。欲恐喝我，使我犯罪，敗我令聞，彼得以侮我。我祈上帝，鑒多比、撒八拉，先知女那亞底，與諸先知，凡欲懼我者，當視其所行而報之。於以祿月二十五日，築邑垣，既竣，自經始至落成，共五旬有二日。衆敵及四方異邦人聞此，知上帝助我，深以爲恥。當時猶大之世職，致書多比、多比以書覆之。蓋多比娶亞喇子示迦尼女，其子約哈難，娶比哩家子米書蘭女，猶大數人與之盟。譽多比所爲於我前，以我所言告多比。多比亦致書以恐喝我。上帝非衆所能及，故使偕吾弟哈拿尼，同治耶路撒冷，告之曰：若啟耶路撒冷邑門，必亭午乃可。乘爾二人在時，卽令嚴閉上權，又使居民各於室前，謹爲防閑。其城廣大，居民鮮少，宅第零落。上帝感我，聚諸世職羣伯、庶民，考其譜系，統核其數。初歸故土者，名登於冊，其冊爲我所得。上載曰：昔巴比倫王尼布甲尼撒，擄以色列族，今所羅把伯、耶書亞、尼希米、亞薩、哩亞、拉米、或曰哩拿哈馬、尼木底、改必山、密八、必歪、哩宏、巴拿，率被虜之子孫，自巴比倫返猶大耶路撒冷，各歸故土，其數臚列於左：巴綠族，二千一百七十二人。示法提亞族，三百七十二人。亞喇族，六百五十二人。巴哈摩押裔、耶書亞及約押族，二千八百十八人。以攔族，一千二百五十四人。薩土族，八百四十五人。薩改族，七百六十八人。品內族，六百四十八人。比拜族，六百二十八人。押甲族，二千三百二十二。亞多尼干族，六百六十七人。必歪族，二千有六十七人。亞丁族，六百五十五人。希西家裔、亞特族，

九十八人。哈順族三百二十八人。比賽族三百二十四人。哈喇族百有十二人。基遍族九十五人。伯利恒。尼陀法民一百八十八人。亞拿突民一百二十八人。伯亞斯馬弗民四十二人。基列耶林。基非拉庇綠之民七百四十三人。拉馬。柳巴民六百二十一人。默馬民一百二十二。伯特利及埃之民一百二十三人。尼破民五十二人。又有與以攔同名者其族一千二百五十四人。哈林民三百二十人。耶利哥民三百四十五人。律哈特阿挪之民七百二十一人。西拿民三千九百三十人。祭司之數如左。耶書亞家。耶底亞族九百七十三人。音麥族一千有五十二人。巴述族一千二百四十七人。哈林族一千有十七人。利未人之數如左。何大威子。耶書亞及甲滅族七十四人。謳歌者之數如左。亞薩族一百四十八人。司關者之數如左。沙龍。亞特達門。亞谷。哈底大。說排諸族共一百三十八人。殿中奔走者其數如左。西哈。哈蘇巴。答僕。其綠。西亞。巴頓。利巴拿。哈迦巴。薩買。哈難。吉特。迦哈。利亞雅。哩汎。尼哥大。迦散。烏撒。巴西亞。比賽。米戶寧。尼埔心。八不。哈古巴。哈忽。八綠。米希大。哈沙。八谷。西喇。大馬。尼邪。哈底巴。以上所載咸有子孫。所羅門僕從之名如左。瓊比列。比路大。雅拉達君。吉特。示法提亞。哈的。西巴音之破基勒亞米。以上所載咸有子孫。殿中奔走之人及所羅門僕從之後計三百九十二人。亦有數人自特米拉特。哈薩。基錄。押但。音麥而至。不知譜系。咸屬以色列族。否卽地來亞。多比。尼哥大。諸族六百四十二人。祭司同宗有哈巴雅。哥士。巴西來。巴西來娶基列人。巴西來之女孫。因以巴西來之名名己。此三家之後其名考之譜系不得。故人以爲不潔。不許爲祭司。牧伯曰。所獻之物。彼不可食。越至於後。有祭司與能別烏陵。

土明言可食則可食。烏陵士明譯會眾計四萬二千三百六十人。交其僕婢七千三百三十七人。中有男女謳歌者二百四十五人。馬七百三十六。騾二百四十五。駝四百三十五。驢六千七百二十。族中最著者。樂輸禮物。以畀百工。方伯輪庫之金六千兩。孟五十。祭司之衣五百三十襲。族中最著者。以金輪庫。畀於百工。金十二萬兩。銀十一萬兩。餘民獻金十萬兩。銀十萬兩。祭司之衣六十七襲。於是祭司利未人司閽者。謳歌者。殿中奔走者。與以色列眾居其故邑。

七月將屆。以色列族咸集於水門衢。惟一心。請選士以士喇。攜耶和華所命摩西傳以色列律例之書。七月朔。眾男女凡能聽而知之者。咸在水門衢。祭司以士喇抱書至。自朝至於日中。當眾前誦讀。僉聆斯義。地有木臺。選士以士喇立其上。馬得底示馬亞奈雅。烏哩亞。希勒家。馬西雅侍於右。比太亞。米沙利。馬其亞。哈順。哈八大拿。撒加利亞。米書蘭侍於左。以士喇高立開卷。眾見之。肅然而起。以士喇頌讚至尊上帝耶和華。民咸舉手。僉曰。正心所願。正心所願。俯伏拜耶和華。耶書亞。巴尼。示哩比。雅民。亞谷。沙比太。戶地雅。馬西雅。其利大。亞薩。哩亞。約撒八。哈難。比來亞。與利未人。訓迪斯民。使明律例。民立其所。利未人朗誦上帝律例之書。疏通其義。俾民明晰。民聞書所云。咸哭。方伯尼希米。選士祭司以士喇。與訓民之利未人。告眾曰。今乃聖日。奉事爾之上帝耶和華。毋哀哭。汝往哉。食其珍錯。飲其甘旨。無者頌之。此乃聖日。奉事耶和華。勿復殷憂。惟賴耶和華。眾姓臚歡。利未人慰藉斯民曰。今乃聖日。當靜默。毋殷憂。民往飲食。饋以餽饌。所誦書詞。既能明晰。故懽然喜樂。翌日。族中最著者。及祭司利未人。見選士以士喇。欲明律書所言。律書載

耶和華命摩西云、於七月節、以色列族當居於廬。於是布告耶路撒冷及諸邑中曰、爾往於山、取橄欖油木、岡拈、棗樹、喬木之枝幹、以構斯廬、循其常例。民遂往、取枝作廬、在屋巔院內、上帝殿院、或在水門衢、或在以法蓮門衢被虜而歸之衆、咸構廬、坐其中、喜樂無量。自嫩之子約書亞時、迄於今日、以色列族守構廬節、未有若是之樂。守節七日、越八日、有大會、俱循常例、自始至終、以士喇日誦上帝律例之書。

第九章 七月二十四日、以色列族咸集、禁食、衣麻、蒙塵、與異邦人絕交、卓然自立、自任己過、及列祖愆尤。是一時四刻、立於其次、誦上帝耶和華律例之書。又一時四刻、任罪崇拜上帝。利未人、耶書亞、巴尼、甲滅、示巴尼、布尼、示哩比、巴尼、基拿尼、登臺大聲頌呼上帝耶和華。利未人、耶書亞、甲滅、巴尼、哈沙尼、示哩比、和地雅、示巴尼、庇大希、曰、爾曹當立頌讚爾之上帝耶和華。恒久弗已。上帝歟、爾名維顯、即使和聲頌讚、亦未足爲榮。爾耶和華惟一、爾創造天上之明宮、及所懸之天象、爾肇基大地、及地上所有、海中所藏、爾覆育萬物、諸天使崇拜爾。上帝耶和華歟、昔爾簡亞伯蘭、導出迦勒底之耳邑、錫名亞伯拉罕、爾察其心、知彼竭忠、故與之約、以迦南人、赫人、亞摩哩人、比哩洗人、耶布土人、革迦西人之地、錫其苗裔、爾真實無妄、言出惟行。我之列祖於埃及、備受艱辛、爾鑒之、在紅海顛呼、爾聞之法、老及其臣民、妄自誇大、爾亦知之、故行異蹟奇事、罰及其身。是以爾名播揚、逮乎今日、爾使海中判、民行其間、若履陸地、敵人追襲、爾擲之於深淵、如石投水。爾晝導民以雲、夜燭民以火、其狀如柱。爾降臨於西乃山、自天諭民、賜以典章、律例、禁令、禮儀、俱真。

實至善，安息日爲聖日，爾使衆知所持守，又命爾僕摩西以禁令、禮儀、律例、訓迪之，民饑則餅降自天，民渴則水湧於磐，昔爾誓以土地錫民，後復令民入而居之。當時之民，卽我列祖，妄自矜詡，強項不馴，不聽從爾命，不追念爾所行之異蹟，倔強猶昔，背爾立牧，歸於服役之地，乃爾特加赦宥，仁慈矜憫，恒忍施恩，不棄斯民，民鑄金爲犢，自謂導民出埃及之上帝，卽此，於是干爾震怒，然爾矜憫靡涯，不棄斯民於野，晝仍導以雲，夜仍燭以火，其狀如柱，不論何往，時無間絕。以爾聖神訓迪，錫嗎喲以充其饑，出清泉以止其渴，歷四十年，爾養民於野，無所匱乏，厥衣不做，厥足不胝。爾以邦國四境，分賜於民，遂據西宏之地，乃希實本王之國，巴山王疆之邦，斯民之苗裔，爾使之蕃衍，如天星衆多，昔爾以土地許錫列祖，後導其子孫入焉，據而有之，迦南人居斯土，爾使民敗之，虜其君臣，惟所欲爲，取鞏固之城，膏腴之壤，宅第中充以嘉物，井泉、葡萄園、橄欖園，結實之樹，不可勝數，食之果腹，體胖，中心喜悅，賴爾鴻恩，乃民弗順，違逆乎爾，背爾律例，爾之先知訓迪之，使歸於爾，反爲所殺，干爾震怒，故爾使之困於敵國，遭難之時，彼呼籲爾，爾自天俯聽，矜憫靡涯，累賜扶危之士，不爲敵所害，既釋之後，彼復行惡於爾前，爾假手於敵，使敵人統轄之，民仍籲爾，爾自天垂聽，體恤倍至，屢加援手，加以訓誨，使服爾律例，彼妄自誇大，不從爾命，爾之法度，遵之者則得生，彼故犯之，強項難馴，背命不聽，爾之恒忍，歷年已久，以爾之神，感諸先知，訓迪斯民，彼不聽從，故爾使異邦人敗之，惟爾上帝仁慈矜憫，施恩無涯，故不遐棄斯民，滅之務盡，我之上帝，至尊至能，允宜寅畏，許人以恩，必踐其言，凡我列王、諸伯、祭司、先知、長老、庶民，自亞述王迄於今。

日所遭患難，爾毋以爲未足。爾雖降災，必無不義。爾所行惟善，我所行惟惡。我之列王、諸伯、祭司、長老，不守爾所諭之律例，禁令法度。爾施厚恩，賜其得國，恢廓腴壤。彼猶不悛厥惡，不奉事爾。爾以斯土，賜我列祖，得其物產，食其肥甘。我今日嗣之，當爲爾僕。爾罰我罪，使我國之豐亨，見奪於異邦列王。彼轄我及我牲畜，任意以爲，使我艱苦備嘗。

當時我立盟約，書之於籍。我之諸伯、祭司、利未人，鈐之以印。其名臚列於左：哈迦利子，方伯尼希米，與衆祭司西底家，西勒亞，亞薩哩亞，耶利米，巴述，亞馬哩，馬其亞，哈突，示巴尼，馬鹿，哈林，米哩末，阿巴底。但以理，其尼頓，巴錄，米書蘭，亞庇雅，米亞民，馬賽亞。必該，示罵雅，利未人亞散，尼子，耶書亞，希拿達子品內，甲滅，與其同宗示巴尼，何地雅，其利大，比來亞，哈難，米加，哩合，哈沙比，撒刻，示哩比，示巴尼，何地雅，巴尼，比尼奴，族中最著者，巴綠，巴哈摩押，以攔，薩土，巴尼，布尼，押甲，比拜亞，多尼雅，必至亞，丁亞，特希，西家，押說，何地雅，哈順，比賽，哈喇，亞拿突，尼拜，抹比，押，米書蘭，希悉，米示薩別，撒督，押土亞，比喇底，哈難，亞奈雅，何西，哈拿尼亞，哈述，哈羅黑，比利，哈說，百哩宏，哈沙拿，馬西雅，亞希雅，哈難，亞難，馬鹿，哈林，巴拿，餘民，祭司，利未人，司闕者，謳歌者，殿中奔走者，與異邦人絕交，從上帝律例者，各偕妻孥，有知識之童子，從同宗世職，發誓立盟，必遵從上帝僕摩西所傳之律例，守我上帝耶和華誠命，禮儀法度，不以女嫁異邦人，不以異邦人之女娶爲媳。如異邦人於安息日，或節期，攜貨財食物，欲鬻於我，則我必不可購。七年一休息，不耕穫，貸金者不復索取。我亦定例，每歲人輸金一錢七分，供上帝殿中之需。如禮物，陳設之餅，安息日，月朔，



節期所獻之燔祭，爲以色列族贖罪，所薦之犧牲，凡我上帝殿中所需，悉取諸此。律例有之，必燔柴於我上帝耶和華壇，故我祭司利未人庶民，掣籤，何族屆期運柴入殿。我儕有願，凡初登之土產，始實之樹果，歲薦耶和華殿，以我初胎男子首生牛羊，攜入殿中，給供役之祭司，循律例所載。新麥爲屑，與當獻禮物，初稔之果，新製之油，始熟之酒，納祭司貯諸殿室，邑外郊圻，田中所產，取其什一，以奉利未人。利未人受什一時，亞倫子孫當一人在側，利未人復於其中什取一，運入上帝殿，藏諸府庫。以色列族利未人運所獻百穀油酒，至藏器之室，祭司司闞者，謳歌者，所居之處，於是在上帝之殿，事不廢弛。

民長居耶路撒冷，餘民掣籤，於十人中簡一人，使居聖京，九人居於別邑。凡願居耶路撒冷者，民爲之祝嘏。以色列族祭司利未人殿中奔走者，與所羅門僕從之子孫，居猶大諸邑，各有田廬，居耶路撒冷者，惟猶大，便雅憫二族，爲州牧，屬猶大族者，亞大雅馬西雅亞大雅父烏西亞，烏西亞父撒加利亞，撒加利亞父亞馬哩，亞馬哩父示法提亞，示法提亞父馬勒列，馬勒列父法勒士，馬西雅父巴綠，巴綠父谷何西，谷何西父哈賽亞，哈賽亞父亞大雅，亞大雅父約雅立，約雅立父撒加利亞，撒加利亞父示羅尼，法勒士之裔居耶路撒冷，素稱義士，計四百六十八人，屬便雅憫族者，撒路，撒路父米書蘭，米書蘭父約葉，約葉父比太亞，比太亞父哥賴亞，哥賴亞父馬西雅，馬西雅父以鐵，以鐵父耶賽亞，從撒路者，伽拜，撒來，共九百二十八人。色哩子約耳，爲其長，西奴子猶大，輔之，兼爲邑宰，祭司中有約雅立子耶太亞，雅斤，亞希突，耳孫，米喇約，玄孫，撒督，曾

孫米書蘭孫希勒家子西勒亞綜理上帝殿其同宗在殿中供役事者八百二十二馬其亞來  
孫巴述耳孫撒加利亞玄孫暗西會孫比拉利孫耶羅罕子亞大雅及其宗人最著者二百四十  
二人音麥玄孫米實利末會孫亞哈賽孫亞薩列子亞馬帥及其同宗俱爲豪傑百有二十八人  
哈其多林子薩特爲其長利末支派中有示馬雅者布尼玄孫哈沙庇會孫押利甘孫哈述子也  
與族中最著者沙比太約撒八協理上帝殿之外事亞薩會孫颯底孫米加子馬大尼於人祈禱  
時首發聲頌讚上帝其同宗八布迦繼之耶士頓會孫加拉孫少母亞子押大亦與焉在聖城中  
利末族共二百八十四人司閽者亞谷達門及其同宗百有七十二人以色列餘民祭司利未人  
在猶大諸邑各有田廬殿中奔走者居於山岡爲西哈吉巴所轄米加玄孫馬大尼會孫哈沙庇  
孫巴尼子烏西在耶路撒冷爲利末族長謳歌者亞薩之裔統理殿中之事惟王有命日以所需  
給謳歌者猶大族西喇家米示薩別子庇大希佐王理民事猶大族歸其鄉里復其田畝居於基  
列亞巴底本葉甲泄及其鄉里亦在耶書亞麼拉大伯帕列哈薩書亞別是巴及其鄉里息臘米  
哥拿及其鄉里音臨門薩哩亞耶末撒挪亞亞土蘭及其鄉里拉吉及其田畝亞西加及其鄉里  
所居之地自別是巴至欣嫩谷屬基巴之便雅憫族居在密抹亞雅伯特利及其鄉里亞拿突挪  
伯亞難尼夏朔拉馬其大音哈特西編尼八辣律阿挪工師谷利未人析居半在猶大半在便雅  
憫

從撒拉鐵子所羅把伯及耶書亞歸耶路撒冷之祭司利未人臚列如左西勒亞耶利

米以士喇亞馬哩馬鹿哈突示迦尼哩宏米哩末易多金尼多亞庇雅米亞民馬底亞必迦示罵雅約雅立耶太亞撒路亞木希勒家耶太亞以上所載當耶書亞時爲祭司中之最著者利未人臚列於左耶書亞品內甲滅示哩比猶大馬大尼馬大尼與其同宗首發聲頌讚上帝八布迦烏尼及其同宗與馬大尼等班聯相對耶書亞生約雅金約雅金生以利亞實以利亞實生耶何耶大耶何耶大生約拿單約拿單生押土亞當約雅金時祭司之名著族中者臚列於左西勒亞族米喇雅耶利米族哈拿尼亞以士喇族米書蘭亞馬哩族約哈難米利古族約拿單示巴尼族約瑟哈林族押拿米喇約族希勒改易多族撒加利亞其尼頓族米書蘭亞庇雅族色哩米拿民族一人摩亞底族必太必迦族少母亞示罵雅族約拿單約雅立族馬地乃耶太亞族烏西撒來族加來亞木族希百希勒家族哈沙庇耶太亞族拿但業巴西王大利烏年間以利亞實耶何耶大約哈難押土亞尙存之時上所載之祭司及利未族中最著者皆錄於冊以利亞實子約哈難時利未族中最著者俱載於歷代志畧其名臚列於左哈沙庇示哩比甲滅子耶書亞及其同宗班列攸分兩旁對立頌讚上帝循上帝僕大關之命馬大尼八布迦阿巴底米書蘭達門亞谷咸爲關人職司內庫當約薩撻孫耶書亞子約雅金方伯尼希米選士祭司以士喇之時上所載數人猶存於世耶路撒冷邑垣功旣告成利未人散處於四方者民導之以至歡然欣喜守告成之節謳歌敲鈸鳴琴鼓瑟頌讚上帝昔謳歌者築廬於耶路撒冷四方之平原或在尼陀法鄉里或在吉甲或在基巴押馬弗田間斯時咸集歸於都城祭司利未人自潔其身使民潔己門戶城垣盡

滌厥污，我導猶大諸伯，登城垣，班列攸分，頌讚上帝。一班在右垣，至於糞門，從之者何沙雅。猶大羣伯之半，亞薩哩亞，以士喇，米書蘭，猶大，便雅憫，示屬雅，耶利米，祭司之子，撒加利亞，執角，乃屬亞薩族，撒刻耳孫，米該雅，玄孫，馬大尼，曾孫，示屬雅孫，約拿單子也。及其同宗，示屬雅，亞撒利米，拉來，其拉來，馬埃，拿但業，猶大，哈拿尼，咸操上帝僕，大關之樂器，選士，以士喇，爲其先導。至泉門前，由階而升，上大關之邑，登垣墉，近大關宮，東至水門，頌讚者一班，從左垣入，與右班對待，斯民之半，偕我陟垣墉，自近爐之成樓，至廣城之所，自以法蓮門，至舊門，自舊門至魚門，至於哈拿業，與米亞之成樓，延及羊門，至獄門而止。於是二班會於殿中，頌讚上帝，諸伯之半，與我並立，祭司以利亞金，馬西雅，米拿民，米該雅，以利阿乃，撒加利亞，哈拿尼亞，執角，馬西雅，示屬雅，以利亞撒，烏西，約哈難，馬其亞，以攔，以察，職掌謳歌，葉喇希雅，爲其長，是日，耶路撒冷民欣欣然，多獻祭品，蓋上帝使民及妻孥，喜樂不勝，兆姓歡聲，聞於遠邇。祭司利未人，循其常例，凡邑郊中所當得者，如進獻之物，薦新之祭，什一之供，猶大族見利未人，趨事赴功，樂賜祭物，俾藏之府庫，我立數吏，以理其財，謳歌者，司闕者，在上帝前，潔身供事，遵大關及其子，所羅門命，昔在大關亞薩時，謳歌者之長，作歌頌讚上帝，今在所羅把伯，尼希米時，以色列族衆，日以所應得者，給於謳歌之人，司關之役，獻物於利未人，利未人獻物於亞倫子孫。

第十三章 斯時人誦摩西書，俾民僉聞，書云，摩押，亞捫，二族，世不得入上帝會，因昔不以水以餅，迎饋以色列族，乃賂巴蘭，俾來呪詛，惟我上帝變詛爲祝，民間書言，則非同族者，攬而去之，昔有

廣廈以藏禮物器皿，芬芳之品，及利未人謳歌者司闢者所收百穀之什一，新製之油，始熟之酒，與祭司之所得，今治理殿宇之祭司以利亞實，與多比聯爲姻婭，灑掃斯室以居彼。斯時我不在耶路撒冷，厥後巴比倫王亞達泄西三十二年，入覲我王，越數日王詔遣我至耶路撒冷，既至則知以利亞實爲多比故，在上帝殿院灑掃廣廈，干犯律例，我甚殷憂，彼取器皿，擲諸室外，命人糞除其室，凡殿中之器皿禮物，芬芳佳品，仍藏於中，利未人應得之物，民未與焉，故利未人謳歌者不復供役於殿，歸耕畝，我聞此責諸伯曰：上帝之殿何不恪守，遂招徠利未人，使復厥職。猶大人攜穀之什一，新製之油，始釀之酒，藏於府庫，我使人理府庫，卽祭司示利米士子撒督，利未人比太亞，其次馬大尼孫，撒刻子哈難，此數人者，皆竭忠以供同宗爲職，我尊崇殿宇，使人盡禮，慙不已，望上帝垂念，毋沒我善，當時我見猶大國人於安息日踐醴蓮麥，使驢負載，攜酒葡萄，無花果，日用之物，於安息日，進耶路撒冷，亦見人於是日嚙食物，我責之，有推羅人居耶路撒冷，攜魚及日用之物，安息日，嚙於猶大族，我責猶大世職曰：爾奚犯安息日，多行不義。昔我列祖行是上帝降災，罰及我身，殲滅斯邑，爾又犯之，貽禍於以色列族，尤有甚焉。我於安息日前夕，命閉邑門，待安息日後則啟，亦使我僕侍於門側，不許人於安息日負載入邑，商賈及市物者，宿於邑外，非止一次，我問之曰：爾奚附邑垣而宿，如再行此，我必執爾，自此以後，安息日彼不復至，我使利未人潔其身體，防範邑門，恪守安息日，以爲聖日，我旣行此，望上帝垂念，恒懷矜憫，宥我罪愆。猶大人娶亞實突，亞捫，摩押女，其子所言者，亞實突及諸族方言參半，惟猶大方言，彼則不能，我知

而責之、或詛、或撻、或拔其髮、使指上帝而誓、必不以女嫁異邦人、不娶其女爲妻爲媳、告之曰、以色列王所羅門、娶於異邦而犯罪、昔所羅門、在列國中、無王可比、上帝愛之、使治以色列、然異邦之女、陷之於罪、豈可任爾、娶異邦人、陷於重罪、干犯上帝哉、祭司長、以利亞實孫、耶何耶大子、娶和倫人撒八拉女、故我逐之、彼污祭司職、背祭司及利未人之約、望上帝錄其過、我拒諸異邦人、使祭司利未人、各歸班列、守其職事、屆期備柴、爲薦新之舉、我理其事、望上帝垂念、錫我福祉焉。

舊約聖書

尼希米紀

第十三章

五百十二

以士帖紀

亞哈隨魯爲王，都吾山時，歸其版圖者，自印度至古實，百有二十七州。三年宴諸伯臣，巴西米太將帥州牧方伯，歷十有八旬。王以國之富位之顯，誇示羣臣。後又於書山賜宴居民，自尊逮卑，越七日集於御苑，以梟爲幟，厥色白紫，繫以朱繩，綴以銀環，白石柱，金銀牀，以華石、白石、彩石、雲母石鋪地，金卮不一其制。王旣富，旨酒孔多，王有酒政，不強人飲，爰命百臣各隨其量。王后瓦實地，在後宮設宴，待諸妃嬪。七日王飲酣，諭米戶曼必士大哈破拿辟大亞八西達甲迦，御前宦暨七人，命王后瓦實地，戴后冕至御前，使臣民得見其美，蓋后有殊色故也。后不可，王怒，中心如焚。王之左右巴西米太七伯承王色笑，爲朝廷大寮，其名甲示達押馬大大失米力馬西拿米母下，俱識天文，皆哲士也。凡王有事，例當詢諸知法明理之人，故問之，曰：余遣宦暨，宜召王后，乃后逆旨，按律當如何處之？當時諸伯咸在，米母下在王前對曰：后所爲，豈僅違王命已哉？卽各州之牧，畿內之民，咸失望耳。蓋王召后后不至，天下婦女聞之，亦蔑視其夫，將見巴西米太衆命婦，必以后所爲，遠於夫，遂相藐視，憤怒靡已。王如以臣言爲善，則詔貶后位，不復進御，遴選德行愈后者立之，以此載於巴西米太律例，永不更易。王疆宇甚廣，宜頒明詔，布告通國，天下則婦必敬夫子，無間於尊卑焉。王與諸伯皆樂從其言，頒詔天下，布於州邑，各依其方言文字，使夫爲婦綱。

王怒旣息，追思頒詔貶后，想念不置。侍臣曰：必爲王探訪名姝，遣使臣選天下各州美女，



至書山城以充後宮令內豎希其掌之賜以芬芳薰沐其身惟王所喜册立爲后以代瓦實地王悅書山城有猶大人木底改者卽便雅憫族基士曾孫示每孫睡耳子也昔巴比倫王尼布甲尼撒擄猶大王約雅金及其民人自耶路撒冷至國其祖亦同虜焉其叔之女哈大沙又名以士帖有殊色父母旣沒木底改養之視若己女王詔旣頒衆女咸至書山城以士帖亦入王宮內豎希其掌其事希其見以士帖大悅加恩優渥昇以芳馨薰沐其身賜宮嬪七人供以所需居以別院以士帖從木底改所言不以何族所出告人木底改日往來於禁闈之外欲得以士帖好音衆女薰沐例用沒藥之油半載芬芳之品半載以潔其身屆期衆女依次覲王出禁闈入宮進御時一切文繡瓊組隨其所欲無不供給夕往朝回居於偏院內豎沙甲掌之如王不悅不以名召則不得復見木底改叔亞庇孩也其女以士帖木底改撫育視若己女屆期進御除內豎希其所賜而外一無所索見者盡悅其美七年十月卽底伯月以士帖入宮進御王寵愛之冠乎嬪妃加恩優渥賜后冕代瓦實地爲后王緣以士帖故大宴諸伯羣臣頒賜殊恩免天下億兆之租稅衆女復集木底改於御闈待命木底改曾命以士帖勿以何族所出告人以士帖不忘其言與撫育時無異木底改待命御闈時有司闈辟單底力二豎怨王謀弑之木底改知之以告后后卽述其言於王繼察之得其實懸二豎於木錄其事於列王紀畧

厥後王擢亞甲人哈米達大子哈曼使之位冠諸伯凡御闈待命者俱遵王命揖拜哈曼惟木底改不拜同察問之曰爾奚違王命日以斯言諫木底改木底改不聽以己爲猶大人告衆

衆以告哈曼，欲觀木底改。猶言不讓否？哈曼見木底改不拜，則怒甚。既知其屬猶大族，意謂陷此一人，猶微事耳。將殲滅其衆於通國，俾無噍類。十二年正月，卽尼散月，哈曼問於卜筮，何月吉？占得十二月，卽亞達月。哈曼奏王曰：「有一族之民，散處天下州邑，異律是從，不遵王命，容之無益。如王以臣言爲然，可頒明詔，翦滅斯族。我當以金一千五百萬，輸於國帑，以補賦稅。」夫哈曼猶大人之仇者也。王乃以指環賜之，曰：「余不納爾金，惟爾所欲爲。」正月十三日，王召繕寫，從哈曼所欲書之詔，依各州方言文字，鈐以國璽，普告臣工。方伯民長遣郵頒詔各州，使於十二月卽亞達月十三日，殺戮猶大人，取其貨財，凡旄倪妻子，毋俾遺種。詔行各州，布告億兆，屆期舉事。在書山城降詔，王命孔急，郵行迅速，王與哈曼飲宴，書山之民不樂。

第四章 木底改知此，自裂其衣，衣麻蒙灰，徧行邑中，大聲哀哭。至御闕前，因衣麻不可入。詔至各州，猶大人禁食，哀哭，衣麻蒙灰，甚衆。后之侍女內豎以告后，后甚憂，賜木底改衣，使去其麻。木底改不受。王素使內豎哈達侍后，后遣之問木底改所爲何故。哈達至御門外，見木底改。木底改以實告，言哈曼請王滅猶大人，願以金輸庫。書山城中，王詔已頒，欲赤猶大族，請以斯詔陳於后前，囑其見王爲民求恩。哈達以其言告后，后使哈達傳言曰：「國有常例，不蒙君召，擅入深宮，覲王者，無論男女，殺無赦。惟王舉金杖，則可保命。臣工億兆咸知之，我未蒙召，已三旬矣。」人以后言告木底改。木底改遣人對曰：「猶大人皆亡，爾居王宮，亦不得免。今爾居尊位，意者將使爾保全我族，未可知也。如爾竟無一言，必有他人援手，恐爾與全家卒見剿滅耳。」后遣使再告木底改，曰：「當集書。」

山猶大人，緣我禁食三晝夜，我與侍女亦將禁食，然後入宮覲王，雖違例而亡，亦弗顧也。木底改往，遵后所命而行。

越三日，后衣朝服，進深宮，入內院，至殿前，王坐於堂上，見后立於殿前，特加恩寵，爰舉金杖，后前捫其杖。王曰：「后來何求，即國之半我亦子爾。」后曰：「我已設宴，如愜王意，則令哈曼侍王赴宴。」王命哈曼速行，如后所言。於是王及哈曼偕赴后筵，宴飲之時，王謂后曰：「爾有何求，即國之半我亦子爾。」后曰：「如王悅從我所請，明日王與哈曼赴宴，我乃以所求陳於王前。哈曼中心欣喜，退見木底改於御闈，不起，亦不揖，益怒強忍而歸，招其友及妻西勒至，以其財貨之富，子女之繁，王擢於諸伯百寮之上，一切告之。」又曰：「后宴王羣臣，皆不得與，惟我一人侍食。明日宴王，我又見請，惟見猶大人木底改在御闈箕踞，以待我雖富貴，亦不足快我心。其妻西勒與諸友謂之曰：『當立木高五丈，明日求王懸木底改於上，然後從王赴宴，則爾心快然矣。』哈曼善其言，使立木焉。」

是夕，王不得寢，命取嬖代志畧誦於其前，其中載云：「內豎辟單底力，職司御闈，謀欲弑王，木底改知之，首告王問侍臣曰：『木底改首告，當時膺何賞乎？』對曰：『無之。』王曰：『孰當入直者？』對曰：『哈曼。』時哈曼至王宮外院，欲求王懸木底改於木，王宣之進，哈曼入，王問曰：『余欲賞一人，當如何？』哈曼意謂王欲賞者非我，其誰遂曰：『王欲賞之，則備衰服，路馬，王冕，命大臣以此賜之，爲之執轡，遊行邑衢，播告於民云：『惟王大賚如王命。』』哈曼曰：『誠如子言，速取衣馬，猶大人木底改在御闈，即以此飾之，毋少欠缺。』哈曼遂取衣服馬匹，賜木底改爲之執轡，遊行邑衢，播告於民曰：『惟王大賚。』

如是木底改反御闕哈曼趨歸蒙首哭泣以此告其妻西勒及諸朋儔其智士及其妻曰木底改見尊爾見辱如彼果猶大支派爾必不能與之抗衡徒取戾耳言時王之內豎至請哈曼急赴后筵。

王與哈曼車赴后宴宴時王問后曰后有何求卽國之半我亦予爾對曰如王悅施恩婢子則俯聽我祈宥我生命救我民族蓋我與我民爲人所陷殺戮殞亡卽鬻我爲奴婢我亦無詞惟有損於王敵雖輸金無所裨補王問后曰孰敢設是謀其敵何在后曰敵非他哈曼是也哈曼於王及后前不勝殷栗王怒離席往御苑哈曼知王必罪己求救於后王自御苑復至宴所見哈曼在榻前跪抱后足王曰我在宮闕乃敢辱后耶左右聞王言以帕掩哈曼面內豎哈破拿告王曰木底改昔有救王之功哈曼反立木於家高五丈欲懸之於上王曰卽以此木懸哈曼王命旣行怒始息昔哈曼立木欲懸木底改今反以自懸焉

猶大人之仇哈曼王命后籍其家后委木底改治之后以木底改爲己戚屬告王木底改遂覲王王以昔所賜哈曼之環錫木底改后俯伏哭泣求王除哈曼欲害猶大人之令王舉金杖后起立於王前曰如王悅施恩婢子請旨除哈曼所頒之詔赦王讒之猶大人我之民族遇害被殺我何忍見王告后及猶大人木底改曰哈曼欲害猶大人我懸於木命后籍其家爾曹書詔惟所欲爲鈐以國璽使猶大人自相扞衛則可前詔已頒國璽已鈐不能改也三月卽西番月二十三日王召繕寫從木底改所言命猶大人及州牧方伯自印度至古實所統轄者百有二十七州

用各州及猶大人方言文字鈐以國璽，遣郵乘良馬健騾，頒詔天下。詔曰：王畿之內，各州之邑，凡爾猶大人，於十二月，卽亞達月十三日，咸集，自相扞衛，如有擊爾者，爾反攻之，剿滅厥衆，戮其子女，得其貨財。詔行各州，布告億兆，使猶大人屆期設備。王詔自出書山城，郵乘馬騾，奔告四方。木底改退衣朝服，厥色白紫，戴金冕，形制甚巨，外衣亦臬。書山邑民，無不忻喜。猶大人無任赫奕，咸相權樂。王詔既至各州各邑，猶大人知之，卽於是日，共慶綏安，設宴忻喜。斯土之民畏猶大人，入其會者甚多。

十二月，卽亞達月十三日，民遵前詔，將舉事。猶大人之仇，意必獲捷，而反爲猶大人所勝。通國中各州邑之猶大人，咸集禦敵，庶民畏之，莫之敢櫻。州牧方伯百寮，畏木底改，助猶大人。蓋木底改爵位日隆，尊於朝廷，名震四方。猶大人擊諸敵而戮之，任意以爲。在書山城，猶大族殺五百人，亦殺巴山大他。答本押巴他，喇喇他，亞大利亞哩，大他巴抹，大亞哩賽，亞哩太，瓦耶撒，大，皆哈曼之子，不取其貨財。當日在書山城，核被殺者之數，呈於王前。王以告后曰：猶大人在書山城，中已殺五百人，并殺哈曼十子。若統各州而計之，不知凡幾。爾尙有何求，我必予爾。后曰：如王悅，則王頒詔，使居書山之猶大人，明日復行是事，與今日無異。懸哈曼十子之尸於木，王頒詔於書山，使行如言，取哈曼十子之尸，懸之。亞達月十四日，書山之猶大人咸集，又殺三百人，不取其貨財。亞達月十三日，居各州之猶大人咸集，以相扞禦，殺敵七萬五千人，不取貨財。然後事平。至十四日，憩息，設宴欣喜。居書山之猶大人，於十三日、十四日，咸集殺敵。十五日，憩息，設宴欣喜。居鄉

里之猶大人，於亞達月十四日，肆筵設席，喜樂和暢，饋以餽饌。木底改錄之於冊，布告各州之猶大人，無間遠邇，使每歲恪守亞達月之十四日十五日，以猶大人得免於敵轉憂爲喜，轉戚爲愉。當於是日，設宴喜樂，饋嘉肴，賙貧乏。猶大人大悅，遵木底改書而行。先是亞甲人哈米達大子哈曼，爲猶大人敵，謀害其族，翦滅其衆，占卜掣籤，定於何日舉事，惟后覲王，蒙王頒詔，以欲害猶大人之事，歸於哈曼，父子俱懸於木厥後，因用占卜，名斯日曰卜日。猶大人既誦此書，追念所見所聞，議定常例，凡其宗人及歸附之者，每歲屆期，恪守此二日，永世弗替。各州各邑，咸守卜日。家喻戶曉，俾猶大族中，勿忘斯事，爰及苗裔，永世靡暨。亞庇孩女，王后以士帖猶大人木底改，復頒詔書，議定卜日節期，布告天下，百有二十七州之猶大人，願得平康，俾守卜日節期，循后及木底改命，亦從猶大人所議，禁食祈禱，歷代不易於王后頒詔定卜日之節期，錄之於冊。

王使平陸海島居民，咸納貢稅，王之權能，王之詔命，與王拔擢木底改之事，俱載於巴西米太列王紀畧。猶大人木底改，相亞哈隨魯王，以安撫民人，慰藉同宗爲務，故於猶大族中爲尊見悅於宗人。

舊約聖書

以士帖紀

第十章

五百二十

約百記

鳥士有人品行純良，孳孳爲善，寅畏上帝，遠諸不善，厥名約百。生子七人，女三人，有羊七千，駝三千，牛五百，耦牝驢五百。僕從衆多，甲於東方。衆子誕日，則設席宴諸女弟。歲以誕日之後，肆筵既遍，約百乃召衆子，欲贖其罪，夙興爲之各獻燔祭。自謂吾子不無愆尤，退棄上帝。約百所爲恒若此。一日，諸天使詣耶和華前，撒但亦在其中。耶和華問撒但曰：汝奚自對曰：我遍歷塵寰，往來靡定。耶和華曰：我僕約百品行純良，孳孳爲義，寅畏乎我，遠諸不善。天下莫與比擬，爾亦鑒之乎。撒但曰：約百畏上帝，豈無爲而然乎。蓋爾藩衛其家，與凡所有，使所爲亨通。羣畜孳息，爾若擊之，喪其貨財，必立詛爾。耶和華曰：彼凡所有，任爾處之，惟勿擊其身。撒但退。一日，約百子女宴於兄家，有告約百曰：牛耕於田，牝驢齧芻於側，示巴人猝至，虜之盡殺爾僕，惟我遁逃，以告。言時，又一人至曰：天降大火，燬羣羊，僕從惟我遁逃，以告。言時，又一人至曰：迦勒底人三軍驟至，取駝殺僕，惟我遁逃，以告。言時，又一人至曰：爾子女宴於兄室，大風自野至，撼室四隅，少者被壓而死，惟我遁逃，以告。約百遂起，裂衣薙首，伏地拜曰：我裸而出世，亦必裸而歸土。耶和華賜之耶和華取之，當頌讚耶和華。約百不犯罪，非上帝如此。

舊約聖書

約百記

第一章

第二章

五百二十一



傷其肢體，彼必立詛爾。耶和華曰：任爾爲之，勿喪其命，撒但退。使約百患瘡瘍，自頂至踵。約百坐於灰，以片瓦搔身。其妻曰：爾猶不變所守乎？不如詛上帝而死可也。曰：爾所言，乃頑嚚之婦也。我自上帝而獲福祉，茲之受禍，不亦宜乎？約百不以言取罪，又如此。約百有友三人，提慢人以利法，書亞人必達，拿非利鎖法，開約百遭難。彼此相約，各自其地，至欲解其憂，慰其心，遙見約百而不識。大聲號泣，各裂衣揚灰蒙首，歷七晝夜，同坐於地，見約百憂甚，相對無言。

約百詛其生日曰：我生之辰，不如無此辰。我生之夜，不如無此夜。孰若是日晦冥爲愈，孰若上帝不降以福，勿燭以光。何如幽暗陰翳蔽之，爨燧覆之，日蝕譴之。何如是日之夕，慘淡昏黑，不入年期，不進月數。何如是夕，不誕嬰孩，不聞權聲。凡能詛日，持咒招鱷者，當以是日爲不吉。何如是日昧爽，明星不現，待旦不得，天無曙色。是日母氏育我，致遭艱苦，毋寧墮胎而死，卽不然，誕而身死氣絕。母曷提攜我，乳哺我，浸假當時無生。我今可宴然安寢。國王議士，當年所築之陵墓，而今安在。元戎巨富，金銀充棟，而今烏有。我欲與之同歸於盡。我願與胎未成人，產不及期者，胥歸無有。在彼爭競者，息。困憊者，安。幽囚之人，寢。不聞惡聲。在彼尊卑同居，僕不虐於主，受難者得生存，苦心者得生全。曷故彼望死亡而不能。猶人掘窖金而弗得。彼就死地，則欣喜，歡樂不勝。彼在困厄中，爲上帝所域，反使之生。何歟。我未食而先歎，聲等波濤之洶湧。所慮所懼者，降臨於我，不得平康，不得安居，不得宴息，戰慄復至。

提慢人以利法曰：我欲與爾言，恐爾厭聞，然不得不言。昔爾訓衆，勞者勞之，懦者起之，危

者扶之。今爾遇災而倉皇臨難而穀餽。舉敬畏行善之心。居恒以此自恃者。安在哉。試思無辜者。何時危亡。行義者何時見絕。以我觀之。所稼者惡。則所穡者亦若是。蓋上帝震怒。而彼翦滅。猛獅不吼。稚獅折齒。巨獅絕食。牝獅失子。昔我於夜靜人寐之時。心存默想。忽覩異象。恍惚聞其聲。知其概。我驚駭戰慄。百骸悚動。神過我前。毛髮森豎。神立其狀。貌不能辨識。第見象懸目前。聲細不揚。我聞其言曰。斯世之人。於上帝前。豈得爲義。於造化主前。豈得言潔。自主視之。卽其臣僕。猶未盡善。卽其天使。猶有過失。况居下土。置基塵凡。益得而壞之者乎。彼朝生夕死。人不及覺。已歸烏有。顯庸之人。閱歷未深。而早沒世。

爾雖上顧。其誰聽之。成聖者衆。孰可賴之。愚人忿戾。自取覆亡。頑民嫉妒。因而致死。惡者根株雖厚。我知其不久必撥。子孫有難。拯救無從。抱屈公庭。卒無昭雪。田中所產。饑者攘之。荆棘靡留。室中所有。渴者奪之。貨財盡失。患害之至。非若平地而生草萊。鳥有翼以高飛。人有過而召禍。是以必求上帝而赴訴焉。上帝所爲。大不可測。異不勝數。沛甘露。潤土壤。卑者升之。憂者恤之。狡者敗其謀。使事不遂。譎者巧於計。反害及身。謀愈狡者。敗愈速。惡者晝遭晦冥。雖在日中。無異昏夜。遍捫不見。貧者脫之於噬。嗑援之於強暴。匱乏者不失望。不義者無敢言。上帝所責者。必蒙福祉。全能之主。譴爾躬。爾勿輕視。先殘缺而後彌縫。先鞭扑而後醫痊。六災七難。無不援手。不及爾身。饑時救爾死亡。戰時免爾刀鋸。得弭衆口之譏評。無懼與人之虐遇。臨饑厄而反笑。遇暴獸而不驚。不噬於獸。不傷於石。家庭之間。平安可卜。羣畜之數。綜核無差。且也苗裔繁衍。子孫衆多。

如草滋蔓，爾壽期頤，然後入土，譬諸露積，屆期蓋藏。我詳察此理，有知其不爽者，尙其聞而惺然焉。

爾與約百曰：我有深憂，願權衡其輕重，較諸海沙尤重。故我言詞造次，全能之主，射我以矢，其鏃有毒，喪我之神。上帝降災如軍列陳，環而攻我，驢有新則不呼，牛有芻則不鳴，物淡無鹽不可食，蛋白不和，豈有味有臭惡甚於此者，不得已而食之，我所大欲，望上帝遂我願焉。願上帝糜爛我體，立舉其手，喪我生命，片斷機杼，此我猶可解憂，彼弗加矜憫，則我斯跖矣。蓋至聖之命，我未嘗廢也。我血氣已衰，無復康彊，苦靡有極，不死胡可忍。我力匪石，我體匪銅，既竭我力，不能自救，人遭患難，其友必加矜憫，惟我友朋不畏全能之主，友我不卒，猶泉之忽竭，潦之立涸，當其初也，冰雪斯流，源泉混混，及乎暑時，水漸殺矣。烈日暴之，溪流絕矣。行旅之人，迂道求泉而弗得，渴死於野。斯溪也，提馬之賓，旅望之示巴之行人，慕之望而不得，則駭至其地而不見，則相視欲然。爾曹亦若此溪，使我失望，見我患難，悚然退懼，我豈欲爾供給饋我以貨財，豈使爾援我於勁敵，拯我於兇暴，請爾訓迪我，默而聽我，也有過請爾指示法言，可從，惟爾規我，不足以輔吾德。爾意欲卽我所言，以相詰責，不知絕望之人，言等飄風，爾撻笞獨坑友朋，爾觀我爲人，豈有所誑。請申言之，勿以吾爲不義，或曲或直，自有能辨之者，不我出非義之言，事之是非，我察之明矣。

爾與約百曰：人生苦境，終其年，猶工勞瘁，畢其生，如僕之冀慕，如傭之望我，乃值既遭患害於累月，復遇顛連於竟夜，我寢則曰：與何時，而後偏長，輾轉反側，迄於昧爽，我肉生蛆，蒙以塵埃，膚雖痊，膿

復出日月如梭終身無希望矣命在呼吸不復獲福爾其垂念今日觀面明日不能復見甚恐轉瞬間即歸烏有如浮雲散盡入土者無復返之期不再歸其室鄰里不復見其人夫如是我安能默默已哉焦思苦慮曷禁對上帝而大放厥詞我豈海濤豈鱷魚防禦我曷故我如曰登斯榻可得慰寢於牀可解憂則爾又托噩夢以恐我垂異象以懼我願棄此微軀而就死地已無樂生之心不作永存之想畢生遘難毋寧舍予爲幸且人在世亦甚渺耳何爲加意眷顧之責之無間日試之無已時爾而舍我將至何時曷不假我以曠津之頃爾爲上主鑒察人心卽我犯罪何虧於爾曷擊我使我不樂其生盍赦我罪宥我惡俾我安然入土迄於明日欲追予而不相遇

書亞人必達曰爾所言如風之狂伊於何底上帝無不正全能之主無不義意者汝子犯罪故主退棄之如爾勤求上帝乞恩於全能之主躬行仁義矚然無玷上帝卽佑之使爾全家孳孳爲善振興可必始雖卑微終必增益我生無幾日如影靡定知識未擴所貴乎博稽古昔取法前人彼將啟迪爾以中所蘊藏告爾語曰維彼萑葦非澤可生乎維彼蘆荻無水能植乎青青之時不待人刈先百草而凋零忘上帝者亦若是爲善之人彼所希冀倏忽成空其廬易圯烏足恃其業不存奚以賴與蜘蛛網無異焉惡者惟草雖暴以烈日亦復蔓延於圍根繞壘藤緣石忽被芟除依然隙地杳無踪跡斯人福命之短亦若是其後草復叢生與此無異行善者上帝不棄作惡者上帝不佑爾善是務則使爾喜樂使爾歡呼憾爾者自生愧怍喪德者室廬無存

約百曰是理也我知之稔矣人於上帝前豈得言義如上帝勘問萬中不能答一上帝具

至智有大能，違之者烏能得福。上帝一怒，則岡巒遷徙，山嶽傾頽，大地搖撼，坤輿震動，闔則日不出，閉則星無光，手闔天宇，足乘海濤，斗柄旋參，昂見南方之宮，運其躔度，上帝所行，大不可測，異不可數。其至我不見，其過我不知，其取之孰能禦之，其爲之孰能問之。其怒未息，強者懼之。我何人斯，雖善說詞，安能應對哉。上帝鞫我，我不敢自以爲義，當求沾其恩，求而許，我猶兢兢然，不敢自信。何上帝擊我，如風之暴災，惟无妄不一而足，不使我得片刻之安備，嘗艱苦，欲以力爭，彼力過我，欲以理論，誰爲折中，如稱己義，則不義矣。如言己善，則不善矣。如伐己長，是不知量也。平生所爲，不堪自問，以我觀之，善惡同歸於盡。人忽死亡，主使之然，無辜受難，主不之憫。當今之世，惡人當路，良吏韜晦，使之者非主而誰。日月逝矣，速於郵傳，流光已邁，我未見福之至也。日去如扁舟，勢若巨鷹之搏擊，如我自謂，必泯怨尤，改憂色而作歡容，然患難猶在，懼心未釋，吾知主必不以我爲無辜。主既視我爲有罪，自辨亦徒勞矣。卽以雪水自洗，臉水盥手，主必視我若墮污濁，衣服有知，亦當厭我。我凡民也，主豈與我等，奚敢與之辨論。更無聽訟之人，可定兩造曲直。如主不加譴責，使我驚懼，則我猶敢言，無所畏懼。今則不能也。

我亦不樂生怨，對無已時，中心殷憂，必暢所欲言。我願上帝曰：爾毋以我爲惡，卽加譴責，亦必示以何故。虐遇斯民，豈爾所悅乎。爾既造人，豈遽棄之乎。惡者之謀爲，爾反眷佑之乎。爾豈同凡眼，鑒觀於下若庸夫哉。爾壽爾年，豈若人之短促哉。真勸我咎，察我罪，何其亟耶。爾明知罪我爲無辜，而人莫敢誰何。我之百體，爾所甄陶，奚爲滅我。爾其思之，始造我身，猶陶之合土，今使我

返本易故。我身初成，若乳之流，若酪之結，膚革外充，筋骸內束。爾施恩膏，賜我生氣，爾加眷顧，養我精神。然爾欲苦我之意，蓄於中已久，故有微疵，爾則誌之，不加赦宥，我亦知之稔矣。我若作惡，固足以召禍，若我爲善，不得以自詡，我遭患難，不勝媿恥。如我自許，爾捕我若獅，顯爾異能，爾數責我，爾屢譴我，若軍士之迭出而攻我，爾胡爲生我，何不遄死，勿令人見，則我雖有若無，出胎入墓。我壽幾何，請爾舍余，庶可少息我力，然後長往不返，至幽暗陰翳之地。其地昏黑幽暗，陰翳混沌，其光不光。

拿馬人鎖法曰：聽此長言，不可無以對，如是多口，豈得稱爲義。爾而誇詡，焉得不辯，爾而姍笑，在所當責。爾自謂道清體潔，主不能摘其疵。我願上帝與爾辯論，使爾知其智慧，不可窺測。較爾所知者，倍蓰無算，因悟上帝罰爾，不足以蔽其辜。上帝非可忖度，全能之主，豈得盡知。大哉上帝之智乎！雖上窮碧落，下及黃泉，周行陸地，徧歷滄海，亦終莫之能測。如上帝執人而禁之，當衆而鞠之，孰能禦焉。上帝灼知虛妄，明察惡人，其外若置諸罔見，而實則無所不知也。斯世之人，冥頑不靈，空空如也，自其誕生，已若野驢之子。爾如洗心，祈禱上帝，改諸不善，不與惡人居，則仰無愧，屹立不懼，患難可忘，同於逝水。爾在世必愈於日之方中，今卽幽暗，終必光如平日。後福堪期，雖恥於今日，必樂於他年。爾可安寢，警爾者寡，諛爾者衆，維彼惡人，其目必盲，遁逃無數，彼之失望，與氣之垂盡，無異也。

約百曰：爾豈人中之俊乎，爾曹若死，宇宙間豈無哲人哉。我之慧心，與爾何異，爾無能

過我爾所言者誰不知之。夫爲善行義之人，每爲同儕所嘲諷，我願呼上帝，望其垂聽，亦貽笑於同儕。譬諸火炬，使人無隕越之虞，旣得安居，遂棄之。寇賊之家，反獲平康，欲以己之能匹上帝，干上帝怒，竟享逸樂。試問諸鳥獸，鳥獸如是。試問諸蟲魚，蟲魚亦如是。皆耶和華使之然。此理誰不知之乎？獸之生命，人之性靈，操自上帝。耳察聲音，猶口之知味，智與年而俱進，慧與壽以並增。上帝無不知，無不能，謀猷允臧，聰明克備，所毀人不能建，所錮人不能釋，止溪流而水涸，裂泉脈而地淹，上帝至智至能，凡欺人與欺於人者，咸其所治，使謀臣被虜，士師爲狂，其於列王，則釋其所繫之囚，而拘繫以縲紲。使州牧爲俘，使將帥傾覆，忠盡之言，使之不納，元老之明，使之忽昧，民牧則黜其位，豪強則弛其力。彰奧妙無隱秘，變陰翳爲光明，生齒旣繁，復加翦滅，版圖旣廓，再使侵削，使州牧心盲如流離曠野，躑躅窮途，晦冥無光，遍捫不見，其迷眩若醉焉。

斯言也。我目見之，耳聞之，心會之，爾所知者，我亦知之，我與爾不多讓也。我欲願呼上帝，赴訴於全能之主。爾曹言詞誕妄，如庸醫治疾，斷不能愈，爾不如緘口勿語，則猶可藏拙。今我欲自折中，欲自辨析，尙其聽之。爾旣明上帝降罰之故，代爲剖析，豈可妄辭，豈可譎語，豈可偏視。上帝若加勘問，爾豈能倖免，豈可欺上帝，如欺凡民也哉。如爾心懷私曲，上帝必加譴責。彼有威可畏，有權可凜，爾以爲古訓，我比之塵沙，爾以爲長城，我比之糞土。爾且緘默，我請復申一詞，雖死無憾，卽捐頂踵，亦所弗顧。雖上帝戮及我身，使我失望，亦必毅然自辨，以白我冤。僞善之人，不敢上告於主，若我則否，故必得救。請爾傾耳，諦聽我詞。我今自訴，必得稱義。有能辯折我者，我當

緘默沒齒而無怨，所望上帝一無責我，二無懼我，則我敢自訴。斯時也，爾問我對，我請爾示。我豈屢陷乎罪愆，尤叢集哉？有之則明以告我矣，可遐棄我，若寇讎哉？譬彼林葉飄搖，猶蹂躪之，譬彼百草枯槁，猶追襲之。爾錄我名於爰書，置諸極典，爾記我惡於壯歲，使受酷刑。爾桎我足，禁我遨遊，限我步履。我躬已朽，如肉之已腐，如衣之被蠹。

人乃婦女，誕育既不永年，且多憂慮。若花之向榮，而遭翦伐；若影之倏忽，而無定在人。既如是，爾何必過於追求，鞫其是非哉？未有源濁而流清者，人之生也，其數有定，其限難越。爾使之然，姑舍我，俾得息肩樂終天年，猶備之喜於入息。林木既斫，萌蘖可望生機，難遏其植於地也。根雖老，幹雖槁，潤以雨露，芽萌株發，可誕新栽。人則異是，始則血衰，既而氣絕，歸於無有。如潦之易竭，如澮之立涸，屈而不伸，寢而不寤，必也彼窮盡之日，斯人有復生之時，願上帝藏我於墓，寢否則處我於隱僻，以俟災消禍弭，又不然，定以何日，然後釋我。人既死亡，豈能復生？我生苦境，必有終年，乃逝世。爾問我答，我爲爾所造，爾當眷顧，乃勸我行事，察我愆尤，錄我罪弗忘，增我過。維倍山頽不起，磐石不回，窟穿石則漸靡，浪淘沙則不見人，而絕望亦若是。爾殘人生命，使之逝世，變人容色，使之絕氣，子孫之榮辱，俱不及知，惟其身痛楚，其心殷憂而已。

提幔人以利法曰：寧有吸淒風，吐支辭，而得爲哲人乎？豈可述無補之空言，進無益之浮詞哉？以爾所云，使人不敬畏，祈禱上帝也。爾所言，狡獪不測，可決爾爲惡。我何必言爾爲惡哉？卽爾所出口，爾所舌辯，已可知矣。生人之始，豈爾乎？有山以前，豈爾乎？上帝之意，豈爾能知？哲



人之辭豈爾獨得惡在爾知而我不知爾明而我不明哉。我中尙有老成人皓然白首其年較爾父尤長我之來此以上帝之恩慰藉爾以異言婉導爾豈可藐視爾何心狂白眼玩世心逆上帝口述妄言斯世之人何得言潔婦女所生者何得稱義自主視之卽聖者猶未盡善在天之人猶未盡潔况世人作惡如渴飲水是誠污穢實可厭棄吾試以所見告爾汝其聽之卽哲人之箴規祖考之遺訓粵稽在昔我祖初得斯土不與異邦人雜處其言曰作惡者畢生悚懼強暴者不知死亡之何日驚駭之聲常聞於耳平康之時殘賊忽至遇患難無望拯救臨白刃不能倖免流離求食而無所得禍患將至而不及知災害孔迫俾其恐懼若王與敵戰必能獲勝惡人自恃其勇狂悖成性侮慢全能之上帝挺身馳突以厚盾自衛容貌肥壯軀幹雄偉荒敗之邑彼來據之零落之家彼得處之然轉瞬間是邑是家已變爲瓦礫彼富不成彼業不常羣畜不蕃息其身不得免於難所生枝幹爲火焚燒爲風摧折莫信虛妄恐爲所惑彼所得者浮而不實彼猶林木非時而被斬伐不能長青若葡萄葡萄未稔而先落若橄欖花雖開而早凋僞善之人家必蕭條貪賄之徒室必焚燬中所藏者詭譎外所行者邪惡

約百曰如爾之言聞之素矣爾意在慰藉反使我心戚戚虛誕之詞可已而不已孰使爾嘒嘒舌戰耶浸假爾與我易地以處則我亦能長言以責爾搖首以欺爾然我不爲也必以口強爾志以舌解爾憂今我言不得自解其憂不言不得自釋其悶上帝使我躬追遠我家凌替束縛我體俾我憔悴以證我之不善逢仇之怒殘傷我體緣其憾我怒目切齒攻我特甚張吻吞噬

批頰凌辱，彼此共謀伐我。上帝使作惡者陷我，不義者害我。我享平康，彼來搖撼，執我之頸，擲之於地，以我作的射之，以矢。矢人環我，剖我腎，瀝我膽，不蒙矜宥。屢加撻伐，突如其來，若壯士之攻擊我身。衣麻，崩厥角於塵埃，因哭，顏赤，陰翳蒙目。然我行無不義，祈無不誠。地歎，勿埋沒我血，勿阻塞我顛。惟天可表，在上實鑒之。而友朋嘲笑，不禁潸然出涕，求於上帝，願得在上帝前，明辨其冤，如與同儕言者，然後閱數載，我必長逝不返矣。

爾神已昏，我命垂盡。將入墓矣，然猶爲人凌侮，屢加橫逆。我欲於主前明辯而弗敢，誰保其不怒乎。願主遣我以質，維彼友朋，主蔽其聰，懵焉無智，理屈詞窮，凡使同儕爲寇，所陷其子之目，當盲。民作歌刺我，衆前唾我，主使之然。我有殷憂，目昧不明，體質單薄，譬彼虛影。善人見上帝降災，而生畏懼心，良民見僞善譏彈，而生起攻心。義人志道，久而不息，潔者用力，久而彌堅。爾曹之中，欲求一哲人，不可得也。爾試復言之，我命已終，我志已灰。視晝若夜，視光若暗，別無所望。惟以墓爲室，長眠地下，與朽腐爲鄰，與蚯蚓同處，奚啻父母姊妹。我至此，豈復有冀望哉。卽有所望，安能遂乎。必歸陰府，安寢於土，所望之福，歸於烏有。

書亞人必達曰：何必嘵嘵不已，曷不法哲人之詞，則我與爾言。爾曷視我，冥頑若獸。爾雖忿怒，自戕其身，豈得緣爾故，遂使寰宇之民，盡歸無有。磐石之安，頓失經常哉。惡人之人，虛光必昧，燭照不遠，其室之光，必暗，其燈必息。健步者見困於人，機心者反害及己。足罹網羅，行遇坎阱，機檻囚之，籠絡困之。到處皆絆，隨在維坑，患難臨其身，追逐踵其後。其力因饑而困，頓禍機伏。

於側彼思危苦之疾、蝕其肢體。室無餘慶可復希望、有嚴厲之王焉、而被解至此。既失其業、他人入室、或硫火焚其廬、譬諸林木、本實旣撥、枝葉自枯、其姓氏不稱於通國、不傳於達衢、推而納之幽暗之地、逐而出之寰區之外、彼之所出藐無遺孤、彼之所居惟存隙地、父老駭異、子弟震驚、不義之人不畏上帝者、其終也必如是。

約百記約百曰：爾言實刺我心，令人殷憂，伊於何底。爾煩數責我，聒噪不已，何不自媿乎。我即有過，我自當之。爾妄自誇大，凌辱乎我，不知轉福爲禍。爾我以網羅者，乃上帝也。我雖赴訴，不蒙聽察，我雖呼籲，不得昭雪。由曲徑則阻於藩籬，履周行則迷於昏黑。奪我榮去我冕，禍害切身，使我式微絕望。如樹之拔其根株，逢彼震怒，視若寇讎。集軍旅修甬道，列營壘環攻我室。眷屬愛弛，親戚情疎，是皆主所使也。見棄於鄰里，不念於友朋。傭人侍女，視如陌路。我呼奴僕，下氣怡色，不見其應。妻子厭棄我，兄弟侮慢我。孺子藐視我，我方屹立，遭其譏訕。同心之友，厭棄我躬。眷愛之人，反來攻我。我形瘦骨立，膚革僅存。齒齟獨留，上帝譴我，望友矜憫。上帝旣責我，爾又從而附和之。爾啖我肉，猶不以爲饜足乎。願筆我言，刻之於簡，以錐刺之，以鉛鑄之。勒之於石，歷久不刊。我知救主恒在終，必降臨迨至。膚敗肉消，克覲上帝。我目覩之，實我救主，而非仇敵。我心之大願如此。然爾曰：我儕將何以得其致罪之由，而加詰責。豈不知憾人者必亡於刃，既有是刑，宜悚懼焉。

馬人鎖法曰：我中心焚然，難以自遏。凌辱之言，有激於懷，烏容不答。豈不聞自生民

以來有古語焉。曰作惡者歡呼，弗能恒久，僞善者喜樂，不過俄頃。雖峻極於天，昂頭雲外，終亦必亡。與糞壤同腐，素見之者，必曰其人安在。倏忽不見，真如夢幻。若夜間異象，頓失無所。目覩惡人，不能復覩。鄰里鄉黨，欲見無從。彼攘貧者之貨財，子孫反之，以釋其憾。所作隱慝，深入於骨，及其歸土，惡報從之。惡譬諸食物，甫入口，則甚甘，藏於舌間，久含不棄，下至腹，味殊苦。如蝮之膽，其平日并吞財貨，上帝必使復吐之。或飲蛇毒而亡，或爲蝮螫而死，不能飲甘泉之水，不得居酥蜜之地。雖勞而得財，不能自享，必當反之於人，不可以爲悅。蓋剝奪其民，至於貧乏，則遺棄之人所建之第宅，則強據之其衷懷，不能恬適，其嗜好不能長存。其所食無餘，其享福不永。卽當隆盛之時，必遇困厄，受其虐遇者，必羣起而攻擊。彼旣飽其貪饕，上帝震怒，降災如下雨，使之備嘗。雖避鐵器而傷於銅弓，利鏃白刃深入其臍，拔而出之，不勝戰栗。災害臨之，電火焚之，居其室者，咸遇患難。天瘴其惡，地罰其罪，臨難之日，凡其所有，必盡消亡。全能之上帝，施報於惡人者，若此。

約百曰：我有一言，請爾聽之，則我慰甚。容我竟其詞，後加姍笑可也。我不尤人，第中心自憤懣，有何不可。爾惟是見我而愕然，以手掩口。我追憶曩事，不禁戰慄。爲惡之人，得保生命，而享遐齡，席豐履厚。子孫享福，猶及見之。其家平康，無所畏懼。上帝不降以災，其牛方字，而胎不殞，產憤而保其生。嬰孩成羣，子女舞蹈，播鼗鼓琴，簫管悅耳。其在世也，爲樂靡涯。其逝世也，患疾不久，其平日對上帝曰：我不悅爾道，勿親我，孰爲全能之主，事之何爲，求之何益。爾曰：其福不長，我亦不爲惡人辨。第惡人之燈見滅，其禍猝來，主赫怒加以困苦，果何時哉。彼若飛蓬，轉於

空際彼若糠粃散於颶風，又在何時，我未之見也。爾曰：上帝降殃，罰及其嗣，我以爲何不使其身受之，俾目擊禍患之至，親膺全能者之震怒。若生命既絕，家庭之事，已不及知矣。矜高之人，爲上帝所鞠，其間孰能贊一詞乎？斯世之人，或至死，豐盛平康，得享綏安，胸膈脂充，百骸髓滿，或至死，困苦盈懷，終不享福，要皆長眠黃土，蚯蚓盤其上。我知爾狡，欲以口給與人，爾曰：霸者之殿安在，惡人之宅烏存？何不詢諸行路之人，以其言爲據，其言曰：爲惡之人，亦蒙矜憫，死之日，友朋送喪，彼之所行，孰敢斥之，誰能報之？羣送之墓，謹守其陵，封植甚美，前呵後衛者，不可勝計。爾之慰藉無益，爾之言語差謬。

爾曰：提幔人以利法曰：賢者惟自獲其益，原無所裨於上帝。蓋全能之主，不因爾之爲善行義，而福祉喜樂有所加增也。上帝責爾，爾者，豈畏爾哉？爾之罪惡甚衆，爾之過失無數。爾無故取同儕之質，奪貧寒之褐，不飲，食饑渴，強者任其待土，尊者聽其得廬，彥者使之徒反，孤者去其所恃，是以四周皆設機檻，危懼頓生，幽暗蔽爾，洪水淹爾，天之高也，星辰麗焉，上帝在其上。爾曰：上帝所居幽深玄遠，豈能鑒觀下土哉？逍遙天上，鑿重疊，焉得見我。是爾法古昔，惡人之所行者也。不期大河忽決，而惡人與室廬悉遭淹沒。彼曰：上帝勿親我，全能之主，無益於我。不知嘉物盈室，無非主所賜也，故我亦不爲惡人辨。義者見惡人之敗，則欣然竊哂曰：我仇見絕，其富有火盡燬之。今我勸爾，當歸乎主，復得其歡心，則可納福。恪守其矩矱，服膺其箴規，冀除爾居，歸全能之主，則可再徵福祉。如爾視礦金無異塵埃，視阿妃之金，若澗溪沙石，則全能之主，乃爾金銀。

之礦。爾惟主是悅，恒仰上帝。爾祈禱得蒙垂聽，許願得遂，所願所志必成。光照爾途，隕墜之人，爾其扶之。馮謙之士，爾其救之。有罪之民，爾其援之。因爾自潔，使彼免於患難。

約百曰：我心焦勞，大放厥詞，彼降重災，使我欲歔欲絕。彼居何方，願聞其地。吾將往，以所抱之冤抑，陳於其前，折辨不已，則彼定擬之意可知矣。彼必不以大能責我，反加體恤。可得自辨，明我爲義，則人無從罪我。乃趨之於前，而彼不見，索之於後，而彼不在。意其匿於左，而不能遇，意其隱於右，而不克覲。我之行爲，彼所鑒察，見試之後，若金之經煅煉，我履其武而不越，守其道而弗失。恪遵誠命，視其言重於食。厥命不貳，誰能易之。彼從心所欲爲，先定命，後降災，災浸不一。絡繹將至，言念及此，不禁畏懼。全能之上帝，已喪我膽，使我畏葸，喪亂以前，何不先絕我命，使我身不親見憂患焉。

全能之主，知無不周，既定期罰惡，何不使善者見之。惡者侵人畛域，爲己有，攘人性畜，以爲食。驅孤子之驢，以發婦之牛，爲質。遇貧乏者，辟之於途，令無地可容。惡者若驢，往彼曠野，以務操作，亟於求食，得諸平原，已及子女，藉以餬口。在他人之田，穫其五穀，在強者之園，摘其葡萄，裸無衣而露宿，寒無衾以蔽體。登山遇雨，棲身巖穴。奪孤子於母懷，取孀人之衣，以爲質。使彼裸體從其後，枵腹負其禾，歸至室，渴甚，又使之醲油製酒，俾困苦者歎息，傷心者呼籲。惡人橫逆如此，上帝不加以罪，更有甚焉。不喜光明之路，舍而弗由，昧爽戮貧乏，寅夜劫貨財，暮則行淫，自蔽其容，意謂人不得見。穿窬於昏夜，匿迹於旦晝，不以昭昭爲樂，視日之明，同於陰翳，暗昧之地。

人之所慮、彼之所習。彼若萍蹤、飄流靡定。有田不耕、有園不植。亢陽酷暑、雪水漸消。惡者之入墓亦若是。其逝世之易、如摧枯木。既歸槁壤、蚯蚓噉之。卽心腹之人、亦不之念。當惡人存日、無子者遭其虐遇。無夫者受其摧折。有能之人、不能與爭其動也。人之軀命難保、上帝雖鑒察之、彼乃綏康、安於厥居。勃然而興、不久逝世。與衆無異。譬諸田禾、既稔而刈。如曰不然、試與我辨、指我言之。刺謬。

書亞人必達曰、主有權可凜、有威可畏。至上之域、咸賜綏康。軍衆不勝數、光遠無不及。斯世之人、於上帝前、豈得爲義婦女所生。何得言潔有主、而星月不能與之爭光。世人若蚯蚓、豈得爲潔哉。

約百曰、爾所助、非無力者乎。爾所救、非無能者乎。爾所訓誨、非無智者乎。非欲以此彰爾明哲哉。爾之欲教者何人。爾之所感者何神。九泉之下、幽冥之衆、俱畏上帝。主之前、陰司昭著。暗府不蔽。主陳北極於清虛、懸大地於無物。水在雲中、相涵不漏。主之位、密雲遮護。圓包環海、以示幽顯。主一叱咤、四維震動。施其大能、海波湧湧。行其大智、洪濤恬靜。鼓其氣、穹蒼朗霽。展其力、龍宿羅布。此其小者也。我所聞者止此。若夫雷霆轟烈、又孰能測之耶。

約百重申其詞曰、全能之上帝、不以直道待我。俾我困於心、我指之而發誓。上帝假我以年、一息尚存。口不出惡言、舌不道非義。我斷不以爾言爲然。雖死亦必不以吾爲不善。兢兢執義、不敢稍失。畢生所爲、內省不疚。敵我攻我者、其敗也。當若惡人、僞善之人、雖弋取貨財、上帝

斷其氣，烏能復望福祉。災害至而顛，上帝安得升聞於上。彼豈能維主是悅，恒禱上帝。上帝之旨，我將告爾。上主之道，我無所隱。爾曹咸知斯理，何故出此迂談。爾曰：全能之上帝，報惡人，罰強暴子孫，雖蕃或遭戮，或乏食，或遇疫癘而死。鑿婦不泣，雖藏金若泥沙，積衣若邱陵，而衣適爲義人之衣，金適爲善人之金，所建之室，如蜂房，譙舍之不能久。富人死不得殮，瞬息間歸於烏有。彼遭患難，若洪水淹之，若以開颶風撼之，東風掃之，暴風吹之，爲上帝所射，不加矜恤，欲遁而不能，人憤聲鼓掌，擯之遠方。

出銀有自，煉金有方，土中取鐵，煮石成銅，窮極奧妙，格物致知，陰翳暗窳之穴，皆能遍察。鑿穴深邃，迥異人世，足不及地，繩而下，空懸墜定地上，所產可以食，地中所掘可爲火，石韞玉，沙藏金，鷲鳥不之識，鷹目不之窺，惡獸未之履，猛獅未之過，磐石雖堅，人能鑿之，山根雖固，人能斷之，鑿石以殺河水之勢，珍寶畢露，障其川流，得窺底蘊，要其智慧聰明，不可得而測也。其價不可勝量，雖歷天下而無所得，索之深淵，深淵無有，求之滄海，滄海難邁，斯智也。金不得鑿，銀不能購，阿妃之金，碧玉，青玉，無能相踰，琉璃，精金，不能相易，珊瑚，水晶，俱不足以介意，蓋智慧之價，過於琅玕，雖古寶之淡黃玉，諸兼金，不能沽也。智慧從何至，聰明在何方，生民未之覩，飛鳥未之見，陰司暗府，惟聞其名，上帝自知之，自識之，遍觀地極，鑿察天涯，權衡四風，量度諸水，爲雨露立其法，爲雷電定其程。上帝見之早，察之預，以曉人曰：寅畏上帝，卽智慧，革去諸惡，卽聰明。



全能之上帝，親我眷我，子女繞膝，乳之多可濯足，油之盈若澗泉，我出入邑門，備位公庭，少者見我而趨避，老者見我而起待，同官肅然無譁，長者柑口，齟閉舌卷，聞我者祝嘏，見我者揄揚，蓋貧乏孤獨，顛呼望救，我無不援手，危者見救而祝謝，聲者見助而欣喜，我以仁義爲衣服，以公正爲冠冕，我爲警者之目，跛者之足，我濟困乏，猶父之慈子，疎者我爲之理其事，爲惡之人，我折其齒，奪其所噬於口，我行若此，自謂必享遐齡，若沙之無量，終於正寢，譬諸根株，水潤之，譬諸枝葉，露滴之，我威再振，我力復強，我陳謀猷，人默而聽，我言如膏澤，咸以爲然，人之望我，若望甘霖，若地甲坼，以待春雨，如我笑謔，人不敢厭我，笑以怒我，我若民長，使由使知，若王者進退軍旅，若保惠師之慰藉憂民也。

越至於今年，少於我者，反加訕笑，彼之父兄，自我視之，比之守羊之犬，不若也。彼若老邁，氣力已衰，不能助我，因饑饉匱乏，不勝顛頓，適荒野而求食，或刈藜藿於草叢，或取蒟蒻之根爲食，見逐於人，人呼其後，若叱寇賊所居險阻，湫溢窟穴，磐巖呼號於林中，咸集於荆下，愚蠢側陋之子，無俾居於樂土，斯人作歌，託詞以譏刺，厭棄我躬，唾我面而弗我惜，不自檢束，無所不爲，以困苦加諸我，是直妄人也，立我之右，顛躓我足，彼害及我，猶敵築壘以攻，彼乃遊民，毀我所由之道，速我之亡，突如其來，圯其城垣，乘機擁入，患難之至，猶飄風之來，我榮已去，我福不長，等諸浮雲，今我困苦不堪，聊抒憤懣，骨痛若刺，終夜不息，疾大漸，肌膚不營，一身拘急，如衣束縛，推我於塗炭，遍體塵垢，禱告乎主，不蒙垂聽，待立其前，罔加眷顧，爾轉弗恤，以大力攻我，猶捲以狂風。

飄飄不定，使我喪膽，不勝戰慄。我知爾必致我於死，入億兆富歸之窠窠。上帝降災，使人喪亡，祈禱無益，呼籲無裨。人遭患難，我爲哭泣，貧乏遇害，我心懷憂，仰望福祉，反罹禍害，守待光明，反遭暗昧。患難既臨，中心焚然，不獲綏安。未暴於日，面目黧黑，立於會中，我常呼籲，我與野犬遊，我與鴛鳥居。我膚已黑，我骨已焦，我鼓琴以寄哀，我吹簫而泣訴。

我不視色，以爲目饑，恐天上全能之上帝降罰於我。惡者災害及之，奇禍中之，上帝鑒我行爲，察我步履。我若虛妄，行不軌，願上帝至公權衡，則知我素行純良。如我叛乎正道，目視邪色，手染污穢，則我田所稼，任人食之。我土所產，任人攫之，如我爲婦女所惑，或瞞人不在，而誘其妻，則願我之妻，爲人旋磨，凌辱於人。此乃澆漓之俗，士師所必罰，或燬其身體，或壞其禾稼。如我不公，以渣下，使彼抱屈，上帝鞠我，則我何詞以對我主我僕，何非父母所生，上帝所造。貧者所欲，我施之，貧者所望，我遂之。簞食之微，不敢自食，亦必與孤子共。我自幼時，撫人之孤，助人之廢。我見流民無衣，貧者無服，衣以羊毛，俾煖其體，而祝謝我。雖在公庭，左右環立，我未嘗鞭扑孤子。如我有此，願我肩脫於缺盆骨，臂脫於羊矢骨。我畏上帝之威，恐其譴我。我不以金爲寶，亦不以兼金爲可恃。雖財貨豐饒，弗以爲樂。我見日月輝光，心不搖惑，手不接吻，以爲禮。恐違至上之上帝，爲士師所罰。仇有禍，未嘗欣喜踴躍。我不祈降災於仇，以犯罪家之人。未嘗曰：食無肉，枵腹堪嗟。賓旅，不使宿於衢，行路之人，我啟門而管接。我不若他人，自隱其罪，不言己過。如我若此，則必戰慄於衆前，爲戚族所藐視，緘口無詞，杜門不出。此我自訟之言也。願全能之主垂聽，而降其旨。

有訟我者，請陳其說。我必以其言負於爾。戴爾言毅然無懼，直造主前。平日所爲，述之不隱。浸假地非我有而奪之，不償其價，食其所產，則土亦將號呼。田疇亦將哭泣矣。若得荆棘叢生，惡菜遍發，以代小麥薺麥，正所願也。於是約伯之詞已竟。

約伯自以爲義，三友不與辨也。有以利戶者，亞蘭族，布西裔，巴刺迦子也。見約伯不以上帝爲義，而以義自居，則怒。又見三友無一言確指約伯之非，而漫加以罪，怒益甚。始以約伯年長於己，故俟其言竟，而於三友理屈詞窮之後，不平於心，乃曰：我幼爾老，故中心退讓，不敢率爾陳我意。竊思有年者當先言，以道指示夫人之聰明，皆賴上主之神所賦。大人睿智，老者達道，未必盡然。請言我志，爾其聽之。爾曹詳究斯理，我已備聆。竊思爾中無人能與約伯辨，而直折其非。是理有未明故也。能斥之者惟上帝。人則不能約自辨論。未嘗與我爭，我與彼言，亦必不如爾所云。爾曹憚然，莫措一辭，俟之良久，默然無語，不能辨駁。故我欲與之辨，自陳己意，有懷欲吐，中心迫切。如酒在新革囊，氣冲欲裂。我言則氣可舒矣。是必暢所欲言。我待人至公無詔，如言阿諛，造我之主，必厭之。

約伯自乎，請聽我言。聆我語，我不憚鼓唇饒舌。所言真實無妄。上帝之神造我，上主之氣生我。如爾能對我，則起而陳其說。我與爾無非上帝所甄陶，原無異也。我之威不足以惕爾，我之權不足以制爾。昔者聞爾言曰：我清潔無辜。上帝攻我，視若寇讎。桎我足，禁我遨遊。爾言實悖乎理，我不能不辨。夫上帝卓越於人，任意以行，爾不順受。曷故。上帝言一而再，人弗從也。夜靜人

寢、偃臥牀褥之時，或示夢，或顯異象，言提其耳，靜謐示之，使人改過，去其驕心，不令其入塚墓，遭白刃，惟使之負痛迫切，偃息在牀，遺疾纏綿，害入骨髓，遂厭食物，不飭珍錯肉，消骨立，生命臨墓，近於喪亡，時有使者，才德異衆，以上帝之道，明示之，於是主矜憫其人曰：我已贖彼，免其入墓，病者得愈，同於再造，其體壯健，無異少者，祈禱上帝，蒙主悅納，復獲福祉，歡然見主，言於衆前曰：我昔犯罪，蹈於非義，所爲無益，主援我，免於死亡，復觀光明，上帝待人若此者，屢矣，援之於墓，使享有生之福，約白歟，我願言我志，尙其默然以聽，我欲待爾以義，爾有所云，何妨直對，不然，則緘厥口，俟我曉爾以理。

以利戶又曰：凡爾賢人哲士，試聽我言，耳察聲音，猶口之知味也，當準之以理，而擇其善者，約白嘗曰：我乃義，上帝不以直道待我，如自謂不義，是欺人也，然我雖無過，厥疾不瘳，約白狂而多言，如渴而縱飲，較諸他人尤甚，是從惡黨，與作惡者，如出一轍，彼曰：崇事上帝，亦何所裨，維爾智者，請聽我言，寧有全能上帝，而行非義哉，必視人所行，而加賞罰，全能之上帝，誠無不義，直道以待人，彼立大地，理天下，獨斷獨行，如定其意旨，不使人通呼吸，則億兆死亡，衆生歸墓，爾有智慧，宜聽我言，如上帝不秉大公，何以理衆生，蓋至義者莫若主，豈可以不義之名，委之哉，王公諸伯，尙不可加以惡名，况乎上帝，貧富尊卑，視同一體，皆其所造者乎，俄頃之間，民人死亡，中夜震動，逝世者衆，有能之人，亦被斥逐，此非假手於人也，上帝鑒察寰宇，知人所爲，行惡之人，遁於幽暗陰翳，不能自匿，上帝鞠人，毋庸參聽，不察而明，有權能者，降以重譴，使人代其職，上帝

悉其所行，加諸患難，糜爛其身，因其行惡，擊之於衆前。昔彼背主，不從厥道，慮遇貧民，使呼籲於上。上帝垂聽之，主所福，誰能禍之，主所禍，誰能福之，其待人或一國，或匹夫，無二理也。不義者黜其位，不使爲民坎阱。爾宜告上帝曰：我既受爾譴責，必不再蹈前愆，我所不知，請爾指示，不敢復履故轍。上帝賞罰，爾雖不欲，豈可徇爾私意，此實係爾事，於我何與？爾有所見，請爾述之。智者聞斯言，必曰：約百懵然無知，所言不明乎理。我亦曰：約百黨惡同謀，愈增其罪，言忤上帝，欺世人，故我欲人窮詰其辭。

以利戶又曰：爾於上帝前，自稱爲義，爾又言，雖不犯罪，亦無所裨，斯言也，豈合乎理。我將答爾，與爾同儕焉。試觀乎天，蒼蒼在上，如爾作惡貫盈，於彼無所損，如爾爲善不倦，於彼無所加，其遭爾之害，而受爾之益者，惟爾同儕而已。人受困苦則歎息，遭橫逆則呼號，然造化之主上帝，使人於患難中，謳歌逸樂，俾其明理，靈於禽獸，何以籲呼求救者，世無一人，卽有其人，因其驕侈，雖呼莫應。全能上帝，不聽虛誕之辭，惟秉公義，爾雖未嘗目覩，時至自能見也。今上帝猶未震怒，薄加譴責，爾乃啟口徒勞，語複詞重，多見其不知量也。

以利戶又曰：爾其少忍片時，予猶有言，以明上帝之事。我鉤深探奧，歸義於造我之主，口不出虛誕言，不尙浮誇。上帝無所不能，無所不知，不藐視人，爲惡者短其年，困苦者伸其冤，眷顧善人，尊其位，與王同列，其繫以繯，加以患難者，欲指其過失，責其驕泰，使受訓誨，改惡遷善，如其聽從，則日享平康，終身受福。如其違逆，則亡於刃，不明道而死，頑梗之人，積愆于怒，無所

禱之心，上帝罰其罪，與變童同科，少年短折，貧乏者流，主必拯救，在患難之中，言提其耳，指示以道，由是觀之，主必率爾，出於危迫之地，導爾至安閒之所在，彼無所困苦，臚陳於几筵者，備極豐腴矣。如爾黨惡，厥罪貫盈，罰必及之，上帝震怒，恐加刑譴，雖多金不能贖，即富有金銀財貨，主不以爲意，勿樂死亡，歸於陰府，爾遭患難，屢出惡言，後當謹恪，上帝無不能，其善誘非人可及，獨斷獨行，誰能議之哉。上帝所爲，億兆見之，遠近仰之，爾當頌美焉。上帝至大，難以悉知，其壽無疆，不可計數，以一勺之水，與雲致雨，空中靈霖，常沾常足，天雲羅布，雷聲震轟，烏乎測之，電閃穹蒼，覆儂海底，或誅殛惡民，或廣生百穀，或以雷電，任意震擊，爲善者庇其身，作惡者降以殃。

雷聲既發，電火昭彰，上帝行雷，其聲甚奇，神妙莫測，上帝降雪霏微，下雨滂沱，人不得操作，欽崇其主，百獸入穴，羣居其數，飄風自南而來，寒氣自北而集，大風起而堅冰至，巨川凝結，天朗氣爽，鸞鷟俱散，氣候推遷，俱遵主命，行乎天下，皆成其意，或降以災，或施以恩，潤澤土壤，約百乎，請聽我言，試思上帝神妙，無所不知，治理萬事，鸞鷟懸空，電閃其間，奇幻莫測，爾知之乎，薰風和暢，兆民溫煦，上帝開闢穹蒼，奠定無爲，如鑑之空，爾能佐理之乎，我儕愚昧，不能置辯，爾能教我乎，人議上帝，必見殘滅，吾人不敢以所言升聞於上，鸞鷟蔽空，日光忽匿，狂飈倏至，天雲捲盡，金光現於北方，上帝有威可畏，全能之主，妙不可測，巨能至義，一秉大公，待人無偏，雖智者亦有所不知，故人當寅畏焉。

耶和華乘大風謂約百曰孰以愚昧之詞使道不明乎當鼓爾氣勿愧丈夫我問爾答可乎我肇基大地之時汝安在知則告我誰爲量度誰爲準繩何地築址基何人立四隅當時星使欣咏天神謳歌海水初生孰隄防之若閉其門其蔽以密雲遮以驟驟定其界址設其門礎語之曰至此則可不得越其防爾之洪濤澎湃至此而止者非我乎爾誕生以來亦曾命旭日升黎明至乎地之四極輝光旣布宵小匿迹宇宙一新如印印泥如人衣衣作惡者流不以光爲光光天之下不敢作爲海之泉源爾豈能窮淵之深處爾豈能及爾豈能啟陰司之戶窺暗府之門大地之長廣爾豈能測如知之試言之光在何方暗在何所爾豈識其途能導人造其境乎爾壽豈高爾年豈永而能識此理哉雪雹藏諸府庫爾豈見之患難之時以殛斯民輝光何以四射東風何以孔布誰沛霖雨誰發雷電使空曠之野無人之所亦被膏澤荒土草木甲坼芽萌乎誰致雨露誰降冰霜水變爲石淵面凝結乎誰繫昴結解參帶引十二宮躔度不差轉斗柄旋衆星乎爾豈能爲之乎爾能運行天道使地歸其統轄乎爾能呼雲使洪水淹爾乎爾能掣電電之現伏皆從爾命乎誰使兆民心明意慧乎孰能核雲之數傾天之益旣雨之後塵成泥土作團乎牝獅稚獅伏於巖穴藏於林藪爾能爲之覓食以充其饑乎鴉無所獲其子哀鳴於上孰予之食乎身劬勞生子其子漸長適野不歸誰使野驢不受繫維居曠野處鹵地邑衆之譁不畏驅者之聲不顧遊原隰食草萊者非我乎兕能爲爾服役安處爾廐乎爾可繫之以索耕耘平隰乎其力雖

大豈可恃之服勞隴畝，望其運穀至場圃乎？駝鳥敷展其翼，羽翮詎同於鶴，遺卵於土，暴卵於沙，人踐之，獸躡之，亦不顧焉。生之雖不易遺之亦弗惜，若非已有蓋我不賦以靈慧心，故其性若是，然彼高展其身，雖乘馬逐之，亦不畏。馬力矯健，豈爾所賜？馬竄奮揚，豈爾所予？其躍若蝗，咆哮可畏，豈爾所使乎？騰蹕平原，自負有力，其往也，遇兵革，蹈白刃，無所畏懼，矢發之聲，戈矛之鳴，盈於其耳，彼則暴躁踴躍，蹄所未至，氣已先吞，角鳴則進，角響則斯，武士號呼，兵卒戰鬪，雖遠亦聞，雀鷹既飛，展翮往南，豈爾所使？大鷹翱翔，營巢高嶺，豈爾所命？彼居巖巖以棲身，在彼瞻望以覓食，其離喻血尸所在，大鷹集焉。

耶和華又語約百曰：我全能之上帝也，爾昔欲與我辨，今何詞以對？約百曰：渺我微軀，弗能應對，無以措辭，我昔言之，一而再，今則不敢復贅一說，於是大風復至。耶和華告約百曰：當鼓爾氣，勿愧丈夫，我問爾答，爾豈可廢棄我命，自以爲義，而以不義之名委我？爾有巨能若我，爾可行雷若我，試以威嚴爲外飾，試以尊榮爲衣服，爾施震怒，使矜高者卑微，驕肆者喪敗，作惡者蹂躪，藏之窀穸，繫之陰府，我則謂爾有能，足以自救，我造人之時，亦造巨獸，食草若牛，腰勁腹便，股筋環束，尾搖若柏香木，骨堅若銅柱，鐵幹，我造生物，巨獸爲最，賜以長齒，利若鋒刃，登岸覓食，百獸不懼，伏於蓮渚，藏於蘆叢，蓮葉蔽之，堤柳繞之，溪河漲溢，彼不畏葦，約但泛濫，彼尙安居，人設坎阱而獲之，以繩貫其鼻。

若鱷魚則異是，爾能以鈎釣之，以索勒之，以繩繫其鼻，以圈貫其頰乎？彼豈求爾諫



爾與爾結約，爲爾服役乎。豈可繫之若鳥，爲婢女所戲弄。豈可作嘉肴，以供同儕。豈可齶其肉，以饜商賈。豈可以戈矛陷其皮，以魚叉貫其首。爾欲徒搏鱷魚，思與鬪不勝則止。孰之盡屬虛願。見之立爲喪膽。猛士見鱷魚，且莫敢撻。嚙則敢與我爭。天下萬物，皆我所有。孰能先施諸我。使我酬答乎。若夫鱷魚之肢體，可詳言之焉。力甚雄巨，甲爲美觀。孰能剝其膚。孰能近其口。孰能啟其頰。可畏者其齒，最美者其鱗。密若緘封，連砌無間。氣不得通，膠漆交融。不能相分。噉發有光，目啟若曙。口吐火燄，點點若明燈之光。鼻出烟霧，烝烝若釜甑之氣。呼吸可燃炭，出口皆成燄。項有力，人盡畏。腹下肉，毫無腠理。堅不可動。心剛如石，過於底磨。鱷魚震動，英豪畏懼。手足失措。人欲擊之，鋒刃不利。甲胄無益。視鐵若蓬蒿，視銅若枯木。射以矢，不思逃遁。發以石，等諸草芥。人制挺，彼以爲芻。人舞戈，彼亦不畏。腹下之鱗，同於瓦片。比諸耙器，印泥有迹。其下深淵，水激射若鼎沸。海翻騰，若調膏。其行波際，有光可迹。海爲之白。天下莫與之儔。性無畏懼。强悍者被其蔑視。爲鱗族之雄。

第四十三章 約百對耶和華曰。我知爾無所不能。凡所欲爲，莫之敢止。我誠以愚昧之詞，使道不明。我前所言，我不知。斯事神妙莫測。我上得而窺焉。請聽我言。我將上聞。願求指示。昔者僅屬耳聞。今也始能目覩。故我自憾。坐於塗炭。旋有悔心。○耶和華諭約百。已竟其詞。則語提幔人。以利法曰。我僕約百所言，較爲可許。爾與二友辭不當理。于我震怒。恐我鑒爾妄行。而加報施。今當取半七羊七。請我僕約百代爾燔祭。爲爾祈禱。蓋約百我眷顧之焉。提幔人以利法書亞人必達。

拿馬人鎖法、遵耶和華命、耶和華垂顧約百、聽其代友祈禱、則復其舊業、較昔倍徙。約百兄弟姊妹與素相識者俱至、同食於其家、聞耶和華降災、則解其憂、慰其心、各饋金一環。嗣後耶和華錫嘏於約百、福祉較昔尤盛、獲羊一萬四千、駝六千、牛一千、耦牝驢一千、生子七子、三女。孟女命名耶米馬、仲女命名基洗亞、季女命名基連哈僕、俱有殊色。天下罕匹、與諸子共承父業。嗣後約百享壽一百四十年、目見子孫四代、年邁考終。

舊約聖書

約百記

第四十二章

五百四十八

詩篇

第<sup>一</sup>篇惡者之謀兮弗從，罪人之途兮弗蹤，侮慢之位不居兮，福祉來降。以耶和華之律法為悅，思之維之，夜以繼日。譬彼林木，植於溪旁，隨時結果，其葉青蒼，百事允臧。維彼惡者，猶之粃糠，為風飄揚。被鞫兮無攸利，不得與義者聚。耶和華兮，作善者悅納，不善者喪亡。

第<sup>二</sup>篇異邦奮怒，諸民徒謀，奚為哉。列王立羣，伯集，耶和華是違，受膏者是逆。曰：不如斷其縶維，解其繯綫。上天之主始哂笑兮，繼震怒，加以譴責，使之戰栗。曰：我沐以膏，立之為王，治理郇山，卽我聖岡。受膏者曰：耶和華有命，吾述其詞。曰：爾乃我子，今日生爾，爾惟求我，我以異邦賜爾，暨地四極，為爾所得。卽以鐵杖，毀如陶器。列王宜有慧思，士師順受譴責，宗事耶和華，寅畏虔共，一則以喜，一則以懼。上帝之子，爾當接吻，以為禮，恐俄頃之間，赫然震怒，而爾死於途中，恃之者有福兮。

第<sup>三</sup>篇大衛避非利士人於迦特耶和華兮，苦我者多，攻我者衆，維彼有言，謂我不見拯於上帝。然耶和華衛護我躬，使我昂首。耶和華在聖山，維我籲呼，蒙其垂聽。我偃而臥，我寢而醒，蓋我為耶和華所保定，萬人環攻我無備焉。我上帝耶和華已批敵人之頰，曾折惡者之齒，今望爾勃然以興，拯救予兮。耶和華普救選民，不錫福祉。

第<sup>四</sup>篇此大衛所作使伶長鼓瑟歌之仲我冤兮，上帝昔遭困迫，而爾援手，今求矜恤，願爾俯聞。惟爾世人藐視我榮，兮向虛妄而何底，豈不知敬虔之士，為耶和華所遴選，有祈而必聽。宜寅畏，毋違逆，偃息於牀，以

存想兮，厥口而緘默。惟耶和華是恃兮。行義以爲祭。民之多言，謂誰福我兮。予曰：願耶和華色相之光華，於我而普照。余歡然喜樂兮。雖旨酒孔多，五穀繁熟，比之且不足。予安然偃臥，錫我安居。惟耶和華而已。

**第六篇** 此大衛所作使伶長歌頌之

耶和華兮，聽我詞。爾垂念于歆歆兮。上帝兮，吾之大君，余有求兮。聽吾祈，耶和華兮。余清晨頌告，望爾拯救。爾俯聞是禱，維彼罪人兮。上帝不悅，不許同居。行暴兮。爾所遠，品惡兮。爾所疾，誕妄之人，必敗之兮。詭譎殘賊者，必厭之。我蒙厚恩兮，詣爾室。我畏嚴威兮，望聖所而崇拜。我之敵兮，實繁有徒。望耶和華示我，以大義兮。導我以坦途。彼敵人心懷惡念兮，口尙虛詞。喉似破瑩兮，舌則詔諛。是施，違逆上帝，罪惡貫盈。上帝必降罰，使自罹詭謀，而取其戾。凡恃爾愛爾，蒙爾庇護者，永得喜樂。歡聲而呼，爲義之人。耶和華錫以純嘏，施以鴻恩，範衛其身，如護以盾兮。

**第七篇** 此大衛所作使伶長歌頌之其聲宏緩

耶和華兮，勿施震怒，勿加譴責。我身荏弱，爾其恤之。我骨戰慄，爾其醫之。我心畏憚，爾不援余，將至何時。耶和華兮，拯救我。施爾恩兮，手援我。墟墓間，孰能憶爾。幽冥中，誰克頌爾。我困憊兮，歆歆。終夜兮，流涕。幃榻兮，沾濡。仇敵孔多兮，憂心鬱紆。我日衰老兮，面目槁枯。爾曹爲惡兮，勿逼處此。蓋耶和華憫我，號泣兮。聞我所禱，允所求兮。眾敵媿恥，穀棘遁逃兮。

**第八篇** 此雅威人古實發大衛作此歌以詠和舉

耶和華我之上帝兮，維爾是賴。逐我者眾兮，望爾拯救。恐彼若獅，分裂百體兮。斷傷四肢，欲援手兮。靡所施。我之上帝耶和華兮，曷敢維惡是作。彼夫夙昔交厚兮，待之

薄無因仇我兮報之酷吾而有是兮任敵蹂躪窘逐沒世而名泯漠願耶和華勃然而興兮莊嚴而臨兮使我之煩冤兮得白使敵之憤怒兮悉平爾居高位兮黎庶咸從四面環立兮聽爾折中爾耶和華其俯鞠兮彰我作善之功上帝無不義兮鑒民衷藏惡則墮之兮善則彰上帝範衛我躬兮肫誠之士普救之兮上帝秉厥公兮作惡之人日降鞠凶兮彼其之子若由惡終兮上帝礪乃刃挽厥弓備火矢施戈兵維彼惡念是藏詭計是行若婦懷妊而生育兮彼掘坎阱兮自陷其中所謀不軌兮自取戾所爲不順兮喪其元至上之主耶和華兮惟秉大公余頌美謳歌兮靡窮

**耶和華**

此大衛所作使伶長鼓瑟而歌

耶和華兮吾之主赫赫於天兮巍巍於地爾以赤子乳哺者之口極力以頌揚使仇敵緘口而不張我觀爾所造之穹蒼又星月之輝光世人爲誰兮爾垂念之人子爲誰兮爾眷顧之爾使人子少遜於天使兮後加以尊榮任以督所造之物服萬物於其下六畜百獸飛鳥潛鱗海中百物無不歸其統轄巍巍乎我主耶和華之在寰宇乎

**耶和華**

此大衛所作使伶長歌之其聲清越

我一心頌美耶和華神妙之經綸余爲之傳述兮至上之主余不禁喜樂謳歌以讚歎兮爾使我敵敗北蹶其趾淪胥以亡兮爾在位兮秉大公爾聽訟兮伸我冤敗惡黨罰異邦兮永世塗抹其名兮敵人永亡兮圮其邑牆兮不揚厥名兮耶和華坐其位悠久無疆兮是與非辨之詳兮秉大公以鞠世兮操至義以治民兮屈抑之子範衛之於患難中兮宗事耶和華以之是依兮祈禱耶和華必不見棄兮耶和華居郇邑宜謳歌之而於民間揄揚其經綸兮殺人者必究其罪窮乏者不忘其祈兮昔余瀕死耶和華拯之兮今敵苦我望耶和華憫之兮今余得

救折喜不勝頌揚爾名於郇門兮卅五異邦人設坎阱以自陷兮藏罟網自繞其足兮卅六耶和華彰彰大公有如此兮作惡之人祇自取其戾兮卅七異邦之民不敬上帝爲惡之徒必歸暗府兮卅八窮乏之人福祉是望今雖遐棄後蒙垂念兮卅九願耶和華勃然而興毋許世人獲勝俯鞠異邦兮俾其恐懼自知爲凡民兮

**第二篇**何患難時耶和華遙立弗眷顧兮一惡者驕肆慮遇貧乏設謀以陷之兮二飽其欲而自矜取不義而自足於耶和華而欺之兮三惡者驕泰以爲上帝不加考察而屬於虛無兮四既所爲之如志復災眚之弗及所以藐視讐敵兮五以爲吾身不遭憂患子孫不至艱危兮六厥口咒詛詭詐是施兮七厥舌謠詠殘害是爲兮八其在鄉黨匿迹歧途兮九陰害箝獨私殺無辜兮十彼若獅兮穴視而耽耽執貧民兮羅網之是張攘奪之是行兮十一遭糜爛被陷害弱制於強兮十二惡者謂上帝不及知兮蒙蔽厥面永不鑒斯兮十三願耶和華勃然而興兮施厥巨能毋忘貧民兮十四毋使惡人凌侮謂上帝不加研究兮爾實鑒察灼知殘害而報之兮十五貧民惟爾是賴孤子蒙爾眷祐兮十六作惡者流願爾摧傷窮詰厥罪而弗宥兮十七耶和華爲君永世靡暨兮十八異邦之民見絕於斯地兮十九貧者上祈耶和華傾耳垂聽而堅其志兮二十爲孤獨貧乏雪其冤二十一不使被逐於斯境兮

**第三篇**

此大衛所作  
使伶長歌之

有曰爾當遁逃如鳥歸岑兮一惡者將挽弓繳矢私射直躬之人兮二柱石傾頹義

士孤行兮不知余惟耶和華是倚是憑兮三耶和華其位在天兮居彼聖所鑒察人民兮四爲義之人蒙其眷顧兮五刀惡强悍之徒爲其所惡兮六電光閃兮硫火降炎颺發兮報施不爽耶和華無不義

兮，秉大公，俯念兮善氓。

**節** **三** **篇** 此大國所作使  
仇其詩琴歌之

厥口諂諛兮，二三其德。厥口兮諂媚，掉舌兮矜誇。彼其之子兮，見絕於耶和華。彼乃曰：我將舌戰

以勝之，口爲我有，誰能主之。維此貧民，受屈歎歎。耶和華曰：余必勃然而興，手援之兮，不使藐視

於人斯。耶和華兮，其道潔清，煅煉若金，爐火鑄之七次而成。維彼選民，耶和華祐之，世人加害，耶

和華救之，維彼惡人，以邀以遊，若狂風之驟起兮。

**節** **四** **篇** 此大國所作  
使仇其詩琴歌之

何底兮，我之上帝耶和華，垂聽我祈兮，使余目之復明，免於死亡兮。恐敵人獲勝而自雄兮，見余

傾跌而竊喜兮。余賴爾矜憫，喜爾拯救兮，降福於我躬，余必謳歌之靡窮兮。

**節** **五** **篇** 此大國所作  
使仇其詩琴歌之

天遍察民人，欲知其中，可有智慧是具，上帝是欽兮，則皆就邪棄正，未嘗有行善之民兮。維人作

惡，懵然無知，橫噬我民，無異食餅，不向耶和華呼籲兮。耶和華眷祐善人，俾惡者悚然畏懼兮。貧

乏者流，賴耶和華，範之衛之，爰有惡人，哂之非之兮。耶和華兮，居彼郇山，願救以色列族兮，反其

俘囚，雅各家必歡樂，以色列族必欣喜兮。

**節** **六** **篇** 此大國所作  
使仇其詩琴歌之

耶和華兮，孰得陟爾聖山，居爾室兮，所行惟義，坦然平直兮，所言無僞，肫然真實

兮，不背友朋，不誹人兮，不出惡言，辱里鄰兮，維彼誕妄兮，則擯棄之，寅畏耶和華兮，則恭敬止，願

舊約聖書

詩篇

第十二篇至第十五篇

五百五十三



既許兮，雖已有損，不易其志兮。五不貸人金，重權其子母兮。不受苞苴，害彼無辜兮。凡若此，是以無傾跌之虞兮。

**詩篇第十六篇** 此大衛所作 願上帝衛護兮，我惟爾是賴。我告耶和華曰：爾乃吾主兮。我之福祉，皆爾所賚。斯

世之人為聖為潔兮，我甚欣喜。人逆上帝，羣奉偶像，惟我不獻血以為祭兮。不稱名而讚頌。人逆曰：高我不與之偕，其名不特，而頌兮。 我得耶和華以為真福，如酒之盈樽兮。所得之福，既永且久。爾使之然兮。

我有嗣業，其業孔美。我得腴壤，畫而為區。耶和華兮，訓迪我衷。中夜心奮，發聲讚頌。我觀耶和華

兮，惟我是親。左右乎我，故不震驚。予心欣喜，載歡載忭。惟我此身，歸土有望。以爾不遺我魂於陰

府，不俾爾之恭人，朽於黃土。維爾示我，其道永生。在爾之前，欣喜不勝。在爾之右，其樂以恒。

**詩篇第十七篇** 此大衛所作 耶和華兮，子言不偽。願白余冤，俯聽我祈。余在爾前，望爾鑒察兮。為我折中，定

其是非兮。爾試余心，中宵鑒斯。煉余若金，不可議斯。心與口應，靡不符斯。世多強暴，余從爾令。彼

人所為，不效其行。余遵爾道，如隕如越。維爾是望，予扶予翼。願呼上帝，上帝垂聽。傾耳俯聞，俯聞

子聲。凡恃爾者，爾恒援之。敵人戕彼，爾既免之。望為鴻恩，於我施之。願爾護我，若守眸子。願爾翼

我，若鳥伏雛。勿受惡人之虐。遇兮，勿遭勁敵之環攻。彼體胖心痴兮，厥口矜誇。睚眦其目，阻吾行

兮。將顛越之予加，彼若獅兮。欲我是噬，若稚獅兮。耽耽穴視，耶和華兮。勃然而興，突如其來兮。譴

彼災，覆加之以利刃兮。救我於敵人。耶和華兮，手援拯我。斯世害子兮，爾其免我。乃彼至今兮，反

得福祉。富有兮，豐亨。寔昌兮，寔熾。業遺於子孫。惟我行義，望爾榮光。其興也勃然，克覲爾面。則余

之願盈焉。

**詩篇**

耶和華拯其僕大衛脫於亞敵及掃羅之手故大衛作此篇頌讚耶和華使伶長歌之

我惟耶和華是賴，敬愛之兮。耶和華如岡巒，如衛所，以拯救我兮。上帝如高臺峻嶺，我倚賴之兮。我藉彼如干，以自衛兮。我恃彼如角，以望救兮。惟耶和華當頌美兮。我曾顛之，拯我於敵兮。欲殺我者，若絆之繞兮。余懼惡人，譬彼行潦兮。幽冥之困苦，繞身兮。死亡之機檻，前陳兮。我遭艱苦兮，不禁顛告，祈我上帝耶和華兮。聲聞於上，彼自宮中，俯聽禱兮。上帝盛怒兮，大地震動，山嶽搖撼，烟從鼻生兮。燄自口出，炭以之燃兮。彼譬天雲而臨格兮。其足下幽深而玄遠兮，乘嗟略咏，以奮飛，藉風爲翼而翱翔兮。以晦冥爲宮，以飄颻爲幃兮。與雲而雨雹，電閃而炭燃兮。至上之耶和華，自天起雷，發其洪聲兮。電閃雹降，炭以之燃兮。電閃如矢，衆敵敗北兮。耶和華叱咤而噓氣，見地基露海底兮。彼自上而舉手，水中而援我兮。敵我者強悍，憾我者剛愎兮。惟耶和華之拯子兮。臨難之日，敵軍突至，惟我所恃耶和華而已。緣我見悅於彼兮，故特加援手，導我至安閒之地兮。視吾義而賞賚兮，見我潔而報施兮。子恪守其道兮，弗敢作惡，違我上帝兮。子恒遵其典兮，日不忘其禮儀兮。我立其前兮，德無不備，兢兢自守，勿敢失墜兮。所以視我義而賞賚，見我潔而報施兮。仁者爾賞以仁兮，義者爾報以義兮。潔者爾酬以潔兮，逆者爾反以逆兮。困苦者爾援以手兮，矜高者爾降其格兮。耶和華我之上帝，有若明燈，燭余於幽暗之際兮。我賴上帝，趨入敵軍，乘彼坳垣兮。上帝耶和華兮，其行也德無不備，其言也若金，煨煉賴之者，得其範衛兮。耶和華兮，我之上帝，無所不能兮。其外無他，上帝賜我能力，俾我道平直兮。

舊約聖書

詩篇

第十八篇

五百五十五

令我足甚疾，趨行若塵，升我於崇邱兮。三教我戰鬪，手挽銅弓兮。三爾範衛我，拯救我，扶翼我兮。三秉性溫良，使我爲大兮。三爾寬我所履之地，致無失足之虞兮。我追及敵人，不至殲滅，不旋轅兮。三我攻擊之，使仆足下，一蹶不振兮。三爾賜以膂力，能於戰鬪，使逆我者敗亡兮。三俾我勝寇敵，滅仇讎兮。彼求助於人，不見援兵，顛耶和華而弗之應兮。三我細擣之若塵沙，任風飄揚兮。又棄之若衢路之泥兮。三民相爭，爾援我兮。他邦之族，使我長之兮。未識之人，使我投之兮。三外人聞名而歸順，甘言以悅我兮。三異邦之人，其衰兮。喪膽棄險而不守，耶和華兮。全能之主，永生之上帝，彼援我兮。予當頌美兮。上帝代我雪冤，使民來附兮。强悍者逆我，爾乃救我升我兮。異邦中，予頌美耶和華，謳歌其名兮。三予大關兮，受彼膏沐，立我爲王兮。蒙其拯救，恩及孫子兮。永世靡暨。

第十九篇

大衛所作使伶長歌之

無言而有言，無聲而有聲兮。不言之言，布於宇內，無聲之聲，聞於地極。日麗於天，居次舍兮。五天

娶者，出於房兮。若勇士之喜馳逐兮。出自天涯，至於地極。照嫗萬有兮。耶和華兮。其律全備，可以蘇困兮。其法真實，可以破愚兮。其命正直，可以悅志兮。其誠純潔，可以發矇兮。其道至清，而至今兮。其典至公，而至義兮。較金尤貴兮。雖兼金之豐饒，亦無足比兮。較蜜尤甘兮。雖蜂房之滴瀝，亦不能擬兮。我爲爾僕，得此兮。爲儆戒，守此兮。爲大賚。人有過失，孰能自知兮。苟愆尤之誤犯，願赦宥之子加兮。驕肆者流，毋使其誘余。而余效其尤兮。予則爲義，不蹈重愆兮。全能之救主耶和華兮。予之言子之意，請爾悅納兮。

第二十章

此大衛所作  
便伶長歌之

我王兮患難時，願雅各之上帝耶和華，眷顧爾，護禦爾兮。彼在聖所，爲爾輔翼兮。彼在郇城，補爾精力兮。念爾禋祀，納爾燔祭兮。從爾所願，遂爾所欲兮。耶和華兮，拯救是施，聽爾所祈兮。子也歡然兮，建彼旌旆，頌讚上帝兮。我知沐以膏者，耶和華必救之兮。耶和華在天，居彼聖所兮。聽爾所祈，施其力，援以手兮。維車維馬，人所賴兮。上帝之名，子則稱揚之兮。彼則有傾跌兮，余則能自立兮。願耶和華拯救我王，聽子禱告兮。

第二十一章

此大衛所作  
便伶長歌之

耶和華兮，爾施大力，拯救我王，王喜不勝兮。其心所欲，爾從之兮。其口所祈，爾聽之兮。錫以繁祉，冠以金冕兮。爾聽其所賜之遐齡，國祚綿長兮。既拯救之，孔加，遂尊榮之。丕著兮。錫永福而加眷顧，使其欣喜兮。至上之耶和華兮，王之所恃，蒙其恩寵，不隕越兮。維彼敵人，爲王所獲，憾汝之徒，爲爾所執兮。耶和華怒而滅之兮。王亦怒投諸火爐而燬之兮。盡夷其族，靡有子遺兮。彼謀不軌，厥計不成兮。王挽弓射之，使敗北兮。耶和華兮，施其力，當頌美之。我將謳歌以祝之兮。

第二十二章

此大衛所作  
便伶長歌之

我之上帝，我之上帝，何以遺子，何不聽我籲呼，而救我躬兮。上帝兮，我晝願告兮。不蒙垂聽，夜所禱兮。不獲綏安，惟爾至聖兮。以色列族頌美之兮。我之列祖，惟爾是賴。蒙爾拯救兮。彼籲爾而得援手兮。彼賴爾而不貽羞兮。彼世人兮。視子若蛆，不齒於人類。爲衆所凌辱，所藐視兮。見子之人，必加戲笑，張吻而搖首曰。彼恃耶和華，若耶和華悅之，今必見拯。子曰。上帝兮，爾使子生於世，乳哺之時，惟爾是賴兮。子既誕生，託身於爾，視爾爲我之上帝兮。今患難迫

切援手無人爾勿退棄兮健牛成羣至自巴山四面環集兮其口孔張吼似猛獅兮予不覺斃  
而骨若散兮氣之餒也如水之流蕩兮心之怯也若蠟之消融兮精力日以衰如陶器噴火而燥  
兮齟閉舌卷命臨死地兮梟獍圍我惡黨環攻傷予手足兮予骨露立歷歷可數爲人輕覲兮分  
我外服鬪我裏衣兮耶和華兮予惟爾力是恃毋我退棄速至而援手兮使我不蹈利刃而脫生  
命於梟獍兮獅口欲噬予爾拯救兮兕角欲抵予爾垂聽兮故我播爾名於兄弟間頌爾於會中  
兮耶和華兮敬虔之士當頌美之雅各子孫必揄揚之以色列後裔必寅畏之貧乏者流祈禱  
耶和華蒙其俯聞弗爲藐視不見厭惡不被退棄大會之中我讚爾名敬虔者間我償其願兮貧  
乏之人必得食而果腹崇事耶和華者必頌讚而恒樂地之四極咸宗此理歸耶和華兮異邦民  
人俯伏主前兮大權操自耶和華誠萬國之主兮席豐履厚者必崇事之兮困苦瀕死者必拜跪  
之兮若子若孫供役耶和華世世相沿頌揚其大義稱述其經綸

困憊導我於坦途以副其仁慈兮爾以杖扶我蒙爾之佑故游陰翳而不驚兮爾爲我肆筵設席  
沐我以膏兮予之疊盈兮使敵之目覩兮我得恩寵福祉畢生靡窮兮耶和華有室爰居爰處日  
久月長兮

第四篇大圖大地萬有耶和華主宰之兮肇基址於海中立四維於淵際兮耶和華兮爾有  
山岡孰能陟之爾有聖所誰其立之手惟潔心惟清不虛誕不妄誓兮則上帝耶和華拯之救之

純嘏錫之。凡求雅各之上帝者，其效如此。當闢古昔之門，尊顯之王是入。尊顯之王云何？曰：戰而必勝，巨能大力，維吾之主。耶和華是已。當闢古昔之門，尊顯之王是入。尊顯之王云何？曰：萬有之主。耶和華是尊顯之王兮。

第五篇 耶和華兮。余中心瞻仰兮。我之上帝，余惟爾是恃兮。毋使敵凱歌，毋使子媿恥。惟爾企望兮，不至貽羞，謀爲不軌兮。適足增媿。耶和華兮，導我以逵衢，遵爾之大路兮。余恒望爾兮。蒙爾拯救，爾導子以真理兮。而訓誨之子，加爾存心矜憫。自古爲昭兮。茲將求爾眷念兮。耶和華兮，余也。壯時作惡，願毋追念。爾也矜憫爲懷，請惟子之繫戀。耶和華無不善，無不義兮。導彼惡人，歸於正道兮。溫良之士，必導以義，訓以理兮。設有人守約遵法兮。耶和華必待以理，施以恩兮。子罪孔多，願耶和華特加赦宥，彰爾仁慈兮。寅畏耶和華兮，必蒙訓迪，遵當由之道兮。身享綏康，子孫得土兮。寅畏耶和華，心與之交。耶和華必示以真理兮。余恒仰耶和華，故足脫於網罟兮。嗟子孫獨望爾，矜憫眷顧兮。憂心孔殷，尙其拯子於困苦兮。悲痛不勝，望爾俯念，尙其赦子之罪惡兮。仇敵衆多，咸痛心而銜憾，望爾垂鑒兮。願爾吾拯兮。子惟爾是賴，毋令子媿恥兮。子品行純良，孳孳爲義，企望維殷，願爾保佑兮。願上帝手援以色列族，出於患難兮。

第六篇

此大衛所作

子品行純良，望耶和華鑒我兮。我恃耶和華，毋致予有失足之虞兮。願耶和華

察子試子，鍛煉子心，若金兮。子體爾仁慈，從爾真道兮。不與惡人居，不與妄人交兮。子痛疾惡黨，杜絕匪類兮。我必盥手以示無辜，而詣耶和華臺前兮。揚爾聲名，述爾神蹟兮。耶和華兮，爾居處

之室，子愛之兮。爾榮光之地，余尊之兮。勿視我等於罪人，而與殘賊者同科兮。彼染污俗，受賄賂兮。子品行純良，望爾眷顧而拯救兮。我獲安居，在會中頌美耶和華兮。

耶和華

此亦大

賜所作

耶和華

兮

賜子

光明

福祉

余何慮

兮

扞衛

我躬

子何懼

兮

作惡

者流

爲子

仇敵

欲

噬我

肉

今蹶

其趾

淪胥

以亡

兮

維彼

軍旅

列陣

環攻

子不

懼兮

雖與

干戈

子有

賴兮

子有

願欲

不

舍其

求兮

求子

畢生

耶和

華之

室是

居兮

瞻仰

其容

在聖

所而

思慕

兮

子臨

患難

兮

彼藏

子於

帷

幕

匿

余於

密

室

若

處

重

巖

兮

敵

人環

攻

子

克

之

兮

故

權

呼

踴

躍

獻

祭於

聖

所

兮

謳

歌

頌

祝

讚

美

耶

和

華

兮

耶

和

華

兮

望

爾

施

恩

垂

聽

我

祈

兮

求

主

恩

澤

爾

所

命

兮

余

憶

斯

命

而

爾

求

兮

毋

怒

我

而

棄

子

如

遺

兮

上

帝

既

援

子

於

往

昔

願

勿

絕

子

於

來

今

兮

父

母

遺

子

耶

和

華

扶

子

兮

仇

敵

陷

子

求

耶

和

華

引

我

於

康

莊

導

我

於

坦

途

兮

妄

證

之

人

誣

子

虐

子

勿

遂

其

謀

兮

我

尚

存

兮

必

沐

耶

和

華

恩

施

是

子

所

知

兮

凡

爾

世

人

當

毅

然

賴

耶

和

華

兮

耶

和

華

必

強

乃

志

宜

賴

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

華

兮

耶

和

第二十九篇

此亦大衛所作此詩

天使以尊榮能力歸於耶和華兮，彰著其名於至聖之明宮，而崇拜之兮。耶和華輝光之上帝兮，行其轟雷聲聞波際兮，其聲霹靂雄壯兮。利巴嫩之伯香木為其所折兮，利巴嫩西連之二山為之搖撼，如憤如兇，忽踴忽躍兮。轟雷既行，電光忽闕，迦鐵山野為其所震，雷發聲兮。鹿鹿生子，林木折枝，在彼聖所無不頌揚兮。耶和華在波之際，永世為王兮。佑助選民，厚錫平康兮。

第三十篇

大衛之宮告成而作此詩

維耶和華拯救之子加兮，不使敵人獲勝而喜兮。子必頌美爾兮，我之上帝耶和華兮。我願於上，爾瘳予疾兮。令子將死而得生兮，免子歸墓，陰府之不臨兮。爾曹虔士頌聖耶和華兮，念其為聖，因而感謝兮。其怒不過俄頃，彼加子恩，藉以得生，雖夤夜而哭泣，朝來則有歡聲兮。子享平康之時，自謂永不傾跌，耶和華施恩兮。國祚鞏固，有若山嶽，爾乃還棄子兮。穀諫之不勝，我呼耶和華而願於上曰：子也被殺歸墓，何益之有一坏之土，安能頌爾名，稱爾道兮。願耶和華俯聞，矜憫而助子兮。蒙爾之祐，變哀哭而踴躍，易齊衰而吉服兮。使子謳歌不輟，謝我之上帝耶和華，永世靡窮兮。

第三十一篇

大衛所作使伶長歌之

耶和華兮，余惟爾是恃，爾其拯余，彰爾仁義，毋使子媿恥兮。爾俯聞我祈，而速援子，爾其保護，若巖穴，若衛所兮。爾誠護我，若巖穴，若衛所兮。求爾循循善誘，彰爾仁慈兮。人設網罟，以陷子兮。爾其援子，子惟爾力是賴兮。上帝耶和華兮，真實無妄，爾曾救子，我神託爾兮。崇事虛無者，我所深憾兮。我所恃者，耶和華兮。昔遭患難，蒙爾垂顧兮。得沾恩寵，忻喜不勝兮。爾



不令我禁錮於敵人、導我至安閒之地兮、九也子心鬱紆、腹枵目眯、願耶和華矜憫爲懷兮、子悲痛而欲歔、將畢我生子罹災害、力盡骨枯兮、維彼敵人、姍笑子兮、鄰里友朋、畏我而遠子兮、衢人見我而遙避兮、彼視我猶死人兮、棄子若敝物兮、子聞衆民之訕謗、欲設謀而殺子、子隨在而驚惶兮、耶和華兮、子以爾爲我之上帝、故惟爾是賴兮、余之禍福、咸爾所定、彼世人兮、寇讎子、驅逐子、望爾援手兮、願爾色相光華、照我護我、以彰爾之仁慈兮、我願耶和華、毋使子媿恥、使彼惡人懷羞兮、俱歸暗府而無語兮、彼僞爲者言誕妄、行矜誇、欲害義人兮、當令其緘默兮、亦有人兮、維爾是畏、維爾是賴、福祉崇隆、衆目瞻仰、有謀害之者、爾藏之於密室兮、有辯駁之者、爾匿之於帷幕兮、耶和華施恩迥異尋常、扞衛我躬、猶之城墉、當頌美之兮、子率爾以吐詞、見絕於爾前、乃願於上、爾則俯聞、爾曹虔土、敬愛耶和華、蓋誠信者、彼衛之兮、驕泰者、彼罰之兮、凡爾世人、當毅然賴耶和華、耶和華必堅爾心志兮、

言己罪終日歔歔

此大衛所作  
以謝過其民

人得赦其過而蓋其愆者福兮人不爲耶和華所罪其心無僞者福兮我不

言己罪終日歔歔筋骨漸衰爾朝夕譴我精氣漸涸有如夏日曠其乾兮我自任厥過不匿己非禱耶和華曰我任罪於爾前爾則赦宥兮因此敬虔之士於見納之時禱告於爾即使洪水泛濫災不及身子遘患難爾範衛子使我得救故子謳歌而不禁敬虔之士我將教爾導爾於當由之途我將顧爾訓迪爾衷勿效騾馬之無知兮彼爲人繫以繁纓勒以轡環否則不能馴從兮惡者多憂恃耶和華者其沾恩必周渥兮善人兮念耶和華之恩以悅以娛義人兮載歡載呼

維爾善人頌美乎主，無不合宜兮。故爾義人當念耶和華之恩，懽然欣喜兮。爾曹鼓琴操十絃之瑟兮，或謳或歌，讚美耶和華兮。謳新歌，善鼓琴，咸歡呼兮。蓋耶和華其道無不善，言無不行兮。以秉公行義爲樂，仁澤溥於天下兮。耶和華兮，命甫頒而穹蒼受造，言一出而天象羅布兮。使彼海水匯於一區，藏於深淵兮。耶和華兮，天下當寅畏之。億兆當敬凜之兮。主曰：宜有物，則有物，宜奠定，則奠定兮。異邦人設謀，耶和華敗之，使計不成兮。耶和華之旨永在，其意不易兮。以耶和華爲上帝，上帝以之爲民者，福兮。耶和華在天，俯察人民兮。居彼聖所，遍覽億兆兮。彼造人心，鑒觀其行兮。王有軍旅，不得拯救，士有勇力，不能自護兮。雖有良駒，不能避害，雖有健馬，不能援人兮。寅畏耶和華，望其矜憫者，必蒙垂顧兮。免於殺戮，救於饑饉兮。我儕惟耶和華是望，彼眷祐範衛我兮。予賴其聖名，忻喜不勝兮。耶和華兮，願爾垂憐，副余仰望兮。

大衛在亞比米勒前狂見驅而去乃作此詩

我頌耶和華，揄揚不已兮。耶和華兮，予讚美之，困窮之人，聞予言而欣喜兮。爾曹良朋，與我同聲，稱耶和華之德爲大，頌耶和華之名爲尊兮。我求耶和華，蒙其俯聞，我所懼者，不及吾身兮。困窮之人，望耶和華，得其燭照，不致貽羞兮。我亦貧乏，籲耶和華，蒙其垂聽，援於患難兮。耶和華之使者，四周列營，以拯敬虔之士兮。耶和華無不善兮。爾試賴之，賴之者蒙其錫嘏兮。聖潔之民，寅畏耶和華，畏之者無匱乏兮。維彼稚獅，或乏食而饑，求耶和華者，百福來同兮。爾小子聽之，我將以畏耶和華之道示爾兮。欲享遐齡，納多福，必也捫汝舌，勿出惡言，緘汝口，勿道詭詐，棄惡歸善，和衷共濟。耶和華青睞義人，俯聞其祈兮。作惡者流，則震怒之，不許垂

名後世兮敬虔之士七願呼於上耶和華垂聽援於患難兮九中心痛悔者必佑之救之兮十義人多難耶和華無不援手兮全其百體一骨不折兮禍及惡人致於死亡銜憾善人徒取罪戾兮耶和華必拯其僕恃之者必不受罪兮

第五篇

所大圖

有人焉擾我攻我望耶和華轉而擊之兮二當執干戈祐子勿緩兮三持戟扞敵慰

子曰我為爾之救主兮彼設謀以害子欲子命之喪亡願其矢志敗北悚然駭懼兮願彼遁逃猶之糝糠為風飄揚耶和華之使俾其隕越兮其途幽暗滑而難行為耶和華之使驅逐兮彼無故掘阱以陷我陰設網罟以罹我兮願彼猝然遭難所設之網適以自罹所施之謀反以害己兮耶和華救我子是以忻喜兮貧乏之士強者虐之蒙耶和華援手兮我殫心畢志謂耶和華誠無可比擬兮妄證者誣子以我所不自知者深加詰責兮以惡報善使我煢然孑立兮彼有疾子衣麻禁食哀痛迫切低首祈禱兮若喪兄弟友朋若母死為之哀懺匍匐不起兮子也遭難彼眾咸集權然以喜兮謾謗沸騰背子而詈靡有底止兮狂妄之徒饜餐而姍笑銜憾而切齒兮主旁觀而不拯將至何時願爾救我於死亡脫我於獅口兮大會中必讚爾億兆間必領爾彼兮為子仇敵銜憾實深皆出無因勿使其克子而欣喜勿使其白眼而藐視兮彼口不出良言安居樂業者為其詭謀所害兮矢口則曰吁哉咈哉我目見爾受害兮主耶和華兮爾鑒察之莫子不聽毋子還棄兮我主我之上帝勃然而興為我伸冤兮我之上帝耶和華兮秉大公為我折中毋使子為敵所勝兮毋使彼自鳴得意肆其吞噬兮彼欲尊己而凌子幸子有災當使之自蒙羞惡駭懼不勝

兮。望我獲勝之人，當忻喜歡呼，見耶和華以福祉加子，恒頌讚之兮。子亦稱爾義，頌讚靡已兮。

**第三十六篇**

耶和華僕大衛所  
作使伶長歌之

惡人所爲我見之兮，謂其心目中不畏上帝兮。其惡可疾，彼乃厭然，謂

無能發其覆兮。所言詭詐，不順道，不行善兮。彼偃息在牀，猶謀不軌，立於惡地，有過不恥兮。耶和

華兮，爾之仁慈，上及穹蒼，爾之誠實，高及霄漢兮。爾之公義如高山，爾之法度如深淵兮。爾祐人

民，恩及禽獸兮。上帝兮，維爾仁慈，至真至貴，人蒙爾祐，爲爾覆翼兮。彼居爾室，爾爲建筵，備極豐

腴，如江如河兮。永生之源，操之自爾，爾有輝光，燭照乎我兮。誠懇之人，敬愛乎爾，願爾恒施以仁

兮。勿使驕者虐遇我，惡者搖撼我兮。作惡者隕越，至於喪亡，不復振兮。

**第三十七篇**

大衛

作惡者流，反居顯要，毋懷不平，毋生豔羨兮。彼如蒿萊，不日芟刈，彼如草花，轉

瞬凋零兮。當賴耶和華，以行善，然後得居斯土而快足兮。爾惟耶和華是悅，彼聽爾祈兮。爾以百

事付諸耶和華，惟彼是賴，故萬事熙兮。揚爾之善，如光始耀，彰爾之義，猶日方中兮。惟耶和華是

賴，望其庇佑兮。惡者亨通，謀爲得成，爾心毋爲不平兮。勿懷怒，勿蓄怨，勿不平，恐蹈罪愆兮。惡人

必見絕，望耶和華者，必得土兮。俄頃間，惡人歸無有兮。一過覽，其地已爲墟兮。秉性溫良者，必得

其地，多享平康兮。惡者欲害義人，銜憾而切齒兮。主鑒惡人，知患難之將至，而晒之兮。惡者拔刃

張弓，欲害貧乏，欲戮善良，不知其刃反貫其衷，而折其弓兮。義人所有雖微，惡人貨財雖富，美惡

不足以相較兮。惡者必折其肱，義者必蒙扶翼兮。德備之人，耶和華眷顧，其業永存兮。臨禍之日，

彼無媿恥，饑饉之時，彼亦果腹兮。作惡之人，爲耶和華仇，必致死亡，如佳卉凋零，如烟燄散滅兮。

舊約聖書

詩篇

第三十六篇

第三十七篇

五百六十五

惡者貸金而不償，善者懷仁而相施兮。耶和華所祝者必得土，所詛者必見絕兮。善人所爲，耶和華祐之喜之兮。雖顛趾而不致傾危，蓋耶和華扶之翼之兮。義人遺棄其裔，丐食我幼而老，未嘗見之兮。彼懷人以仁，貸人以金，其裔納福兮。棄惡從善，恒得安居兮。耶和華行善之人是悅，敬虔之士不遺而使之永存兮。作惡者流，必絕其嗣兮。義者得土，恒居勿替兮。彼所雅言，惟道與義兮。上帝之例，藏之於心，故無失足之虞兮。惡者覬間，欲殺善人兮。維彼善人，耶和華不之遐棄，而加以罪兮。爾曹宜耶和華是望，其道是守，彼則升爾於高，俾得斯土。惡人之見絕，爾所目覩兮。我見惡者強暴，蔓衍葱蘢，若茂樹兮。曾幾何時，其人已非，不得其所兮。不見仁義之人，平康終吉兮。作惡者流，同歸於盡，至終見絕兮。耶和華普救善人，患難時必援手兮。善者惟耶和華是賴，故蒙保祐，不爲惡人所害兮。

第三十八篇

大衛避非利士人歌

耶和華兮，勿震怒予，謹責予，利鏃射予，重災降予，爰爾震怒，我體不痊，因子

罪戾，我躬弗安，我罪孔多，如水滅頂，任重難負兮。子因妄爲而遇重傷，肉臭膿流兮。我躬拳曲，終日殷憂兮。腰骨如炙，百體不痊兮。力衰而糜爛，心憂而欲歔兮。祈於主前，時聞歎息之聲，我心忡忡，力疲目眩兮。親戚友朋，見我傷而遙立兮。彼其之子，設詭計以害予，用譎謀而陷予，終日營營兮。我不言不聽，如墮如啞兮。我置若罔聞，弗加詰責兮。禱曰：耶和華我之主，我之上帝兮。我惟爾是望，爾其俯聞兮。恐予傾跌兮。敵人誇詡，欣喜不勝兮。予幾隕越，懷憂靡已兮。我自言其罪，有過必悔兮。維彼敵人，勇毅強悍，憾予者衆，出於無因兮。我惟從善，敵以惡報兮。我之上帝耶和華，毋

遐棄子，毋遠離子兮。三我之救主，拯我勿緩兮。

**第二十九篇**

大衛所作使伶長耶士頌歌之

子，飭我躬謹，我行不以舌取戾。惡人在側，當箝口而慎言兮。子緘默無詞，

雖有昌言，不敢啟齒。惟懷憂兮，中心默想，如炙如焚，不禁大放厥詞曰：耶和華兮，以我身之終在世之日，指示於我，俾知生命之靡常兮。子之生命，廣約一掌，自爾視之，一若無物。人雖完體，實則氣而已。各人所爲，無非捉影誼諛，徒勞兮。積累財貨，不知孰得兮。我望伊何，實惟主兮。援我於罪，勿使惡人侮子兮。爾旣降災，我默不語兮。爾手責子，求爾免之兮。爾罰人罪，其所珍貴者，悉廢之。如衣被盡兮，凡此世人，實則氣而已。耶和華兮，俯聽我祈，垂聞我顛。我旣涕泣，援我勿緩兮。我爲賓客，旅於爾土，無異列祖兮。請爾舍子，庶可少息我力。然後長往不返兮。

**第四十篇**

大衛所作使伶長耶士頌歌之

我惟耶和華，是賴。彼傾耳聽我祈兮，救我於深淵。出我於淤泥，使我固立。若處

重巖兮。於是我歌新詩，讚美我上帝。衆見而寅畏，惟耶和華是恃兮。凡恃耶和華，不從驕泰，僞爲者，福兮。我之上帝耶和華兮，爾之異蹟，佑我甚衆。述之惟艱，言之不可勝數兮。爾不欲以牲牲祭祀，不喜燔祭以贖罪。爾詔告我，聽命兮。我曰：典冊載我，我自降臨。上帝有旨，我樂從兮。爾之律法，銘刻於心兮。我於大會中，彰爾仁慈。我不敢隱，耶和華所知兮。爾之仁慈，我爲昭宣。爾救人民，真實無妄。子播揚於大會中兮。耶和華兮，溥爾仁慈。施爾矜憫，真實無妄。恒祐子兮。禍患切身，不可勝計。罪惡貫盈，不敢翹首。擢髮難數，使子喪膽兮。耶和華兮，援子勿緩兮。有設詭謀害子生命，當使之蒙恥兮。有幸子之遭難者，當使之駭而奔兮。有謂子曰：吁哉，嗚呼哉。爾當使彼煢然孑立，以報

斯譬兮，詩祈求爾者，當權然忻喜兮。樂爾援手者，當頌耶和華靡已兮。惟我貧乏，望主眷顧兮。上帝祐我，援我，毋遲毋緩兮。

第四十二篇

大衛避非利士人歌

眷顧貧乏者，福兮。彼遭患難，耶和華救之兮。保護其生，亨通斯土，勿使敵人

得遂其謀兮。雖病臥牀第，耶和華扶翼之。病劇之時，治其衾裯兮。我曰：耶和華其矜憫子，子蹈罪

愆，爾其醫子兮。敵人幸我遘難，欲我短折，而名不稱兮。敵人來見，其言甚甘，其心實險，出而揚子

之短兮。維彼仇讐，切切私語，設計以害子兮。見我臥牀，謂受惡報，不復振兮。我之友朋，子所恃兮，

乃與我共食，舉踵蹀子兮。耶和華兮，矜憫我躬，使我復振，而報之兮。敵不獲勝，我知沾爾之恩兮。

爰子行善，為爾扶翼，恒眷子兮。以色列族之上帝耶和華，當頌美之。永世靡暨，心所願兮。

第四十三篇

此詩因訓迪哥摩子孫而作使伶長歌之

我一心仰慕上帝，猶鹿渴慕溪水兮。子也中心如渴，慕永生之上帝兮。

不識何時，得造其前兮。人恒詰我，上帝何在，子也忘食，盡日飲涕兮。惟我在昔，與眾和會，忻喜鼓

舞，徐行詣殿，以守節禮兮。今也不然，困苦難堪兮。我何拳曲不勝，中心不安，仰望上帝，必得眷祐，

而頌美之兮。子今在約但河濱，黑門地，米薩山，中心屈抑，追念上帝之恩兮。山靈奔赴，其聲嘈喧，

源源而來，勢欲淹子兮。越在疇昔，耶和華錫子以恩，子朝夕作歌以頌之兮。今願救我生命之上

帝曰：我之上帝，如我岡巒，何遺我兮。何為敵人虐我，使子殷憂兮。仇讐傷子，害同折骨兮。彼恒侮

子曰：爾之上帝安在兮。我何拳曲不勝，中心不安兮。當仰望我之上帝，必得眷祐，而頌美之兮。

第四十四篇

民俱不仁，詭譎殘賊兮。子望上帝，伸我冤，而援手兮。上帝兮，爾素祐子，今何棄子如

遺敵人暴虐，使我殷憂。爾之燭照，真實無妄。以之導我，至於聖山。入爾聖室兮，子念上帝，忻喜不勝兮。至彼臺前，鼓琴頌讚我上帝兮。我何拳曲不勝，中心不安兮。當仰望我之上帝，必得眷佑而頌美之兮。

第四十四篇

此詩因調進哥摩子孫而作便俗長歌之

上帝兮，粵若古昔，爾行異蹟兮。維子列祖，傳之於子，子聞而知之兮。爾

施大力，降災於異邦，而驅逐之兮。爾使選民安居厥所兮。斯民得土，不恃戈兵，不藉人力，乃爾巨

力大能，眷顧而祐之兮。上帝我之王兮。雅各之族，願爾救之兮。我蒙爾祐，維彼敵人，我得而甦之

兮。我恃爾名，維彼寇讐，我得而踐之兮。弓矢利刃，我不恃之，以自救兮。爾援我於敵，使憾我者媿

恥兮。上帝兮，我平日爰爾，忻喜頌爾，名靡暨兮。今爾棄子如遺，不佑我軍旅，使子貽羞兮。使我敗

北爲敵所劫兮。散處於異邦，見噬若羣羊兮。爾不佑我，如響選民，雖得價值於爾，無所加兮。鄰里

凌辱子，同居姍笑子兮。異邦人作歌譏刺，搖首以欺子，皆爾所使兮。子聞仇敵欺侮子，凌辱子，終

日媿恥，自蒙厥面兮。我遭此艱，不敢忘爾，不敢背約兮。中心不違，不棄爾道兮。爾加以重傷，野犬

環繞，陰翳蔽目兮。我之上帝，子不敢忘，異邦之上帝，子不敢禮兮。上帝鑒察人心，豈不灼知乎。此

兮。我緣爾終日見殺，如羊就死地兮。耶和華兮，勃然而興，毋若假寐，毋我遐棄，日久而月長兮。奚

棄子如遺，不顧我憂患兮。我躬拳曲，不勝匍匐兮。願爾勃興，以手援我，彰爾仁慈兮。

第四十五篇

八作此詩明其敬愛之心以訓進哥摩子孫使伶長百金花之謠歌之

吉祥之語，汨汨其來，爲王作歌兮。我掉舌以吐詞，猶繕寫之

揮毫兮。王兮，爾較世人，尤爲美兮。口出嘉言，上帝祝汝，永世靡暨兮。有能之傑士兮，腰懸利刃，彰

詩篇

第四十四篇

第四十五篇

五百六十九

舊約聖書



爾尊榮兮，乘車顯赫，惟仁義與信是佑，有戰必勝，使人畏懼兮。爾鏃甚利，勝異邦人，刺敵之心兮。上帝兮，爾之有位，永世靡暨，爾之國柄，則合乎義兮。爾善善惡惡，故上帝即爾上帝兮。以膏膏爾，以快汝心，俾得尊於爾侶兮。爾衣有沒藥，有蘆薈，有肉桂之香兮。出自象牙之室，鼓瑟鼓琴，使爾忻喜兮。鄰國公主，充爾嬪御兮。爾之皇后，立於爾右，以阿妮之金為飾兮。君夫人宜傾耳以聆，悉心以思兮。爾之鄉黨宗族，毋懸念兮。王悅爾容，為爾之主，爾當敬之兮。富國莫如推羅，將饋爾以禮，求爾之恩兮。后居宮闈，尊榮莫加，衣以金織，縱橫相間兮。袞衣繡裳，朝覲君王，侍女相從兮。欣喜歡忭，導至王宮兮。維吾君王，承厥先業，子孫繩繩，分封州牧，治理天下兮。予也頌揚爾名，萬世無疆，兆民譽爾，日久月長兮。

第四十六篇

此詩為耶和華子孫所作，使伶長歌之，其聲清越。

我逢患難，上帝範衛我，扶翼我兮。平陸震動，海島遷移，波濤洶湧，山嶽搖撼，我弗迷兮。至高上帝，厥有邑垣，中有聖室，河水環繞，小民悅懌兮。上帝在彼，其城不移，上帝祐之，其效甚捷兮。異邦喧譁，列國震動，上帝行雷，天下喪膽兮。萬有之主，雅各之上帝，耶和華，祐子衛子兮。試觀耶和華所為，降異災於天下兮。斷弓折戈，車熱以火，使在寰宇，人不與戎兮。告人曰，當息干戈，以我為上帝，天下異邦，咸欽崇我兮。萬有之主，雅各之上帝，耶和華，祐子衛子兮。

第四十七篇

此詩調油琴，耶和華子孫所作，使伶長歌之。

維彼億兆，當鼓掌凱歌，頌美上帝兮。至高之上帝，耶和華，有威可畏，為字內之大君兮。彼使異邦之民，咸來歸附，伏于足下兮。彼愛雅各，簡此腴地，錫我為業兮。耶和華，上帝上昇，我歡呼而吹角兮。上帝兮，為我之王，當謳歌而頌美之兮。上帝為寰宇之君，民當作歌。

爾尊榮兮，乘車顯赫，惟仁義與信是佑，有戰必勝，使人畏懼兮。爾鏃甚利，勝異邦人，刺敵之心兮。上帝兮，爾之有位，永世靡暨，爾之國柄，則合乎義兮。爾善善惡惡，故上帝即爾上帝兮。以膏膏爾，以快汝心，俾得尊於爾侶兮。爾衣有沒藥，有蘆薈，有肉桂之香兮。出自象牙之室，鼓瑟鼓琴，使爾忻喜兮。鄰國公主，充爾嬪御兮。爾之皇后，立於爾右，以阿妮之金為飾兮。君夫人宜傾耳以聆，悉心以思兮。爾之鄉黨宗族，毋懸念兮。王悅爾容，為爾之主，爾當敬之兮。富國莫如推羅，將饋爾以禮，求爾之恩兮。后居宮闈，尊榮莫加，衣以金織，縱橫相間兮。袞衣繡裳，朝覲君王，侍女相從兮。欣喜歡忭，導至王宮兮。維吾君王，承厥先業，子孫繩繩，分封州牧，治理天下兮。予也頌揚爾名，萬世無疆，兆民譽爾，日久月長兮。

以榆揚之兮。上帝坐聖位，治異邦之民兮。亞伯拉罕之上帝有民人焉，民牧和會，元戎歸主，稱爲至尊兮。

**詩四十八篇**

此詩爲耶和華子孫而作

我之上帝耶和華，居於其邑，在彼聖山，至尊無對，要當崇敬之兮。大君之邑，

在郇山之北，形勢高峻，通國美之兮。上帝端居郇宮，範衛民人，衆所知兮。列王會伐，臨城退避，駭

懼疾遁，戰慄不勝兮。彼悚然惶遽，如將婉之婦，大失之舟，毀於颶風兮。萬有之主，我之上帝耶和

華，必建斯邑，永世靡暨，昔也僅屬耳聞，今也始能目覩兮。上帝兮，在聖室中，余念爾恩兮。爾公義

是秉，聲名洋溢，兆民榆揚，至於地極兮。郇山之人，猶大之民，樂爾彰輝兮。爾曹巡行郇邑，檢點成

樓，城垣宮闕，當深長思之，傳於後世兮。上帝兮，我之上帝兮，日久月長，必眷佑子，至死不廢兮。

**詩四十九篇**

此詩爲耶和華子孫而作，使伶長歌之

天下億兆，貧富尊卑，宜聽我言兮。我心惟智是懷，我口惟道是述兮。諺

言隱語，我傾耳以諦聽，鼓琴以詠歌兮。患難之際，仇敵設伏以環攻，我何懼兮。彼恃貨財，誇豐富

兮，然生命將絕，雖有密友不能贖之，而上帝錫以齡兮。生命之價，既貴且昂，欲贖無從兮，不能壽

世，而體不朽兮。我觀智慧者死，愚蠢者亡，遺業於後兮。揣彼之心，意謂家必恒存，室可垂後，聲名

揚於寰宇兮。人爵雖顯，不得永存，猶禽獸之速亡兮。世人所爲，不智孰甚，後人效之兮。瘟滅若羊，

蚯蚓曝兮。彼在塚中，形骸喪兮。至於異日，義人勝之兮。上帝待子以恩，將拯余於陰府兮。人有貨

財，家以顯榮，毋庸畏彼兮。迨其臨沒，不攜一物，尊榮不隨其身兮。生存之時，以爲獲福，自奉奢靡，

人咸欣羨之兮，必返其本，不見光明。人爵雖顯，智慧不具，其亡也無異禽獸兮。

舊約聖書

詩篇

第四十八篇

第四十九篇

五百七十一

**第五十篇**

此詩亞薩所作

全能之上帝耶和華，普告天下，自日出之鄉，窮日入之處，美哉耶邑，上帝在彼，彰其榮光兮。我上帝蒞臨，聿厥厥聲，電閃於前，大風四起兮。布告天地，必鞠其民，曰：維彼選民，獻祭於我，與我立約，使之和會兮。我必鞠之，彰我公義，使在明宮，咸知斯意兮。以色列族我之人民，宜聽我言，我乃爾之上帝，將督責爾過兮。昔爾燔祭，恒獻禮物，我不以此罪爾兮。爾宅有牛，爾牢有羊，我不取之兮。林中百獸，萬山羣畜，俱屬我兮。曠野禽獸，我所諳悉，天下萬物，咸歸於我，如我載饑，毋庸告爾兮。我豈食牛肉，豈飲羊血，我乃至尊之上帝，爾當獻祭，惟謝我恩，以償厥願兮。患難之際，禱告於我，我爾援，爾我頌兮。上帝語惡人曰：爾何假我律例，藉子聖教，惡訓言而不守，棄我道，其如遺兮。見賊則喜，與同謀，遇姦則結為黨羽，口惟出惡言，舌惟施詭詐兮。謗爾昆弟，毀爾同氣兮。我弗譴爾，遂謂我與人無異，我必責爾，彰爾罪戾兮。爾曹忘我，當思余言，恐我毀爾，援手無人兮。凡頌美予者，彰我之榮，謹飭之士，予必救之兮。

**第五十一篇**

大衛與拔示巴偕姦先知拿單責之

上帝矜恤無涯，憐憫乎我，塗抹我愆尤，洗滌我罪惡，消除我過失兮。子自言己罪，恒念己惡，我蹈愆尤，獲罪於爾，即責子，爾亦稱義，即鞠子，爾亦為善兮。我母懷妊，生我於世，當此之時，我有罪戾，中心真實，爾所悅憚，子求於爾，以智慧昇我衷曲兮。爾潔我心，滌我罪，如濡牛膝草而洒之，使我儼然皓白，勝於雪兮。昔爾傷子，害同折骨，今也求爾施恩，使子忻喜兮。勿鑒察我惡，必塗抹我愆兮。上帝兮，使我心潔神恬，煥然一新兮。毋我退棄，爾之聖神，恒牖子衷兮。爾以手援子，使子忻喜兮。爾扶翼子，使子慨以慷兮。我以爾道訓迪罪人，使彼悔改。

咸歸向爾兮，我救主上帝兮，殺人之罪，爾其宥子，則我謳歌，頌爾仁慈兮。主賜子口才，揄揚不置兮。燔祭禮物，爾所不欲，欲則子必獻之兮。爾所欲之祭，在乎痛悔，有此衷懷，必不見棄兮。求爾施恩，範衛郇邑，使耶路撒冷，建置城垣兮。斯時也，必宰牲燔祭，悉循其例，獻饋爾壇，爾其享之兮。

大國語亞希米勒之家以東人多益以告掃羅大國乃作此詩訓迪其民使伶長歌之

殘害爾行詭譎，如薙髮之刀，其鋒銛利兮。爾作惡過於好善，嗜誑愈於真實，偽為之人，爾出莠言。上帝必使爾永亡，驅爾於室外，滅爾於宇內兮。義者見此，實畏上帝，竊哂惡人曰：彼其之子，輕上帝之能力，恃一己之貨財，強悍作惡兮。惟子恒賴上帝之恩，得居上帝之殿，譬彼橄欖枝葉，葱蘢兮。蒙爾眷佑，余在虔士之中，呼籲爾名，頌讚靡已，豈不甚善兮。

此詩大國所作訓迪其民使伶長歌之

嗚之蚩蚩，謂上帝為無有，惟惡是作兮。喪其本心，無復孳孳而行仁兮。上帝在天，遍察民人，欲知其中，可有智慧是具，上帝是欽兮。則皆就邪棄正，未嘗有行善之民兮。惟彼惡人，懵然無知，橫噬我民，無異食餅，不向上帝呼籲兮。平時無實畏之心，後日有靡涯之懼兮。凡為善人之敵者，上帝必藐視之，使百骸離散，貽羞斯世兮。上帝居彼郇山，願救以色列族兮。反其俘囚，雅各家必歡樂，以色列族必欣喜兮。

大國語於西弗地則人以告掃羅大國乃作此詩訓迪其民使伶長歌之

聽兮，仇敵環攻子，強暴謀害子，彼不畏上帝兮。上帝祐子，有輔翼子者，主亦祐之兮。降災我敵，使之滅亡，以踐前言兮。余之中心，願獻祭祀，頌美耶和華，斯為美兮。彼救我於難，滅我之敵，俾子目

親兮。

**第五十五篇**

此大衛所作以訓導其民使伶長鼓琴歌之

上帝兮，垂聽我祈，毋我退棄，我心忡忡，有懷欲吐，望爾俯聞兮。維彼

仇敵，大聲而呼，強者虐子，委子惡名，中心銜憾，加以驅逐兮。我甚痛心，臨死而懼，戰栗悚惶，穀

不勝兮。余竊有言，願得羽翮，如彼飛鶴，將翔將翔，安居自得兮。余必遠遊，處於曠野，今子罹害，如

遇狂飈，子將速避兮。敵人在城，強暴相爭，子求上主，翦滅是行，撓亂其謀，使之弗成兮。維彼晝夜

巡行邑垣，中有強悍，殘害人民，逶迤之間，恒有惡黨，或行詭譎，或尙詐僞，今有人焉，矜詡侮子，非

子寇讎，非子仇隙，設或是之，猶可隱忍，杜門不出，子知斯人，乃子同儔，乃子密友，昔與心交，同詣

上帝之室，今彼第宅，惡人充盈，願彼速亡，墮於幽冥，耶和華兮，我之上帝，子將禱告，冀其手援，晨

夕亭午，子必呼籲，主其聽聞，子敵衆多，咸集攻子，主必拯救，錫子平康，永生上帝，俯聽我祈，敗亡

子敵，維彼敵人，不更故轍，不畏上帝，逆其友朋，背其盟約，其口滑稽，如酥如油，心懷殺機，其詞柔

媚，同於膏沐，利於鋒刃，凡爾義人，以百事付諸耶和華，蒙彼眷佑，必不傾危兮。暴虐妄作，中年短

折，陷於坎阱，上帝使然，子惟上帝是賴兮。

**第五十六篇**

古時有劫在異邦其名不鳴者大衛在迦特為非利士人所執乃效其體而作此使伶長歌之

上帝兮，人欲噬子，日加虐遇，求施矜憫兮。子敵衆多，

厥心傲辟，日尋干戈，肆其橫噬兮。我恐懼時，惟爾是賴兮。上帝之命，子頌美之，子惟上帝是恃，世

人攻我，子無所畏兮。斯世之人，顛倒是非，靡日不然，彼所圖維，惟思陷害兮。彼衆咸集，伏於歧途，

矚我出入，欲害我命兮。彼惟作惡，曷能道罰，上帝兮，怒責斯民，使之隕墜，我流離靡定，爾知之矣。

潸然出涕，請爾垂念。若藏於罇，若錄於冊兮。我祈禱時，敵必敗北。上帝祐子，子所素知兮。耶和華上帝之命，子頌美兮。子惟上帝是賴，斯世之人焉能害我兮。上帝兮，昔我許願，後必償之。祝謝靡已兮。昔蒙爾援，余於死亡。今求爾免余於傾跌，俾我享有生之福。崇事爾兮。

**第五十七篇** 大衛避非利士人於迦特時所作。以弗利門名其篇，使伶長歌之。 潛消兮。我願至高上帝，百事祐子兮。自天垂恩，救我於敵，免其凌辱。上帝施恩，真實無妄兮。仇敵

環攻如獅之吞噬，如火之燎原。斯世之人，齒若戈矢，舌若鋒刃兮。上帝兮，崇高逾乎霄漢，榮光燭

乎寰區兮。斯世之人，遍施網罟，我心忡忡，彼掘坎阱，自陷其中。上帝兮，予志已定，子將作歌，予志

已定，子將頌美兮。清晨警醒，鼓瑟鼓琴兮。在異邦中，必揄揚爾。在兆民間，必謳歌爾兮。爾之仁慈，

及乎霄漢。爾之真實，貫乎穹蒼兮。上帝兮，峻極於天，光照宇內兮。

**第五十八篇** 此詩大衛所作，以弗利門名其篇，使伶長歌之。 爾曹世人，言義伸冤，豈出誠懇兮。爾之中心，惟懷惡念。爾居斯土，所

行強梁兮。惟彼惡人，自初生以來，行邪僻，言誕妄兮。毒若蛇，蠱若蝮，衰如充耳兮。雖有巧技，智取

術馭，蝮不聽兮。耶和華上帝，我敵若獅，惟彼齒牙，爾其折之。使彼淪喪，如水流不返。雖用弓矢，令

去其金兮。使彼消滅，猶之蝸蟪，亦如嬰孩，產不及期。未覩日光兮。束荆爲炊，釜飢未熟，或青或枯，

爲大風吹去兮。惡人受刑，而遭殺戮，義者喜悅，足履其血。人曰：爲善者降之祥。上帝帝天下兮。

**第五十九篇** 此詩大衛所作，以弗利門名其篇，使伶長歌之。 上帝兮，仇敵攻子，望爾援手，護衛我兮。惡人欲殺子，爾其拯

救兮。耶和華兮，我未嘗獲罪於彼。強者咸集，設伏以害子兮。非我之愆，惟彼疾趨，設備害我。望爾

鑒察眷祐子兮。以色列之上帝，萬有之主耶和華，勃然興起，降敵人以罰，彼乃元惡，爾勿赦宥兮。彼於夕至，如犬之吠，巡行邑垣兮。莠言自口，譬諸利劍，自謂人不及知兮。耶和華兮，爾藐視斯民，而哂笑之兮。我望上帝，範衛我躬，無慮敵人之勇兮。我之上帝，不錫恩膏，敗亡我敵，使我目覩兮。勿速翦滅，恐我民頓忘外患，求主護子，展爾巨能，使敵流離，終至隕亡兮。彼驕秦詭譎，厥口詛咒，求主降罰，適當其罪兮。願爾震怒，翦滅斯人，俾其淪喪，使天下知上帝治雅各族，統理寰宇兮。任敵夕至，如犬之吠，巡行邑垣兮。遍求口食，不得一飽，而出怨言兮。患難之時，爾護衛子，至於詰朝，我將謳歌，頌爾巨能，揚爾矜憫兮。仁慈之上帝，助我以力，護衛乎我，我將謳歌，頌讚靡暨兮。

**第六十一篇**

大衛避於亞蘭家哈提亞時作此詩。此詩調通其民使伶長。瑟音。合花瑟歌之。

上帝兮，昔子不見悅於爾，棄子如遺，俾子離散。

茲子求爾，特加眷顧兮。地震崩裂，爾之使然，地維搖撼，求爾彌縫其缺兮。爾使斯民罹害，如醉將蹶兮。畏爾之人，爾賜以靈，使彼展舒，踐爾前言兮。願爾垂聽，大施臂力，拯爾選民。上帝至聖，曾有應許，余聞之而竊喜兮。子將分封，示劍量度，數割谷基，列馬拿西，咸入我版圖兮。以法蓮若我兜，蓋猶大族為我牧伯，摩押境若我盤匝，以東地猶我履架，余勝非利士人，而作凱歌兮。鞏固之城，誰導余入兮。以東之邑，誰使子得兮。惟爾上帝，素乘我躬，惟爾上帝，今率子軍旅兮。人力徒勞，求爾眷佑，免於患害兮。上帝助子，蹂躪我敵，我惟賴之，大事以成兮。

**第六十二篇**

此詩大衛所作。便。伶長。瑟音。歌之。

上帝兮，聽子祈求，聆余禱告兮。敵人攻余，余喪厥膽，流離遠方，顛呼於爾。爾置子於難陟之巉巖，若鞏固之臺，棲息之所兮。余將恒居爾室，爾覆翼子，猶鳥伏雛兮。子會

許願爾其垂聽，俾子得業，不亞於敬爾之人。俾我爲王，永享遐齡。我之子孫，世襲厥位兮。恒在爾前，沐爾仁慈，保我綏安，踐爾前言兮。予日償我願，頌美爾靡已兮。

第六十二篇

此大衛所作便伶長耶士頌歌之

我惟上帝是望，彼乃援子。彼若巉巖，扶翼子，護衛子，使不震動兮。爾曹

攻子，伊於何底，汝欲毀子，如將傾之垣，如欲覆之壁。子得興起，爾欲敗子，爾惟詭譎是喜，口祝福，心咒詛兮。我惟上帝是賴，望其眷佑兮。彼如巉巖，護衛乎子，俾不震動兮。上帝拯子，錫以尊榮，彼如巖穴，使子棲身兮。上帝誠可恃兮。爾曹民人，當恒賴之。爾在其前，吐露衷懷兮。斯世之人，由尊逮卑，咸尙虛妄，若權衡之，輕於呼吸之氣兮。爾卽財貨豐饒，勿以爲樂，况虐人奪人，更不可以此浮財自恃。上帝之言，一而再，子聞之兮。凡百才能，出自上帝，主矜憫是懷，必視人所行，而加賞罰兮。

第六十三篇

大衛所作便伶長耶士頌歌之

上帝兮，我之上帝，予竭力以求，中心如渴，仰慕不置，我困于野，汲道已絕兮。

昔在聖所，觀爾能力，瞻爾尊榮，今欲再見之兮。爾之恩澤，過於生命，予不禁頌美爾兮。我尙生存，必舉手以頌讚爾名兮。余心悅懌，如得肥甘，滄髓，足以果腹，頌爾以口，祝爾以舌兮。余也偃息在牀，思念維殷，中宵企想，爾眷祐子，如鳥伏雛，故余欣喜謳歌兮。余恒從爾，爾左右，余欲害子，必陷於地下兮。必櫻利刃，見噬於狐兮。王爲上帝中心喜樂，凡指其名而發誓者，靡不權然言詞，詭譎者，必箝其口兮。

第六十四篇

此大衛所作便伶長耶士頌歌之

今子畏敵祈禱，望爾俯聞，救我生命兮。作惡之人，廣樹黨援，爾其庇佑子兮。

舊約聖書

詩篇

第六十二篇至第六十四篇

五百七十七



彼世人兮，殲其舌鋒，猶之利刃，出其語刺，無異發矢兮。不知戒懼，陰中無辜，出諸倉猝兮。剛愎厥心，惟謀作惡，私設網罟，謂人不及見兮。居心深險，用志不紛，圖維惡事兮。上帝射之，忽被傷殘，彼之所謀，反害及身，凡目覩之者，無不遠避兮。上帝著其經綸，維彼兆民，思之維之，寅畏而稱揚之兮。爲義之人，惟耶和華是恃，欣喜不勝兮。

第六十六篇

此詩大衛所作  
使伶長歌之

上帝兮，在彼郇城，人咸瞻望，加以頌美兮。昔許之願，必償之兮。庶民禱告，

爾俯聞之，則此億兆，必祈求於爾兮。予負罪孔多，向其蓋之兮。維爾遴選斯民，使之得侍於側，入爾場帷，居爾聖室，爾爲肆筵，備極豐腆，可謂福兮。上帝兮，我之救主，爾之待我，惟秉公義，神妙莫測，自彼地極，至於海隅，咸仰望兮。爾以能力自負，使彼山巖，以安以固，寰海宴息，波濤不揚，四方之民，不思作亂兮。惟彼遠疆，畏爾異蹟，日之所出，日之所入，靡不悅懌兮。爾眷顧斯土，使之豐亨，有大河以資灌溉，五穀繁熟，甘露霽沛，沃其田疇，潤澤土壤，使生庶物，錫以綏祉兮。恩惠相加，秋收饒足，爾所經行之地，沐以恩膏兮。曠野有苑，咸沾膏澤，萬山之民，靡不喜樂兮。羣羊遍野，五穀盈阡，居民歡呼，咸謳歌兮。

第六十七篇

此詩者使  
伶長歌之

天下萬邦，大聲而呼，頌美上帝，謳歌其名，揄揚其德，曰：上帝兮，爾之經綸，神

妙莫測，爾展大能，敵人歸附，甘言以頌禱兮。萬國崇拜，謳歌爾名兮。爾曹世人，羣瞻上帝，經綸其治寰宇，奇異難名兮。變海爲陸，俾人步趨，樂讚上帝兮。上帝有能，永治天下，鑒察億兆，背於道者，毋自誇兮。爾曹民人，頌我上帝，揄揚其名兮。上帝兮，俾我生存，免余悚動，鍛鍊我躬，無異冶金兮。

爾設網以罹余，昇我躬以重災。俾敵人踐子，子經水火之中。入膏腴之壤兮，遭難之時。子曾許願，茲詣聖室，燔祭以償兮。肥畜健牛，綿羊山羊，俱取其牡，加以馨香，以獻爾兮。寅畏上帝之人，咸來聽余，余將以上帝眷佑之事，普告爾兮。我口頌之兮，我舌頌之兮。如我平昔喜於作惡，則主不聽我禱告兮。上帝俯聽子祈，不我遐棄，錫恩優渥，故余頌美之兮。

第六十七篇

作此詩者使伶長鼓琴歌之

上帝兮求爾矜憫，錫子純嘏。色相光華，普照我兮。爾救世之道，使天下萬

國咸知兮。願庶民頌爾，億兆讚爾兮。爾帝天下，以鞠兆民，惟秉公義，人當欣喜，謳歌不已兮。願庶民頌爾，億兆讚爾兮。上帝兮我之上帝，錫嘏於我，使彼土壤，物產豐亨兮。上帝錫嘏四方，遠邇寅畏其名兮。

第六十八篇

此大衛所作使伶長歌之

上帝兮勃然興起，使爾仇敵離散，寇讎遁逃兮。上帝泄至，惡者滅亡，如風驅

烟，如火消蠟兮。義人悅懌，在上帝前，忻喜不勝兮。上帝之名曰耶和華，維彼乘輦，將過斯野，庶民欣喜，修葺甬道，以迓以歌，頌美靡已兮。上帝在聖所，孤子蒙眷佑，嫠婦得倚賴兮。上帝使無室者有棟宇，幽囚者得悅豫，橫逆者仍處旱乾兮。上帝兮昔爾導民，行於曠野，地震天漏，西乃搖撼，在以色列族之上帝前兮。亢陽久而厥土熯兮。上帝沛降甘霖，因而優渥兮。選民居之上帝，恩澤覃敷，供彼貧乏兮。主踐前言，眾女作歌，稱揚之云：三軍之帥，望風逃遁，居家之婦，亦分所得兮。昔爾民臥於羊牢之間，其後可比之鶴，其翮若金兮。全能之主，敗列王於斯土，骨暴於野，餽如撒們之雪兮。維彼巴山，層巒疊嶂，上帝之山，不亞於此兮。耶和華上帝，遴選其山，以爲駐蹕之

舊約聖書

詩篇

第六十七篇

第六十八篇

五百七十九

所永世弗替，維爾諸峰，勿睚眦兮。上帝之車，萬乘千騎，不可勝計，主居其中，在西乃聖山兮。其上其虜敵，以恩寵頌諸人，叛者歸附，亦錫以恩，耶和華上帝居其中兮。雖有人使我負軛甚重，耶和華上帝救我，日當頌美之兮。援予於死亡，惟我之主上帝耶和華兮。上帝傷敵之首，恒行惡者，必喪其元兮。主曰：敵在巴山，或在深淵，我將繫之，以至使爾足履其血，俾犬食之兮。我之上帝兮，我之君，爾履彼聖所，衆目瞻仰兮。謳歌者行於前，鼓琴者從於後，少女在中，播鼗而出兮。以色列族循其班次，頌主上帝厥惟雅，各季子便雅憫之支派，與其牧伯猶大族長，與其羣從，及西布倫，納大利諸伯兮。自昔上帝展爾能力，今求眷佑予，恒鞏固兮。耶路撒冷爾室在焉，列王獻禮兮。好鬪之人，如牛如犢，如葦間之獸，爾制伏之，爾離散之，俾輸金以歸附兮。富厚者流，至自埃及古實之人，崇奉上帝，咸舉手兮。天下列王，羣作謳歌，頌美主兮。上帝乘雲，永世靡暨，乃發雷霆，其聲震轟兮。上帝顯其大能，扞衛以色列族，赫奕於天，爾曹當頌揚之兮。上帝兮，在彼聖所，有威可畏，以色列族之上帝，展厥能力，以助民人，宜讚美之兮。

此大衛所作便伶長

此大衛所作便伶長

此大衛所作便伶長

濤淹予兮。我顛呼於上，至於困憊，至於焦渴，望上帝拯予，目爲之矇瞶兮。惟彼仇敵，銜憾實深，皆出無因，其數衆多，擢髮難計，膂力剛強，予未嘗取諸人人，反使我償兮。上帝兮，我有妄作，爾鑒觀兮。我有愆尤，爾洞悉兮。萬有之主，以色列族之上帝耶和華兮。我惟爾是賴，勿我退棄，仰望爾者，勿使蒙恥，祈求爾者，毋俾貽羞兮。予爲爾受凌辱，抱愧忤兮。卽我同氣，卽我手足，亦視余若疎遠。

兮九子爲爾室中心如焚人詬爾余受之兮十吾哭泣禁食人以爲辱兮十一我以麻爲衣人託詞以哂笑兮十二游民妄加誹謗酒徒作歌譏刺兮十三耶和華上帝兮十四我所於爾望爾恩澤矜憫無涯垂聽余而援手踐爾前言兮十五出我於淤泥救我於深淵免敵害子兮十六行潦勿淹子深淵勿沉子幽冥勿陷子兮十七耶和華兮爾之矜憫靡極爾之仁慈無涯請垂顧子俯聽子兮十八僕遭患難毋我遺棄俯聞子勿緩兮十九我敵迫切望爾離子勿遠救我毋遲兮二十我受敵凌辱含羞蒙恥俱爾所知兮二十一人凌侮我俾我傷心殷憂不已欲與同憂患者卒無一人欲望來慰藉者亦不可得我欲食人供以贍我甚渴人給以醢兮二十二願彼之席或機檻以陷之爲網罟以罹之以報其惡兮二十三願厥目盲昧不明厥體戰栗不已兮二十四願爾怒奮揚爾憤震烈以擊斯人兮二十五其第邱墟無人居處兮二十六爾鞭子彼加傷害爾扑子彼與謠詠兮二十七彼有愆尤願爾加罪無以爲義兮二十八維彼姓氏載於生命之書爾其塗抹毋與義人同錄兮二十九子貧乏殷憂上帝拯子俾復振興兮三十我將謳歌頌揚上帝之名感謝讚美兮三十一耶和華必以此爲喜雖子獻牛宰犢蹄角罔缺亦不爲悅兮三十二貧乏者流崇事上帝見此欣樂厥心安豫兮三十三耶和華兮貧乏者聽其所俘囚者不蔑視兮三十四願天地河海以及百物咸頌美上帝兮三十五上帝將救郇邑建猶大城使民居處示爲恒業兮三十六厥僕之後嗣業於斯土敬愛上帝之人咸居厥所兮三十七

滯兮。

耶和華兮，余惟爾是恃，毋使子媿恥兮。爾俯聞我祈，以手援子，彰爾仁慈兮。惟爾有命，扞衛子，拯救子，譬彼巖穴，猶之險阻，子恒匿其中兮。上帝兮，維彼世人行惡事，恃強暴，求爾援我於其手兮。余自孩提，惟主耶和華是望兮。生於斯世，爾扶翼子，我母生子，蒙爾錫恩，余頌美爾兮。彼眾人兮，見余而駭，爾範衛子，繫惟爾是賴兮。余頌揚爾，顯爾尊榮，雖竟晷而弗倦兮。子今老矣，尚其毋我退棄，筋力已衰，願勿棄子之如遺兮。為余之敵者，誘毀沸騰，害子之命者，眾論僉同，謂我見絕於上帝，援手無人，可襲取兮。我之上帝兮，毋棄我躬，援子勿緩兮。敵設謀以害子，願其失志敗北，悚然駭懼兮。余也，企望無窮，頌揚靡盡兮。爾也大著仁慈，以手援子，不可計數，故子終日讚美不輟兮。主耶和華兮，子惟爾力是恃，毅然而往，稱爾仁義而已。上帝兮，自子之幼，爾訓迪子，迄於今日，彰爾經綸兮。今我年邁，皓然白首，毋我退棄，我將以爾能力，訓誨斯世，爰及後人兮。上帝兮，爾之仁義，高不可及，爾之經綸，大而莫名，誰能與爾比擬兮。爾昔降災我躬，不能僂指，今也錫我綏安，我罹禍害，深不可測兮。茲爾舉我於高，使我昌大，凡百之事，咸慰藉子兮。我之上帝，以色列族之聖主兮，爾踐前言，我將鼓瑟鼓琴，頌讚爾名兮。爾救我命，我必謳歌，歡聲而呼兮。害子之人，蒙羞含恥，悚然駭懼，故我稱爾仁義，終日靡已兮。

此詩為所  
 上 帝 兮 維 彼 王 子 今 繼 厥 位 爾 訓 以 道 俾 秉 大 公 兮 以 正 理 鞠 民 為 貧 民 聽  
 訟 兮 王 秉 厥 公 山 岡 與 寶 藏 億 兆 享 平 康 兮 貧 乏 者 流 王 拯 救 之 豪 強 之 輩 王 糜 爛 之 億 萬 斯 年

兆民寅畏爾兮，維彼臨民，如降甘露，草萊雖刈，仍沾潤澤兮。在位之時，義人振興，如月之恒，百姓綏安兮。自東海至西海，自大河至地極，悉歸統轄兮。居荒服者，拜跪於前，爲仇敵者，望塵俯伏兮。大失海島之王，將饋禮物，示巴西巴之主，將納貢稅兮。列王稽首，萬姓歸誠兮。維彼窮獨，援手無人，呼籲於王，必加拯救兮。哀矜貧苦，援其生命兮。受欺遭虐者，王手援之兮。劇傷流血者，王矜恤之兮。王享遐齡，人饋示巴之金，恒爲王祈，日頌讚之兮。王宇內五穀豐登，山之巔，禾秀偏反，有若利巴嫩之林，邑人繁多，有若草萊之茂兮。王壽無疆，如日之長，萬邦之民，賴厥福祉，頌美靡已兮。以色列之上帝耶和華，獨行異蹟，當榆楊之兮，維願榮名宣播，永世靡暨，維願榮光丕顯，徧於寰區，是誠心所願兮。是誠心所願兮。耶西子大闢，畢其所兮。

第七十三篇

此詩亞薩所作

以色列族中心純潔，上帝錫恩，誠哉有是然。我幾失足，至於顛越兮。我觀惡人，

反居顯要，不禁生艷羨之心兮。彼雖沒齒，困苦不及，身力健壯，不與他人同艱苦，不與衆生共災害兮。故彼厥志驕肆，厥心剛愎，如懸金索，如衣麗服兮。容貌肥腴，所得逾於所望兮。出言矜誇，凌侮人，慮遇人兮。上怨天，下尤人兮。徒黨歸附，靡不悅懌，如渴飲水兮。維彼有言，謂至高之上帝，焉能鑒察兮。爲惡之人，作事恒得亨通，財貨偏能殷富兮。我潔予心，濯余手，豈不徒勞兮。終日罹災，害清晨逢譴責兮。予言若此，逆上帝衆子兮。然念斯理，殊難解兮。予入上帝之室，遂得究其終極兮。維彼惡人，爾置諸險滑之途，擲諸死亡之地兮。猝然喪敗，殲滅殆盡，主勃然而興，如夢警醒，藐視其浮華兮。昔予中心不安，如酒方醞釀，如刃刺衷懷兮。余愚蠢無知，無異禽獸兮。余恒存爾前，

爾左右兮，願爾以智慧之心，導予入榮光之域兮。在彼穹蒼，仰望者誰，在彼陸地，欣羨者誰，豈非爾兮。我體我心，咸可消亡，我所恃以得大力，賴以邀永福者，惟一上帝兮。遠離爾者必亡，縱私欲，不爾順者，必滅兮。我惟上帝是親，恒為依賴，述其經綸，堪獲福祉兮。

**第七十五篇**

此詩亞薩所作，作於耶路撒冷，為個人哀歌。

昔爾拯斯族，為爾選民，爰建郇邑，以為駐蹕之所，請爾追憶弗忘兮。今在聖所，敵加毀損，閱時已久，請爾垂顧兮。爾之寇讐，在於聖會，呼號靡已，爰立旌旗，以為記誌兮。彼舉斧斤，遍伐林木，以此自誇兮。更以刀鋸，盡毀雕琢之器兮。火焚聖所，加以污穢，俾成邱墟兮。自謂毀之務盡，凡在斯邦，有上帝之室，必蕪之兮。我之禮文，不復再見，我之先知，卒無一人，不知胡底兮。上帝兮，維彼敵人，詆毀我儕，謗譏爾名，不識何時可息兮。爾何為束手旁觀，不加拯救，請展爾手，翦滅余敵兮。自昔迄今，上帝作我之君，援我於斯土兮。昔爾展厥能力，使大海中判，巨魚立毀，鱷魚之首摧傷，俾為荒服所食兮。爾裂磐以出泉，涸有源之溪兮。晝夜爾所定，日月爾所立，冬夏爾所造，寰區爾所界兮。耶和華兮，敵人謗譏，頑嚚之流，不崇爾名，爾其鑒之兮。爾僕如鴈鳩，勿付惡黨，爾民雖貧乏，終不可諉兮。此邦幽暗，強暴衆多，聿求上帝，追思前約兮。受虐者求爾，勿使蒙羞而返，貧乏者賴爾，俾得頌揚爾名兮。頑嚚之流，終日謗譏，爾其念之，勃然興起，以討其罪兮。爾敵喧譁，升聞於上，爾勿忘之兮。

**第七十五篇**

此詩亞薩所作，以毋耶威，余名其篇，使伶長歌之。

上帝兮，余見爾經綸，知爾離余弗遠，故讚美靡已兮。其期既屆，我將

秉公以鞠民兮，斯土喪敗，民人離散，惟余爲國之棟兮。余有言詞，告彼惡人，謂毋誕妄爾行，謂毋  
崢嶸爾角，毋仰爾首，毋強爾項，使人顯達者，非由東，非由西，亦非由南，其權操自上，帝升降黜陟，  
咸其所主兮。耶和華執爵，酒味殊烈，調劑甚厚，主斟之出，俾天下惡人，啜其渣滓兮。雅各之上帝  
兮，余將頌美之，謳歌其名兮。作惡之人，必制伏之，使其角見折兮。爲善之家，必振興之，使其角巋  
然兮。

第七十六篇

此亞薩所作便  
伶長鼓琴歌之

猶大國民咸知上帝，以色列族中，其名赫奕兮。在撒冷有其帷幕，在郇城

有其宅第兮。越在彼土，載折弓矢，載毀于戈兮。郇邑之山，巖巖可畏，勝於強暴所居之峻嶺兮。猛  
毅之人，喪敗而長眠，英武之士，其力廢弛兮。雅各之上帝兮，加以譴責，馬與乘者，淹然而就死地  
兮。爾有威可畏，厥怒奮揚，莫能禦兮。上帝兮，勃然興起，雪窮獨之冤，自天降命，居民寅畏，不敢與  
戎兮。敵人銜憾，上帝因之顯榮，維彼上帝，息敵人之餘怒兮。耶和華上帝，要當敬畏，爾曹許願，必  
償之兮。凡從之者，宜獻禮物兮。主使牧伯，咸喪厥膽，主治列王，大彰其威兮。

第七十七篇

此詩亞薩所作便  
伶長鼓琴歌之

頤呼上帝，聲聞於上，余所望兮。余遭難求主，雖至中夜，舉手不息，不敢

稍以自慰兮。余也，追思上帝，昔日救我，今也不然，彌懷殷憂，念及往事，更喪厥膽兮。因爾譴責，弗  
能偃息，遭此重艱，難以啟齒兮。余迴憶前時，追維陳迹，夤夜謳歌，今也中心存想，以神察理，何不  
如昔兮。主豈永棄我躬，不復加以矜憫，斬其仁慈，弗踐其應許兮。上帝詎忘其恩澤，絕其哀矜，而  
懷震怒兮。予也，返躬自思，知頃所言，反以自害兮。至上之主，在昔所爲，余必思維兮。耶和華兮，余



稽古昔念爾異蹟七默想爾經綸七仰望爾作為兮七以色列之上帝兮爾之所行允稱至聖大莫與京兮七神妙莫測七施力於異邦兮拯爾選民即雅各約瑟之子孫兮七上帝兮泄彼海隅波濤洶湧深淵澎湃兮雲行雨施雷發穹蒼電閃其間兮狂飈飄颻霹靂震轟寰宇輝光大地搖撼兮爾乃判海為途分水為徑其蹤不得而見兮爰使摩西亞倫導爾選民如引羣羊咸過其地兮

此詩亞薩所作調述斯民

凡百庶民余訓迪爾尙其傾耳以聽兮余將啟口設譬以古所秘者闡揚之

兮耶和華之巨能異蹟我列祖所流傳余聞而知之必告後世之子孫兮彼遺訓於雅各家立法於以色列族中使列祖告諸子孫傳於後世令彼將來咸得而知傳流靡已兮俾我後人希望上帝思其經綸守其誠命兮毋濟祖惡如祖悖逆其心不正其志不立以事上帝兮勿效以法蓮支派備兵戈執弓矢臨戰而披靡兮不守上帝之約不遵其律例兮其經綸異蹟雖顯示之不復憶之兮昔在埃及地鎖安野主行異蹟列祖目擊兮河海中判濤若堆立俾民得濟兮晝則導民以雲夜則燭民以火兮在野裂磐使民得飲猶挹清泉兮水由磐出流若溪河兮斯民在野犯罪愈多干至上震怒兮特試上帝祈求食物充其貪欲兮怨譎上帝謂今在野豈能肆筵設席兮謂昔上帝擊磐水泉滂至流若溪河至於今日其能供餅賜肉以飫我民兮耶和華聞此震怒雅各家以色列族勢若烈燄兮因彼不信上帝亦不賴之以自救兮上帝爰命天雲破隙於穹蒼兮雨嗎喙為食自天降糈兮彼食玉食以果腹兮主展其能力東風倏至南風忽起兮雨肉若塵埃飛鳥若海沙兮下於營壘遍其居處兮維彼民人食而果腹遂其所欲兮肉尙在口猶難屬饜兮上帝

震怒、肥健之人、咸遭殺戮、以色列族之丁男、翦滅殆盡、民猶犯罪、不信異蹟、上帝使之、終日艱  
難、窮年穀棘、殺戮數民、其餘悔改、竭力以求、今民思至高之上帝、自昔造之、恒復拯之、今仍進  
以甘言、貢以媚詞、其心未正、其意未誠、不守前約、上帝矜憫無涯、赦宥頻加、不忍翦滅、屢遏  
其怒、不奮其威、爰知斯民、特血氣之屬、警彼飄風、一去不回、斯民在野、干主震怒、伸主懷  
憂、今試上帝、一而再、以色列族之聖主、心彌憂戚、自昔吾主、展厥能力、拯民於難、民反忘之、  
在埃及行奇蹟、在鎖安施異能、變河爲血、人不能飲、且使蠅嘔之蛙、擾之蝗、食其物、產蟲、  
其禾稼、今電滅其葡萄、霜隕其桑林、電殺其牛、電燬其羊、厥怒奮揚、厥氣震烈、爰遣惡使、入彼  
民中、今立降其怒、人命不宥、使彼羣畜、遍染疫癘、在埃及通國、初胎之男子、被擊、在含帷幕、首  
生之牲畜、俱亡、今導厥選民、譬彼羣羊、經行曠野、俾其綏安、無所畏懼、維彼敵人、海水淹之、  
維彼選民、導至聖地、將得斯山、以爲恒業、今異邦之民、悉彼驅逐、所得之業、以繩量度、俾以色列  
之支派、各居帷幕、今至高上帝、厥有命令、民再犯之、櫻其震怒、今維彼濟惡、屢行叛逆、無異列祖、  
如茲、絕弓反兮、彼築崇邱、干其憤怒、彼事偶像、櫻其忿懣、今上帝聞之、其怒殊甚、於以色列族、深  
惡之兮、昔上帝在人間、擇示羅之幕、以駐蹕、今則遐棄之兮、尊榮之法、置斯民所恃、茲爲敵所遷  
兮、所得之民、怒之甚烈、俾亡於刃兮、丁男燬於火、處女不奏房中之樂兮、祭司死於兵、嫠婦不作  
哭泣之歌兮、主勃然興起、如寢者之警醒、如壯夫飲酒而呼呶兮、擊敵人之背、俾蒙羞不已兮、不  
選約瑟之後、不擇以法蓮支派兮、乃簡猶大一族、愛斯郇山、爰建聖室、與天同高、與地同久兮、遂

選大關爲僕，不使守羣畜，收牝羊，俾牧上帝之選民，卽雅各家以色列族兮。大關竭其心志，盡其慧思，訓導之，治理之兮。

**爾撒冷**

此詩亞薩所作，使伶長，百合花，亞薩歌。

上帝兮，異邦人侵爾畿輔，辱爾聖殿，毀耶路撒冷兮。臣僕之尸，飛鳥食之，敬虔

者之肉，野獸噬之兮。耶路撒冷四周，血流若水，尸不瘞埋兮。鄰邦之土，凌辱我兮。四方之國，哂笑

我兮。耶和華兮，爾震怒之子，加氣如烟，不識何時可息兮。有人民不崇事爾，有邦國不呼籲爾

者，盍震怒之兮。彼吞雅各家，毀其居處兮。昔余有罪，爾勿念之，弗忘。今遭患難，爾其矜子，毋緩兮。

救主上帝，爾其祐子，赦我罪愆，彰爾仁慈兮。異邦人侮子曰：維彼上帝，在何所兮。上帝兮，爾僕見

殺，求爾雪恨，使異邦人知之。余亦目擊兮，俘囚歔歔，爾其聞之。人將就戮，爾其拯之。顯爾巨能兮，

維彼鄰邦，謗譏吾主，望主報之，加以七倍兮。爾之選民，爲爾所牧，必頌揚爾，歷世靡暨兮。

**爾撒冷**

此詩亞薩所作，使伶長，百合花，亞薩歌。

以色列之牧者，導約瑟一族，若導羣羊兮。請聽我祈，爾居噤啞咻間，彰爾

榮光兮。在以法蓮，便雅憫，馬拿西，前奮爾之力，臨格以援子兮。上帝兮，俾余振興，色相之光華，於

我而普照，則余獲救兮。萬有之主，耶和華兮，爾震怒之余，加不聽余祈，不識何時可息兮。余濟然

飲涕，飲食俱忘兮。鄰里用力以攻子，仇敵出言以哂子，皆爾所使兮。萬有之主，上帝兮，使子復興，

色相光華，普照於我，則余獲救兮。自古在昔，爾攜葡萄，出於埃及，驅逐異邦之民，植於斯土，開墾

土壤，使彼根深，蔓延於地兮。彼樹之蔭，遍覆山岡，枝柯甚大，如柏香木兮。其枝至於滄海，其幹近

於大河兮。今曷毀其藩籬，任爲路人，折取兮。林豕食之，野獸噬之兮。萬有之主，上帝兮，回爾心志，

自天鑿察，封植此樹兮。爾昔栽培，使其葱蘢兮。今爾震怒，使彼葡萄，爲火焚燬，爲人斬伐，根株槁兮。昔有選民，爾左右之，今也望爾，仍恒祐之兮。爾俾我振興，余弗敢稍違，恒頌爾名兮。萬有之主，耶和華兮。俾我振興，色相光華，普照於我，則余獲救兮。

第八十一篇

此詩亞薩所作，便伶長，殿卒歌之。

雅各之上帝，扶翼余兮。兆姓歡愉，謳歌之兮。播鼗鼓琴，操瑟而作歌，以致悅懌兮。月朔之時，節期之日，當吹其角兮。雅各之上帝，厥有常例，俾以色列族，遵循之兮。昔擊

埃及之時，約瑟子孫，咸受此法，維斯詔命予。昔未知，今始知兮。詔曰：爾任負戴，余弛之兮。爾攜筐筥，余釋之兮。爾邁患難，願呼於上，余拯之兮。余之所居，幽深玄遠，余之降詔，如發雷聲，在米利巴水濱，余已試爾兮。余頒律例，以色列族我之選民，尙其聽之兮。異邦之上帝，爾毋崇事，爾毋拜跪兮。我耶和華，爾之上帝，導爾出埃及，爾口孔張，予取予求，靡不畀爾兮。以色列族我民兮，弗聽從，弗柔順兮。余任其桀驁，聽其縱欲兮。如以色列族，我民恪遵我命，聽從我道兮，則其仇敵，余必敗之甚速，則其寇讎，予必擊之。弗緩兮，使逆我之輩，強歸附予，我之選民，永膺多福兮。余必賜嘉麥，以供之，巖穴出蜜，以哺之兮。

第八十二篇

此亞薩所作。

有位之人，和會士師咸集，上帝在中，辨折是非兮。謂爾曹聽訟，行私袒惡，將至

何時兮。維彼孤子，貧乏癯獨，當爲之伸冤兮。窮民遭難，爾其援手，毋爲惡人所害兮。嗟爾士師，憮然無知，昧於正理，其心昏昏，柱石傾頽兮。我卽稱爾曹爲上帝，若至上者之子，亦不過民牧，終亦必亡，無異他人兮。上帝兮，爲萬邦之主，勃然興起，秉公於天下兮。

舊約聖書

詩篇

第八十一篇

第八十二篇

五百八十九

第八十四篇

此詩亞薩所作

至能之上帝兮，爾毋默然，拯余勿緩兮。爾敵譁然，逆爾之人，昂其首兮。爾之人

民，施譎謀以害之兮。爾所愛護者，設詭計以傷之兮。曰：莫若絕之，滅其國民，使以色列之名不復

記憶兮。惟彼同心以會議，要盟以叛逆，有若以東人，以實馬利人，摩押人，夏甲人，俱居帷幕兮。其

八人，亞捫人，亞馬力人，非利士人，爰及推羅居民兮。亞述一族，咸來和會，以輔翼羅得子孫兮。請

爾令其敗北，若米田人，爰及西西喇耶賓，在基順之溪濱，敗亡於隱托耳，尸腐為糞壤兮。願喪其

民牧，若阿立西邑，戕其君長，若西巴撒門拿兮。敵人自謂必據上帝之室兮。上帝兮，使彼若草芥，

為風飄揚兮。如火焚於林，如焰燎於山兮。願爾追襲之，譬諸暴風，譬諸狂飈，使彼殼疎，使彼媿恥，

輸誠服爾兮。如其不然，則喪厥志，令其敗亡，悚然駭懼，靡有底止兮。惟如是，凡厥庶民，咸知爾耶

和華，至高無二，治理寰宇兮。

第八十四篇

此詩為訓導哥倫子孫而作，使伶長與亞薩歌之。

萬有之主耶和華，爾居可愛兮。我所大欲，慕爾居處，盡心竭力，謳歌

永生上帝兮。萬有之主耶和華，我之君王，我之上帝兮。彼雀構宅，彼燕營巢，以庇厥雛，余願居爾

壇側兮。居處爾室，頌美靡已者，得其純嘏兮。惟爾是恃，願詣爾殿者，蒙其綏祉兮。雖過旱谷，亦若

有泉，如秋霖之潤澤，得福祉之孔多兮。行程遞進，其力愈奮，終詣郇邑，得覲上帝兮。萬有之主耶

和華，雅各之上帝，俯聽我所兮。上帝兮，爾範衛子，所沐以膏者，爾垂顧之兮。余居爾場帷，雖僅一

日，較諸數年，猶愈兮。寧守上帝之門，毋入惡人之室兮。耶和華上帝兮，照余若日，護余若盾，錫余

以恩寵，尊榮德備之人，凡百嘉物，靡不畀兮。萬有之主耶和華兮，惟爾是恃者，福祉永綏兮。

第八十五篇

此詩訓迪哥利亞子孫而作使伶長歌之

耶和華兮，爾之邦國，已沾恩澤，雅各之俘囚，爾反之兮。民有罪惡，爾宥

之兮。民有愆尤，爾蓋之兮。爾怒奮揚，爾憤震烈，昔已息兮。上帝兮，我之救主，今也俾余振興，爾怒

永平兮。維爾震怒，詎能持久，至於後世兮。曷不復振興余，俾余因爾而悅懌兮。耶和華兮，矜憫我

躬，以手援予兮。耶和華上帝，頒予以明詔，錫安於聖民，不使其妄為，予必聽從之兮。敬虔之人，蒙

彼拯救，余之境內，靡不亨通兮。恩寵真實，或相維繫，公義和平，並行不悖兮。真理自地而出，平直

由天而降兮。耶和華兮，錫以嘉物，俾其土壤，物產豐亨，主秉大公順義而行兮。

第八十六篇

此大衛所作

耶和華兮，余也貧乏，猶獨爾尙其傾耳以聽兮。上帝兮，僕之平昔，惟爾是賴，

敬爾匪懈，今也望爾衛余兮。維我終日，顛呼於主，其矜憫余兮。仰望吾主，使僕歡愉兮。主無不善，

恒施赦宥，凡顛爾者，爾加以矜憫兮。耶和華兮，俯念予祈，垂聽予禱兮。余遭患難，顛呼於爾，爾其

聽聞兮。諸上帝中，誰克與爾頡頏，孰能復有作為，與爾比擬兮。爾所締造之萬邦，必伏拜爾前，榆

揚爾名兮。惟爾為上帝，獨一無二，丕著經綸，大行異蹟兮。余求耶和華，以爾道訓迪余，使我躬行，

收吾放心，俾余寅畏兮。我主上帝兮，余一心頌美爾，揄揚靡已兮。主矜憫余，施恩格外，予若陷於

陰府，蒙爾拯余兮。上帝兮，驕矜之輩，起而叛余，強悍之黨，謀害我命，彼不敬畏爾兮。惟主上帝，仁

慈矜憫，恒忍不已，施恩格外，踐其前言兮。求爾百顧，矜憫我躬，護祐耆僕，我之母為爾之婢，爾其

拯予兮。施恩於余，祐余慰余，其事可憑，使敵目擊而蒙羞兮。

第八十七篇

此詩訓迪哥利亞子孫而作

維彼郇邑，耶和華建於聖山，悅其邑門，愈於雅各諸家兮。上帝有命，將被

榮光於其邑兮其其命維何曰喇合巴比倫之人將宗事乎我兮非利士推羅古實之人將為郇之赤子兮故人稱郇邑必曰此民彼民為其赤子至高者建之兮耶和華多稽民數必曰斯民也隸其版圖兮謳歌吹簫者俱曰我福之源咸在郇泉兮此詩以士拉人希德所作以訓迪耶和華子孫使伶長鼓琴歌之更唱迭和

**第八十九篇**

此詩以士拉人希德所作以訓迪耶和華子孫使伶長鼓琴歌之更唱迭和

耶和華上帝我之救主兮余當晝頌呼於爾至於中夜聲

徹於上兮願余祈禱升聞於爾爾垂聽兮余之中心憂思盈懷余之生命歸墓伊邇兮余與入土之人無異余與無力之子相同兮在羣尸之中展余衾枕若遭殺戮置諸塚間爾不垂念之爾不護佑之兮爾置余於深窵之淵幽暗之所兮維爾震怒降災於余波濤淹予兮良朋密友以余為疏以余為醜俱爾所使余為俘囚不能復出兮余困苦而目昧終日祈求舉手向爾兮人已沒世豈可施能而救之兮幽冥之眾誰克起而頌美兮入於陵墓者詎得沾爾恩膏兮陷於陰府者豈能彰爾真實兮幽暗之域孰能仰爾經綸兮百事消亡之所誰得播揚爾仁義兮耶和華兮余願呼於爾清晨祈禱兮爾何為棄予如遺舍予不顧兮余自幼遭難瀕於死亡爾俾余穀悚然駭懼兮爾怒震烈降災我躬俾我滅亡兮禍患叢集如水淹余靡日不然兮友朋遠余惟與陰府為鄰俱爾所使兮

**第九十篇**

此詩以士拉人希德所作以訓迪耶和華子孫使伶長鼓琴歌之更唱迭和

耶和華兮薄爾仁慈余頌美之靡已爾踐前言余必述之傳於後世兮

余則有言謂彼仁慈真實無妄高於霄漢與天同休兮維昔上帝曰臣僕大闢余所遴選與之盟約兮子孫昌熾國祚綿長兮耶和華兮爾之經綸天使所揄揚兮爾之真實選民所頌讚兮在彼

**第九十一篇**

此詩以士拉人希德所作以訓迪耶和華子孫使伶長鼓琴歌之更唱迭和

耶和華兮薄爾仁慈余頌美之靡已爾踐前言余必述之傳於後世兮

余則有言謂彼仁慈真實無妄高於霄漢與天同休兮維昔上帝曰臣僕大闢余所遴選與之盟約兮子孫昌熾國祚綿長兮耶和華兮爾之經綸天使所揄揚兮爾之真實選民所頌讚兮在彼

明宮、有能者咸集、孰克與耶和華頡頏兮。上帝兮、有威可畏、敬虔之士、環而拜之兮。萬有之主耶和華、全能之上帝兮、誰得與爾抗衡、惟爾真實無妄、顯於四方兮。海之洪濤、爾所治理、水波澎湃、爾使之不揚兮。爾使喇合糜爛、如遭殺戮、爾展巨能、俾敵離散兮。天地歸爾統轄、寰宇萬物、咸爾所定兮。南極北極、爾所創造、大泊黑門、爲爾奠定而歡呼兮。維爾有巨能、具大力、巍巍無上兮。爾居厥位、以大公爲址、仁慈真實、爾所自有兮。知此爲嘉音、必蒙綏祉、耶和華色相光華、恒普照之兮。彼爲爾尊榮、歡愉竟晷、彼因爾仁義、喜樂靡涯兮。我有大力、皆爾輔翼、我角崢嶸、俱爾恩賜兮。以色列族之聖主耶和華爲我之王、扞衛我兮。昔爾顯厥異象、諭爾愛僕、曰維彼傑士、余所眷佑、在兆民間、余遴選之、登庸之兮。臣僕大闢、旣爲我得、沐以聖膏兮。余展能力、使之鞏固兮。維彼仇敵、毋許迫索之兮。維彼惡黨、毋許困苦之兮。有敵之者、使之敗北、有憾之者、降以災害兮。必施恩我僕、崢嶸厥角、以踐前言兮。我將使之統轄四海、掌理江河兮。彼將呼余謂父、謂上帝、謂救主兮。我必立之爲冢子、高於天下列王兮。永施仁慈、與彼立約兮。克昌厥後、至於恒久、國祚永綏、與天同休兮。如其子孫、違我律例、不從法度、乘我禮儀、不守誠命、則必責其罪、置其愆兮。然我不屯其膏、以踐前言兮。不棄我約、不易我言兮。余也至聖、指己而誓、必不欺大闢兮。必永存厥後、綿長厥祚、如日月之升恒、麗於穹蒼、永爲確證兮。余竊自思、曰昔爾沐以膏者、今厭棄之、加以震怒兮。昔與立約、而今廢之、所冠之冕、則污穢之兮。撤其藩籬、毀其衛所兮。行旅攘奪之、鄰里凌辱之兮。仇敵振興、寇讎悅懌、爾使然兮。爾僕持刃、其鋒頓挫、戰鬪不利兮。尊榮則廢棄兮。國位則隕越兮。其



年短折其體玷辱咸爾所使兮與耶和華兮爾遐棄我震怒奮烈伊於何底兮聖人壽幾何請爾垂念爾造世人同歸於盡寧非徒勞兮見人生斯世詎能免於死亡誰克救其生命不至陰府兮見維主在昔待大闢以恩加以盟約必踐前言今安在兮非維茲庶民咸訴諄子而玷我躬主其憶念之兮見耶和華兮爾曾沐我以膏敵人謗譏子與謗譏爾無異兮非惟子頌美耶和華永世靡暨心所願兮

第九十篇

上帝僕摩西

主爲吾人所歸依萬古不易兮山岡未爲爾所立寰宇未爲爾所造自亘古迄

叔季爾爲上帝無始無終兮爾使人歸土語之曰爾儕世人當返其本兮自爾視之雖歷千年無異片晷同於宵漏兮五人之沒世警諸夢寐警諸草之萌蘖兮六清晨向榮芽發蕊舒至夕翦刈遂槁枯兮七爾震怒則余毀傷兮爾發憤則子驚惶兮八余有罪愆爾瘳之兮九余有隱慝爾相之兮九爾怒奮揚余壽俱亡歲月易過恍若中心之轉念兮十人生歲數無過七十如體壯健可冀八旬雖以遐齡自詡而已晚景之彌艱生命將絕如鳥高飛倏忽不見兮十一孰知爾震怒烈而敬乎其所當敬兮十二余生於世爲日無多祈爾指示致志於道兮十三耶和華兮爾震怒余伊於胡底請爾回志矜憫爾僕兮十四施爾仁慈毋遲毋緩俾余慰藉畢生喜樂兮十五昔以憂患加於我躬頻年困苦今則使余歡然兮十六爾經綸俾僕目覩顯爾榮光俾我後咸至兮十七我之上帝耶和華俾余沾爾恩澤我所作爲使之亨通兮

第九十篇

全能至上之主爰有密室凡居之者得蒙覆翼兮我謂耶和華保佑子範衛子子惟

上帝是賴兮十八子謂敬虔之士嘗曰主必使爾不罹鳥羅不患疫癘兮十九彼衛護爾如鳥覆雛如盾庇

體以踐前言兮夕有患難畫有流矢中宵遘疾疫亭午逢喪敗爾俱無所畏兮雖千萬人死於爾側害不及爾兮惡人受報爾目覩兮至上之主耶和華余所倚賴爾亦恃之故災患不臨爾身疫癘不及爾家兮主必命其使四周扞衛兮以手扶持免足觸石兮猛獅與蛇爾可踐之稚獅巨蛇爾可躡之兮上帝曰彼愛余我拯救之彼崇余我振興之兮彼禱余我垂聽之彼遭難我眷祐之以手援之俾得尊榮兮不錫遐齡永膺多福兮

第九十二篇

此詩爲安息日而作

至上之主耶和華兮頌禱爾謳歌爾盡美盡善兮清晨讚美爾仁慈薄暮稱

揚爾真實兮操十絃之瑟播鼓琴而作謳歌兮耶和華兮爾著經綸而行異蹟余心念之不禁悅懌而頌美兮爾所爲甚大所思深奧兮愚蠢之人不知斯理不明斯道兮惡者亨通如草萌芽轉瞬凋零至於永亡兮耶和華兮維爾至尊無對永世靡暨兮爾敵必亡惡人離散兮爾使我崢嶸如兕之角爾沐我以膏維新維潔兮仇敵毀傷惡人敗亡使我目睹之耳聞之兮義者發萌譬彼瓊樹譬彼利巴嫩之柏香木兮凡彼卉木植於我上帝耶和華之場帷枝葉葱蘢兮歷年雖久結實依然青青向榮兮我上帝耶和華至義罔不秉公以此可徵兮

第九十三篇

耶和華爲君其威赫奕能力俱全寰宇奠定歷久不易兮耶和華秉權亙古勿替無

始無終兮耶和華兮波濤澎湃其聲嘈呷兮維爾巍巍勝於海濤之洶湧兮耶和華兮爾之法度至真爾之居處至聖永世靡暨兮

第九十四篇

耶和華上帝兮維爾在昔雪忿報仇今也彰爾榮光也寰區之內咸爾所轄願爾勃

舊約聖書

詩篇

第九十二篇至第九十四篇

五百九十五

與驕泰之人爾罰之兮。耶和華兮，惡者得志而歡忻，將至何時兮。維彼措詞暴厲，出語矜誇，伊於何底兮。爾所得之民人，受彼凌辱兮。賓旅孤寡，遭其殺戮兮。自謂雅各之上帝耶和華，必不鑒察兮。愚蠢之人，懵然無知，何日明此理兮。豈有造人耳目，而已反不能見聞兮。豈有督責異邦，指示以道，而不責人以善兮。人所思維，俱屬虛無，耶和華灼知之兮。耶和華兮，人爲爾加以譴責，訓以律法者，必蒙福祉兮。如遭患難，爾錫以平康，惟作惡之人，爾投於坎阱兮。耶和華所得之民，不棄之如遺兮。秉厥公義，以鞫斯事，善人悅從兮。惡者攻子，佑我者誰兮。如耶和華弗援手，余瀕於死亡兮。耶和華兮，昔子惟恐隕越，爾乃施恩，輔翼子兮。余懷憧擾，爾慰藉子，悅我心曲兮。惡人在位，立法不善，爾豈佑之兮。彼也虐遇善士，欲殺無辜兮。我之上帝耶和華，範衛子，護佑子兮。作惡之人，謀爲不軌，我之上帝耶和華，必絕之，俾其所謀，反害及身兮。

第九十五篇 耶和華兮，我之救主，爾曹偕我謳歌頌美之兮。我以揄揚之語，昌言於前，欣然咏詩，頌之靡已兮。耶和華上帝，大不可及，作君於寰宇，諸上帝中，誰克與之抗衡兮。淵淵其淵，巍巍其山，悉歸上帝統轄兮。維彼創造滄海，甄陶平陸，咸其所有兮。彼乃造化之主，耶和華，爾曹曷不偕我俯伏拜跪之兮。彼乃我之上帝，我儕小民，卽其所牧之羊兮。上帝曰：至於今日，爾願聽從吾言，不剛愎乃心，如昔民之舐觸我，試我於野兮。爾祖觀我行事，亦嘗試我，歷四十載，我憾當時之人，曰：厥心常迷，不識余途兮。子怒而誓之，毋俾斯人享余安息兮。

第九十六篇 天下億兆，當唱新歌，頌美耶和華兮。耶和華以手援子，子日播揚其事，頌讚其名兮。

異邦中稱其尊榮，兆民間彰其經綸兮。耶和華至大，當揄揚靡已。締造穹蒼，要當寅畏兮。異邦上帝，盡屬虛無，勿崇敬兮。耶和華在聖所，彰其赫奕，著其能力，尊其顯榮兮。爾曹億兆，稱揚耶和華，有尊榮，具大能兮。讚美耶和華，盡其所當然，宜獻祭物，入於場帷兮。觀彼聖所，洵美且都，崇事耶和華，天下人民，咸當寅畏之兮。普告異邦，耶和華宰萬有，被立寰宇，不致震動，彼鞠萬民，惟秉大公兮。願天地欣喜，海中百族頌揚之兮。田疇林木，以及百物，喜樂不勝兮。蓋耶和華臨格，以鞠天下，公義是秉，誠實無妄兮。

耶和華作之君，萬邦咸喜，百州同樂兮。彼居厥位，幽深玄遠，以大公爲址，以仁義爲基兮。火燎於前，以焚仇敵兮。電輝寰宇，人見而畏兮。耶和華帝天下，其臨格時，峰巒頓失，如蠟消融兮。天彰其德，民覲其榮兮。凡此庶民，崇奉偶像，喜事雕刻之形，俱必使之蒙羞。凡厥天使，咸當崇拜乎主兮。耶和華兮，郇邑之民，猶大之女，聞爾法度，靡不欣喜兮。耶和華兮，惟爾至高，治理天下，較他上帝，甚爲尊榮兮。爾曹敬愛耶和華，宜絕惡事，彼保爾命，免爲惡人賊害兮。爲義者得光明，心誠者獲悅懌兮。爾曹義人，因耶和華而欣喜，念其爲聖，而頌美之兮。

當唱新歌，頌美耶和華，彼行異蹟，獨施其巨大能，以救斯人兮。耶和華兮，拯彼人民，彰厥仁義，俾異邦人瞻仰之兮。以色列族，彼所垂憫，以踐前言，上帝以手援子，天下億兆，咸目覩之兮。爾曹世人，歡然欣喜，大聲頌美，謳歌耶和華兮。鼓琴詠詩，頌揚耶和華兮。耶和華爲我之君，當吹角欣喜，頌讚之兮。願滄海百族，陸地萬物，揚聲以頌禱兮。願江湖澎湃，聲如鼓掌，岡巒響

應音同倡和兮蓋耶和華臨格以鞠天下公義是秉正直是行兮

**第九十九篇** 耶和華居噤略咏間治理寰區億兆寅畏大地震動兮耶和華在郇邑其大莫匹超軼於凡民兮彼乃至聖大可敬畏人當頌美兮其為大君好行公正在雅各家仁義浹洽兮我之上帝耶和華至聖爾當高其品評蒞彼駐蹕之所崇拜之兮牧伯之中厥有摩西亞倫禱告主名者厥有撒母耳彼顛耶和華而蒙垂聽兮上帝在於雲中雲狀若柱降詔厥僕俾守其法從其禮兮我之上帝耶和華兮爾垂聽之赦宥之有瑕疵者爾降罰兮我之上帝耶和華至聖當揄揚之崇拜於聖山兮

**第一百篇** 此八頌之辭 寰宇兆姓靡不歡呼頌美耶和華兮在耶和華前欣喜以供役謳歌而頌讚兮宗耶和華為上帝彼造我躬我為其民牧我若羊兮子必頌禱而進其門櫛揄揚而入其場帷當謝其恩祝其名兮耶和華無不善恒懷慈愛真實無妄永世靡暨兮

**第一百零一篇** 此大關所作 耶和華兮我歌仁咏義望爾臨格余在家庭惟道是從惟公是秉兮我非禮不視深惡邪僻雖片刻不敢從兮擯斥忤逆杜絕匪類兮誹謗之流余必棄之矜高之輩余不容之兮忠愨之士予所眷顧使偕我居兮正直之人余將使之供役事兮詭詐者擯勿與處虛誑者勿在余前兮作惡者早加翦滅毋俾在耶和華邑兮

**第一百零二篇** 此大關所作 困苦之人於耶和華前 耶和華兮余恒祈禱求爾俯聞兮余遭患難毋我退棄垂聽我所拯余勿緩兮余命將終若烟之易散余骨已朽若炬之速燼兮我被扑責若草枯槁飲食俱廢兮余

欲歔靡已，形消骨立，膚革僅存兮。余若鵝鷖，居彼曠野，余若鷓鴣，止於野水兮。余終夜不寢，煢然  
孑立，若雀止於屋巔兮。我之仇敵，終日欺予，猖狂發誓，如不殺余，與余同苦兮。余也食塵猶餅，飲  
涕若水兮。因爾怒我，始則振輿，繼則棄予兮。余之生命，如影沉西，如草凋零兮。耶和華兮，爾乃永  
生，兆姓追思，歷世靡已兮。垂顧郇邑，其時已至，爾其勃興矜憫之兮。卽其瓦礫，爾僕亦悅之，卽其  
塵沙，爾僕亦愛之兮。異邦必加以寅畏，列王必敬其尊榮兮。耶和華復建郇邑，必顯其榮兮。貧乏  
者流，祈禱上帝，必俯聞之，不遐棄之兮。余作斯歌，俾後世之人，頌讚耶和華兮。耶和華在上，聖殿  
崇高，垂鑒下土兮。俘囚歔歔，彼其聞之，人將就戮，彼其拯之兮。異邦之民，咸來和會，崇事耶和華，  
斯時也。在彼郇邑，揄揚其名，在耶路撒冷，頌美靡已兮。余趨生命之途，其力已衰，厥命將絕，上帝  
使然也。禱曰：我之上帝，爾壽無疆，余年正壯，毋使予短折兮。爾元始肇基乎地，創造乎天兮。彼必  
崩，爾恒存，彼必敝如衣服，爾更易之兮。惟爾不變，爾年靡暨兮。爾僕之子孫，必恒在爾前兮。

爾僕有靈

此詩大

吾心之神，惟耶和華是頌，譽其聖名兮。吾心頌美，耶和華，念其恩澤，弗忘兮。彼

也。有罪愆，醫余疾病兮。以手援予，免於死亡，賜以仁慈，矜憫，若加冠冕兮。余雖老邁，得飫嘉物，  
俾余復壯，譬彼蒼鷹兮。耶和華射行仁義，眷佑窮獨兮。在昔彰其經綸，指示摩西，爰及以色列族  
兮。耶和華仁慈矜憫，怒不遽發，施恩格外兮。彼不恒責余，不常怒予兮。維彼待余，輕我刑罰，減我  
愆尤兮。譬諸天高於地，體恤倍至，眷祐敬虔之士兮。譬諸東之遠於西，除我罪愆，不加責罰兮。譬  
諸父之恤其子，寅畏之人，耶和華矜憫之兮。上帝搏土爲人，永不忘兮。人之生也，譬彼草萊，欣欣

以向榮兮，疾風一吹，立見凋枯，無從覓迹兮。凡敬虔之士，守其約，從其命者，耶和華惟行仁義，必加矜憫，爰及子孫，自亙古迄季世兮。耶和華之位，在彼穹蒼，治理天下兮。耶和華之天使，具能力，遵其命，從其言，亦當頌美耶和華兮。耶和華之天軍，奉行厥旨，亦當頌揚耶和華兮。耶和華在寰宇，不著經綸，以彰大能，我心亦頌禱靡已兮。

我心當頌美耶和華，我之上帝耶和華兮。其大無比，其威赫奕兮。煥光華爲衣，張穹蒼若幃兮。建宮於玄冥，乘雲爲大輅，藉風爲翼而翱翔兮。其用使者猶風，役者猶火兮。立地於四維，永不遷移兮。使水遍地，如衣被身，懷山襄陵兮。主發雷聲，叱咤波濤，水奔騰而盡退兮。山岡峙立，平原奠定，水歸厥所兮。主立隄防以爲限，水不能過，無復有淹決之虞兮。主使陵谷濬其泉源，山巒有其澗溪兮。俾野驢解渴，百獸得飲兮。維彼飛鳥，棲於山岡，鳴於樹間兮。主自宮中降雨，灌溉高山，平地結果，充足有餘兮。主令百草萌蘖，六畜囓之，菜蔬叢生，世人食之，咸地所產兮。酒醴可以悅心，膏沐可以頰面，餅餌可以養生兮。耶和華栽植林木，以及利巴嫩之柏香木，無不資以灌溉兮。在彼飛鳥營巢，鶴居松間兮。野羊登於高山，咿嘯藏於巖穴兮。主造大明，以定日時，日入不爽，其刻兮。遍地晦冥，獸乃出兮。稚獅仰首呼號以覓食，有若祈禱兮。日出獸藏，匿身巢穴兮。人出而作，日入而息兮。耶和華兮。爾之經綸，何其衆著，爾以智慧，創造萬有，爾之恩膏，溥及寰宇兮。海廣無垠，鱗族蕃滋，或大或小，以泳以游兮。舟楫可通，鱷魚踴躍，主所造兮。斯皆惟主是賴，隨時主給以食兮。主給之，彼食之，主溥恩膏，彼得果腹兮。主退棄之，則不得安，主斷其氣，則就死亡，歸

於土兮，主乃復鼓其氣，百物受造，寰宇之中煥然一新兮。耶和華之榮光，恒久弗失，著其經綸，而  
悅擇兮。一觀其地，地基震動，一履其山，岡隴起兮。我尚生存，必謳歌頌讚我之上帝耶和華兮。  
余稱揚耶和華，中心悅豫兮。罪人必杜絕之，作惡者歸於虛無，余之中心，頌美耶和華，爾曹亦當  
揄揚之兮。

爾曹當頌美耶和華，呼願其名，以厥經綸，普告兆民兮。宜謳歌之，揄揚之，稱其異蹟，譽其  
聖名。凡求耶和華者，咸有歡心兮。惟耶和華是求，惟其能力是恃，恒所不輟兮。亞伯拉罕爲其臣  
僕，雅各彼所遴選，爾曹子孫當憶其經綸，念其異蹟，從其誠命兮。耶和華兮，我之上帝，治理天下  
兮。彼立厥約，永世弗忘兮。昔與亞伯拉罕立約，與以撒發誓兮。復於雅各家，以色列族中，重申其  
命，永著爲例兮。詔曰：余以迦南錫爾爲業兮。當時人寡，其數無幾，爲旅於斯土兮。自此邦至他邦，  
又轉徙於列國兮。上帝不容人虐遇，苟爲列王所侮，譴責必加兮。其沐以膏者，不許干犯，其立爲  
先知者，不許惡待兮。上帝使斯土饑饉，絕其精糧兮。有名約瑟，始爲上帝所遣，先我祖而至埃及，  
見鬻爲僕兮。人以桎梏絆其足，鐵索拘其身兮。耶和華試之，屆頒詔之時，災害乃免兮。王爲民牧，  
詔命釋之兮。俾治其家，理其國兮。彈壓羣臣，訓迪長老，悉隨其意兮。以色列族，雅各子孫，詣彼埃  
及，旅於舍兮。上帝使選民蕃衍，較敵尤強兮。維彼敵人，銜憾選民，欺上帝僕，上帝聽其然兮。  
摩西爲其臣僕，亞倫爲其遴選，上帝特遣之兮。行奇蹟於埃及，施異能於舍兮。主使遍地  
晦冥，無不應命兮。變水爲血，鱗族俱亡兮。羣蛙充斥，進王宮室兮。蠅成飛集，蚋遍通國，皆主所命



兮，自<sup>三</sup>上雨雹，由天降火兮。葡萄樹毀兮，無花果隕兮。境中林木，咸爲所損兮。主命蝗集，千百成羣，不可計數。食田蔬，害物產兮。父力方剛，初生男子，爲主所擊。通國靡遺兮。爰導以色列族，出於彼境。咸攜金銀，凡厥支派中，無在弱之人兮。埃及人懼之，故見其出而悅懌兮。上帝布雲覆民，夜則燭之以火兮。主使鴿鷯咸集，自天降餅，俾民果腹，應民所求兮。主裂磐而水泉流於曠野，有若溪河兮。昔與僕亞伯拉罕，有厥聖約，主念之弗忘兮。導彼選民，靡不臚權，謳歌而出兮。使有異邦，其所經營之地，彼得而享之兮。爰訓厥民，守其禮儀，遵其律例。爾曹當頌美耶和華兮。

耶和華無不善，恒懷矜憫。汝當頌美之，愉揚靡已兮。耶和華之經綸，誰能形容盡致，而頌揚之兮。人苟秉公行義，歷久弗渝，則福祉永綏兮。耶和華兮，求爾憶子，以手援子，無異選民兮。俾子享選民之福，與彼同樂，欣喜無窮兮。列祖犯罪，我儕濟其惡，愆尤叢集，爾在埃及，不著異蹟，乃余列祖，懵然弗識，罔念爾鴻恩兮。在彼紅海，干爾震怒兮。上帝卒拯救之，彰厥大能，著其仁慈兮。爰叱紅海，海中判，俾民得濟，如履陸地兮。敵憾選民，欲加殘害，上帝援手兮。俾水淹敵，靡有孑遺兮。民信主言，謳歌其名兮。厥後斯民，忘其經綸，不俟其命兮。爰至曠野，縱欲妄行，以試上帝兮。主雖聽其祈，仍降以災兮。斯民在營，媚嫉摩西，維彼亞倫，上帝俾之作聖，民亦深忌之兮。地口孔張，吞噬大單，淹覆亞庇蘭之黨兮。火燃厥黨，炤焚惡衆兮。民在何烈，鑄犢成形，而崇拜之兮。昔歸榮上帝，今則不然，拜跪懷像，憤惟嚙芻兮。上帝在埃及，行異蹟，在舍作奇事，在紅海彰厥威，欲手援斯民，民忘之兮。於是欲加翦滅，惟有摩西，爲上帝所遴選，代民祈求，爰息震怒，不殲斯族。

兮，維彼腴壤，民藐視之。主之所言，人弗信從兮。在於營壘，怨聲殆遍。不尊崇耶和華兮，耶和華發誓，俾民敗亡於野兮。若子若孫，喪之於列國，散之於四方兮。斯民也，宗事巴力比耳，奉祀亡者，食其祭品兮。干耶和華震怒，疫癘流行兮。迨乎非尼哈，崛起與施厥刑罰，疾疫以止兮。其義彰彰，永世靡暨兮。在米利巴水濱，民干主怒，摩西因此，亦遭患難兮。民激摩西，摩西之氣，不能自遏，啟口而妄言兮。耶和華使民滅此異邦，民不聽從兮。乃偕異邦人，爰居爰處，染其汚俗兮。事其偶像，罹於罪網兮。焚厥子女，以祭鬼神兮。流子女無辜之血，以祀迦南之偶像，汚穢斯土兮。徇私欲，作惡事，偏多穢行兮。於是耶和華奮怒，痛疾厥民兮。使之見敗於異邦，受制於仇敵兮。維彼寇讎，困迫之兮。恃強以凌虐兮。主屢行拯救，民乃背逆，自取罪戾，日就消亡兮。民逢禍患，主聞其籲，復加眷顧兮。追念聖約，體恤倍至，矜憫靡涯兮。斯民被虜，主感敵人，俾懷惻隱兮。我之上帝，耶和華兮。我在異邦，望爾使余得歸，故土余必祝謝，頌美聖名兮。以色列之上帝，耶和華當極揄揚，萬世無疆，斯民僉曰：誠心所願，頌讚耶和華兮。

耶和華無不善，恒懷惻隱，宜稱揚之兮。凡蒙其恩，得其拯救，脫於仇敵者，宜頌美之兮。主召斯民，來從異邦，自西自東，自南自北，咸相集兮。維彼曠野，人蹤罕至，於時迷途，四無城郭，可以棲息兮。載饑載渴，其魂喪失兮。患難之時，呼籲耶和華，蒙其援手兮。導之行於坦途，使得城垣，可以託足兮。耶和華無不善，著其經綸，普救人民，願人讚美之兮。主使渴者飲，饑者食，飫以嘉物兮。斯人也，違逆至高之上帝，厭棄其道，故居幽暗陰翳之地，陷以患難，繫以鐵索兮。無人援手，

心甚窘迫，呼籲耶和華，蒙厥拯救兮。脫之於患難陰翳之地，斷其繫維兮。耶和華無不善，著厥經綸，普救民人，願人讚美之兮。主毀銅門，斷鐵鍵兮。愚人犯罪，而罹禍患兮。厭棄食物，將就死地兮。患難之時，呼籲耶和華，蒙厥拯救兮。主頒厥詔，醫痊其疾，脫於危亡兮。耶和華無不善，著厥經綸，普救民人，願人讚美之兮。獻祭以酬恩，愉揚而欣喜兮。世人駕舟航海為業兮。在彼深淵，得窺耶和華之經綸兮。主降厥命，狂風驟起，波騰浪湧兮。維彼舟子，倏而隨之起，有若升於穹蒼，倏而隨之下，有若墮於海底兮。因其危險，厥魂喪失兮。搖撼不定，譬彼醉人，無所施其技兮。患難之時，呼籲耶和華，蒙厥拯救兮。主使風恬浪靜，人得平息，欣喜不勝，蒙主護佑，得至泊所，如其所願兮。耶和華無不善，著厥經綸，普救民人，願人讚美之兮。凡民和會長老聚集之所，當愉揚上帝兮。主因人民蹈於愆尤，使水區為沙漠，江河為槁壤，膏腴之土，成斥鹵之地兮。主復使野有泉源，陸有水澤，俾饑者居之，在彼人建城垣，耕耘田畝，栽植葡萄，得其土產兮。主錫純嘏，俾生齒蕃衍，六畜衆多兮。復降膏災，加以禍患，俾民數衰少，民心悚懼兮。民牧則黜其位，流亡於野，在人迹不至之所兮。貧乏者流，罹於患難，主拯救之，俾其子孫昌熾，譬彼羣羊兮。義人見此，欣然以喜，作惡者無以措詞兮。凡百庶民，智慧是具，深窺斯理，必知耶和華之仁慈兮。

第百零八篇

此詩大衛所作

上帝兮。余志已決，竭余心思，謳歌而頌美之兮。清晨警醒，鼓瑟鼓琴兮。在異邦

中，必愉揚爾，在兆民間，必謳歌爾兮。爾之仁慈，及乎霄漢，爾之真實，貫乎穹蒼兮。上帝兮。峻極於天，光燭宇內兮。願爾垂聽，大施臂力，拯爾選民兮。上帝至聖，曾有應許，余聞之而竊喜兮。余將分

封示劍、量度數割兮、基列馬拿西、咸入我版圖兮、以法蓮、若我兜鍪、猶大族爲我牧伯兮、摩押境、若我盤匝、以東地猶我履架、余勝非利士人、而作凱歌兮、鞏固之城、誰導我入、以東之邑、誰使余、得兮、惟爾上帝、素棄我躬、惟爾上帝、今率余軍旅兮、人力徒勞、求爾眷佑、免於患難兮、上帝助余、蹂躪我敵、我惟賴之、大事以成兮。

第一百有九篇

此詩大衛所作  
使伶長歌之

一

上帝兮、予揄揚爾、爾毋默然兮、惡人詭詐、厥口孔張、謾誇予兮、四方之人、

謠詠叢興、環而攻予、出於無因兮、我以眷愛加彼、彼以仇敵視予、余則專務祈禱兮、彼以惡報善、以怨報德兮、願惡人制之、寇讎迫之兮、彼若受鞫、願定其罪、彼若祈禱、反以爲惡兮、其生之日、願爾絕之、其督之職、他人任之兮、寡其妻、孤其子、俾其後嗣、瑣尾流離、恒爲乞人、居處荒寂、丐食遠方兮、願貸金者、取其所有、異邦之民、攘其物產兮、願無人矜憫之、不撫恤厥孤兮、必絕其嗣、名弗稱於後世兮、厥祖行惡、願耶和華念之、其母不善、毋宥之兮、願耶和華念其愆、尤使天下之人、不齒其名兮、維彼惡人、素不矜恤、匱乏難堪者、彼追襲之、中心痛悔者、彼殺害之兮、彼維詛人是喜、願彼亦服咒詛兮、彼不爲人祝福、願福祉不及其躬兮、彼尤人必以咒詛、猶文身必以衣服、願彼咒詛、猶水入其腎腸、如油淪其骨髓兮、願彼咒詛、蒙之若衣、束之若紳兮、凡我讎敵、謀害我命、願耶和華報之、若此兮、我主耶和華兮、爾仁慈可嘉、望爾拯救、彰厥鴻恩兮、我甚貧乏、中心毀傷兮、余命將絕、如影沉西、亦猶蝗蟲、靡有定所兮、予禁食已久、致足瘠形瘦兮、余爲衆所凌辱、見我而搖首兮、我之上帝耶和華兮、望爾垂憐、拯救我兮、使彼衆人、知余之得救、爾使然兮、任人咒詛、望

舊約聖書

詩篇

第一百有九篇

六百零五

主錫福使彼媿恥僕以欣喜兮願敵貽羞若蔽以衣願其抱媿若蒙以裳兮三耶和華兮余稱揚靡已俾眾咸聞兮貧乏之人爾左之右之敵人罪子欲加殘害爾佑余兮

**第一百十一篇**

大衛

耶和華謂我主云坐我右我將以爾敵置爾足下兮爾之統轄出自郇邑爾之

仇敵爲爾制伏皆耶和華所使兮秉鈞之日爾之選民必衣聖服靡不樂從爾之冠者多於朝露兮耶和華誓而不改爾永爲祭司依麥基洗德之班聯兮耶和華兮有主坐爾之右震怒之時必擊列王兮罰諸異邦人使尸相枕藉遍於四方翦剔元凶兮溪在道旁主飲其水昂厥首兮

**第一百十二篇**

爾曹必頌耶和華我將入義人之會盡心頌美之兮耶和華之經綸大不可及樂之

者必詳究之兮所爲赫奕其義永存兮所施異蹟可記憶之耶和華矜憫爲懷兮敬虔之士主必養育恒念其前約兮著厥經綸爲民目覩錫以異邦之地兮惟秉厥公眞實無妄其命正直以眞實爲本萬世不易兮主拯選民永立厥約其名至聖至尊兮寅畏耶和華則智慧守其命令則聰明兮榮光恒存兮

**第一百十三篇**

耶和華兮爾曹宜頌美之寅畏耶和華悅從厥命者福祉永綏兮彼之後嗣秉國之

鈞義人之子孫必納純嘏兮貨財充足於家其義永彰兮維彼義人慈愛爲懷惟秉大公雖處幽暗必得光明兮凡施厥恩貸人以金慎其所行必蒙福祉兮恒不遷移爲義之人其名不朽兮雖聞凶音而不懼心有操持惟耶和華是賴兮彼堅厥志無所畏懼敵人遭害彼目覩兮彼散財兮彼濟貧兮其義永存其角崢嶸兮惡者見此而憂銜憾切齒淪胥以亡所欲不遂兮

爾曹爲耶和華之僕，當頌美之。靡已兮，耶和華之名，要當揄揚。永世無疆兮，自日出之鄉，至日入之所，咸宜頌美耶和華兮。耶和華超軼於凡民，榮及霄漢兮。我之上帝耶和華，高拱明宮，誰堪頡頏兮。主自撝謙，俯察天地兮。貧乏者流，處於塵埃，居於糞壤，主舉而升之兮。使與民牧，爰居爰處兮。不妊之婦，今產多男，喜樂不勝兮。爾曹當頌美耶和華兮。

維昔以色列族，出自埃及，雅各全家，遠離異邦兮。當時猶大地，爲其聖所，以色列族，爲其畿輔兮。滄海之而中判，約但之而回流兮。山巒搖撼，有若牡羊羔羊，以踴以躍兮。滄海何爲中判兮。約但何爲回流兮。山巒何爲搖撼，有若牡羊，有若羔羊，踴躍靡定兮。雅各之上帝耶和華，以磐爲沼，以石爲泉，大地亦必震動於其前兮。

耶和華兮，矜憫爲懷，真實無妄，榮光歸主，不歸我兮。異邦之民，胡爲詰我曰：以色列之上帝安在兮。不知我之上帝，在彼穹蒼，任意作爲兮。彼之偶像，金銀而已，人手所雕作兮。有口不言，有目不覩兮。有耳不能聞聲，有鼻不知辨臭兮。有手不可提挈，有足不可步履，有喉舌不可談吐兮。造作之，倚賴之，與彼無異兮。以色列族恃耶和華而蒙護佑兮。亞倫家恃耶和華而蒙護佑兮。敬虔之士，恃耶和華而蒙護佑兮。耶和華垂念我錫子純嘏兮。以色列族亞倫家，亦蒙錫嘏兮。敬恪之士，無論大小，俱蒙錫嘏兮。耶和華必使爾蕃衍，爰及子孫兮。耶和華造天地，加爾以純嘏兮。天上之明宮，屬於耶和華，彼以天下，賜之於人兮。死者歸墓，入於何無何有之鄉，不能頌揚耶和華兮。惟子頌美之，永世靡暨，爾曹咸當頌讚耶和華兮。

耶和華兮恒聽我所我敬愛之兮主傾耳而俯聞故我畢生必禱告之兮死亡之羈縻拘繫子兮幽冥之困苦纏繞子兮我遭患難不勝危急兮我禱耶和華曰爾其救我兮我之上帝耶和華恒懷矜憫惟秉公義兮誠慤之人耶和華祐之余遭患難主拯予兮耶和華加我以恩今予心神庶得安恬兮主援予於死亡免余出涕足無隕越兮我尙生存必從耶和華兮我信而言也我甚迫切兮我率爾吐詞言彼兆民無一誠慤兮耶和華兮錫我鴻恩何以仰副之兮我既蒙救必獻酬恩之祭捧爵而禱耶和華兮我曾許願祀耶和華必在選民間償之兮敬虔之士耶和華矜恤之必保其命兮耶和華兮我乃爾僕我之母即爾之婢爾其解我結兮我必獻酬恩之祭願耶和華名兮我曾許願祀耶和華必在選民間償之兮在耶和華場帷間即耶路撒冷邑中爾曹當頌揚耶和華兮

億兆萬邦當頌美耶和華兮耶和華矜恤爲懷眞實無妄永世弗替爾曹當揄揚耶和華兮

耶和華無不善矜憫恒存爾曹當頌美之兮以色列族必曰其矜憫恒存兮亞倫家必曰其矜憫恒存兮敬畏耶和華者必曰其矜憫恒存兮我遭難時呼籲耶和華蒙其垂聽導我至安閒之地兮耶和華助子任人所爲我不憚兮人左右我耶和華亦祐我敗亡我敵俾我目覩兮當惟耶和華是恃毋恃世人兮當惟耶和華是恃毋恃牧伯兮萬邦之人環而攻子我恃耶和華而滅之兮四方之敵圍繞困子我恃耶和華而滅之兮彼環繞以來勢若蜂擁我恃耶和華而

滅之若火之焚荆棘兮，彼攻擊予，甚迫切，欲使余隕越，而耶和華展厥大能，事無不成兮。耶和華之手援予，我謳歌之兮。義人蒙救，謳歌之聲，出於戶內兮。耶和華展厥大能，事無不成兮。耶和華之能，崇高而顯赫，大事以成兮。我必不死，而保其生，稱述耶和華之經綸兮。耶和華督責我，惟不置。我於死地兮，當啟道義之門，余入其內，頌讚耶和華兮。斯門也，即耶和華之門，義人必進之兮。主垂聽而拯救，余必頌美之兮。工師所棄之石，成爲屋隅首石兮。斯事耶和華成之，我目而奇之兮。至於今日，乃耶和華所定，我必欣喜不勝兮。耶和華兮，以手援余，俾得坦途兮。託耶和華名而來者，當見寵兮。我在耶和華室中，爲爾祝福兮。耶和華上帝，色柏之光華，普照於我，以繩繫犧牲於壇角兮。爾爲我之上帝，當頌美爾，爾爲我之上帝，當極力以讚爾兮。耶和華無不善，恒懷矜憫，爾曹當頌讚之兮。

爾當頌讚所行平直，從耶和華律例者，可納福祉兮。守其法度，盡心求主者，錫以純嘏兮。彼從主道，不蹈愆尤兮。主命斯人，遵守其命，甚勉兮。願我立品，不肖，遵爾禮儀兮。我惟爾命是從，不致貽羞兮。爾之典章，皆順乎義，我既學之，頌美乎主，出於誠心兮。子也，守爾禮儀，毋我退棄兮。○人自幼稚，欲飭其行爲，當如之何，惟謹守爾道，斯乃可兮。子盡不心，祈求於爾，無俾余舛錯爾誠命兮。子以爾言，藏之於心，免余陷罪，觸法兮。耶和華兮，爾可頌讚，以爾禮儀，訓迪我兮。子口所述，惟爾典章兮。子悅懌爾法，勝於貨財兮。我思爾道，我仰爾命兮。我悅爾禮儀，不忘爾所言兮。○降福爾僕，俾我生存，而守爾道兮。請啟我目，俾詳審律例之奧兮。我居於世，有若賓旅，爾之誠命，無



隱於我兮，爾之典章，我盡心以眷愛之。靡日不然兮，驕泰之人，舛錯爾誠命，服爾咒詛，爲爾譴責兮。我守爾法，免受侵凌兮。牧伯坐於高位，加以譏謗，僕則思爾禮儀兮。爾之法，吾所師而悅懌兮。○我幾鄰於死地，爾使我生，踐爾前言兮。予之所爲，余自言之。爾垂聽予，示我以禮儀兮。俾明爾道，予思爾經綸兮。我躬拳曲，請爾輔直，以踐前言兮。俾子遠離異端，而賜以律法兮。予惟眞道是擇，仰爾典章兮。耶和華兮，爾之律法，心乎愛矣。毋使子媿恥兮。俾我心廣，步趨爾誠命兮。○耶和華兮，以爾禮儀，指示於我，至終守之兮。賜我智慧，守爾律例，盡心遵之兮。爾之誠命，我悅從之。爾以此導我兮，使我中心慕爾法度，不貪貨財兮。使我目不覩虛妄，使我活潑，而從爾道兮。僕恒寅畏爾，願爾踐前言兮。我懼凌辱，爾使遠之。爾之典章，無不善兮。我慕爾道，使我活潑，彰爾仁義兮。○耶和華兮，矜恤我，拯救我，踐爾前言兮。有侮予者，予以是答之。蓋我惟爾言是賴兮。斯言確然，俾余述之，不絕於口兮。仰爾法度，守爾律例，永世弗替兮。我詳究爾道，使我所行之路，綽然有餘兮。在列王前，我頌揚爾法，不蒙媿恥兮。我愛爾命，必以之爲喜兮。我愛爾命，必舉手以爲敬。爾之禮儀，思之弗忘兮。○爾曾許僕，使我希望，請爾念之，勿忘兮。我遭患難，爾以言詞，慰藉予兮。驕者侮予太甚，我不違爾律例兮。耶和華自昔，賜我典章，我記憶之，而納慰兮。惡者違爾律例，我見之中心如焚兮。我之在世，有若賓旅，謳歌爾禮儀兮。耶和華兮，我夤夜憶爾，守爾律例兮。我遵爾道，故有此慰藉兮。○我得耶和華，爲福之本，故曰：必守爾道兮。我盡厥心，求爾施恩，爾矜憫予，以踐前言兮。我檢所爲，歸順爾法兮。守爾誠命，弗遲弗緩兮。惡黨環攻，我不忘爾律例兮。爾之典章，惟

義是據，中夜興起，頌美爾兮。寅畏爾，恒守爾道者，我友之兮。耶和華兮，爾之仁澤，溥於天下，以爾禮儀，俾我知之兮。○耶和華兮，爾待僕以恩，以踐前言兮。我信爾命，教我以道，明我以理兮。我未受苦，則迷我途，今守爾道兮。爾無不善，以爾禮儀，指示我兮。驕者施詭詐以攻子，我盡心守爾道兮。彼體胖心憍，維我悅爾律例兮。我雖受難，猶以爲幸。因余學爾禮儀兮。我視爾之律例，貴於金銀千億兮。○昔爾甄陶余，今以智慧賜余。學爾誠命兮。我惟爾道是望，寅畏爾者，見余而悅懌兮。耶和華兮，爾之法度無不義，是余所知。爾雖降災於我，乃玉我於成兮。我爲爾僕，爾矜恤子，慰藉子，踐爾前言兮。子悅爾律例，爾矜憫子，使我得生兮。驕者侮子，出於無因，使彼蒙羞，我默想爾道不已兮。寅畏爾，悅從爾法者，咸以我爲友兮。我盡心遵爾法度，必不蒙羞兮。○我盡厥心，望爾拯救，惟爾道是賴兮。我窮目力，望爾踐言，爾慰藉子，不知何時兮。余如革囊，久懸烟際，惟爾禮儀，永念不忘兮。僕之在世，爲日無幾，爾罰我敵，將至何時兮。驕者違爾律例，掘阱以陷余兮。爾之誠命，眞實無妄，人欲害子，出於無因，爾其祐子兮。余在世間，生命幾爲敵所絕，我不棄爾道兮。爾矜恤爲懷，使我活潑，以遵爾命兮。○耶和華兮，爾道永立，與天同休兮。爾言眞實，歷世不易，維彼大地，爲爾奠定兮。宇宙之中，莫非爾僕，聽從爾命，至今尚存兮。如我不悅爾律例，則必遭難而早亡兮。爾之大道，使我活潑，故我永念不忘兮。我爲爾僕，恒求爾道，望爾拯救兮。作惡之人，欲敗亡子，我思念爾道兮。我詳察萬理，物雖至美，亦歸於盡，惟爾道無窮兮。○爾有律法，我愛之甚切，懷思竟晷兮。爾示我以法度，我服膺之，故較敵人尤智慧兮。我恒思爾法，故較師傅尤通達兮。我恪守爾

道故較老成尤明晰兮余跬步自謹不行惡途欲守爾道兮爾訓迪之子加我不敢違爾法度兮  
爾之言詞入於我口甘勝於蜜兮我受爾道俾我曉然憾一切邪術兮爾道若燈光燭我徑兮  
爾之典章惟義是據余誓欲守之兮耶和華兮我困苦特甚爾其振作予以踐前言兮耶和華兮  
聽我許願以爾命示余兮我命幾絕猶不忘爾律例兮惡者設坎阱以陷余我不舛錯爾命兮我  
以爾道爲畢生之業俾我心欣喜兮爾之禮儀吾必守之專心致志歷久弗忘兮我所惡者躊  
躇莫決之人我所好者爾之律例兮爾範備余子惟爾之應許是望兮作惡者流其遠離余余守  
上帝命兮爾其佑我以踐前言俾我生存不致失望而蒙羞恥兮爾其扶持余俾余得救則爾之  
禮儀余恒守之兮凡舛錯爾道者爾必藐視之彼之詭詐俱歸無益兮世之惡人爾掃除之若渣  
滓我惟爾法度是好兮余寅畏爾至於戰栗爾之法度必敬必恪兮我秉公義毋使我受敵人  
虐遇兮遺僕以質待僕甚善毋使驕者侮子兮我窮目力望爾拯救爾言出惟行兮以仁慈待僕  
以禮儀訓迪我兮我爲爾僕賜我明哲可知爾法度兮耶和華兮人廢爾律例故爾必降罰今及  
其時兮我愛爾誠命貴於兼金兮爾所諭者我悉以爲善但諸妄爲我憾之靡已兮爾道神妙  
故我守之兮爾道既至使愚者明兮我口孔張慕爾誠命兮垂顧子矜恤子凡敬愛爾者爾常待  
之若此兮以爾之道安我步履毋使惡者勝子兮人虐遇我爾其拯救我恪守爾道兮爾色相之  
光華普照於我以爾之禮儀訓迪我兮人不守爾律例我漚然下淚若溪水之流兮耶和華兮  
爾秉公義爾之典章維止維直兮爾所命之法至仁至義真實無妄兮敵忘爾言故我中心如焚

兮，爾道至清，故僕愛之兮。藐茲我躬，爲人所蔑視。然予不忘爾道兮。爾之仁義，永存弗替。爾之律例，眞實無妄兮。我遭患難，惟念爾法，以欣以悅兮。爾道仁義，永世靡窮。君子明哲，俾得永生兮。○  
耶和華兮，我盡心以呼籲，望爾垂聽。我則守爾禮儀兮。子呼籲爾，爾其拯救。俾守爾法兮。黎明未至，我呼籲爾，惟爾應許是望兮。夜漏未深，我目炯然，思維爾道兮。耶和華兮，矜恤爲懷，垂聽我所，使余活潑，如爾平昔所施兮。於此有人，遺棄爾法，妄自作爲，欲加害予，勢甚迫切兮。耶和華兮，如臨吾左右，爾之誠命，眞實無妄兮。爾之法度，我所素知，永立不移兮。○余雖遭難，猶不忘爾律法，爾其垂念，拯救我躬兮。爾伸余冤，爾拯我躬，使余活潑，以踐前言兮。維彼惡人，不詳察爾禮儀，故去福甚遠兮。耶和華兮，爾之慈愛靡窮，請爾使余活潑，如平昔之所施兮。我之仇敵，不止一人，惟我不舛，錯爾法兮。我見惡人，不遵爾命，故余憾之兮。耶和華兮，我悅爾道，爾其垂念，俾余活潑，以彰爾仁慈兮。爾道之本，眞實無妄。爾之典章，永世弗替兮。○牧伯害余，出於無因，惟我中心，敬畏爾道兮。我聞爾言，懽然欣喜，若獲厚利兮。異端邪術，我所深憾。爾之律例，我所篤好兮。爾之典章，惟義是據。我頌美爾，日凡七次兮。愛爾律例，大獲平康，不陷於罪戾兮。耶和華兮，我遵爾誠命，望爾拯救兮。子恒守爾法，好之甚篤兮。我之行爲，爾鑒察之。爾之法度，我尊崇之兮。○耶和華兮，我呼籲爾，望爾垂聽，賜余明哲，踐爾前言兮。維爾俯聞我所，拯救我躬，前言克踐兮。以爾禮儀，訓迪我衷，我口必頌揚爾兮。爾之誠命，無不合義，余必稱述之。靡已兮。我服膺爾道，爾以手援予兮。耶和華兮，爾拯救予，予所欣慕。維爾律法，予所悅懌兮。爲我伸冤，以祐我躬，俾我生存，頌美不絕兮。

子迷於歧途，譬彼亡羊，請爾追僕，蓋爾之誠命，僕不敢忘兮。

**第一百二十二篇**此詩京之詩也我遭患難，呼籲耶和華，望爾垂聽兮。耶和華兮，人設詭計，施厥妄言，加害我躬，

爾其拯救兮。詭詐者流，當如何以報之。維彼誑言，有若武士之利鏃，堅木之蕪炭兮。我旅於米設，

廬於基達，能不吁嗟兮。人樂戰鬪，我不得已，與之偕居，為時已久兮。我惟平康是望，我啟口與之

修睦，彼即與我戰鬪兮。

**第一百二十三篇**此詩京之詩也歌曰：維彼岡巒，予所仰止。予之得救，在其地兮。造天地之耶和華，拯救子兮，

和之曰：必不使爾失足，保護爾者永不寢兮。護翼以色列族者，無時或寐兮。耶和華，範圍爾躬，左

之右之，而加庇蔭兮。爾在清晝，日不傷爾，爾至暮夜，月不害爾兮。耶和華，救爾，俾爾得生，免爾遭

難兮。自茲以後，或進或出，咸蒙耶和華眷佑，永世靡暨兮。

**第一百二十四篇**此詩京之詩也有邀余登耶和華之室，我欣喜不勝兮。耶路撒冷兮，余足必履其門兮，

耶路撒冷，建築城垣，曰：堅曰：固。既完既備兮。耶和華之選民，支派相沿，循以色列族之常例，陟彼

高岡，頌美耶和華兮。我大關兮，所有衆子，在彼京師，坐於厥位，以鞠兆民兮。爾曹當禱於耶和華，

使耶路撒冷得享平康，愛斯邑者，必納福祉兮。願邑中咸享綏安，宮闈羣邀純嘏兮。我之昆弟友

朋，咸在彼邑，故曰：願彼邑得平康兮。我上帝耶和華之室，亦在於彼，故願斯邑必蒙綏祉兮。

**第一百二十五篇**此詩京之詩也主居乎天，我舉目以觀瞻兮。如僕舉目望主，如婢舉目望主母，我則瞻仰我

之上帝耶和華，望其矜憫兮。耶和華兮，我為人藐視，亦已太甚，人享安居，常加凌侮，驕秦者流，亦

虐遇余，願爾矜憫余，矜恤余兮。

第百二十四篇

此詩京之詩  
大陽所作

以色列族當曰：遇有仇敵，怒而攻子，如耶和華不加眷祐，則子早被生吞

兮。波濤澎湃，其勢洶湧，早已淹子兮。耶和華不我退棄，致爲人吞噬，當頌讚靡已兮。余若禽鳥，將罹網羅，惟羅見破，而子得脫兮。耶和華創造天地，拯救我躬兮。

第百二十五篇

此詩京之詩也

恃耶和華者，譬彼郇山，永不震動兮。耶路撒冷四周，俱有山巒環衛，耶和華

祐厥選民，永世弗替，亦若是兮。毋許惡者挾制義人，至於日久，恐彼義人陷於罪戾兮。耶和華兮，必施恩於作善之人，錫福於誠懇之士兮。惟所行邪曲者，耶和華必罰之，俾與惡黨同科，願以色列族，俱享平康兮。

第百二十六篇

此詩京之詩也

耶和華兮，反郇邑之俘囚，我於斯時，以爲夢寐兮。我甚權然，啞其笑兮。謳歌

不息，異邦中人曰：耶和華大施厥祐兮。我曰：耶和華果施厥祐，使我欣喜兮。耶和華兮，尚有衆囚，爾悉反之，譬彼南方，溝澮復盈兮。淚而播者，必喜而穫兮。出而播種，雖有憂傷，及其歸也，同攜禾束，欣喜不勝兮。

第百二十七篇

此詩京之詩也  
建策宮室

不蒙耶和華祐，俱爲徒勞兮。謹守城垣，不賴耶和華助，亦爲虛

事兮。由是觀之，縱夙興夜寐，心緒紛紜，以謀餬口，亦係徒勞，上帝所愛者，必得安寢兮。人生子女，耶和華所賜，婦女產育，皆彼賞賚兮。有子英勇，猶武夫有利鏃兮。人多男子，猶彀集衆矢，必邀純嘏，邑門禦敵，不蒙媿恥兮。

舊約聖書

詩篇

第百二十四篇至第百二十七篇

六百十五

第一百二十八篇

此亦諸京之詩也

寅畏耶和華，遵從其道者，必蒙綏祉。勤勞而得食，獲福而亨通。嗚呼，

閨房如葡萄之結果，子繞几席如橄欖之滿園。敬畏耶和華之人，必得福祉。亦若是兮，耶和華

居彼郇山，錫爾純嘏，降福於耶路撒冷。俾爾畢生目覩兮，俾爾若子若孫流傳不絕。願以色列族

綏祉孔多兮。

第一百二十九篇

此亦諸京之詩也

以色列族當曰：余自肇基以來，屢遭困苦兮，猶憶創國之始。雖境遇厄窮，

亦未嘗為敵所勝。兮，人加扑責，譬諸犁鋤，傷我之脊，厥痕甚長兮。耶和華惟秉大公，惡人之犂索

已斷之兮。凡為郇山之敵者，每蒙媿恥而敗北兮。如屋巔之草，未拔而槁兮。無人刈之而盈掬，無

人束之而滿懷兮。雖刈之束之，行路之人，亦不相慶。不曰望耶和華，錫以純嘏，介爾景福兮。

第一百三十篇

此亦諸京之詩也

我臨深淵，呼籲耶和華。望主垂聽，不我遐棄兮。耶和華兮，若爾鑒察惡行，人

難自立兮。惟爾赦宥，頻加使人敬畏爾兮。耶和華兮，余恒仰望爾。昔有應許之言，爾其踐之兮。我

惟主是望，較彼眾人，守夜不寢，坐以待旦者，尤甚尤切兮。耶和華兮，矜憫為懷，救人不倦。以色列

族當企望之兮。耶和華必拯以色列族，赦其愆尤兮。

第一百三十一篇

此諸京之詩也。大衛所作

耶和華兮，余無傲志，目不仰視。至大之事，我所不可及者，我不行之兮。

余緘默無詞，若嬰孩斷乳。歷時已久，不思乳哺兮。自茲而後，至於百世。以色列族當仰望耶和華

兮。

第一百三十二篇

此諸京之詩也

耶和華兮，維彼大關，屢遭患難，望爾不忘兮。昔彼指雅各有能之主，耶和華

而發誓云我不入室家不登牀榻兮維余之目不遑假寐不暇合膜兮惟俟雅各有能之主耶和華得駐蹕之所兮斯言也我在以法大間之在雅耳田遇之兮我儕當入主帷幕蒞駐蹕之所而崇拜之兮耶和華兮勃然而興使尊榮之法匱安置有所兮爾之祭司當衣聖衣敬虔之士當悅懌而謳歌兮維爾在昔應許大關今爾所沐以膏者勿遐棄之兮耶和華兮爾與大關發誓必不有易斯言曰將以爾所出之苗裔俾繼厥位兮如爾子孫恪守我約遵從我命則必昌熾爾後綿長厥祚兮維我遴選郇邑爲我居處兮此我駐蹕之所我所欣喜永世弗替兮予必多賜糗糧使貧者果腹兮我必使祭司得救敬虔之士悅懌而謳歌兮在彼必使大關崢嶸厥角沐以膏者歷代有光兮敵必蒙羞彼必冠冕赫赫榮華兮

**詩一百一十四篇** 此詩原之詩 大關所作 昆弟同居日相敦睦盡美盡善兮譬彼香膏沐亞倫首流於厥鬚延及

衣襟兮譬彼零露遍於黑門降於郇山兮在彼耶和華錫福永生靡暨兮

**詩一百一十五篇** 此亦諸京之詩也 耶和華之僕在彼室中供其役事永夕弗替當頌讚之兮在彼聖所當舉

爾手頌美耶和華兮耶和華造天地自彼郇邑錫爾純嘏兮

**詩一百一十六篇** 爾曹耶和華衆僕當頌美之揄揚其名兮我之上帝耶和華無不善兮侍於其室者宜頌讚之立于帷場者宜謳歌其名斯爲甚美兮雅各家以色列族耶和華遴選之視所得之民若寶兮我知我主耶和華至大諸上帝中無能抗衡兮上天下地滄海深淵耶和華任意作爲兮地之四方使雲霧倏起雨下電閃風藏府庫彼能出之兮在於埃及人之初生畜之首出咸殺



戮之兮，爰在國中降異蹟，施奇能，罰法老，爰及百臣兮。擊強國，戮大王兮。亞摩哩王西宏，巴山王  
盟及迦南列國之王，亦就戮兮。以其地賜選民以色列族爲業兮。耶和華兮，爾名永存，兆姓追思，  
歷世靡已兮。耶和華必伸民冤，矜恤其僕兮。異邦之偶像金銀而已，人手所雕作兮。有口不言，有  
目不見，耳不聞聲音，鼻不通呼吸兮。造作之倚賴之，與彼無異兮。以色列族當揄揚耶和華，亞倫  
家當頌美耶和華兮。利未支派當頌耶和華，凡寅畏之者必頌揚之兮。耶和華駐蹕耶路撒冷，人  
在郇山當頌耶和華，爾曹亦宜頌之兮。

耶和華無不善，矜憫恒懷，爾曹當頌之兮。爲諸上帝之上帝，矜憫恒懷，爾曹當頌  
之兮。爲諸主之主，矜憫恒懷，爾曹當頌之兮。獨行異蹟，丕著經綸，矜憫恒懷兮。以智慧造穹蒼，矜  
憫恒懷兮。立地維於水際，矜憫恒懷兮。造二耿光，矜憫恒懷兮。日以理晝，矜憫恒懷兮。月星以理  
夜，矜憫恒懷兮。戮埃及初生之子，矜憫恒懷兮。導以色列族出境，矜憫恒懷兮。展巨能，施大力，矜  
憫恒懷兮。中判紅海，矜憫恒懷兮。導以色列族行於海際，矜憫恒懷兮。滅法老及其軍於紅海，矜  
憫恒懷兮。導選民於野，矜憫恒懷兮。擊有能之君，矜憫恒懷兮。戮盛名之王，矜憫恒懷兮。殺亞摩  
哩王西宏，矜憫恒懷兮。滅巴山王疆，矜憫恒懷兮。以其地爲業，矜憫恒懷兮。賜其僕以色列族，矜  
憫恒懷兮。我在下位，主乃垂念，矜憫恒懷兮。救我於敵，矜憫恒懷兮。維彼民物，飲之食之，矜憫恒  
懷兮。當頌天上上帝，矜憫恒懷兮。

我坐於巴比倫河濱，追思郇邑，哭泣不已兮。爰有楊柳，植於其間，懸琴於上兮。蓋

虜子者，迫余謳歌，導我至遠邦者，強余作歡容，曰：當謳郇邑之歌兮。我在異邦，安能謳耶和華之歌兮。耶路撒冷兮，如我相忘，願我右手失其技能兮。如我不念耶路撒冷，喜悅其城，多於萬物，願我舌在口，捲而不言兮。耶和華兮，昔耶路撒冷遭難之時，以東之民曰：拆而毀之，除其基址。今求爾追憶斯言兮。巴比倫之邑民兮，昔爾害子，擲嬰孩於石，今有人待爾若此者，必得純嘏兮。

第一百二十九篇

此詩大衛所作

余必盡心頌主，在有能者之中，余必謳歌兮。我望爾聖所，而崇拜頌讚，爾名

維爾矜憫，恒懷真實，無妄，爾踐前言，爾名不顯，余不能形容兮。我呼籲爾，蒙爾垂顧，賜我以力，毅然無懼兮。耶和華兮，爾之榮光赫奕，天下列王，聞爾誠命，必頌揚爾名，謳歌爾道兮。爾雖至高，垂顧卑微，遠斥驕矜，我遭患難，爾使我活潑，我敵奮怒，爾必擊之，而手援子兮。耶和華兮，恒懷矜憫，

百事佑子，既造我躬，必不遐棄兮。

第一百三十篇

此大衛所作，使人讚頌之

耶和華兮，爾鑒察子兮。我或坐或起，或寢或興，爾知之稔兮。念慮未萌，

爾知之久兮。我之步履，爾察之詳兮。耶和華兮，我之言詞，爾無不知悉兮。在前在後，違我不遠。恒撫子兮。斯道奧妙，魏魏無上，我不能及兮。爾之神無乎不在，余安能避之，無乎不有，余烏能逃之兮。如上升於穹蒼，爾居於彼，如長眠於地下，爾亦在彼兮。黎明迅速，如鳥展翮，我藉其翼而奮飛，至於海涯兮。我得至彼，乃爾引導，扶翼子兮。如我匿於幽暗之所，自謂人不及見，其暗必光兮。我不能自藏於幽暗，使爾不見，雖在昏夜，無異日之照明，光兮暗兮，自爾視之，無以異兮。我之腎腸，爾所締造，我在母懷，爾所甄陶兮。爾造我躬，神妙莫測，爾之經綸，無不奇異，是我所知，頌美爾兮。

我在母胎、受造甚巧、骨骸潛長、皆爾所知兮、我猶爲胚、爾目見之、我尙未生、凡百之事、咸爾所定、錄之於策兮、上帝兮、爾垂念我、美意良殷、不勝寶貴兮、如欲稽核其數、多於塵沙、及于警醒、尙憶爾恩兮、上帝兮、維彼惡黨、爾必降罰、爾曹殺人者、當離我甚遠兮、彼行叛逆、誘民作惡兮、耶和華兮、敵爾者我與爲仇、逆爾者我所深憾兮、子銜憾靡已、必視之若寇讎兮、上帝兮、請爾省察我躬、知予心所思兮、如見子行邪僻之徑、則必導我履永生之途兮。

耶和華兮、惡黨強迫子、爾其救子兮、彼謀不軌、恒集戰鬪兮、其舌甚利若蛇、其唇藏毒若蝮兮、耶和華兮、強暴之人、欲俾子隕越、爾其拯余兮、維此驕人在彼途旁、掘坎阱、張絆索、以陷余兮、設罟網、置機檻、以害余兮、我禱耶和華曰、耶和華兮、爾爲我之上帝、垂聽我所兮、我主耶和華兮、爾施力以救我、戰鬪之日、爾覆我兮、惡人設謀、爾勿遂之、恐彼自誇兮、彼誘毀四起、欲荼毒子、爾使之自取其戾兮、願彼墮於火、熱炭加於上、願彼落深坑、不能復起兮、譏謗者不得恒存於世、強暴者必遇害而敗亡兮、我知耶和華必爲貧乏者伸冤兮、使義人恒在於前、揄揚其名兮。

耶和華兮、我呼籲爾、垂聽我所、救余勿緩兮、容我聲聞於上、有若馨香、視我舉手以拜、有若夕祭兮、耶和華兮、使余守口、防所出之言兮、使我心不向邪僻、不效惡人、不與彼同享珍饈兮、義者責我、我以爲仁慈、視若香膏、屢膏余首、無不悅擇、余有所祈、勿爲惡者株連兮、我縱牧伯於巖旁、我之言詞、惟尙溫和、使之聽聞兮、然彼仍害我儕、骸骨散於墓側、譬諸土壤爲

人開墾兮，我主耶和華兮。我仰望爾，我倚賴爾。勿我退棄兮。維彼惡人，掘坎阱以陷余，設羅網以  
惓余。爾其拯余兮。願彼惡人所設之網，反以自罹。而我得脫兮。

第百四十四篇

大衛於非利士  
作此詩訓達斯民

耶和華兮。我呼籲爾，祈禱爾兮。陳情於前，我之苦衷，願得傾吐兮。我

喪厥膽，我之所爲，主無不知。我在途中，人設網以害予兮。我左右而望，眷顧者無人，輔翼者無人，  
且無逋逃之數兮。耶和華兮。我呼籲爾，爾範衛余。我之在世，惟爾是望兮。我遭災特甚，爾聽我所  
敵強我弱，爾其拯余兮。爾脫我於幽囚，我頌爾之聲名。爾施厚恩於我，則義人來歸兮。

第百四十四篇

此詩大  
衛所作

耶和華兮。垂聽我所，秉爾公義，以踐前言兮。毋鞠爾僕，蓋在爾前，無人得稱

爲義兮。維彼仇敵，追襲子，攻擊子，俾余傾跌，將就死地。如人殞亡之已久兮。故我瞻喪兮。我魂失  
兮。余追思疇昔，念爾經綸，憶爾作爲兮。予舉手以拜爾，予仰望爾，如槁壤之望時雨兮。耶和華兮。  
我魂喪失，聽余勿緩。我與就募之人無異，爾毋遐棄予兮。予瞻仰爾，惟爾是望。爾速施恩，示我以  
當行之途兮。耶和華兮。爾覆翼子，向其拯我於敵兮。爾爲我之上帝，請爾指示，遵從爾命。爾之神  
無不善，祈導我於坦途兮。耶和華兮。使余活潑，以彰爾仁慈，救我於患難，以踐爾前言兮。我爲爾  
僕，請爾彰厥仁義，俾敵緘默，害子之人，必遭翦滅兮。

第百四十四篇

此詩大  
衛所作

耶和華兮。爾施大力，助我戰鬪，當頌美爾兮。爾施恩於我，範衛我手，援我如

高峻之臺，如護我之盾，使我勝敵。我恒賴爾兮。耶和華兮。世人爲誰，爾垂念之。人子爲誰，爾眷顧  
之兮。斯世之人，如氣呼吸，人之生命，如影沉西兮。耶和華兮。爾肇天雲，而臨格履山岡，而蹶起兮。

電閃如矢，衆敵敗亡兮。舉手於霄漢，援我於波濤。拯我於異邦兮。彼啟口而言者，誕妄舉手而誓者。詭詐兮。上帝兮。我謳新歌，鼓十絃之瑟，頌讚爾兮。爾僕大闢，作民之君。爾使獲勝，爾拯救之。脫於利刃兮。維彼異邦人，啟口而言者，誕妄舉手而誓者。詭詐，爾其拯救余兮。使我男子，既壯且健。如園囿之林木，枝葉葱蘢兮。使我女子，洵美且都。如宮殿之柱石，雕鏤工巧兮。使我倉箱，五穀豐盈。使我羣羊，生育衆多。或千或萬，在郊在野兮。使我牛孳息，我之疆址，敵不能侵。街衢不復喧譁兮。凡崇事耶和華爲上帝者，必蒙福祉，有若此兮。

第一百四十七篇

此詩大衛所作，以頌上帝。

我之上帝兮。我之君王，我必頌美爾。揄揚爾靡已兮。每日頌爾，稱揚爾

名不輟兮。耶和華至大，神妙莫測。當頌美靡已兮。人必讚爾經綸，頌爾異蹟。歷世弗替兮。爾之光華赫奕，爾之經綸顯著。余傳播之兮。爾施大能，俾人畏懼。無不稱頌兮。憶爾鴻恩，謳爾仁義。極力以頌揚兮。耶和華兮。仁慈矜憫，恒恩施恩兮。耶和華兮。無不善，恒懷慈愛，保育萬物兮。耶和華兮。爾有經綸，榮光爛熳，敬虔之士，頌爾不已兮。爾秉國鈞，榮華顯著，能力昭彰。人必譽揚之兮。布爾經綸，治理天國，施厥威嚴兮。爾國永存，爾治靡暨兮。隕越者，爾扶翼之。卷曲者，爾卓立之兮。萬物惟爾是仰，隨時給食兮。爾施厥恩，萬生得以果腹兮。耶和華兮。爾所爲無不義，爾所行無不仁兮。凡誠心祈禱爾者，爾左右之兮。敬畏爾者，必得所欲。爾聽厥祈，而拯救之兮。敬愛爾者，必蒙護佑。作惡不已者，爾必滅之兮。耶和華，我必揄揚爾。兆民頌爾，歷世勿替兮。

第一百四十八篇

爾曹當頌耶和華。我亦讚美之兮。我之上帝耶和華兮。我尙生存，必謳歌頌讚兮。

世人牧伯，無能拯救，不可恃之兮。彼既斷氣，則歸於土，凡有謀爲，卽日消亡兮。凡賴雅各之上帝，耶和華，蒙厥眷祐者，福祉孔多兮。天地滄海，凡百庶物，咸其所造，言出惟行，永世不忘兮。耶和華兮，冤抑者雪之，饑餓者食之，幽囚者釋之兮。矇瞶者明之，卷曲者伸之，爲善者愛之兮。賓旅護之，孤寡拯之，作惡者傾之兮。郇邑之民兮，爾之上帝耶和華，爲君於寰宇，永世靡暨，爾曹當頌美之兮。

爾曹當謳歌，頌讚我之上帝耶和華，斯爲盡美盡善兮。耶和華建造耶路撒冷，使以色列族離散之民，咸復集兮。傷心者，主爲醫痊，殘缺者，主爲彌縫兮。核數星辰，稱其名字兮。我主至大，至能，智慧無窮兮。耶和華兮，貧乏者扶祐之，作惡者傾覆之兮。當鼓瑟作歌，頌我之上帝耶和華兮。彼布雲於天，降雨於地，使草萊滋長於山岡兮。小鴉嚶鳴，主聞其聲，六畜饑餒，主給以食兮。維馬有力，人能疾趨，主不以爲悅兮。敬畏耶和華，賴其仁慈者，則可見悅於主兮。耶路撒冷之居民，郇邑之兆姓，必頌讚爾之上帝耶和華兮。爾之門楣，既堅既固，爾之人民，錫福錫祉，主使然兮。爾之處境，常獲平康，爾之兆民，得食嘉麥，亦主所賜兮。頒詔天下，速於置郵兮。降雪如羊毛，散霜如飛灰兮。結冰雨雹，民難堪此，祁寒兮。主降其命，則冰消，主吹以風，則水流兮。以其道示雅各家，以其律示以色列族兮。異邦之人，不識其誠命，不蒙其仁慈，爾曹當頌美耶和華兮。

爾曹當頌美耶和華，凡在穹蒼至高之域者，亦揄揚之兮。天使天軍，俱必讚美，不置兮。日月星光，咸彰主之榮耀兮。天上之明宮，穹蒼之河漢，著其大能兮。耶和華一言，萬物受造，

故當稱揚之兮，使庶彙各得其所，歷世勿替，主降其命，宇宙不忒兮。天下生物，滄海巨魚，俱彰耶和華之榮光兮。電閃雹降，雪飄霞起，狂風驟作，俱遵耶和華之命兮。千山萬嶺，結果樹柏香木，百獸六畜，昆蟲飛鳥，列王人民，牧伯士師，幼男稚女，耆老孩提，咸當頌美之兮。耶和華至美，高於天地，尊無二上，使厥選民，崢嶸其角，以色列族，敬虔之士，惟上帝是親，俱宜頌揚之。爾曹當頌美耶和華兮。

爾曹當頌美耶和華，當謳新歌，在選民大會中，揄揚之兮。以色列族，必因造化之主而悅懌，郇邑之民，必因大君而欣喜兮。當播鼓操瑟，以舞以蹈，以咏以吟，頌讚其名兮。耶和華兮，喜悅其民，救彼貧乏，被以寵榮兮。敬虔之士，當懽然欣喜，而得榮光，偃息於牀，詠吟不輟兮。口譽上帝，手執利劍兮。維彼異邦，受其譴責，惟其人民，咸遭撻伐兮。列國之王，繫以鐵索，貴顯之臣，囚以桎梏兮。降罰敵人，咸循主命，凡厥選民，尊榮若此，爾曹當頌美耶和華兮。

爾曹當頌美耶和華，在聖所者讚之靡窮，在穹蒼者，不著其能兮。稱其經綸，譽其威嚴兮。當吹厥角，其聲嘹唳，鼓瑟鼓琴，而揄揚之兮。播鼓舞蹈，操絃縵，品簫管，而頌揚之兮。大鈹小鈹，敲以讚之兮。凡有血氣者，必頌讚耶和華，爾曹亦當頌美之兮。

箴言

以色列王所羅門，大闢之子也。所著箴言，訓人以智，迪人以理，得明至道，得秉公義，使拙者明徹，少者通達。哲者聞此而增其學，明者聞此而益其慧。玩味箴言之微旨，可悟賢人之隱語。其箴曰：寅畏耶和華，是爲智之本。愚魯者流，藐視道學。爾小子，宜聽父訓，毋棄母儀。此以爲飾，如首戴花冠，如項垂金索。爾小子，惡人誘爾，不可從也。如彼曰：爾我偕行，我誓於歧途，見無辜者殺之。彼猶生存害之至死，如塚中尸僵，弗能動也。從而獲其珍寶，貨財充棟。爾與我公所有。爾小子，斷勿從之。毋行此徑，彼作惡，殺人流血，惟恐不速。譬諸羽族，見網羅之設，猶知飛避。何世之人，乃設網以自罹，設伏以取戾乎。凡貪非義之利而亡身者，亦若是矣。智者立於門外，呼於街衢，在大會邑門城市，大放厥詞曰：拙者安於拙，侮者樂於侮。愚者不志於學，將至何時，我將訓迪爾。我將以我神賦爾，爾其受教。余招爾，爾弗聽。余舉手，爾弗答。爾棄我道，不受我教。故患難既臨，而爾畏懼。我將哂笑。爾所懼之災害，迫切之患難，突如其來，如颶風之倏至。斯時顧我，而我弗聽。竭力求恩，而不可得。爾素不志於學，不畏耶和華，不受我教。藐視我道，故必自取其戾。所謀不軌，反及其身。愚者背道，故就死地。蠢者逸志，故遭殺戮。惟聽我者，必安然居處，無所畏懼。

爾小子，宜受我教，以此默識于心，傾耳聽道，專心學理。大聲而呼，亟求明哲，欲得智慧。索之若金，尋之若寶。夫如是，則耶和華上帝，所當寅畏，可得而知矣。耶和華賜人以智慧，界人以明哲。錫嘏善士，護衛義人，秉公義之理，保敬虔之士。爾既求智，則百善由此而知，仁義由此而明。若



大道之洽於心，快於意，如是必得護衛，免爲惡人忤逆者所誘，彼離正道，行於幽暗，喜於作惡，悅於爲不善，所行邪曲，所爲橫逆，淫婦善媚，爾旣守道，免爲所惑，彼棄夫子之道，背上帝之約，人造其家，若履死域，若歸陰府，凡詣之者，不得復歸，不獲生道，爾當行善人之途，守義人之路，義者得土，恒居弗替，惡者見絕，踪蹟泯滅。

爾小子，憶念我法，恪守我命，可得遐齡，可享平康，矜憫恒懷，真實無妄，此道勿離，懸於爾頸，銘於爾心，則上帝與人，無不愛爾，錫爾恩寵，一心恃耶和華，毋恃己能，凡事崇主，則蒙啟導，勿恃己智，宜畏耶和華，去諸僞爲，則可納福，肌肉豐腴，骨空髓滿，以所有之初實，供於耶和華，則爾之倉廩，必得充盈，爾之酒醕，新釀流溢，爾小子，耶和華責爾勿輕視，主謹爾勿喪膽，蓋耶和華責其所愛，若父之慈其子，人得智慧，則蒙綏祉，市之愈白金，得之愈黃金，貴於琅玕，凡所慕者，無能比擬，得智慧者，福祉遐齡，左宜右有，從其道者，享權樂，得平康，凡得之者，如得生命之樹，存之者可蒙福祉，耶和華運其智慧，造穹蒼，立地維，裂地脈，以出泉，布白雲而滴露，爾小子，宜守智慧，常目在之，慧者必得其壽，而英華發外，履道則坦坦，不致顛趾，高臥安寢，無所畏懼，一旦惡人遭讎，爾聞之而不驚，蓋爾恃耶和華，故足不致陷阱，施善有其機，則施之勿緩，爾有貨財，則勿諉之，曰：汝且退，明日子汝，有樂與爾爲鄰者，則勿加害人，不害爾，爾勿與爭強，梁之徒，勿效其尤，雖居顯要，毋生艷羨，耶和華所深惡者，忤逆之輩，所神契者，行義之人，惡人之家，耶和華降以重災，義者之室，耶和華錫以純嘏，侮者鄙之，謙者益之，智者必榮，愚者必辱。

【第四章】二、三子宜聽父訓，而志於道。我必以良言誨爾，爾其毋違。我昔幼稚，父母鍾愛，父誨我曰：當守我道，遵我教，則可得生。宜求智慧，服膺勿失。毋棄我道，必也願受真理，不敢退棄，則可保身而無虞。衆物雖可欲，惟道尤爲急務。如爾尊道，則尊榮必矣。如爾受道，則英華必矣。猶戴花冠，猶加榮冕。爾小子聽我言，可享遐齡。我訓爾以智，導爾以道。維爾徐行，步履從容。爾雖疾趨，無虞失足。守遺訓而不失，則可得生。惡者之途，毋履。罪人之路，毋由。見則避之，裹足而不入。惡人不爲不軌，則臥有不安，不使人傾危，則寢有不暇。其所飲食，若餅若酒，皆取諸非義義者之道，光如旭日，久而愈耀。迨及日中，惡者之途，譬彼幽冥，既顛其趾，不知窒礙。爾小子宜聽我言，傾耳以聆。常在目前，永藏衷曲。拳拳服膺，則獲生命，享平康。操存此心，生命以立。口勿言惡，目勿邪視。慎爾行爲，端爾趨向，勿偏於左，勿偏於右。見惡則遠之。

【第五章】爾小子宜聽我訓，傾耳聆教。心所葆者智慧，口所出者哲言。惟彼淫婦，甘言如滴蜜，巧言若凝脂。及其終也，苦比茵陳，利同鋒刃。舉足臨死地，跬步陷陰府。生命之道弗履，轉徙靡常。終身之事，弗慮及也。爾小子，尚其聽之。毋棄我言。當遠淫婦，毋入其室。恐爾精力爲之漸耗，恐爾壽齡爲之日促。於是爾之貨財爲人所得，爾之物產爲人所有。及其終也，形消骨立，號泣不勝。曰：我不受教，藐視箴規，不聽師訓，不納良言。在大會中，幾遭扑責。○孰若娶妻，如鑿井以自飲。開河而自汲。毋他汲，毋他飲也。壯而有室，好合無間。永期權樂，如水溶溶。其視妻子也，如鹿鹿濯濯。之可愛。則享閨房之福矣。爾小子，勿戀妓女，勿昵淫婦。人之所爲，耶和華實鑒諸。維彼惡人，自取其戾。陷

於罪愆，既懷邪曲，不受訓誨，而就死地。

爾小子如爾爲人中保，已有成言，自貽伊戚。人執爾言以藉口，則必曲意以求之，勿復稍緩。猶可累不及己於斯時也，不遑假寐，不暇合膜，惟以自救爲急務。如鹿如禽，欲脫網罟，怠惰者流，盍觀螻蟻，而法其智。彼無俟長者之命，夏時備糧，穡時斂物，惟爾懈惰思寢，何時得寤。爾束手而寢，言欲少寐，俄傾卽起，不知貧乏之至，速于行旅，迅如武士。匪類惡徒，言行忤逆，以目示意，手足指點，中心頑戇，恒謀不軌，使人爭競，故必遇災，猝然敗亡，無人援手。六惡七罪，耶和華所疾，目所視則傲慢，口所言則詭譎，手殺無辜，心謀不軌，足趨惡途，作妄証以誣人民，構釁隙以間兄弟。爾小子宜守父命，毋違母儀，謹佩於心，繫之於項。行時則導爾，寢時則保爾，寤時則語爾。是父母之命，照爾若輝光之燭，責善之言，導爾入生命之途。不惑於淫婦，不聽其詭媚，勿爲色所誘，勿爲目所迷。饑首一角，卽可招妓，淫人之妻，則喪生命，豈有抱火而衣不焚，豈有履炭而足不熱。淫人妻者亦若是，凡捫之者，咸有罪愆。竊物充饑，尙治其罪，被人所執，償之七倍，償之不足，盡出所有。淫人妻者必無智慧，己之生命，因以喪亡，受毀傷，加凌辱，終不能洗其恥矣。其夫知之，不勝憤怒，欲報厥怨，必不寬宥。不許金贖，不受厚禮，終懷深憾。

爾小子宜恪守我言，服膺我命，守道若守眸子，則可得生。以我箴言，繫之於手，銘之於心。智慧聰明，拳拳服膺，若愛姊妹，若懷戚屬。爾如是，則不誘於淫婦，不聽其詭譎。我昔在家，倚窗而望，由櫺而觀，則見羣少年，懵然無知，中有少者，更乏智慧，逍遙於市，詣淫婦之室。斯時夕陽已下，

夜將至矣。有婦相迎，炫妝若妓，巧其心思，終日嘻嘻，所懷忤逆，遨遊鄰里，或在街衢，隨在匿迹，以誘人。婦攜少者，與之接吻，毫無愧色。曰：我今日償願，家有祭品，特出相訪，幸而遇子。我之牀幃，桌布爲禽文彩斑斕，來自埃及。我牀以沒藥、蘆薈、桂香敷之。爾與我來，相愛相戀，至於詰朝。我夫遠游，手執金囊，必至望日而歸。婦婉言以誘之，媚詞以惑之。少年率爾相從，如牛犢就死地。如罪人受刑罰，如禽鳥罹網羅，迫刃入腎腸，乃知生命之亡。爾小子宜聽我言，心毋邪僻，勿從其途，維彼淫婦，傷人孔多，殺人亦不少。凡進其室，必就死地，陷於陰府。

爾爾智者大聲而呼，立崇坵之地，通衢之所，邑門出入之處，揚聲曰：凡百庶民，宜聽我言。愚者學智慧，拙者明厥心。我所言者，善也，義也，尙其聽從。我口所述，真實是尙，凡諸妄言，我痛疾之。公義足談，非禮不言。智者必以我言爲然，明者必以我言爲宜。宜承我教，明哲是求，過於羨慕金銀也。斯智也，貴於琅玕，凡爾所欲，不得與之比擬。我素稱智慧，技能機巧，咸我所長。寅畏耶和華者，疾惡而弗爲，志傲行暴者，皆我所深惡。我有智謀，我有明慧，我有膂力。列王羣伯，世之士師，皆惟我是恃。治理天下，愛我者我亦愛之，汲汲求我者，必得之。富貴在我，仁義在我。我之結果，愈於兼金。我之土產，愈於白銀。使人由義路行直徑，愛我者，得貨財，充府庫。越在古昔，造化之始，我與耶和華共在。自元始，天地之先，我已爲尊，未有深淵，未有源泉，未有山岡，已有我矣。大地田野，塵寰平陸，俱未締造，我已在此矣。主創造穹蒼，圓包環海，我亦同在上。排天雲，下置淵泉，命海水勿越其限，定地維不失其界。我亦偕在，與主締造，見悅於主。我於其前，常得歡樂。降於塵寰，與民同樂。爾

小子宜聽我言，守我道者，則有福祉。聽教勿違，以學智慧。恒侍門側，聽我教訓者，永受綏祉。得我者得生，沾耶和華之恩寵。違我者徒害己命，憾我者自取死亡。

爾來食我所炊之餅，飲我所釀之酒，棄愚蠢之徒，由智慧之道，則可得生。譴責侮慢者，反受凌辱。督責惡人者，反見污穢。規諫侮慢者，必爲所憾。勸勉智慧者，可蒙其愛。訓迪智人，則其智日加。指示義人，則其學日進。畏耶和華，卽智慧之本。識聖理，卽聰明之原。如是遐齡可得享。年齒日以增，如爾爲智，則可納福。如爾侮慢，則自取戾。愚婦嗜嘔，稚魯無知，或坐室門，或登城堞，旅人行路，中道而趨，婦則呼於其後，招愚魯之人入室，語之曰：竊水而飲，其味甚甘，盜餅而食，其趣深長，不知寓彼室者，就死地，主之者，墮陰府。

爾所羅門之箴言如左，生子智慧，父則喜樂，生子愚魯，母懷殷憂。非義之利，無所裨益，躬行仁義，可免死亡。義者處饑困而能亨，惡者有貨財而難保，悉耶和華所使也。惰則致貧，勤則致富。及夏而斂者，可爲智，當秋而寢者，人所羞。義者行仁而受福，惡者強暴而受禍。義者聲名流芳，弗替。惡者姓氏遺臭，無窮。智者心靈受人訓誨，愚者言多，必致隕越。直躬而行者，無不當，所從邪曲者，罰難追。送目惑人，必致憂愁，愚者多言，必致隕越。義人其言也善，福之基也。惡人其言也厲，禍之由也。憾人者，構人之釁，愛人者，隱人之惡。有智者常談至道，無智者必受扑責。智者聞言，藏之於衷，愚者多詞，害及乎人。富人有財，常得範衛，貧人缺乏，臨於危亡。義人往無不利，惡者動輒得



不宜金環，愚婦不宜丰彩。義人所可望者，惟福祉。惡人所必得者，惟譴怒。有散財而增富厚，有惜財而致貧乏。博施濟眾，必有贏餘。潤澤人者，必受潤澤。糶穀者，人必祝嘏。閉糶者，人必咒詛。求善者，必獲恩。謀惡者，必取戾。恃財者，必隕越。行義者，必若葱龍之樹。家道乖者，所得惟風。愚者，必役於智。義者，結生命之果。救人者，爲明哲。義人在世，或受譴責，况惡人乎。

順受譴責，必增智慧。不受夏楚，依然愚蠢。爲善之人，沐耶和華之恩膏。凡謀不軌，主必定罪。作惡者，不能自立。爲善者，永不遷移。淑女爲夫榮，若首加冕。惡女爲夫辱，若骨已朽。善人所懷者，仁義。惡人所謀者，詭譎。惡者，語人以殺戮之事。義者，勸人以拯救之道。惡者，顛沛歸於消亡。義人之家，恒存鞏固。智者，爲人稱揚。頑者，爲人藐視。好自尊大者，飲食匱乏。不如居卑勤操作。義者，卽其牲畜，猶加愛惜。惡者，卽有仁慈，亦同殘忍。事耕耘者，得果腹。從虛誕者，缺智慧。惡者，貪非義之利。義人，自食其力。惡者，用危言而自陷。義者，遭災侵而得免。嘉言，納福。懿行，得報。愚人，自是。智者，聽教。愚人，易怒。智者，忍辱。直者，言善。曲者，誣人。愚人之舌，如鋒刃。智人之言，若良藥。言實者，可久。語誑者，立敗。立志損人者，爲自欺。以言益人者，必獲福。義人不遭災。惡者，頻遇害。行真者，耶和華所悅。僞爲者，爲其所疾。智者，彌藏其智。愚者，自顯其愚。勤者，治人。怠者，治於人。憂深則衷懷歉仄。言婉則慰藉良多。義者，輔友以道。惡者，自欺乎已。惰者，獵而不獲。勤者，所得爲寶。正道得生，邪道致死。

從父教者，爲肖子。違譴責者，爲侮慢。言善者，果必結。強暴者，災必及。謹言者，安。妄談者，

危情者欲而不得，勤者必有贏餘。義者惟誑言是疾，惡者見惡而貽羞。仁義護人，罪惡敗人。有貧者佯爲富，有富者佯爲貧。富者被訟，以金贖罪。貧者無財，訟因以免。義人之光常明，惡者之燈必滅。人恃驕奉，多啟爭端。惟聽訓言，可有智慧。專務虛誕者，財以之而耗。勤事服勞者，貨以之而聚。日望不得者，使心懷憂。所欲不遂者，猶生命之樹。棄道者取敗亡，畏命者膺賞賚。智者之道，如生命之泉，得脫於致死之網。明哲之人，必蒙恩寵，犯罪之徒，必遭困苦。智者彌慎厥行，愚者愈形其拙。惡役必遭殃，忠僕必納福。棄道者遭貧辱，承教者得尊榮。所欲必遂，中心權樂。愚人有過，畏難不改。與智人爲友者，自生智慧。與愚人爲侶者，必致敗亡。惡人遇禍災，義者蒙賞賚。作善之人，業遺子孫。惡者之財，爲義者所得。貧者力田，多得物產。蓋藏無智，終歸朽壞。杖箠不及其子，不謂之愛。惟愛子者，備加扑責。義者果腹，惡人榜腹。

惟此室家，哲婦建之。愚婦毀之。行正直者，畏耶和華。行邪曲者，藐視之。愚者之詞傲，有若杖箠。哲人之言遜，可保其身。家不畜牛，則倉廩空虛。牛能耕作，則物產增加。言不誑者，可以作證。無實之人，則不可侮。慢者，求智而不能。明哲者，學道而易得。聞不智之言，則亟遠其人。智者自知謂之真智，愚者自欺謂之真愚。愚人作惡，視之若戲。義者爲善，自有真樂。人懷憂愁，惟堪自喻。人有喜樂，衆不及知。惡者之室，必傾圮。義人之家，必振興。有自以其道爲是者，不知其終歸於敗亡。有殷憂而強爲權笑者，其後常感憾。背道者取戾，行善者得賞。愚者妄信人言，智人自顧其行。智人恐懼而避惡，愚人矜誇而縱欲。易怒者妄爲，謀不軌者見惡。拙者日以愚，智者日以達。惡者



鞠躬奔走善人之門。貧乏則鄰里疏之，富厚則衆人亦愛之。凌侮人者陷於罪戾，矜憫貧者可納福祉。謀不軌者適以自害，思爲善者必蒙實惠。勤勞有益，多言致貧。智而富能善用其財，愚而尊亦畢生愚蠢。眞證救人，妄證欺人。畏耶和華者毅然恃之，耶和華視之若子，必加愛護。畏耶和華者得生命之泉，脫致死之網。維彼君王，得民則尊，失民則敗。怒不遽發者，乃彰其智，性躁急者適形其愚。秉性溫良者身生，衷懷嫉妬者骨朽。虐遇貧乏者，侮造化之主，矜憫窮民者，則尊之。惡人行橫逆而見驅，義者雖死亡而有望。智者之心道藏於內，愚人之衷淺而易露。仁義則邦以興，否則國以辱。王恩寵施於良臣，震怒及乎頑僕。

其言也溫，可以息怒，其辭也厲，足以激變。智者工語言，愚者吐妄論。耶和華鑒察善惡，無不普遍。良言猶生命之樹，厲語猶毀物之風。藐父訓者愚，聽格言者智。義者之室家多藏貨財，惡者之物產多致殷憂。智者所播，惟以明哲；愚者則反是。惡人之祭爲耶和華所疾，善人之祈爲主所悅。耶和華惡惡好善，違道義者必受刑罰，惡譴責者必致死亡。陰司暗府尙爲耶和華鑒察，况斯世之人心乎。侮慢之徒，見責己者惡之，而不就正於哲人，心樂則愉愉，心憂則戚戚。哲人日進高明，愚人日就污下。受患難者終日懷憂，有懽心者恒享宴樂。富而多慮，不如寡得而寅畏耶和華。與仇敵而食肥饗，不如對良朋而茹菜蔬。悻悻者必啟爭端，有容者可止凌競。怠者困於疾，藜藿者行於坦途。智于悅親，愚于欺母。無智者自安愚昧，明哲者行不由徑。無良謀事乃敗，集衆議事以成言。而有物則自信也深，時然後言則益人也大。智者求生而上達，不下陷於陰府。惟我

耶和華覆驕人之室，安嫠婦之界。惡念彼所深誅，良言彼所甚喜。貪貨利者無家室之安，惡苞直者得生命之樂。善人必先圖維，然後應對。惡人啟口妄言，毫無思慮。耶和華遺棄惡人，惟聽義者之祈。自有光明，中心悅懌，耳聞嘉音，一身安豫。欲聽生命之言，必與智者偕居。棄道者輕生命，聽勸者得聰明。寅畏耶和華者，先必撝謙，後獲榮寵。斯智者之訓誨也。

圖謀事理，則在乎人聽其祈求，則在耶和華人之所爲自視爲善，惟耶和華鑒察其心。凡事託耶和華，則因應咸宜。耶和華所爲悉隨其旨，惡者屆期刑譴，必加驕泰之人。耶和華所疾，罰及子孫，上帝施恩，蓋人愆尤，以踐前言。凡畏耶和華者，當滌除其惡。有人焉，耶和華悅其所爲，必使仇敵皆與之和，非義之利，得之雖多，不若當得之物。雖寡亦善，謀事在乎人，成事在乎耶和華。民視王言若天言，聽訟之時，不可差謬。耶和華制權量法度，無不至公。國位以義而立，故王不可行非義。行正直，言誠懇，王所當悅。王一怒必加殺戮，故智者宜求息怒焉。見王色霽，則知生命之可望。猶春雲油然，時雨將降，獲智慧，愈於得金銀。行義之人，遠乎諸惡，守道之士，保其生命。心驕志肆，終必隕越。與驕者分其所得，不如與謙者卑以自牧。慎其所行，必獲亨通。惟耶和華是恃，必納福祉。明心可以言慧，巽言可以輔人。智者所得生命之泉，愚者所聽暗昧之詞。心具智慧，則所言足以訓人。良言若蜜，既甘且益。有自以其道爲是者，不知其終歸於敗亡。人之勤勞，爲口腹計而已。惡人謀不軌，口若燃火。頑鄙者啟人爭競之端，譏問者離人心腹之交。惡人誘鄰里，爲不善。彼將作惡，皺眉以運謀，切齒而決計。皓然白首，尚行仁義，猶顯榮之冠冕。怒不遽發者，愈於武。

夫能服其心者，愈於取城。聖箴在人，定事在耶和華。

盛饌列几，而人與爭，不如一方之餅，反得安然食之。子不肖而家宰賢，督率諸子，分其遺業，金銀爲洪爐所鍛鍊，人心爲耶和華所鑒察。強暴者喜強暴，虛誕者喜虛誕，欺凌貧乏，則侮造化之主，幸人禍患，必受刑罰。老者受子孫之榮，子孫得祖父之隱。位卑而言高，非宜也。位高而言卑，亦非宜也。禮物如寶玉，無往不利。蓋人愆尤，以修和好，洩人機事，以間良朋。加百杖於愚人，受之易忘，獻一箴於智者，念之弗失。謀叛之人，自取其戾，隸追及之，加以酷刑。寧遇失子之猛熊，莫違橫逆之頑夫。以惡報善者，災害不離其家。黷隙之開，若江河之潰，故爭競將起，必弭之。以惡爲善，以善爲惡，俱耶和華所疾。愚者得金，何益之有，蓋使市智慧，而念不及此。友朋敦誼，兄弟急難，爲友中保，以物質人，是爲不智。好勇鬪狠，陷於罪戾，志驕心傲，致於敗亡。頑讜其心，福於何有。惡言自口，災必及之。生子愚昧，必懷殷憂。心樂則沉疴可起，心憂則骨髓漸枯。惡人納賄賂，誣直作曲。智者見道於目前，愚者放心於天外。愚魯之子，貽父母憂。庶人爲善，遭刑罰。民牧秉公，反加扑責，俱非所宜。智者之言簡潔，哲者之心溫和。無論賢愚，緘口乃智。

自是者縱己意，棄實學。愚者不志於道，時形其拙。作惡者流，人皆藐之，多行不義，祇取辱也。至言如淵泉，智慧若澄泓。聽訟毋袒惡，毋枉直。愚者動則啟釁，出言以招禍。啟口而貽患，陰許人非，人所樂聽。如食甘旨，飲其口腹。怠惰者與奢蕩者，無以異也。耶和華若鞏固之臺，善人登之，蒙其護衛。富人視財若鞏固之邑，高峻之垣。驕泰者敗亡，繼之謙遜者尊榮。被之言未聽而妄

應拙不藏而貽羞。身疾心猶安，心憂則難堪。智者心增明慧，耳聽至道。饋禮物，可以啟捷徑，可以見大人。先赴訴者，其理似直，有後至者，爾當詳察之。掣籤以息事，強者以之止鬪。弟犯兄長，欲復修和較勝，鞏固之城，折宮門之榘，猶爲難也。所言必結果，出乎口者反乎身，生死之機在於出口，言必獲報，結婚姻納福祉。耶和華必錫純嘏，貧者求人，富者驕人，泛交衆人，必致損害，得一知己，愈於兄弟。

愚魯而妄言，不如貧乏而純良。無知則害事，疾趨則易躓。愚人失足，遂怨耶和華。富厚則交道廣，貧乏則鄰里絕。妄證者刑謹必及，言誑者不能追罰。位居民牧，求恩者多厚禮，施人欲交者衆人而匱乏，兄弟疾之，友朋遠之，有求於人，而莫之應，獲智者愛生命，守道者納綏祉。妄證不能免刑，言誑必致敗亡。愚而居尊，下而陵上，非所宜也。懲忿者爲智，宥過者得譽。爰有王公，其震怒也，若獅之咆哮，其施恩也，如露之潤澤。子不肖憂親心，妻不賢等屋漏，產業爲祖父所遺，賢妻爲耶和華所賜，怠者惟思寢，惰者必致饑，守誠則生，侮道則死，矜恤貧人，如貸金於耶和華，所給者必償，及時訓子，猶可望其遷善，若惡已稔，願其速死，則晚矣。暴戾宜遭刑，赦之必再犯。聽教誨終則智，耶和華有定命，人縱多謀，亦無裨也。愛人者，人恒愛之，富而譎不如貧而直。畏耶和華得生，而財恒足，不遇眚災，惰者卽染指於孟，取饌入口，猶憚其難，擊侮慢則愚人知警，諫明哲使進於道，欺父逐母，貽羞孰甚。爾小子，有誘爾離道者，爾勿聽從。妄證者蔑視義理，作惡者其罪貫盈，侮慢者必遭刑，愚蠢者必受責。

取其戾息爭可得譽，凌競爲愚人，怠惰者流，冬時不勤耕耘，穡時乞而不得，人藏其心，不測若深，淵慧人能汲之，自伐其仁者甚衆，忠信之人世不概見，善人行義，子孫享福，王坐鞠民，見惡人則擯斥之，心清身潔，誰能自信，權衡法度，不一其制，耶和華所疾子之清直與否，視其所爲則可知矣，耳能聞，目能見，俱耶和華使然，毋貪寢，恐遭貧乏，宜興作，可得果腹，未市則賤其物，既得則誇其美，訓誨之言，若黃金，若琅玕，若珍器，爲外人異族作中保，而不能償，則必取其衣爲質，欺人得餅，厥味甚甘，不知其後若吞塵沙，慮而後成，思而後戰，評人長短者，機事爲其所泄，甘其言，詞者勿與之偕居，詛父母者，其燈必滅，其光必暗，始而貪婪，終無福祉，毋以惡報惡，望耶和華救我，權衡不公，不怨孰甚，凡百之事，耶和華所定，人豈能逆料，人不自量，矢口許願，則陷於罪，賢王驅逐惡人，加以蹂躪，人之本心，譬諸明燈，耶和華所昇，俾燭照事機，王懷矜憫，眞實毋妄，國祚綿長，少者以壯健爲榮，老者以皓首爲尊，身受扑責，痕現於外，則惡去而心自潔矣。

王志所向，耶和華挽其意，如迴狂瀾於既倒，凡人所爲，自以爲善，惟耶和華鑒察其心，大公是秉，愈於獻祭，耶和華所悅，惡者昂首高視，居心驕侈，妄自尊大，適陷於罪，勤慎操作者，獲贏餘，急遽苟且者致貧乏，非義而求利，猶捕影而不得，適以取死，惡者強暴，不行仁義，致於滅亡，惡人之徑邪曲，義人之行正直，寧於樓隅獨居，勿與頑婦共室，惡者幸人之禍，不恤良朋，擊侮慢，則愚人知警，諫明哲，使進於道，作惡之家，善人識微，知其必亡，貧者有求，爾弗之聽，則汝有求。

亦莫爾應。行賄賂可以息忿，用苞苴可以弭憾。秉公以行，善人喜而爲之，惡人疾而不爲。背道之人，必與地獄之徒爲伍。樂宴樂者，必遭貧乏；好酒醴膏沐者，不能致富。義者免難，惡者代之。寧處於曠野，勿與頑婦偕居。貨財膏沐，智者積之，愚者耗之。求仁義，不徒得仁義，且獲生命尊榮。鞏固之城，人所倚賴，惟智者設謀以下之。守口足以遠害，暴怒之徒，人呼爲傲慢。怠者有求，而不勤操作，不遂所欲，懷忿以死。怠者終日貪謀，義人博施不吝，惡人之祭且不納，况以詭譎之心獻禮物乎。妄證必敗，得其情者，侃侃而談，惡者剛愎厥心，善者慎思所行。耶和華有旨必行，非詭謀所能撓。備騎以戰鬪，助之者惟耶和華。

第二十章 貨財不如令聞，金銀孰若恩寵。耶和華造兆民，貧富錯處。智者先機以避害，愚者前往而遭刑。寅畏耶和華，中懷謙遜，必得富貴，必享遐齡。頑者若困於蒺藜，操守之士，保身遠害。教子以道，至老不背。富者治貧人，貸金者事債主，播種惡者，所獲必虛。上帝震怒，使之覆亡。矜恤貧乏，食之以餅，必蒙福祉。擯斥侮慢之人，則爭競必弭，凌辱不加。清其心，善其詞，王必眷祐。耶和華守道者祐之，妄言者敗之。怠者諛詞，言出門必遇獅，行於衢必見殺。淫婦之口，譬彼深坑，耶和華所痛疾者，必陷其中。子心愚昧，扑以明之。虐貧者適以富之，祐富人適以貧之。傾耳以聽良言，專心以學智慧，守之於心，述之於口，斯爲美。我今日誨爾，富惟耶和華是恃，我素錄於冊者，嘉猷大道，使爾知眞理。若人詰爾，以斯答之。坐於公庭，毋凌貧之，毋虐貧獨。蓋耶和華必伸其冤，使虐之者反取其戾。怒不中節者，勿與締交，恐效其尤。自陷於罪，有人負金，毋爲中保。恐爾負金，人剝爾

牀以償鄰里之界址、前人所定、毋行遷徙、人勤庶事、當在王所、必不久居賤役。

第十三章 赴長者席、必敬必戒、有如飲劍、毋饕餮、毋貪佳肴、勿戀甘餌、毋圖富有、靡恃己長、毋注目浮榮、蓋貨財之去、速如鷹飛、鼓翼而冲天、宴友而睡眊、勿與共食、貪其珍錯、外導飲而內慳、吝口則是而心則非、爾雖食少必復哇、爾雖言謝亦何裨、維彼愚人、毋語以微妙、恐其藐視爾道、鄰里界址、前人所定、毋行遷徙、孤子田畝、毋行侵奪、蓋全能之主、必報厥仇、必伸厥冤、專心學道、傾耳以聽、髮齡必受督責、杖之則身不歸死地、魂不墮陰府、爾小子、如爾心睿智、我心悅懌、爾口言善、我衷歡樂、惡人雖居顯要、勿懷不平、惟終日畏耶和華、迨其終也、必不爽其報施、必不絕爾所望、爾小子、聽我言而得智、守本心而遵道、蕩檢者勿交、沉酒者勿友、蓋饕餮甘酒、必致貧、思寢之人、必衣敝、父母生爾、雖至老邁、宜聽勿棄、宜求智慧、服膺真理、生子善且智、父必欣喜、母亦歡樂、爾小子、心歸乎我、目注乎道、妓女猶深坑、淫婦若陷阱、隨在匿迹、以誘人、使蹈罪愆、誰遭禍患、誰起爭競、誰構怨尤、誰目赤身傷、出於無因、惟耽麪葉、嘗旨酒、調劑甚厚者、則若是、勿以觀酒爲樂、其色貴朱、入爵則沸、依法而流、不知其終、酒傷若蛇、其毒若蝮、既沉酒於酒、則目注淫婦、心思邪僻、其危也、若偃息海中、高枕掩上、勿自謂受擊而不傷、醉爲無害、醒而再飲。

第十四章 惡者雖居顯要、毋懷不平、毋與偕處、其心存奸險、口出莠言、爾欲宮室告成、必用智慧、貨財充棟、必施睿心、智者必有勇、壯夫爲之辟易、先思而後戰、集衆議、國以安、道其高矣哉、愚人不能企及、在公庭、不知所措詞、謀不軌者、是謂惡人、頑愚之念、動輒得罪、侮慢之人、衆所深疾。

臨難而畏葸，無勇也。無罪而就死地，爾其拯之。勿諉曰：不知。鑒察人心，保爾生命者，莫不悉爾隱微。彼豈不視人所行，而加賞罰。爾小子，蜂房之蜜，爾知其味而甘之，智慧在心，亦若是。獲之有益，所望必遂。義士安居，惡人勿陰加陷害。蓋義人七敗而復興，惡者一蹶而不振。仇人顛趾而仆，爾勿欣喜。恐耶和華鑒之而不悅，反怒及爾。惡者雖居顯要，勿懷不平。惡者不獲賞，其燈必滅。爾小子，宜畏耶和華而尊王，勿交厭故喜新之人。其災速至，天威國憲，不可違也。哲士有云：聽訟時，毋偏袒。視惡爲善，民人怨詛。譴責惡人，必蒙純嘏，以欣以悅。善於應對，人必接吻以爲禮。先務農事，後建宮室。毋妄證，毋欺人。勿以惡報惡，惰者之田，愚者之園，我嘗過焉。草萊蔓延，荆棘叢生，牆垣傾圮，我觀而思之，遂明其道。人束手而寢，言欲少寐，俄頃即起，不知貧乏之至，速如行旅，迅如武士。

此以下所羅門之箴言，猶大王希西家之僕所撫拾者。包涵萬理，上帝之奧無窮，省察百事。王公之榮不著，天高地厚，王心莫測。金工去滓，兼金可得。王擯惡人，國位以立。王公之前，毋自尊大，毋居高位。寧有人請上坐，勿於尊者前趨末席。毋遽與人爭，恐受人辱。計無所施，與人  
有隙，毋發其陰私，恐聽者罪爾。貽羞靡已，應對以時。猶金果置於銀筐，智者忠告而善道之，使人  
順受。猶金製耳環物飾，忠盡之僕，有益乎主。猶當暑，涼以冰雪。言欲予人，而不予。猶風起雲布，而  
雨不下。恒忍可以悅君，柔詞可以折骨。得甘蜜，毋多食，恐過食而吐。勿常造人廬，恐生厭惡。妄證  
者若槌，若刃，若利鏃，既遭患難，而所恃者非忠懇之士，是猶恃折齒跛足。冬時褫衣，臉上傾醋，歌



以解人之憂亦若是。敵饑則飼之，敵渴則飲之，猶以燕炭集厥首，而耶和華必償爾。北風則致雲雨，隱刺則起忿怒。寧於樓隅獨居，勿與頑婦共室。嘉音來自遠方，猶以冷水與渴者。義人失足，爲惡者目擊，猶混源濁井。多食其蜜非善，自求其榮非榮。人不制其心，猶邑已毀，四無城垣。

夏時雨雪，秋時霖雨，愚人居尊位，俱非所宜。徒以言語咒詛者，必不降災，猶燕雀翱翔而不加害。欲治馬驢，維鞭與勒，欲治愚人，維杖與箠。維爾居恒，勿卽愚人之意，還詰愚人，恐人謂爾與彼無異。有時則可，恐彼自以爲智，以重託畀愚人，猶自刖其足而身受其害。跛者之足不能實踐，愚人述箴言亦若是。愚昧之人，被以尊榮，如以韞櫝之玉，委於瓦礫，愚人述箴言，猶醉人執荆棘，造萬物之主，必使愚者受咎，惡者取戾。犬轉食其所吐，愚人復蹈其故轍。愚昧之流，猶可望其改過，惟自智者終無可望。怠者誘言，出門必遇猛獅，行衢必遇牡獅。怠者輾轉於牀，如門在樞，惰者卽染指於盂，取饌入口，猶憚其難，惰者自以爲智，視善應對之七人，猶不若也。他人爭鬪而我與之共怒，如途中遇犬，而執其耳。人欺鄰里，謂與之玩謔，無異狂人，發火矢以取樂。抽薪可以熄火，無後言可以息爭。加炭添薪，火勢愈熾，爭人益爭亦若是。陰訐人非，人所樂聽，如食甘旨，飲其口腹。外加溫語，內懷惡念，猶瓦器飾以白金。維彼敵人，心所藏惟詐，口所言惟僞。其言雖善，爾毋信之。其心所藏可惡者非一端，匿怨而友其人，後在會中，其惡昭彰，彼掘坎阱，必陷其中，移石上岡，反壓其下。誑者受人扑責，銜憾殊深，厥口詭譎，實致敗亡。

第二十七章

今日之事，尙不及知，明日之事，勿自誇詡。人榆揚爾則可，自善其善則非所宜。石沙

甚重、愚人之怒、殆有甚焉。人之憤怒酷烈、勢若行潦、人懷嫉妬、誰能禦之。愛人之心、藏諸衷曲、不如責人以善、直言無隱。仇讎雖與我接吻、亦知其僞。友朋雖出言傷予、益見其直。人而果腹、雖蜂虜亦有所厭、人而饑餓、雖苦物亦以爲甘。人遊遠方、如鳥離巢、馨香悅心、同於良朋之相勸。父之良朋、己之密友、爾與之善、相愛靡已、則違難之時、毋庸詣兄弟之室。蓋兄弟遠離、不如鄰里在側。爾小子、宜學智慧、致悅我心、有人嬰子、以此答之。智者先機、以避害、愚人前往而遭刑。爲外人異族作中保、而不能償、則必取其衣爲質。晨興、大讚其友而過實、人以爲誹之。妻頑、譬彼陰雨、屋宇恒漏、欲使之不暑、如使風不吹、若手握香膏、欲芬芳之不聞、以鐵治鐵、交相磨礪、益友亦若是。植無花果樹、可食其實、人事其主、必蒙賞賚。人鑑於水、形容維肖、以己心度人心者亦若是。陰司暗府無盈日、貪欲無厭者亦若是。洪爐足以煉金銀、頌美足以覘人心。朴責愚人、如擣麥於臼、亦不能去其愚。爾之牛羊、牧養必勤、蓋貨財不能永存、冠冕不能世襲。百草萌蘖、菜蔬叢生、爲爾斂藏。爾其勤牧羣羊、剪羔羊之毛、可以製衣、售牡羊之價、可以購田。牝羊出乳、供爾僕婢之食、綽然有餘。

**第二十八章** 惡者雖無追襲、而遁逃恐後、義者之贍、其大若獅。國亂則主迭更、民良則邦永治。以貧虐貧、若行潦忽決、盡淹所有。違法者譽惡、守法者敵惡。作惡之人、不明至道、崇事耶和華者、能悉萬理、富而悖理、不如貧而善道。守法者、有智之子、從惡黨者、貽父之羞。貸人以金、重權子母、以益其財者、所積之金、必爲濟貧之人所得。不聽律法者、卽祈於上、亦爲上帝所疾。使義者迷途、

必陷罪戾，爲善者則納福。富人自視爲智，貧者明慧，必審其詳。義人在位，萬事彰明，惡者秉鈞，庶民隱遯。自匿其非，不得納福，任過而改，可獲矜憫。恒畏耶和華者，可受綏祉。剛愎厥心，必有災害。暴君虐貧民，若咆哮之獅，饑餓之熊，無智之君，多行暴虐，能絕嗜欲，可得永生。殺人者必有懼心，恐見執而逃，入墓乃已。直躬而行者，可得拯救，所從邪曲者，猝然敗亡。勤耕耘者，得果腹，從虛誕者，致貧乏。誠懇之人，永膺多福，急圖富有，必召禍災。偏視者不公，饋以一方之餅，因之枉法。貪婪之人，惟圖富有，不知貧乏將至。以善責人，終得恩寵，較詔諛尤多。竊父母之財，自言無罪者，與盜無異。人恃驕泰，多啟爭端，惟恃耶和華，無不亨通。恃其能者，愚昧，慎所行者，得救。濟貧人，則不致缺乏。佯爲不見者，多遭詛咒。惡人居顯要，庶民隱遯，惡人敗亡，賢人乃出。

第十九章 屢受譴責，仍強厥項，必致敗亡，援手無人。義人在位，人民欣喜，惡者秉鈞，億兆咨嗟。好慧者悅，親狎妓者傷財。王秉義，國以立，主受賄，邦必喪。詔諛同儕，如設網羅。惡者犯罪，自取其戾。義者謳歌，自得其樂。貧人之事，義者力爲治理，惡者置若罔聞。在彼城邑，強者謀叛，智者弭亂。愚與智爭曲直，智者雖喜，怒兼施，末由息訟。惟彼善人，暴虐者憾之，爲義者保之。愚者露其衷懷，智者藏諸心曲。君聽虛妄，臣下化之。貧富錯處，皆耶和華所照臨。王伸貧民之冤，眞實無妄，國祚綿長。子見督責，必益智慧，否則貽父母羞。作惡者衆，則惡事叢生，義人見其覆亡焉。訓子以嚴，可獲安樂。天不昭示，民必妄作，克守律法，可獲綏安。主諭僕，僕不聽，惟責以言，不足以罰其過。愚者猶可望其改過，造次者畢生絕望。始寵厥僕，愛養逾分，終必自視爲爾子。人易怒，益爭競，人發憤。

多罪愆。驕侈必降卑，撝謙必獲榮。與盜爲侶，聽其盟誓，不以告人者，必自取戾。畏威而不敢赴義，必陷乎罪。畏耶和華者，必得護衛。求恩於王，雖多奚爲？不知定人事者，在乎耶和華。義者惟惡人是疾惡者，亦惟義人是憾。

箴三十章 雅其子亞谷之箴言，傳於以鐵。烏甲曰：我非哲人，較庸人尤愚。未學至道，未知聖事。疇能升穹蒼，疇能降寰宇，疇能止狂飈，疇能包江海，疇能奠山嶽，其名何名，其子之名又何名，請以告我。上帝之道至潔至清，恃之者蒙其護衛。其言不可得而增益也，恐爾欺人，而被譴責。我所求者有二，及余未死而錫余，願闕虛誕，或貧或富，匪我思存，惟求足食而已。恐富而侈，不崇事耶和華，或貧而盜，妄發誓言，毋於主前誣告其僕，恐彼咒詛，反坐其罪。有人咒詛父母，有人自以爲潔，而實未滌其污，有人昂首高視，有人齒如刀鋸，吞噬貧人，外此更有不知足者，三四不等，若水蛭善吮，貪饕無厭焉，瘞埋之塚，不妊之婦，受水之區，燃物之火，俱不知足。欺父逆母者，厥目爲咎鴉所啄，鷹鷂所噬，其不可尋踪覓迹者，三四不等，鷹飛戾天，蛇繞於磐，舟行海中，童蒙初構，其迹不可知。淫婦之行亦然，任私欲，滅其迹，曰：我未行淫。余觀斯世，所不宜有者，三四不等，僕治其主，愚而富侈，醜婦適人，婢代主母，在地有四微物，其巧甚捷，蟻蟻無力，夏時備食，吵啮弱物，以磐爲室，蝗蟲無主，分羣而出，守宮行以掌，緣壁於王宮，世之行而有威者，亦三四不等焉。獅爲百獸王，無所畏避，以及獵犬、牡羊，而莫能禦者，則有王公如爾自銜，妄有作爲，圖維惡念，當以手掩口，搖乳可成酪，擣鼻則出血，激怒必致爭，亦若是矣。

第三十一 利母益王之母訓王以箴言曰我之愛子我語汝我昔許願而生汝宜聽我言維彼淫婦戕害王躬耗王精力汝毋昵之利母益乎清酒醇醪王毋過飲恐忘律例枉法以害貧清酒醇醪以飲將死之人羅憂之輩使忘其貧不憶其苦暗者代爲口危者伸其冤秉公義救貧之孰得賢妻價貴琅玕其夫恃之無所匱乏雖至畢生有益無損得綿泉樂璧續譬彼艸船轉運食物來自遠方未及黎明賢妻夙興供僕之食課婢之工見良田則購之出其贏餘以築葡萄園勁腰健臂操作獲利篝燈永夜執篋紡績賙濟貧乏家人重衣不畏雨雪手製寢衣自服赤綿夫坐公庭名著長老之中婦作布售之於市作紳售之於商賈所製之服華美續密不歎無衣於後日所言者明哲之詞仁愛之語勤家政不素餐夫善之子德之世之娶妻而賢者甚多惟此婦爲冠其有丰采殊色者盡屬於虛不如寅畏耶和華者必得讚美所行結善果在民間有令聞焉

傳道

【第壹章】耶路撒冷王、大關之子、宣播大道、其言曰、吾觀萬事、空之又空、虛之又虛、光天之下、營營操作、何益之有。世代迭更、大地恒存、日出日入、運行不息、風自北來、復自南至、迴旋靡定、百川歸海、海不見其溢、河水從所來而來、復從所來而去、萬物運動、言之不能盡、觀之不勝觀、聞之不勝聞、有必復有成、必再成、天下之物、咸非新創、如言新創、何諦視之、則自昔已然。往者已難追憶、來者亦將遺忘。余爲以色列王、親耶路撒冷、專心致志、窮察天下事、知上帝以斯任畀人、使竭其心思、天下之事、我已灼見、無非捕風捉影、曲者不能直、缺者不勝數。我竊自思、我得大業、具智慧、耶路撒冷人、自古以來、未有若此者也。我專我心、窮察智愚、祇徒勞焉。蓋多智多憂、識見愈廣、則憂愁彌甚。

【第貳章】我竊自維、試耽宴樂、試樂逸遊、明知歸於無有。我言嬉戲惟狂、宴樂無益。我姑以酒爲權、若無智然而仍不敢失度、庶知人生在世、最樂者何事。於是興工作、建屋宇、作園圃、種葡萄、栽百果、鑿沼池、灌林木、購僕婢、得丁男、牛羊繁衍、前此在耶路撒冷、未有若是之盛。我廣貯金銀、集四方貢物、以及樂官伶女、后妃嬪御、充於後宮、日以昌大。前此在耶路撒冷、未有能比擬者也。然我不踰吾閑、凡目前之宴樂、人心之嗜好、無所禁止、勞而獲之、逸而享之。由後而觀、覺勞而得者、莫非捕風捉影、於是無益。我爲君足以致此、豈他人所能及哉。我察智愚、知智愈乎愚、光愈乎暗。智者明目、愚人行暗、及其終也、何異之有。竊思愚者死、智者亦死、雖智何益、豈非虛哉。智愚既同歸

於死，而後世忘其名，天下事皆作如是觀。斯世所爲，殷憂感感，莫非捕風捉影，故我不樂其生。我一身勞瘁，不可爲悅，蓋所經營，必遺於後起之人。子孫智愚，難以逆料，惟我竭其心思，勞苦畢生，彼得而主之，豈不盡屬於虛哉。可知經營百事，絕無餘望。人之勞心力運智謀，凡事亨通，後人逸而得之，盡屬於虛，大可憫也。人生於世，辛勤憂感，何益之有。終日勞苦，終夜不安，亦屬於虛。以我觀之，上帝所賜，既勤勞而得之，則必以飲以食，安坐而享，樂莫大焉。上帝所悅者，賜以智慧歡樂，若惡人則勞苦之，以其所積貨財，賜於善良，凡百之事，無非捕風捉影，以此益見矣。

天下萬事，各有其時。有時可生，有時可死，有時可植，有時可拔，有時可傷，有時可醫，有時可毀，有時可建，有時可哭，有時可笑，有時可哀，有時可躍，有時可擲石，有時可斂石，有時可懷，有時可棄，有時可得，有時可失，有時可守，有時可舍，有時可分裂，有時可彌縫，有時可默，有時可言，有時可愛，有時可惡，有時可戰，有時可和，且人之經營操作，何益之有。上帝使人勤勞，我見之矣。上帝所爲，皆合其時，而無不美，使人察之，始終莫測，以我觀之，人在斯世，莫若爲善而享福。上帝賜人勤勞而得之，式飲式食，安享其成。我知上帝所爲，永立不移，無能損益，使人寅畏。有而復有，成必再成，或去或來，上帝所循環。我遍覽天下，公庭聽訟，當秉公義，而反徇私，竊思上帝鞠善惡，賞罰有其期。又思世人行事，上帝察之，欲人知異於禽獸者幾希。世人禽獸同一氣之呼吸，其必死無以異也，則人不遠於禽獸，而萬事悉歸諸虛矣。其生也，作以土，其死也，返於土，俱歸一。所入之神，升於天，獸之精，降乎地，誰念及之。惟我竊思，人既勤勞以得之，莫若安樂以享之，厥後之事。

難以逆睹。

**第四** 我復思天下之秉鈞者，虐遇民人，民懼其酷，靡不墮淚，慰藉無人。我竊思死者較生者爲尤幸。又思未生於斯世者，未見斯人之穢行，較生而復死者，尤爲幸甚。我觀世人勞而得功，同人媚嫉，此亦捕風捉影而已。愚者束手，自取敗亡，寧寡得而宴安，毋多財而勞瘁，是皆捉影也。我遍觀天下，有一事更屬虛幻，有人塊然獨處，無兄弟子女，不與友朋交接，然亦勞苦不已，雖得貨財，不以爲足，不敢自用，不知遺誰，此屬於虛更貽後患。二人爲侶，勝於一人獨居，可相助以有成。若一人傾跌，則一人爲之扶持，獨居而蹶，援手無人，豈不難哉。同寢多煖，獨寐少溫。一人不勝敵，二人相助則克之，繩有三重，則不易斷。君毫無智，不從箴諫，不如幼冲，反多明慧，有始而幽囚，後治國家者，有始爲君王，後作窮民者，更有兆民稟令，不之父而之子者，及其爲君從者無數，而後人卒不頌其美，此亦捕風捉影之事也。

**第五** 詣上帝殿，必慎必恪，傾耳以聆，勿效愚人，作惡獻祭，不自知其非義。勿造次啟口，出言於上帝前，蓋上帝在天，爾在地，故言必寡，多慮多夢，多言多拙。愚魯者流，上帝所不悅，凡指上帝而發願，當償勿緩。寧勿許願，毋許而不償。勿以口所許，陷於罪戾，毋告祭司，以所許之言爲誤，恐上帝震怒，敗爾所爲。夢寐多屬幻境，浮詞亦屬空虛，惟爾當畏上帝。爾觀州邑強暴，虐貧枉法，則勿殷憂，人雖居高位，更有尊於彼者，鑒察其所爲，其上又有至尊至高者，莫重乎農事，上下咸獲其利，以金爲寶者，金不足以滿其心，惟貨是好者，貨不足以充其欲，此亦屬於虛而已。財充則用繁。



有財何裨<sup>十一</sup>。勞者食無餘，每見其安寢。富者因多財，恒不遑假寐。曠觀天下之人，深可憫惜，積貯貨財，自取其害。既遭患難，貨財俱失，雖有子孫，無業可遺。蓋裸而出世，必裸而歸土，所勤勞而得者，毫不能攜。良可憫也。其入世若是，其逝世亦若是。捕風無益，徒勞而已。畢生蒙昧，多病多愁。以我觀之，上帝使人一生操作，式飲式食，安享其成，豈不甚美。上帝賜人以貲財，供其食用，既勞而得之，當逸而享之。蓋上帝使人欣喜，已往者不榮其心，未來者不櫻其慮。

天下人可爲長太息者一。上帝賜人貨財，錫人尊榮，無所不有，已不敢逸，他人享之，此屬於虛，深可歎也。人有百子，又獲遐齡，生不能享福，死不得善葬，以我觀之，胎未成人者，較彼愈美。未成之胎，來以虛去，以暗，其名不存，未覩日光，未知世事，較彼慳吝，又獲平康，吝吝者生於世，雖永壽二千年，未嘗一日厚於自奉，其後與衆同歸一邱。人之勤勞，爲口腹計耳，乃心不知足。人而智與人而愚，有何愈。貧而智，與富而愚，有何愈。寧享現在之福，勿作出位之思，莫非捕風捉影。粵稽古昔，始博土以爲人，由此得名，以迄於今，若此焉，得與全能者辯。辯論愈煩，則艱難叢集，果何益之有。人生斯世，歷日無幾，如影沉西，逝世之後，不識復有何事，以是觀之，安在所謂眞福。

芬芳之品，不如令聞。初生之時，不如死日。詣筵宴之家，不如入哭泣之室。在彼見人之終生者，當深思焉。喜笑不如憂愁，色雖有憂，心則克正。智者寧往哀戚之家，愚者喜詣宴樂之地。寧聆哲士之箴規，莫聽愚人之倡和。愚人之笑，如荆棘，爲暴火所焚，莫非捕風也。非義之利，使智爲狂，惟行賄賂，壞人心術。事之始不如事之終，驕泰不如恒忍。毋急怒，毋蓄怨，斯愚人所爲，勿是古

非今而尙論其事。此非智者所爲也。有智有財，二者兼得，其益不淺。智可庇身，財可助己，惟獲智慧，可享永生。試思上帝經綸，彼使爲曲，誰能直之。福祿可喜，禍至可慮。上帝使二者迭相倚伏，俾人不能逆料。我處塵凡，鑒觀事理，見有爲義而早夭者，見有作惡而壽終者。爾勿以爲義過乎主，智超乎主，而自取其戾。爾勿以爲惡浮於人，愚勝於人，而自速其亡。自義在所必戒，妄爲尤所當絕。惟上帝是畏，患難可避。胸懷睿智之人，較邑中十長者，更有能焉。普天之下，純善無纖惡者，未之有也。言不聞，爾勿竊聽，恐有僕婢毀爾者。蓋爾居恒，亦知嘗毀人。我察萬事，欲求大道，而道離我甚遠。道甚玄遠，誰能測度。我盡心求道，欲知事理之所以，亦欲知愚昧之不善，維彼淫婦，心若網羅，手若縲紲，較諸死亡愈苦。爲善者避其凶，作惡者遭其害。傳道者曰：我察萬事，欲知其詳，而有所未逮，簡俊士於千人之內，猶可或覩，求哲婦於萬姝之中，不能必得。上帝造人，正直是務，惟人所爲，機巧百出，我深察其故矣。

**第八** 有智之人，明足以察萬理，光華見於面，無不燭照，變剛爲柔，孰能與於斯。既指上帝而誓，必守王命，勿謀不軌，勿致位而不辭。爾若是，恐于王怒，蓋發號出令，由王獨斷。王之命莫能禦，王所爲，孰敢詰。守命無咎，哲士識時，萬事各有其時，未來者人不及料，故遭多艱，氣之呼吸不能自主，死之猝至，亦不自持。在彼疆場，不能倖免，多行強暴，終難追罰。我詳觀天下事，見有陷害同儕者，強梁既沒，出於聖京，葬於塚墓，民遂忘其所行。我觀乎此，等於捕風，惡不卽罰，人專爲惡。作惡之人，屢蹈罪愆，反享遐齡，然吾知寅畏上帝者，終必受厥綏祉。惡人不畏上帝，斷難邀福，厥日無

幾如影靡定。天下事可爲長太息者，有時義人遭難，幾同惡人，惡人蒙休，有類義人，我則曰：此屬於虛。我又曰：上帝使人勤於操作，無少休息，莫若耽飲食，樂宴樂之爲美。自是而後，我欲擴吾識見，遍覽天下事，見斯世有人，永朝永夕，不遑假寐，亦見有人，欲觀上帝之經綸，竭其心思，而不能得，有智之士，雖欲知之，亦不及知。

我竭吾心思，詳察百事，知義人智人之所爲，咸歸上帝治理，惟觀其人之所值，而上帝之眷顧與否，仍難逆料。萬民所遭，初無或異，義不義，潔不潔，祭不祭，善不善，妄誓不妄誓者，億兆亦同此賦畀。事有深可歎息者，人生於世，心懷惡而行猖狂，終歸死地，生存之時，猶堪希望，生之天愈於死之獅，生者知必有死，死者知覺已泯，賞賚已絕，記錄已滅，所好惡所艷羨者，悉歸無有，天下所經營，與彼無異，莫若以欣以悅，食餅飲酒，爾爲是則，上帝悅懌，壹身之衣恒潔，沐首之膏不匱，上帝使人生於斯世，悉屬虛浮，畢生操作，安享其所得，夫婦之間，必當眷愛權娛，以至沒齒，且爾竭心思，爲所當爲，轉瞬之間，卽歸於土，在彼無工作，無計謀，無智慧，我又遍覽天下事，疾趨未必先至，勁旅未必獲捷，有智未必得餼糧，聰明未必得貨財，機巧未必沐恩寵，凡百之事，悉由偶然而至，譬彼水族羽族，猝罹網羅，人遽飛殃，出於莫測者，亦若是。我觀世事，智之所用甚廣，設也城邑，徧小人民，鮮少大國之君，圍之築高壘，以環攻，邑中有貧人，明哲是懷，施其智以救邑衆，其後人無復念之者，我竊思之，智愈於力，貧者之智，爲人藐忽，不從其言，寧從哲士之詞，莫聽昏君之論，智之爲用，勝於劍戟，惟一愚人，與其間，則雖有嘉謀，亦爲所敗。

第十卷 惟人調劑香膏，一入毒蟲，則臭立變惡。人有尊榮，具智慧，名譽遠播，一行不善，亦若是。智之心捷若右手，愚之心拙若左手。愚者行於途，貢其不智之形，衆人目擊，長者怒爾，勿不辭而退位，必務柔順，可免大過。天下事可長太息者，我嘗見之矣。長者所行不善，使愚者坐高位，智者居末座，僕乘馬，主徒行，掘坎奔，適陷其身，毀藩籬，必囓於蛇。移石必受其傷，伐木必遇其害。斧斤已鈍，不加磨礪，則斬伐必費其力。智者知所當爲，施術制蛇之人未至，而人爲蛇所囓，則彼之技無所施。智者之言益人，愚者之言害己。其言也始則拙，終則狂。未來之事，人難逆料，愚者曉曉，何裨於世。愚者徒勞無益，不知當行之道。器小者爲王，則羣臣以飲食爲先，而邦必危矣。器大者爲王，則羣臣飲食以時，惟補其力，不敢沉湎，而邦必安矣。人情而不修其室，則棟撓屋漏。人設宴以爲樂，置酒以爲悅，非金不足以致此。毋私詛王公，毋在室咒大人，飛鳥必揚其聲，羽族必報其事。

○ 滙水之區，宜播百穀，歷日既久，可刈可穫，頒食於衆，勿以七八爲限。蓋爾後日貧乏，難以自料。油然作雲，則沛然下雨，喬木北偃，不可復南，南偃，不可復北。疑風則不敢播穀，訝雨則不敢刈禾。婦有妊，爾不知魂靈如何而昇，骨骸如何而成。上帝締造萬物，其經綸非人所能知也。爾勿以朝吉而播，夕凶而勿播，朝夕俱可，不知其後孰美也。人生於光天之下，目覩日華，其神實暢，雖享遐齡，畢生逸樂，當思未來之日，憂患迭起，乃知事皆屬虛。維爾小子，幼而嬉戲，其志愉快，隨心所欲，隨目所視，當思上帝必鞠爾，故必去欲絕邪，蓋幼稚之時，亦屬於虛。

月星辰必晦其光、雲遮髮鬣、雨降淋漓、守室者必戰慄、有力者必卷曲、旋磨者寡而缺、窺牖者昏而黑、通衢之門已閉、旋磨之聲不聞、鳥鳴而寢、卽起、謳歌而音不揚、不敢登高、行於途中亦多畏、蕙以杏核爲可厭、以鬻蟲爲重物、生平嗜好、百無一存、人歸窀穸、哀者行於衢、銀索已解、金盃已毀、泉旁汲器已破、井上轆轤已折、人本搏土所爲、死則返本人之魂、靈爲上帝所賦畀、死則歸乎上帝。○傳道者曰、我觀萬事、空之又空、虛之又虛、我既有智、教民以智、專心求道、陳述箴規、我所云、嘉言也、所錄實語也、哲士之言、譬諸刺、譬諸釘、一主所諭、衆師所傳、爾小子、以此爲戒、著述若多、功不能竟、學而徒勤、適勞其心、事之大畧、爾其聽之、寅畏上帝、守其誠命、此人之大端、上帝必鞠萬事、彰其隱微、或善或惡、加以賞罰。

雅歌

【解】此所羅門之雅歌也。新婦曰：爾眷愛之情，愈於酒醴，與我接吻。爾名流芳，若芬馥之品，傾注於外，其香遠徹，故婢女愛汝。爾爲我先導，我步爾後塵，遂入宮闈，予甚悅爾，爾眷愛之情，愈於酒醴，而人之戀愛爾者，亦其宜也。謂其婢曰：耶路撒冷女乎，我顏微紫，若基達之幕，我容微美，若所羅門之幃，昔兄弟憾予，使予守園，不顧己身，遂暴於日，容色微紫，爾曹婢女勿藐視予。維我良人，予所敬愛，予不欲與爾同儔爲伍，以遨以遊，惟欲詣爾牧地，爾牧羊何所，至於日中，羊伏蔭下，又在何方，請以告我。其婢曰：姣美之妹，如爾不識其所，以爾之羊置帷幕間，可踵羣羊之迹，自能遇之。其良人曰：我視愛妃，若法老駕車之馬，爾容甚美，飾貌以珍珠，垂項以玫瑰，我必以金條銀頂飾汝之首。新婦曰：王坐席間，聞我馨香，夫子我所敬愛，視若沒藥，一絨古伯花，一簇自隱其底，之園而至，必使終夕，寢於我側。良人曰：愛妃甚美，爾目若鴿，新婦曰：夫子丰采甚都，我所敬愛，我寢此牀，其色維綠，其式甚美。我室之梁，製以柏香木，我室之蓋，製以松木。

【解】新婦曰：沙崙有玫瑰花，谷中有百合花，予竊比之焉。良人曰：愛妃在羣女間，若荆棘叢中，有百合花焉。新婦曰：夫子我所眷愛，若林樹之間，有蘋果焉。我喜坐其蔭，甘其果實，引我至宴所，被我以恩寵，心乎愛矣，令我消魂，昇我以蘋果，食我以葡萄乾，以補我力。左手扶我首，右手抱我身，維彼麀鹿，遊於田間，我指之而誓，耶路撒冷女乎，維我良人，我所眷愛，酣寢之時，爾勿驚之，待其自寤。○越日我聞夫子之聲，譬彼麀鹿，逾越山岡，踴躍而至，立於牆後，倚窗而望，由櫺而窺，告

我曰愛妃美人與我偕往冬已過雨已止花開鳥啼鳩聲遍聞無花果樹結果青青葡萄舒蕊遠吐奇馨愛妃美人與我偕往吾視爾若鴿匿於磐石藏於巖穴僅見一斑爾其出俾得觀爾麗容聆爾清聲葡萄尚嫩恐爲狐所折爾曹儔侶執之毋緩夫子倡之我必和之夫子屬我我屬夫子其味若百合花夫子我所眷愛譬彼麀鹿遊於鹿得之山曷歸曷歸待夕已過待旦已明然後相離。

**第四章** 夜寢於牀恍惚入夢求我夫子而不得我卽興遊於邑衢遍行大道求我夫子求之不得遇巡城卒問之曰我之夫子汝見之乎相離數武則遇我夫子攜手偕行引入母室維彼田間爰有麀鹿我指之而誓耶路撒冷女乎夫子酣寢爾勿驚之待其自寤越日新婦在室曰在彼烟炤驟起其狀若柱自野而來氣甚馨香有若沒藥有若乳香有若商賈所市芬芳之品此果爲誰諸婢曰乃所羅門之輿以色列族武士六十護翼而至俱執利刃善於戰鬪腰懸刀以防夜警所羅門作輿其木自利巴嫩其柱白銀其欄黃金其座赤色其下布以文繡耶路撒冷衆女所製新婦曰所羅門王娶妻欣喜母賜冕旒冠之於首郇邑之女盍出而觀之

**第四章** 良人曰愛妃甚美以巾蔽面目光流露其麗若鴿髮若羣羊臥於基列山齒若剪毛之羊已浴於沼無不懷妊且能孿生唇若絳絲言詞甚善額現帕外若石榴一方頸若大關之臺藏兵之庫中懸千千咸爲武士所用乳若雙麀嚙芻於百合花中山岡之上有沒藥乳香我將適彼夕以達旦我之愛妃爾有殊色無疵無玷我之愛妃與我偕行至利巴嫩山登亞馬拿示溺黑門之

峯其地有獅穴豹岡，於彼憑高四顧，我之新婦視若姊妹，美目送盼，玉頸微露，我神爲之蕩，我心爲之奪。爾眷愛之情，甚爲篤摯，愈於酒醴，爾之香膏，愈於芳品，唇若蜂房，滴瀝舌若乳蜜，調和衣香襲人，若利巴嫩之木。我之新婦視若姊妹，園囿已鍵，井泉已封，所植者石榴美果，古柏香木，馨香草，番紅花，菖蒲，桂枝，乳香，沒藥，蘆薈，與諸芬芳之品。園中之溪，活水之泉，發源於利巴嫩。新婦曰：願北風起，南風亦至，吹於我園，使芬芳遠徹，願我夫子入園而食嘉果。

第五篇 良人曰：我之新婦視若姊妹，我入園囿，採沒藥與香品，食蜂房與甘蜜，飲乳酪與酒醴，爾曹友朋飲之，食之以快其心。○新婦曰：我身寢而心寤，夢中聽夫子之聲，叩門呼曰：我之愛妃，美麗若鴿，德無不備，夜深露下，我髮沾濡，爾其啟門，容我入室。我曰：我已解衣，焉能衣之？我曾濯足，焉可污之？我之夫子入手於牖，我心憫之，起欲啟門，以沒藥盥手，其味馨香，沾染門楹，門既闕，不見夫子，我思其言，魂不附體，求之勿得，呼之莫應，爰遇巡城之卒，擊而傷我，奪我巾幘。耶路撒冷女乎，如遇夫子，爲我言之，眷愛之情已多，令我消魂。諸婢曰：嬌美之妹，爾之夫子，比他人之夫子，何以愈乎？爾乃告我若此。我之夫子，色白而紅，爲萬人之冠，首若兼金，長髮依稀垂柳，黑鬢彷彿堆鴉，目若溪濱之鴿，以乳洗滌，行列甚整。玉頰芬芳，有如香草，栽於園囿，絳唇若玉，莖之嫵媚，吐氣若沒藥之滴瀝，手帶金釧，嵌以黃玉，身若象牙，齒其色光潤，鑲以青玉，足若花石柱，置於金座，儀容英爽，森森然如利巴嫩之柏香木，吹氣若蘭，洵可愛也。耶路撒冷女乎，我之夫子若此。

第六篇 諸婢曰：姦美之妹，爾之夫子何往？我與汝共迹之。新婦曰：我之夫子適園，嗅芬芳之草，採



百合之花。夫子屬我，我屬夫子。斯時也，尙採百合花。良人曰：愛妃有殊色，譬諸得撒，有麗容，譬諸耶路撒冷，有威儀，譬諸張幟之軍。爾目流盼，已蕩我心，切勿顧瞻。爾髮若羣羊，臥於基列山。齒若剪毛之羊，已浴於沼，無不懷妊，且能變生。額現帕外，若石榴一方。妃嬙六十人，嬪御八十人，侍女無數。惟一愛妃，美麗若鴿，德無不備。厥母生之，眷愛特甚。嬪妃侍女，見則頌讚，曰：艷若晨光，朗耀如月，輝煌如日，威儀具備。若張幟之軍。新婦曰：我適榛園，觀谷之果，葡萄萌芽，石榴舒蕊。眷愛情深，我心蕩漾。若長者馳車。諸婢曰：書拉密女乎，歸歟歸歟。我欲觀汝。新婦曰：觀我如何。諸婢曰：若天使二營。

爾諸婢爲新婦解襦，美之曰：公主，爾足爾履，洵美矣。爾髀豐隆，猶之瓔珞，巧工所製。爾臍圓若盎孟，盛以酒醴。爾腹若積麥，周百合花。乳若雙鹿，俱爲孿生。項若象牙之臺，目若希實。本二沼近八喇品門，鼻如利巴嫩樓，與大馬色相望。首若加密山，卷髮如雲，其色維朱，爲王所覲，中心蕩漾。良人曰：愛妃至美，我甚悅懌。爾體娉婷，猶之棗樹。乳若葡萄，垂實纍然。我欲撫棗樹而執其枝。爾乳誠若葡萄，垂實纍然，鼻甚芬芳，有如蘋果。口若旨酒，依法而流，同寢者親嘗其味，以爲甚樂。新婦曰：我屬夫子，夫子戀我。爾與我來，共往田間，宿於鄉里。詰朝夙興，適葡萄園，觀其萌芽舒蕊，亦觀石榴已茁，在彼享閨房之福風。茄馨香門以外，嘉果實繁，新舊俱備。我已蓄積，供我夫子。

第八章 我欲視爾，若兄弟，同哺母乳，遇爾於外，則可接吻，不以爲異。我導爾至母室，昔母教我，逼取石榴之汁，調和酒醴，以此飲汝。容爾左手扶我首，右手抱我身。耶路撒冷女乎，我所愛之夫子。

酣寢、爾勿驚之、待其自寤。諸婢曰：新婦自野而至、與其夫偕行、相爲依倚、不識爲誰。良人曰：在檳樹下、爾母生汝、在彼我與爾相遇、眷愛情深、甚爲感激。新婦曰：願爾心懷我、手抱我、心心相印、若合符節、我愛汝甚切、至死不渝。如有他婦奪寵、我銜憾實深。雖入土猶不已、我必忿怒。烈若火焰、我眷愛爾、情甚篤摯。河水汎濫、亦不能滅。雖傾家以博愛、亦不可得。我之女弟、年未及笄、成婚之日、當如之何。良人曰：如彼難進若城垣、我作金臺以攻之。如彼易入若門戶、我用木板以圍之。新婦曰：我若城垣、我若高臺、故獲恩寵。巴力哈門有葡萄園、屬於所羅門、租於農夫。農夫因取其果、各納稅千金。我亦有葡萄園、必歸所羅門、價值千金。栽植其園者、畀以傭值二百金。良人曰：爾居園囿、我之同儔、已聞爾聲、我亦欲聞之。新婦曰：我之夫子、譬彼麀鹿、亟至山岡、嗅其芬芳。

舊約聖書

雅歌

第八章

六百六十

以賽亞書

猶大國烏西亞約坦亞哈士希西家相繼在位時亞麼士子以賽亞以猶大耶路撒冷之事得之默示者筆於書天其聞之地其聽之耶和華曰我養民如保赤子而反忤逆牛識主驢知厥惟我以色列族民不識不知我耶和華爲以色列族之聖主斯民侮子棄子逆子風俗澆漓陷於罪戾入於邪僻豈不哀哉爾旣屢犯我將加罰奈身首俱傷肝膽皆裂當擊何處自頂至踵一身不痊遍體傷瘻未彌其隙未裹以巾未沐以膏爾地荒蕪爾邑焚燬異邦之人至傾覆爾四境吞食爾土產俾爾目擊爾僅孤城所存無幾猶葡萄園之廬瓜田之舍被圍之邑而已民曰如萬有之主耶和華不俾我衆猶有孑遺則必若所多馬蛾摩拉矣曰爾曹與所多馬之君長蛾摩拉之民人無異宜聽上帝耶和華之命耶和華曰恒獻禮物與我何與爾燔牡綿羊焚肥畜之膏我所厭惡牛犢羔羊牡山羊之血我不悅懼爾來覲我穢我帷場誰命之者毋徒獻禮物若馨香月朔安息日聖會大日俱我所厭棄爾守節期又復爲惡故我不悅朔日節期我心痛疾我視若重負而厭之爾曹殺人雖舉手禱告弗輟我必不俯聞而遐棄爾當盥手潔心滌爾污俗棄惡歸善公義是行受人虐遇者必加援手孤子孀婦必伸其冤耶和華又曰爾來吾語汝爾罪貫盈其色濃若赭深若絳我必使之皓然潔白如棉如雪如爾順從可食土產享其嘉物如爾悖逆必亡以刃我耶和華已言之矣爾邑自古以來風俗敦龐以迄於今漸流於淫靡矣昔也行仁義者居之茲也嗜殺人者處之爾銀變爲滓爾酒雜以水爾之君長悖逆乎我與盜爲侶好賄賂納苞苴孤

子發婦不伸其冤。我耶和華。宰萬有。爲以色列族有能之主。今頒斯詔。必報子仇讎。雪子忿怒。輔翼我民。鍛鍊若金。消融渣滓。爾之士師。爾之謀臣。必復崛起。有如曠昔。則爾可爲淳厚之民。敦龐之俗。郇邑之民。悔過行義。則可得救。罪人惡黨。同歸於盡。凡棄我者。淪胥以亡。昔爾在園圃林樹間。奉事偶像。以爲悅懌。後必恥之。譬彼橡樹。枝葉已枯。譬彼園圃。灌溉無資。爾其似之。有爵位者。如麻。其所作爲。如火遇之必燃。同遭焚燬。撲滅無人。

亞麼士子。以賽亞。以猶大耶路撒冷之事。得之默示者。筆於書。越至末期。耶和華殿宇之山。必超乎衆山之上。高出於層巒疊嶂間。異邦族類。無不來集。衆民僉曰。雅各之上帝。卽耶和華。是。莫若登其山。入其殿。受其訓迪。遵從其道。蓋律例自郇城而出。耶和華之命。自耶路撒冷而敷布。列國分爭。主平治之。使以刀爲犁。以戈爲鑿。不相攻伐。不尙武事。爾曹雅各之家。蓋與我偕往。遵耶和華光明之道。維昔雅各家。與異邦修睦。惟尙術數。較諸非利士人東方之民。初無或異。故上帝棄之。其地金銀豐裕。財貨充斥。維車維馬。不可勝計。更有偶像林立。皆其手造。彼民也。自尊逮卑。上帝必降抑之。不加赦宥。耶和華。旣彰其震怒。有威可畏。爾曹當入於磐巖。匿於窟穴。以避其災。人卽自高。昂首仰視。必使之屈抑而卑微。蓋是日也。耶和華尊無二上。時日將至。萬有之主。耶和華。必折驕矜者之氣。使自高者降而爲卑。凡利巴嫩。干霄之柏。香木。巴山之橡樹。巖巖之衆山。巍巍之峻嶺。崇高之臺榭。鞏固之城垣。大失之舟楫。可愛之嘉物。俱使之傾覆。驕傲者流。必使爲卑。蓋是日也。耶和華尊無二上。凡諸偶像。盡歸消亡。耶和華有威可畏。勃然而興。地以震動。人

必入於磐巖，匿於窟穴，以避其災。是日也，人以所作之金銀偶像，居恒所崇拜者，投於鼯鼠蝙蝠之穴。耶和華有威可畏，勃然而興，地以震動，人必入於磐巖，匿於窟穴，以避其災。斯人也，呼吸之氣，出入於口，安能助人，勿以為可恃。

【第三章】養生之百穀，解渴之水泉，豪傑之士，雄俊之夫，鞫民之官，先知之人，卜筮之輩，以及長老五十夫長，貴介，謀臣，良工，巫覡，皆猶大耶路撒冷民所倚賴，而萬有之主耶和華悉奪之，使器小年稚者為君，以治斯民。黎庶自相凌虐，耄耋者被侮於幼稚，尊顯者見凌於卑賤，有隱而不仕者，或攬手告之曰：爾多藏幣帛，奚不為政，拯予於患難乎？其人大聲辭曰：予也，廩無餘粟，筭無餘衣，安能濟困，不敢為政。蓋耶路撒冷猶大之民，所信所行，背乎耶和華，犯天顏，干震怒，顛蹶而亡，斯民也。顏之厚矣，惡迹已彰，不思隱蔽，有若所多馬自招禍患，誠可為長太息也。宜訓於有衆曰：善者必蒙綏祉，而獲善報，惡者必遭凶災，而有惡報。萬有之主耶和華曰：維爾小民，治理爾者，不啻婦人豎子，虐遇爾曹，訓導偏頗，迷眩爾途。我將起鞫斯民，以彰公義。遍詰民長牧伯曰：爾毀我葡萄園，攘奪貧民，虜其貨財，藏於爾室，蹂躪我民，虐遇窮乏，果何為哉？耶和華曰：郇邑之女，驕侈性成，延頸遠眺，送目流盼，步細而捷，足曳金釧，音韻鏗鏘，我必使之頭童寡髮，辱於衆前，除其足釧，解其彩絡，脫其月笄，去其耳環，手釧，褫其蔽面之帕，摘其蒙首之巾，以及足練，文紳，香盒，祛邪之籙，指環，鼻環，華衣，公服，外飾之裳，荷囊，銅鏡，袒服，蔽首之帕，被身之巾，除其馨香，蒙以不潔，去其彩紳，繫以縲紲，髡其卷髮，代以童首，褫其繡衣，束以麻布，毀其姿容，加以烙印。郇邑之丁男，亡於

鋒刃、武士死於戰陳。邑門寂寞，民坐塗炭而哭泣。七婦將求一夫曰：我儕衣食，足以自給，惟願有夫之名，俾得洒恥於人間。

患難之後，耶和華所長之枝柯必且向榮競茂。斯土所產，既嘉且碩，使以色列族免於災害者，得而安享。斯時也，郇邑與耶路撒冷之遺民，隸其名於生齒之籍，得稱爲聖。在昔郇邑及耶路撒冷之民，嗜殺人行淫亂，主震怒之，降以重災，洗滌其污。於是郇山之室，民會之處，榮光焜耀，耶和華必加護衛，畫蔽以雲，夜燭以火，烈日炎熇，驟雨滂沛，亦將覆幬以庇護。

夏友有園栽植葡萄，因作歌以賦其事。歌曰：夏友有園栽植葡萄，在彼山岡，其地膏腴，開墾土壤，掃除沙石，擇其嘉種，植之於中，建峻臺，掘酒醱，奠結嘉實，反生惡果。園主曰：猶大耶路撒冷之居民，今汝觀我葡萄園，辨其是非，我栽培此園，無以復加，奠結嘉實，乃生惡果，何也？我語汝，今此葡萄園將何以處之，必撤藩衛，任其吞噬，毀垣墉，聽其蹂躪，不治不修，變爲荒蕪，荆棘叢生，使天不雨，萬有之主耶和華，視以色列族猶大之民，無異葡萄園，無異嘉種，使行仁從義，惟彼嗜殺人行暴虐，小民號呼，強據宅第，多得土田，不遺隙地，推其意，幾欲獨攬遍境，深可疾也。萬有之主耶和華諭示於我曰：彼之華堂廣廈，悉變荒蕪，不留一人。葡萄園三十畝，所產僅酒六斗，穀種六百斗，所產僅六十斗，其人夙興縱飲無度，迨至薄暮，更覺沉湎，若此必有禍患。飲宴之時，鼓琴彈瑟，播鼓吹簫，耶和華之彰輝，彼不以爲意，我民無知爲人所擄，尊者饑，黎民渴，陰府恢廓，厥口孔張，使華靡淫樂者，實繁有徒，俱陷於下，由尊速卑，皆必降格，雖昂首仰視，必使之屈抑，萬有之

主至聖之上帝耶和華，惟秉公義，必推爲尊富厚者之田宅。今皆荒蕪，異邦之人，牽羊以至，隨意  
嚙芻，人行惡而取戾，若以索曳車，其有禍乎？彼曰：願以色列族之聖主速行其旨，俾我見而知之  
焉。人而以善爲惡，以惡爲善，以暗爲光，以光爲暗，以苦爲甘，以甘爲苦者，禍必及之。自恃爲智慧  
聰明者，亦有禍矣。人耽於酒，醞釀佳醴，爲量甚大者，必有禍矣。人納賄賂，誣善而罪之，袒惡而釋  
之，禍不遠矣。耶和華萬有之真宰，以色列族之聖主，定律例，立法度，彼蔑棄之，藐視之，故必敗亡。  
若火之燬稈，若蹂之燃芻，本實必撥，花蕊必謝。耶和華震怒其民，舉手攻擊，使山巖震動，尸相枕  
藉，有若街衢之土壤，其忿怒猶未息也。其降罰猶未已也，必張其旌旆，號召地極之民，招徠遠方  
之衆，倉猝之間，無不咸集。其中困乏者無人，顛躓者無人，寢寐者無人，不褫其帶，不解其履，礪其  
鏃，則甚利，引其弓，則已滿。馬蹄堅於火石，車輪疾於颶風，狂吼若牝獅，咆哮若稚獅，斷傷其所得  
曳入於穴，欲求援手，迄無一人。蓋是日也，敵軍之勢，若海濤之澎湃，人望岸間，其象愁慘，其色幽  
暗，晦其光明，蔽以鬣鬣。

**第六章** 烏西亞王崩時，我見主坐高位，衣裳垂蔽殿宇，哂啞啞侍立，各有六翼，以二翼蔽面，二翼  
覆足，二翼舒展。此唱彼和曰：聖哉聖哉聖哉，萬有之主耶和華，榮光赫奕，彌綸寰宇，聲震門楹，一  
室之中，烟燄四塞。我曰：余與斯民，滿口穢濁，得覲大君，親萬有之主耶和華，我命其尙可保乎？禍  
必不遠矣。有哂啞啞以鐵鉗取壇上熱炭，翱翔而來，舉炭置余口，以是置爾口，欲除罪戾，而去  
愆尤。吾聞耶和華之聲，曰：當遣者誰，孰爲我儕往？我曰：余在此，遣我可乎？曰：往告斯民，云爾將耳。



聞而不聽，目視而不明，任斯民心頑，作硬耳聾，目瞶，免其目視，耳聽心悟，遷改而得醫焉。我曰：主歟！將至何時，曰：迨乎城垣傾圮，土地荒蕪，燕室廬寂，無人居之。斯土之民，我耶和華必徙諸遠邦，故土蕭條，其中居民，尙存什一，屢遭喪敗，譬彼橡樹，雖經斬伐，猶留其幹，爲善之人，亦若是。

**第二十章** 猶大王烏西亞孫，約坦子亞哈士，時亞蘭王哩汎，以色列王哩馬利子比迦，咸至耶路撒冷，攻城不下。或告大闢族曰：亞蘭人與以法蓮人，結爲黨援，大闢族聞之，君民震懼，心搖搖如風木。耶和華諭以賽亞曰：漂工有田，田間有道，近上沼之溝，爾與爾子謝雅述往彼，以迓亞哈士。告之曰：哩汎率亞蘭人，與哩馬利子相會，其怒雖烈，不過二火炬之餘燼，僅有微烟，爾勿畏，勿喪膽，可安爾心。亞蘭王與以法蓮王哩馬利子謀攻爾，我儕往攻猶大，使其恐懼，奪其土地，立大庇押子爲王。然我耶和華云：此謀必不成。亞蘭以大馬色爲都，大馬色以哩汎爲王，以法蓮以撒馬利亞爲都，撒馬利亞以哩馬利子爲王。未及六十五載，以法蓮族必敗國不成國，如爾不信，亦弗能恒存。耶和華告亞哈士曰：爾求異蹟於上下，我耶和華爾之上帝，必施行焉。亞哈士曰：我不敢也，恐以爲試耶和華。以賽亞曰：大闢族宜聽我言，爾作不善，人已難堪，又必欲使上帝厭爾乎。我主必以異蹟顯示於爾，將有處女懷妊生子，人稱其名，以馬內利，彼食酪飲蜜，迨其知識已啟，以別善惡。當其年華未富，明睿未開之日，爾所懼之二王，其國必爲墟。耶和華將使亞述王降災於汝，及爾國家，自以法蓮叛猶大國，迄今未有若是之甚。當是時，埃及之民，處於河濱，耶和華呼集之，如蠅羣飛。亞述之人，耶和華號召之，若蜂之擁，俾至斯土，棲於荒谷，牧地，伏於巖穴，叢棘。

亞述國王河外之人，爾饋以金，耶和華反使之翦滅爾民，若刀薙毛髮，去髻鬚，自頂放踵，幾無噍類，其有遺民，惟食乳飲酪，一人所牧牛一羊，二出乳故多，民惟食酪而已，昔有葡萄園，栽樹千株，值金五百，茲其處荆棘叢生，人欲適彼，非執弓矢不可，昔有山岡，既修既治，今生荆棘，人不敢往，牛羊踐之。

第八章 耶和華告我曰，索大簡，以民間通行之文，書馬黑沙辣哈八數字，我請祭司烏利亞及耶庇哩家子撒加利亞爲確證，我與妻寢一索而得男，耶和華命名馬黑沙辣哈八，日子尙幼，未知呼其父母，大馬色及撒馬利亞之貨財，必爲亞述王所虜，耶和華復諭曰，大關之族，馭下以寬，若示耀之水，其流漫衍，斯民棄之而悅服，哩汎及哩馬利子，故我必使亞述王，率師襲之，若大河狂流，勢洶湧而逾岸，泛濫猶大國，幾將滅頂，左翼右翼之兵，遍於以馬內利四境，故我告衆曰，遠邦之人，宜聽我言，爾雖震怒，戎服備戰，必見傷殘，終歸糜爛，所謀不成，所命不立，蓋上帝實左右我，耶和華深感我心，俾我勿從斯民，曰，彼言二國要盟，爾勿從而和之，彼畏憚，爾勿畏憚，我萬有之主，耶和華，爾當敬恪尊崇，我將扞衛爾，惟以色列二族及耶路撒冷居民反是，故我必譴之，若蹶於磐石，若墮於機檻，維彼衆人，必蹟而顛，被陷害，遭糜爛，所證之言，所命之書，當繫之以繩，鈐之以印，授諸門人，先知曰，雖耶和華不顧雅各家，我仍仰望靡已，蓋萬有之主，耶和華，居於郇山，我與所賜之子俱在，耶和華，俾我僑爲之兆，以示以色列族焉，或曰，維彼巫覡，及爲神所憑者，何不問焉，其聲綿蠻，其音微細，則應之曰，人豈不當問於上帝哉，生人之事，詢於死者，亦奚以爲，當察

作證之言，必稽出命之書，否則不覩旭日之光。經歷斯土，饑饉困憊，既已枵腹之堪嗟，自必中心之發憤，詛咒君王，謗譏上帝，顧瞻上下，無非幽暗患難，昏黑杳冥之域矣。

爾雅越在疇昔，西布倫納大利沿海之地，約但河上，異邦之加利利，此數邑者，屢被凌辱，迄於後日，不遘艱難，必得榮顯，處暗之民，已見大光，居死地陰翳者，有光射之。維爾恢廓其國家，悅豫其性情，彼於爾前，欣喜不勝，若刈禾之時，得財之日，以欣以悅也。昔米田人，虐遇斯民，負以重軛，加以鞭扑，爾拯救之，折其杖箠，迄於今亦若是。戰士之履，音響遙聞，血染征衣，惟此武備，俱當焚燬，子將誕生，上帝所賜，我受其益，彼必負荷國政，其名不一，稱爲神妙哲士，全能上帝，永生之主，平康之君，繼大關之位，其國昌大，長享綏安，保定之，延釐之。維公與正，自今而後，永世靡暨，萬有之主，耶和華，必熱中而行之。○主言必罰雅各家，以色列族，使以法蓮，撒馬利亞居民，無不共知，彼心驕志傲，常自言曰，瓦傾圮，我以石建，桑斬伐，吾用柏香木，故耶和華，必使哩汎之敵人蜂起，衆寇糾合，以攻以法蓮，東則有亞蘭人，西有非利士人，厥口孔張，吞噬以色列族，主之忿怒，猶未息也，主之降罰，尙未已也。耶和華爲萬有之主，屢擊斯民，尙不知悔改，以求施恩，故一日之間，耶和華絕以色列族之衆，自尊逮卑，自喬木至於叢葦，靡不斬伐，具齒爵，其尊者也，爲僞師，其卑者也，訓導斯民者，偏頗是尙，爲所蠱惑者，淪胥以亡，維彼狂妄之徒，言僞而行惡，故主不悅其丁男，不惜其孤寡，其忿怒猶未息，其降罰猶未已，彼作惡事，災及其身，如荆棘之遭焚，如叢林之被熱，烟燄上騰，萬有之主，耶和華震怒，燬其國民，有若芻蕘，焚之務盡，雖兄弟不相顧，左吞右噬，猶不

厥足、而自嚙其臂、馬拿西攻以法蓮、以法蓮攻馬拿西、二族兼攻、猶大上帝之忿怒猶未息、降罰猶未已也。

第十一章 立法嚴酷、載之典章、虐遇其民、其有禍乎、彼屈抑貧乏、不伸其冤、攘奪孤寡、而取其利、待主降罰、使遠邦之人橫加侵伐、爾將何爲、求救於何人、藏寶於何地、主既退棄爾、不爲人所俘囚、必爲人所殺害、主之忿怒猶未息也、主之降罰尙未已也。○我震怒斯民、使亞述人爲杖、筆以擊之、亞述人亦有禍矣、我民僞善、我必震怒、使亞述人擊之、攘奪其貨、蹂躪其身、若達衢之糞壤、亞述人之所爲、非欲成我之志、其意乃爲翦滅列邦、彼曰、我之牧伯、可儼列王、我滅甲呢若迦、基密滅哈未若亞八、滅撒馬利亞、若大馬色、列國之偶像、較耶路撒冷、撒馬利亞尤衆、亦爲我所翦滅、撒馬利亞我已滅其國家、毀其偶像、豈不能以此待耶路撒冷乎、主曰、我降災於郇山、及耶路撒冷、旣畢其事、我必伐亞述王、汰其驕心、去其仰視、彼曰、我有智有能、克勝鄰邦、虜其財、得其地、惟自恃其能而爲之、我擊天下、得人貨財、如覆巢取卵、雌鳥遠飛、無有哀鳴、而鼓翼者、主曰、人以斧鋸、斬伐林木、斧鋸得自以爲功乎、以杖筆扑人、杖筆能自運動、而自視爲非木乎、故萬有之主將使肥健之人、變爲瘦瘠、尊榮之輩、蕪以烈火、以色列族至聖之主、輝光遠燭、勢若焰火、一日間必毀亞述人、若焚荆棘、茂林良田、俱遭焚燬、中有餘木、其數惟寡、小子可稽察之、亞述王身必喪、命必絕、如病者之漸瘳、當是時、以色列族雅雅各家所遺之民、不恃敵人、惟其聖主耶和華是賴、雅各之遺民、歸乎全能之上帝、以色列族其數雖多若海沙、而歸服者亦僅無幾、萬有之主耶和華、秉

公行義以治民，必在國中翦滅斯衆，其意已定。萬有之主耶和華，告郇邑之民曰：亞述之衆，我民勿懼之。彼舉杖箠，加爾以扑責，與昔埃及人無異。惟我不久必滅亞述民，以洩我忿。我萬有之主耶和華，將使人擊之，有如疇昔在阿立磐擊米田，在海濱擊埃及人然。當是時，爾可弛其負荷，去其仔肩。若牛甚肥健，而折其軛。亞述人至亞葉，經密倫，於密抹駐其輜重，已濟厥河，宿於基巴拉。馬之民無不震懼，掃羅之其庇亞人靡不遁逃。伽林之女，揚聲而呼，使拉億人聞之。亞拿突人其有禍乎？末米拿之民，咸避匿矣。基品之衆，皆奔潰矣。一日者，敵居於諾，舉手而指，欲攻郇邑之山。耶路撒冷岡巒，我萬有之主耶和華，赫兮煇兮，伐其巨枝，折其雄幹，使高者降爲卑，持其斧斤，斬其林木，使豪傑之士盡斫利巴嫩之樹。

第十一章 耶西之根株，必將萌蘖。耶和華之神賦之，使有智慧，使有謀力，知耶和華之道而寅畏之。知人崇事耶和華之誠，不待目見耳聞，而是非悉辨，爲困乏與謙遜之人聽訟。秉公行義，作惡者流，必遭箠楚，以辭氣滅之。腰束以誠，腎繫以信，當是時，狼與羔同居，豹與羊同羣，肥犢獅子同處，三尺之童牧之，牛熊同食，其子共伏，獅將嚙芻若牛，赤子將玩於蝮巢，方斷乳者，置手於蛇穴。在我聖岡，悉無所害，蓋耶和華之道，遍於天下，若水在海，無往不有。當是時，耶西之根株萌蘖，爲民之靈，異邦族類歸之，其在榮光爛焉。主將舉手，再拯其遺民，使自亞述埃及八羅古實，以擲示拿，哈末及海之洲島而歸，在列國張其旌旆，號召以色列，猶大流亡之衆，自地四極而至。當時以法蓮猶大二國，不相仇，不構怨，西侵非利士人之境，東擄敵之輜重，伐以東，摩押，俾亞捫族。

歸服焉。耶和華將滙埃及海口，吹以狂風，震蕩大河，分爲七支，使人曳履，可以得濟。所遺之民，自亞述由大道而歸，與昔以色列民出埃及無異。

當斯之時，流民復集，僉曰：耶和華昔震怒余，今怒已息，且加慰藉，故予頌美之焉。耶和華上帝拯余，予恃之以無恐，援予，予必謳歌，極其揄揚。民自福泉，權然以汲，歌曰：當顛呼耶和華，揄揚其聲名，頌美其經綸，遍於民間。耶和華所爲，赫兮咍兮，無不知之。當謳歌焉，郇邑之民，大聲而呼，以色列之聖主，居其中，至大無比。

亞麼士子以賽亞，以巴比倫之事，得之默示者，筆於書云：張旌旆於童山，號召厥衆，招之以手，俾進民牧之門，主有傑士，召爲執事，以洩其憤，莫不踴躍，樂奏其能。萬有之主耶和華，核數軍實，使臨戰鬪，岡巒之上，國民和集，威聲遠振。耶和華赫然震怒，爰整其旅，以滅斯土。來自遠方，至從地極，耶和華爲全能之主，降以大災，殲滅斯邦。其日伊邇爾當號泣不已。爾手疲膽喪，戰慄穀隄，艱難勞苦，如婦將產，彼此相對而咨嗟，容色維頹，若炙以火。耶和華勃然震怒，其日伊邇爾其勢甚烈，若火之燃，翦滅國家，掃除羣醜，星辰不顯其光，日變晦冥，月隱焜耀，天下億兆，咎戾滋多，主必罰之。高者降之爲卑，強者汰其驕心，使民數凋零，少於阿妃之兼金。萬有之主耶和華，忿怒殊烈，震動天地，人將逃遁，若被逐之鹿，無牧之羊，咸歸厥所，以避其害。其尙留邑中者，則必被殺，遁逃於外者，必亡於刃，擲嬰孩於石，使彼目擊，室中之貨財見虜，妻孥被玷。主使米太人擊爾，雖饋以金銀，彼不納焉，以弓撻少壯，不恤孩提，不憫孕字。昔巴比倫富甲萬邦，爲迦勒底人所尊。

厥後必爲上帝所敗、若所多馬、蛾摩拉然。自茲以後、代無居人。亞喇伯人不張其幕、牧者不使羊憩息、其境爲野獸所藏伏、其室爲鴟鵂所棲止、雌鴟鳥居處於斯、魍魎踴躍於斯、暴獸嗥於深宮、野犬遊於華殿、其時將屆、其日伊邇。

**第十四章** 耶和華矜恤雅各家、以色列族復選爲民、使歸故土、異邦人附之、以色列族爲異邦人所扶翼、旋返桑梓、卽耶和華駐蹕之所、得異邦人爲僕爲婢、供其服役、昔則見擄於人、今則擄人、昔則受制於人、今則制人、以色列族蒙耶和華援手、免於患難、不復穀餼、脫於賤役、遂作歌以刺巴比倫王、歌曰、昔虐遇人、強取人金者、今已絕矣。昔發憤怒、鞭扑閭閻、不知底止、虐遇鄰邦、不加矜恤、以苛政制人者、今耶和華已折其柄矣。天下綏安、揚聲謳歌、利巴嫩之柏香木、松木、交相慶曰、自巴比倫傾圮、無人斬伐、陰府震動、待爾速下、幽冥之衆、莫不騷然、昔居民上、爲國之王者、見爾臨格、離座而起、曰、爾豈如我之荏弱哉。爾素華靡、鼓琴作樂、今入窰窰、下有尺蠖、上有蚯蚓、爾素爲明星、今乃隕自天、昔則敗列國、今乃見滅絕、爾自謂必昇天、位崇隆、越乎至高之星辰、坐峻峭之山、入大會之中、躋北極之所、將及雲霄、比擬至尊。今爾下陰府、幽冥之所、見爾者必駭然曰、震動天下、使列國畏懼、荒其四境、毀其邑垣、不反俘囚者、非斯人歟。列國諸王、葬於陵寢、封殖巍峨、惟爾旣絕、不能入土、如最惡之根株、如亡於刃者、在巖穴之間、尸相枕藉、爲人蹂躪、昔爾亂國、紀害兆民、故不得宴然、以正邱首、作惡之人、其後必無令名、父旣犯罪、戮及子孫、不復振興、不建邑城、不得寸土。萬有之主耶和華曰、我將勃然而興、滅巴比倫遺民、塗抹其名、延及王之宗室、淪

胥以亡，掃除巴比倫之邑，變爲水澤，蝟集其處。萬有之主耶和華矢之曰：我意已定，我命必成。亞述軍至我地，防我岡，我必覆亡之。蹂躪之，脫民於苛役，去民之重軛。此我所命於天下所行於列國中，我萬有之主耶和華命之，誰得廢之？行之，孰能禦之？亞哈士王崩時，以賽亞以所得之默示，播告於衆，曰：非利士人歟，扑責爾者，茲已覆亡，爾見之，勿欣喜。蛇遺卵，必有蝮出，後成毒蛇，且能飛騰。我國之民，雖至窮困，必安然居處，不遭侵伐。爾邦之人，必饑饉而死，所子遺者，俱亡於刃。是皆主所使然。爾非利士民，已喪厥膽，大聲號哭，蓋敵自北方叢集而至，若烟燄四塞，皆爭先恐後，鄰封遣使至，將何以答之？曰：耶和華建造郇邑，貧民實倚賴之。

以賽亞以摩押之事得之默示者，述於左。亞耳吉，摩押之二邑也，夤夜被襲，淪胥以亡。摩押人登巴益，底本，崇邱，哭泣不勝，鬚髮盡薙，爲尼破，米底巴之遭難，號呼靡已。市塵之民，衣麻屋頂之人，號泣潛焉出涕，希實本以利亞利二邑，大聲號泣，遍聞於雅哈斯。摩押之武士號呼，其心悚懼，我心爲摩押哀，避難之民，聲聞瑣耳，與三歲之牛長鳴相若。陟路欽岡則哭，至何羅念見其被毀，則爲之哀。蓋寧琳之汲道已絕，青草已枯，菜蔬已槁，故所得之貨財，必攜之濟柳溪。摩押四境號泣不已，其聲遙聞於以客蓮別以林底門之溪，盡成流血。底門人遭難，我復益其災。摩押遺民有倖免者，使見囓於獅。

必納羔羊於牧伯，自西拉遠曠野，至於郇岡。摩押之女，在亞嫩津者，猶鳥離巢，棲止靡定。日請示我，爲我折中，時至亭午，請施庇蔭，有若昏夜。子逢驅逐，爾其匿之，子避患難，爾其藏之。



我流亡之民，容與爾居，爾保護之，不爲殘賊者所害，於斯土也。虐遇者必止，糜爛者必息，蹂躪者必去。由是嗣大闢爲王者，矜憫爲懷，秉公行義，眞實無妄，厥祚綿長。曰：我聞摩押人驕傲矜誇，縱肆無度，不懷誠懇之情，故摩押四境，必相號泣。吉哈喇泄之基，必遭傾圮，居民哀慘。希實本之田，實馬之葡萄園，俱變荒蕪，昔其嘉種，延及牙設，藤至曠野，蔓及鹽海，今爲列國之牧伯所毀，故我爲實馬之葡萄與牙設人，同聲號泣。爲希實本，以利亞利，潸然出涕，蓋爾夏所收秋所斂者，敵人鼓譟攘奪。昔在良田園囿，人咸欣喜，載謳載歌，歡呼靡暨，今歸烏有人踐酒醑，蓋藏而呼，茲已不聞其聲。摩押與吉哈喇泄，患難旣臨，我心戚戚，若琴聲之哀慘。摩押人屢陟崇丘，不勝困憊，詣殿禱告，不蒙眷祐。越在疇昔，耶和華以摩押之事諭余，有此默示。今益其詞曰：三年之內，若傭之定期，摩押人之榮，將變爲辱，實繁有徒，所存無幾，遺民荏弱。

第十七章 以賽亞以大馬色之事得之默示者，述於左。萬有之主耶和華云：大馬色之邑，將爲瓦礫，亞羅耳之邑，將爲荒蕪，羣羊在彼，或寢或訛，無人驅之。以法蓮之城垣將毀，大馬色，亞蘭國必喪，如以色列族之榮華，歸於烏有。當是日，雅各家肥健之人，變爲瘦瘠，尊榮之輩，降爲卑賤，民人被虜，若哩之音谷中人，刈禾懷穗，尙有遺民，若收橄欖果時，高樹之巔，猶遺二三顆，繁枝之上，僅存四五枚。我以色列之上帝耶和華，已言之矣。以色列族之聖主，爲造化之主宰，人瞻望之心，存敬恪，凡祭壇木偶日像，人手所作者，咸不瞻望焉。當是日，雅各家鞏固之城，變爲荒寂，與昔以色列族未至之時，山林中所遺之古蹟，無以異也。全能之上帝，援手爾，扶翼爾，爾遺忘之，故爾栽植

嘉種必得自遠方，晨夕培養，待及穫時，望得嘉果，反增憂患，我聞異邦之衆，譁然若海濤潮，威聲遠振，惟上帝叱咤之，使彼逃遁，猶之糝糠，爲颶風所飄揚，猶之草芥，爲狂飈所吹散，暮時穀穡未及黎明，已歸死亡，凡擾奪我儕者，其報若是。

**第十八章** 古實河外，左翼右翼之軍，器械鏗鏜矣，吾有言告爾，古實遣使，以荏爲舟，浮水沿河而至，我曰：歸哉歸哉，疾趨之，使爾故土之民，魁偉裸體，自古以來，有雄武之名，勇敢而戰必克，其國之河支派分流，天下億兆，與有張旆於山者，爾當觀望，有吹角於野者，爾當諦聽，耶和華諭我曰：安坐在上，鑒觀於下，若日之炎熇，若秋之零露，我必翦滅其軍，若秋未屆，花蕊已結，葡萄未稔，以鏟刪其枝葉，去其藤蔓，爲鳥所巢，獸所穴，自夏及冬，禽獸聚處焉，當是日，魁偉裸體之民，自古以來，有雄武之名，勇敢而戰必克，其國之河支派分流，斯民也，必至郇山，貢物於萬有之主耶和華。**第十九章** 以賽亞以埃及之事，得之默示者，述於左，耶和華乘雲迅速，灌臨埃及，埃及之偶像震動，埃及之人民恐懼，萬有之主耶和華曰：我必使埃及人兄弟友朋，城邑邦國，互相攻擊，埃及人必喪厥膽，其謀爲我所敗，彼雖求偶像，爲神所憑者，以及巫覡之輩，亦必委之於殘忍之主，暴虐之君，涸其江水，絕其河流，其水盡臭，濠渠必竭，荏葦全枯，河濱平原，所植之物，盡衰悴矣，投釣水中，張網波際，以取魚者，咸號泣矣，擘麻織布者，大失厥望，柱石傾頽，傭人憂慮，鎮安之牧伯，法老之謀士，忽爲愚懵，焉能告法老曰：我乃先賢之後，前王之裔哉，萬有之主耶和華，已定厥命，降災埃及，若爾有賢人，必能知之，知之必能告爾，鎮安之牧伯爲愚，挪弗之君長見惑，支派之宗使之

迷途。耶和華賦埃及以昏昧之心，使之行事舛錯，若醉者哇吐，跣步不能自主。埃及人自尊，卑自國之棟梁，至民之微賤，皆無職事。萬有之主耶和華舉手一揮，埃及人無不畏懼。同於婦女，其意既定，攻擊埃及，使埃及畏猶大。聞風戰慄，當是日，埃及國中五邑之民，咸效迦南方言，指萬有之主耶和華而誓。其中一邑，命名太陽。埃及國中，必築臺以祭耶和華。埃及邊疆，必立柱以頌耶和華。埃及人被虐遇，禱告於耶和華。耶和華挺生救主，以拯厥眾，而伸其冤。立柱爲證，俾人記錄。耶和華必訓誨埃及人，使之識彼獻祭品，貢禮物，許願奉事，而償其願。維彼埃及耶和華始則降，以災終則援以手。埃及人歸耶和華，耶和華聽其祈，加以拯救。當是時，必有通衢自埃及達亞述二國，各相往來，共奉事主。以色列族暨彼二國，共享福祉於斯土。萬有之主耶和華將錫純嘏曰：埃及人，我之選民。亞述人，我所締造。以色列人，我所素得，俱蒙福祉。

亞述王撒根遣大單至亞實突，攻而破之。是時耶和華諭亞摩士子以賽亞云：爾身衣麻，足曳履，俱當去之。以賽亞遵命，裸程跣足而行。耶和華曰：我僕以賽亞裸程跣足，行於衢路，已閱三年，可爲預兆，以示埃及古實人。斯後亞述王伐埃及古實，虜其旄倪，使之裸程跣足，露其下體，以凌辱之。昔瀕海之民，惟埃及是誇。古實是恃，後必蒙羞而懷恐。曰：我素望彼，得救於亞述王。今彼敗亡，我何能免於難哉。

以賽亞以河外之平原，得之默示者，述於左曰：爰有軍旅，來從曠野，譬彼狂飈，自南而至。我得默示，知患難將至，強者行攘奪，暴者行虐遇，無所禁止，以攔人。米太人往哉，環攻巴比

倫維昔巴比倫俾民哀號，已不令此聲入耳矣。巴比倫人曰：我罹患難，憂心戚戚，劬勞如臨產之婦，恐懼穀，不忍見聞。我心昏迷，戰栗特甚，深宵宴樂，忽變駭懼，設席宴享，爰遣邏卒巡更，呼曰：羣伯速興，備爾干戈。主謂我曰：遣戎稽察，有所見即呼告。適見驍騎齊驅，並駕駝驢成羣。於是傾耳諦聽，大聲呼曰：彼來若獅，我主歟。余巡守已永朝矣，屹立已永夕矣。今見驍騎齊驅，並駕曰：巴比倫城其傾圮乎？其傾圮乎？偶像遭毀，顛躓於地。余曰：我民被蹂躪，若春穀於場圃，萬有之主，以色列族之上帝耶和華，宣諭乎我。我已告爾。○以賽亞以士馬之事，得之默示者，述於左。自西耳有人招子曰：戍卒歟，民遇患難，如在昏夜，其事可若何？呼之者再應之曰：旭日將至，昏夜亦至。爾欲詰子，必先悔爾心，乃可。○以賽亞以亞喇伯之事，得之默示者，述於左。底但之旅，結隊而行，當於亞喇伯曠野，留信宿焉。提馬居民，以水供渴乏，以餅給逃亡，彼避利刃弓矢，戰鬪而來。主諭我曰：未及一載，基達之榮悉廢，若傭之有定期，其執弓之武士，尚有留遺，則必滅其數焉。以色列族之上帝耶和華已言之矣。

第二十三章 有谷名默示者，以賽亞以斯谷之事，得之默示者，述於左。曰：爾之居民，俱登屋巔，其奚以故。維爾邑衆，昔則歡然以喜樂，今則譁然而鼓譟，雖無戰鬪，戈兵已被殺戮。爾之羣伯遁逃，不思挽弓，咸被俘囚，自遠方來，居於爾邦者，亦爲所獲。我民見敗，我哭甚哀，雖有眷顧慰藉者，我弗受也。萬有之主耶和華，今在默示谷，降以大災，使民潰亂，遭敵人蹂躪，城垣傾圮，號呼之聲，徹於山岡。以攔人皆屬橐駝，驍騎成羣，吉人負盾，車填美谷，騎逼邑門，猶大之護衛已絕，惟有器械。

藏於林庫，洵可望也。回見大關城垣，隙處甚多，惟下沼有水，滙於一處。耶路撒冷之室，綜核其數，毀厥宅第，以葺城垣，內城外郭之間，鑿池以蓄舊沼之水，自昔以來，降此災者，爾何不仰望之。今萬有之主耶和華，頒厥詔命，使爾號哭，薙髮衣麻，惟爾欣喜歡忭，宰牛殺羊，食肉飲酒，曰：寧圖飲食，明日死至矣。萬有之主耶和華，諭示於我曰：斯咎雖死不贖，萬有之主耶和華已言之矣。又諭我曰：有設拿者，爲王左右，掌王宮闈，爾往告之曰：爾於此鑿墓，營窀穸於高磐之上，意以爲可久歟，抑爲爾骨肉之親也。不知耶和華必奮力以執爾，擲爾於外，轉爾若石，投諸遠方，死亡於彼，既玷主室，爾之美車，必遷移焉。主必削爾職，奪爾位，然後召其僕，希勒家子，以利亞金，使之被爾衣束爾帶，任爾職，爲耶路撒冷民猶大家之師。主必以大關家之鑰，荷於厥肩，使彼闕則無有能闕，闕則無有能闕，主必安其位，若釘釘於柱，堅不可搖，以爲宗族光，使彼全家，爰及子孫，皆恃彼一人，若懸器皿於釘，無論美惡，萬有之主耶和華曰：維爾設拿，雖釘釘於柱，亦必不堅，所懸之物必墮，我耶和華已言之矣。

以賽亞以推羅之事，得之默示者，述於左。推羅喪敗，宅第全墟，關梁已毀，大失羣舟，泊於基底，聞之哭泣不已。昔西頓商賈，航海而來，載厥貨財，藏於推羅洲島，今其地之民，震懼不勝，夫推羅本爲輻湊之區，西曷河畔之民，載穀而至，推羅之城，築於海中，自謂生齒蕃衍，若母之育子女，今則無矣。西頓之民，聞言無不媿慙，埃及人聞推羅遭災，爲之傷感靡窮，洲島居民，哀聲慘戚，遷於大失，自古以來，推羅之民，歡愉悅懌，今則遷徙遠方，推羅商賈，尊同牧伯，封人爲君，今

違患難，孰定斯命。萬有之主耶和華，已定命焉。變榮爲辱，降尊爲卑。大失居民，遨遊於四方。如河水四溢，推羅人不復挾制爾矣。耶和華舉手撼瀕海之國，頒詔墮迦南之城。曰：西頓人見敗，若處子被玷，不復忻喜。雖往基底，不獲安居。昔迦勒底未建國時，其民爲野民。亞述人使之雜處，今築崇臺，毀推羅之宮殿，悉爲瓦礫。推羅之城，夙稱鞏固，今城已亡。大失舟子，無不號泣。當是時，推羅爲巴比倫之王統轄，人不復念及者七十年。旣逾其期，推羅人必將歡樂。若妓之謳歌，歌曰：推羅之人，昔爲人所遺忘者，必鼓瑟鼓琴。若優若妓，逍遙城闕，反復謳吟，使人追憶。旣越七十年，耶和華將赦宥推羅。推羅人復圖厥利，與天下列國貿易相通。惟彼貨財，不藏於室，獻於耶和華。崇事耶和華之人，必獲其利，飲食甘旨，衣服麗都。

耶和華使斯土荒蕪，國家傾覆，居民離散。若庶人若祭司，若僕若主，若婢女，若主母，若醫諸人，若購於人，若貸人以金，若借人之金，若得子母，若納子母者，俱必流離失所。斯地必爲邱墟，劫掠殆盡。耶和華已言之矣。土地荒蕪，居民哀哭，位高者亦廢。民旣犯法違例，爽其永約，故斯土咸染污穢。上帝降災，居民遭譴，如受火烙，存者無幾。葡萄之樹，枝葉全枯，新釀之酒，臭味俱變。昔之權愉者，今則慨歎。播鼓琴者，無人欣喜。歡竹已止，飲酒之時，不再謳歌。以醇醪爲甚苦，毀其城垣，鏗其宅第，無人得入。歡樂變爲憂戚，通衢之民號呼，欲飲酒以消愁。城中荒蕪，邑門被毀。斯土之民，旣遭斯難，尙有子遺。若收橄欖果，拾葡萄實，猶留數顆。遺民逃避，至於海島，以耶和華威儀赫奕，載謳載歌。其聲嘹唳，在彼東方爰及西海。人揚聲謳歌，以色列之上帝耶和華，自地

之極聞謳歌之聲云義者當得尊榮我曰余遭患難形消骨立素擾奪人者今擾奪余矣。居斯土者惟有驚駭坎阱機檻而已逃於驚駭者必陷於坎阱出於坎阱者必罹於機檻蓋穹蒼破隙大地震基斯土搖撼震裂若醉者跬步不能自主如搖林踴躍不定蓋斯民之罪甚重故遭傾覆不能復起當是時萬有之主耶和華爲君於耶路撒冷以及郇山於諸長老前顯其榮光罰斯土之王高位之臣若令日月韜光隱耀使之蒙恥如罪人囚於囹圄歷日既久復加眷顧。

**第二十六章** 耶和華歟爾爲我之上帝吾揄揚爾頌美爾爾施異蹟自昔以來言出惟行爾使城垣變爲瓦礫異邦都邑一圯不振故昌大之國强悍之民必虔共寅畏讚美乎爾強暴之人若風撼牆窮民遭難爾扞衛之颶風狂飈爾扶翼之烈日炎熇爾庇廕之異邦之民鼓譟而來強暴之徒謳歌以至爾挫其銳氣猶之曠野炎烝爾覆以天雲萬有之主耶和華於此郇山賜宴羣民既有肥甘又有旨酒滄髓前陳醇醪滿泛自古以來列國兆民其心昏昧若帕蒙面今在此山耶和華除之耶和華使死無權歸於消滅人昔出涕主爲之拭俾選民不復見辱於天下蓋耶和華已言之矣當是時人將曰耶和華我之上帝我之以是賴彼必拯予俾余欣喜靡窮維此郇山必蒙耶和華庇佑摩押必遭蹂躪若踐草芥於泥淖之中摩押人展舒其手以泳以游惟耶和華將降其驕志敗其計謀毀其城垣使成平地。

**第二十七章** 當是日猶大人將謳歌曰我邑鞏固雖無城堞上帝必扞衛予當闢其門守道之善民可入篤信乎主惟恒其心永錫平康耶和華爲永生上帝爾當恒賴高者降爲卑都城百仞使

之傾圮，成爲邱墟，使窮乏之民蹂躪之。義人之道正直，主秉公義，使善人得履坦途。耶和華歟，遵爾律例，余仰望爾中心所願，念爾弗置。我之中心，夜則慕爾，朝則求爾，爾降災於世，兆民嚮義，作惡者流，雖錫以寵光，亦不殷然慕義。居仁義之邦，橫行如故。耶和華有威，可畏，彼不敬恪。耶和華歟，爾顯大能，彼不瞻望。惟爾熱中祐民，降火燬敵，令彼見此而愧。耶和華歟，爾賜我以平康，我所作爲，俱蒙爾祐。前此君我者，不一而足，今而知耶和華爲我上帝，惟頌爾名。彼死不生，在幽冥中不能復起。爾降罰滅之，其名不傳。耶和華歟，爾恢廓斯邦，使其界延袤，至於地極。爾有尊榮焉。耶和華歟，民罹禍患，望爾眷佑，既受扑責，則柔聲下氣，以祈求爾。若婦臨產，號呼劬勞，不勝。我儕受爾督責，亦若是。警諸懷妊，亦甚艱難，而所產惟風，我不得拯救。斯邦民不能免於艱苦，然必復振興。若死者必甦，雖居塵土，將勃然起，謳歌不已。若草枯萎，既經雨露，必復向榮。斯邦之民，已死復生，亦若是。我民宜入室闔門，暫匿其身，待患難之過，越在疇昔。人殺選民，瘞埋其血，今必昭然顯露。蓋耶和華勃興，降罰於世，以彰厥罪焉。

耶和華將持巨刃，堅利無儔，以翦斯敵。惟我故土，若葡萄園，人爲作歌。此倡彼和。耶和華曰：斯園我所眷顧，恒加灌溉，防守謹嚴，無間朝夕，恐遭毀伐。斯園也，我不厭棄。敵若荆棘，吾將芟除，焚之以火。若彼敵人，歸誠於我，得我庇佑，終和且平。雅各後裔，將長其根株。以色列族，將萌其芽蘗，漸至葱蘢，結實遍地。雅各之家，雖遭譴責，不若敵之譴責。尤深雖被殺戮，不若敵之殺戮。更慘。昔我督責斯民，其罰



惟輕、東風驅之、暴風吹之、徙諸遠方、若此則雅各之罪、可以滌除、其惡亦堪洗濯、毀祭臺之石、使之成灰、木偶日像、不復樹立、敵之城垣、變爲荒蕪、敵之宅第、盡爲邱墟、牛犢皆牧於彼、或寢或訛、嚙芻蕘而食、萌蘗、枝幹枯槁、卽遭毀折、女子拾焉、焚之以火、蓋彼敵人、懵然無知、故我造化之主、不加矜憫、當是時、我耶和華集以色列族之人、使之咸歸厥所、自大河至於埃及、若人撲果、拾之於筐、於是人吹大角、凡流亡之民、見逐於亞述、被驅於埃及者、當詣耶路撒冷、陟彼聖山、崇拜我焉。

以法蓮建都於山嶺、望之若冠花冠、四周有谷、土壤膏腴、民人沉湎於酒、心志驕奢、不知浮榮易悴、禍將作矣、主命勁敵、勢若狂風大雹、行潦四溢、都城傾圮、以法蓮建都山嶺、望之若冠花冠、四周有谷、土壤膏腴、民人沉湎於酒、心志驕奢、不知浮榮易悴、竟遭蹂躪、亦如夏之無花果、人一見之、則摘而食焉、當是時、萬有之主耶和華、將以冠冕賜諸遺民、焜耀無比、使士師秉公行義、使武夫克敵致果、驅至城下、斯邦之人、自祭司至先知、縱飲無度、沉湎於酒、至於跬步不能自主、雖目覩異象、而心志仍昏、雖爲民折中、而剖決不明、哇吐盈几、無地清潔、彼曰、爾之教訓、傳於何人、我豈斷乳之赤子乎、乃爾教我言重語疊、諄諄不已、分疏句讀、詳以告我、曰、我必以諸國方言、及異音、普告斯民、云爾曹困憊、當順從我、可獲寧宇、惟彼不聽、故我言耶和華之道、所以重疊、諄諄不已、分疏句讀、詳以相告也、維彼聽我藐藐、自取顛躓、陷於坎阱、爾曹侮慢、爲耶路撒冷之民牧者、宜聽耶和華之言、爾曹自謂與死亡結約、與陰府訂盟、天降大雨、行潦汎濫、必不及

於斯土，我惟誑詞是恃，而適以自欺。耶和華曰：屋隅要石，我所推選，我所器重，置於郇城，爲鞏固之基，使信之者無戒心，我秉公義，以法則爲準繩，使降大雹，行潦汎濫，翦滅逋逃之藪，以去爾所恃，則爾與死亡所結之約不固，陰府所訂之盟弗堅，行潦淹於斯土，爾其淪亡，行潦汎濫，橫溢四境，斯難頻至，危在旦夕，爾衆盡爲所淹，聞風而驚駭不已。諺云：牀榻甚短，不能暢其四肢，衾裯甚狹，不能蔽其全體。耶和華勃興，赫然震怒，與在比哩心，山基遍谷，無以異也。惟降災於選民，實所罕有，爾曹勿復侮慢，恐爾之縲纆加嚴，我聞萬有之主耶和華，已定厥命，將殲滅斯境矣。我有訓言，爾其傾聽，農夫於田，終日勤勞，豈徒耕耘，亦將播種，鋤地使平，以植天冬，以種馬芹，墾爲隴畝，以播小麥，畫爲疆畝，以播薺麥，田之四隅，盡播蠶麥，蓋上帝賦以智慧，故能若是。天冬馬芹，欲去其皮，不以打禾之器，不以駕車之輪，必以杖以耒乃可，若夫五穀，必先打以耨耒，然後碾以車輪，車輪馬蹄，用不可過，過則損穀，此萬有之主耶和華，牖農之一事也。若夫主之經綸，奇不可名，主之智慧，大而莫測。

**第二十九章** 大關都城，厥名亞列，雖歷年無間，以守節期，然必有禍災，我於亞列降以災害，試以患難，厄以憂愁，而其邑尙存，我使敵至，築壘建臺，環攻斯城，民必降格，聲勿揚，若爲神所憑者，其音微細，若從地出，異邦之人，強暴特甚，猝然遁逃，猶之塵埃，無異糠粃，萬有之主耶和華，將以霹靂地震，狂飈烈燄，降罰於異邦人。凡攻亞列，圍其城垣，使之困憊，其人雖多，必將淪喪，同於宵夢，若饑者夢食，醒而依然枵腹，若渴者夢飲，醒而依然渴乏，列國之衆，攻擊郇山，亦將若是。猶大人

乎爾曹躊躇而滿志，相望而驚疑，厥心昏迷，跬步不能自主，非因飲酒，乃因駭異。蓋耶和華使爾閉目酣睡，民長先知，均蔽厥心。我傳默示，若已緘之函，使識文字者讀之，彼必曰：緘封之書，其何能讀？使不識文字者讀之，彼必曰：我弗識也。主曰：斯民以口舌附我言，則敬我而心則遠我，其敬畏我者，苟隨流俗而已。故我必行異蹟於民間，神妙莫測，智者窒其慧，明者塞其聰，行事暗昧，自謂人不及見，厥謀詭祕，自謂我不及察。若此者，禍不遠矣。爾違道悖理，視甄陶者同於泥土，若被造之物，告造之者曰：爾無知識，焉能造我。俄頃之間，利巴嫩林將變爲良田，良田變爲林木，當是時，振其聾，可以聞書言，啟其瞶，可以察物理，昏昧悉除矣。困乏之民，崇事以色列族之聖主耶和華，欣然歡樂，較勝於昔。強暴者已滅，侮慢者已亡，聽訟者枉法以害貧，健訟者誣良以害義，此皆爲惡之徒也。茲已俱絕，我耶和華昔救亞伯拉罕，今許雅各家，必不赧顏，必不變色。我雅各之聖主，以色列族之上帝，雅各後裔，觀我經綸，則必敬恪，則必尊崇。昔其心迷悖逆，今則明理順道。

**第三十章** 耶和華曰：悖逆者流，惟設計謀，不仰望子，灌奠以要約，感于神者，弗順從之，其罪益深。禍將及矣，彼不諂諛我意，乃往埃及，藉法老之勢力，望埃及之庇蔭。爾惟法老之勢力是恃，埃及之庇蔭是賴，則必含羞蒙恥。牧伯至鎖安國，使詣哈匿，見二邑之民無益，弗能助理，則媿慙靡已。牲畜輜重，適彼南方，頻更患難，有牝獅猛獅，又有毒蛇，且能飛騰，所有貨財，載於驢肩，負於駝背，以饋於不能益己之民。埃及之助徒勞，故名之云：大言不慙，無濟於事。惟爾先知，筆之於書，載之於策，備之於後世，以爲記錄。斯邦之民，悖戾誕妄，不從我法，彼使先見者，毋庸明察，觀異象者，不

以正道相勉、而以柔媚之詞相告、以虛誕之理相傳、離經畔道、以色列族之聖主、其名非所樂聞、故以色列族之聖主告爾曰、爾棄斯道、強暴妄作、以此自恃、故爾罪戾必若將傾之垣、欲覆之壁、忽然毀圮、爾將見毀有如陶器、一經墮地、卽無片存、不能取火於爐、汲水於井、以色列族之聖主耶和華勸爾還歸、居處靜謐、則獲綏安、以補爾精力、惟爾不欲、爾曰、必馳馬以前驅、主必使爾猝然以避敵、爾又曰、必乘馬而疾馳、主必使追爾者、馳騁而至、有一人以驅逐、則爾之千軍皆遁、有五人以追襲、則爾之全師俱奔、卽有子遺、如山巔孤竹、如嶺上單旌、惟耶和華上帝、施仁行義、矜憫爲懷、彼必欲勃然而興、以恩加爾、凡恃主者、必蒙福祉、民將居郇山、及耶路撒冷城、爾不復哭泣、呼籲於上、主必俯聞、加以矜憫、耶和華雖供爾以餅、給爾以水、使嘗艱苦、必不使賢人隱遯、俾爾得親訓誨焉、爾或偏於左、偏於右、聲從後至、聞於耳畔曰、此其道也、爾當遵循、爾之偶像、飾以金銀、爾必視之爲污穢、若不潔之布、去之惟恐不遠、維爾播種之時、主必降雨、則五穀豐登、百物蕃茂、爾之羣畜、牧於場圃、牛驢耕田、惟食五穀、簸之務潔、加之以鹽、當是時、敵人見殺、其樓傾圮、主醫民傷痍、救民疾苦、崇山峻嶺、各有潤溪、月華朗耀、皎若日光、日之光輝、加以七倍、明如七日、同懸、耶和華自遠而來、震怒特甚、勢不能遏、口吐氣燄、猶若火炬、若水汎濫、幾將滅頂、將降罰於列邦、若以箕箒揚導之、以歧途、若以勒掛口、以色列族之上帝耶和華、使民還歸、詣彼聖岡、則爾將謳歌、若讌宴連宵、欣喜歡忭、若聽簫遨遊、耶和華震怒諸敵、勢若烈火、颶風雨雹、行潦驟至、霹靂遙聞、異蹟立見、昔亞述人擊民、耶和華必以雷殛之、昔耶和華以亞述人爲杖筆、以擊斯民、厥

後亞述之人戰鬪敗績，民將鼓琴彈瑟不已，自古以來，欲罰亞述國王在彼陀法，爲備坎阱，其深無量，其廣無垠，積薪無數，望之若臺，焚之以火，耶和華之氣若硫磺，使烈焰四熾焉。

人往埃及求其助，已見車馬衆多，驍騎勇猛，則以之是恃，不恃以色列族之聖主耶和華，而求其眷祐，其禍必不遠矣。上帝至明，言出惟行，勃然以興，降災於惡人，凡助惡者，亦降罰焉。埃及之衆人也，非上帝也，所乘之馬，凡馬也，非神馬也，耶和華舉手降罰，輔翼惡人者，皆顛其趾，爲惡人所扶持者，咸遭傾覆。淪胥以亡，萬有之主耶和華告我曰：譬彼牡獅，雜獅嚙其所得，大吼不已，羣牧和會鼓譟攻之，彼猶不驚，我將蒞臨，救彼郇山，不畏勁敵，亦若是。譬彼飛鳥，覆翼羣雛，護衛之，拯救之，我萬有之主耶和華，保護耶路撒冷，亦若是。爾曹以色列族，昔日違我，今當歸誠，昔用金銀，作諸偶像，蹈於罪愆，今當棄之，惟恐不遠。亞述人將殞沒，非人禍之也，彼必遁逃，若避利刃，彼之丁壯，淪胥以亡，郇山及耶路撒冷，人燔柴以祀我，我舉旌旆以衛之。亞述牧伯，見子旌旆，必將畏葸，遁於巖穴，我耶和華已言之矣。

將有王者，治國以義，羣臣秉公，以理民事，狂風驟起，棲身巖穴，行於曠野，飲泉解渴，烈日炎熇，困憊不勝，得磐巖以憩息，君之保民亦若是。見者目必明，聽者耳必聰，質魯者自生穎，悟言訥者不病，嚙嚙頑嚙者無慷慨之名，貪婪者無博施之譽，頑嚙者流出於口，則悖逆藏於心，則不軌，所行奸僞，所言誕妄，上逆耶和華，下使民饑渴，貪婪之輩，行爲則邪僻，計謀則詭秘，凌虐貧乏，誣毀懿行，慷慨者所爲，其量寬宏，足以自立，維爾婦女，逸樂安居，今當起聽我言，歲序既周，

葡萄不實、五穀不登、安居之女、因以殷憂、爾曹逸樂安居、必戰栗憂愁、解其衣裳、束麻於腰、見良田佳圃、盡屬荒蕪、不免椎心而太息、我民之田、斯邑之室、昔則欣然喜悅、今則荆棘叢生、宮闕毀圯、邑民離散、城堞成樓、竟成荒蕪、野驢遨遊、羣畜囓芻、迨乎上帝之神、感動人心、則曠野變爲良田、良田變爲林木、斯民也、或居曠野、或處良田、皆依仁而據義、爲義者、必獲平康、有義之功、必有義之效、永享綏安、我民將居寧宇、無所震動、維彼林木、必遭雷擊、惟彼城垣、必至傾圮、我之選民、驅牛叱驢、耕耘水畔、咸蒙福祉。

爾人不虐爾、而爾虐人、人不誣爾、而爾誣人、禍將及矣、爾以誣虐施諸人、則人待爾亦若是、耶和華歟、我惟爾是賴、爾矜憫予、日施其力、以佑民、余遭患難、維爾援手、爾旣勃興、羣醜逃遁、威聲遠振、敵軍四散、民取輜重、若蝗食芻、民盡疾趨、若蝗迅飛、巍巍乎耶和華居於穹蒼、在我、郇山秉公行義、我王其明哲哉、展其大力、以拯庶民、以安國祚、寅畏耶和華、爲邦之寶、敵侵我境、遣能罷之士以修睦、立於邑外、哭泣不已、逡徬寂寞、行旅不至、敵爽盟約、藐視我城垣、不顧我人民、哀號遍於四境、利巴嫩林已被斬伐、無復向榮、沙崙荒蕪、巴山加密、樹木凋殘、耶和華曰、我將勃興、顯我巨力、彰我大能、敵之氣燄、如火之烈、災及其身、譬彼懷妊、所孕者糝糠、所產者草芥、我燬其軍旅、若陶人之煮灰、猶刈荆棘、焚之以火、我著其經綸、遠者宜聽從焉、我彰其全能、近者宜共仰焉、在彼郇城、有罪惡狂妄之徒、見余降災、畏蕙戰慄曰、我遇斯火、永遭炮烙、孰能當焉、惟彼善人、言信而行義、不取非義之利、不受賄賂、耳不聞殺伐之聲、目不覩怪僻之事、彼居高巖險隘、

以得範衛，餼糧不缺其供，水泉無虞其乏，王衣朝服，得覲君顏，四境綏安，彼得遨遊，頓忘昔日畏敵之心，自謂軍中繕寫無庸也，筦庫無庸也，戍樓無庸也，昔異邦之人，其容強悍，其言方言，爾不之識，今則不復見聞矣，爾所瞻望，惟郇邑，素守節期之地，以及耶路撒冷，人民安居之所，譬彼帷幕，永不遷移，其釘不拔，其索不斷，巍巍乎，耶和華在彼郇城，譬諸大河，洋溢無垠，舟楫巨舶，不能侵伐，耶和華爲我聽訟，耶和華爲我立法，耶和華爲我治理，必加拯救，敵人駕舟，索不緊，桅不立，帆不揚，惟我居民，分其所得，跛者獲其貨財，民無疾病，百罪俱赦。

天下億兆，列國萬邦，咸來和會，謹聽我言，我耶和華震怒列邦，盡殲其軍，尸相枕藉，血濺山谷，腥聞於上，穹蒼若軸，舒而復卷，天象錯亂，星辰隕落，若葡萄之葉已凋，若無花果樹之葉已墮，子自天降，罰以東之國，戮堪誅之民，血染鋒刃，以洩我忿，我耶和華之刀，飲血食膏，有若羔羊，山羊之血，牡綿羊之膏，蓋我於破斯喇，以東地，大行誅殲，如屠牲畜，野兕牛犢，俱必喪亡，於是血流膏潰，遍潤其地，土壤因以膏腴，我爲郇邑，報仇洩憤，正在斯時，以東諸溪，變爲瀝青，塵埃化爲硫磺，焚燬遍境，烟燄上騰，不啻晝夜，其地荒蕪，幾歷世代，後人無復過之者，鵝鷓毛，蝟聚處焉，鷺鷥鳥，鴉棲止焉，我循準繩，以滅以東，在牧伯貴介中，欲簡一人爲王，實難其選，荆棘叢生於宮闕，蒺藜萌長於城垣，蝮蛇詭鳥，居處其中，暴獸野犬，遇於途，魑魅魍魎，暉於野，妖狐山魃，據之爲寧宇，有蛇疾行，若箭穴於其所，涵淹卵育，雌雄之鷗鳥，翔集於彼，我耶和華之書，爾當詳察，所載若合符節，維禽與獸，各具雌雄，我有定命，使之聚處，以成余志，我畫地爲區，若爲之掣籤，使禽

獸孽育於以東，生成不已焉。

利巴嫩、加密沙崙，尤爲蕃庶。我之上帝耶和華，榮光普照，有威可畏，人共觀瞻焉。見有手足疲倦者，則爲之扶持；若人喪膽，則告之曰：「強爾志，毋畏。」爾之上帝將臨汝，以伸爾冤，報爾仇，加以援手。使醫者明，聾者聰，跛者踊躍如鹿，瘡者謳歌不已。曠野之地，水泉滂至，沙漠之區，遙望之。有若池沼，其後將變爲滄海矣。昔爲野犬棲止之所，今爲萑葦叢生之澤，必有大道，稱爲聖途，不潔者弗能由之焉。惟誠懇之人，蒙上帝訓導，遵循不誤。猛獅暴獸，不復遇之。被救之民，咸遵斯道。蓋耶和華所救之人，旋歸郇邑，永獲欣喜，歡忭無窮。謳歌靡已，旣憂戚之全消，亦歎歛之永息。

希西家王十四年，亞述王西拿基立，攻陷猶大諸邑。亞述王遣臘沙基統率大軍，自拉吉至耶路撒冷，攻希西家王，漂工有田，田間有道，近於上沼之溝，師徒旣至，立於其側。其時理家事者希勒家子，以利亞金繕寫設拿，史官亞薩，子約亞俱出。臘沙基曰：「爾當告希西家。」亞述大王云：「爾誰恃，爾自以爲智勇兼全，善於戰鬪，此第誇張之詞耳。爾何所恃而逆我乎？」爾於埃及王倚之若杖，不知彼猶已折之。萑葦按手其上，必爲所刺。凡倚埃及王法老者，亦若是。抑爾言恃爾上帝耶和華，何希西家廢其崇邱，去其祭壇，命猶大及耶路撒冷之民，惟在一臺崇拜乎？今當以人質於我主亞述王，則我子爾馬二千匹，爾能使人乘之否？不能，曷能禦我主之僕，武士長至，微之一乎？然則爾恃埃及，欲得車馬，亦奚以爲？昔耶和華命我曰：「當滅斯國，今我來攻斯土，豈非遵



命而行乎，以利亞金與設拿約亞告臘沙基曰：我儕識亞蘭方言，可用之與我語，勿用猶大方言，恐城上之民聞之。臘沙基曰：我主遣我，不第與爾及爾主言也，亦使我與城上之民言，使彼及爾自啖其遺溺。臘沙基遂立用猶大方言，大聲呼曰：亞述大王之言，爾其聽之，勿爲希西家所誘，彼不能拯爾。希西家使爾恃耶和華，望其拯爾，及爾城垣，不付於亞述王手。爾勿聽焉，蓋亞述王曰：爾當與我修和，歸誠於我，厥後可各食其葡萄，及無花果，各飲已井之水，迨我遷國，往彼異方，與爾故土相同，有穀有酒，有餅，葡萄園，具備。希西家言：爾必見拯於耶和華，爾勿聽焉。四方民所事之上帝，豈得救其國，脫於亞述王手乎？哈末亞八之上帝安在，西法瓦音之上帝安在，豈得救撒馬利亞邑於我手乎？列國諸上帝中，孰一救其國於我手，是則耶和華，焉能救耶路撒冷於我手乎？民聞是言，不措一詞，蓋王有命，勿應之。○理家事希勒家子，以利亞金繕寫設拿史官亞薩子約亞，自裂其衣，以臘沙基言反告於王。

希西家王聞言，自裂其衣，衣麻進耶和華殿，遣理家事者以利亞金繕寫設拿祭司之老者，俱衣麻見亞麼士子先知以賽亞。曰：希西家云：今日我遭患難，有譴責我，欺蔑我者，若婦當產而無力。亞述王遣僕臘沙基侮永生之上帝，爾之上帝耶和華，或聞其言，而加以譴責，故請爾爲遺民禱告於上。希西家王之臣僕，至以賽亞，所以賽亞曰：當告爾主耶和華云：爾聞亞述王僕隸侮我之言，毋畏，我將聳動其心，使聞一事，卽歸故土，而殞於刃。臘沙基聞亞述王已去，拉吉遂反旆，遇王攻立拿。亞述王聞古實王特哈迦來攻，則遣使至希西家，曰：當告猶大王希西家云：

爾所恃之上帝曾言耶路撒冷必不陷於亞述王。勿爲所誘。爾亦聞亞述前王。至於今。皆以翦滅列國是務。而爾獨獲救乎。我祖所滅之國。何撒哈蘭。哩泄。所居提拉撒埃田族。其上帝豈得救之乎。哈抹亞八。西法瓦音。希拿以瓦列王安在。希西家。接使者所致之書。展讀既竟。則進耶和華殿。陳於其前。禱曰。居嘒嘒。咪。萬有之主。以色列族之上帝耶和華。既造天地。則在天下列國中。爾獨爲上帝。西拿基立。遣使侮永生上帝。請耶和華鑒之聽之。亞述列王。滅列國。戮民人。誠有是事。其上帝非上帝。乃木石偶像。人手所作者。故亞述王。擲而燬於火。今禱我上帝耶和華。救我脫於其手。使天下列國。咸知耶和華獨爲上帝。亞麼士子。以賽亞。遣人告希西家曰。以色列族之上帝耶和華云。爾祈禱我。攻亞述王。西拿基立。當以我言告之曰。郇邑未字之女。藐視爾。戲笑爾。卽耶路撒冷之女。其領首也。亦適以欺爾。爾所侮所欺者爲誰。爾白眼而視。疾聲而呼。欲攻誰乎。豈非以色列族之聖者乎。爾遣僕侮耶和華云。我率衆車。已躋山巔。在利巴嫩。旁斫柏香木之高者。松柏之美者。我必造其極處。奪其良田。我鑿井而飲。所經之地。圍其城垣。絕其汲道。耶和華云。爾豈不聞自古以來。作之者我。定之者亦我。今爾變城垣爲瓦礫。乃我使之然。彼民荏弱。驚懼懷羞。如山野之蔬。屋上之草。未及其長。爲風所暴。爾之居處。爾之出入。爾之狂妄。悖逆乎我。我知之矣。因爾狂妄驕奢。升聞於上。故必置圈於爾鼻。置勒於爾口。使爾仍由其途而返。當告以色列民曰。今歲不耕而稔者。爾其食之。明年亦然。至於三年。可稼可穡。植葡萄園而食其果。既遇斯事。可以爲徵。猶大之遺民。必下深其根。上結其實。耶路撒冷之民。將出郇山。得救之人將往。因我萬有之主

耶和華熱中，必有此爲。遂指亞述王，語民曰：彼必不入此城，不以干戈弓矢陳於前，不築壘以攻擊。必由所來之途而返，不入此城。我爲己榮，亦爲我僕大闢。故將扞衛此城，加以援手。我耶和華所言如此。是夕，耶和華之使者，出在亞述營，擊其士卒十八萬五千。詰朝，惟見尸骸而已。亞述王西拿基立，遂撤其營，歸尼尼微。值崇拜於其上，帝溺落之殿。其子亞得米勒沙哩斯弑之，遁於亞喇臘國，更有一子，以撒哈頓繼位。

希西家面壁禱曰：耶和華歟，其垂念于吾，必誠懇行善於爾前，眞實無妄。祈畢，哭甚哀。耶和華命以賽亞曰：爾當復入告希西家。爾祖大闢之上帝耶和華云：我聞爾祈禱，見爾出涕，將錫爾十五齡，救爾及此城於亞述王手。扞衛斯邑，我耶和華所言有應，必示爾以徵。亞哈士日晷之影，將退十分。我使之然，其後果有是事。○猶大王希西家疾愈，援筆誌之曰：我享綏安之時，自謂壽齡將絕，必臨窀穸，不得在世。瞻望耶和華，一入陰府，不見我同人。我室見毀，若遷牧羊之廬。我命將終，危在旦夕。若織者斷其布經，余命朝不保暮。默而待旦，被斷傷我若獅。譬彼玄鳥，呢喃對語，譬彼班鳩，哀鳴不已。余亦若是，瞻望於上。至於目眩，耶和華歟，我遭患難，爾其救余。爾曾許我，已踐前言。我尚有何辭，余丁此艱，必加謙遜，終身不易。人賴主言而得生，我亦以此而不死。蓋爾醫我疾病，延我生命。我素不安，憂戚盈懷。爾既愛我，不念前愆，免臨窀穸。陰府死亡之輩，不能彰爾榮譽。臨墓入土之人，不得望爾踐言。生者能頌美爾，余今得生，揄揚爾名。維爾眞實無妄，父言之，子聞

之世傳勿替。耶和華拯余，故我入其聖殿，鼓琴謳歌，頌讚耶和華。畢生如一日焉。○以賽亞曰：當取無花果餅一角，置王瘡，瘡即愈。希西家曰：我疾得愈，詣耶和華殿，以何爲徵。

比倫王巴拉但子米羅達巴拉但聞希西家病愈，致書饋禮。希西家喜，以寶物金銀芬芳之品、香膏器皿及府庫宮闈境中所有，令其遍觀。先知以賽亞見希西家王曰：此人奚自，以何辭告爾。希西家曰：來自遠方，即巴比倫曰：彼在宮闈所見者何。希西家曰：凡宮闈府庫之物，悉令觀焉。以賽亞曰：當聽耶和華言，自昔迄今，爾宮闈什物及列祖所藏，其將遷於巴比倫。靡有子遺。爾之子孫爲人所擄，在巴比倫王宮爲宦豎。希西家告以賽亞曰：爾所傳耶和華之言甚善，又曰：我尙存之日，仍享綏安。

上帝曰：爾其慰藉我民，慰藉我民，必以善言慰耶路撒冷人，告之云：爾居苦境，已終其年，爾罪赦宥。耶和華以恩寵錫爾，較昔降災，其數維倍。野有聲呼云：在彼曠野，備我上帝耶和華之道，直其徑。諸谷填之，岡陵卑之，屈曲使直，崎嶇使平。耶和華將榮顯，凡有血氣者得見之。蓋耶和華已言之矣。有聲告我曰：爾當號呼，我曰：呼當若何。曰：庶民惟草，其榮如花，庶民惟草，草枯花凋，耶和華以風風之，則然。草枯花凋，惟我上帝之言不朽。凡欲以嘉音報於郇山耶路撒冷城者，宜陟高岡，大揚厥聲，毋庸畏蒺藜，告猶大邑民。觀爾上帝主耶和華蒞臨斯土，施厥大能，治理斯民，加以賞賚，牧民若羊，懷抱羔羊，導方字之牝羊，掬掌以承滄海，布指以度穹蒼，斗量坤輿，權衡山嶽，孰能爲之哉。孰啟耶和華之心，與彼共議，誰爲其師，訓以智慧，使鞠是非。其視列國之民，若滴

水滲於器外，若微塵留于衡上，其移海島，若徙草芥。民欲獻祭，卽以利巴嫩林爲柴，以百獸爲燔，亦不足數。萬國在上帝前，曠然無物，悉屬虛浮。爾曹以何物比擬上帝，以何像像之？工塑偶像，飾以金箔，垂以銀鏈，惟彼貧乏，無寶堪獻，遴選堅木，而僱巧工，俾作木偶，歷久不壞，創地之先，已有大道，爾豈未之知？未之聞耶？主坐地球，視世人若蟻蟲，主布穹蒼，若張帷幕，牧伯士師，藐乎其小，譬諸草萊，甫種甫植，根柢不深，惟主一吹，必復枯槁，被風飄颺，猶之糝糠，爾於聖主，擬以何物，像以何像？爾當仰觀天象，羅布有若軍旅，上帝以巨能大力，創造星辰，呼其名，核其數，無不應命。惟爾雅各家，以色列族，曷言乎我之上帝耶和華，不鑒察子，不眷顧子。夫耶和華永生之上帝，創造地極者也，爾豈未之知？未之聞耶？其力不疲，其智莫測，無力者扶之，無能者助之，壯者必倦怠，少者必顛躓，惟恃耶和華者，補其精力，翱翔若鷹，疾趨弗倦，力行弗困。

四 爾海之民，宜緘口遠方之人，當補力，俱集我所，與我辯論。誰召義人，至自東方，導之以行，服衆國，制列王，以鋒刃擊敵，以弓矢射衆，擣之成粉，若風揚糝，迨至不識之途，絕無陷害之虞，誰使之然，惟肇基邦國之主而已。我耶和華，始始之，終終之者也。義人所爲，洲島之民，見之而懼，地極之衆，靡不驚駭，咸來和會，更相勸勉，造作偶像，曰：壯乃心，木工，金工，細工，粗工，無不相助爲理，使金互相銜接，鈿之以鈿，不能搖撼。昔我眷顧亞伯拉罕，簡其後裔，以色列族，雅各家，爲我臣僕。自地極天涯，召之以至，曰：我簡爾爲僕，不汝遺棄。我乃爾之上帝，必左右爾，扶翼爾，手援爾，以彰仁義，故勿畏葸，勿狐疑，憾爾者皆媿怍，敵爾者俱死亡，凡與爾戰，必歸烏有，欲見無從。我耶

和華爾之上帝，必攜爾手，謂爾曰：予扶翼爾，故勿恐懼。雅各家以色列族，素若蚯蚓，我耶和華乃爾聖主，必加拯救，眷祐爾躬。爾之仇敵高若山岡，我將使爾爲打穀之器，惟新其製，而有利齒，可擊諸敵。擣之成粉，有若粃糠。後簸揚之，任風吹散。我耶和華乃以色列族之聖主，爾曹賴我其樂。靡涯，貧乏之民，求水不得，口舌煩燥，莫能解渴。我耶和華以色列族之上帝，必聽其祈，而不遺棄山谷之間。必出水泉曠野之所，必成池沼，我使之然。在彼槁壤，必植柏香木，皂莢木，岡枯木，油木，松木，杉木，黃楊木，使人無不饒然。咸知我耶和華以色列族之聖主作此。雅各之君耶和華，又告拜偶像者曰：當以爾之要道，陳設於衆，使偶像至此，以未來之事，孰先孰後，明告乎我。觀其言，果有驗否？使彼言未來之事，借異蹟以行彰輝，令我見之駭愕，知彼爲上帝偶像虛妄，作偶像者亦虛妄。崇奉偶像者，深可疾也。我使義人崛起，自北而至，亦在日出之鄉，以顯我名，糜爛牧伯，如匠人之擣土，如陶人之躡泥。崇拜偶像之人，誰能預言事之未至？俾人曉然，事之既成，服其先見。爾中能此者，迄無其人，如其有之人，未之聞。維昔獨我遣告郇邑，及耶路撒冷人，使知嘉音，曰：聽之，聽之，我觀崇拜偶像之人，未來之事，不能卜，詰之不能答。金鑄之偶，空洞無物，譬諸飄風，俱爲虛妄，悉歸烏有。

**第四十三章** 蓋觀我僕，我扶翼之，我遴選之，我悅懌之，我將以我神賦之，彼以法示異，那人，彼也。凌競胥泯，喧譁務靜，其聲不聞於遠衢，已傷之葦，不折，燼餘之炷，不滅，行法以傳真理，不喪膽，不困憊，傳道於世，洲島之民，實瞻望焉。昔耶和華上帝，創造穹蒼，使之張舒，奠定寰宇，使之生植，賦

億兆以吹噓之氣，昇生民以活潑之神。今告厥僕曰：我耶和華召爾以彰仁義，我手援爾，保護爾，俾與我民立約，燭照乎異邦。人明瞽者之目，釋俘囚於獄，處幽暗者，出之於囹圄。我名耶和華，必不使我之榮光爲他人所奪。我之聲譽爲偶像所得，昔我預言，今已悉應。更有未來之事，復告於爾。俾爾得聞焉。先知曰：凡爾洲島之民，地極之衆，航海之人，當謳新歌，頌美耶和華。沙漠基達之民，或在鄉里，或在城邑，或在磐巖，或在岡巒，靡不大聲謳歌。大衆宜歸榮耶和華，榆揚不已。洲島咸聞。耶和華將蒞臨，有若武夫厥氣奮揚，有若戰士，暗鳴叱咤，以克勁敵。耶和華曰：前此緘默，自抑我志，今則號呼，如臨產之婦，奮然吐氣，呼吸甚烈。千山荒寂，百草槁枯，江河咸竭，池沼盡涸，我使之然。惟彼瞽者，我必相之，彼不識途，我必導之，使暗爲光，使曲爲直，我行如是，必不遐棄斯民。凡恃偶像，稱金鑄之形爲上帝者，必蒙媿怍，必駭而奔。爾曹心聾者宜聽，心盲者宜視。爾雖爲我耶和華所遣之僕，所愛之民，無如爾孽。爾瞽甚於諸人，雖熟視若無覩，雖諦聽而不聞。然我耶和華欲踐前言，彰我律例，明我法度。斯民必遭攘奪，囚於幽暗，旣罹災害，無人拯之。旣被俘囚，無人釋之。爾曹中誰能深思此理，以免後患。雅各家以色列族爲人攘奪，爲人俘囚，誰使之然，非我耶和華乎。彼蹈罪愆，不從我道，不遵我法，故我震怒，俾遇戰鬪，使烈燄騰空，遍及四周。彼目不欲覩，不以爲意。

耶和華曰：雅各家以色列族，我肇造爾邦，拯救爾民，簡爲我赤子，故勿畏意。我左右爾，雖涉江河，不致沉淪，雖經烈燄，不致焚燬。我耶和華以色列族之聖主，爲爾上帝，爲爾救主，因

欲救爾，故使埃及古實西巴悉遭喪敗。我視爾爲寶，舉爾爲尊，加爾以恩寵，因欲援爾生命，故使異邦鄰國敗亡。爾勿畏懼，我左右爾，使爾自東自西咸來和會。謂北方曰：當反我民，謂南方曰：無阻我民，使我子女歸從。四極凡爲我赤子，我肇造爾邦家，以彰我榮。列國之民有目而不見，有耳而不聞，亦當咸集，其中孰能言未來事，悉有應驗，如其有之，試述其據，使聞者咸起信心。耶和華又曰：我之選民爲我臣僕，可爲證，灼知子篤信子，以我爲上帝，在我之先，在我之後，無他上帝。惟我爲耶和華，我外無他救主。越在曠野，我言欲救斯民，言出惟行，若他上帝則不能。我耶和華獨爲上帝，爾曹爲證。溯厥原始，我已先在我之所爲，無能扞格，無能奪之於我手。以色列族之聖主耶和華曰：我欲救爾，遣人至巴比倫，毀諸門礎，迦勒底人駕舟，鸞然不靖，終亦必亡。我耶和華，爾之聖主。以色列邦，我所肇造，爲爾君王。我耶和華，使海中判，俾成途路，我使車馬軍旅咸集，然後傾覆之，不能復起，其易也。如撲滅餘燼，已往之事，毋庸復憶。我今新有制作，將卽彰明，備途於曠野，濬川於荒郊，爾豈不以爲意乎。我之選民，行於曠野，濬厥江河，以供其飲，禽獸異類，野犬駝鳥，靡不仰戴。我所肇造之邦，更當揄揚我名。惟雅各家以色列族，敬恪已弛，不肯上顧，不燔犧羊，不獻祭祀，不焚香品，不奉禮物。吾所使爾供役者，非以重任加爾也。爾不以金鬻之，莒蒲奉我，不以牲畜之脂膏供我，屢干罪戾，不可勝數，煩瀆乎我。我塗抹爾罪，不錄爾愆，以彰我榮。爾其與我辯論，追溯厥初，以明己之善焉。爾祖已蹈愆尤，爾師又行違逆，故我使聖所之祭司，仍從流俗，雅各家以色列族，加以咒詛焉。



【第四十四章】雅各家以色列族我所選之臣僕，今聽我言。我耶和華鑿造爾邦，如母育子。雅各家耶書崙民，乃我所選之僕，必加眷佑，可勿畏蒞。我通水泉，以溉原田，我濬江河，以潤槁壤。我以我神賦爾子孫，式綏祉福。彼將蕃衍如澤中之草，溪濱之柳。有曰：我崇事耶和華。有曰：我屬雅各家。有曰：我爲耶和華僕，黥手爲證。有曰：我爲以色列族赤子，稱名爲據。萬有之主，以色列族之君，民之救主耶和華曰：本末初終，惟我是操，我外別無上帝。越在疇昔，我立斯民，未來之事，我皆預言，莫不徵應。孰能與我比擬哉？如有其人，使試言未來事，以爲證據，爾毋畏蒞。在昔我有預言，已告乎爾，爾可爲證。我乃全能上帝外此我弗知之矣。作偶像者，悉爲虛妄，其所慕者無益。彼明知其不見不聞，當生愧怍。誰鑄無益之偶像，以像上帝哉？豈非人乎？宜其同儕，咸生愧赧，使彼聚會，屹立於此，必令其戰慄不勝，慙惡無地。鐵工作斧，炭以煨之，鎚以治之，竭一臂之力，使之成器。若其不飲不食，氣力俱廢，木工用準繩循規矩，運其利器，作人之形，窮極華美，置之於室，伐柏香木，以及椽櫟，此皆木之堅者，亦植杉樹，得雨露之養，人取爲柴，燃之可以煖體，可以烘餅，復作上帝像，俯伏而拜。材木之半，焚之可以備餼，可以炙肉，食之果腹，向火得煖，人樂以觀火，更有餘木，以製偶像，以像上帝，俯伏而拜。禱曰：誠我上帝，爾其救子，維彼不識，不知其目若塗，以泥其心，不明孰能深思其故。奮然儆醒曰：材木之半，焚之可以烘餅炙肉，而供口腹，則其餘材，豈可作像？拜此可憎之楫柁。彼心昏迷，所望成空，若食燼餘而不悟，不知右手所作悉屬虛妄。雅各家以色列族，我鑿厥邦基，爲我臣僕，當憶斯理，我不忘爾。我塗抹爾罪，若驅密雲，子已拯爾，爾當歸誠。我耶和華

救雅各家以色列族、以彰己榮、天上下地、俱當歡呼、山岡林木、無不謳歌。耶和華曰、我耶和華創造萬物、張舒穹蒼、奠定寰宇、肇造爾邦、拯救爾民、卜筮之輩、設兆惑人、我使其言不驗、彼自矜巧慧、反形愚拙、我使之然、我所遣之僕、有言耶路撒冷必有居人、猶大衆邑、必有建造、荒蕪之區、必復其初、我必使應其言、變江河爲陸地、召古列爲我牧伯、以成我志、我使彼言耶路撒冷必得建造、又言聖殿必得肇基。

耶和華告受膏古列曰、我左右爾、使列國賓服、使諸王荏弱、大啟邑門、不能閉拒。我備爾道、使曲爲直、毀敵銅門、斷敵鐵槌、貨財藏於密室、我之以錫爾、俾爾知命爾名者、乃我耶和華以色列族之上帝、爾雖不知予、我命爾名、畀以尊號、俾爾救我所選之臣僕、雅各家以色列族、爾雖不知予、我賜爾力、我耶和華獨爲上帝、其外無他、自日出之鄉、日入之所、俾咸知我耶和華獨一無二、其外無他、或禍或福、或光或暗、俱我耶和華使之然、天降仁義、地產福祉、俱必萌芽、我耶和華使之然、人若陶器、居於土壤、如與造化主爭、禍必及之、譬諸塗泥、豈能謂陶人曰、奚造我若此、受造之物、豈能謂造之者、毫無技能、人詰父母曰、爾生子、何爲若此、則其禍必不遠矣、肇造以色列邦之聖主、耶和華曰、予肇造斯民、莫非赤子、我所爲、爾能詰我乎、我張舒穹蒼、羅布天象、奠定寰宇、撫育民人、我萬有之主、耶和華、使古列屹然而立、道途坦易、以彰我義、彼必復建我聖邑、釋我俘囚、不望賞賚、耶和華又曰、埃及人貢其物產、古實人攜其貨財、西巴族軀幹雄偉、俱必歸誠於爾、爲爾屬邦、自繫鐵索、跪於爾前、呼曰、惟爾國有上帝、其外無他、先知曰、以色列族之上

帝、我之救主、爾之經綸、神妙莫之能測、凡作偶像者、必生媿怍、必駭而奔、耶和華必救以色列族、不使媿怍、永錫綏祉、歷世靡暨、耶和華上帝、創造穹蒼、奠定寰宇、非徒然也、乃俾斯民安處焉、其言曰、我耶和華而外、無他也、凡我有命、不祕藏於幽密、我豈使雅各子孫徒然求予哉、我耶和華、出言仁義、真實無妄、列國流離之民、當大和會、羣聽斯言、木偶之上帝、不能救民、凡輦斯像而禱之者、其愚甚矣、爾曹咸集我所、共論古昔預言斯事者誰乎、非我耶和華乎、惟我爲上帝、秉公義、拯兆民、我外無他、地之四極、望予以獲救、我乃上帝、我外無他、我指己而誓、命出不食言、萬膝必踞、予萬口必頌予、曰我恃耶和華仁義、堪稱膂力、可得凡人必詣主前逆之者、必生媿怍、以色列族恃耶和華而稱義、歸榮於主。

巴勒顛躓、尼破隕越、其像甚重、牲畜負之、無不困憊、巴勒、尼破俱已隕越、不能保其偶像、爲人所虜、雅各家以色列族之餘民、自肇厥邦、我保抱之、提攜之、若懷赤子、以至耄耄、皓然白首、我扶翼爾、拯救爾、爾其聽予焉、爾以何物譬予、與我相比、擬哉、人傾囊出其金銀、權其輕重、以畀工人、俾鑄上帝像、俯伏崇拜、負之於肩、置諸一所、立而不動、呼而莫應、望其拯難、而彼不能、爾曹陷於罪者、當深思之、其無愧於丈夫、古昔之事、爾可追溯、我乃上帝、無能比擬、我外無他、自始迄終、未來之事、我一一預言、我旨必成、意必就、召彼鷺鳥、至自東土、我所簡者、來自遠方、我言已出、必踐之、我意已定、必成之、剛愎厥心、悖逆仁義者、必聽吾言、予欲救郇邑、俾以色列族羣被尊榮、以彰仁義、速成其事、不復濡滯。

**第四十七章** 迦勒底國巴比倫都警諸女主，失位而坐塗炭，喪其容儀，取磨磨粉，去爾帕，掘爾衣，跣爾足，涉彼溪流，必裸爾體，使爾懷羞，以洩我忿，孰能禦之。萬有之主，以色列族之聖主，其名耶和華，必拯我儕。惟爾迦勒底邦列國，稱之爲主母，必囚於幽暗之處，拘於荒僻之所。昔耶和華震怒厥民，以其地付爾，俾染汚俗，乃爾不以矜憫爲懷，使其父老，負戴重軛，爾自謂必永爲主母，不深思此理，不慮後患。然爾淫佚之婦，僭稱主母，自謂無能比擬，必不夫亡子喪，吾語汝。一日之間，夫喪子殤，二難並至，爾惑左道，信巫覡，邪惡方張，患難已集，爾自恃巧令迷眩於惡，自謂人不及見，我爲主母，無能比擬，故必遭患難，昧於所從，不能自脫，災害忽臨，難以逆料。自昔迄今，爾惑左道，信巫覡，試使立於此，能小補乎，能勝敵乎，爾謀夫孔多，有人仰觀天象，占察星辰，每值月朔，以卜未來，以定吉凶，使其咸興，庶可救爾，豈知彼乃草芥，被火焚燬，不能自救，皆爲灰燼，不見微炭，不餘燭火，俾人溫煖。昔日左道之徒，與爾往來，今見爾邑敗亡，各歸己所，無人援爾。

**第四十八章** 雅各家以色列族赤子，及猶大支派，崇事萬有之主，以色列族之上帝耶和華，指其名而誓，以之是恃，自稱爲聖邑之民，特爾心非由於誠懇，今宜聽耶和華之言。耶和華曰：昔我預言諸事，明示於衆，猝然成之。我知爾剛愎性成，鐵項銅額，越在疇昔，事未至，我先言之，俾爾知悉，恐爾以爲所鑄之偶像作此。爾始耳聞，今能目覩，何不以此明示於衆，今而後未來之事，素稱祕奧，爾所未知者，我以之啟迪爾。稽古以來，未有若此，今特新創，俾爾聞所未聞，恐爾言曰：予已知之矣，然爾實未嘗見聞也。我知爾自建邦以來，恒爲叛逆，我怒不遽發，不滅絕爾者，正以彰我榮。

我置爾於洪爐，非煨鍊爾若金也。實歷試汝以艱耳。我僅降爾以災，欲彰我榮，使爾不謗譏我名。不我以榮光，歸於他人。雅各家以色列族我所選選，宜聽我言。我乃始始之，終終之者也。我布穹蒼，造寰宇，使之奠定，無不應命。選民和會羣聽斯言，異邦之人，孰能預言未來事。惟我耶和華，寵愛古列，俾成我志。降災於巴比倫，降罰於迦勒底。我頒詔召之，且導之，遵坦途。爾曹至此，以聆斯言。自古在昔，惟我恒存。今頒斯詔，不祕藏於幽密。先知曰：主耶和華遣我，畀我以神。以色列族之聖主，救主耶和華，告選民曰：我乃爾之上帝耶和華。我示爾以獲益之方，導爾以當行之道。願爾恪遵我命，享綏安。若江河之浩渺，得仁義，若波濤之洶湧。爾之子孫，多若塵沙。爾之苗裔，繁若鱗族。爾之邦國，必不滅絕。歷世靡暨。爾曹去巴比倫，迦勒底地，欣然謳歌。普告四極云：耶和華救其臣雅各家，導之於野，裂磐出泉，以解其渴。耶和華曰：爲惡之徒，不享平康。

第四十章 受膏者曰：洲島之民，遠方之人，宜聽我言。惟我初生，耶和華命我以名，召我爲僕。使我口若利劍，庇我以手，俾我若利鏃，藏我於強。告我曰：爾爲我僕，無愧爲以色列。吾以爾榮，受膏者曰：我竭力徒勞，我之上帝耶和華，必伸我冤，必賞我勞。我生於世，耶和華上帝，以我爲僕，必輔翼子，使我尊崇，俾雅各家歸誠。以色列族復集。耶和華曰：爾爲我僕，使雅各支派，得再振興，使以色列遺民，歸誠於我。此猶細故。我立爾爲異邦人之光，俾爾爲救主。至於地極，爾雖爲牧伯所制，億兆所藐。此邦之人所棄，然我耶和華爲以色列族之聖主，敕主言出，惟行既選，爾必使列王來覲，俯伏於爾前。耶和華又曰：納爾之時，我聽爾，救爾之日，我祐爾，倍加保護，俾與我民立約，復

與斯邦使荒蕪之區爲民樂土俘囚者出囹圄幽暗者爲衆所見道旁山岡可以自足不復饑渴日不得而暴暑不得而侵矜憫之者牧之導之至於水源平岡陵墳坎阱悉爲坦途有人自遠方有人自北自西有人自秦國而至天地當歡呼山岡當謳歌蓋我耶和華慰藉我民罹於患難者必加矜恤郇邑之民常言我主耶和華棄予忘子夫婦豈忘哺乳之子不慈甫產之嬰彼或忘子我不忘爾爾之城垣我畫諸掌上常在目前爾之赤子必速歸爾爾之外侮必遠離爾爾可四望莫不來歸我耶和華指己而誓俾爾撫斯有衆猶新婦衣麗服束寶帶向也土曠人稀旣而人稠地狹寇爾者遠遁昔爾赤子流離遠徙一旦旋歸皆告爾曰壤地褊小其恢廓之則我得所棲止爾將謂焉得有是子耶我子流離自爲鰥獨見擄驅逐伶仃無依今此子果誰育之哉主耶和華又曰我舉手張旆以召異邦人彼必提抱爾子肩負爾女王爲父后爲母撫育爾子俯伏拜跪爾前舐爾足塵使爾知我乃耶和華凡恃我者永不愧怍郇民有言曰猛士虜人豈能脫乎強者獲俘豈能救乎耶和華曰猛士虜人可以脫強者獲俘可以救敵爾者我必敵之拯爾赤子使兇暴者自食其肉自飲其血若醉以醇酒我耶和華爲雅各家全能之救主天下無不知焉

耶和華告以色列族曰爾母見出必有離書離書云何爾身見鬻必有所償所償伊誰爾母見出爾身見鬻乃罪應爾我來俾爾悔改從命者迄無一人獨何哉我豈碌碌無能不能手援爾歟我叱咤則河海變爲槁壤鱗族失水死而變臭我使穹蒼晦冥若蔽以麻布受膏者曰主耶和華助子使我崇朝儼醒傾耳諦聽若弟子之受教如是則能善爲說辭慰藉困苦之人主耶

和華使我耳聰而不違人杖我背我不敢動拔我鬚我不敢避吐我面我不敢掩主耶和華祐我我顏堅比鐵石不愧不作可以自信主左右余將伸我冤誰敢侮子使彼試立於此與我辯折主耶和華眷佑子孰能加我罪戾設有其人當若敝衣爲蠹所壞爾中誰畏耶和華而聽其臣之命者若行暗地不得光明必以上帝耶和華是恃反是以爲吾自有火烟酸環繞若然則以此照爾出入可也不知我必降以災使彼長戚戚。

第五十三章 凡從善之人崇事我耶和華者宜聽子言磐出於礦泥出於坎爾亦如是當追思焉爾之祖父亞伯拉罕祖母撒拉爾祖被我遴選之時孑然一身後錫純嘏寔昌寔熾我耶和華將撫綏郇邑今雖荒蕪若曠野後復振興與我園囿埃田相埒使其人欣然歡忭載咏詩篇發聲頌讚我之選民宜聽我言余必施我法度立我律例燭照庶民我施仁義手援斯衆以伸其冤其時伊邇洲島之人將瞻望子惟子眷佑是賴爾盍仰觀乎天俯察乎地穹蒼必散若烟寰宇必敝若衣居民猝然而死亦若是我以仁義救民歷久不渝諳悉仁義服膺我法者宜聽我言人侮慢爾爾勿畏蕙彼必消亡若衣爲蠹所嚙若毛爲蟲所蛀惟我施仁義以救民歷代弗替先知所曰願耶和華勃然而興展厥臂力與昔無異昔滅喇合擊鱷魚豈非爾乎使滄海水涸中判爲途以濟得拯之民者豈非爾乎蓋耶和華所救之人必旋歸郇邑永獲欣喜懼忤無窮謳歌靡已旣憂戚之全消亦歔歔之永息耶和華曰我慰藉爾斯世之人俱將淪亡礙於草萊何爲畏之我耶和華肇造爾邦張舒穹蒼奠定寰宇爾何爲忘子恒畏強暴之人恐其烈怒滅爾邦家然彼怒雖烈焉

能有爲抱屈之人，必不死於囹圄，必不絕糧，釋之必速。我名萬有之主，耶和華爲爾上帝。海濤澎湃，我能使之恬靜。我以道傳爾，以手庇爾。我張舒穹蒼，奠定寰宇，謂郇邑之人，乃我赤子。爾曹耶路撒冷人，我耶和華所震怒，若手執爵，酒味殊烈，醞釀甚厚，使爾飲之務盡，以至酩酊。今當儆醒覺悟。耶路撒冷赤子，雖曰衆多，未有人扶爾導爾者。二難並至，饑饉薦臻，干戈不息，將滅斯邦。孰能慰藉爾，以解爾憂。爾之赤子，已喪厥膽，偃臥道旁。若野羊，罹於羅網，蓋爾之上帝，耶和華震怒。爾加以譴責，爾曹潦倒，甚於酩酊，非由醉酒，宜聽我言。我耶和華爾之上帝，恒伸民冤，素我怒爾。若手執爵，酒味殊烈，使爾飲之，以至酩酊，後不復飲爾。惟爾敵人，素使爾曲躬俯伏，俟其踰越而行，若遨遊於通衢，我必使彼飲焉。

維爾郇邑，耶路撒冷聖京，素若被虜之女，今當振興，去爾塵埃，脫爾項索，坐爾高位，被爾麗服，以彰華美。自今而後，未受割者，被污之物，不復錯處爾中。耶和華曰：爾素繫於遠邦，不受價值，今予不償價以贖爾。主耶和華又曰：昔我民往居埃及，後遭亞述人無故虐遇，而我援之。今我民無因見虜，強暴之人，恒瀆我名，譁然不靖，我將何以處之。我必使選民尊崇我名，知我有應許，必踐前言。先知曰：陟彼山岡，傳諸和平，報諸嘉音者，其足音之美，爲何如。彼示人得救之道，告郇邑之民曰：爾之上帝，治理寰宇。耶和華必振興郇邑，其時戍卒，無不目擊，大聲謳歌。耶路撒冷城，昔已傾圮，今耶和華慰斯民，救斯城，故當欣然歡聲而呼。我上帝耶和華，至聖，展一臂之力，救彼選民，使列國地極之人，皆親見之。爾曹選民，去巴比倫，勿居其中，勿捫污穢，凡攜耶和華之



聖器者，當自潔其身，出巴比倫時，宜從容不迫，毋若逃遁之人。蓋以色列族之上帝，必導爾於前，護爾於後。○耶和華之臣僕，其遇必亨通，必躋崇高，造乎至上之域。維昔憂心戚戚，容顏枯槁，幾不類人，見者盡駭。惟彼滌濯列邦，使君王箝口無詞，蓋未蒙示者將觀之，未得聞者將悟之。

我所傳聞，篤信者誰，耶和華力大，誠服者誰，受膏者生，若草萊萌於荒野，根株長於槁壤，容貌不揚，威儀不秩，人所共見，無艷羨之心，彼爲人所藐視，所棄絕，屢遭困苦，憂心悄悄，人皆掩面而不覩，藐視而不敬，見其困苦，以爲上帝譴責之，不知任我恙肩，我病者，正斯人也。彼因我罪，而被傷殘，緣我咎，而受瘡痍，彼遭刑罰，我享平康，彼見鞭扑，我得醫痊。我迷於歧途，譬諸亡羊，所向靡定，耶和華使我愆尤，叢於其身，彼受屈抑，不啟厥口，爲人牽制，如羔羊就死地，又若羊對翦毛者而無聲。彼遭難時，人審判之，不秉公義，爲民罪戾，而受譴責，生命且滅於世，遑計其後乎。彼雖行不邪僻，言不誕妄，人擬瘞之，與惡人同穴，然終歸富人窀穸。斯實耶和華之旨，使之糜爛，憂心悄悄，獻祭贖罪，可享遐齡。若子若孫，熾昌弗絕，耶和華之志，無不大成。耶和華曰：余有良臣，先患難，後結果，心無不悅，彼也。任人愆尤，使人咸知斯理，得稱爲義，惟此良臣，人視爲罪犯，中人，彼捐軀，爲人負罪，代惡者祈禱，故予必大賚之，舉凡富強之子，皆屬焉。

耶和華謂郇邑曰：不妊不生之婦，最可樂，未劬勞之女，歡聲而呼，蓋棄婦較有夫之婦，生子多矣。當廓爾居，張爾幕，索必長，釘必固，勿怠爾事。爾之子孫，寔昌寔熾，環繞左右，諸國之邑，素已荒蕪，惟爾後人，將撫而有之。溯爾幼時，至於成立，伶仃孤苦，屢受凌辱，今不復念，不愧不

作無所畏五，我萬有之主耶和華，治理宇宙之上帝，以色列族之聖主救主，昔肇造爾邦，眷顧乎爾，有若夫婦六，爾可擬女子，幼時適人，後爲夫所棄，愀然以憂，今我耶和華爾之上帝，召爾旋歸，我棄爾不過俄頃，必加厚恩，納爾以歸，我耶和華爾之救主，忽生憤怒，暫遐棄爾，後施矜恤，永世靡暨，昔挪亞時，我矢之云，自後洪水，必不汎濫於天下，今也，我亦誓不怒爾責爾矣，我耶和華矜憫爲懷，與爾立約，錫爾平康，必不爽約，山岡可移，我之仁慈，斷不可移，爾遭患難，不納慰藉，若飄於颶風，我必以光石青玉作爾基，以紅寶玉築爾堦，以夜明珠飾爾門，四境之內，寶石聚焉，爾衆赤子，將蒙我教，大獲平康，以義與邦，無人虐遇，毋庸畏懼，四境不驚，糾合攻爾者，違我所命，必使投誠，燃火製器之人，我所造，用器傷人之人，亦我所造，兵革攻爾者，必不利，與爾舌戰者，必不勝，我使我臣僕，稱義納福，無不若是，我耶和華已言之矣。

**第二十五章** 耶和華曰，口渴者當臨水濱，無金者當至此，酤酒乳，市食物，無需價值，爾以金市者，不足以果腹，勞而得者，不足以饜心，是誠何故歟，爾謹聽我言，可飫嘉肴，可食肥甘，而心悅，爾之所云，宜傾耳以聽，歸誠於我，則可得生，我與爾立永約，昔我許大闢，錫以實惠，今將賜汝，我立受膏者爲師，俾作民長，秉國之鈞，異邦人素未之識，必蒙其召，趨而就焉，蓋我耶和華，以色列族之聖主，卽彼之上帝，使彼得榮，先知曰，耶和華離民不遠，將加眷顧，爾當乘時祈求，作惡者流，當改其行，寢其謀，歸誠耶和華，我之上帝，蓋彼矜恤爲懷，必赦宥之，耶和華曰，我所思所爲，與爾比擬，相去奚啻霄壤，我所思所爲，高出於爾遠矣，譬諸雨雪，自天降者，不能復歸於上，潤澤土壤，使

之萌芽結實，耕者以爲種，饑者以爲食，我言既出，非徒然也，必成我旨，行我意。我導爾出，以享平康，必欣然以往。山岡緣爾謳歌，林木爲爾鼓掌。松柏挺生，以代叢棘，岡枯秀發，以代荆榛。我耶和華留其異蹟於後，永爲記誌，歷世勿替。

耶和華曰：我拯選民，以彰仁義，其時伊邇，爾當秉公行義，遵從斯道，固守弗失，守安息日而弗瀆，束手而不作惡，則有福祉異邦之人歸誠於我者，勿曰：耶和華不以我爲赤子，閻者亦勿曰：我若枯木，凡受閻之人，守子安息日，從子所悅懌，不爽盟約，我之宅第，必賜彼居處，其名不朽，較子女衆多者爲多福。異邦之人歸誠於我，供我役事，敬愛我耶和華名，若子臣僕，守我安息日而不瀆，遵我誓約而不爽，我將導之，至我聖山，入我殿宇，祈禱乎我，欣喜懼怯，彼之燔祭，獻於我壇，我必悅納，蓋我室必稱爲祈禱之室，億兆咸集焉。昔耶和華安集以色列族離散之民，今主耶和華曰：我又將懷來異邦之人，咸萃一方。○又曰：當令野獸來此吞噬民之戍卒，目昧不明，守夜之犬，暗不能吠，或偃臥，或假寐，彼甚饕餮，不知饜足，譬彼愚蠢之牧人，無一不縱己欲，不顧私利，彼曰：盍來取酒縱飲醇醪，明日必多於今日。

施仁行義之輩，淹忽以沒，人不以爲意，不知其逝世者，正以避患耳。爲義者卒於正寢，得考終命，惟爾淫亂之人，術數之徒，咸集於此。爾曹罪人，僞爲妄作，張吻吐舌，欲侮何人。爾祭偶像，縱淫欲於茂林之下，戮嬰孩於巖谷之間，灌奠獻祭，奉事溪中光石，我豈能忍。爾曹陟高岡以獻祭，且置牀焉，門闕之後，爾立偶像，譬彼淫婦，背夫從人，與之相約，擇地設牀，欣然適彼，爾之

背我亦若是爾自沐膏多用香品入覲君王遣使遠方爾自屈辱幾陷陰府適於遠方不免困憊惟蒙輔翼不至喪膽不至缺望爾敬恪者誰反悖逆子不以子爲意子不罪爾爾益無忌憚爾自稱爲義爾所作爲毫無裨益余必暴爾爾患難號呼之際每望羣偶援手不知偶像一遇飄風靡有子遺惟以我是恃者可得斯土獲聖山以爲業竊聞人云平衢路修途去窒礙俾我民前往我永生之主至聖至高居聖所坐高位凡謙卑遜順者我與偕居活潑其心神暢快其意志我之責人不恒蓄怒恐子所造之人瞻喪氣餒彼貪財貨于我震怒扑之遠之彼乃乖戾不更厥志我見其所爲我將醫之導之以行慰藉其心以解厥憂耶和華又曰我錫平康遍於遐邇醫民之疾使人祝謝惟彼作惡之徒若波濤激濁翻騰莫遏上帝曰邪僻之輩不享綏安

宜大聲呼號響比吹角勿息其音告我民雅各家揮其罪惡彼日崇事余求我道詰我法欣然詣我前幾與行義之民不違上帝無異彼曰我已禁食卑以自牧爾不垂顧其意何居曰爾雖禁食乃縱私欲威迫傭人是爾禁食依然作惡與人爭競揮拳毆擊夫如是豈得升聞於上哉爾禁食之時卑以自牧屈抑若蘆身衣麻布坐於塗炭我耶和華豈悅此乎爲強暴所拘繫者當縱之自逸釋人重負使人屈抑折人衡軛禁食若此我何不喜饑者食之貧者寓之裸者衣之戚屬遭難毋掩面而不覩則爾之光明必如平旦爾之沉痾一朝頓失爾之仁義護爾於前我之榮光衛爾於後如爾待人不虐遇不譏訕不譏毀則爾呼籲我我應甚速若在左右如爾大發仁心賑饑濟困則爾之暗可變爲光赫然若日方中我恒導爾以行雖至槁壤必若園囿源泉不

竭灌慨有資，俾爾果腹，筋骸堅固，傾圮之邑，歷代荒蕪，維爾赤子，重加建造，城垣已毀，爾築之，達衢已斷，爾修之，安息日，我之聖日，如爾以是日爲可喜，可尊，奉事乎我，不務操作，不耽宴樂，不任己意，不言虛誕，以我爲悅，我必升爾於崇邱，享爾祖雅各之業，我耶和華已言之矣。

耶和華非手短不能救，非耳聾不能聽，實爲爾罪已深，故上帝隔絕爾，不垂顧爾，不俯聽爾，爾嘗殺人害人，手污指穢，口尙虛詞，舌施詭詐，人喜涉訟，不懷公義，不尙真實，譁張爲幻，藏於中者詭譎，行於外者邪惡，若胸蝮卵，若織蛛網，食其卵者必死，破其卵則蝮出，所織者不能爲衣，所作者不能自蔽，所爲者惟惡事，所行者惟暴虐，喜戮無辜，疾趨行惡，其謀不軌，其行殘刻，不由平康，不秉公義，行由邪徑，不獲福祉，故上帝不伸我冤，不拯我躬，我望光明，忽致幽暗，我望日中，偏值晦冥，徧捫不見，無異瞽者，捫壁而行，雖在日中，亦顛其趾，無異昏暮，雖得福田，不能安享，無異死亡之輩，我大吼，若能哀鳴，若鳩望仲寬而不得，冀援手其無人，我罪戾孔多，主鑒察之，我惡迹已彰，我心知之，我已妄行，背逆我上帝耶和華，所謀不軌，言行俱謬，秉公義者，遠遁遙立，言真實者，仆於達衢，不敢入邑，尙誠懇者，不可得，改惡行者，每遇害，援手無人，保護無人，耶和華見仁義衰頹，怒然憂之，彰厥仁義，顯厥大能，以拯斯民焉，以仁義爲護胸，以救人爲兜鍪，以伸寬爲和服，以熱中爲長衣，視人所爲，而加報施，仇敵之衆，洲島之民，赫然怒之，而降以罰，自日出之鄉，至日入之所，無不寅畏耶和華，敵人旣至，沛然若決江河，耶和華以風迴其狂瀾，○耶和華曰，必有救主，降臨郇邑，以救雅各家之去其舊惡者，耶和華又曰，我必與斯人立約，我所賦爾之神，

傳爾之言，口誦不輟，爰及子孫，歷世弗替，永世靡暨。

耶和華曰：我彰厥榮光，燭照選民，爾當福興，蒙其焜耀。天下億兆，處幽暗，居晦冥，惟爾得我耶和華，榮光普照。諸國列王，見爾榮光普照，咸來歸附。爾仰目環視，見衆和會，爾子來自遠方，爾女藉人提抱。滄海之珍寶，洲島之貨財，俱歸乎爾。爾見此而喜，心曠神怡。羣駝自米田以法，遍於爾境，人攜金乳香，自示巴詣爾，頌美我耶和華焉。基達羣羊，盡歸於爾，尼排約之牡綿羊，爲爾所用，獻於祭壇，見納於我，以彰聖室之榮光。庶民雲集，若鴿歸舍，速飛而至，不知何處來。洲島之民，瞻望乎我，大失之舟，先至載爾，赤子來自遠方，同攜金銀以奉我，以色列族聖主，爾之上帝耶和華，加爾榮光。異邦人建甌城垣，列王爲爾供役，蓋我既震怒責爾，今復矜憫爲懷，施爾厚恩。爾之邑門，晝夜不閉，列國貢其貨財，諸王擁護而至。凡茲邦國，不歸誠於爾者，必覆敗，必淪亡。利巴嫩之名樹，及松柏黃楊，移栽聖所，使我駐蹕之地，榮光不著。昔暴虐爾者，其子孫必屈節於爾。前凌侮爾者，將俯伏足下，稱爾爲以色列族之聖主。耶和華之郇邑，昔爾見棄被惡人踪罕至，後必使爾輝煌有耀。喜樂靡涯，歷世弗替。爾得列國諸王貨財，若子得乳，俾知我耶和華雅各家全能之主，救爾贖爾，我賜金銀以代銅鐵，賜銅鐵以代木石，統理爾者，使民平康，督役爾者，惟秉公義。境內不聞屈抑之聲，不見殘賊之事。城稱福祉，門號愉揚，晝不藉日，華夜無庸月皎，蓋爾之上帝耶和華，普施燭照，俾爾赫奕，永世靡暨。日不下墜，月不晦冥，蓋我耶和華恒燭照爾，煩憂頓釋。國之民人，我締造之，我栽培之，以彰我榮，彼懷公義，得恒業。今也，藐然一身，後必千倍，今也微弱，

後成強國，屆期，我耶和華必速行焉。

受膏者曰：主耶和華以神感我，以膏沐我，俾傳福音於貧人，傷心者醫之，釋被擄於縲絏，出俘囚於囹圄，命我宣播上帝耶和華之禧年，伸民冤抑，解民憂愁。凡在郇邑，哀哭者使其蒙塵，而冠花冠，不喪膽，不殷憂，懽然頌美，若沐以膏油，若被以麗服，譬彼茂林，耶和華所植，以彰其榮。城邑傾圮，歷年已多，荒蕪特甚，將復建造。異邦之人，將牧爾羣羊，耕爾田疇，修爾園圃。爾曹堪稱爲我上帝耶和華之祭司，供其役事，維彼列國，爾可享其貨財，被其榮顯。昔爾受人凌辱，後必屢膺大賚，得徵福祉。既返斯土，較昔得業，其數惟倍，懼忤無窮。耶和華曰：公義者我所深愛，強據不義者我所痛疾。我與選民，曾立永約，言出惟行，必視其所爲而報之，使其後裔，名聞列邦。凡見之，必知我耶和華錫嘏斯民。選民曰：我之上帝耶和華，錫我純嘏，加我仁義。若衣麗服，若被長衣，譬彼新娶者，冠以美冠，譬彼新婦，飾以寶物。我蒙福祉，不覺踊躍欣喜不勝。譬諸土壤萌芽，園圃甲坼，主耶和華必使仁義萌芽，列國頌揚之亦若是。

我爲郇邑，及耶路撒冷城，祈禱不息，欲彼得拯救，享福祉，有如明燈，輝光燦爛。列國君民將觀爾福祉，觀爾輝煌。耶和華錫爾以新名。爾之上帝耶和華，佑爾，視爾若花冠，若冕旒。不以爾邑爲曠土，不以爾地爲荒坵，必使爾邑爲可樂，必以爾地爲可復。蓋耶和華悅爾復爲爾國之主，有如男子，壯而得佳婦，造爾者之上帝，必娶爾，以爾爲樂。若夫之燕其新婚。耶路撒冷城垣，必置邏卒以察之，凡願耶和華者，當晝夜不息，求之不已，待其建造。耶路撒冷，使輝耀於天下。耶

和華具全能，有大力，指已發誓，爾之五穀，爾之酒漿，皆勤勞而得，自是而後，必不使仇敵食之，異邦人飲之。刈禾者得食，釀酒者得飲，詣聖所，頌美耶和華，當出邑門，平衢路，修甬道，去窒礙，爲民展旆。耶和華傳諭天下，普告郇民，爾之救主蒞臨，加以賞罰。人稱民曰聖民，耶和華所拯救者，稱斯國曰樂國，耶和華所不遺棄者。

選民曰：來自以東，破斯喇邑，具大力，衣麗服，染血淋漓，果何人歟？主曰：乃我踐言，力拯斯民也。選民曰：爾衣甚赭，若踐酒醪，誠何故哉？主曰：踐酒醪者，無他，我也。我震怒，蹂躪異邦人，血污衣襟。蓋救民之時，伊邇，我意必伸其冤。我見輔翼無人，不勝錯愕，故展力發憤，手援選民。我怒異邦人踐之於足下，使之搖撼靡定，若醉以酒，流其血於地。選民曰：耶和華自昔眷顧以色列族，矜憫無涯，恩膏甚溥，我念此而頌美焉。蓋耶和華以斯民爲赤子，不敢違逆，故耶和華爲其救主。民遭患難，主懷憂戚，自天遣使，以拯其災，特加眷愛，以贖其身。自昔迄今，扶翼之者屢矣。斯民違逆，使聖神懷憂，故耶和華視若雠民，而攻擊之。民憶古昔，摩西與其牧伯，爲主所導，至自海濱，賦以聖神，今我主安在哉？誰展巨力，左右摩西，中判滄海，不顯其名，永世弗替。民涉深淵，若馬行平原，不致顛躓，孰使其然？耶和華之神，使民綏安，導民歸來，若羣畜之下陵谷，以彰榮光。主居穹蒼，聖殿輝煌，昔則熱中，展其大能，矜憫爲懷，今也何靳爾恩，請俯視予。亞伯拉罕不知我，以色列不識我，惟耶和華我父也，我救主也。自古迄今，斯民不易。我迷於道，剛愎我心，不畏耶和華，爾何聽其然？爾何聽其然句或曰爾何使之然望爾垂念眷顧爾僕，救爾選民，聖民得業未久而敵人蹂躪聖所，爾非其民。



不治，爾以此視我儕久矣。

**第六十四章** 望爾闢穹蒼而臨格，山嶽震動，使仇敵知爾名，列邦戰慄於爾前，猶火焚藹，如水沸鼎，昔爾行異蹟，出我望外，臨格自天，山岡震動，人惟上帝是賴，上帝佑之所行之事，自開闢以來，耳未聞，目未覩焉。惟人樂於爲善，恒念爾道，爾其善待之，我屢作惡，于爾震怒，焉能得救。我儕污穢，雖有片長，仍如不潔之布，我若已枯之葉，因罪見驅，爲風飄颻，呼籲爾者無人，懇求爾者無人，爾遐棄子，緣我罪戾，使我消亡。耶和華歟，爾乃我父，我若泥塗，爾若陶人，爲爾甄造。耶和華歟，毋大發爾忿怒，毋恒錄我愆尤，垂顧我儕，視若赤子。聖邑荒涼，郇城蕪沒，耶路撒冷傾圮，昔有聖室輝煌，喬麗，我祖頌美之處，茲經焚燬，我所艷羨之區，今變荒蕪。耶和華歟，毋遐棄子，毋扑責子，毋屯爾膏。

**第六十五章** 耶和華曰，異邦之人，向未求子者，今將求子，而我聞之，向未謁子者，今將謁子，而我見之，向未歸子者，今將歸子，而我在其左右，選民違逆，任意爲非，我終日舉手勸迪，彼在我前，恒于震怒，獻祭於園圃，焚香於瓦壇，居於塚墓，宿於隱祕，所食豕肉，以可惡之物爲湯，盛於器皿，猶告人曰，遠避勿前，我潔過爾，子怒斯人，若煙上騰，若燄恒熾，我命載諸冊，必宣播之，降罰其身，彼與其祖，焚香山岡，辱我特甚，自取咎戾，我必罰之，適當其罪。耶和華又曰，葡萄成壘，可釀新酒，人皆曰，葡萄之中，汁漿嘉美，勿壞之，子也，眷顧我僕，不忍殲滅，亦此意耳，必使雅各子孫，猶大遺民，有我山岡，我之選民，必得斯，我之臣僕，必居斯，求我之人，牧羊於沙崙之野，放牛於亞割之谷，爾

曹棄我耶和華，忘我聖山。司命者備筵以尊之，司數者灌奠以奉之。我有命，爾不應。我有言，爾不從。我所不悅者，爾故爲之。我所不喜者，爾故舉之。必數爾罪，使屈身受戮。主耶和華又曰：我僕得食，惟爾饑餓。我僕得飲，惟爾煩渴。我僕喜樂，惟爾愧怍。我僕欣喜，以謳歌。爾曹憂愁而號泣，焦思苦慮，哀哭不勝。我耶和華將翦滅爾，垂戒選民。惟子臣僕，必錫新名。上帝真實無妄，凡在斯土，祈福者必祈之。發誓者必指之。前災已弭，不復目覩。我創造天地，煥然一新。昔所有者，不復記誌。見我所造，爾恒悅懌。我建耶路撒冷，以爲福地。使民懼忤靡涯。我爲耶路撒冷邑民，不勝喜樂。使哀哭之聲，不聞於耳。在彼無短折之年，不得考終者。壽至百齡，猶以爲幼。未屆期頤而殞沒者，人以爲犯罪遭譴。人必建宅第，以棲身。植葡萄園而食果。非我建屋，他人居之。非我栽圃，他人食之。選民之壽，比諸樹木，恒食其力。其所爲者，不徒勞。所生者，不夭殤。蓋我耶和華降以純嘏，爰及子孫。彼未祈子，予應其祈。啟口之際，我已俯聞。狼羔共食無害，獅嚙芻猶之牛。蛇食塵，以果腹。遍我聖山，必無損害。我耶和華已言之矣。

**第二十三章** 耶和華曰：天乃我坐位，地乃我足凳。爾曹何殿以容我，何地以安我乎。我耶和華手造萬物，使之咸備。凡謙卑遜順，敬畏我命者，我垂顧之。彼縱私心，以可惡之事爲悅。故宰牛刲羊，與殺人斬犬無異。獻禮焚香，與塗豕血，祈偶像無異。我有命，彼不應。我有言，彼不從。在我前行惡事，我所不悅者，彼故爲之。故我必降災，以彼所懼，加其身。畏耶和華命者，當聽我言。爾兄弟憾爾，緣我名而棄爾。自以此爲尊敬子，我必顯現，使爾欣喜。使敵愧怍。邑內喧譁，殿中鼓譟。我耶和華

有聲降災於敵。郇邑若婦，不圻嗣而分媿，未劬勞而生子，地出土產，豈能一日而成。國有民人，豈能頃刻而生。若此之事，孰見聞之。然郇邑人始覺劬勞，遂產其子。爾之上帝耶和華曰：我既使圻，副豈不使之產乎。我使萬物生育，何況選民乎。爾曹與耶路撒冷人友，憂患與共，今可欣喜。懼忤踴躍不勝。耶路撒冷人得榮光，受慰藉，爾可同樂。若子得乳，耶和華又曰：我必使彼平康。若江河之浩渺，使得諸國之貨財。若巨川之汎濫，爾曹可享厥福。若子得乳，爲母提抱，擁諸懷，加諸膝，我必慰爾。若母慰子，使爾復歸耶路撒冷。爾曹見我耶和華眷顧臣僕，震怒仇敵，必心神怡暢，筋骸堅固。若草萌芽，我耶和華必蒞臨，若烈焰之騰，乘大輅，若颶風之疾，發震怒，加譴責，火燎於前，以焚仇敵。蓋我耶和華降罰億兆，使蹈鋒刃，罹火災，殺戮者不可勝數。凡在園囿之人，自言已潔，一唱衆和，食豕與鼠，及可惡之物，我耶和華滅之務盡。其所思所爲，我鑒察之，必使諸國異邦和會，覲我輝煌。我將大施異蹟，使免難之選民，散布列國，俾至大失。卜路得張弓之族，及十八雅番，無遠弗屆，布告我榮於列邦，使未見聞者，得見聞焉。耶和華又曰：異邦人將攜爾兄弟，乘馬騾駱駝，載於輿，承於筐，來自四方，詣耶路撒冷。聖山以獻於我，若以色列族獻禮物，感於潔器，進我聖殿。我自其中，簡人爲祭司，爲利未人。耶和華又曰：我造天地，煥然一新，常在我前。爾之苗裔，聲名永著，亦若是。耶和華又曰：迨至後日，值月朔安息日，兆民必詣我前，崇拜我。違逆我者，戮之，以其尸徇衆，其蟲不死，其火不滅，爲萬人所惡。

耶利米書

第三章 便雅憫地亞拿突邑希勒家子耶利米爲祭司以耶和華所命筆諸書始於亞門子約西亞爲猶大王之十三年終於約西亞長子約雅金爲王於猶大次子西底家在位十一年是年五月耶路撒冷民遷於巴比倫耶利米曰耶和華諭我云余未造爾於胎我已知爾爾未生於世我俾爾爲執事立爾爲先知訓迪列邦我曰主耶和華歟渺余小子不能知所當言耶和華曰爾勿自以爲幼沖也我有所遣爾必前往我有所命爾必宣播我左右爾拯救爾可勿畏人耶和華把我口曰我以我命詔爾今日錫爾前知何邦開創何邦翦滅何邦立其基何邦撥其本言無不應耶和華諭我曰耶利米歟爾觀何物曰杏樹杏樹在猶大地花片最早曰然則我速行我命亦如是耶和華又諭我曰爾觀何物曰鼎沸其氣自北而至耶和華曰禍必自北臨斯民矣蓋我必召北方諸族咸至斯土置座於耶路撒冷邑門城垣及猶大諸邑斯民違我焚香奉事他上帝崇拜手所作者肆行惡事故我有命必降災於其身惟爾束腰勃然而興盡述我命勿畏其威否則我必使爾驚懼特甚猶大王公祭司庶民攻爾我必使爾屹立若鞏固之城鐵柱銅垣彼雖敵爾必不能勝蓋我耶和華左右爾拯救爾

第四章 耶和華諭我俾我告耶路撒冷人宣播其言曰我憶在昔邦國肇造爾行於野無人耕種之地當時我眷愛爾若納聘之幼女以色列族乃成聖之民以奉事我若土產之初實我頒斯詔凡吞噬斯民獲罪於我者必遭災害雅各家以色列族宜聽耶和華之言耶和華曰維昔爾祖見

我所爲，有何苛政，故背逆子，崇事虛無，所爲放誕，六七八我導斯民，出於埃及，過曠野深坑之地，汲道已絕，陰翳之所，廬舍全無人踪罕至，我令此族，入於良田，食其土產，得其嘉物，自是之後，彼乃使我田疇聖業，咸染污穢，深可痛疾，庶民祭司，俱不求予，傳法之師，不識余道，民牧背子，先知託巴力之名而言，所作無益，故我耶和華，必斥爾非，爰及子孫，可往基底洲島，而瞻望之，可遣人至基達，而省察之，有此事否，列邦之所爲，上帝，非上帝也，然未嘗有人棄之，我民昔則歸榮於我，今又棄我，以事無益之物，耶和華又曰，天亦以此爲奇，愕然駭異，我民作二大惡，我乃活水之源，彼反棄子，器易敗漏，不得盛水，彼反造作，以色列族，詎同家之厮養乎，何爲被擄人，攻斯邦，若稚獅狂吼，荒蕪其地，燬焚其邑，無人居之，十五挪弗答比，蓋人碎汝頭，我耶和華爾之上帝，導爾於途，爾乃棄我自罹斯害，爾今或往埃及，飲西曷之水，或往亞述，飲百辣之水，果何爲哉，九萬有之主耶和華曰，爾犯罪違道，必遭刑譴，俾爾知退，棄我躬，不畏我威者，必備嘗艱苦，越在疇昔，我折爾軛，解爾結，爾曰，必不犯罪，然於羣峯之巔，茂林之下，縱欲奉事偶像，昔我肇造爾邦，若植葡萄，擇其嘉種，迄於今，嘉者奚變爲劣，三主耶和華又曰，爾雖以鹼水皂莢，洗濯厥身，然爾犯罪，黥墨之迹，終不能滅，爾豈得曰，不染污穢，未從巴力乎，爾於谷中所行，爾自知之，如牝駱駝，相誘以風，馳逐遠去，野驢其風，放佚曠野，牝求其牡，孰能禁之，追之徒勞，迨其既定，仍必遇之，勿作惡，以致足跣口渴，然爾曰，毋庸勸我，崇他上帝，弗能已焉，六盜被執，則愧恥，以色列族，王公祭司，先知庶民，無不懷慙，亦若是，彼稱木爲父，稱石爲母，居恒之際，則背逆乎我，患難之時，則求予援手，猶大人歟，爾之衆邑，各事

一上帝其數相等所作之像安在。蓋使彼並起，拯救爾曹。耶和華曰：爾曹負罪之人，怨子曷故。吾督責爾赤子，仍不受教，使我徒勞。惟爾手刃先知，若猛獅吞噬。斯世之人，宜聽我言。我眷佑以色列族，詎若幽曠之野，杳冥之域哉。何以我民放縱，不肯詣子。處女之簪珥，新婦之衣裳，無刻或忘。惟我民忘子，歷時已久。爾何冶容誨淫，以爾所爲，誘惑蕩子。爾虐遇貧民，多殺不辜，血染衣裾，毋庸掘地以見，隨處露迹。爾自爲無罪，冀子弗怒。爾不任過，我必鞠爾。爾何肆志遨遊，重蹈故轍。昔爾維亞述是恃，而蒙愧恥。今爾惟埃及是賴，而抱羞慙。爾所恃者，爲我所棄。俾爾不利，以手抱首而去其國。

有言出妻，任其他適。既出勿納，恐斯邦染其污穢。耶和華曰：惟爾縱欲背子，崇事他上帝，今使爾歸誠於我，曠覽崇丘，何往非爾狗欲之地。爾憩坐途側，以惑衆，若亞喇伯人，潛身曠野，以害人。爾作惡縱欲，污穢斯邦。甘霖不沛，春霽不降。爾醜顏不知恥，有若淫婦。當爾幼沖，我誨爾諄諄。何至今日，不以我爲父子，不恆責爾，不屢怒爾。然爾所言所行，惟惡而已。○當約西亞王年間，耶和華告耶利米曰：以色列族，有若淫婦，爾豈不見乎。彼背我，陟高巒，入茂林，狗欲而行。我見其所爲，欲其歸誠，惟彼不從。其與猶大族，親若姊妹，猶大族效尤，屢欺侮子。以色列族既背我，狗欲而行。我棄之，與以離書。其姊妹猶大族，屢欺侮子，毫無畏葸。狗欲而行，我鑒察之。彼狗欲特甚，崇拜木石，污穢斯邦。厥後佯爲歸誠，心不誠慤。○耶和華又告耶利米曰：以色列族背子，猶大人欺子，相若比較，則以色列之過尤細。爾往北方，揚聲播告曰：耶和華曰：爾以色列族背子，今當歸誠。

蓋余矜憫爲懷，不常蕃怒，必眷顧爾。我耶和華爾之上帝，爾違逆予，不遵我命，入諸茂林，崇事他上帝，今當任過。耶和華又曰，爾曹違逆之流，爲我所棄，今當歸誠，我必納爾於城邑中，則簡一人於支派中，則簡二人，導至郇山。民牧若得我心者，我必立之，使以智慧治理爾曹。耶和華曰，當斯之時，爾既蕃衍於茲土，則我之約櫃，可置之弗道，勿復貴重，毋庸憶念，不詣其所，不製其式，如昔所爲。以耶路撒冷爲我駐蹕之所，列邦之民必詣斯邑，尊崇我名，惡念不生，惡事弗作。斯時也，猶大家會以色列族偕行，來自北方，至我所予厥祖之地。予竊自思，安能以爲爾赤子，斯土膏腴，列國之民以爲佳業，焉能予爾。轉念曰，爾稱予爲父，無違逆予，則可。耶和華又曰，以色列族歟，爾曹欺予，若婦欺夫。爾曹背道，忘我耶和華，爾之上帝，今在童山，我聞哭聲，籲呼於上。我曰，背逆之子，歸誠於我，我有爾罪。民曰，爾耶和華乃我之上帝，今我詣爾之前，禱彼岡巒，俱爲徒勞，惟我上帝耶和華拯救以色列族。自昔以來，我之列祖，竭勞而得牛羊子女，悉爲可惡者，吞噬無遺。自古迄今，我之列祖爰及我躬，獲罪於我之上帝耶和華，不遵其命，故蒙羞恥，一蹶不振。

耶和華曰，以色列族歟，如爾歸誠，則可返爾故土，如爾棄可惡之物，則我不遷徙爾。爾指予而發誓，言必實踐，行必秉公，異邦人亦祈禱予，頌美予焉。耶和華諭猶大族，耶路撒冷人曰，荆棘叢生，不可播種，必開墾土壤，猶大族耶路撒冷人歟，當潔心志，若受割禮，崇事乎我，如爾猶作惡不悛，我怒必烈，若火之燃，炎炎不滅，播告猶大及耶路撒冷人，當吹角召衆和會，羣入城垣，立旌旆遙指郇岡，使人逃避於彼，毋稍遲延，我降大禍，來自北方，盡遭其毀，殘賊列邦者，猶獅出林。

而至、彼出其所、必使爾地荒蕪、城邑傾圮、無人居處、爾當衣麻哀哭、蓋我怒正盛、莫能遏止。耶和華又曰、當是時、國王牧伯喪膽、祭司先知駭愕。耶利米曰、主耶和華歟、爾曾告耶路撒冷民曰、可得平康。今反飲刃、害及生命、言既不應、寧非欺乎。耶和華曰、我將判擬耶路撒冷居民告之曰、我必使炎熇之風、來自曠野、童山較簸揚禾穀之風、尤大、以擊斯邦之民。敵將雲集、車若颼風、馬奔迅過於鷹隼、億兆自謂我遇災害禍將及矣。耶路撒冷人乎、爾懷妄念、伊於何底、當滌爾私心、去爾惡念、可得拯救。聲自但地、及以法蓮山而至、以報患難之事。當告列邦、使耶路撒冷人知勁旅來自遠方、欲攻猶大諸邑。耶路撒冷人背我耶和華、故敵圍之、若守園之丁、環圍而居、彼所行艱苦、所爲暴戾、喪其心術、自召禍患。耶利米曰、我聞吹角戰鬪之聲、我心戚戚、中懷不安、不禁哀鳴。城邑破於陸續、帷帳毀於俄傾、遍地荒蕪、我見旌纛、我聞角音、何時可止。耶和華曰、我民愚昧、俱不知我、不明孰甚、作惡則智、爲善則愚。耶利米曰、我觀地虛曠、天無光、山巒震動、四境無人、飛禽已去、良田荒蕪、城邑傾圮、蓋耶和華泣臨、其怒殊烈。耶和華曰、雖遍地荒蕪、我怒猶不息。因是地必愁慘、天必幽暗、蓋我言之、我志不回、乘馬執弓者、諠譁不靖、舉邑遁逃、入彼叢林、登彼險阻、衆邑荒蕪、無人居處。爾邦淪喪、將如之何、雖衣絳垂金、修容飾目、俱爲徒勞、昔與爾行淫者、必藐視爾、謀害爾。我聞有聲哀號、若妊婦初產、卽郇女之聲、哭泣伸手曰、殺我者至、禍必不遠、我喪厥膽。

**第二十五章** 在耶路撒冷達衢、宜急遍行稽察、若得一人行義言真、則其餘亦必加寬宥。斯民雖指耶和華而誓、適見其妄。耶和華歟、爾之鑒觀不爽、加以督責、彼不哀慟、殲滅殆盡、彼不受教、彼顏堅



於石不肯歸誠。我自謂彼貧乏者流，懵然愚昧，不識厥上帝耶和華之道。我必詣世家，與之語，彼庶幾灼知上帝耶和華之道，惟彼折軛斷維，不受約束，彼逆主屢矣，故必死於林中之獅，斃於貪夜之狼，豹守其邑，伏視眈眈，凡出邑者，必被斷傷。耶和華曰：爾之赤子，我使之果腹，尚有背子者，指他上帝而發誓，集於娼妓之室，狗欲而行，我見此，豈能宥爾，維彼夙興，縱欲無度，貪人妻女，若肥馬鳴嘶，牝牡相誘，有民若此，我豈能不加責罰，以雪我憤哉。耶和華又曰：宜登邑垣，雉堞環列，非屬於我，可撤其衛，勿盡毀之，蓋以色列族猶大家，負予特甚，彼違我耶和華，謂我非上帝，不能使彼遭難，飲刀受饑，先知有言：災必及民，民謂其言虛誕，若風未嘗奉命於上，萬有之上，上帝耶和華，告先知曰：爾傳我命，民棄之若此，我必以命爲火，以民爲柴，焚燬務盡。耶和華告以色列族曰：遠方有國，歷年已久，其民强悍，其方言爾不識，其所語爾不明，我必使之攻爾，所統士卒，無不英武，一啟厥殺，令人歸墓，食爾饑糧，戮爾子女，宰爾牛羊，斫爾葡萄，以及無花果樹，毀爾所恃之城垣，刃擊居民。耶和華又曰：當是時，我不盡滅爾，如有詰先知者，謂我之上帝耶和華，降災於我，曷故。先知必曰：爾棄耶和華，在爾故土，崇事非爾之上帝，故必在非爾之地，從事異邦人，當告雅各家猶大族，曰：不智之徒，無慧者流，有目而不見，有耳而不聞，宜聽斯言。耶和華云：我立命不易，以沙界海，洪濤澎湃，不得越其防，爾豈不寅畏，戰慄於我前。斯民思叛，中心懷惡，棄子如遺，不肯自謂我之上帝耶和華，春雨秋霖，無不時若，迨屆稽期，俾我能享，故當畏其威焉。斯民犯罪，福祉不降，中有惡人，匿於歧途，備設羅網，專務陷人，籠之有鳥，以誘飛禽，斯民中藏僞詐，以致巨富亦若。

是體則肥胖，容有光華，作惡勝於尋常，孤貧被控，不爲折中。耶和華曰：有民若此，我豈不降罰，以雪我憤。國中所行奇惡，深可痛疾，先知傳虛詞，祭司隨聲附和，國民以此爲悅，將若之何。

耶和華禍自北至，毀傷特甚，爾便雅憫子孫，宜和集，出耶路撒冷，在提哥亞吹角，在伯哈西林舉烽火，郇邑雖美，甚有容儀，我命翦滅牧羊之民，驅羣畜至，郇邑四周張幕，隨意嚙芻。敵曰：與我攻城，勿過日午，如待日昃，薄暮將至，行路尤難，既至則曰：當寅夜攻城，毀其殿宇，萬有之主耶和華曰：耶路撒冷人，強暴特甚，當降以災，伐木築壘，以環攻，彼常行惡，如源泉混混，彼爲暴虐，行強據，皆耳聞之，彼殘疾人，困苦人，我目覩之。耶路撒冷人，歟，宜受勸迪，否則我厭棄爾，使地荒蕪，無人居處，萬有之主耶和華曰：以色列族遺民，爲人所虜，若探葡萄，承之於筐，止而復探，我將與誰言，使之聽命，彼充耳不聽，彼姍笑我命，不以爲悅，故我忿怒盈懷，不能復忍，必降災於達衢之孩提，結黨之壯士，夫妻者老，俱被俘囚。耶和華又曰：我將舉手，擊斯土之民，其宅第田疇，妻室爲他人所得，自尊速卑，貪婪無厭，先知祭司，俱言詐僞，醫民之傷，不過皮毛，謂有平康，平康不至。彼行可惡之事，豈有羞惡之心哉。恬不知恥，毫不懷慙，故我耶和華降災之時，必使傾圮，淪胥以亡。耶和華曰：當立道旁，訪其舊途，正直者履之，可得平康。人曰：余不欲正直是履，我置邏卒，使聽角聲，民曰：我不欲聞異邦之人，斯會之衆，宜聽我言，知禍將及，我告天下，尙其聽予，斯民不從我言，不遵我法，故我降災，罰其詭謀，香品攜自示巴，菖蒲得自遠方，獻我曷故，爾之燔祭禮物，我不悅納。耶和華又曰：我將置窒礙於民前，使父子友朋，顛躓而亡。耶和華曰：大邦之民，勃然而興，來從北方。

至自地極。執弓持戟，殘忍不慈，聲若海濤，乘馬列陳，以戰耶邑。先知曰：我聞其聲，已喪厥膽，我懷憂戚，若婦將產，勿往於田，勿行於途，敵人執刃，四周震懼，殘賊猝至，民必衣麻，坐於塗炭，舉哀甚慘，若喪獨子。耶和華告先知曰：我使爾試民，同於煉金，置爾於成樓，知民所行。彼悉違予，評人長短，若金與銅鐵交融，冶金者徒勞，風箱已焚，鉛以火消，相雜不分，僅成頑金，見棄於耶和華。

**耶和華諭耶利米曰**：爾當立於殿門，播告乎衆云：凡猶大人，入此門，崇拜耶和華者，應聽其言，萬有之主，以色列族之上帝，耶和華曰：爾當改其品行，易其作爲，我使爾安居斯土，有言虛誕者，三稱耶和華殿爲可恃，爾勿信之。如爾改行易爲，彼此行義，不虐遇遠人，不害孤寡，不殺無辜，不崇事他上帝，以召禍患，則昔我所錫爾祖之地，以爲永業者，今必俾爾安居。人述虛誕，無益於事，爾乃信之，爾攘竊殺人，行淫妄誓，焚香以敬巴力，崇事素未識之上帝，又至願我名之所，奉我於斯殿，以爲作惡無傷。此殿爲願我名之所，爾曹視若盜巢，我耶和華鑒察之矣。昔以示羅爲願我名之所，以色列族作惡，我既有以處之矣，爾可往觀。耶和華又曰：爾旣作此，我數告爾，爾弗聽，我屢召爾，爾不諾，故我所錫爾祖及爾之地，與斯殿爲願我名之所，爾所恃者，我必敗之，如昔敗示羅然。我必遺棄爾，與遺棄爾兄弟，以法蓮族，無以異也。惟爾先知，勿爲斯民祈禱，呼籲於上，我必不許。彼在猶大諸邑，及耶路撒冷，迤衢所行之事，爾豈不見之？子採薪，父爲炊，婦女團麵爲餅，以奉天后，酒以灌奠，敬他上帝，于我震怒。耶和華又曰：彼作此，于我震怒，豈非自貽厥羞乎？主耶和華曰：我必降災，斯邦之民，以及野獸、林木、田土所產，我怒甚烈，靡人遏止。以色列族之上帝

萬有之主、耶和華曰、燔祭之肉、爾可食之、與禮物無異。昔我導爾祖出埃及、我諭以命、不第爲燔祭禮物也、我所諭者、乃使其敬聽我言、我必爲其上帝、彼將爲我民、如遵我命、必獲亨通。爾祖不傾耳以聽、縱其私欲、輒蹈愆尤、退縮不前。自爾祖出埃及之時、迄於今日、我數遣諸僕先知、訓迪爾衆、爾不傾耳以聽、仍強厥項、較祖尤甚。上帝告先知曰、爾雖有命、民不聽從、爾雖招徠、民不應命、故當切指之曰、斯民不聽其上。帝耶和華之命、不受訓誨、不言真實、故耶和華怒斯民、棄之如遺、民憂患斷髮、務盡哭於童山。耶和華曰、猶大子孫犯罪於我、置可惡之物於殿、使顛我名之所、咸染污穢、在便欣嫩谷、築陀法崇丘、焚獻子女、于我所禁、我深痛疾。時日將至、人必不復以陀法便欣嫩谷名斯地、而以殺戮稱、死者無地可埋、咸葬於陀法、走獸飛禽食其尸、無人驅除。在猶大諸邑、耶路撒冷、達衢、不聞懼懼之聲、新娶者及新婦之音、遍地荒蕪、我使之然。

耶和華又曰、當是時、人將發狃、大王公祭司先知、與耶路撒冷居民之塚、而暴其骨。昔彼悅事、俯伏祈禱、天上日月、今其骨爲三光所暴、人不捨而瘞之、視若糞壤。所遺之民、多行不義、我驅逐之、散於四方、惟求速死、不樂有生、我萬有之主耶和華已言之矣。耶和華使先知告民曰、豈有顛仆而不起、迷途而不歸乎、然則耶路撒冷人恒背逆子、固執詭詐、不知悔改、曷故。我傾耳諦聽、人無正直之言、無悔罪之心、而內自訟焉、彼疾行其道、若馬之臨陳馳驅、飛鶴知其期、班鳩立鳥呢喃之類、俱知當來之時、惟我民不識耶和華之法。○奚必自誇爲智、得耶和華之律例、繕寫舛謬、盡成僞例。智者迷惑、媿恥、不勝憂疑、棄耶和華之道、烏得爲智。耶和華曰、自尊達卑、貪婪無

厭先知祭司，俱言詐僞，故其妻室必適他人，其田疇爲他人所得，我使之然。醫民之傷，不過皮毛，謂有平康，平康不至彼行可惡之事，豈有羞惡之心哉？恬不知羞，毫不懷慙，故我耶和華降災之時，必使傾圮，淪胥以亡。耶和華又曰：我必糜爛斯民，葡萄樹無花果，必至凋零，枝葉必枯，我所賜之物，泯焉無存。先知告民曰：我儕坐此曷故，必會衆入城，在彼默默無語，我獲罪於我之上帝耶和華，使我嘗膽，無詞可述。我望平康，不可復得，我望援手，禍患叢集，敵馬噴氣，聞自但邑，驛騶嘶鳴，遍地震動，彼至斯土，吞噬邑衆，以及土產。耶和華曰：我遣蛇蝮螫爾，卽善制蛇者，亦無如之何。先知曰：我欲解憂，反喪厥膽，我民號呼於遠方曰：大君耶和華，豈非護衛郇邑者哉？耶和華曰：彼崇事偶像，及異邦人無靈之物，于我震怒。民曰：夏日已過，穡時旣畢，而我未獲拯救。先知曰：我民被害，我亦受傷，哀慘駭愕之至，在基列，豈無乳香，豈無醫士，何我民之不得醫耶。

願我首爲淵，我目爲泉，淚出不止，斯民被戮，我爲哭泣，無間晝夜。○我民詭詐行淫，我欲去之，願遜於荒，得託足之所。耶和華曰：彼民逞舌妄言，若援弓發矢，言雖不誠，偏能得志，作惡無已，不識我道，當謹防鄰里，勿信兄弟，蓋兄弟相欺，鄰里謾誑，各相欺誑，不言真實，舌出誑詞，孳孳爲惡。耶和華告耶利米曰：爾之鄰里詭譎，不識我耶和華之道，萬有之主耶和華又曰：我將何以處我民，必煨煉之而後可，鼓舌欺人，勝於毒矢，口言平康，心謀殘害，有民若此，我豈能不加責罰，以雪我憤。山岡牧原，俱被焚燬，杳無人迹，不聞牲畜之鳴，飛鳥走獸，皆已奔散，我用是殷憂。耶路撒冷城變爲瓦礫，野犬藏於其中，猶大諸邑荒蕪，無人居處，我使之然。遍地蕭條，恍若沙漠，人踪

罕至，焉得哲人，蒙子啟示，而言其故。耶和華又曰：彼棄我法，不遵我命，乃縱私欲，崇事巴力，效祖之尤。故我以色列族之上帝，萬有之主，耶和華言，必使斯民，食苦飲毒，流離列國。此國乃其祖所未聞，彼所未知者。我仍手刃之，殲滅務盡。萬有之主，耶和華曰：遍訪慧女，能謳哀歌，招之至此，使其速至，爲我舉哀，使我目擊心傷，淚如泉湧。在郇邑，聞彼哀歌曰：我見虜離故土，我室已毀，不能容膝，含羞蒙垢。先知曰：維爾眾女，耶和華之言，宜傾耳以聽焉。當令爾女舉哀，鄰里哭泣。蓋注死者入我牖，使我殿，在達衢中，戮孩提，殲壯士。故爾當言耶和華有成命，必使人之尸骸，散於田疇。有若糞壤，亦猶刈者遺禾，無人拾之。耶和華曰：賢者毋自誇其賢，能者毋自矜其能。富者毋自炫其富。我耶和華施仁義於天下，言出惟行，以此爲悅。如爾識我耶和華，則可自詡。耶和華曰：時日將至，受割與未受割者，我悉降罰，使之同刑。埃及猶大，以東亞捫，摩押與雜髮之四周，居於曠野者，俱未受割，以色列族心未受割，皆遭重譴。

耶和華曰：以色列族，宜聽我言，勿效尤異邦。上天垂象，異邦人所深畏，爾勿畏之。億兆之禮儀虛僞，有入林叢以斧伐木，以丕治之，以金銀飾之，以鎚釘之，使不搖動，屹立若柱，不能言，不能行，藉人肩負，彰燁不加，爾勿畏於何廟。耶和華至大，至能莫之與京。爾惟億兆之大君，盡人當敬，孰不畏爾。列國諸聖者，不得與疇如之，何拜偶像，愚蠢孰甚。欲知其妄，以木爲證。擣銀使薄，至自大失。金自烏法，冶人鎔之，匠人愛民，於亦之布爲衣，良工織之。惟耶和華真上帝，永生爲王。彼赫斯怒，則大地震動，彼發憤，則億兆不安。當告民曰：非造天地之上帝，必亡於天地間。耶和華

以其大能創造大地，以其智慧展布穹蒼，奠定寰宇。彼命既出，霧起地極，雲集穹蒼，電閃雨下，風藏府庫，彼能出之。惟彼偶像，崇之者愚蠢，鑄之者蒙羞，偶像僞物，內無生氣，悉無靈爽，妄人所作。天災一至，與衆偕亡。雅各所崇之上帝，不若是。彼造萬物，簡以色列族爲民，萬有之主耶和華其名也。○耶和華曰：在邑之民，當歛財貨，蓋我必於斯時，驅逐斯邦，若以繩發石，使之困苦，遭難特甚。民曰：哀哉！我受傷殘，其痛殊甚，如此憂愁，其何以堪。我幕已傾，其繩已斷，我之赤子，逃亡於外，歸於烏有，張幕無人，立帷無人。民牧愚懵，不求耶和華，故不亨通，羣民四散，風聞敵至，北方大震，使猶大諸邑荒蕪，爲野犬之藪穴。耶和華歎曰：我知人事，不操諸己，人居斯世，不得整其步履。耶和華歎曰：爾譴責余，當寬和，毋震怒，恐余滅亡。異邦之人，不尊爾，不顧爾，吞噬雅各家，毀其居處，則必震怒降罰焉。

耶和華諭耶利米，俾告猶大族，耶路撒冷居民，咸聆盟約之言。曰：以色列族之上帝耶和華云：昔我導爾祖出埃及，如脫冶鑪，諭之曰：我所命爾必聽，則可爲我民，我爲爾上帝。我與爾祖誓，錫以產乳與蜜之地，必踐前言。今日之事爲徵，如爾不從斯約之言，禍必不遠。耶利米曰：耶和華歎，余敢不惟命是行。耶和華使耶利米，播告於猶大諸邑，及耶路撒冷，達衢云：宜聽斯約之言，遵從弗失。自我導爾祖出埃及，以迄今日，我屢訓迪，曰：宜聽我命，彼不肯從，不傾耳以聽，乃縱欲行惡，我所命之約，彼不恪守。我已降罰，循約所言。耶和華又告耶利米曰：猶大人及耶路撒冷居民，咸謀叛逆，予鑒察之。其列祖不聽我言，崇事他上帝，彼乃效尤，我與彼祖結約，以色列族及

猶大家，爽我盟約。故我耶和華必降災其身，使彼不能逃避。彼雖籲我，我必不應。猶大諸邑各事一上帝，耶路撒冷諸遠衢，各立一祭壇，焚香崇拜可惡之物，巴力不知患難之時，雖籲呼之，弗蒙拯救。惟爾先知勿爲斯民祈禱，彼罹禍害，呼籲於上，我必不應。我之選民，樂與衆同惡，尙入我殿，以獻聖胙，亦奚以爲。我耶和華以爾爲橄欖枝，葉葱蘢，結果繁庶，今威聲大振，火燃焰騰，焚其枝葉。我萬有之主耶和華，昔培植爾，今降爾以災，蓋以色列族猶大家焚香崇事巴力，干我震怒。耶利米曰：民謀害子，乃蒙耶和華默示，俾我灼知人謀害我。我昔不知譬彼羔羊，其性柔順，將就死地。人曰：當滅其生命，若伐木剝果，使名不存。萬有之主耶和華歟，爾鑒察人心，惟秉公義。我訴於爾前，爾其雪忿，使我目覩。萬有之主耶和華曰：亞拿突居民，既謀害爾，使爾不託我名而設教言，必戮爾，故我必罰之，使其壯士飲刃受戮，子女饑餓而死。屆期降災於亞拿突人，使無子遺。

**耶利米書** 耶利米曰：耶和華歟，吾訴於爾前，爾惟公是秉，卽以爾行事論之，作惡者亨通，逆理者平康，誠何故哉。爾栽植斯人，遂發根株，長而結果，口則附爾，心則遠爾。耶和華歟，爾鑒察子，知子中心信從，惟彼作惡者流，爾其牽之，若羊置於死地。人居斯土，作惡無厭，自謂上帝不加彰輝，故邦國愁慘，土產槁枯，禽獸死亡，伊於何底。耶和華曰：爾與步卒爭鬪，已形困憊，焉能與驍騎角力哉。邦國平康，爾可自恃，約但漲溢，將如之何。宗族兄弟，疇昔欺爾，羣驅逐爾，今雖善言相待，亦勿信之。我棄聖殿，與所得之土，委我愛民，付於敵手。我視斯民若林中之獅，聞其狂吼，故深痛疾。我視斯民若斑狼，凡鷙鳥走獸，俱當羣集，而吞噬之。殘賊衆多，毀我園圃，蹂躪我業，使我良田變爲



曠野。邦國荒蕪，號呼於我前。國雖荒蕪，人猶不以爲意。曠野童山，寇賊已至，遍於四境。民懼鋒刃，被吞噬，不享綏安。我使之然。所播者麥，所穫者荆，雖勞無益。見土產則蒙羞，我怒震烈，故使之然。

○耶和華曰：凡彼鄰邦，作惡不悛，侵伐我所賜以以色列族之土，我必救猶大家，得脫敵人之地。驅鄰邦出於其故土，既驅之出，後加矜憫，使歸故土，恢復舊業。如鄰邦之人，效我民所爲，指我而誓，不復教人指巴力而誓，則可恒居於我民間。不然，我必殲滅之。耶和華已言之矣。

耶和華謂我曰：當取麻帶，勿浸於水，以束於腰。我遵耶和華諭，取帶束腰。耶和華復告我曰：取束腰之帶，往百辣河，藏於磐隙。我遂往藏之於百辣，遵耶和華命。歷日既久，耶和華告我曰：我昔諭爾，藏帶於百辣，今往取之。我往百辣，於所藏之所，掘磐取帶，帶已糜爛無益。耶和華告我曰：猶大及耶路撒冷，汰侈已甚。我耶和華將敗之，與此無異。惡民不聽我言，輒自縱恣。崇奉他上帝，服事崇拜之，必使之無益。有如此帶。耶和華曰：帶附人身，如此我使以色列族猶大家附我。爲我民，聲名播揚，榮譽昭著，惟彼不聽。爾當以我以色列族之上帝耶和華命傳之曰：衆革囊必盛以酒，彼將曰：我豈不知之耶。爾可復傳我命曰：我必使繼大關爲王者，祭司先知，及耶路撒冷居人，遍地之民，俱醉於酒，沉酣不起。互相顛擠，父子咸蹶其趾，不加矜憫，滅之務盡。耶利米曰：耶和華旣言，宜傾耳以聽，毋驕乃志。爾之上帝耶和華，宜虔共寅畏，否則使爾幽暗，顛躓於晦冥之岡。爾所望之光，變爲陰翳昏黑。如爾志傲不聽，我於暗室，爲爾傷心。見耶和華羣民被虜，我目潸然出涕。當告王與后云：卑以自牧，退居下位。蓋上帝必使爾棄其冕旒，滅其容光。南方之邑，將閉

不啟，猶大遍地，民人被虜，靡有孑遺。昔有羣民，上帝付爾，爾以自詡，而今安在。爾舉目觀瞻，見民至自北方，爾素尊之爲君長，及遭其難，尙有何詞。豈非劬勞，若婦臨產，如爾問何爲遭難，則爾當知罪惡衆多，故裸爾體，跣爾足。古實之人，豈能革其面，豹豈能改其斑，則習於惡者，可學爲善乎。耶和華曰：我必使斯民離散，如狂風飄草芥，爾曹棄我，所恃妄誕，故我罰爾，必若是。我必去爾帷裳，以加爾首，使爾蒙羞。耶路撒冷人歎，爾縱欲無度，貪人妻女，若馬鳴嘶，爾陟山岡，行平原，惟作惡事，深堪痛惡，我鑒察之，禍必不遠，願爾自潔，何時可成。

耶利米以旱乾之事，得耶和華默示，播告於衆，曰：猶大國懷憂，邑民衰絰，哀慘靡已，耶路撒冷號呼，升聞於上。長者遺少者，汲水，井泉枯竭，挈其空瓶，含羞蒙首而歸。遍地無雨，土壤燥裂，耕者抱愧，而蒙厥首。郊原無草，塵產子而遺之。野驢立於童山，喻氣若野犬無草而目盲。耶和華歎，我罪戾孔多，爾鑒察之，雖屢背爾，願爾赦宥，彰爾仁慈。以色列族遭難之時，惟爾是望，得爾拯救，今爾不眷顧余，自視若旅人，偶過斯土，暫留一宿者然，曷故。爾見我臨難，不勝駭愕，若不能援手，昔日之權能安在。耶和華歎，爾駐蹕於我間，我爲爾民，請勿棄余。耶和華曰：斯民樂於背道，不回头履，故我不悅，念其罪愆，加以刑罰。耶和華告我曰：勿爲斯民祈福，彼禁食，願我，我必不應，彼獻燔祭禮物，我不悅納，必以鋒刃，饑饉疾疫，滅之務盡。耶利米曰：主耶和華歎，諸僞先知曾告斯民，必不飲刃，不受饑，安居斯土，永獲平康，出於耶和華所賜。耶和華曰：維彼先知，託我之名，普傳妄誕，我未嘗遣之，亦未嘗降諭，彼所言者，虛僞之異象，無憑之卜筮，中心所思之幻境。今我頌

詔論彼爲先知之事，彼未嘗奉我所遣，猶託我名而告民云：斯土必無鋒刃饑饉之虞，彼先知必以鋒刃饑饉殲滅之。凡從其言者，必飲刃受饑，陳尸於耶路撒冷，達衢以及妻室子女，無人瘞埋。蓋我使之慘罹惡報。爾以我言播告於民。耶利米曰：斯民遭難孔艱，可爲晝夜痛哭流涕也。往於田所見無非殺戮，入於邑，觸目盡是餓殍。先知祭司往來貿易，不以爲意。耶和華豈遺棄猶大，痛疾郇邑哉？奚擊我而不醫，我冀平康而有禍，望得醫而加傷。耶和華歟，我祖與我獲罪於爾，我已過毋痛疾我。彰爾仁慈，爾駐蹕之所，夙著榮光，勿以爲辱。爾與我立約，請誌之勿忘。異邦人所奉之偶像，豈能使天沛以膏澤，降以甘霖。爾耶和華爲我上帝，肇造萬物，故我賴爾。

耶和華告耶利米曰：雖摩西撒母耳代民祈禱，我必弗恤。當退棄之，屏之遠往，如彼詰爾。當往何處，爾必傳我命，告之曰：當死則死，當殺則殺，當饑則饑，當虜則虜。耶和華又曰：我降四災於厥身，刃以戮之，犬以嚙之，飛鳥以噬之，走獸以滅之。流離於萬邦，斯何故歟。因猶大王希西家子馬拿西所行於耶路撒冷。耶路撒冷民歟，孰矜恤爾，孰慰藉爾，孰問爾安。耶和華又曰：爾違逆子，却而不前，故我必舉手擊爾，滅爾殆盡，不可復忍。其餘我散之邑門，若舉扇揮塵，喪其子女，猶不悛改，必加殲滅。時值亭午，我必使殘暴壯士，猝攻京邑，降以重災，使其嫠婦，較海沙愈衆。育七子之婦，喪膽斷氣，其年中絕。若日未暮而沉西，故懷慙抱愧，所遺之民，爲敵人誅戮。我耶和華已言之矣。耶利米曰：哀哉我母，何爲產我爲通國之人所攻。我未貸衆以金，衆未貸我以金，藉權子母，而人莫不詛子。耶和華曰：我必釋爾，雖罹災害，必使敵善待爾。耶和華告民曰：爾雖堅剛，若

鐵、豈及北方之鐵、與銅交融、爲不可毀乎。爾遍四境、作惡孔多、故爾之貨財、必見攘奪、不復償爾、我使之然。亦使爾在素未識之地、爲敵人供役、蓋我震怒、如火之燃、延及爾曹。耶利米曰、耶和華歟、爾鑒察子、眷顧子、伸我之冤、爾旣恒忍、勿滅子命、我緣爾故、受人凌辱、爾所知也。萬有之主耶和華歟、我爲爾僕、聞爾訓言、服膺於心、因以悅懌、侮慢之人、我不樂與之坐、爾言降災、予懷歎、默然獨坐。子創傷未痊、殘缺未醫、曷故。爾之待我若泉之忽竭、使人絕望、曷故。耶和華曰、如爾歸誠、則可爲我僕、如爾能別善惡、則可傳我命、民當從爾、爾勿徇民。耶和華又曰、我使爾在民間、若金城之鞏固、彼雖攻爾、必不能勝、蓋我左右爾、拯救爾、出爾於惡者暴者之手。

耶和華告子曰、爾居斯土、勿娶妻室、生育子女。斯土之爲父母者、及其所生之子女、有定命、俱遭慘死、無人哭泣、無人瘞埋、視若糞壤、亦有亡於鋒刃、死於饑饉、飛鳥走獸、食其尸骸。耶和華又曰、我不矜恤斯民、不使平康、故勿入室哭之、亦勿往弔、自尊達卑、皆死斯土、無人瘞埋、無人哭泣、不爲之薙髮、不爲之割肉。人有親戚之喪、不賜食以唁之、人有父母之喪、不賜飲以弔之、筵宴之所、爾亦勿入、與之飲食、萬有之主、以色列族之上帝、耶和華曰、斯時也、四境之內、必無權仆之聲、不聞新娶者、與新婦之音、我使之然。爾躬逢其事、爾以是告民、如詰爾云、我之上帝耶和華、我犯何罪、我蹈何愆、致耶和華降此鞠凶。爾則告之曰、耶和華云、因爾列祖、遐棄我躬、不守我法、乃從他上帝、俯伏崇拜、爾濟祖惡尤甚、各縱私欲、不遵我命、故我驅爾出斯土、至爾與爾祖所未識之國、在彼仍服事他上帝、晝夜不息、我因此不加矜恤。耶和華曰、其期將屆、人發誓之時。

不言耶和華救以色列族出於埃及，乃言耶和華救以色列族出於北方，昔則逐於列邦，今則反之故土，蓋我必歸斯民，俾至所賜列祖之地，耶和華曰：我必召衆漁人，使漁之，召衆獵夫，使獵之，出諸山岡，驅之磐穴，彼之所行，予鑒察之，彼惡昭彰，予目睹焉。彼污穢我地，以穢惡之尸骸，狼藉我土，故我必罰其罪，較昔受苦，其數維倍。耶利米曰：耶和華歟，爾施大力，以捍衛予，我罹患難，爾拯救予，異邦人自地極將至，告曰：我祖所崇事者，誕安無益。耶和華曰：本非上帝，豈可視若上帝哉。當是時，我必展我力，顯我能，使彼皆知我名爲耶和華。

猶大人之罪，錄以鐵筆，其鋒堅剛無匹，銘於心中，書於壇角。茂林之下，高岡之上，建置祭壇，樹立偶像，彼之子女憶之。我聖山之民，於四境崇丘，干犯罪戾，故我必以爾土產貨財爲敵人所攘奪。我昔錫爾土地，後必使爾至未識之地，爲敵人服役，蓋爾于我震怒，炎炎不滅。耶和華曰：人背逆予，求人助己，惟人力是恃，禍必不遠。譬彼杜松，生於曠野，其地斥鹵，其壤燥烈，人踪罕至，不沾膏澤，以我爲恃者，望我拯救，綏祉繁多，譬彼林木，植於溪旁，根延河畔，雖經炎熱，雖歷亢陽，不受其害，枝葉青蒼，結果不息，人心詭譎，不可改易，難以灼知。我耶和華鑒察人心，視人所行，而加報施。譬彼鷓鴣，非己之卵，覆翼而育之，亦猶得非義之利者，不終身而失之，其愚孰甚。耶利米曰：我儕聖所，湖厥肇造，其位崇高，輝煌赫奕。耶和華歟，以色列族所望違之者，愧恥蒙於一身。耶和華爲活水之源，棄之者，臭名遺於萬世。耶和華歟，爾醫我則得痊，爾拯予則得救，愉揚爾不置。人嘗詰予云：耶和華之言，安有效驗，任彼行其旨。我聽爾命，爲民之牧，斯職不敢速棄，民遭患

難，非我所欲，我所言者，惟爾使之爾所知也。七九子懼患難，望爾眷祐，毋使子恐懼，毋使子愧恥，當令  
窘逐我者，懷慙無地，罹大禍，遭重災，至於滅亡。○耶和華諭我曰：爾當立於耶路撒冷門，猶大王  
與庶民出入之所，告之云：猶大居民及耶路撒冷人，凡出入是門者，宜聽耶和華之言。耶和華曰：  
爾當謹恪，安息日勿負荷入耶路撒冷邑門，安息日勿負荷出爾室，亦勿操作，乃以安息日爲聖  
日，遵我所諭爾祖之命，爾祖不遵命，不傾耳以聽，乃強厥項，不聽訓言，不承教誨。耶和華又曰：如  
爾恪聽予言，於安息日不負荷入此邑門，乃以安息日爲聖日，亦不操作，則繼大闢爲王，乘車服  
馬，與厥諸僕，及猶大耶路撒冷居民，俱入邑門，此邑永存。自猶大諸邑，耶路撒冷四周，及便雅憫  
地，或山岡，或平原，或南方，人將至，擺燔祭禮物，芬芳之品，入我殿宇，揄揚我名。如爾不聽，不以安  
息日爲聖日，仍於安息日負荷入耶路撒冷邑門，則我必火焚邑門，延及宮殿，無人撲滅。

耶和華諭耶利米曰：爾往陶人之宅，予有言告爾，我往陶人之宅，見其以鈞製器，陶人  
搏土甄陶，以製器皿，未成而毀，遂製他器，任其意之所欲爲。耶和華諭我曰：以色列族乎，我之待  
爾，豈不能如陶人乎？譬彼泥土，其權操自陶人，爾曹以色列族，其權操之於我，亦若是。如我命邦  
國，必當翦滅，撥其根本，而彼邦國，悛改厥行，則我欲降之災，必不行焉。如我命邦國，必當開創，立  
其址基，而彼邦國，不從我命，作惡不悛，則我欲錫之福，必不行焉。今爾當告猶大及耶路撒冷居  
民云：耶和華曰：予有定命，欲降災於爾，爾眾速當改惡從善。彼曰：毋容勸我，我必從心所欲，任意  
作惡。故我耶和華曰：我視以色列族，有若處女，惟彼所行，甚屬難堪，卽異邦人亦未有此。詎有棄

利巴嫩之雪，而求郊原之磐，詎有棄溪流之清冽，而求遠方之水。我民忘子，焚香以敬偶像，舍平坦之舊道，而不由行崎嶇之僻路，而顛趾致其地荒蕪，人恒作怨憤之聲，過之者必愕然駭異，搖首弗已。我使斯民爲敵人所驅逐，若風吹草芥，臨難之時，子不眷顧。人曰：祭司有律例，智士有箴規，先知有預言，如耶利米其言不可信，子當批其頰，而謀害之。耶利米曰：耶和華歟，尙其眷顧子躬，彼欲害子，請爾鑒察。念我在爾前，代彼祈禱，望爾息怒，彼以惡報善，欲掘坎阱，以陷害子。願子或死於饑饉，或殞於鋒鏑，丁男受戮，壯士戰沒，其妻爲鬻，喪其子女，願爾使敵人猝至，比戶咸聞哀泣之聲，蓋彼掘坎阱欲陷子，設網罟欲罹子。耶和華歟，爾知其謀害我命，勿赦宥其罪，勿塗抹其過，當使之傾覆，爾赫斯怒降以刑罰。

耶和華告我曰：當取陶器，招民長，祭司長咸集，偕往東門之外，便欣嫩谷，以我所言播告於衆云：猶大王耶路撒冷民宜聽耶和華之言，萬有之主以色列族之上帝耶和華云：我必降災於斯土，聽之者必震其耳，彼違逆子，瀆我聖所，在此焚香，以敬他上帝，他上帝之聖名，自厥祖以迄子孫，更逮猶大國王，未嘗聞也，亦殺無辜，流血遍染此所。彼事巴力，築崇丘以奉之，焚子女以獻之，我所嚴禁，我所痛疾。耶和華又曰：時日將至，人必不復以陀法便欣嫩谷名斯土，而以殺戮稱之。蓋在斯土，猶大及耶路撒冷人之謀，我必敗之，使陷於敵手，殞於鋒刃，其尸骸爲飛鳥走獸所食。我必使此邑荒蕪，人發怨聲，過斯土者見此鞠凶，則驚愕歎歎不已。爰遇羣敵環而攻之，勢甚危迫，欲殲其命，子女友朋之肉，民相殘食，我使之然。斯言既竟，當毀陶器，使同行者目擊焉。

告衆曰：萬有之主耶和華曰：我必毀此邑民，猶毀陶器，不能復完。死者既衆，無地可埋，咸葬於陀法。耶和華又曰：我必視此邑民，有如陀法。猶大王宮殿，耶路撒冷廬舍，必視爲污穢，無異陀法。蓋在樓巔，人焚香以奉天象，酒以灌奠，崇敬他上帝。○耶利米奉耶和華命往陀法，述此預言。既竟，則詣殿院，立而告衆曰：萬有之主以色列族之上帝耶和華曰：斯邑及四周之民，強項不從我言，故所言之災，必降其身。

耶利米述爲祭司，兼爲耶和華殿宰，聞先知耶利米言此，則撻之，加以桎梏，在崇門

之側。門名便雅憫。近耶和華殿，詰旦，巴述釋耶利米出於桎梏。耶利米告巴述曰：耶和華易爾名

爲馬各米撒畢。馬各米撒畢，卽在聲。蓋耶和華曰：我將使爾恒有懼心，友朋見爾，莫不悚懼。爾友將亡於刃，

使爾目覩。蓋巴比倫王將伐猶大，殺戮殆盡，擄其民人而反，我使之然。斯邑之貨財，物產珍寶，暨

猶大王之國帑，我必悉付於敵手，彼盡取之，遷於巴比倫。爾巴述全家，將被俘於巴比倫。在彼爾

及信爾言之友，必死而葬。耶利米禱曰：耶和華歟，爾強我爲先知，而我勉從我，迫於爾命，莫之能

辭。今也人咸欺子，日藐視子。如我傳耶和華之命，呼告斯民，必遭強據，必見俘囚。斯民也侮子欺

子，靡有已時。如我言不藉爾名，而言斯事，則我中心如焚，爍於骨髓，不復能忍。我聞衆民，訕謗我

躬，隨在驚惶。彼此傳語，聲罪辱我。我之友朋，望我趨起，云：或可誘而勝之，以雪我忿。惟耶和華威

武可畏，左右余躬，窘逐我者，必遭躓蹶，永不亨通。懷羞抱愧，歷世莫掩其醜。萬有之主耶和華鑒

察義士，知人衷曲，子訴冤於爾前，爾其雪忿，俾子目覩。耶和華救貧乏者，出於惡人之手，故當謳



歌頌讚之。我生之辰，不祥孰甚。我母產子，其時勿吉。人告我父，已得男子，使父忻喜。子願是人，所遭不幸。譬彼古邑，耶和華滅之。始息其怒，清晨則聞呼號。亭午則聞誼譁。我在母胎，曷弗見殺。曷弗使母恒妊，曷弗以胎爲墓。我何生於世，受苦罹憂，畢生愧赧。

西底家王遣馬其亞子巴述，祭司馬西雅子西番雅，見耶利米而告之曰：「巴比倫王尼布甲尼撒攻我，爾爲我禱。耶和華庶幾耶和華仍顯異蹟，俾不攻子。時耶利米奉耶和華命，告之曰：「爾當奏西底家云：以色列族之上帝耶和華曰：『巴比倫王及迦勒底人環繞爾邑，爾雖與戰，我必使爾倒戈，使迦勒底人入於斯邑。我忿怒殊烈，必以巨力大能攻爾。斯邑之民人牲畜必降瘟疫以擊之，俾其死亡。』耶和華曰：『嗣後猶大王西底家與邑中所遺之臣民，不戮於鋒刃，斃於瘟疫，死於饑饉者，我必付之於敵人。』巴比倫王尼布甲尼撒之手，俾以鋒刃殺戮，不加矜恤。耶和華又告民曰：『今日我以生道死道，置於爾前。凡居斯邑者，必遇鋒刃饑饉瘟疫而亡。凡出邑外，歸誠所攻爾之迦勒底人者，則得保其生命。』耶和華又曰：『斯邑也，我必降以禍災，不錫以福祉。』付之於巴比倫王手，使之焚燬。猶大王宗室，宜聽我言。耶和華使大關後裔夙秉公義，凡受暴者，爾其援手，如爾作惡，我怒震烈，若火炎炎，撲滅無人。耶和華曰：『爾居陵谷，處平原，據巖穴以爲家，自謂無人干犯，無人入室。我耶和華攻爾，視爾所行而加刑罰，燃火於林，四面焚燬。」

耶和華告耶利米曰：「詣猶大王宮告之，爾繼大關爲王於猶大及爾臣民，凡入邑門者，宜聽耶和華之言。耶和華曰：『爾居斯土，當秉公義，凡受暴者，爾其拯救，賓旅孤寡，爾無虐遇，勿

殺無辜，如爾行是，則繼大關爲王者，將乘車服馬，與厥臣民，俱入殿門。如爾不聽，我耶和華指己而誓，此殿必致荒蕪。耶和華又告猶大王宗室曰：昔我視爾若基列地，利巴嫩巔，今我使爾荒蕪，若無人居處之邑，使殘暴者各執其械，斫爾柏香木之佳者，委之於火。凡鄰國衆庶，經過是邑，互相告語曰：耶和華罰此大邑，何爲至於若斯？人必曰：斯民背其上帝，耶和華之約，崇拜服事他上帝，故有此罰。勿爲死者哀哭，當爲擄者號泣，蓋彼不返國，不復見故土。耶和華曰：猶大王約西亞子沙龍繼父爲王，既出斯土，必不返國，乃死於被擄之地，不復見故土。人以非義之利，建造宅第，用人之力，不償其工者，禍必不遠。彼曰：廣廈崇室，余必構造，啟其窗牖，以柏香木爲板，塗以丹雘。耶和華曰：爾雖以柏香木爲板，以示華美，豈得恒居王位？爾父日用飲食，躬行仁義，而享福祉，彼爲貧乏，伸冤，既識我道，遂得亨通。惟爾縱心目之欲，貪婪不已，強據虐遇，而殺無辜。耶和華曰：猶大王約西亞次子約雅金，既死之時，民不舉哀，哭泣曰：哀哉！兄弟姊妹乎，惜哉！我主顯榮安在？乎？乃人拽其尸，棄之耶路撒冷邑外，無異葬驢，必登利巴嫩，而大呼在巴山舉哀，在亞巴林呼號，蓋爾良朋已喪。平康之時，我曾語爾：惟爾不聽，自肇造邦國，以迄於今，爾不從我言，所爲若是。故爾之牧者，隨風飄沒，爾之良朋，爲人俘囚，爾作惡衆多，必蒙羞愧。居利巴嫩人，巢於柏香木，爾既臨難，若婦劬勞，豈不哀慘？耶和華曰：我指己而誓，爾猶大王約雅金子約雅斤，雖爲我掌中之印，亦必棄之如遺。付爾於爾所懼之敵，巴比倫王尼布甲尼撒，及迦勒底人手。我必驅爾爰及爾母，至於異邦，非爾故土，在彼必死，惟爾雖欲歸而弗得。約雅斤若已毀之偶像，爲人所藐視，又若器

血不爲民所娛玩，彼及子孫已遭驅逐，至於素所未識之地曷故。耶和華三呼斯土之人告之曰：爾衆宜聽我言，約雅斤畢生不獲亨通，當錄其名於冊，雖有子孫不得繼大闢之位，爲王於猶大。  
耶和華曰：民牧害我羣羊，驅之離散，禍必不遠。以色列族之上帝耶和華告牧民者曰：爾曹驅逐我羊，不加眷顧，我必視爾所爲，而降譴責。我所遺之羊散於列國，我必使之復集，返於故土，使彼蕃息。耶和華曰：必立牧者，以養之，則無驚惶，無缺乏。耶和華曰：時日將至，必使仁義者興，長若枝柯，繼大闢爲王，秉公行義，亨通於天下。斯時猶大家獲救，以色列族安居，王之名曰耶和華大施仁義，以拯我躬。耶和華曰：其期將屆，人發誓之時，不言耶和華救以色列族出於埃及，乃言耶和華救以色列族出於北方，昔則逐於列邦，今則反之故土。○耶利米以衆先知行惡，中心憂傷，筋骸震動，又得耶和華聖言傳示，有若醉人，迷眩於酒。四境之內，靡不行淫，厥口詛咒，其國有愁慘之象，斯人也，作不善行，非義郊原牧場，盡成槁壤。耶和華曰：先知祭司所行誕妄，在我殿宇，惡蹟已彰，故其途幽暗，滑而難行，我驅逐之，使顛蹶趾，屆期降災。撒馬利亞之先知託巴力之名，振振有詞，欲使我民以色列族舛錯，維我洞見其愚。耶路撒冷之先知，更堪痛疾，行淫詭譎，俾作惡者流，厥志孔強，不悛厥行，予鑒察之，視若所多馬蛾摩拉之人無異。萬有之主耶和華曰：耶路撒冷先知，導民行惡，殆遍斯土，我使之茹茶飲酢，萬有之主耶和華曰：惟彼先知，擅自而言，不傳我命，彼乃欺爾，爾勿聽從，有人藐視子，彼託我命，言必獲平康，有人縱私欲，彼言必不遇害。其中何人與我神契，諦聽我言，惟我震怒，使風驟起，飄搖震撼，罰彼惡徒，我志未成，則怒不

息時至自知。惟彼先知我未遣之而自趨，我未命之而自言。如彼與我神相契合，則必播傳我命，使民改其惡行，革其邪心。耶和華又曰：我爲上帝，無間遐邇，人能退藏於密，使我不見乎，我豈不能充乎天地哉。惟彼先知，佯託我名，自言得夢者再，我聞其語，彼僞先知，從心所欲，普傳誕妄，伊於胡底。彼也互述所夢，使民忘子，若厥祖忘我，崇奉巴力。耶和華又曰：如先知有夢，則直曰出之，夢如我有命，則直曰我之命。維糠與麥，何能比擬。如我出命，必若火炎炎，若鎚摧石。耶和華又曰：凡先知竊我言者，我必攻之。又曰：凡先知自述其言，僞託我名者，我必罰之。又曰：凡先知未奉我命，託言有夢，傳之於人，以厥妄誕，使民舛謬，有損於衆者，我必降罰。耶和華曰：如斯民，或先知，或祭司，詰爾曰：耶和華有何默示，可譬重任，爾必曰：尙有何詞，比諸重任。惟耶和華棄爾如遺。凡先知祭司庶民，以耶和華默示爲重任，而譏之者，我必降災於其家。爾傳問於兄弟鄰里，耶和華有何言答我。爾勿以萬有之主，永生上帝耶和華之言，戲稱重任，若是聲聞所言，亦爲重任。爾問先知，當問耶和華，有何默示，誠以告我。我既命爾，不可以耶和華默示也。重任如爾，以此稱之，則我必遐棄爾，與我所錫爾祖及爾之邑，不復眷顧。使爾含羞抱愧，永世不息。

第十四章 比倫王尼布甲尼撒虜猶大王約雅金子約雅斤及猶大諸牧伯與木工鐵工自耶路撒冷至巴比倫，厥後耶和華以二筐示子中，盛無花果，置於殿前。一筐之果甚嘉，如初熟之無花果，一筐之果甚劣，不可適口。耶和華問我曰：耶利米歟，爾觀何物。曰：無花果，其嘉者甚嘉，其劣者甚劣，不堪適口。耶和華又諭我曰：我以以色列族之上帝，耶和華云：猶大民爲俘，我所遷徙自

斯土至於迦勒底。我視之。若此嘉果。加以眷顧。使返斯土。我必開創之。立其址基。不可翦滅。撥其根本。我必賦以善心。俾知我乃耶和華。一心歸誠。彼爲我選民。我爲其上帝。惟彼劣果。不堪適口。可比猶大王西底家。以及牧伯。耶路撒冷居民。斯土之遺衆。暨旅於埃及者。我必驅逐散於列邦。遭人陷害凌辱。受人詛咒譏刺。我必於昔所賜爾祖及爾之地。戮以鋒刃。降以饑饉。斃以疾疫。滅之殆盡。

耶和華對巴比倫王尼布甲尼撒元年。卽猶大王約西亞子約雅金四年。耶利米以猶大民間之事。得之默示者。播告於猶大人及耶路撒冷居民。曰。自猶大王亞門子約西亞十三年。迄於今日。歷二十三年。耶和華頒詔於我。我曾告爾。諄諄不已。惟爾不從。耶和華之僕先知。數奉使告爾。惟爾不傾耳以聽。先知曰。凡爾有衆。當悛厥惡。革其非心。則可恒居於耶和華所賜爾祖及爾之地。勿崇事伏拜他上帝。以干耶和華震怒。則不降爾以災。惟爾不聽耶和華命。手作偶像。干我震怒。自罹其災。萬有之主耶和華曰。既不聽我命。我必使我僕巴比倫王尼布甲尼撒率北方之衆。攻斯土之民。及四周鄰國。滅之殆盡。使見之者駭愕。皆作怨聲。不聞權忭之言。新娶者及新婦之音。旋磨之聲。不徹於外。燈火之光。不耀於內。我使之然。四方列國。必致荒蕪。使人駭愕。惟彼億兆。服事巴比倫王。歷七十年。耶和華又曰。七十年之期既屆。我降罰於巴比倫之君民。治其罪戾。使迦勒底土地荒蕪。歷久若此。昔我使先知耶利米。以列國之事。筆之於書。中有降災迦勒底之言。必有效驗。邦國衆多。列王顯赫。必使迦勒底人爲其服役。視其所行。而加報施。以色列族上帝耶

和華諭我曰：我必震怒，錫爾以爵，盛以鳩酒，遣爾至列國，使彼咸飲。飲畢若狂，傾欵不定。蓋我必降以鋒刃之災。我即取爵而往，至耶和華所遣我諸國，使彼飲之。至耶路撒冷及猶大諸邑，與厥王公，使彼喪亡。見之者無不駭愕，怨聲咒詛。今日之事爲徵。亦至埃及王法老，以及羣臣衆庶，與非同族者，及烏士非利士亞實基倫迦薩，以革倫國王亞實突遺民，以東摩押亞捫推羅諸王，西頓諸王海島諸王，底但提馬布，斯與薙髮之四周者，亞喇伯諸王，與異族諸王，同居曠野。心哩諸王，以攔諸王，米太諸王，北方諸王，無間遐邇，爰及天下列邦，厥後示殺王亦飲斯爵。爾必告之曰：萬有之主以色列族之上帝耶和華云：予必擊爾以鋒刃，當飲斯爵。至於酩酊，至於哇吐，顛躓不起。如彼不受爵，不肯飲，爾當曰：萬有之主耶和華曰：爾必飲之。我既降災於斯邑，及願我名之所，爾豈能免於患難。今以鋒刃，遍擊天下億兆，爾豈能追厥刑罰。爾宜傳命告衆曰：耶和華在上，居於聖宮，雷聲遠震，霹靂轟聞。既攻億兆，必若踐葡萄果者，號呼不已。聲聞自地極，我耶和華欲罰列邦，降災億兆，使作惡者無不飲刃。萬有之主耶和華曰：颶風起自地極，災害延於萬邦。當斯時也，我所殺戮者，尸骸枕藉，自天涯至於地極，無人爲之衰絰，無人爲之瘞埋，視若糞壤。牧守羣羊者，當號呼哭泣，坐於塗炭，蓋爾羣離散被殺之日已屆，爾必喪亡，與珍器之毀無以異也。牧守羣羊者，亦無遁逃之所，牧場爲予所毀，牧守羣羊者哭泣不止。我既震怒羣羊安棲之地，爲我所廢，殘暴者其怒甚烈，譬彼猛獅，出於林藪，邦國以致荒蕪。

耶利米書第二十六章 耶利米奉耶和華命曰：宜立於殿院，見猶大衆邑。

之人入殿崇拜，則以我命傳之，勿減一詞。庶幾聽從，改其惡行。我欲降災，以罰其罪，止而不行。爾當告之曰：耶和華云：我數遣我僕先知告爾，示爾律例，爾常不聽。後仍不聽從，則我必棄此殿宇，與昔棄示羅無異，使此邑爲列邦所詛。祭司先知庶民，聞耶利米在耶和華殿言此。耶利米以耶和華所命者，悉告庶民，其言既竟，祭司先知與衆民執之曰：爾罪當死，何藉耶和華名言此殿必見棄，如示羅然。此邑必荒蕪，無人居處，衆民集於耶和華殿，攻耶利米，猶大諸方伯聞之，則自王宮詣耶和華殿，坐於殿之新門，祭司先知告諸方伯庶民曰：斯人也，言我邑必遭毀棄，爾所咸聞，其罪當殺。耶利米告諸方伯庶民曰：予誠有是言，爾衆所共聞，然遣我言此者，乃耶和華也。今當改爾所行，遵爾上帝耶和華之命，則耶和華所言降災之事，必能中止。予今爲爾所執，生死惟爾之命，然爾當知，耶和華遣予告爾，誠有是事，如爾殺我，則殺無辜，陷爾及邑民於罪。諸方伯庶民告祭司先知曰：此人藉我上帝耶和華之名而言，不可殺也。民間長老數人遂起，告庶民之會曰：當猶大王希西家之時，摩哩沙人米迦爲先知，告猶大庶民曰：萬有之主耶和華曰：人將耕郇邑之地，有若田疇，耶路撒冷將變爲瓦礫，斯殿之山，將爲林藪。猶大王希西家與猶大庶民，未嘗加斯人以殺戮，惟敬畏耶和華，求其恩祐，故災害不果降。我今若殺耶利米，必罹禍災。有基列耶林人示罵雅子烏哩亞，藉耶和華名言斯邑斯地必毀，與耶利米言無異。約雅金王與諸方伯武士，既聞斯言，欲謀殺之。烏哩亞知之，則懼，逃於埃及。約雅金王遣亞革破子利拿單，與從者數人，詣埃及，曳烏哩亞出，至約雅金王前，殺之，棄尸於賤者之墓。然沙番子亞希甘護翼耶利米，不許

庶民殺之。

約西亞子約雅金或曰西底家始爲王於猶大。耶和華諭耶利米云：宜製繫與軛，懸於爾項。有國使來自以東，王摩押王亞捫王推羅王西頓王至耶路撒冷，覲猶大王西底家，爾取繫與軛，使國使饋於列王，告之曰：萬有之主以色列族之上帝耶和華云：爾當奏爾主云：我耶和華以巨能大力，肇造寰宇，以及庶民百獸，以地錫人，惟我所欲。我今以列邦予我僕巴比倫王尼布甲尼撒，亦使野獸供役，列國之人必服事之，爰及子孫，屆滅國之期而後已。厥後邦國衆多，列王顯赫，必使巴比倫王供其服役。耶和華又曰：凡諸邦國不肯服軛，事巴比倫王尼布甲尼撒者，必以鋒刃、饑饉、瘟疫罰之，翦滅務盡。爾之先知及卜筮、占夢、術數、巫覡，告爾云：爾勿服事巴比倫王，則勿聽。若而人所言，誕妄而已。如爾信從，我必驅爾遠離斯土，使爾殞沒。耶和華又曰：凡諸邦國歸誠巴比倫王，負軛服事，我必使彼留故土，安於隴畝，適於厥居。耶利米以斯言奏猶大王西底家云：汝當歸誠巴比倫之君民，負軛服事，則可得生。耶和華曾言：凡諸邦國不肯服事巴比倫王，必以鋒刃、饑饉、瘟疫使之淪喪。今汝與民，何爲自取死亡？惟彼先知言爾不必服事巴比倫王，所言誕妄，爾勿聽從。耶和華未遣之，彼藉其名，所言詭譎。如爾信從耶和華，必驅爾爰及先知與爾偕亡。耶利米告祭司庶民曰：耶和華云：先知有言：巴比倫不久必返，我殿之重器，斯言荒誕，爾勿信之。當服事巴比倫王，而得生，何必逆命，使斯邑傾圮。如彼誠先知，奉耶和華命，則可祈萬有之主耶和華，使其殿宇及猶大王宮耶路撒冷邑所遺之器皿，必不遷於巴比倫。萬有之主耶和華曰：昔



巴比倫王尼布甲尼撒、擄猶大王約雅金子約雅斤、及猶大耶路撒冷諸世職、自耶路撒冷、至巴比倫時、不取柱、與盤、及座、暨所遺邑內諸器皿。今我萬有之主、以色列族之上帝耶和華言、我之殿宇、及猶大王宮、以及耶路撒冷邑所遺之器皿、俱必遷於巴比倫、待我眷顧斯民之日、我則使人負載、返於斯土。

猶大王西底家四年五月、基遍人押說子、先知哈拿尼亞、在耶和華殿、祭司庶民前、告耶利米曰、萬有之主、以色列族之上帝耶和華云、我已折巴比倫王之軛、昔巴比倫王尼布甲尼撒、遷我殿之器皿、自斯邑至巴比倫、若二載之期、已屆、我必返之於故土。耶和華又曰、昔猶大王約雅金子約雅斤、及猶大庶民、被擄至巴比倫、今我必返之斯土、蓋我已折巴比倫王之軛。先知耶利米、在耶和華殿、當祭司庶民前、告先知哈拿尼亞曰、誠心所願、我望耶和華所行、一如爾言、其殿中之器皿、所擄之人民、自巴比倫返於斯土、然我有言告爾、以及庶民、爾其諦聽。粵稽古昔、爾我之先、有先知、或言衆國大邦、必遇戰鬪、遭災害、罹疫癘、或言民得平康、苟其言有驗、則知其爲耶和華所遣。先知耶利米、懸軛於項、先知哈拿尼亞、爲彼折之、告衆民曰、耶和華云、二年之內、巴比倫王、尼布甲尼撒之軛、我必折之、勿許列邦供其役事。先知耶利米、不置辨而去。先知哈拿尼亞、既折先知耶利米項上之軛、耶和華諭耶利米曰、爾以我命、往告哈拿尼亞云、所折者木軛也、必作鐵軛以代之。蓋我萬有之主、以色列族之上帝耶和華云、我以鐵軛、置於列邦、使彼服事巴比倫王、尼布甲尼撒、亦使野獸供其服役。先知耶利米告先知哈拿尼亞曰、哈拿尼亞尙其

聽之哉。耶和華未嘗遣爾，乃爾播傳誕妄，俾民信從。故耶和華曰：爾既教民，逆子所命，故爾死期必在今年，不留於世。是年七月，先知哈拿尼亞卒。

尼布甲尼撒擄諸長老、祭司、先知、庶民，自耶路撒冷至巴比倫，亦擄約雅斤王與后，以及宦豎，暨猶大耶路撒冷方伯木工鐵工，自耶路撒冷去。時猶大王西底家，使沙番子以利亞薩、希勒家子其馬哩、往巴比倫覲尼布甲尼撒王。先知耶利米託彼寄書一函，自耶路撒冷達被擄之人，書曰：萬有之主以色列族之上帝耶和華，告諸俘囚，惟爾俘囚，既遭遷徙，自耶路撒冷至巴比倫，我使之然。汝當建屋以棲身，栽園而食果，娶妻室，育子女，子則娶媳，女則適人，可生子孫，以致蕃衍，其數不減。子俾爾爲俘囚，至於斯邑，汝當求子錫斯邑，以平康。蓋斯邑綏安，爾亦得享萬有之主以色列族之上帝耶和華曰：勿爲爾中之先知及卜筮所惑，占夢之言，亦勿聽從。我耶和華未嘗遣彼，彼藉我名，所言誕妄。耶和華曰：爾居巴比倫，歷七十年，厥後我眷顧爾，應我所許，使爾得歸故土。耶和華又云：子待爾將若何，子自知之。欲錫平康，不加災害，終有可望。爾禱告子，當祈求不輟，我必俯聞。倘爾一心求子，則必可得。耶和華又曰：我左右爾，返爾俘囚，昔我驅爾於列國，散爾於四方，後必撫集之，俾歸故土。爾既曰：耶和華在巴比倫，振興先知，以訓迪子，凡繼大關爲王，與斯邑之居民，未被俘囚者，萬有之主耶和華曾言之曰：我必罰之，戮以鋒刃，降以饑饉，斃以疫癘，視若劣果，不堪適口。既以斯三者降罰其身，又必徙於天下萬邦，受人咒詛，不勝駭異，爲人凌侮。時聞怨聲，我數遣僕先知，訓迪有衆，惟彼不聽我言，與爾無異，故我罰之若此。自耶路

撒冷至巴比倫，爲我所遷徙，使爲俘囚者，宜聽我言。我萬有之主，以色列族之上帝耶和華曰：有哥賴亞子亞哈馬西雅子西底家，藉我名以惑衆，我必付之於巴比倫王尼布甲尼撒手，俾就殺戮，爾目覩焉。厥後猶大之民，俘囚於巴比倫者，凡咒詛，必指斯二人爲口實，曰：願耶和華使子敵人，若西底家亞哈，爲巴比倫王炙之以火。因彼作惡於以色列族，淫人婦女，又藉我名，誘惑民人，違予所命，我耶和華鑒察之矣。當告尼希蘭人示罵雅云：萬有之主，以色列族之上帝耶和華云：爾曾書達耶路撒冷居民，與馬西雅子祭司西番雅及衆祭司書曰：耶和華俾爾爲祭司，以代耶何耶大兼在耶和華殿爲督，凡狂妄者流，自稱爲先知，俾爾執之，囚之於獄，加以桎梏。今亞拿突人耶利米，自稱爲先知，爾曷弗督責焉。蓋耶利米曾致書至巴比倫，告予曰：時日尙久，當建室以棲身，栽園而食果。祭司西番雅於先知耶利米前，展讀是書。耶和華諭耶利米曰：爾當致書告諸俘囚者曰：尼希蘭人示罵雅，予耶和華未之遣也。彼傳言以惑衆，故我云：必罰之，爰及苗裔。彼使人違我，故我錫福於斯民，彼不得享，彼之子孫，必絕滅於民間。

以色列族之上帝耶和華諭耶利米曰：我所告爾者，筆之於書。耶和華曰：時日將至，我必返以色列猶大之俘囚，復歸我所錫其祖之地，據而有之。耶和華以以色列猶大之事言曰：惟聞戰慄恐懼之聲，不聞歡樂之聲。男子產育未之有也，今見男子手捧腹，色乍青，若將產之婦，誠何故歟。嗚呼大難之日將屆，無可比擬。雅各家罹災禍，後必獲救。萬有之主耶和華曰：予當斯時，將折懸項之軛，斷其縶維，不許異邦人役爾。爾所崇事者，惟上帝耶和華，及我所振興夫繼大闢

爲君者。耶和華又曰、我僕雅各家以色列族、勿懼、我拯救爾、爰及苗裔、使雅各家來自遠方、脫於俘囚、將歸故土、俱享平康、不受恐喝。耶和華又曰、我左右爾、拯救爾、我昔散爾於列邦、盡滅列邦、而爾不盡滅、乃我降災、責爾獨寬。耶和華又曰、爾創傷未痊、殘缺未醫、無人察視、裹其傷痕、敷以良藥、雖有良朋、棄爾弗顧、因爾衆愆尤屢蹈、故我加爾以重傷、罰爾以嚴酷。爾既遭難、何哭泣若此、因爾咎戾衆多、故子責爾、傷殘殊甚、厥後噬爾者將見嚙、敵爾者將被虜、切爾者將被盜、攘爾者將見奪。耶和華又曰、維爾郇邑、昔雖棄之如遺、無人眷顧、我必醫爾、使得痊可。耶和華又曰、雅各幕見虜、余將返之、矜憫其宅、城邑雖成瓦礫、必復建造、宮闕雖已荒圯、必復其初。榆揚懼忤之聲、由是而起、我使之蕃衍、不復減損、顯其尊榮、不復衰微。子孫之盛、仍如往昔、其會衆立於我前、凡虐遇之者、我必降罰。耶和華又曰、其長者牧伯悉屬猶大、凡盡心求我者、我必使之進於前、爲我僕從。爾將爲我民、我爲爾上帝、惟我震怒、使風驟起、飄搖震撼、罰彼惡徒、我志未成、則怒不息、時至自知。

耶和華曰、當斯之時、我爲以色列族之上帝、彼爲我民。耶和華又曰、以色列族免鋒刃、遜於荒、沾我鴻恩、歸於福地。民曰、昔耶和華顯現示我曰、我永愛爾、施爾以恒忍。耶和華又曰、我必復建以色列國、譬彼處女執釵相從、舞蹈而出、忻喜懼忤、在撒馬利亞山、爾可栽葡萄樹、園丁治之、以供食品。時日將至、在以法蓮山之邏卒、將呼爾云、爾曹當起、登彼郇山、覲我上帝耶和華。耶和華曰、爾居大邦、緣雅各家懼忤、大聲而呼、榆揚弗絕、播告曰、以色列族之遺民、蒙耶和華

拯救我導之自北方，集之自地極。凡醫者、跛者、及懷妊育子之人，莫不羣至。彼爲我所導，必哭泣禱告而來。我爲以色列族之父，以法蓮人爲余冢子。我使彼履道坦坦，行於溪畔，無虞顛趾。耶和華之言，異邦人宜聽之。復播揚於遠島之民，云：昔散以色列族者，今必聚而守之。如牧者守羣畜焉。蓋耶和華救雅各家，免爲強暴所害。使登郇山，聚會謳歌。因沐耶和華恩膏，有麥、有酒、有油、牛羊肥嫩。譬彼園囿，源泉不竭，欣喜懽懽，不復喪膽。男女老幼，靡不踴躍，隨在懽欣。蓋我使人轉憂爲喜，破愁爲樂。後加慰藉。我使祭司甘旨，飲心維彼庶民。沾子深恩。耶和華曰：在拉馬聞悲泣、哀哭、重憂之聲，拉結氏哭子，以無存故，而不納慰。耶和華曰：毋號哭，毋出涕。蓋爾子必返自敵國，產育之苦，終必得甘。耶和華又曰：爾之終身，深可冀望。爾子將歸故土。我聞以法蓮哭曰：昔子如放逸之犢，爾督責子，而我受責。爾耶和華乃我之上帝，俾我悔改。我既悔改，悔於厥衷。我既受教，擊髀浩歎。幼時已干罪戾，既長更負愆尤，含羞抱愧，無地可容。耶和華曰：以法蓮，豈非我之赤子，我所眷愛者哉？子責之，輒生憐念。子矜憫爲懷，復加以撫恤。以色列族歟，當樹表立柱，以定趨向。思往轍返，故邑違逆之女，行止靡定。伊於胡底，女勝男子。世所罕聞，我耶和華將使之然。萬有之主，以色列族之上帝耶和華曰：我既釋猶大俘囚，則在諸邑中人，必曰：維彼義室，維彼聖山，願耶和華錫以純嘏。在猶大郊邑，必有農夫、牧豎，雜處其間。蓋其力困憊，其心殷憂者，我必使之果腹安居。耶利米既瘖，回思睡鄉甚樂。耶和華曰：時日將至，我必使猶大族以色列家，生齒蕃衍，羣畜孳息。昔子曾專我心，滅其邦國，毀其根株，屢降災害。今子亦必專我心，建造之，栽植。

之焉。當斯之時，人不復曰：父食酸果，而子齒酸。人各因其罪，以致死亡。凡食酸果，其齒覺酸。耶和華曰：時日伊邇，我與以色列族猶大家將立新約。昔我佑厥祖，導出埃及，與之立約爲彼所爽。我擯之弗顧，今復立約，必不若是。我必與以色列族共立新約，我將以我律法，置其衷，銘其心。我爲彼上帝，彼爲我民。耶和華曰：彼毋需誨其兄弟鄰里，使識耶和華，蓋自尊速卑，莫不知子。我將赦其罪，不錄其愆。耶和華書使日華照燦，夜使星月交輝，永定其例。海水澎湃，叱之使靜。厥名萬有之主耶和華。耶和華曰：如此定例可廢，則以色列族亦可爲我所廢，不爲邦國。歷世弗易。耶和華又曰：如穹蒼可度，大地可測，則我念以色列族所爲，必棄之如遺。耶和華又曰：時日將至，我邑垣必復建，自哈拿業成樓，至邑隅之門。是門之前，準平繩直，及伽立岡，繞至峨亞，棄尸之谷，置灰之所，暨諸田疇，至汲淪溪，又至東方，及馬門之隅，俱爲聖地，以奉事子。不拔其根，毀其基，歷世弗替。

猶大王西底家十年，卽尼布甲尼撒王十八年，耶利米奉耶和華命，當時巴比倫王帥師圍耶路撒冷。先知耶利米幽於外獄，在猶大王宮側。蓋耶利米曾曰：耶和華云：我將付此城於巴比倫王，使彼取之。猶大王西底家不能脫於迦勒底人手，必解至巴比倫王前，詰問研究。曳至巴比倫，居彼待我。耶和華眷顧之，爾曹雖戰，巴比倫軍必不獲利。西底家王聞之，怒其言不利，故下之於獄。耶和華諭耶利米曰：爾叔沙龍之子哈拿滅，將至請爾贖其田疇。斯田在亞拿突邑，所當贖者，惟爾一人。未幾，我叔之子哈拿滅，至外獄見我，應耶和華言，彼謂我曰：便雅憫地，亞拿突邑，我有田畝，所當贖者，惟爾一人，請爲我贖之。業可歸爾，我聽此，知耶和華所使，遂贖叔子哈

拿滅之田，在亞拿突邑，計金八兩有半。我書於簡，印之，使人爲證，權金與之。循例簡必有二，其一緘以印，其一則否。我取之，予馬西雅孫，尼利亞子巴錄。我叔之子哈拿滅親見之，書名於簡。之證人及外獄之猶大人，靡不目覩。我於衆前告巴錄曰：萬有之主，以色列族之上帝耶和華曰：贖田有二簡爲證，其一緘以印，其一則否。爾取之，藏於瓦器，存之至久。蓋我萬有之主，以色列族之上帝耶和華曰：人返斯土，其宅第園囿田疇，可以復得。我以鬻田之簡，遞於尼利亞子巴錄。後禱耶和華曰：主耶和華歟，爾以巨能大力，肇造天地，詎有難行之事。善者福之，至千百世。惡者禍之，自父及子。皇矣上帝，厥名萬有之主。耶和華主之經綸奇而難名，主之智慧大而莫測。鑒察斯人，視其所爲，而加賞罰。昔在埃及，屢行異蹟，使以色列族及異邦人，無不目覩。播揚爾名，至於今日。爾施巨能展大力，著異蹟，行奇事，俾衆畏懼，救爾民以色列族，出於埃及。昔汝曾與列祖發誓，以產乳與蜜之地，予厥子孫。彼據而得之，不遵爾命令，不守爾律例。凡爾有命，彼不遵循，故爾降以禍災。今敵築壘，勢甚危迫，攻城殆破。斯邑之人，戮以鋒刃，因以饑饉，重以疫癘。迦勒底人遂取邑垣，爾言有應，爾實鑒之。耶和華上帝歟，是邑旣爲迦勒底人所取，乃命我贖田疇，償之以金，使人作證。何耶和華諭耶利米曰：我乃億兆之上帝，耶和華，詎有難行之事。耶和華又曰：我必以斯邑付於巴比倫王尼布甲尼撒，及迦勒底人手，攻陷斯邑而燬之。昔斯邑之民，曾在樓巔焚香，以奉巴力，灌奠以事他上帝，于我震怒，故火焚其樓。耶和華又曰：以色列族及猶大家，肇造邦國以來，作惡不悛，造諸偶像，于予震怒，自建此城，以迄今日。斯民也，于予震怒，我退棄之。以色列族猶大

家爰及耶路撒冷居民，與厥王公祭司，先知，惟惡是作，櫻子忿懣，彼退縮不前，我則誨之諄諄，彼則聽我藐藐，以可惡之物，置於我室，顧我名之所，加以污穢，在便欣嫩谷，築巴力，崇邱，焚子女於火，以奉魔洛，此我所嚴禁，所痛疾，彼所作不端，使猶大人陷於罪戾，爾嘗言斯邑之民，戮以鋒刃，因以饑饉，重以疫癘，爲巴比倫王所取，惟以色列族之上帝，昔我忿怒震烈，散民於列邦，今我必撫集之，使歸故土安居，無虞，彼必爲我民，我必爲其上帝，我必使之道同志合，共寅畏予，以徵福禱，爰及子孫，我與之立約，使彼寅畏，不違逆予，我必不還棄厥裔，惟降福祉，永世弗替，我必專心致志，樂賜洪福，使恒居斯土，耶和華曰：我於民間，既降以甚巨之災，必錫以所許之福，爾恒言斯土爲迦勒底人所取，變爲荒蕪，居民野獸不得居處，惟我耶和華曰：在便雅憫地，耶路撒冷四圍，猶大諸邑，山谷諸邑，南方諸邑，人將鬻田償之，以金書之於簡，鈐之以印，使人爲證，蓋我必返其俘囚，俾歸故土。

時耶利米猶在外獄，耶和華復命之曰：作之者我，定之者我，我名耶和華，爾願我，我必應示以經綸，神妙莫測，爾所未聞，以色列族之上帝耶和華曰：斯民作惡，于我震怒，我還棄之，使迦勒底人攻擊斯邑，築高壘，用器械，毀猶大王宮殿，庶人宅第，殺戮其民，尸相枕藉，今我醫爾，使得痊可，加以平康，踐我前言，我將返猶大家，以色列族之俘囚，復建邦國，與昔無異，彼犯我屢矣，惟我將潔其罪惡，赦厥愆尤，天下億兆，聞我降福於斯民，恒錫亨通，必忻喜懽，愉揚我名，戰慄寅畏，耶和華曰：爾曹常言猶大諸邑，耶路撒冷，達衢變爲荒蕪，居民野獸，不能安處，惟我耶和



華曰：在斯土將復聞懼怵之聲，新娶者與新婦之音，必有人言：萬有之主耶和華當頌美之，蓋耶和華無不善，矜憫恆懷斯民也。頌美弗輟，而獻祭品入於我殿，蓋我必返其俘囚，使納綏祉，與昔無異。萬有之主耶和華曰：斯土諸邑，今變荒蕪，居民走獸，不得安處，將有牧場，維彼羣羊，或寢或訛。耶和華又曰：在山谷諸邑，南方諸邑，便雅憫地，耶路撒冷四周，猶大諸邑，羣羊必爲牧者所守。耶和華又曰：我許以色列族猶大家之福，時至必有效驗。當斯之時，必使仁義者興，長若枝柯，繼大關爲王，秉公行義於天下。是時猶大家獲救，耶路撒冷人安居，王之名曰：耶和華，大施仁義，以拯我躬，遂以耶路撒冷爲都。耶和華又曰：大關必有後踐，以色列國位，祭司利未人未嘗乏人，常獻燔祭禮物於我前。耶和華諭耶利米曰：我已立約，晝夜不失其時，如此約可廢，則我與僕大關約，言必有後，以踐國位，及我與利未人祭司約，言不乏人，以服事我。斯約亦可廢，天象不可測，海沙不能度，我僕大關之裔，及服事我之利未人，必使蕃衍亦若是。耶和華諭耶利米曰：爾聞人言：昔耶和華所選之二族，今退棄之，於是人藐視我民，不以爲邦國，惟我曰：我與晝夜立約，必不爽之，我定天地之例，必不廢之，則雅各家及我僕大關，豈可棄之如遺，必簡其子孫，使治亞伯拉罕，以撒，雅各後裔，蓋我必矜恤之，返其俘囚。

耶和華諭耶利米曰：當觀猶大王西底家傳我命云：我將付斯邑於巴比倫王手，使其焚燬，爾必不得免，爲人所執，解至巴比倫。王前詰問研究，被逮至巴比倫，然爾猶大王西底家宜

聽我耶和華之言，我有定命，爾必不亡於刃。爾將死於安樂，爾之列祖先王易贊之時，人蕪芬芳之品，哭曰：哀哉我主，爾逝世，人焚香哭爾亦若是。我耶和華已言之矣。巴比倫王之軍旅攻耶路撒冷，亦攻拉吉亞西加。猶大國所未下之城垣，斯時也。猶大王西底家駐蹕於耶路撒冷，先知耶利米以斯言告西底家王與耶路撒冷民約，勿使我猶大國百姓供其役事，凡得希伯來男女爲僕婢者，當釋之。方伯庶民，既立當釋僕婢，毋使供役之約，皆從之。既而悔所釋之僕婢，仍使服事。故耶和華使耶利米傳命曰：以色列族之上帝耶和華云：昔爾祖在埃及爲人服役，我導之出，與之立約。如購爾同族，希伯來人爲僕事爾六年，既屆七年，例當釋之。然我有言，爾祖不傾耳以聽。今爾曹悔改，行善於我前，於顯我名之室，共立盟約，釋諸同儕。厥後爾曹易其素志，瀆我聖名，所釋之僕婢，仍使供役。故耶和華曰：我有所命，爾不聽從，同儕同族，爾不縱之，則我必縱鋒刃以戮爾，縱饑饉以斃爾，縱疫癘以亡爾，散爾於列邦。昔猶大耶路撒冷方伯宦豎，祭司庶民，宰牘而中判之，由其中以過立盟約於我前，厥後復淪此盟，不踐其言，我必付之於敵手，將殲其生命，飛鳥走獸，食其尸骸。猶大王西底家及其牧伯，我必付之於敵手，殲滅其生命。巴比倫王之軍旅，雖去爾而他往，我將命之復至，攻城而取之，焚之以火，使猶大諸邑荒蕪，無人居處。

當猶大王約西亞子約雅金之時，耶和華諭耶利米云：宜往哩甲家，使彼詣我殿，而登樓飲之以酒。我於是攜哈巴洗尼孫、雅利米子耶沙尼及其昆弟子孫與哩甲全家詣耶和華殿，登上帝僕益大利子哈難之樓。樓之側爲牧伯之室，樓之下爲闈者，沙龍子馬西雅之室。我以

罽罽盛酒，置於哩甲子孫前，而勸之飲。彼曰：我儕不飲。蓋我祖哩甲子約拿撻，禁子曰：爾及子孫，勿飲酒。歷世弗易。勿建屋，勿播種，勿栽葡萄園。據而有之，畢生居於帷幕，則在羈旅之地，可享遐齡。我祖哩甲子約拿撻所命，我與妻室子女，終身謹守，不敢嗜酒。不建屋以居，無葡萄園，無田疇，無百種，惟居帷幕，以遵我祖約拿撻之命。適巴比倫王尼布甲尼撒來攻斯土，我儕曰：恐迦勒底人、亞蘭人之軍旅害我，故當入耶路撒冷。於是我至耶路撒冷居焉。萬有之主以色列族之上帝耶和華，諭耶利米曰：宜往告猶大家及耶路撒冷居民。云：耶和華曰：何不受教聽從我命。哩甲子約拿撻，命其子孫，勿飲酒。子孫聽從，彼遵父命。迄今不飲。我誨爾曹，諄諄不已。惟爾不聽。我數遣僕先知告爾云：當改爾惡行，革爾非心，勿崇事他上帝，則可於我賜爾祖及爾之地安居無虞。然爾不傾耳以聽。哩甲子約拿撻之子孫，遵父遺命，斯民乃不聽從予。我萬有之主以色列族之上帝耶和華曰：猶大家，耶路撒冷居民，我命之而彼不聽。我召之而彼不應。故我有言降以災患，臨於其身。終必若是。耶利米告哩甲家曰：萬有之主以色列族之上帝耶和華曰：因爾遵父約拿撻之命，守其誠，聽其令，故哩甲子約拿撻必不乏人侍我左右。歷世弗替。

猶大王約西亞子約雅金四年，耶和華諭耶利米曰：自約西亞之時，迄於今日，我所告爾，論以色列猶大與衆國之語，爾當取卷書之於上。庶幾猶大人民，聞我降災，改厥惡行，望我赦宥。耶利米召尼利亞子巴錄至，巴錄以耶利米所傳耶和華之語書之於卷。耶利米告巴錄曰：我囚於獄，不能詣耶和華殿。禁食之日，猶大國人自衆邑，詣耶和華殿。爾當以我所傳耶和華之

命書之於卷者、誦於民前。耶和華震怒、言欲降災於斯民。庶幾斯民悔改惡行、求耶和華恩焉。尼利亞子巴錄悉遵先知耶利米所諭、在耶和華殿誦卷中之語。猶大王約西亞子約雅金五年九月、耶路撒冷居民及來自猶大諸邑、至耶路撒冷者、播告於衆。當在耶和華前禁食。時巴錄詣耶和華殿、入繕寫沙番子其馬哩室、在上院新門之側、以所書耶利米言朗誦之。俾民咸聽。沙番孫其馬哩子米該雅聽書所載耶和華之言、則詣王宮、入繕寫之室、見繕寫以利沙馬、示屬雅子地來雅亞革破子利拿單、沙番子其馬哩、哈拿尼亞子西底家、諸牧伯咸坐於彼。米該雅以巴錄誦書、庶民咸聽之事、告諸牧伯。遣古示曾孫示利米孫、尼大尼子猶底、詣巴錄所、告之曰、以爾所誦之卷、攜之以至。尼利亞子巴錄執卷而至。衆曰、坐爾朗誦之、俾我諦聽。巴錄誦之、衆聽畢、驚訝不已。告巴錄曰、我必以斯言奏王。又詰之云、爾所書之言、果彼所述、否。明以告我。巴錄曰、斯言也。彼誠述之。我筆之於書。諸牧伯告巴錄曰、爾與耶利米宜遁於僻地、勿俾人知。諸牧伯藏其卷於繕寫以利沙馬之室、入朝覲王、以斯言奏之。王遣猶底取卷、以至、遂取之於繕寫以利沙馬室、誦於王前。諸牧伯侍側。時屆九月、王坐禦寒之宮、前有爐火。猶底誦三四篇、遂以削簡之刀割之、投之於爐、全卷悉焚。王臣雖聽所誦之言、不知警、不裂衣、利拿單地來雅、其馬哩諫王勿焚、王弗聽。王使哈米勒子耶喇滅、押列子西勒亞、押鐵子示利米、執繕寫巴錄、先知耶利米、而賴耶和華祕匿之。巴錄以耶利米言書於卷、既爲王所焚、耶和華諭耶利米曰、猶大王約雅金、既焚斯卷、爾當復取一卷如前所言錄之。奏猶大王約雅金曰、耶和華云、卷中有言巴比倫王必至、翦滅斯國、人民

野獸不得安居，爾不悅斯言，火焚其卷，故耶和華論猶大王約雅金云：雖有後嗣，不得繼大關之位，棄尸於外，晝暴之夜，寒之，我必罰其罪，爰及子孫臣僕。昔子有言，欲降災於耶路撒冷居民，猶大國人，而彼弗顧，今必使災速至。昔書一卷，爲猶大王約雅金所焚，耶利米復取一卷，畀繕寫尼利亞子巴錄，使書耶利米諸言，一如曠昔，更增言詞，其義畧同。

巴比倫王尼布甲尼撒立約西亞子西底家爲王於猶大，以代約雅金子約雅斤、耶利米傳耶和華之言，王臣庶民咸不聽從。西底家王遣示利米子猶甲與祭司馬西雅子西番雅至耶利米，請曰：我之上帝耶和華，爾其代予祈求。耶利米未下獄，猶與民往來，迦勒底人圍耶路撒冷，聞法老軍旅自埃及及而至，遂撤圍，耶和華諭耶利米曰：以色列族之上帝耶和華云：猶大王既遣爾，諂誣於我，爾當告之曰：法老之軍旅，雖來輔翼，終歸埃及，迦勒底人必復至，攻陷斯邑，取而焚之。耶和華又曰：勿自欺云，迦勒底人將去，蓋彼無去志，浸假攻爾之迦勒底人，爲爾所擊，其軍中惟遺被傷之卒，偃於幕下，亦能起，燬斯邑，迦勒底軍既懼法老，撤圍而去，耶利米欲離耶路撒冷，往便雅憫地，恢復舊業，適出便雅憫門，關長哈拿尼亞孫示利米子以哩雅，執之曰：爾欲投迦勒底人乎？耶利米曰：否，迦勒底人，我安肯降之。以哩雅不聽，仍執耶利米，解至牧伯，牧伯怒，撻耶利米，在繕寫約拿單之室，有囿幽之於彼。耶利米下獄，因於蠶室，居彼日久，西底家召之出獄，令潛入其宮，問曰：耶和華有所命乎？耶利米曰：有，爾必解於巴比倫王手。耶利米又奏西底家王曰：我未嘗得罪於王臣百姓，下我於獄，曷故？爾之先知預言巴比倫王必不攻爾，侵伐斯土。

今安在哉。請我主我王俯聽我求，勿使我復入繕寫約拿單之室，恐入則死。西底家王命人幽耶利米於外獄，曰：於烘餅街取餅一方，與之食。邑中餅盡然後已。於是耶利米居於外獄。

馬坦子示法提亞巴述子其大利示利米子猶甲馬勒家子巴述聞耶利米言，傳述於眾。其言曰：仍居邑中者，必戮以鋒刃，因以饑饉重以疫癘，惟出邑歸誠迦勒底人者，生命可保。耶和華又曰：此邑必付於巴比倫王手，使彼帥師取之。諸牧伯奏王曰：斯人所言，邑中武士百姓無不喪膽，以若所云於民不利，可殺之。西底家王曰：權操諸爾，王莫能禦焉。眾乃執耶利米，解於外獄。哈米勒子馬勒家室有井，以繩縋之下，井無水，惟有淤泥。耶利米遂淖於泥中。王宮內豎古實人以伯米勒聞人縋耶利米下井，知王坐於便雅憫門，則出宮覲王曰：我王歟，我主歟，有人作不端，下先知耶利米於管井，在邑內食且無餅，況在井中，有不饑而死乎。王諭古實人以伯米勒曰：當召三十人，乘先知耶利米未死，出之於井。以伯米勒率眾入王宮，於府庫中取布之舊且敝者，繫之以繩，縋於井中，至耶利米所，告之曰：以舊且敝之布裹此二繩，置於腋下。耶利米如言而行。於是人以繩曳耶利米，出之於井，使居外獄。西底家王遣人召先知耶利米，至耶和華殿第三院，詰之曰：我有一言問爾，必毋隱。耶利米奏西底家王曰：我告爾，爾必殺予，勸爾，爾必不聽。西底家王私誓謂耶利米曰：我指賜我生命之耶和華而誓，必不殺爾，不付爾於敵手。耶利米乃奏西底家曰：萬有之主，以色列族之上帝耶和華云，如爾出邑歸誠巴比倫王牧伯，則爾一家生命可保。斯邑不遭焚燬，不然，迦勒底人必焚此城，爾亦不能脫於其手。西底家王告耶利米曰：猶大人

已先歸誠於迦勒底人。我甚恐，若彼委我於猶大人，使凌辱子，則奈何。耶利米曰：迦勒底人必不委爾於彼，惟我所傳耶和華之命，爾其聽從，則可保生命，而納福祉。如爾不出，則耶和華所示之言，更爲王誦之。猶大王宮所遺之女，必曳之出，至巴比倫。王牧伯所此女，必訕爾云：爾之良朋誘爾，爾受其欺，見爾陷阱，不顧而逃。人將曳爾妻子，見迦勒底人，爾亦不能脫其手，必爲巴比倫王所獲。斯邑必焚以火，皆爾自取。西底家王謂耶利米曰：毋以斯言示人，則可不死。浸假牧伯聞我，與爾言來，詰爾曰：爾所奏於王，王所語爾者，其言若何，明以告我，毋隱，則我不殺爾。爾可答之曰：我求王勿使我復入約拿單之室，恐死於彼。諸牧伯至耶利米所，問之：耶利米遵王所命而答，事竟不洩。厥後耶路撒冷被陷之日，時耶利米猶在外獄。

第三十九章 猶大王西底家九年十月，巴比倫王尼布甲尼撒帥師圍耶路撒冷。十一年四月九日，取之。巴比倫王之牧伯尼甲沙利泄、三甲尼破、宦官長撒西金、博士長尼甲沙哩設，又有王之牧伯數人，咸坐於中門。猶大王西底家與諸武士見此，則貧夜逃遁，有途近於王囿，有門在於二垣之間，由此以出，望平原而去。迦勒底人帥師追及之，於耶利哥平原，執之，解至哈末地，立拉以見巴比倫王尼布甲尼撒，請彼定擬。巴比倫王在立拉，殺西底家之子，使之目覩。猶大之家亦遭誅殛，抉西底家之目，繫以銅索，被逮於巴比倫。王官民室悉爲迦勒底人所燬，墮耶路撒冷城垣，侍衛長尼布撒喇担虜邑遺民，以及歸誠之卒，悉至巴比倫。其尙留於猶大者，惟貧乏之民而已，賜之以葡萄園田畝。巴比倫王尼布甲尼撒以耶利米託之侍衛長尼布撒喇担，諭之曰：

爾眷顧之，斷勿加害，惟視其所欲而施之焉。侍衛長尼布撒喇担，宦官長尼布殺班，博士長尼甲沙哩，設與巴比倫王諸牧伯遣人至外獄，召耶利米，使與沙番、孫亞希甘子其大利同歸。故土居於民間，耶利米猶在外獄之時，耶和華諭之曰：「往告古實人，以伯米勒云：『萬有之主，以色列族之上帝耶和華云：我言降災於斯邑，必有效驗。俾爾目覩，惟我耶和華必拯救爾，不付於敵手。爾惟我是賴，我手援爾，救爾生命，免於鋒刃。我耶和華已言之矣。』」

第四十章 猶大國人耶路撒冷居民被擄至巴比倫時，耶利米縲紲雜衆中，至拉馬侍衛長尼布撒喇担釋之。厥後耶和華使耶利米以所遇之事臚陳如左。侍衛長告耶利米曰：「昔爾曹負罪，干犯耶和華，不遵其命，爾之上帝耶和華言必降災於斯土，今一如其言，爾曹遇難其驗也。我今解爾手桎，如爾欲偕我往巴比倫，我必眷顧爾，如爾不欲，何處無地隨意可居。耶利米未及答，侍衛長又曰：「巴比倫王封沙番、孫亞希甘子其大利爲猶大諸邑方伯，爾可歸之，與民偕居，否則任意而往，侍衛長饋以餼糧禮物，任其所之。耶利米往密士巴，見亞希甘子其大利，與遺民同居。武士長與潰卒逃於平原，聞巴比倫王封亞希甘子其大利爲方伯，以未徙巴比倫之男女幼稚貧乏來歸，尼大尼子以實馬利、迦哩亞二子、約哈難、約拿單、爰及單戶滅子西勒亞，與尼陀法人以珥諸子馬迦人子耶沙尼，率衆至密士巴，見亞希甘子其大利、沙番、孫亞希甘子其大利，與之發誓曰：「爾曹服事迦勒底人，亦歸誠巴比倫王，則勿驚懼，可居斯土而亨通。我駐密士巴，奉迦勒底人命，爾當釀酒，製油，斂夏時之果，藏之於器，在所得之邑安居無虞。在摩押、亞捫，以東諸邑之猶大。」



人聞巴比倫王遺猶大人國民數人使沙番孫亞希甘子其大利爲方伯。則自所驅之處返其故國。至密士巴見其大利釀酒斂果不可勝計。迦哩亞子約哈難至密士巴平原之武士長亦至見其大利告之曰亞捫王巴勒士遣尼大尼子以實馬利殺爾爾猶不知乎亞希甘子其大利弗信迦哩亞子約哈難在密士巴私語其大利曰容我往殺尼大尼子以實馬利必無知之者何可待其殺已使歸爾之猶大人四散猶大之遺民亦亡亞希甘子其大利告迦哩亞子約哈難曰爾言以實馬利之事出於妄誕必不可行。

七月宗室以利沙馬孫尼大尼子以實馬利與王臣十人至密士巴見亞希甘子其大利設宴待之以實馬利與同至十人偕起各持利刃於席間擊其大利殺之斯人也巴比倫王所立爲方伯者在密士巴從其大利之猶大人及迦勒底人武士悉被以實馬利所殺既殺其大利無人知之詰旦有八十人自示劍示羅撒馬利亞而至薙鬚裂衣自毀其身攜香品禮物欲詣耶和華殿遺址尼大尼子以實馬利哭泣於途出密士巴境迎之曰請爾來見亞希甘子其大利既至邑中尼大尼子以實馬利率衆殺之投尸於井其中有十八人告以實馬利曰我有薙麥小麥油與蜜藏於田毋殺子於是釋之不與同儕就戮昔亞撒王懼以色列王巴沙鑿井以備不虞今尼大尼子以實馬利殺其大利衆投尸於井在密士巴遺民及公主侍衛長尼布撒喇担所託亞希甘子其大利者尼大尼子以實馬利虜之欲投亞捫迦哩亞子約哈難與武士長聞尼大尼子以實馬利所作之事則率衆欲與之戰遇之於基遍大川之濱以實馬利自密士巴所擄之民見

迦哩亞子約哈難與武士長，則喜盡歸誠之。惟尼大尼子以實馬利與從者八人脫約哈難，反於亞捫尼大尼子以實馬利，既殺亞希甘子其大利，獲密士巴之民人，武士婦女，幼稚，宦豎，至基遍。迦哩亞子約哈難與武士長，取之以歸，俱來金罕旅所，近伯利恒之地，欲往埃及，蓋尼大尼子以實馬利既殺亞希甘子，其大利，巴比倫王所立為方伯者，故約哈難及僕從，畏迦勒底人，逃之他方。

第四十三章 迦哩亞子約哈難，何沙雅子耶散尼，與武士長，庶民，自尊達卑，告先知耶利米云，我之庶民，昔衆今寡，爾所目覩，請爾代我遺民，祈爾之上帝耶和華，示我當行之途，當爲之事。先知耶利米曰，應爾所請，我將祈爾之上帝耶和華，凡耶和華所應者，我必告爾，一無所隱。衆告耶利米曰，凡爾之上帝耶和華，命爾告我之事，我必遵行，望耶和華爲證。今我請爾，諒我之上帝耶和華，彼所命者，無論其得我心與否，我必聽從。望得亨通。十日後，耶和華復諭耶利米，耶利米召迦哩亞子約哈難，與武士長，庶民，由尊達卑，告之曰，爾曹遣我求以色列族之上帝耶和華，今耶和華曰，昔我降災，今不復行，如爾仍居於斯土，我必建造爾，栽植爾，不毀爾邦國，不拔爾根株。耶和華又曰，昔爾懼巴比倫王，特甚，今毋庸懼，蓋我祐爾，脫爾於其手。我矜恤爾，彼亦矜恤爾，令爾安居故土。惟爾曰，我不居斯土，不聽我上帝耶和華之命，必往埃及，恒居於彼，不見戰鬪，不聞角音，不遇饑饉。今我萬有之主耶和華，以色列族之上帝，告爾猶大遺民，如爾定志，必往埃及，而居，則爾所懼之鋒刃，饑饉，踵爾之後，在埃及，及遇之，令爾死亡。凡定志，必往埃及，欲居於彼，必遇鋒刃。

饑饉癘疫而亡。我既降災，必不得免。雖有子遺，萬有之主，以色列族之上帝耶和華又曰：昔我震怒降災於耶路撒冷居民，今爾欲居埃及，我必震怒降災於爾，且爲人咒詛駭異，受人凌侮嗟訝，不得歸於故土。耶利米曰：爾曹猶大遺民，耶和華諭爾勿往埃及，予今日告爾，爾尙其知之。昔爾請子代爾祈禱爾之上帝耶和華，言凡我之上帝耶和華諭我，我必聽從。斯言也，非出乎誠心，我之上帝耶和華遣我諭爾，今日告爾，爾不聽從，必使爾於欲往居處之地，遇鋒刃，饑饉，疫癘而亡。爾當知之，無庸疑惑。

耶利米以上帝耶和華所遣諭民之事宣言既竟，何沙雅子亞薩哩亞、迦哩亞子約哈難及驕侈之士告耶利米曰：爾出言妄誕，我之上帝耶和華未嘗遣爾，告我云勿往居埃及。爾爲尼利亞子巴錄所慫恿，加害乎我，付我於迦勒底人手，或見殺或被虜，至巴比倫。迦哩亞子約哈難與武士長庶民不聽耶和華命，不居猶大，率猶大遺民，乃昔驅至列邦而歸，欲居猶大地者，男女幼稚，公先知耶利米，尼利亞子巴錄俱爲侍衛長尼布撒喇担所託沙番孫亞希甘子其大利者，咸至埃及，答比匿邑。違耶和華命。耶利米在答比匿時，耶和華諭之曰：在答比匿邑，法老宮前有陶瓦之所，爾以大石藏之於土，使猶大人目覩，告之曰：萬有之主，以色列族之上帝耶和華云：我必使我僕巴比倫王尼布甲尼撒至此，置位張幕於藏石之所，既至，必擊埃及人，或亡於疾病，或戮於鋒刃，或被虜而去。我必使巴比倫王火埃及人，上帝之龕，或焚或遷，以埃及之榮歸於一己，如牧者衣衣，後必安然他往埃及地，伯示麥邑之偶像則毀之，埃及人上帝之殿則焚之。

第四十四章 有猶大人居於埃及之蜜奪答比匿挪弗諸邑八羅四境耶利米奉萬有之主以色列族之上帝耶和華命告之曰我降災於路撒冷猶大諸邑今日彼地荒蕪無人居處爾所目覩彼蹈愆尤焚香服事他上帝列祖與彼皆所未識故于我震怒我遣僕先知誨爾諄諄不已我所痛疾者爾莫行之彼不傾耳以聽焚香服事他上帝怙惡不悛故我震怒降災於猶大諸邑耶路撒冷遶衢使之荒蕪傾圮今日之事爲證萬有之主以色列族之上帝耶和華曰何爲蹈此罪愆使猶大男女孩提以及乳哺爲我所絕靡有孑遺何爲於所居埃及之地造作偶像焚香奉事他上帝于我震怒爲我棄絕爲列邦人咒詛凌侮皆由自取昔於猶大國耶路撒冷遶衢爾列祖作惡猶大王與后亦然爾與爾妻更無不然爾豈忘之乎至於今日爾猶不知寅畏不自怨艾我所命列祖及爾之律例法度不復遵從故我萬有之主以色列族之上帝耶和華曰我必罰汝殲滅猶大族凡猶大遺民其志已定往居埃及我將滅之自尊逮卑戮以鋒刃因以饑饉爲人咒詛駭異受人凌侮嗟訝昔我罰耶路撒冷居民戮之以鋒刃因之以饑饉重之以疫癘我加刑乎居埃及者亦若是猶大遺民思暫居埃及而後圖歸卒不可得其獲返者數人而已居埃及八羅之猶大人男女衆多咸至耶利米所中有男子知婦女焚香服事他上帝告耶利米曰爾藉耶和華名傳諭於我我不聽從我所欲者我必爲之昔我列祖王公在猶大諸邑耶路撒冷遶衢焚香灌奠奉事天后當時咸得果腹所遇亨通不遭患難我不焚香灌奠奉事天后我則缺乏又遇鋒刃饑饉而亡諸婦女曰昔我焚香灌奠爲餅以事天后豈非我夫所許乎耶利米告諸男女庶民曰

爾列祖王公庶民，爰及爾躬，焚香於猶大諸邑，耶路撒冷達衢，耶和華鑒察，憶念之，見爾作惡，深堪痛疾，不能復忍，故使爾土荒蕪，無人居處，爲人詛咒駭異。今日之事，爲證。然爾焚香，獲罪於耶和華，不聽命令，不遵律例，不守法度，不奉禮儀，故今遭殃。耶和華又告庶民及衆婦女，曰：猶大衆人，居埃及者，宜聽耶和華言。萬有之主，以色列族之上帝耶和華云：爾與婦女，欲行之事，已出於口，曰：我曾發願，焚香灌奠，奉事天后，必償我願，必行所欲。今爾曹宜聽我耶和華言，我指己而誓，必不使居埃及之猶大人，崇事我，稱我大名，我意已定，降災爾躬，居埃及之猶大人，使戮於鋒刃，亡於饑饉，滅之殆盡。其得脫於鋒刃，自埃及復歸猶大者，寥寥無幾，厥後猶大遺民，欲往居埃及者，必知所應，何人之言，彼歟抑我歟。耶和華又曰：我必罰爾，使爾知我言必有效驗，有兆堪徵。我耶和華以埃及王法老哈拉，付於敵手，如前日我以猶大王西底家，付於敵巴比倫王，尼布甲尼撒手。

第四十七章 猶大王約西亞子約雅金四年，尼利亞子巴錄以耶利米所言，筆之於書，厥後先知耶利米，以以色列族上帝耶和華之言，傳於巴錄，曰：爾常言，嗚呼，耶和華增我憂愁，恐懼歔歔，不獲平康。惟我耶和華告爾，曰：昔子建造斯邦，加以栽植，後必殲滅，拔其根株，爾勿爲己圖維大事，蓋我耶和華必降災於億兆，惟爾隨在可往，得救生命，我使之然。

第四十八章 耶和華以列邦之事，諭耶利米，其言如左。猶大王約西亞子約雅金四年，埃及王法老尼哥帥師，在百辣河濱，迦基密邑，爲巴比倫王尼布甲尼撒所敗，先知耶利米以埃及軍國之

事奉耶和華命而錄其詞曰：干戈森列，臨陣戰鬪，駕馬列騎，戴胄而立，礪戈矛，著戎衣。耶和華曰：我觀其喪膽敗北，四周畏懼，武士戰北，逃遁維速，不顧其後。疾趨者不及，逃遁強猛者不能免難。在彼北方，百辣河濱，顛覆傾覆。彼之至也，勢若大河，波流洶湧，果爲誰歟？埃及人至此，警諸巨川。彼曰：我將汎濫於斯土，毀其邑，殲其民。維爾武士，駕車乘馬，馳驟而至，古實人，弗人，俱執干戈，路得人，善挽強弓。先知曰：今日萬有之主耶和華降災於敵，雪其夙忿，使之被戮於鋒刃，飲血若醉。蓋萬有之主耶和華在於北方，百辣河濱，大行誅殛。埃及人往基列，求乳香藥品，雖多無益，必不得醫。爾受凌辱，號呼之聲聞於列國，蓋傑士顛躓，淪胥以亡。巴比倫王尼布甲尼撒將至，攻擊埃及，耶和華以是事告先知耶利米曰：當告埃及人，播揚斯言於蜜奪，挪弗，答比匿云：當預爲備，屹立不動，四周之民，亡於鋒刃。爾之有能者，爲我耶和華所驅，不能禦敵，俱遭淹沒。羣衆傾覆，自相蹂躪。曰：莫若旋師返國，不遭強者殺戮。告埃及王法老云：戰鬪之事，不敢與會。萬有之主耶和華曰：我指己而誓，敵至斯土，若山中有大泊，若海濱有加密，屹然峙立。挪弗，荒蕪，無人居處，旅於埃及者，必預爲備，恐見虜。埃及人若美犢，有災至自北方，彼以金募壯士，俱若肥牛，災害旣臨，敗北而遁，不能禦敵。埃及人聲細若蛇，敵人帥師來攻，若樵夫執斧伐木。耶和華曰：彼雖衆多若蝗，不可勝數，亦當伐之，無異伐木。埃及人惶遽，爲北方之人所虜。萬有之主，以色列族之上帝耶和華曰：我必罰埃及之挪亞門，毀其上帝之像，誅王公法老，與凡恃法老之勢者，付之於敵。巴比倫王尼布甲尼撒及其僕之手，厥後埃及之地有人居處，與昔無異。我耶和華已言之矣。我僕雅各家

以色列族勿懼，雖虜於遠方，我將救爾，使歸故土，得享平康，無人使爾恐懼。耶和華又曰：我僕雅各家毋畏，予左右爾，我昔散爾於列邦，列邦雖滅，而爾不滅，乃我降災，責爾獨寬。

法老未伐迦薩時，先知耶利米奉耶和華命，告以非利士人之事。耶和華曰：大河自北至，勢若洪濤，泛濫斯土，諸邑民人，盡遭淹沒，號呼哭泣不已。驕驕驕驕，車輪轟轟，聞其聲者無不喪膽，父不顧其子，非利士人，鴿託遺民，推羅西頓，所賴以得助者，耶和華敗之，絕其所恃，其日將至，迦薩人已薙厥髮，亞實基倫已絕，谷之遺民自毀其身，伊於胡底。耶和華之劍，何時入鞘，鋒藏不試。耶和華既命之攻亞實基倫及海濱之人，焉能藏其鋒乎。

萬有之主，以色列族之上帝耶和華，以摩押之事告衆，曰：尼破已遭糜爛，基烈亭已破，米士夾人畏蕙抱愧，豈不哀哉。摩押不被榮光，在希實本有謀害之者，欲滅其國，未面傾圮，鋒刃隨其後，自何囉念已聞殘賊攻擊之聲，摩押已破，孩提哭泣，陟路歛岡，號哭不已，下何囉念，哀號甚慘，聞於敵人，若不遁逃，自救，必如曠野之杜松，因恃貨財，爲人所擄，基抹之偶像被擄，其祭司牧伯俱爲俘囚，殘賊者至，無邑不攻，陵谷平原，遂至荒蕪，耶和華所言應矣。摩押人遁逃，若藉羽翮，其城荒蕪，無人居處，人加害於摩押，耶和華使之然，若有怠志，刃弗飲血，禍必不遠。摩押肇造邦國以來，恒享承平，未嘗爲人所虜，若酒有渣滓，不易尊疊，故臭味仍存，馨香不變。耶和華曰：時日將至，我必使人傾之，罄其器皿，壞其革囊，昔以色列族抱愧，因恃伯特利故也。摩押族因基抹故，以致含羞，亦必若是。豈可自誇，有能之士，善於戰鬪。萬有之主耶和華曰：摩押已遭糜爛，邑

垣已燬，遴選之壯士，已被殺戮。摩押之禍已在旦夕，其害伊邇。四周之邑，與彼相識者，哭之曰：彼強且美，其杖已折。居底本之女，自榮位而下，坐於無水之地。蓋殘害摩押者，毀爾城垣。亞羅耳居民，立於途側，瞻望遠方，詰逃避之男女曰：其事若何？摩押傾圮，懷慙抱愧，爾當號哭，告於亞嫩。言摩押已亡，災降於平原，何倫、雅夏撒、米法押、底本尼破、伯敵拉、太陰、基烈亭、伯加末、伯米雲、加畧、破斯喇、凡摩押之邑，無論遐邇，盡遭淪喪。耶和華曰：摩押之角已斷，厥臂已折。彼於我前，自負不凡，故必降罰。若醉以酒，至於哇吐，顛躓不起，爲人訕笑。昔爾訕笑以色列族，視之若盜賊，搖首戲侮。摩押居民，當離城垣，藏於巖穴，譬彼班鳩，巢於洞口。我聞摩押之民，驕矜倨傲，縱恣無度。我耶和華知彼盛怒，不從所言，彼雖誕妄，不能成事。故我必爲摩押邑號呼哭泣，爲吉哈喇泄人哀聲。甚慘實馬之葡萄，延及雅設，至於鹽海。殘賊者流，奪爾葡萄，攘爾夏果。我效雅設人哭泣不已。昔在摩押，良田人咸欣喜，維踐酒醪，人常權呼。今酒已竭，欣喜權呼之聲，俱不復聞。自希實本至以利亞利，大聲號泣，遍聞於雅哈斯。自瑣耳至何羅念，其聲遙聞。與三歲之牛，長鳴相若。寧林水濱，亦已荒蕪。耶和華曰：在摩押四境，無人陟崇邱，焚香奉事其上帝。我使之然。先知曰：摩押與吉哈喇泄貨財既亡，我心戚戚。若箝聲之哀慘，彼鬚髮盡薙，指掌毀傷，腰束麻帶。耶和華曰：凡摩押樓巖，衢側必有哀哭之聲。蓋予摧折摩押，棄若敝物。人將哭云：摩押已毀，敗北而抱愧。四周之人，譏笑而恐懼。耶和華又曰：敵人將至，若鷹展翮，翱翔於摩押。加畧已陷，城垣已取。摩押諸武士喪膽。若婦將媿，摩押於我前，自負不凡，以致邦國翦滅。耶和華又曰：予以驚懼坎阱機檻，罰摩押人，免



於驚駭者，必陷於坎阱，出於坎阱者，必罹於機檻。屆期，我必降災於摩押，力儘而遁逃者，至希實本望得庇蔭。今火自希實本出，發自西宏發，焚摩押四境，燬喧呶者之首。摩押人，其有禍乎！崇事基抹者，俱已淪亡。爾之子女，俱爲俘囚。耶和華又曰：末期之日，我將返摩押俘囚，耶和華以摩押之事告衆，其言若此。

耶和華以亞捫之事告衆曰：以色列族豈無嗣子，崇事密君者，奚可強據伽得之地，而處其邑？故耶和華曰：時日將至，我必使戰鬪之聲聞於亞捫族之喇巴邑。城垣變爲瓦礫，居民盡遭焚燬。以色列族，昔爲敵所擄，後轉擄其敵。埃邑傾圮，希實本人號呼。喇巴衆女，俱衣衰絰，躑躅於藩籬間，不勝哭泣。蓋密君見擄，其祭司牧伯俱爲俘囚。違逆之女，居於膏腴之谷，詡詡然以爲已得貨財，無人犯我四境。然爾不可矜誇。萬有之主耶和華曰：我自四周，使爾駭懼，驅逐爾曹。爾衆流亡，無人撫集。耶和華又曰：厥後，我將返亞捫人之俘囚。萬有之主耶和華，以東之事告衆曰：在提幔，豈無哲士賢人，豈無智慧，豈無智謀？底但居民，咸當逃遁，匿於曠野。蓋我降災於以掃，已屆其期。如摘葡萄，必有所遺，如盜賊夜至，必鑿其所欲而後已。敵至以掃，盡窺其所藏，悉取其所有。子孫戚屬，以及比鄰，俱被擄奪，歸於烏有。我使之然。凡爾孤子，我保全之。發婦恃我，我庇祐之。耶和華又曰：不當遭罰者，已飲苦杯，則爾豈能免苦杯之罰乎？耶和華又曰：我指己而誓，破喇戰，破斯喇戰，我使爾卑微，爲列邦所藐視。爾居山巖，險隘危迫之地，心志倨傲，至於自迷。爾巢

雖高，譬彼神鷹，我耶和華必使爾降爲卑。以東必荒蕪，人過其地，見大災已降，則爲之驚異而作怨聲。耶和華曰：昔所多馬蛾摩拉及其鄰邑傾圮，無人居處，以東亦必若是。孰能與我比儼，孰能與我辯論，孰能爲民牧，侍於我側，我遴選之，以目會意，彼則疾趨，攻擊斯邦，譬彼獅子，因約但之水漲溢，出自河濱，遊於牧地，青草芊綿。我耶和華已定厥志，欲攻以東，降罰提慢，即羊之小者，亦得而欺之，使其居處荒蕪。彼傾圮而呼聲聞紅海，震動大地。其敵將至，若鷹展翮，翱翔於破斯喇，當斯之時，以東之武士喪膽，若婦將媿，以大馬色之事，播告於衆，曰：哈末亞八已聞凶耗，恐懼喪膽，不勝戰慄，若海濤之未定。大馬色人失志，欲旋師而遁，恐懼憂愁，若婦將媿，斯邑也。昔爲人所揄揚，所欣喜，今則棄之如遺。萬有之主耶和華曰：當斯之時，壯者仆於遠衢，武士已遭殲滅，必火大馬色，城垣毀便，哈達宮殿。巴比倫王尼布甲尼撒將伐基達，夏朔諸國，耶和華以其事告衆，曰：爾曹當起，咸往基達，東方之衆，爲爾所困，擄其牛羊，奪其帷幕，獲其器皿，載於駱駝，取爲己有，播告於衆，隨在驚惶。耶和華曰：巴比倫王尼布甲尼撒，謀欲害爾，故夏朔居民遁逃，宜疾匿於曠野。耶和華曰：彼民也，門不設榿，安居無虞，不與衆雜處，爾當攻之，其駱駝羣畜，爾可得之，薙髮之四周者，我必散之於四方，使之遍懼禍患。夏朔將變荒蕪，無人居處，爲野犬之藪穴，歷代如此。西底家始爲王於猶大，耶和華以攔事告先知耶利米曰：萬有之主耶和華曰：以攔善射過人，我將折之，我必使四周之風，擊以攔人，散於四方，無國不至。耶和華又曰：我既震怒，必降災於以攔，使之懼敵，亡於鋒刃，翦滅殆盡。耶和華又曰：我必威加以攔，滅其王公，末期既屆，我必返以攔人俘。

囚我耶和華已言之矣。

耶和華以巴比倫及迦勒底之事論先知耶利米曰：當立旌旆，告於列邦，播傳毋隱曰：巴比倫已陷，巴勒抱愧，米羅達已折，諸偶像已毀。民自北至，攻巴比倫，人民羣畜，劫掠一空，地變荒蕪，無人居處。耶和華又曰：當斯之時，以色列族猶大家偕至，且哭且行，求其上帝。耶和華俱望郇邑，勤詢厥路，歸誠於我，與我結約，歷世弗忘。昔我民若亡羊，牧者誘之，迷於歧途，陟彼岡巒，忘厥棲止之所。凡遇我民者，必吞噬之。敵曰：耶和華爲斯民之福場，列祖所恃，今彼獲罪於主，我噬之何害。今我民當出巴比倫，離迦勒底地，若牡羊導羣，大邦之民，必率羣衆，來自北方，攻巴比倫，列行伍，取邑垣，若善戰者，矢不虛發，我使之然。耶和華又曰：迦勒底地爲人侵奪，奪之者皆鑿其地，昔迦勒底人殲滅我民，欣喜不勝，身肥體胖，若牛得芻，若馬長嘶。今巴比倫抱愧，大邑含羞，其地終爲邱墟，有若沙漠。因我耶和華震怒，巴比倫傾圮，變爲荒蕪，無人居處。凡過之者，見其災害，必駭異而作怨聲。巴比倫人獲罪於我，凡執矢，列行伍，圍巴比倫者，射之毋惜。今我欲雪宿忿，視其所行而加報施，爾曹當鼓譟直前，毀其垣墉，傾其基址，使巴比倫投誠。在巴比倫播種者，則滅之，刈禾者，則殺之。旅其地者，懼利刃，逃四方，各歸故土。以色列族若亡羊，爲獅所驅，初爲亞述王吞噬，後爲巴比倫王尼布甲尼撒折骨。萬有之主，以色列族之上帝耶和華曰：昔我罰亞述王，後必罰巴比倫王，及其土地亦若是。我必返以色列族於故土，於加密巴山牧守羣羊，於以法蓮，基列地，而得果腹。耶和華又曰：所遺之民，我必赦宥，當是之時，以色列族猶大家，所有罪戾，歸於烏

有，雖求其疵，亦不可得。耶和華又曰：違逆之邦，當降以罰，滅之務盡，循我所命。戰鬪殺伐之聲，聞於斯土。昔巴比倫滅天下，若鎚摧物，今巴比倫被折，列國爲之驚駭。巴比倫人逆我耶和華，故我設坎阱，乘彼不覺，陷於其中。我萬有之主耶和華，在迦勒底，啟我府庫，出我器械，以雪我忿，以成我事。迦勒底之敵國，自地極來，攻開其倉廩，城垣變爲瓦礫，滅之務盡，毋遺踪迹，殺壯士若屠牛。降災之日既至，其禍不遠，我上帝耶和華爲殿宇雪忿，人自巴比倫逃於郇邑，備述斯事，咸聞其語。巴比倫人驕其心志，逆以色列族之聖主耶和華，故召弓人，矢人圍巴比倫，不許逃遁，視其所爲而報之。耶和華曰：當是時，壯者偃於達衢，武士俱亡，萬有之主耶和華曰：驕志之人，降災之日，猶大家爲人暴虐，見擄於敵，不復釋之。我萬有之主耶和華，奮其大能，加以拯救，必伸其冤，歸於福地，使巴比倫人戰慄不勝。耶和華曰：災降於迦勒底，巴比倫及其牧伯，哲士，災降於卜筮之輩，使之愚蠢，勇悍之卒，使之怯懦，災降於車馬，以及異族，使之喪膽，無異婦女，災降於貨財，被人劫掠，災降於江湖，使之立涸，斯土之人，服事偶像，舉國若狂，故暴獸野犬，雌雄鴛鳥，必巢其中，無人居處，歷代若此。耶和華曰：昔所多馬，蛾摩拉，及其鄰邑，爲我上帝所傾圮，無人居處，斯邑亦必若是。大邦之邑，來自北方，列王勃興，自地極，執弓持戟，殘忍不慈，聲若海濤，乘馬列陳，攻巴比倫人，巴比倫王聞聲喪膽，憂心戚戚，若婦將產，孰能與我比隣，孰能與我辯論，孰能爲民牧侍於我側，我遴選之，以目會意，彼則疾趨，攻擊斯邦，譬彼獅子，因約但之水漲溢，出自河濱，遊於牧地，青

草芊綿。四我耶和華已定厥志，攻巴比倫，降罰迦勒底，卽羊之小者，亦得而欺之，使其居處荒蕪。四六巴比倫傾圮而呼，聲聞列邦，震動大地。

**第五十三章** 耶和華曰：我使狂風攻擊巴比倫，以及違予之人，降災之日，我必遣人圍巴比倫，使其邦國空虛。若舉扇揮塵，執弓矢者攻之，著戎衣者戮之，勿惜其壯士，盡殲其軍旅，被殺者殞於迦勒底，被刺者仆於達衢。以色列族及猶大家違其聖主上帝，罪遍四境，然萬有之主耶和華必不棄之如遺。六今耶和華報巴比倫，以雪宿忿，凡欲自救者，必出斯邑，庶或免罹災害。巴比倫若金甕，耶和華執之，使天下列邦飲之而醉狂。今巴比倫傾頽崩毀，爲之舉哀，求乳香以醫厥疾。我儕欲醫巴比倫而不得，其禍滔天，上冲霄漢。我今去之，各歸故土。耶和華賜我得救，當詣郇邑。述我上帝耶和華之經綸。今耶和華震怒，欲滅巴比倫，爲其殿宇雪忿，故從憚米太王以攻爾邑。爾雖礪鐵執盾，邑垣建旆，成樓鞏固，命戎稽察，設伏防禦，終歸無益。蓋我耶和華昔言降災巴比倫，今已有應。十三巴比倫人，居於水濱，多得貨財，禍害已至，爲人所虜。萬有之主耶和華，指己而誓曰：我使敵至，若蝗衆多，號呼攻爾。我以大能創造大地，以智慧奠定寰宇，展布穹蒼，我命旣出，霧起地極，雲集穹蒼，電閃雨下，風藏府庫，我能出之。維彼偶像，崇之者愚蠢，鑄之者蒙羞，偶像僞物，生氣不存，悉無靈爽，妄人所作，天災一至，與衆偕亡。雅各所崇之上帝，不若是，彼造萬物，簡以色列族爲民，萬有之主，耶和華其名也。爾米太王，若我巨椎，若我武備，用汝伐列邦，殲衆庶，使爾斃其馬，駕馬者見殺，使爾毀其車，乘車者被戮。男女老幼，壯士處女，皆爲爾所喪敗，爾殲牧人，封其羣羊，爾

誅農夫擊其二牛，牧伯長者爲爾所淪亡。耶和華曰：昔巴比倫迦勒底人在郇邑作惡，爲爾目覩，我必報之。耶和華曰：爾巴比倫邑若山，天下黎庶遭爾淪喪，我將舉手攻爾，推爾暫巖，焚爾峯巔。無石可爲屋隅基址，使爾荒蕪，歷代若是。當舉旌旆於斯土，吹角於民間，使列邦攻之，會集亞喇臘米尼亞實基拿人立武夫長，使驍騎咸至，若蝗衆多，使米太君民牧伯長者與其衆庶攻巴比倫，使民戰慄，蓋我耶和華已定厥志。攻巴比倫使之荒蕪，無人居處，斯言必應。巴比倫武士不敢出戰，堅守城垣，已喪厥膽，有若婦女。敵人驟至，燬宅第，折門榷，使者絡繹而來，告巴比倫王曰：邑已陷，津已塞，葦已焚，武士戰慄。萬有之主以色列族之上帝耶和華曰：巴比倫人若穀場，其期已屆，必遭蹂躪，不日穡時至焉。郇邑及耶路撒冷民曰：巴比倫王尼布甲尼撒噬子滅子，使我爲虛器，吞我若蛇，飲我肥甘，逐我遠去，彼虐遇子殺子，戚屬罪必歸巴比倫及迦勒底民。耶和華曰：我必伸爾冤，爲爾雪忿，惟彼泉源，我必涸之。使巴比倫邑變爲瓦礫，野犬穴之，無人居處，爲衆駭異。時聞怨聲。耶和華曰：巴比倫人號呼若稚獅，彼中心如焚，飲酒酩酊，欲取淫樂，或至長眠，永不得醒。我使之然。我殺戮之，若牡綿羊，牡山羊爰及羔羊，示殺巴比倫已陷，億兆所譽之邑已取，列邦見之無不駭愕。巨川漲溢，淹巴比倫，波濤覆之，四境荒蕪，變爲曠野，無人居處，人踪罕至。我在巴比倫，必罰巴勒所吞者，使哇而出之，列邦不復歸巴比倫，其城垣傾覆，我使之然。我民當出巴比倫，各保生命，免我震怒。○歲有浮言，長者構兵，鬪聲聞於斯土，爾勿喪膽，勿恐懼。斯後我必降災於巴比倫，偶像通國懷羞，邑衆被戮。耶和華曰：敵人至自北方，攻巴比倫，天地萬物謳歌不已。昔

巴比倫殺以色列族，後其四境居民見戮於人，亦甚。惟爾選民，不亡於刃，當往勿遲。雖在遠邦，追念耶和華，思耶路撒冷，不置。其見異邦人入耶和華聖殿，加以凌辱，則曰：我見之，含羞抱愧。耶和華曰：後日，我必降災於巴比倫，偶像使遍地傷痍者，咨嗟歎息。耶和華曰：巴比倫雖築高垣，上凌霄漢，我必使敵破之，隨在皆聞。巴比倫迦勒底喪敗之音，蓋我耶和華滅巴比倫邑中，譁然聲若波濤洶湧，我平息之。攻巴比倫壯士淪喪，強弓已折，蓋我耶和華上帝雪忿報仇若此。萬有之主耶和華曰：我將使其牧伯哲士齒長之儒，有能之輩，嗜酒酩酊，忽致長眠，永不得醒。萬有之主耶和華又曰：巴比倫城垣雖廣，必毀。邑門雖高，必焚。昔役列邦之民，竭力築此，後必盡燬。歸於烏有。猶大王西底家往巴比倫，內侍馬西雅孫尼利亞子西勒亞扈從。西底家王四年，先知耶利米以巴比倫所遭之災，筆之於書，告西勒亞曰：爾至巴比倫時，必讀斯書，當言於耶和華曰：爾言必滅斯邦人民羣畜，劫掠一空，地變荒蕪，歷代若此。言竟，則繫書於石，投之百辣河中。曰：耶和華降災於巴比倫，使彼困乏，沉而不浮，有如此書。於是耶利米之言畢矣。

西底家乃立拿人，耶利米女哈母達所出，年二十有一，卽位於耶路撒冷。凡歷十一年，行惡於耶和華前，效約雅金所爲，故耶和華怒耶路撒冷，猶大之民，咸驅逐之。西底家叛巴比倫王九年十月十日，巴比倫王尼布甲尼撒率師至耶路撒冷，於其四周，建營築壘，以攻擊。困苦其邑，至於西底家王十一年四月九日，邑民糧罄饑甚，迦勒底人環攻其城而陷之。武士出城，由門旁夾道，近於王園，夤夜而遁，士卒四散，王望坦途而往，迦勒底軍追襲其後，至耶利哥之坦途。

執之解至哈末之立拉。見巴比倫王，王斷其事。巴比倫王在立拉殺西底家諸子，使其目覩，亦殺猶大諸牧伯。巴比倫王挾西底家目，繫以銅索解至巴比倫。幽於囹圄，至死不赦。巴比倫王尼布甲尼撒十九年五月十日，其臣僕侍衛長尼布撒喇担至耶路撒冷，燬耶和華殿王宮宦第，及耶路撒冷民室。侍衛長率迦勒底軍，墮耶路撒冷城垣之四周。侍衛長尼布撒喇担擄邑中所遺之貧民，及降巴比倫者，惟遺貧民，使修理葡萄園，耕植其田。耶和華殿中銅柱、盆座、巨盤，俱爲迦勒底人所毀。攜其銅至巴比倫，其釜、鑿、翦、鼎，及諸銅器，以供役事者，悉攜之去。其杯、棬、其盤，其盂，其鼎，其燈臺，其翦，其壺，及金銀諸器，俱爲侍衛長所取。昔所羅門爲耶和華殿，造諸銅器，不能權其輕重，卽二柱，一巨盤，盆座，下銅牛十二，每柱高丈有八尺，四周丈有二尺，其柱維空，厚約四指，每柱有銅頂，高五尺，欄杆石榴圍其四周，悉以銅鑄。樞上雕石榴之形，各方九十六，與角共計之，數約一百。侍衛長攜祭司西勒亞祭司之次者西番雅與闈者三人，城中攜轄武士之宦豎一王之近臣七，軍中之繕寫兼掌民數者一，及民衆六十，咸至哈末之立拉。見巴比倫王，巴比倫王殺之，猶大族被擄之事如此。尼布甲尼撒七年，擄猶大民三千有二十三，十八年，擄八百三十有二，二十三年，侍衛長尼布撒喇担自耶路撒冷，擄猶大民七百四十五，共計四千六百。猶大王約雅斤被擄之三十七年十二月二十五日，巴比倫王以未米羅達卽位，乃出猶大王約雅斤於獄，撫恤之，使其位高出於同在巴比倫列王之右，更易其衣，每食與共，以畢其生。巴比倫王日賜以糈糧，終身不匱。



舊約聖書

耶利米書

第五十一章

七百七十八

耶利米哀歌

維昔郇邑，居民衆多，今則不勝寂寞兮。昔爲大國，今若嫠婦兮。昔也列邦爲彼所制，今則爲人供役，能勿悲兮。彼終夕流涕，沾濡盈睫兮。良朋雖多，慰藉無人兮。我以彼爲良朋，彼以我爲仇敵兮。猶大被擄，服役維艱，居於異邦，未獲安康兮。災厄已臨，敵人追襲兮。大會既屆，無人詣郇邑兮。逵衢荒寂，邑門零落兮。祭司吁嗟，處女憂愁，邑衆困苦兮。郇民屢犯，耶和華責之兮。敵人亨通，挾制邑民，擄其赤子兮。郇邑之女，頓喪婉孌之姿兮。維彼牧伯，若失芻之鹿兮。無力戰鬪，爲敵追襲兮。耶路撒冷，民旣罹災害，爰念疇曩之安樂兮。今爲敵擄，援手無人兮。遇斯患難，爲敵嘲笑兮。耶路撒冷，民愆尤叢集，主遐棄之兮。昔雖尊崇，今則裸體，爲人藐視，彼亦歔歔而退兮。其衣污穢，不念厥終，故遭非常之傾圮，而慰藉無人兮。彼曰：敵加困苦，望耶和華眷顧兮。彼所欣慕者，敵人取之兮。主命異族，不得與會，彼反入聖所，郇民目擊兮。邑衆咨嗟，願舍欣羨之物，以求糈糧，庶堪果腹兮。郇民曰：今予受辱，望耶和華眷顧兮。耶和華震怒，降災我躬，爾曹過此，見予哀慘，無所比擬，乃不爲意兮。火自天降，入予骨髓兮。彼張網羅，以顛予趾，使予退却，終日震驚，膽盡喪兮。維予犯罪，主加以輒懸於我項，使力廢弛兮。付我於敵，不能自救兮。主集列邦之民，會伐我猶，大我有能之士，遭其蹂躪，我勇敢之卒，惕服其威兮。我之處女被踐，若踐酒醪兮。緣此我爲哭泣，漣然出涕，蓋慰者遠去，不加拯救兮。敵人勝予，子民笑獨兮。郇民舉手，慰藉無人兮。耶和華使雅各諸敵環而攻之，彼視耶路撒冷，若污穢之婦兮。耶和華無不義，我違其命，故罹重罰，壯士處女，俱爲

俘囚爾曹黎庶見我憂愁兮我招良朋不副予望祭司長老惟求精糧以果其腹兮求而不得亡於邑中兮我蹈重愆外遭殺戮內則死亡兮子也懷憂特甚中心慘怛望耶和華眷顧兮維彼人斯聞子嗟歎不加慰藉敵聞爾降災於子反增喜色爾已定命降災於彼與余無異言必有應兮昔子有罪爾降以罰今子喪膽長歎不已兮彼有罪戾爾鑒察之罰彼毋緩與我無異兮

弗惜兮雅各全家爲耶和華殲滅不加矜恤兮震怒猶大墮其城垣使邑傾圮喪其邦家辱其牧伯兮怒既震烈斷以色列角不援之於敵手兮雅各之家爲火所焚滅其四周烈焰殊張兮怒烈如火挽弓若敵舉手若仇兮凡在郇邑可以娛目者則殺戮之兮主視民若敵吞噬以色列兮毀其宮室墮其城垣使猶大民憂愁靡已兮主之殿宇彼摧折之若毀園中之亭榭兮民會之所亦俾其荒圯兮昔在郇邑有大會之時有安息之日今盡遺忘耶和華使之然兮主赫斯怒則王公祭司爲所藐視兮主棄祭壇遺聖所以其殿宇付於敵人兮使彼兆民號呼於耶和華殿與大會之日無異兮耶和華欲墮郇邑主畫準繩滅之毋惜兮城堞邑垣傾圮偕亡兮邑門已墮門鍵已折王公牧伯羈留於異邦律例不講維彼先知莫觀耶和華異像兮郇邑長老坐於塗炭緘口無言首蒙灰腰束麻耶路撒冷處女俯首至地兮我民流亡孩提之子哺乳之兒喪於達衢兮我目流涕中心惻怛不啻肝腦之塗地兮赤子如傷仆於達衢失魂於母懷乃詰母曰百穀旨酒安在兮耶路撒冷之民郇邑之女爾之禍患大若滄海孰能醫爾兮子將何詞何譬用慰爾心矣爾之

先知所傳、惟虛惟狂、未瘳爾惡、免爾見虜、彼之所述、惟尙妄誕、以惑人兮。凡過耶路撒冷者、鼓掌搖首、作怨憤之聲、曰：天下素稱華國樂土者、非此邑乎。敵口孔張、切齒憤聲、曰：我所望者、今日之事、斯邑吞噬、我所目覩兮。昔耶和華所定之事、今已爲之、言無不應、彼傾爾邑、不加矜恤、使敵哢噪、勝爾而喜兮。郇邑之民、當顛於主、痛哭流涕、無間晝夜、漣然不已兮。夜未央兮、當起號呼、更初屆兮、當於主前、吐其衷曲、爾之赤子、已爲餓殍、仆於達衢、爾當舉手於上、求其矜恤兮。耶和華兮、請爾視之、所責者誰、婦之初媿、自食其子、祭司先知、見戮於聖所兮。老幼仆於達衢、壯士處女、亡於鋒刃、當爾震怒之時、戮之而不惜兮。耶和華震怒之期、已屆、四周禍至、無能逃遁兮。我所撫育者、敵盡殺之、靡有孑遺兮。

**第三章** 主怒余責子、備嘗艱苦、惟余一人兮。導子入幽暗之途、非光明之域兮。彼屢害子、終日不息兮。肌膚槁枯、骨骸摧折兮。彼沮尼余、如茶如膽、四面皆是兮。置我於暗地、與久死之人無異兮。藩籬四圍、使我不出、繫我以鐵索兮。我雖顛呼、不得升聞兮。以石塞途、使我行於曲徑兮。主欲執余、有若熊獅、伏於密林兮。忽搏噬子、傷子、喪子兮。張弓發矢、以我爲的兮。毀中之箭、入我腎腸兮。人媵笑子、日作歌以譏刺兮。主使子食苦茶、餐茵陳兮。嚼沙石、折余齒兮。陷灰中、氣難息兮。不可得兮。平康、不復見兮。福祉。我曰：子力困憊、不復望耶和華兮。余也、追思禍患、回憶苦境、如茶如膽兮。子心思之、殷憂靡已兮。子復憶念、猶可望兮。耶和華仁慈是尙、不廢矜憫、故子不亡兮。矜憫日新、仁義無涯兮。子自謂得耶和華佑、猶可冀望兮。凡瞻望耶和華、求沾恩澤者、耶和華善視之兮。

惟耶和華是賴，望其拯救，必蒙福祉兮。自幼負軛，猶以爲幸兮。既負重任，默然獨坐兮。頭搶泥塗，庶有企望兮。人欲批其頰，則以頰應之。懷羞隱忍兮。主棄人，不終棄兮。雖令人懷憂，必加矜恤。仁澤靡涯兮。主責民，非其心兮。蹂躪俘囚，罔上陷人，屈害平民者，俱主所不悅兮。未得主命，誰能言而有應兮。禍福之來，俱由至上者定之兮。人生於世，犯罪愆，受撲責，何怨之有。當省察我行，歸誠耶和華兮。當拱手立志，祈求天上上帝兮。予蹈罪愆，爾不赦宥兮。爾赫斯怒，督責子躬，加以殺戮，不復矜恤兮。維爾所在，有雲蔽之，我禱於上，不得升聞兮。爾之視子，若被污穢，受世俗之塵垢兮。敵口孔張，吞噬我兮。我常驚駭，懼於陷阱，殲滅殆盡兮。斯民被戮，我目流涕而不止兮。漚然出涕，晝夜不息兮。望耶和華，自天垂顧兮。邑民淪喪，我淚盈睫，至於患疾兮。敵人追子，出於無因，若鳥被逐兮。下我於井，置石於上，幾絕我生命兮。水滅我頂，我曰命絕兮。我於井中，顧耶和華名兮。子曰爾其聽我，歔歔不復充耳，我之所禱，庶得上聞兮。我既禱爾，爾眷顧子，命余勿懼兮。主伸我冤，救我生命兮。我受屈抑，耶和華鑒之，伸我之冤兮。敵痛疾子，謀害子，爾亦鑒之兮。彼凌侮子，腹誹子，爾亦聞之兮。無日不詈子，靡刻不謀子，爾亦知之兮。彼或坐或起，作歌以刺我兮。耶和華兮，視彼所爲，而加報施兮。以帕蒙心，加以咒詛，盛怒追襲，絕於耶和華之天下兮。

【第四章】金失其光，兼金變色，聖所之石，傾於達衢兮。郇邑赤子，昔比兼金，今如瓦缶，寧不悲兮。野犬猶哺其子，我民之婦，殘忍難堪，若曠野之鴛鳥兮。哺乳之嬰，厥口甚渴，齟閉舌卷兮。孩提求餅，無人擘而予之兮。素飫肥甘者，今亡於達衢兮。昔衣絳袍，爲人提抱者，今偃於糞壤兮。昔所多馬

人蹈罪愆，忽致傾圮，非人使然兮。今我民犯罪遭刑，較彼尤甚兮。昔彼顯宦，皜皜無比，若雪之白，若乳之潔，色若珊瑚，體若青玉兮。今其容變黑，形消骨立，有若枯木，至彼市塵，無人識之兮。寧殞於鋒刃，不願死於饑饉，土產已絕，日漸衰微兮。維彼婦女，素懷矜恤，今民淪喪，烹子而食兮。耶和華震怒，大發厥憤，重降其災，火焚郇邑，燬厥址基兮。敵入耶路撒冷，邑門兮。是事也，列王億兆，素所不信兮。先知祭司，蹈於罪愆，殺義人於邑中，故遭此事兮。彼若警者，往來於市，血染其衣，人不能捫兮。人叱之曰：去之。去之。遍體血污，手不可捫，既流亡於異邦，異邦人曰：勿旅於此兮。耶和華怒而散之，不復眷顧，祭司長老，失其尊崇兮。郇民曰：我冀鄰邦，以手援予，引領徒勞，望眼欲穿兮。敵襲子後，不敢行於市塵，生命幾絕，末期伊邇兮。追予之人，捷於飛鷹，襲子於山巔，設伏於曠野兮。耶和華所沐以膏，我所賴以得生，至異邦中，望其庇蔭者，今陷於坎阱兮。以東人居於烏士，毋庸喜樂，惟此苦杯，必爲爾飲，以致酩酊，裸爾身體兮。郇邑之民，所犯罪愆，今已遭刑，不復被虜，惟彼以東，必彰其穢迹，降以重災兮。

**第五** 千遭災受辱，望耶和華眷顧兮。異邦之人，據我土，處我室兮。子無父，母無夫兮。欲求薪水，非金莫得兮。我項服役，勤勞不息兮。子與埃及亞述，夙有盟約，望得果腹兮。子之列祖，蹈於愆尤，遂致殞滅，今子負其罪戾兮。僕婢制我，援手無人兮。惕其鋒刃，遜於荒野，捨身以餬口兮。饑饉特甚，膚黑若爐兮。在郇邑，猶大城，敵辱婦女兮。牧伯之手，高懸於上，長老之容，失其尊嚴兮。使壯者旋磨，幼稚負薪而偃仆兮。長老不坐門側，少壯不作音樂兮。心不欣喜，昔則踴躍，今則悲歌兮。晷

去我首、我蹈罪愆、深可悲痛兮。子因此瞻喪目矇兮。郇山荒蕪、狐狸游兮。耶和華兮、爾乃永生、爾國靡暨兮。何爲忘我、遐棄我躬、日久月長兮。耶和華兮、使我歸誠爾、可返故土、使復振興、與昔無異兮。曷遐棄我、怒子靡已兮。

以西結書

第二十章 雅斤王被虜五年四月五日，我布西子，祭司以西結年三十矣，在迦勒底地，基八河濱，被虜之中，穹蒼忽闕，耶和華上帝示以異象，其神感子，其命傳子，我見颯風自北驟至，亦有大雲，若火炎炎，焜耀四周，雲中有光，若磨礪之金，又有四靈物，其狀彷彿似人，各有四面，四翼，足直若犢蹄，藻采輝耀，若金已經磨礪，翼下四旁有人手，四靈物有面有翼，其翼相連，隨其所往，無需回顧，直行以前，右之容若人與獅，左之容若牛與鷹，四靈物之容若此，諸靈物二翮高展，交相比接，二翮蔽身，隨神所感而往，直行以前，無需回顧，狀若熾炭，明若燈光，火繞靈物，光射若電，靈物往反，若電閃爍，我觀靈物之下有輪，輪有四面，色若黃玉，四輪之式維一，其狀其法，則二輪交互，行時四面皆可隨其所往，無需返轅，輪之四面甚高，可畏，遍環有目，靈物行，輪亦行，靈物起，輪亦起焉，靈物隨神所感而往，輪亦起行，行止舉動，皆隨靈物，蓋靈物之神亦感其輪，靈物首上穹蒼展布，色若水晶，其狀可畏，穹蒼之下，諸靈物各張其翮，交相比接，左右各有二翮，以蔽其身，靈物行時，其翮有聲，我聞之，若波濤澎湃，若羣衆喧譁，若霹靂震轟，靈物止時，其翮下垂，靈物立而垂翮，時首上穹蒼有聲出焉，首戴穹蒼，其上有形若座，色如青玉，座上有形彷彿似人，我見坐者，自腰以上，色若磨礪之金，四周狀若火，自腰以下，狀亦若火，焜耀四周，其焜耀之狀，若下雨之時，雲中虹見，耶和華榮光煥發，其狀若是我一見之，俯伏於地，彼與我言，子聞其聲矣。

舊約聖書

以西結書

第一章

第二章

七百八十五



以色列族彼所行忤逆，自列祖迄今，干犯罪戾，剛愎性成，我遣爾，以我耶和華上帝之命告之，彼忤逆之流，無論聽否，必知先知已至其中，惟爾人子，毋庸畏懼，彼忤逆殘賊，爾居其中，若與蠍同處，勿懼其言，毋畏其威，<sup>七</sup>甚忤逆，爾當以我言告之，無論聽否，惟爾人子宜聽我言，爾毋若彼忤逆，爾當啟口，食我所賜，我見有手執卷，展於我前，內外皆有文字，錄曰：悲哀患難，慘怛。

**第二章** 又告我曰：人子，所獲者食之，當食此卷，往見以色列族，以我言相告。我啟口食卷，隨彼所使，彼曰：人子，我以卷賜爾，食之果腹，我食之，尚在口中，味甘若蜜。彼告我曰：人子，往見以色列族，以我言相告。我不遣爾至列邦，見言語不通之人，其方言爾所不識，如遣爾至彼，彼則願聽，我今遣爾，見以色列族，惟以色列族，剛愎性成，不聽我命，不從爾言。我使爾容甚剛，類甚堅，與彼無異，我使爾額堅剛，過於鐵石，彼忤逆之流，毋庸懼之，勿畏其威。又告我曰：人子，我所語爾之言，必耳聞心思，爾之同族，今已被虜，爾往見之，以我耶和華上帝之言相告，無論聽否。神感子，使遊象外，子聞有聲，震轟於後，曰：耶和華駐蹕之所，其榮可美。靈物之翼，交相比接，有輪偕行，其聲轟轟，我聞之矣。耶和華之神，大感於子，遊於象外，我心激烈，意甚惻怛。我至基八河濱，特亞畢，與被擄者同處，不勝駭愕，越七日，耶和華諭我曰：我令爾為戍卒，稽察以色列家，爾聽我言，代我示民。我言惡人必死，如爾不示之，使彼悔改，以獲生命，則彼惡人，將死於罪，而我亦必罰爾。如爾示惡人，而彼怙過不悛，則彼雖死於罪，爾可免於刑罰。如義人棄善作惡，我任其陷罪，至於死亡，彼所為之善，不復繫念，死於罪戾，爾既不示之，我亦必罰爾。如爾示義人，使不犯罪，聽爾訓誨，彼可得生，爾

亦無咎。耶和華之神復感我，曰：往於平原，我與爾言。我往平原，見耶和華之榮光，與昔基八河濱所見無異。我俯伏於地。其神感我，使我屹立告我曰：爾當入室閉戶，不出人子，人必繫爾以縲絏，不容出戶。我使爾舌卷，瘡不能言，維彼悖逆之流，毋庸督責。後余啟示爾，爾口能言，播傳我命，告彼悖逆之家，聽者任之，不聽者亦任之。

第四十章 惟爾人子取瓦，置於前，以耶路撒冷城圖刻於上，環攻其城，建崇臺，築營壘，發鎚欲破之，取鐵釜置爲鐵垣，在爾與城間，以此圍城，困迫特甚。以上所圖堪以爲兆，示以色列族。爾身左側以臥，爲以色列族負罪，視爾偃臥之日數幾何，則爾負其罪亦若是。以色列族獲罪三百九十年，我使爾負其罪，當歷三百九十日。其數既盈，爾身當右側以臥，負猶大家之罪，歷四十日，一日以抵一年。爾必面嚮耶路撒冷圖，而袒其臂，爲攻城之兆。我將束縛爾，使爾不能反側，至城陷之日，乃已。爾必取小麥、麩麥、巨豆、細豆、黍與粗麥，置於一器，以之爲餅，爾身側臥，凡歷三百有九十日。其時爾必食之，權衡輕重，日食十兩，隨時而食，當量水隨時而飲，一升有半。爾食麥餅，必以人之糞壤炊之，使衆目擊。耶和華曰：我驅以色列族，散於異邦，必使食不潔之餅，亦若此。我曰：我主耶和華歟！我未嘗不潔，自幼迄今，自斃之畜，噬傷之獸，未嘗果腹，可惡之物，未嘗入口。主曰：爾炊餅，我許爾取牛糞，以代人矢。又曰：人子，吾必使耶路撒冷人，養生之餅匱乏，將權餅而食，量水而飲，不敢少過，中心危懼，待餅水俱絕，互相觀望，因罪而亡。

第五十章 惟爾人子，必取利刃，薙其鬚髮，權衡輕重而分之，待城陷之日，必取髮三分之一，焚於邑。

中，以三分之一割之以刀，以三分之一散之四方，我亦襲之以刃，爾當以髮少許，半繫於衿，半投之火，焚之務盡，蓋必有火出，焚以色列全家。主耶和華又曰：以上皆指耶路撒冷而言。昔我置其邑民於列國中，我之律例法度，彼不遵從，而反作惡，較列邦尤甚。故主耶和華曰：因爾違逆，不遵我律例，不守我法度，較列邦尤甚，列邦有善政，亦弗恪從。故主耶和華曰：我必攻爾，降災於爾，使列邦目覩，因爾所爲，深堪痛疾，我必降罰自古迄今，至於後世，未有若此之甚。我降災於爾邑，使父子相食，遺民散於四方。主耶和華又曰：我指己而誓，因爾以可惡之物玷我聖所，故我必使人民減少，不加矜憫。爾民三分之一，必亡於瘟疫饑饉，三分之一，必亡於鋒刃，三分之一，必散於四方。我亦襲之以白刃，怒既奮發，則雪子念，使爾知予所言者，因熱中而言之，所行者，因憤烈而行之。我使爾國荒涼，如是之甚，四周列邦及過爾地者，無不駭異，共相嘲笑。我怒憤烈，降以重災，使四方之民譏笑侮慢，以爾之事爲可戒可異。我耶和華已言之矣。俾爾饑饉，日漸匱乏，絕爾餼糧，滅爾生命，如亡以毒矢，不第降以饑饉，亦使暴獸攘爾子女，又使瘟疫鋒刃，臨於爾邦。耶和華已言之矣。

**耶和華諭我曰**：人子，當指以色列山，而言未來事，曰：以色列山岡，宜聽主耶和華之言。我耶和華必使鋒刃，臨爾山岡，侵爾陵谷，圯爾崇邱，傾爾祭壇，毀爾偶像，殺以色列族，偶像之前，尸相枕藉，祭壇四周，骨骸散棄。爾居邑將荒蕪，爾崇邱將傾圮，爾祭壇將被毀，爾偶像將見斫，凡爾所作，歸於烏有，爰殺庶民，使知我乃耶和華。爾散於列邦，中有遺民，得脫鋒刃，我使之然。昔斯民

違逆子，狗心目所欲，崇拜偶像，使子懷憂，故我使彼爲俘囚，流離列國，免難之民，繫念我躬，爲所作之惡，自怨自艾，使彼知我乃耶和華。昔言降災，要非虛詞。主耶和華謂先知曰：爾當鼓掌頓足云：以色列族多行不義，深堪痛疾，必遇鋒刃，饑饉疫癘而亡。遠者必死於瘟疫，近者必死於鋒刃。所遺於邑中者，必困苦難堪，死於饑饉，以雪我忿。爰在高岡之巔，茂林之下，祭壇之側，昔焚香祭偶之所，惟見尸骸與偶像，共相枕藉。以是可知我乃耶和華。我必舉手，使其居處荒蕪，較特拉之野尤甚。俾知我乃耶和華。

耶和華諭我曰：人子，我耶和華指以色列地而言，斯土四境，末期已屆。既屆其時，我必震怒，視其所行不義，深堪痛疾，降災其身，不加矜憫，滅之務盡，使我乃耶和華。耶和華又曰：患難絡繹以至，末期既屆，所伏之禍機，突起攻擊。爾民罹災，次第以及。爾之日期已屆，患難之日伊邇。山林之間，不聞歡樂之聲。余赫斯怒，視爾所爲，深堪痛疾，降災爾躬，不加矜憫，使知責爾者，乃我耶和華。爾之日期已至，災亦次第及爾。驕侈者將至，以杖擊爾。芽蘗已萌，花蕊盡發，彼居心殘暴，勃然以興，責彼惡徒。所有羣衆，靡有孑遺，哭之者，迄無一人。日時伊邇，災及斯衆，購者毋庸喜，鬻者毋庸憂。鬻者雖保生命，亦不得返於故土。蓋所傳默示，指衆而言，必無不應。維彼惡人，所作者，僞心常戚戚。我既怒斯衆，雖吹角使戰，無人臨陣。外有鋒刃，內有瘟疫饑饉，在田者亡於鋒刃，在邑者亡於饑饉瘟疫。或有免於難者，各自怨艾，逃避於山，若斑鳩歸谷，手疲膝倦，懦弱若水，以麻束腰，盡薙首髮，蒙羞抱愧，戰慄之至。我怒之日，彼棄金銀於逵衢，欲救其命，欲果其腹，欲安其心。

亦屬無益，昔作惡以得之，今使之顛躓。以金玉爲飾，驕志頓生，遂用之以作可惡之像，故我使民棄之如遺，亦使遠方之強暴攘奪之，蔑視之。我亦遐棄斯民，使強暴者入我聖所，加以瀆玩。斯土之民，尙殺戮，行劫奪，遍於邑郊，故當作鐵索，以爲被擄之兆。我將使異邦之惡者至，據其宅第，玷其聖所，滅其所挾以誇人者。殘賊伊邇，人求平康而不得，禍患風聞，絡繹而至，人求先知之默示，然祭司已無律例，長老已無智謀。王公哀慘，牧伯驚駭，庶民喪膽，我視其所行，降以重罰，使知我乃耶和華。

約雅斤被擄之六年六月五日，我坐於室，猶大長老坐於前，主耶和華之神感予，我瞻望之，厥狀若火，自腰以下，若火炎炎，自腰以上，輝光丕著，若磨礪之金。彼所舉者，其狀若手，執余首髮，我爲神所感，升於天地間，恍惚若觀異象，導我至耶路撒冷之內門，其門向北，見有偶像，上帝所斷不容以匹己者，我亦見以色列族上帝之榮光，與在平原異象中所見無以異也。彼諭我曰：人子，北向而瞻望，我見北方祭壇門內有偶像，是上帝所不容以匹己者。又諭我曰：人子，爾觀以色列族在此，所行不義，深堪痛疾，使我去聖所甚遠，然爾將見可惡之事，較此尤甚。遂導我至院門，我見壁有隙，彼諭我曰：人子，宜鑿此壁，予鑿之，見一門。彼曰：爾入得見，彼衆在此，所作不端，深可疾焉。予入而觀之，有不潔之獸，昆蟲之狀，及以色列族所拜諸偶像，繪於壁四周，偶像之前，以色列族長老七十人咸立，撒番子雅散雅亦在其中，各執爐炷香烟，縈繞若雲。主諭我曰：人子，盍觀以色列族長老，暗室所爲，咸入偶像之所，自謂耶和華不加鑒察，耶和華已遐棄斯民。主諭

我曰、爾可更觀其所作、愈堪深疾、較此尤甚。遂導我至耶和華殿北門、在彼有婦女羣坐、爲大母斯哀泣。主謂我曰、人子、爾盍觀此、爾可更觀其所作、愈堪深疾、較此尤甚。遂導我入耶和華殿內院、我見門內廡下祭壇之間、有二十五人、背耶和華殿、東向拜日。主謂我曰、人子、盍觀猶大人在此所爲、深堪痛疾、是非細故、遍行強暴、于我震怒、以杖自塞其鼻、故我怒憤烈、不加矜憫、滅之務盡、彼雖大聲顛呼於上、我必不慮。

第九章 我聞主大聲呼曰、操斯邑刑賞之權者、當執殺人之器而來。有六人至、自北之崇門、各執殺人利器、中有一人、身衣皂衣、腰懸墨孟、咸入殿中、立於銅臺之側。以色列族之上帝耶和華、榮光焜耀、離嗾啞啞、至殿門、招衣皂衣、腰懸墨孟者前來、諭之云、爾巡行耶路撒冷達衢、若有人以邑衆所行之事、深堪痛疾、而歔歔、哀哭者、爾則以印誌其額。又聞主告五人曰、爾曹踵皂衣者之後、遍邑殺戮、勿加矜憫、殲滅務盡、老幼、處子、孩提、婦女、俱當誅殛、惟有印誌者勿殺、殺必聖所爲始。乃自殿前之長老始。主曰、殿中院內、誅戮人民、勿懼其玷、然後出殿、以殲邑衆。五人聽命。他人見殺、惟我獨留、俯伏於地、呼曰、我主耶和華、震怒耶路撒冷、豈欲滅以色列遺民、俾無噍類乎。主曰、以色列族猶大家、罪戾甚重、殺人遍地、舉邑違逆、自謂耶和華不加鑒察、耶和華已遺棄斯土、故我必視其所行、降以重罰、不復矜宥、滅之無俾遺種。衣皂衣、腰懸墨孟者復曰、余已遵命而行。爾觀、我觀、啞啞啞上、穹蒼之中、有狀若座、色若青玉、主告皂衣者曰、爾至啞啞啞下、四輪間、感炭於手、散之邑上。皂衣者往、我目覩之、其人入殿、啞啞啞在殿右、雲覆內院。耶和華之煌榮、自嗾

略咪移至殿門，雲華盈殿，耶和華之煌榮，燦爛於院。略咪展翮，其聲聞於外院，若雷震轟，主命梟衣者，至略咪四輪間取火，遂往立於輪側。一略咪舉手，在諸略咪間取火，以昇梟衣，梟衣者取之而出。我觀略咪翼下，有人手之狀，我亦觀略咪側有四輪，各有一輪，色若黃玉，四輪之式相同，二輪交互，行時四面皆可隨其所往，毋需返轅，所向往則輒至，不偏左右。略咪渾身前後手翮，有目殆遍，四輪亦若是。我聞有聲呼曰：旋轉斯輪。略咪各有四面，一卽略咪，二若人，三若獅，四若鷹，諸略咪飛騰於上，昔在基八河濱，我所見之靈物卽此。略咪行，輪亦偕行，略咪展翮欲騰於上，輪亦不離其側。略咪行止舉動，輪皆隨之，蓋靈物之神亦感其輪。耶和華之榮煌，離殿門，覆略咪上，略咪展翮飛騰，我目覩之。略咪離殿，輪在其側，各立於耶和華殿之東門，以色列上帝之榮煌，焜耀其上。昔在基八河濱，以色列族上帝之下，所見之靈物卽此，我知爲略咪，各有四面，四翼，翼下有人手之狀。昔在基八河濱，所見之容貌形狀，與此相同，各直行以前。

我爲神所感，遊於象外，導至耶和華殿之東門，見門外有二十五人，中有牧伯押說子耶沙尼及庇拿雅子比喇底。主諭我曰：人子，彼衆在邑中謀爲不軌，云：此邑若鼎，我儕若肉，我當建室而居其中，禍不及予。惟爾人子當傳我命，預述邁災之事。耶和華之神遂感於我，告我曰：我耶和華云：爾以色列族，心所思口所言，我知之矣。爾殺人盈城，達衢尸骸枕藉，故我耶和華曰：爾旣殺人，其尸若肉，斯邑若鼎，惟我逐爾於外。主耶和華又曰：爾懼鋒刃，我以鋒刃擊爾，逐爾出邑。

付於異邦人，降災爾躬。以色列族接壤之地，必罹禍患，亡於鋒刃，使知我乃耶和華。斯邑不可爲鼎，爾曹不可爲肉。以色列族接壤之地，我必降災，使知我乃耶和華。蓋爾不遵我律例，不守我法度，乃從四週列邦之所爲。余傳命之時，庇拿雅子比喇底死，子俯伏於地，大聲呼曰：耶和華歟，豈欲翦滅以色列族，靡有孑遺乎？耶和華又諭我曰：人子，耶路撒冷居民告爾同儕同族，以色列族全家云：耶和華駐蹕之所，爾曹離遯之，惟我得斯土而居焉。爾當告之曰：我耶和華雖驅斯民於遠邦，散之於異族，亦必於所至之地暫施扞禦。復告之曰：我耶和華必自離散之所，撫集爾衆，使以色列族之地仍能恢復。爾曹得返故土，凡我所痛疾之物，棄之務盡。我賦以一心，惟新其神，去其頑梗之心，賜以易化之心，必使遵我律例，守我法度，彼爲我民，我爲彼上帝。我所痛疾之事，彼仍妄爲，我必視其所行，降以重罰。我耶和華已言之矣。嗟嘯咏遂展其翻，四輪在側，以色列族上帝之榮煌，焜耀於上，俱離城邑，立於東山。我感上帝之神，遊於象外，至迦勒底地，見被擄之衆，於是目所覩之異象，上昇於天。我以耶和華言播告被擄之衆。

耶和華諭我曰：人子，爾居違逆者中，彼有目視而不明，有耳聽而不聰，故爾人子，必預爲備，將行遷徙。當在晝時，俾違逆者目覩庶或思而悔之。爾當晝時檢什物，若將遷徙，夕時出門，若被俘囚，使衆目覩鑿壁以遁。由此徙物，俾衆目覩，爾乘昏夜，負物而出，蒙面而行，不見所至之地。俾衆目擊，蓋我置爾爲以色列族之兆。我遵命而行，晝檢什物，若被俘囚，夕時鑿壁，將乘昏夜，負物而出，使衆目覩。詰朝耶和華諭我云：人子，以色列違逆之家，問爾何爲，爾當以我耶和華之



命告之曰：此乃耶路撒冷之君及以色列全家將來之兆。爾當告之曰：我爲兆以示爾，我所爲者其後爾亦必若是。必移貨財，被擄而去。君將負荷，乘夜而出，鑿壁以遁，行必蒙面，不得見其地。我張網羅，羅之於中，曳至迦勒底之巴比倫。雖死於彼，亦不得見其地。彼之左右，爰及軍旅，我必散之於四方。襲之以白刃，既散之於列邦，令彼曉然。我乃耶和華。我必遺數人，得免鋒刃，饑饉瘟疫，使之旅於列邦。自言其非，深可痛疾，使知我乃耶和華。耶和華又諭我曰：人子，爾當食餅飲水，慄危懼告斯土之民曰：主耶和華言，耶路撒冷邑及以色列居民，虐遇斯衆，致地荒蕪，食餅飲水，不敢少過，中心危懼，邑將傾圮，地將荒蕪，使知我乃耶和華。耶和華又諭我曰：人子，以色列國人，奚用諺語云：時日遲延，先知之言不應。爾當告之云：我耶和華必使以色列族，不復用此諺語。乃爾當言：時日伊邇，先知之言必應。此後在以色列邦，必無虛僞之異象，無憑之卜筮。蓋我耶和華言而有應，原不濡滯。我既言之，爾違逆者，尙存之日，必見效驗。我耶和華已言之矣。耶和華又諭我曰：人子，以色列家常言，爾所見之異象，指後來之事，其禍尙遠，不及我躬。故爾告之云：我耶和華所言，必不濡滯，應驗伊邇，我耶和華已言之矣。

**第十四章** 耶和華諭我云：以色列族先知，中心思維，造爲幻境。人子，爾當預言，後必降災，使聽耶和華言。主耶和華曰：彼僞先知，未覩異象，心有所思，而言虛幻，禍必不遠。以色列族乎，爾之先知，譬彼野狐。耶和華降災，以色列族，遭侵伐，城垣見毀，其時爾之先知，不敢爭先禦敵，彼所見者，虛僞之異象，所占者，無憑之卜筮。自謂傳耶和華之命，然我未嘗示之，未嘗遣之，彼使人冀其言有

應是事豈不有之乎。故我耶和華有言，因爾所見虛幻，所言誕妄，必降以罰。維彼先知，見虛偽之異象，占無憑之卜筮，我亦罰之，不入我民之會，不錄於以色列之籍，亦不反其土地，使知我乃耶和華。蓋彼先知，誘惑我民，謂有平康，平康不至，若作垣墉，一人築之，而他人以不堅緻之泥塗之。爾當告塗之者云：淫雨必下，大雹必降，飄風驟起，擊而傾之。垣既傾矣，人將詰爾云：爾所塗者安在。主耶和華又曰：我怒震烈，忿氣殊張，必使飄風摧之，淫雨大雹撼之，毀之務盡。爾所塗之墉，我必毀之，使盡傾圮。址基畢露，爾曹偕沒，使知我乃耶和華。主耶和華曰：斯墉與塗者，可比以色列族之先知，彼言耶路撒冷必有平康，平康不至，故我毀墉，使塗之者俱沒，以雪我忿。民中婦女，所言皆臆說，人子，爾當告之云：主耶和華曰：製枕以枕肱，作巾以蔽首，欲陷人於罪者，其有禍乎。爾既陷人於罪，豈能自免於難乎。爾欲得一掬之麥，一方之餅，迷惑我民，聽爾妄誕，僞託我名，民之不當死者，爾言必死，當死者，爾言必生，故我耶和華曰：爾製枕誘惑斯民，我必奪之，救爾所陷之人，亦裂爾巾，以救我民，不爲爾所陷，使知我乃耶和華。作善者流，我不使之殷憂，爾述妄誕，使彼中心戚戚，維彼惡人，爾言必生，使心剛愎，恒作惡事，終不悛改，故虛僞之異象，爾不得復觀，無憑之卜筮，爾不得復占，我必救民於爾手，使知我乃耶和華。

**第十四章** 以色列長老數人咸來詣我，坐於我前。耶和華諭我曰：人子，斯人之於偶像，中則崇敬之外，則瞻禮之，自陷於惡，豈得諒諷於我乎。故爾當以我耶和華之命，播告斯衆曰：以色列族之於偶像，中則崇敬之外，則瞻禮之，自陷於惡，後就先知，諒諷於我，我耶和華，必視其偶像之多寡，

而降以罰，使以色列族內自訟，因其背我，崇敬偶像。當告以色列族曰：主耶和華命爾棄偶像，勿崇可惡之物。凡以色列族及旅其中之異邦人，背我而奉偶像，中則崇敬之，外則瞻禮之，自陷於惡。後就先知，諮諏於我，我耶和華必罰之，降災於其身，絕之於民中，爲人作歌譏刺，使我乃耶和華。如先知迷眩其心，傳言於衆，我耶和華聽其然，聽其然句或曰使之然後必降罰，絕之於我民。以色列族中，各人必負其罪，信僞先知言者，罪與僞先知同科，使以色列族不復背我，不染汚俗，乃可爲我民。而我爲其上帝，我耶和華已言之矣。耶和華又諭我曰：人子，凡有民人，輒蹈愆尤，犯罪於我，我必罰之，使其餅餌匱乏，人畜饑餓，致於死亡。雖挪亞，但以理，約百三人，旅其中，躬行仁義，亦止救一己之生命而已。如我使暴獸侵噬其國，致之荒蕪，人踪罕見，雖斯三人，居其中，我耶和華指己而誓，其國荒蕪之日，彼止能救一己之命，不能救其子女。如我降以鋒刃，使其國人畜悉行翦滅，雖此三人，居其中，我耶和華指己而誓，彼止能救一己之命，不能救其子女。如我使瘟疫流布其國，震怒特甚，加以殺戮，人與畜無噍類焉。雖有挪亞，但以理，約百居其中，我耶和華指己而誓，彼爲善者，止能救一己之命，不能救其子女。主耶和華又曰：我使四災降於耶路撒冷，鋒刃、饑饉、暴獸、瘟疫，使人畜靡有孑遺，其害豈非尤重乎？如其邑尚有遺民，所留子女，必遭俘囚，至爾同擄之所，使爾見其所爲，知我降災於耶路撒冷，而怨心悉平。爾見其所爲，知我降災，非出無因，則爾怨悉平。我耶和華已言之矣。

耶和華諭我曰：人子，葡萄之樹，豈得於林中衆木，等量齊觀乎？其木不適於用，不能作

釘藉以懸物人投之火焚其兩端并燬其中安能適於用哉其木尙全猶難適用既焚之後復何所用主耶和華曰若林木中有葡萄樹投之於火別無所用我視耶路撒冷居民亦若是我必罰之降以重災既出燄山復入火坑使知我乃耶和華以色列民蹈愆尤故其地必荒蕪我耶和華已言之矣。

耶和華諭我曰人子使耶路撒冷人知其所爲深可痛疾我耶和華告爾耶路撒冷民云爾之爲爾若女子生於迦南以亞摩哩人爲父赫人爲母生時不斷臍不澡身不施以鹽不裹以衣矜恤爾善待爾者迄無一人乃生之日人棄於田生命難保我過時見爾染血幾遭蹂躪則賜爾生染血之時我賜爾生我使爾漸長若林樹萌芽爾體窈窕容顏韶秀乳堅髮長猶無衣以蔽體主耶和華曰我過而見汝若女及笄我以裾覆爾締結姻盟于歸乎我我洗爾以水去爾污穢沐爾以膏衣爾以繡以貂皮作履以棉爲巾幘以絲爲長服加以首飾著釧於手垂金於項置環於鼻懸珥於耳戴冕於首備極華美以金銀飾爾之體以棉絲繙繡被爾之身以麵及蜜與油果爾之腹遂成艷麗邦國之典亦若是主耶和華又曰爾有殊色榮煌赫奕名震列邦我使之然惟爾自恃其美聲名洋溢故縱私欲無論何人隨在與之行淫爾取衣服五彩俱備飾諸崇坵狗欲而行自昔迄今未有若此後亦無有爾亦取我所賜之金銀珍寶作人之像狗欲而行覆之以繡衣以我之膏油及芬芳之品置於其前以我賜爾養生之麵及油與蜜陳於其前以爲芬馥誠有斯事我耶和華已言之矣我賜爾生子女爾以子女獻而焚之爾狗欲若此豈爲細故爾殺我

子女，焚之以火，以敬偶像。爾狗欲行淫之時，不憶在昔，若女初生，裸體染血。主耶和華又曰：爾之禍災，重於山嶽，行惡若此，猶不知警。在諸達衢作高臺，以爲妓室，爾於市廛，遍築高臺，招彼途人，與己行淫，爾雖殊色，人厭而棄之矣。埃及鄰邦，淫風流行，爾狗欲與私，于我震怒，故我降災，滅爾糈糧，非利士人，羞爾淫行，深爲厭惡，故我以爾付於其手。爾行淫無度，故與亞述人私，大縱厥欲，靡有底止。在迦南行淫，至於迦勒底，亦不知足。主耶和華曰：爾行此事，有若淫婦，既無羞惡之心，又精神之頓耗，爾在達衢，特構高臺，以爲妓室，妓在圖利，爾則不專於利，譬彼淫婦，背夫而私人，居恒之時，人以金子娼，惟爾以金贈於所權，使四方咸歸，爾與他婦行淫，本甚懸殊，無人從爾，子爾以金，爾反以金子人，若是則爾與他婦不同可知矣。爾爲娼妓，宜聽我言，我耶和華曰：因爾崇拜可惡之偶像，殺子女以獻，亦施金與所歡，行淫無度，故我必使爾所娛悅之人，集於一處，與爾所憎者偕居，既集之後，我必裸爾體，使眾目覩，我必罰爾，與背夫之婦，殺子之母同科，我怒甚烈，使爾飲刃，我必付爾於敵手，摧爾妓室，毀爾高臺，去爾衣服，奪爾珍寶，俾爾裸體。羣衆環攻，擊爾以石，殺爾以刃，焚爾宅第，降罰爾身，使眾女目覩，然後爾不得行淫，無金子人，如此我怒將息，不復憤烈。主耶和華曰：爾不憶曩日，于我震怒，故必降罰，使爾所行可惡之事，不復再蹈。諺曰：女效母尤，後人必引此以指爾。爾之所爲，若以亞摩哩人爲父，赫人爲母，爾母厭夫棄子，爾效其尤，爾姊妹厭夫棄子，爾亦效其尤。爾之姊妹撒馬利亞及其眾女，居於爾左，爾之妹所多馬及其眾女，居於爾右，爾視其所爲，尙爲細故，效其愆尤，猶爲不足，更作不義，深堪痛疾。爾妹所多馬及其眾女

所爲與爾暨衆女較之猶不爲已甚我耶和華固言之矣爾姊所多馬與其衆女所犯之罪即驕傲發發逸志不恤貧乏詭詭自誇于我所痛疾之事故我不得不去之撒馬利亞人蹈於獄尤未及爾之半乃爾較彼多行不義則撒馬利亞之過爲尤細爾責姊妹適以取辱蓋爾所爲較彼尤甚彼之過較爾爲輕故爾當蒙羞抱愧越在後日所多馬與撒馬利亞及其衆女我將返其俘囚當時亦必返爾俘囚爾遭患難爾姊妹見之怨心悉平則爾必自慙其素行爾之姊妹所多馬與撒馬利亞及其衆女恢復故土當時爾及衆女亦可恢復故土昔爾強盛之日爾惡未彰帶蘭人及非利士人暨四方衆女猶未督責爾凌辱爾斯時也爾視爾姊所多馬以爲不足挂齒使爾負行淫之罪我耶和華已言之矣主耶和華又曰爾爽盟約子必因爾所行以報之昔爾幼稚我與爾立約今子追憶之更申前約永世弗替以爾姊妹賜爾爲女不循舊約爾受之時則追憶所爲而蒙羞恥我必堅我約使知我乃耶和華待我與爾復和則爾當憶昔所爲抱慙不已不敢自伐我耶和華已言之矣

耶和華諭我曰人子當設譬示以色列族以隱語相試當告之云耶和華曰巨鷹有翼碩大無朋毛羽豐健文彩斑斕集於利巴嫩柏香木之高枝爲其所折弱幹爲其所斷移至貿易之地置於輻輳之區亦取斯土之葡萄種播於良田芥楊柳植於溪濱日漸生長枝葉蔓延其巔不高枝向乎鷹根結於土遂發巨幹其葉葱蘢又有巨鷹其翼甚大毛羽豐健葡萄發根株長枝幹攀向此鷹望其灌溉若農之治田葡萄栽於良田植於水濱發枝結果成爲佳種爾當傳我

和華之命曰斯葡萄豈得枝繁葉盛。厥將拔其根。所發之枝必槁。毋庸巨邦衆民。刪其根株。葡萄雖爲人所植。不復向榮於園圃之中。爲東風所搖撼。盡爲枯槁。耶和華諭我曰。當告違逆之族云。爾知是乎。巴比倫王至路撒。虜其王公牧伯。至於巴比倫。與王子結約。加以盟誓。取其世家爲質。使國爲卑。不復振興。但守盟約。猶可自保。乃王背巴比倫王約。遣使至埃及。欲其率軍馬。以至彼行。事豈能亨通。豈能免難。爽約之人。豈能獲救。我耶和華指己而誓。王子旣爲巴比倫王所立。藐視其主。爽其盟約。則必至巴比倫。而沒敵。旣築壘建營。欲滅邑衆。法老雖率旅衆多。以助其戰。亦必不利。蓋王子於立約之後。不以盟誓爲重。而爽其約。故不能免難。主耶和華又曰。彼藐視約言。而背我命。我指己而誓。必罰其罪。懼之以網羅。陷之以坎阱。曳至巴比倫。在彼降災。以罰其罪。彼及流亡之衆。爰及軍旅。必殞於刃。遺民星散。使知我耶和華已言之矣。主耶和華又曰。我必取柏香木之高枝。栽之於圃。在弱幹中。更取柔條。栽之高嶺。卽以色列山岡。使長枝結果。爲柏香木之佳種。使羽族咸棲其上。得其庇蔭。我耶和華使高木爲低。使低木爲高。使青者爲枯。使枯者復茂。則郊原諸木。皆知言之行之者。惟我耶和華而已。

耶和華諭我曰。爾指以色列地常云。父食酸果。子齒覺酸。用此諺語。曷故我耶和華指己而誓。爾在以色列地。勿復用此諺語。惟我操世人之權。無論父子犯者必死。如人爲義行善。不食阿羅之祭品。不敬以色列族所崇偶像。不淫人妻。妻癸水至。不與同寢。不慮遇人。不攘奪人。受人質。匪反之。饑者供以食。裸者被以衣。貸人金。不取利。不迫索。與人交。不作惡。恒爲善。遵我禮儀。

守我法度，真實無妄，斯爲義人，必保其生。我耶和華已言之矣。如此義人有子，爲盜殺人，上所言  
之善不作。上所言之惡，屢行，食岡巒之祭品，淫人之妻，虐遇貧乏，強暴作，不反質，崇做偶像，多  
行不義，深堪痛疾。子母早權，迫索是爲，若此者，生命豈能保乎？既作不端，以就死地，不保其生，自  
取罪戾。如此惡人有子，見父作惡，思改其行，不食岡巒之祭品，不敬以色列族所崇偶像，不淫人  
妻，不虐遇人，不攬奪人，受人質，卽反之，使饑者得食，裸者不寒，不挾制貧乏，不取利，不迫索，遵我  
禮儀，守我法度，若此者，不可因父之罪，并加誅殛，必全其生命。然其父殘暴，強據同儕，作惡於民  
間，則必蹈罪而亡。爾曹曰：子負父罪，曷故？如人子爲義，守我法度，則可保生，犯者必死，子不負父  
罪，父不負子罪，善者必獲善報，惡者必獲惡報。如惡人悔改，素行，守我禮儀，孳孳爲義，則可保生，  
不就死地。其所作之惡，不復追憶，乃因其善，必保其生。主耶和華曰：維彼惡人，自取死亡，豈我所  
悅，我豈不以悛改得生爲悅乎？如善人去善就惡，行諸不義，我所痛疾者，豈得保生乎？其所行之  
善，不復追憶，既犯罪作惡，必使之亡。爾言我耶和華所行，不尙正直，以色列族宜聽我言，我所行  
者，惟秉大公爾所爲者，尙存偏頗。善人去善作惡，則必因其所爲，置諸死地。如惡人悔改，素行，孳  
孳爲義，則可得生。其思慮，悛改厥惡，則保其生，不就死地。以色列族常言我耶和華所爲，不尙  
正直，爾以色列族乎？我所行者，惟秉至公，爾所爲者，不能無私。我耶和華必鞫以色列族，視人所  
爲，降以刑罰，故當悛改，免陷於罪，以致滅亡。以色列族乎？當革爾惡行，新爾心神，奚爲自取其死  
人死於罪，我所不悅，故當悛改，保爾生命，我耶和華已言之矣。



爾當爲以色列牧伯作哀歌。爾母將何以譬之。有若牝獅。伏於衆獅間。撫育稚獅。中有一獅。日漸長大。能搏物噬人。列國聞之。陷以坑阱。繫以鐵索。曳至埃及。牝獅望子不回。復撫其子。日漸長大。往來於衆獅間。能搏物噬人。遨遊宮室。蹂躪城郭。遂致荒蕪。居人聞其吼聲。靡不恐懼。四周列邦。張以網羅。陷以坎阱。繫以鐵索。曳至巴比倫。王囚於獄中。由是以色列山。不復聞其吼聲。爾母若葡萄樹。植於溪濱。灌溉有資。枝葉葱蘢。株幹堅強。堪作長者之杖。可謂枝繁幹偉矣。忽拔其根。擲之於地。其果爲東風所暴。枝幹摧折。遂致枯槁。焚之以火。乃移其根。植於無水之野。枝葉爲火焦灼。燬其果實。無堅強之株幹。可爲長者之杖。此則大可憫焉。

約雅斤被擄之七年。五月十日。以色列族長老數人咸集。訟誅和華。坐於我前。耶和華諭我曰。人子當告以色列族長老云。主耶和華曰。爾來訟誅於我。我指己而誓。不許爾與我言。人子爾當責之。使知自昔以來。彼祖所作。我已痛疾。爾當告之云。主耶和華曰。越在疇昔。我顯現於埃及。遴選以色列族雅各家。與之盟誓。曰我耶和華爲爾之上帝。既立盟誓。導爾祖出埃及。至產乳與蜜之地。其地爲列國所羨美。我素所選者。斯時我諭之曰。我乃耶和華。爾之上帝。爾當棄可惡之物。勿以埃及之偶像。自染污穢。惟彼違逆。不從我命。不棄可惡之物。不與埃及之偶像。故爾祖尙在埃及時。我已憤怒甚烈。欲降災其躬。恐列國之民。以我爲無能。爲藐視我名。故我顯現。導之出埃及。入於曠野。使列國人目覩。俾知我禮儀法度。有人遵從。則可得生。亦立我安息日。於我及彼之間。爲徵俾知我乃耶和華。使之成聖。然以色列族在曠野。違逆乎我。不遵我禮儀。犯我

安息日、浸假有人守我法度、則可保生、惟彼藐視之、故我自謂、必在曠野、震怒斯衆、滅之務盡。夫我所以不加殲滅者、恐列國之人、以我僅導斯民出於埃及、必將藐視我名、彼尚在曠野、我誓不導之、次產乳與蜜之地、斯地列國所羨美、彼藐視我法度、不遵我禮儀、犯我安息日、心崇偶像、然我猶加矜憫、不忍殲滅、不使殞沒於曠野、當彼在曠野時、我告其子孫曰、勿效列祖之尤、勿從其所行、勿拜其所崇之偶像、自致污穢、我乃耶和華爾之上帝、當遵我禮儀、從我法度、守我安息日、向爲爾我置作徵、俾知我乃耶和華爾之上帝、子孫背我不遵我禮儀、犯我安息日、如有人守我法度、則可保生、惟彼不守、故我自謂、在曠野、震怒斯衆、滅之務盡、夫我所以不加殲滅者、恐列國之人、以我僅導斯民出於埃及、必將藐視我名、彼尚在曠野、不守我法度、藐視我禮儀、犯我安息日、我自崇敬列祖所拜之偶像、我誓必散之於異邦族類中、彼從不善之例、失保生之法、我聽其然、因我之愛彼獻初胎男子、焚之以火、我聽其污穢、使地荒蕪、俾知我乃耶和華、惟爾人子當告以色列族云、主耶和華曰、爾之列祖、更蹈罪愆、欺我太甚、我導之入迦南、踐我誓言、彼見高巒茂林、遂獻祭奉禮、焚香灌奠、干我震怒、我雖責之曰、爾登崇坵突爲、迄今民登崇坵、不易其俗、故爾當告以色列族云、主耶和華曰、列祖欲崇拜偶像、爾何效尤、自取污穢、以色列族乎、爾獻子女、焚之以火、崇事偶像、自沾污穢、今日乃來問我、我耶和華指己而誓、不許爾與我言、爾欲效異邦人、尅崇拜沐浴、我必不姑容我耶和華指己而誓、必以巨能大力、震怒憤烈、治理爾曹、雖散於列邦、必撫集爾、導爾至人踪穿至之地、在彼指斥爾非、與昔在埃及曠野、斥爾祖之非無異、我耶和華

已言之矣。我必循舊約，牧爾治爾。凡違逆我者，必出乎爾中，去其所旅之邦，不得歸以色列地。使知我乃耶和華主。耶和華曰：爾曹以色列族，今而後有不從我命者，毋聽其崇奉偶像，然不許爾既奉偶像，復獻禮物于我，瀆玩我聖名。主耶和華曰：以色列全家，居斯土者，必於我聖岡，以色列地高巒，崇事乎我。在彼獻禮物，奉初產，作聖事，俱遵我命。我必納之。爾雖散於列邦，我必撫集爾。納爾馨香受爾崇敬，使異邦人目覩。昔我誓以以色列地賜爾列祖，我使爾恢復，俾知我乃耶和華。在彼追憶，爾所行污穢之事，自怨自艾。主耶和華曰：以色列族乎，我待爾大度寬容，爾之惡行妄爲，我不苛以較量。爾既明此，則知我乃耶和華。耶和華論我曰：人子，爾當望南方，指南郊之林，而言未來事。曰：南郊之林，宜聽耶和華之言。主耶和華曰：我必燃火林間，凡爾樹木，或青或枯，焚之務盡，其穢不滅。自南及北，四周盡燬。衆人皆知，我耶和華所燃，不得撲滅。以西結曰：主耶和華歟，人以我言，皆爲隱語。

耶和華論我曰：人子，爾當遙望耶路撒冷，指以色列地之聖所，而言未來事。告以色列國云：我耶和華降災於爾，拔出爾善者，惡者俱欲殲滅，殺戮衆生。自南至北，使億兆知我耶和華拔出爾，必不復韜。惟爾人子，歎歎太息，至於斷腸，令人目覩。如彼問爾：何爲太息，必曰：因風聞將來之事，衆人喪膽，手疲膝倦，懦弱如水，禍患迫至。主耶和華已言之矣。耶和華又曰：人子，當傳我命曰：磨礪鋒刃，光芒四射。鋒既利而行殺戮，光華閃爍，孰敢存喜樂之心哉。我民不畏杖，箠必擊以刃，加以磨礪，淨其光芒。俾殺人者執而用之人子，爾當呼號哭泣，以刃擊以色列君民。

百姓驚駭，恐遭飲刃，故當擊髀浩歎。主耶和華曰：「既以艱難試我民，彼又不畏長上，其國必致淪。昔惟爾人爭當鼓爾掌言，未來事使刃三至，殺戮人民，入諸密室，誅滅大人。我以鋒刃攻諸邑門，使人喪膽，使邑傾圮，蓋鋒刃閃爍，以備殺戮，其刃指揮莫定，或左或右，隨其方向。我必鼓掌，以雪我忿，我耶和華已言之矣。」耶和華又諭我曰：「人子，爾圖繪巴比倫王軍旅出國，至歧途，有衢可達益邑，牛至亞捫之喇巴，一至猶大之耶路撒冷城垣，蓋巴比倫王躑躅歧途，不知所之，故卜以矢問偶像，察牲肝，以決從違。據繇辭，當右往耶路撒冷，發鎚破之，厥口孔張，大聲號呼，欲行殺戮，復發鎚攻門，建營築壘。耶路撒冷人既與法老盟，則以巴比倫之卜筮爲不足信，巴比倫王追憶其背約之罪，必取其邑。」主耶和華曰：「巴比倫王知爾背約，厥罪昭彰，所爲不善，故爲敵所取。」主耶和華曰：「惟爾以色列族之君，爽約作惡，必罰其罪。時日已至，當去冠脫冕，不以斯人爲王，使高者降爲卑，卑者升爲高，斯國必一滅再滅而復滅，不克振興。待當王者至，則我賜之。」惟爾人子，當以未乘事語人云：「亞捫人凌辱以色列族，故主耶和華曰：『鋒刃已拔，加以磨礪，光芒閃爍，殺戮人民。』」主耶和華曰：「惟爾人欲使爾與惡者偕亡，尸相枕藉，蓋降罰之日已至。鋒刃既拔，不復入鞘，我必於爾生長之地殺爾，我怒憤烈，降災爾躬，付爾於殘忍殺戮者之手，人必熱爾若薪，殺爾於斯土，使名泯沒，我耶和華已言之矣。」

自取罪戾，自玷厥身，禍患之日伊邇。我使列邦異族咸媼笑爾，邑民作亂，臭名播於四方。遐邇之  
人無不譏刺以色列牧伯居於爾中，竭力殺人。斯邑之人藐視父母，凌侮旅人，強暴孤寡，藐視聖  
物，犯安息日，揚虛誕以殺人，食同禱之祭品，行諸淫亂，烝父繼室，妻癸水至，與之同寢。淫人之妻  
亂手婦，淫姊妹受賄以殺人，取利追索，棄我耶和華。爾貪非義之利，草菅人命，我見之憤恨鼓導  
我耶和華已言必降災於爾，爾豈不膽喪手疲乎？我必散爾於列邦異族中，使爾不復淫亂。爾既  
罹慘報，爲異邦人目覩，則必知我乃耶和華。耶和華諭我曰：人子，我視以色列族若渣滓，彼在爐  
中若銅鐵錫鉛焉，亦與銀之渣滓無異。主耶和華曰：爾無異渣滓，故必使爾入耶路撒冷城，集  
於一處，猶聚銀與銅鐵錫於爐，鼓紅鐵以鎔之。我怒憤烈，亦集爾於邑中，鎔爾務盡。我必集  
爾，張我之怒，鼓我之氣，鎔爾於邑中，猶鎔銀於爐中，使知我乃耶和華。震怒爾曹，耶和華諭我曰：  
大乎，當告以色列族曰：斯土不潔，震怒之日，甘霖不沛，僞先知同謀若獅狂吼，斷傷人，吞噬人，得  
其珍寶，使邑中穉婦不可勝數，祭司干犯律例，玩瀆聖物，聖與不聖，潔與不潔，不爲割刈，我之安  
息且不得復恪守，棄我於民中，邑中之牧伯若狼行，其殘害肆其吞噬，以獲不義之利。先知所見者  
虛僞之異象，所占者無憑之卜筮，自謂傳耶和華之命，然我未嘗示之，若作垣墉，以丕堅緻之泥  
塗之，斯土之民，遭遇人強暴人，挾制貧乏，侮慢羈旅，我稽察之，欲得一人可補藩籬，可塞垣隙，寧  
於我前代民祈求，免我殲滅，亦不可得。故震怒憤烈，降災於衆，視其所爲而報之。我耶和華已言  
之矣。

耶和華諭我曰：人子，昔有二女，一母所生，姓名亞何拉，卽撒基利亞，妹名亞何利巴。卽耶路撒冷俱爲處子，于歸乎？我賜生子，女當其盛年，往埃及行淫，爲男擁抱。亞何拉于歸之後，戀愛鄰邦亞述人，與之行淫。亞述人衣紫顯爵之官，有能之輩，疑男子乘馬而至。亞何拉見亞述丁男，戀愛殊深，與之行淫，崇其偶像，染其污穢。當其盛年在埃及行淫，爲男擁抱，自玷厥躬。及其中年，猶不悛改，故我付之於所懼。亞述人手裸其身體，擄其子女，殺之以刃，降諸禍患，遺臭於衆婦間。厥妹亞何利巴見此，則狗欲行淫，較姊尤甚。戀愛鄰邦亞述人，顯爵之官，有能之輩，岐嶷男子乘馬盛服而至。我見其被玷與姊無異。亞何利巴增其惡行，見迦勒底人像，繪於牆壁，塗以丹雘，佩博帶，冠華冠，俱著軍長。迦勒底之巴比倫所出，見則懼然，遣使至迦勒底。巴比倫人就之，登榻行淫。婦旣被玷，則厭其所懼。狗欲行淫若此，我則憾之，與憾其姊無異。亞何利巴更增淫行，當其盛年，在埃及穢德彰聞。至於今日，惡念依然陡起。戀其所懼，其體雄偉，無異驢馬。壯時在埃及行淫，任男擁抱。至於今日，惡念依然陡起。今亞何利巴宜聽主耶和華之言，爾之所懼，爲爾厭憎者，我必使之四方攻爾。迦勒底之巴比倫人，書亞人，哥亞人，及諸亞述顯爵之官，有能之輩，岐嶷男子，有名軍長，乘馬而至，率軍旅，與于戈，擐甲，曹乘車馬。我將付爾於其手，聽其所處。我怒旣盛，使敵強暴爾，加以劓刑之刑，殺爾居民，擄爾子女，所有子遺，焚之以火。又將褫爾衣裳，擣爾珍寶，使爾不犯淫行，不復戀亞述人，不再蹈埃及前愆。主耶和華曰：爾所憾所惡者，我必付爾於其手。彼必害爾，奪爾貨財，使爾裸體，俾人咸知。爾行淫無度，我降斯罰。因爾狗欲從異邦。

人拜厥偶像爲其所玷，爾旣效姊尤，我必以其爵鳩爾。主耶和華曰：爾姊之爵旣巨且深，多感醜酒，爾必飲之爲人媵笑。爾姊撒馬利亞之爵，令人恐懼駭愕，酩酊憂傷，爾必飲之務盡，乃碎爵割我。我耶和華已言之矣。主耶和華又曰：爾違逆子，豈棄子以負爾行淫之罪。主耶和華論我曰：人子當責亞何拉亞何利巴，使知其咎爲我所痛疾，彼行淫殺人，崇拜偶像，以我所賜之男子焚之於火，以敬偶像，更行諸惡，卽於是日，污穢我聖所，犯我安息日，旣殺子女，獻於偶像，當日入我聖所殿中，作惡以玷污之。爾遣使至遠方招人咸集，人旣就爾，爾則澡身修容，加以首飾，坐於華牀，肆筵設席，以獻我之馨香膏油，陳於席上，人衆安逸呼於爾側，亦有曠野之示巴人，著鍬於手，戴冕於首，甚爲美麗。我曰：行淫之婦，歷年已久，孰欲與之行淫乎。人果入室與二淫婦，亞何拉亞何利巴，爲義之人，必罰斯婦之罪，與淫行殺人者同科。主耶和華曰：我必率衆攻斯二女，攘奪劫掠之，擊之以石，殺之以刃，戮其子女，焚其宅第，使斯土之人不染淫風，俾衆女不效爾。旣行淫崇拜偶像，必負罪遭刑，俾知我乃耶和華。

約雅斤被擄之九年十月十日，主耶和華論我曰：人子，爾當記錄今日，今日巴比倫王攻上路撒，當罕譬而喻，以示違逆之家。主耶和華曰：置鼎於火，盛之以水，取羣畜之佳者，投其肉於中，或蹄或肘，遴選肢骸，集之於鼎，鼎下焚以中薪，使鼎沸，骨髓主耶和華曰：斯邑之民，殺人無度，禍必不遠，可比沸鼎，其鏽常在，不爲洗滌，鼎中燉方之肉，取之以出，毋庸遴選，邑民殺人，血噴現於石上，不瘞於土，故我赫斯怒，以罰其罪，使彼之血亦流石上，不瘞於土。主耶和華曰：邑民

殺人其有禍乎。我必用車薪，使鼎沸然，增益其柴，火炎水沸，骨肉俱盡，留宰鼎於火上，而炙其銅，以去污穢，以燬銹迹，欲淨斯鼎，力瘁心勞，鼎銹斑駁，去之不易，故多以火，邑民行淫，至於污穢，我欲滌之，不肯成潔，故依然染污，待予降災，以害我忿。我曰：和華，既言之必行之，不食言，不同志，不加矜憫，視爾所爲，而降重罰。我曰：和華，已言之矣。和華諭我曰：人子，我必使爾所愛之妻，忽焉而亡，爾勿哀哭，勿下淚，爲死者毋揚爾聲，毋露爾首，毋去爾履，毋掩爾口，毋食苦餅，以西結曰：我朝與民言，而夕妻死，詰朝，我循命而行，民問我曰：爾行斯舉，與我何與？請以告我。耶和華諭我曰：爾當告以色列家云：主耶和華曰：我之聖所，爾素以爲榮，素所欣慕者，余必使之被玷，爾所遺之子女，必亡以刃，以西結所爲者，爾必爲之不掩爾口，不食苦餅，不露爾首，不去爾履，不哀，不哭，爾之愆尤，日漸消亡，彼此相嚮，而暗其喪，以此結於爾爲徵，視其所爲，爾必爲之，斯事既成，爾必知我乃主耶和華人子，越至後日，民所倚賴，所欣慕之聖所，爰及子女，我必棄之如遺，浸假有人得免於難，至於爾前，以此相告，爾可啟口，勿復緘默，以示免難之人，使知爾爲徵，我乃耶和華。



已築城垣，民以爲榮，卽伯非西末巴力勿基烈亭，我破之，使東方之人得焉。昔我翦滅亞捫，不  
得與外邦相降，後必降災於摩押，使知我乃耶和華主。耶和華曰：以東攻猶大，以雪其忿，于犯於  
我，故找耶和華必擊以東，俾人畜俱無。類使提幔荒蕪，底但人飲刃，我震怒以東，必使我民以  
色列族，侵佔其土地，以雪我忿，使知我實降災。我耶和華已言之矣。主耶和華曰：非利士人藏  
匿舊怨，中心叵測，以害我民，故我耶和華必擊非利士人，殺基和族，海濱居民殲滅殆盡，大降患  
難，重罰其罪，使知我耶和華實降是災。

耶和華約雅斤被擄之十一年，正月朔，耶和華諭我曰：人子，昔耶路撒冷遭難之日，推羅之  
人譏之曰：吁哉，民出入之所，其邑已破，民必歸余，皆屬我矣。故主耶和華曰：我必罰推羅，使列邦  
攻之，若海水泛濫，傾推羅城垣，毀其戍樓，散其塵埃，使爲光潔之磐。歸然峙於海中，爲張網之所。  
所有貨財，爲民攘奪，我耶和華已言之矣。推羅屬邑，在平原者，必亡於刃，俾知我乃耶和華主。耶  
和華曰：我必使諸王之王，巴比倫王尼布甲尼撒，來自北方，簡其車馬，率其軍旅，以攻推羅。平原  
屬邑，必亡以刃，築壘建營，多置干戈，攻推羅城，以槌破城垣，以斧斫戍樓。城垣既破，邑門既啟，敵  
人驟入，萬馬奔騰，塵埃蔽邑，乘者號呼，車輪轟轟，宮室震動，維彼逶迤，遭馬足之蹂躪，維彼人民，  
櫻鋒刃而殺戮，雖地利險峻，亦無不破。敵擄貨財，毀華宮，破碑垣，木石塵土，俱投水中，謳歌必息，  
琴瑟不聞，我使之然。惟留磐籟，張網之所，厥後不復建城於此。我耶和華已言之矣。主耶和華告  
推羅曰：爾之城垣傾圮，被傷者號呼，居民見殺，洲島聞之，豈不震動。海濱君王，將下其位，解其麗

賜去其繡裳，戰慄危懼，坐於塗炭，衆作哀歌云：有名之邑，在彼海中，素稱鞏固，舟楫薈萃之所，鄰邦無不惕伏，今已傾圮，海島之民，見爾傾頽，歸於烏有，靡不震驚。主耶和華曰：我使爾邑蕪蕪，無人居處，使海水漲溢淹爾，我使爾居民俱落深淵，歸於幽邃，陷於地下，無異久葬之人。斯後我使福邦復興，爾邑無人居處，我使爾邑歸於烏有，雖索之而莫得，凡見爾若此，必致恐懼，我耶和華已言之矣。

耶和華諭我曰：人子，爾當指推羅而作哀歌，告推羅云：主耶和華曰：惟爾推羅，居於海口，洲島之民，輻輳於此，自稱至美，爾邑四面環海，創建宏麗，舟以西匿松爲板，以利巴嫩柏香木爲檣，以巴山椽爲櫂，以基底島之黃楊木，飾以象牙，爲坐板，以埃及文繡之棉爲旆，以利沙島紫赤布爲幃，西頓亞發人爲爾舟子，推羅之哲人爲爾辨水道，其八之人，諳練巧捷，彌爾舟隙，海舶與其舟人，至爾邑以通商，巴西路得，弗人在爾行伍，爲爾武士，於爾邑中，列其千戈，懸其兜鍪，使爾顯榮，亞發人爲軍旅，守城垣，迦末人守爾戍樓，四周列干，以揚爾威，爾既富有，大夫人攜銀鐵錫鉛，易於市肆，雅番士八米，設人與爾貿易，販鬻婢僕及銅製之器皿，陀伽馬族驅馬牽騾，至於爾市底，但人與洲島諸民，與爾通商，鬻象牙烏木，亞蘭人欲得爾所製之物，故攜紅玉赤布，絺繡桌衣，珊瑚琅玕，易於爾市，猶大以色列族與爾貿易，鬻米莖之麥，餅餌，蜜油，乳香，大馬，色人欲購爾所造之物，財貨衆多，故攜黑本之酒，白羊之毛，來相貿易，但民與雅番人往來於爾市，攜光鐵肉桂，菖蒲以鬻之，底但人至購觀車之甃，亞喇伯與基達人，赴爾市，羣羊羔，牡綿羊，牡山

羊售之於人示巴喇馬人與爾貿易市芬芳之品與金玉哈蘭干尼埃出示巴亞所吉抹人與爾通商市諸貨財紫衣絺繡以柏香木爲屨繫以絲繩中藏麗服繫之於市大失舟人往來爾市爾在海中富有尊榮爾之舟師陷爾於難東風狂暴毀爾於海中爾傾圮之日則平日之蓄積市塵之貨財掌舵者辨水道者彌拜隙者商賈武士及爾中居民俱溺於海辨水道之人大聲號呼震動邑郊凡撥擢者駕舟者辨水道者必棄舟登岸無不痛哭其聲甚慘蒙灰於首坐於塗炭盡薙厥髮束麻於身緣爾困苦其聲甚哀哭時必作哀歌曰推羅傾圮矣昔居海中無所比隣爾之貨財饒足自海而至天下君民獲富者甚衆遇海水汎濫淹爾於波濤其時爾邑傾圮居民殞亡洲島之民爲爾駭愕其王恐懼憂形於色四方商賈作怨憤之聲見爾淪亡恐懼不勝

第二十八章

和華又諭我曰人子當告推羅王云主耶和華曰爾中心驕泰自謂可匹上帝其

邑在海中若上帝位爾雖自謂可匹上帝終屬凡民非上帝也爾自謂智過於但以理無所隱於汝以爾智慧得諸貨財藏金銀於府庫巧於貿易日臻富厚因而心驕故主耶和華曰因爾自謂可匹上帝我必率異邦之強暴者至拔其鋒刃爾以巧捷所作奇麗之物彼必毀之物著光華者彼必滅之使爾陷於深淵殺戮爾身投於海中爾被殺之時豈得自謂可匹上帝爾既見殺則屬凡民非爲上帝明矣爾必被異邦人所殺與不潔者偕亡我耶和華已言之矣耶和華又諭我曰人子當爲推羅王作哀歌曰主耶和華曰爾若至美之玉以巧捷之技雕琢爲印美麗無儔爾可比古人在埃田上帝固以珍寶爲飾卽瑪瑙淡黃玉金鋼石黃玉碧玉璧玉青玉紅寶玉葱珩俱

嵌於金。爾生之日，豈簫兼備，爾若嗟嘔，高展其翮，施其庇護。我使之然，爾若祭司，胸飾寶玉，光輝燦爛，遨遊我聖山。爾踐王位，始有善政，後遷於惡，貿易繁盛，遂至強暴，陷於罪戾。爾既污穢，我必逐爾，出我聖岡，不許爾復爲噬嚙。施其庇護，爲燦爛之玉，輝光四照。爾因美麗，中心驕泰，亦失光彩，失其智慧。故我必傾圮爾，使列王目覩爾之貿易，不秉大公，多陷罪戾，瀆玩聖所。故我必縱火於爾邑，其熾炎炎，使爲灰燼。俾衆目覩，民間素識爾者，見爾歸於無有，則恐懼駭愕。耶和華又諭我曰：人子，當指西頓而言。未來事曰：主耶和華曰：西頓，我必罰爾。彰我公義，既降災於爾，使爾敬余，則知我乃耶和華。我必使癘疫流行，使四方敵至，加以鋒刃，遍爾達衢，殺爾居民。使知我乃耶和華。昔以色列族爲四方之民所辱，并刺荆觸棘，今則無有，俾知我乃耶和華。主耶和華曰：今以色列族，民人星散，我必撫集，俾居我所賜僕雅各之土。恒恭敬予，使異邦目覩。昔在四方有人凌辱我民，我必降之以災，使我民建室栽園，安居於斯，無人加害。則知我乃耶和華。

江河使埃及國盡成荒墟，自蜜奪至叙以尼古實接壤之區，人迹獸蹄，不經斯土，民不棲止。凡歷四十年，我必使埃及民人散處於列國，異邦他邑，既變邱墟，埃及通國及其邑郊，靡地不然。歷四十年，主耶和華曰：四十年後，埃及之民，我必撫集之，使至自列邦，反其俘囚，歸於八羅，仍旋桑梓，然其國不能昌大。埃及在列國中，將微弱不振，使其戶口凋殘，不得統理他國。以色列家必不復賴埃及人，既憶前事，中心懊悔，俾知我乃上帝耶和華。約雅斤被擄之二十七年正月朔，耶和華諭我曰：人子巴比倫王尼布甲尼撒，勞師興衆，以攻推羅，負戴辛勤，故首爲去髮，肩爲去皮，無一人不若是。王與軍旅攻城，未得犒勞，故主耶和華曰：我必以埃及衆庶之貨財，賜於巴比倫王尼布甲尼撒，以犒其軍。主耶和華曰：彼爲我供役服勞，我必以埃及地賜之，以爲賞勞。當是時，我必使以色列族，崢嶸其角，亦必使爾先知，得啟口於民間，俾知我乃耶和華。

**第三十一章** 耶和華又諭我曰：人子，當言未來事曰：主耶和華云：禍日將屆，爾當號泣不已。其日伊邇，晦冥慘淡，耶和華降災於異邦，其日伊邇，鋒刃臨於埃及，及患難。至於古實址基，既毀，億兆被戮，遺民見擄，古實呂彼亞呂氏亞與異邦族類，及古巴之民，同盟之輩，俱亡以刃。耶和華曰：必折埃及驕泰之心，自蜜奪至叙以尼，俱亡以刃。助埃及者，亦必敗北。我耶和華已言之矣。列邦諸邑，俱至荒蕪，埃及與助之者亦然。我燃火於埃及，及凡助之者，既被殲滅，則知我乃耶和華。古實人安居無恐，斯時我必遣使駕舟，至其地，令彼震驚哀痛。興埃及降災之日，無異其日伊邇。主耶和華曰：我必藉巴比倫王尼布甲尼撒之手，使埃及衆庶俱亡。巴比倫王之軍旅，列邦所畏懼，我必率之。

以殲斯土，拔利刃，攻埃及，隨在殺人。我必涸埃及之川流，以其國付惡人之手，使異邦人薈蕪其地，使其物產歸於烏有。我耶和華已言之矣。主耶和華又曰：我必斫其偶像，使不存於挪弗。埃及無君，庶民恐懼。我必使八羅荒蕪，火焚鎮安，降災於挪滅。其居民汎爲埃及國鞏固之邑。我必忿怒攻擊，我必火焚埃及，使汎民哀痛。挪必毀裂，挪弗日遭困苦。亞文比伯之壯士必亡於刃。邑民被擄，我必使答比因變爲晦冥。昔埃及之人，使他邦衆直臣服奔走。故我折其輓，使變光華。爲黼黻，雲蔽覆。且使女子被擄，我降災於埃及。俾知我乃耶和華。約雅斤被擄之十一年，正月七日，耶和華諭我曰：人子，我已折埃及及王法老之肱，不裏其傷，不敷以藥，不纏以布，使彼力廢，難執利刃。主耶和華曰：我必降災於埃及及王法老，昔折一肱，其一尙健，今并折之，使刃墮地。我必使埃及之人，散處異邦列國。使巴比倫王膂力剛強，俾執我刃，折法老二肱，使其歎息於敵前。若人被重傷，而歎息焉。我必使巴比倫王手，其力倍加，使法老手不勝疲倦。既以我刀，畀巴比倫王，使擊埃及，則知我乃耶和華。我必使埃及民人，散處於異邦列國。俾知我乃耶和華。

約雅斤被擄之十一年三月朔，耶和華諭我曰：人子，當問埃及及王法老及其庶民，爾有威可畏，誰能比擬。試觀亞述王若利巴嫩之柏香木，其枝葱蒨，其幹扶疎，其杪高不可及，四面環蹊，灌漑有資，故柯幹甚巨，高大無比。林叢諸木，無不得水之利。旣蒙灌漑，超於羣木，枝繁葉茂，長柯森發，飛鳥結巢於其枝，走獸生產於其蔭。大國之民，居於下，亦受其庇，根在水濱，故枝葉葱蘢。長柯森發，上帝囿之柏香木，不能出其上，松樹不及其長條，楓樹不及其弱幹。上帝囿中，衆木

雖美不得與之頡頏。枝葉向榮，苞蕾可悅。我使之然。上帝囑中諸木，亦嫉其高。耶和華曰：彼譬喬木，其葉蓁蓁，心志驕泰。故我委於異邦之強暴，俾治其罪。我亦加以驅逐，異邦之強暴，斫以斧斤，散枝於山谷，折幹於溪濱。天下居民，失庇蔭而往，飛鳥棲於幹上，走獸伏於枝中。使天下株木，植於冰旁，勿誇其株高幹偉，枝葉蓁蓁，喬木森然，終必枯萎，偃於下土。與人之歸墓無異。主耶和華曰：我便柏香木枯萎，是日也，深淵源泉爲之立涸，以示悲哀。利巴嫩之木，枯槁以發憂恨。我確柏香木，使垂幽冥之所，與歸墓者無異。列邦人民，聞其下墜之聲，靡不震。埃田林木，與利巴嫩之佳樹，素得灌溉，後至枯槁，見其隕落，則怨心悉平。昔此林叢，受其庇蔭，乃遭摧折，彼異邦人得王庇護，忽被斬伐，下於幽冥之所。亦若是。埃及王嘗諸柏香木，森然高大，欣然向榮，堪與埃田木頡頏，必遭斬伐，下幽冥之所，與衆木無異。王必亡於刃，與不潔者同科。王卽注老王及衆庶受災如此。吾藉稱華已言之矣。

約雅斤被擄之十二年十二月朔，耶和華諭我曰：人子當爲埃及王法老作哀歌，告之曰：爾若獅之伏於民間，若鱷之居於海中，出入江河，足亂波濤，使水混濁。主耶和華曰：我必率衆張我羅網，曳爾出水，委爾於岸，棄爾於郊，使飛鳥棲爾側，走獸飽爾血。以爾肉置於山岡，以爾身填於陵谷。以爾血澀於斯土山澤之間，無不殆遍。戮爾之時，我必以雲蔽天，日月星辰，韜其輝光，天象晦冥，不能燭照。主耶和華已言之矣。大下列邦，爾未嘗與之通聞問，我使之聞爾敗迹，則必憂心戚戚。君民衆多，見我揮劍，罰爾之日，必畏懼駭愕，恐喪生命，戰慄不已。主耶和華曰：

我必使巴比倫王大興千戈率列邦所畏之勁旅以伐埃及滅其威殺其衆埃及河濱羣獸亡  
厥後人足躡蹠不復滉濁其水河水澄清其流若油我耶和華已言之矣我使埃及土地荒蕪絕  
其所產滅其居民則知我乃耶和華主耶和華曰列邦羣民必爲埃及衆庶作哀歌號泣其事約  
雅斤被擄之十二年十二月望日耶和華諭我曰人子當言未來事曰埃及衆庶與諸名邦必遭  
敗北下窳窳人陰府爾當爲之作哀歌曰爾與不潔者流同歸陝塚則爾昔日婉孌超羣卒安在  
哉異邦之民已亡於刃埃及衆庶亦蹈利刃曳至窳窳強悍之輩不潔之民亡於鋒刃俱下陰府  
見埃及王及助之者亦至於斯必與之言在彼有亞述及其衆旅俱亡於刃下窳窳人陰府埃及  
衆庶素使人恐懼今亡以刃偃仆於側在彼有以攔及其衆旅素使人恐懼今亡以刃抱媿蒙羞  
下於窳窳偃仆其側與不潔者無異埃及衆庶素令人悚惶無地今也抱媿蒙羞俱亡於刃下窳  
窳人陰府偃仆於以攔之側與不潔者無異在彼有米設土八及其衆旅素令人恐懼今亡於刃  
偃仆於側與不潔者同科維彼二國昔令英雄悚然駭懼今與不潔之武士同亡手執利器首枕  
白刃下陰府負罪戾爾埃及人亦必敗亡殲以鋒刃與不潔者同科在彼有以東王公膂力雖剛  
亦亡於刃下於窳窳與不潔者同科在彼有北方之王及西頓居民素有巨能今懷懼抱媿下於  
窳窳與不潔之人亡於刃者同科主耶和華曰法老及其軍旅俱亡於刃見異邦人同陷陰府則  
怨心悉平法老及其軍旅素令人恐懼不勝我聽其然今亡於刃與不潔者同科我耶和華已言  
之矣



爲成卒。成卒見刃將至，吹角以警衆。凡聞角音，不知警畏，刃至而殺之。其罪歸己。彼聞角音，不知警畏，其罪歸己。警畏者，生命可救。如成卒見刃將至，不吹角以警衆，刃至而殺人，則彼死於罪愆。而成卒亦遭刑罰。人子，我便爾爲成卒，稽察以色列家，必聽我命，代我示民。我謂惡人必死，以告乎爾。爾不示之，使彼悔改，則惡人將死於罪，而爾不能免於刑罰。如爾示惡人，使彼悔改，彼仍怙過不悛，則死於罪，而爾得免。人子，當告以色列家云：爾曹常言我任罪戾，日漸消亡，豈能得生。然主和華曰：我指己而誓，我不以人作惡致死爲悅。惟以人悔改得生爲悅。故爾以色列家當改厥惡，何必蹈於死亡。人子，當告民云：如善人陷罪，不以前善而獲救，惡人悔改，不以前惡而殞亡。我言善人必生，如彼自恃其善，陷罪觸法，則其前善，必不復憶。因其作惡，必置之死。我言惡人必死，如彼悔改，惟善行。受人質則反之，盜人物則償之，不復爲惡。遵我法度，以望得生，則生命可保。死所不臨，不復念其舊惡。曰：彼衆善奉行，則必獲生。爾民常言主和華所爲，不秉大公，實衆所爲。偏頗善人去善作惡，則其所爲，置諸死地。惡人悔改素行，孳孳爲義，則可得生。以色列族常言我耶和華所爲，不尙正直。我以翰爾察爾所爲，先知云：我儕被擄之十二年十月五日，有一人殉難，至自路撒冷，告我云：城陷前夕，免罪之人未至。和華之神感我，使我言此。詰朝，死難者至，我儕啟口，不復緘默。耶和華諭我曰：人子，以色列地荒墟，居民常言亞伯拉罕一人能得斯長，我儕既斃，豈不能據而有之。爾當告之云：主耶和華曰：肉常有血，爾曹食之，崇爲偶像。

害人命，豈能據有斯土。爾悔鋒刃，作可惡之事。玷人妻室，詎能得土。爾先知當告之云：主耶和華曰：我指己而誓，維彼衆民，居於邱墟，必亡於刃。處於郊野，必噬於獸。藏於城垣巖穴，必斃於疫癘。以色列族恒誇其能，我必使彼不能矜詡。令其山岡原隰，俱變荒坵。人踪罕至，徠作不端。我所痛疾，必使其地，淒涼寂寞。俾知我乃耶和華人子。爾民在垣墉之側，門闕之間，彼此相語，指爾而言曰：來聽耶和華所傳之諭。彼既至，坐於爾前。若我民然，聽爾言而不行。口所言則愛爾不置。其心貪婪，彼聞爾言，若聞善謳者，發其清歌。善樂者，操其妙音。彼聽爾言，而弗遵行。是事既成，我言已應。則可知先知已至民間。

第三十四章 耶和華諭我曰：人子，當傳我命，責以色列族之牧者曰：主耶和華云：以色列族之牧者，自顧其身，不牧羣羊。禍必不遠矣。爾以羊酪爲飲，羊毛爲衣。羊既肥腴，宰而烹之。其餘置之弗顧。弱者不扶持之，疾者不醫痊之。傷者不裹其痕，驅至遠方者不復招集。迷於歧路者不復追尋。乃待之以強暴，處之以殘忍。牧者不加眷顧，故羊星散，爲野獸所吞噬。我羊迷於山岡，行於高巒，散於遍境。覓之者迄無一人。故爾衆牧者，官聽耶和華之言。我耶和華指己而誓，因牧者自顧其身，不牧羣羊。若無牧然，羊既喪，不知追尋。使羊爲人所擄奪，爲獸所吞噬。故我耶和華告諸牧者：我必加爾以扑責，索取爾羊。爾名爲牧羊，實則自顧其身而已。我必褫爾之職，救羊於爾口，不復遭爾吞噬。主耶和華曰：我必求我羊，譬彼牧者，見羊四散，則追之不已。我必追我羊，羊偕晦冥之際，散於四方。我必加拯救，我民散於列邦，我必撫集之，使彼旋歸故土，以以色列山岡膏腴之壤。

大河之濱爲其牧地我必參養之俾適樂郊以色列高岡之巔爰有羊牢以之賜彼使之偃臥於樂嘉之苑醫芻於芳草之場卽以色列族之山也我必牧羊使之孔安我耶和華已言之矣迷於歧途者我必追之爲人驅逐者我必反之裏其傷殘扶其荏弱強者肥者我亦護之俾羣羊咸被德澤惟爾羣羊我耶和華有言必於牲畜中區別美惡牡綿羊牡山羊犴然分明爾食於芳苑猶爲緝故又將蹂躪之乎爾飲於清溪猶爲細故又將混濁之乎我之羣羊所食惟爾已踐之苑所飲惟爾既濁之水故我耶和華曰肥羊瘦羊間我將明鞫其故荏弱之羊爾肩摧之角抵之使之星散故我必救我羣羊不遭虐遇我將於牲畜間詳加鞫問我將簡一牧以養之卽我僕大關彼必參養羣羊爲善牧焉我耶和華爲其上帝我僕大關爲其牧伯我耶和華已言之矣我必結約恒賜平康驅猛獸於斯土卽在郊原林樹之間亦得咸若或寢或訛在彼山林及我聖岡之四周我必錫以純嘏使時雨降甘霖沛焉樹結果地產物安居斯土斯時也我民爲人服役我折其軛脫於彼手則可知我乃耶和華自茲以後爾不復爲異邦人所攘奪野獸所吞噬民必安居不遭震駭我必使有名者與長荈枝柯使斯土之民不復饑饉不爲異邦人凌辱主耶和華曰以色列族可知我耶和華乃其上帝彼爲我民恒蒙眷佑我之羣羊卽爾世人我乃爾之上帝我耶和華已言之矣

第三十五章 耶和華又諭我曰人子當指西耳山而言未來事云主耶和華曰我必舉手責西耳山使變荒蕪城邑傾頽四郊寂寞俾知我乃耶和華以色列族爾素所銜憾彼受刑罰遭患難其

日既屆，爾則加以鋒刃，戮其民人。故我耶和華指已而誓，爾既以殺人爲悅，余必追襲，殲爾務盡。便讓耳山岡，變爲沙磧之場，往來之衆俱遭翦滅，亡於刃者不可勝數。山谷河濱，尸相枕藉。爾之邦國，恒爲荒墟。爾之城邑，無人居處。俾知我乃耶和華，爾當言以色列猶大必歸於我，我得其上。不知彼二國者，爲我耶和華所眷祐，故我耶和華指已而誓。爾媚嫉我民，銜憾無已。俾爾遭慘報，我必罰爾，而施恩我民。昔爾口出惡言，指以色列山云：彼既荒蕪，余必滅之。我聞斯言，必降以罰。俾知我乃耶和華，爾詭譎然自誇不已，違逆乎我，我已聞之矣。主耶和華曰：萬姓臚歡之際，必俾爾主，忽變荒蕪。以色列地既成荒邱，爾如耳山以東四境，靡不悅懼。故我使爾荒蕪，俾知我乃耶和華。

耶和華人子當指以色列山岡，而言未來事云：以色列山岡，宜聽耶和華言。主耶和華曰：敵云：亙古以來，有彼崇邱，今爲我所。豈不快哉！爾當以我言告之云：主耶和華曰：敵縱橫嶺，使山荒寂，爲他邦之人所得，虛誕之徒，播其流言，故以色列山宜聽我言。主耶和華告諸山岡溪谷，其地素有邑郊，今變荒蕪，爲他邦之人所奪，加以譏刺。我耶和華曰：他邦之民，以東諸族，中心區測，喜得我地，驅逐居民，我怒憤烈，將加譴責。惟爾先知當指以色列山岡溪谷，以我言告之曰：爾爲異邦人所辱，我怒憤烈，指已而誓。四國之人，必遭凌辱。惟爾以色列山岡，必萌芽結果，爲我以色列民之用。其時伊迦，我必眷顧爾，俾得耕耘。在斯山岡，我必使以色列全家，生齒蕃衍，不可勝數。諸邑雖遭傾圮，必復建造，我必使人民衆多，牲畜孳息，居於斯山。民既旋歸故土，較之於昔，待之

愈厚，使知我乃耶和華，我必使我民以色列族，遨遊斯山，得爲恒業。今也人踪罕至，後則不然。主耶和華曰：人常言人居斯土，必受其害人踪罕至，故我耶和華曰：人居斯土，必不受害。昔則人踪罕至，今也不然。異邦之人，不復譏刺斯土，不復見辱人踪不復罕至。我耶和華已言之矣。耶和華論我曰：人子，昔以色列族在故土，其素行有玷斯邦，我視之若不潔之婦，異室以居，彼殘害人命，崇拜偶像，玷汚斯土，故我震怒憤烈，散之於異邦族類，視其所爲，而降其罰。彼至異邦，玩瀆我名，自稱耶和華之民，出於聖地。我之聖名，我珍惜之。以色列族在異族中，乃玩瀆之故，當告以色列家云：主耶和華曰：我施恩澤，非爲爾以色列族之故，特爲珍惜我聖名耳。爾在異邦，玩瀆我名，亵亵我，我必使人崇敬之。厥後爾必尊崇我，使異邦人目覩，則知我乃耶和華。我已言之矣。我必撫集爾曹，來自異邦，反爾故土，以清水灑爾，使爾爲潔。凡拜偶像，行淫穢之事，均滌除焉。以新心賜爾，去其頑梗之性，賜以易化之心，以我神賦爾，使爾遵我禮儀，守我法度。昔以斯土賜爾祖，余必使爾居之，俾爾爲我民。我爲爾上帝，去爾污穢，必使五穀繁多，饑饉不至，果實纍然，土產豐登。不因饑饉，爲異邦人所辱。爾追念曩時之惡行，爲我所痛疾，則必自怨自艾。耶和華曰：以色列族，爾祚不端，當自懷慙。我施斯恩，非爲爾故。爾其知之。主耶和華曰：我既滌爾愆尤，則傾圮之邑，可復建造，僻爾居處。斯土荒蕪，過者所目覩，今必復耕耘。勞觀者必曰：昔也斯土荒蕪，今則若埃田之圃。斯邑傾圮，今則建造。有人居處，四方鄰國，必知我耶和華，使傾圮者建造，荒蕪者開墾。我言之，必行之。主耶和華曰：我雖令斯人生齒衆多，若畜孳息，然以色列族，當求我。昔大會之日，聖民

羣語耶路撒冷厥後傾圮之邑人咸集焉俾知我乃耶和華

第二十七章 我爲耶和華神所感恍惚中若觀異象導我至谷中骸骨殆遍使我四周巡察見骨委勝數甚爲枯槁散於谷中主謂我曰人子此骨可復生乎我曰主耶和華爾知之矣又謂我曰當等斯骨云爾枯骨與宜聽耶和華言主耶和華曰我必以氣嘯爾使爾復生我必束爾以筋絡長爾摩肌膚通爾以呼吸可得復生俾知我乃耶和華我遵命而行遂有震動之聲骨相結合但見筋脈膚生惟不能呼吸主謂我曰人子爾當呼風曰主耶和華曰氣息當至來自四方使斯死者呼吸潛通則可復生我遵命而行氣息遂至使死者呼吸而復生皆立於前不可勝數主謂我曰人子此骨譬諸以色列全家彼曰我命已喪我骨已枯我望已絕爾當告之曰主耶和華云我民我必啟爾窰窰使爾出墓導歸以色列地耶和華曰我啟爾窰窰使爾出墓則知我乃耶和華我必以神賦爾使爾復生歸爾故土則知我乃耶和華我言之必行之耶和華諭我曰人子爾當取一簡書曰猶大及同居之以色列族又取一簡書曰約瑟之以法蓮及同居之以色列族以二簡同執合爲一簡如民問爾曰作此何爲請以告我則當告之曰主耶和華云我必取約瑟之以法蓮族與同居之以色列支派使與猶大族相合爲一族爾所書之簡當執於手俾衆目覩告之曰主耶和華曰我必導以色列族來自異邦至自四方歸於故土在以色列山岡我使之合爲一邦爲一王所治理自此而後不復爲二國二民不復事偶像以玷其身不作非義爲我痛疾四境之內彼素作惡我必加拯救使成潔清可爲我民我爲其上帝我僕大衛必爲其王斯衆

統轄於一牧，遵我法度，守我禮儀。昔以斯土賜我僕雅各，列祖居之。厥後，使斯民居之，爰及子孫。歷世弗替，我僕大闢，必爲其君。其國靡暨，我必與之立約。恆賜平康，使斯民居處綏安，生齒蕃衍。置我聖所於其中，永世不廢。我聖室既在其中，我必爲其上帝，以彼爲我民，異邦之民，見我聖所，恆駐蹕於其地，則必知我耶和華，以色列族爲聖民焉。

第三十八章 耶和華論我曰：人子，爾當指馬各米設，土八之君角而言未來事。曰：主耶和華云：米設，土八之君角，我必責爾，以圈貫爾之頰，隨意轉輾。我曳爾出境，及爾軍旅，駕馬乘騎，著戎衣，執干戈，持利刃，不可勝數。巴古實呂，彼亞俱執干櫓，戴瓦察，河滅及其軍旅，北方之陀伽馬族，及其軍旅，又有眾庶，爲爾左右。爾及同盟者，當預爲備，爾統率之。以色列山久變荒蕪，今免干戈之擾。庶民和集，來自西方，安居斯土。越至於後，歷日既久，爾至而攻之。爾及軍旅從者，無數，將猝然而至，若颶風驟至，若天雲蔽覆。主耶和華曰：斯時也，爾心將萌惡念，云：地無城郭，吾必侵伐之。民安逸樂，吾必攻擊之。維彼城垣不築，門楗俱無，昔斯地變爲荒邱，今則有人居處，來自列邦，奪貨財，養牲畜，安居斯土。我攻之，攘奪其物，示巴底，但大失之商旅，及其猛士，將詰爾云：爾集斯眾，非欲劫貨財，攘金銀，擄牲畜乎？惟爾人子，當告角曰：主耶和華云：我民以色列族，安居，爾知之。遂自北方來，率眾無數，馳騎眾多，若雲覆地。我民以色列族，越至末日，爾攻斯土，我聽其然。厥後，我必使爾，以彰公義，異邦靡不目覩，俾知我之爲我。主耶和華曰：越在曠昔，我示我僕以色列族之先知，諭以未來事，言我將任敵攻伐斯眾，非爾其誰。主耶和華曰：越至後日，角攻以色列。

列地時，我赫斯怒，我怒震烈，已出斯言。曰：以色列地必有震動，海魚飛鳥，走獸昆蟲，及天下億兆，見我顯現，則必戰慄。山嶽崩頽，城垣傾圮。主耶和華曰：我在山岡，必使刃至，殺戮角衆，使自相攻擊，蹈鋒刃，罹疫癘，降霖雨，下大雹，硫磺騰降，厥火炎炎，罰角之軍旅衆庶，使人尊我崇我，列邦目覩，俾知我乃耶和華。

第三十九章 惟爾人子，指角而言云：主耶和華曰：米設上八之君角爾，出北方，攻以色列山後，即使爾旋轅返旆，爾左手執弓，我將奪之，爾右手取矢，我使之隕地，爾及軍旅與爾庶民，將亡於以色列山。鷲鳥野獸，吞噬爾肉，我使之然，爾將亡於郊原。我耶和華已言之矣。我將火焚馬，各使洲島安居者，俱遭烈燄，俾知我乃耶和華。我將使我民以色列族，知我聖名，不復玩瀆，使異邦人皆知我乃以色列族之聖主耶和華。主耶和華曰：我所言之日，今已屆矣，事已驗矣。以色列衆邑之民，必出取敵之干戈弓矢杖梃，用以爲炊，歷至七年，毋庸拾薪於田，木於林，惟燒器械，昔則見攘於人，今則攘人，昔則見擄於人，今則擄人。我耶和華已言之矣。是日也，在以色列地東海之谷，往來之所，我必使角衆尸相枕藉，人埋於此，稱其谷曰哈門角，過之者無不掩鼻。以色列家葬尸，歷至七月，乃成其事。地始潔清，斯土居民，封其尸骸，我得尊榮，以早日爲吉日。我耶和華已言之矣。必簡數人，晝夜巡行，見未葬之尸，則復瘞埋。又歷七月，斯地始潔，過斯土者，見人骸骨，則爲之誌，待葬者，瘞之於哈門角谷，遂以哈門亞名邑。人潔斯土，必如是以行。主耶和華曰：人子當告飛鳥走獸云：我行殺戮於以色列山，爾當自四方噬肉飲血，食武士之肉，飲邦君之血，大小牛羊，



俱已肥臍，至自巴山者，爾可吞噓。既戮衆民，爾可食脂飲血，以果爾腹。至於饜飮，凡駕馬之武夫，乘輿之猛士，俱賜爾食。我耶和華已言之矣。我必彰公義，施巨力，降罰斯衆，使異邦人目覩。自此而後，以色列族必知我乃耶和華，異邦人亦知以色列族被擄。其愆尤獲罪於我，故我還棄之，付於敵手，俱亡於刃。我祭其罪戾孔多，身染污穢，而還棄之。耶和華曰：斯後我必反雅各俘囚，矜憫以色列全家，大顯我聖名。昔彼犯罪於我，我使蒙羞，後導之自異邦敵國而至，賜彼安居斯土，不復震驚，尊崇乎我，爲列邦目覩。主耶和華曰：昔我使以色列族擄於異邦，厥後返於故土，無不各歸其所，我不復還棄。賦以聖神，俾知我乃其上帝。和華。

第四十一章 我儕被擄之二十五年正月十日，耶路撒冷城已陷十四年矣。斯時耶和華之神感我，恍惚中拜觀異象，導我至以色列地，立於高岡，瞻彼南方，若有城郭之狀，導我至，見有人容色碧錄，麻繩與量度之杖，立於門前，告我曰：人子，我導爾至此，將以物示爾，爾當目觀耳聞，心思以所見者，播告以色列家。殿外四周有垣，其人執杖，杖長六尺，尺計長自肘至指，再加一掌，量度其垣高廣各一丈，至於東門，拾級登階，量其門闕，深計一丈，門內有小室，深廣亦各一丈，室相間計五尺，內門之闕，深計一丈，與門廊相近，又量門內之禰，深八尺，其柱方廣二尺，東門之小室，左右各三深廣相同，室旁左右各有柱，大小相同，門內之衢，廣一丈，長一丈三尺，左右之室深廣各六尺，其前有階，廣一尺，門與兩旁之室，總計之廣二丈五尺，左右有門各相向，衆門柱數合而計之，廣六丈，門柱四周，中留隙地，由外門達內門，以及後廊，其深五丈，門內左右小室及室旁之柱各

有窗，閣以緋櫺，後廊之內亦有窗，柱上刻棗樹之狀，其人導我入外院，牆內四周以石鋪地，其上  
有室，數共三十門，外兩旁亦以石鋪地，地勢較院內稍卑，其人量院自東門外至內院前，深十丈，  
外院北向之門，量其深廣，門內左右各有三室，其柱其廊與東門之室深廣相同，門與室總計之，  
深五丈，廣三丈五尺，其窗其廊及所刻棗樹之狀俱循東門之式，階有七級，歷之以上，有廊在後，  
內院有門與外院北門相向，無異，東方自外院之門至內院之門，深十丈，其人導我至院之南，在  
彼有門，遂量度之，其柱其廊與他門深廣相同，門與廊四周有窗，製同北門，門與室總計之，深五  
丈，廣三丈五尺，階有七級，歷之而上，其後有廊，其上左右刻棗樹之狀，自內院之門達外院南門，  
量之得十丈，其人導我由南門入內院，遂量內院之門，其室其柱其廊深廣與外院之門無異，門  
與廊四周有窗，門與室總計之，深五丈，廣二丈五尺，門前有廊與外院相向，柱上刻棗樹之狀，階  
有八級，歷之以上，遂導我至內院東向，量度其門，其室其柱其廊深廣與外院之門無異，門與廊  
四周有窗，門與室總計之，深五丈，廣二丈五尺，門前有廊與外院相向，柱上刻棗樹之狀，階有八  
級，歷之以上，遂導我至內院北門，量之，其室其柱其廊深廣與外院之門無異，四周有窗，門與室  
總計之，深五丈，廣二丈五尺，門前有廊與外院相向，柱上刻棗樹之狀，階有八級，歷之以上，門旁  
有窗，中空如小室，燔祭之品滌於斯，門外之廊左右各有二几，凡獻燔祭與贖罪之祭者，宰牲於  
此，廊外階之兩旁各有二几，門旁左右各四几，共八几，宰牲於上，階之兩旁各有燔祭之几，二以  
雕石爲之，長廣各一尺五寸，高一尺，凡欲宰燔祭及贖罪之祭者，置其器於上，有鈎闕約一掌，釘

於廊之四周凡上置胙肉其人導我入內院之門見有二室一在北門側南向一在南門側北向其人告我曰南向之室守殿之祭司居之北向之室守壇之祭司利未後裔撒督子孫凡詣前服事耶利華者居之遂量內院長廣俱十丈其院維方殿前有祭壇其人導我入殿前之廊左存立石柱二徑各五尺之隅自外至內兩旁各三尺廊廣二丈深一丈一尺欲入之者必歷階級而上石柱之旁復有木柱左右各一

四其入導我入殿左右各有石柱量之各徑六尺門闊廣一丈門旁左右各五尺共計殿廣五丈深四丈遂進內殿量其門櫺徑二尺門廣六尺門旁各七尺其人量後殿深廣各二丈廣與前殿相同告我云此至聖之所遂量殿牆六尺殿之四周有衆小室各廣四尺室有三層每層計之得室三十殿牆四周又有小牆附牆遍築衆室不與殿牆相接上層之室愈高愈廣四圍之室皆若是衆室之中自下層至上層緣梯曲折而登我觀殿之四周衆小室自下至上各高一丈卽六度衆室之外牆厚五尺外牆之外卽殿之左右有兩廡其間有隙地廣二丈自小室至隙地有二門一南向一北向殿牆四周有階廣五尺隙地西向有廡深七丈廣九丈四周之牆厚五尺遂量殿長十丈殿旁隙地與廡及牆亦長十丈殿前隙地東向亦十丈殿後隙地及兩廡各廣十丈內殿前廊門櫺窗櫺與環殿三層之室門櫺相向自地及窗俱蓋以板殿門之上殿之內外牆之四周雕嗒略啖與棗樹之狀櫺間而列嗒略啖各有二面左則貌似人右則狀若獅各向棗樹殿之四周皆如是門旁之牆自殿及巔雕嗒略啖與棗樹之狀殿之門柱形製維方聖所之前

其狀亦若是。有木臺高三尺，長廣俱二尺，其角其旁俱以木爲。其人告我曰：此乃耶和華之臺，外殿與聖所各有二門。門之左右各有雙扉，門上雕啞路味與棗樹之狀，與牆上無異。殿門以巨木爲闕，廊左右有窗，雕棗樹之狀，環殿之室與陛亦若是。

第四十三章 遂導我至外院，自北入廡，其廡在殿旁隙地之北，廣十丈，深五丈，其門向北，內院有隙地深三丈，外院有鋪石之處，其間有臺三層，室前有道，長十丈，廣十尺，其門北向上層之室最狹，上層之臺較中下者愈寬，臺有三層，不立柱，不與外院相同，上層之室較中下者愈狹，廡前有牆，與外院諸室相向，長五丈，廡前有室，與外院相向，亦長五丈，共計十丈，此室之下有門，東向，可自外院由此而入，外院牆側南向，殿旁隙地之前亦有廡，其室與室前之道，長廣與北廡無異，出入之門與前式相同，廡前有室，南向，東方亦有門，自牆前可通廡內之道，其人告我云：隙地前南北之廡俱爲聖室，詣耶和華之祭司可在彼食聖物，卽贖罪之祭品，以及禮物，蓋此廡至聖，祭司入廡不可自聖所往外院，欲出外必先解供職之聖衣，更衣他衣，雜於衆中，其人量內殿既寬，導我至東門，量院四周，以杖量，東方長五百丈，以杖量，北方長五百丈，以杖量，南方長五百丈，以杖量，西方長五百丈，其量四方有牆環繞，長廣各五百丈，使聖所與俗地相隔。

第四十四章 嗣後其人導我至東門，以色列上帝之榮光自東而至，聲若波濤澎湃，光極輝煌，燦爛於地，昔我於異象中至耶路撒冷，言此邑必敗，及在基八河濱，亦有所見，與今所目覩者無以異也，我見之俯伏於地，耶和華之煌榮由東門入殿，我爲神所感，導我入內院，見耶和華之煌榮。

我與其人偕立時聞殿中有聲若與我言謂我曰人子此卽我位爲我駐蹕之所我必  
衆居以色列族中蓋以色列族君民不復縱私欲築崇壇葬王尸於殿側玩瀆我聖名昔斯民以  
其殿之門柱門櫺與我殿之門柱門櫺相連惟問以壁恒作不端玷我聖名故我震怒殲滅殄盡  
祭當遠棄淫行不葬王尸於殿側我則恒居其中人子以色列族所作不端旣自知有罪抱愧含  
羞則必以此殿之規模形製出入之處及禮儀法度書之於冊俾衆目覩使彼恒守山巔四周乃  
至聖之所此乃殿之法度祭壇之長廣如左尺計長自肘至指再加一掌壇基有三層下層高深  
各二尺四周有緣廣一掌此乃壇之外式中層高二尺深一尺上層高四尺深一尺壇高四尺壇  
上有四角壇長廣各一丈二尺其式維方基之中層長廣各一丈四尺四周有緣廣半尺基之下  
層深一尺階級自東而上其人告我云人子主耶和華曰人旣作壇獻燔祭灑血於上其禮儀如  
左至耶和華曰利未後裔撒督子孫俱爲祭司詣前以奉事我爾必以擯一子之爲贖罪之祭取  
血獻壇四角基之四旁緣之四周使壇成潔牽贖罪之犢至聖所之外預定之所燔之於火豎  
臚獻山羊之羔純潔是務爲贖罪之祭以潔斯壇與用牛之法無異潔壇旣畢必備犢一牡綿羊  
一純潔是務祭司灑之以鹽獻於耶和華以爲燔祭歷七日必獻山羊一爲贖罪之祭又獻犢一  
牡綿羊一純潔是務歷七日當潔祭壇以供其職屆八日而後祭司當獻燔祭禮物於壇我耶和  
華必悅納之

第四十四章 其人導我至外院之東門見門已闔耶和華謂我曰我耶和華以色列族之上帝旣

入斯門，厥後門必闔，恒不啟，人不得擅入。惟君王可坐其內，在我前食餅，由門廊出入。其人導我入北門殿前，我見耶和華之煌榮，充盈殿宇，俯伏於地。耶和華謂我曰：「子，我以聖殿之法度禮儀示爾，當慎爾觀聽，知殿出入之所，當告以色列族違逆者云。」主耶和華曰：「以色列族歟，爾所作不端，罪惡貫盈，彼異邦人身心不潔，爾導之入我聖所，以玷我室。爾雖獻餅餌血膏，亦作不端，背我盟約，爾不守我聖所，乃使他人代之，因以取利。」主耶和華曰：「以色列族中有異邦人，身心不潔者，不得入我聖所。昔以色列族背我崇拜偶像，利未人亦背我，遂負罪戾，彼在聖所可供役事守殿之門，爲民宰牲，立於其前，以供役事。既崇事偶像，誘以色列族陷於愆尤，故我耶和華指己而誓，必加以罪，不詣我前，供祭司之職，不在至聖之所。近我聖物，必因所作不端，含羞抱愧，惟守殿門，供其役事，則無不可。」主耶和華曰：「昔以色列族背我，利未後裔撒督子孫，咸爲祭司，守我聖所，彼可詣前，以奉事我，獻脂與血，入我聖所，近我聖几，以供其職。彼入內院供役，必衣臬衣，勿衣羊毛，上戴臬冠，下服臬褲，凡致汗之衣，不服於身，出與衆雜處，必解供職之衣，置之聖室，更衣他衣，如衣俗服，不能行祭司之事，勿薙首，勿長髮，惟修以翦。祭司入內院，不可飲酒，嫠婦棄婦勿娶，必娶以色列族之處女，或他祭司之嫠婦，當教我民，必別聖，與不聖，潔與不潔，有訟事，必當鞫問，遵我法度，在大會中，必守我禮儀法度，以我安息日爲聖日，祭司勿近尸骸，恐自玷其身，惟爲父母子女兄弟未嫁之姊妹，則可成潔之後，七日既屆，必入內院聖所，以供役事，獻贖罪之祭，我耶和華已言之矣。」祭司在以色列族中，不得土壤爲恒業，惟以色列族所獻之禮物，與贖罪之祭品，皆

祭司所得，爲其食用，凡土所產之初實，人所獻之禮物，悉歸祭司，新麥爲屑，亦予祭司，純嘏臨於爾家，凡自斃斷傷之禽獸，祭司不食。

爾擊籤分地爲業，當以一區獻耶和華，以爲禮，長二萬五千杖，廣一萬杖，區內四周，俱爲聖地，其中有區，長廣各五百尺，其式維方，以爲聖所，四周五十尺，以爲隙地，當量聖地，長二萬五千杖，廣一萬杖，中有聖所，及至聖之室，祭司詣耶和華前，在聖所供役，可得斯地，以爲聖所，及己宅第，斯地也，長二萬五千杖，廣一萬杖，凡殿中供役之利，未人可得一區，建室二十，聖地向之所，當畫一區，長二萬五千杖，廣五千杖，使以色列全家，建邑於此，聖地邑城附近之所，東西兩旁，當畫二區，爲君王所得，其長與聖地東西之界相同，以色列地有王畿，以餘地予以色列族，循其支派而分之，故君不侵牟民利，主耶和華曰，爾以色列君畿內所產，足以自供，勿強暴攘奪，惟孳孳然行仁爲義，權量法度，悉秉至公，石斗之制，維務均平，十斗爲一石，十錢爲一兩，三十兩爲二斤，爾當獻之禮物，如左，薺麥小麥，六石中獻一斗，油六百斤，中獻六斤，在以色列沃土，二百羔中獻一羔，爲燔祭，以贖罪，亦獻禮物，及酬恩之祭，我耶和華已言之矣，國民以此物數納於以色列王，王爲之進獻，凡節期月朔安息日，及以色列族大會之時，君王必備燔祭禮物，及酬恩之祭，酒以灌奠，爲以色列民贖罪，主耶和華曰，正月朔，必獻犢，純是務，以潔聖所，祭司取血，灑殿之柱，壇之四基，及內院門，擲正月七日，爲彼蚩氓，悞干我命，亦必獻犢，贖民罪，而潔殿宇，正月十四日，爲逾越節，七日守節期，食無酵餅，是日君王必備犢一，爲己及庶民獻之，爲贖罪之祭，歷節期

之七日備犢七、牡綿羊七、惟潔是務，以爲燔祭，亦必日備山羊之羔，爲贖罪之祭，爲各犢各牡綿羊、備麵六斗、油六斤，以爲禮物。七月望，必守節期，歷七日，獻贖罪之祭，燔祭禮物及油，俱遵前數。（圖）主耶和華曰：六日間，民操作，必閉內院之東門，安息日及月朔，必啟君王入內，由是門之廊，立於門闕，祭司獻燔祭酬恩祭之時，君王必拜於門闕，然後出，惟門不闔，迨夕乃闔，安息日月朔，庶民必詣是門崇拜耶和華，安息日，君王必獻綿羊羔六、牡綿羊一，純潔是務，以爲燔祭，奉耶和華，爲牡綿羊獻麵六斗、油十斤，以爲禮物，爲衆羔羊，各隨其力之所給，月朔必獻犢一、綿羊羔六、牡綿羊一，純潔是務，爲各犢各牡綿羊，獻麵六斗、油六斤，爲禮物，爲衆羔羊，隨其力之所給，君王出入之道，必由門廊，大會之時，庶民欲詣耶和華前以崇拜，凡入北門者，必由南門而出，入南門者，必由北門而出，其出不由所入之門，必由相對之門，君王亦在民中，偕民出入，大會節期，爲各犢各牡綿羊，獻麵六斗、油六斤，爲禮物，爲衆羔羊，隨其力之所給，如君欲樂輸燔祭酬恩之祭，奉耶和華人，必啟東門，遂供燔祭酬恩之祭，與安息日無異，君王既出，人必闔，每晨必獻未盈歲之羔，純潔是務，以爲燔祭，奉耶和華，每晨必備麵一斗，雜以油三斤四兩，獻爲禮物，循耶和華常例，每晨當備羔羊、禮物、膏油，恒爲燔祭，主耶和華曰：如君王錫土於子，則其土歸子統轄，爲其恒業，如王以土地錫於臣僕，則其土必歸臣僕，越屆禧年，乃歸君王，爰及子孫，君王欲以土賜子，必取畿輔之地，勿強奪民業，逐民出邑，使屋散於四方，其人導我入，由門旁之道，詣祭司北向之室，見其西亦有室宇，遂告我，云：祭司潔民之時，不可攜贖罪之祭，以及禮物，迨至外院，乃烹於



此室其人導我至外院，巡行院之四隅，每隅有小院，長四丈，廣三丈，其式維一，小院四周有衆室，內有烹飪之所，其人告我云：庶民獻祭殿之供役者，烹肉於此。

第四十八章 其人導我至殿門，其殿東向，門闕之下，水滂然以出，流於東方。由殿右壇南而來，遂導我出北門，折而至東門之外，見水出於右，執繩之人往東量百丈，導我涉水，其水沒脛，又量百丈，導我涉水，其水沒膝，再量百丈，導我涉水，其水沒腰，又量百丈，其水成河，我不得濟，蓋水泛濫，可涸而不能涉矣。遂告我云：人子，爾見此乎？遂導我至河濱，見河左右，林木叢雜，其人告我云：此水流至東方，過野入海，海爲之甘，河流所至，盡成甘泉，水族滋生，魚尤蕃衍，不可勝數，水之所滙，百物生焉，自隱其底至隱客連，漁人張網得魚，五色俱備，魚族繁多，不亞大海，其淤下之澤，依然斥鹵，河濱左右，結果之樹，其葉經歲不凋，其果取之不竭，因水出於聖所，月必有果，果可爲食，葉堪入藥。主耶和華曰：爾得斯土，循以色列支派，其界如左。約瑟必得二區，昔我發誓，以斯土錫爾列祖，爾必共分而得之。北界自大海之希得倫，至西撻，哈末，庇羅達，大馬色，哈末間之十喇音，耗蘭旁之哈撒哈底，干近大馬色界之哈撒以喃，至哈末界，此乃北界。東界自耗蘭，大馬色，基列，沿以色列地之約，但至東海，此乃東界。南界自大馬及迦鐵之米利巴，水至大海，此乃東界。西界大海，自南方至哈末，相向之地，此乃西界。必以斯土，循以色列支派而分之，當掣籤分與爾民，旅爾中之異邦人，生子，必與以色列本族無異，俱得土以爲恒業，異邦人旅於各支派中，必於此得業。我耶和華已言之矣。

第四十八章 支派之業如左，但所得者在北界，自東至西，由希得倫至哈末，哈撒以喃，北向大馬色之界，亞設所得者在但之南，其界自東至西，納大利所得者在亞設之南，其界自東至西，馬拿西所得者在納大利之南，其界自東至西，以法蓮所得者在馬拿西之南，其界自東至西，流便所得者在以法蓮之南，其界自東至西，猶大所得者在流便之南，其界自東至西，在猶大之南，自東至西，爲獻地，長二萬五千杖，廣如他區，聖所在其中，所獻耶和華之地，必長二萬五千杖，廣一萬杖，祭司所得之聖地，自南至北，二萬五千杖，自東至西，一萬杖，耶和華之聖所在其中，昔以色列族及利未人背我，惟撒督子孫，咸爲祭司，不肯乎我，潔身而守我室，故得此地，所獻之地，附利未界者，必歸祭司，爲至聖之城，祭司之地，相向之所，其地利未人得之，長二萬五千杖，廣一萬杖，此區獻於耶和華，爲聖地，利未人不可鬻之，又不可易之，其土產之初實，不可歸於他人，利未人得地二萬五千杖，附其地者，又有一區，廣五千杖，可爲俗地，建邑構廬於其中，其量如左，東西南北方四千五百杖，邑郊四周，廣二百五十杖，附聖區之餘地，東西各一萬杖，其土所產，以供邑中役事之人，邑中役事者，必自以色列衆支派中簡之，所獻之地，與邑地共計之，四方得二萬五千杖，聖地與邑地，二萬五千杖，中有聖室，東西更有餘地，皆爲王畿，自猶大界至便雅憫界，爲利未人業，與建邑之地，其東西之地，爲王畿，其餘支派所得如左，聖地南，自東至西，爲便雅憫之地，便雅憫之南，自東至西，爲西面之地，西面之南，自東至西，爲以薩迦之地，以薩迦之南，自東至西，爲西布倫之地，西布倫之南，自東至西，爲伽得之地，伽得之界在南方，自大馬至迦鐵之米利巴，水至

大海主耶和華曰、此乃以色列地、爾當掣籤、分與諸支派爲業、邑之北方、四千五百杖、邑門循以色列支派之名、北向有三門、曰流便、曰猶大、曰利未、邑之東方、四千五百杖、亦有三门、曰約瑟、曰便雅憫、曰但、邑之南方、四千五百杖、有三門、曰西面、曰以薩迦、曰西布倫、邑之西方、四千五百杖、有三門、曰伽得、曰亞設、曰納大利、邑之四周、一萬八千杖、是日以後、邑名曰耶和華駐蹕之所。

但以理書

猶大王約雅金三年，巴比倫王尼布甲尼撒環攻耶路撒冷，其勝猶大王約雅金也。耶和華聽之，遷上帝殿中器皿之半，返於示拿，藏於其上帝殿旁之庫。王諭宦官長押比拿簡，以色列王宗室以及閹閼之家數人，皆無瑕疵，丰采甚都，智識兼備，可立於朝者，教以迦勒底人語言文字。王日賜以糈糧酒醴，比及三年，乃使侍於王前。中有猶大族四人，名但以理、哈拿尼亞、米沙利、亞薩哩亞。宦官長爲易其名，稱但以理曰伯底沙撒，稱哈拿尼亞曰沙得臘，稱米沙利曰米煞，稱亞薩哩亞曰亞伯尼珂。但以理立志，不以王之糈糧酒醴，破其戒，求宦官長爲之辭。但以理蒙上帝祐，令沾恩矜恤於宦官長。宦官長告但以理曰：我畏我主我王，彼賜糈糧酒醴，如見爾曹形容憔悴，不及同儕，則必喪我元。宦官長使酒正統理，但以理、哈拿尼亞、米沙利、亞薩哩亞四人，但以理告之曰：僕試食蔬飲水，至於十日，後觀我容較食王之糈糧者，果何若？則依所見而行。酒正許之，如其言而試之。閱十日，見其容較食王之糈糧，尤爲雄壯，丰度超羣。酒正乃去糈糧酒醴，食以菜羹。上帝賦四子以聰明智慧，文字靡不諳通。但以理備悉異象，善解夢兆。王預定日期，召諸人入朝。其期既屆，宦官長引之見王。王與之言，知但以理、哈拿尼亞、米沙利、亞薩哩亞四人之才，莫之與京。於是侍於王前。王聆其智慧之言，知彼較通國之博士賢人，尤爲明哲，且十倍之。逮古列元年，但以理猶存於世。

尼布甲尼撒二年，王獲夢，中心憂疑，不得寢，召諸博士賢人、巫覡、太史，既至王前，王命占舊約聖書 但以理書 第一章 第二章 八百三十七

夢曰我獲一夢中心鬱陶欲知其夢而無由太史以亞蘭方言呼王千歲曰請以夢告僕僕占其兆王曰我已命如爾不以夢告我示我以兆必剖爾體使爾室爲廁如以夢告我示我以兆必大賚爾尊榮爾言之勿遲曰請王以夢告僕僕占其兆王曰我知爾明知我命故爲遲延爾第欲欺余不以夢告我作緩圖之想然我命已出決無再更爾當以夢告我則我知爾能占其兆太史對曰斯事天下無有能知者且未聞君王收伯以此詰博士賢人太史者也王所問人難以對其惟上帝能之而上帝不與人交王大怒命取巴比倫諸哲士置之大辟王詔既頒將戮哲士遍索但以理及其同儕亦將加戮侍衛長亞畧出欲殺巴比倫諸哲士但以理婉詞問亞畧曰王命孔亟曷故亞畧以實告但以理見王求緩其期當以夢兆入告但以理歸告同儕哈拿尼亞亞沙利亞薩哩亞曰宜求天上上帝施恩以此祕奧默示我儕以免我儕與巴比倫哲士同就駢戮既夕上帝於異象中以祕奧示但以理但以理祝天上上帝曰上帝智能俱備富頌美之永世靡暨主限時日升降君王使賢者有智哲者明慧以祕奧之事示人光暗無不灼知我祝謝列祖之上帝賜我智能以王夢示我應我所求亞畧奉王命將殺諸哲士但以理見之云勿戮引我見王我必以夢兆告王亞畧亟使但以理見王奏曰我得猶大俘囚之中一人能以夢兆告王但以理又名伯底沙撒王問曰我夢與兆爾能詳述乎對曰王所問之事哲人賢者博士太史不能告王惟天上上帝以祕奧示人今將以末日之事告王王臥於榻中宵得夢我試言之王寢時思未來事上帝能顯諸隱以末日之事示王非我較天下人有智惟上帝以此祕奧示我遣我以兆告王使王

追憶前事，王夢巨像，極其輝煌，立於王前，甚可畏懼。像首鑄以兼金，胸臂以銀爲之，腹與股則皆銅所作，其脛爲鐵，其足半鐵半泥。又見一石，非人手所鑿，擊像半鐵半泥之足而碎之。時鐵泥銅銀與金俱碎，若夏時穀場之糠，爲風飄揚，頓失無所。擊像之石，成爲大山，遍盈天下。其夢若是，今以其兆告王。天上上帝，賜爾秉國之鈞，能力俱備，榮光丕著，爲諸王之王。天下居民，野獸飛鳥，歸王掌握。所夢金首，卽爾是也。後有國振興，不能與爾國頡頏。又後一國若銅，主治天下。最後一國，剛強若鐵，鐵能服百物而碎之。衆國皆爲所破，爾見足指半鐵半泥，其國必分。爾見鐵雜於泥，其國之半，亦剛強若鐵，足指半泥半鐵。其國亦半強半弱，爾見鐵與泥相雜，其國人必與異邦人相參。彼此不合，猶鐵不與泥合。當彼列王之時，天上上帝，更使一國振興，永世靡暨，不爲他國所取。蠶食列邦，恒存不廢。爾見石由山出，非人手所鑿，凡鐵銅金銀與泥，皆爲其所摧。此乃至大之上帝，以未至之事示王。其夢乃定，其兆不易。王聞言，俯伏拜，但以理命獻禮物香品，以崇奉之。告但以理曰：爾之上帝，能以斯祕奧，宣示於爾，誠爲諸上帝之上帝。諸王之主，能闡幽微，物無遁情。王於是尊崇，但以理加以重賚，封爲巴比倫方伯。衆哲士長，但以理求王使沙得臘、米煞、亞伯尼珂、治理巴比倫之事，但以理待命御闕。

尼布甲尼撒王銷金鑄像，高六丈，廣六尺，立於巴比倫土喇平原之所。召方伯州牧、顯宦刑官、筦庫之士、刀筆之吏、諳法之師，與衆邑宰俱至，欲費所鑄之像。百官既集，立於像前，將行費禮。道人大聲呼曰：「民人、族姓，王命爾曹聞角鼓琴瑟笙簫樂器之音，卽當伏拜。尼布甲尼撒王所

鑄之金像，不然，立投爾於洪爐。維時民人，聽角鼓琴瑟笙簫樂器之音，一時齊作，咸俯伏拜王所立之金像。有迦勒底人趨前控告，猶大人見王呼千歲曰：王頒詔於衆，凡聞角鼓琴瑟笙簫樂器之音，當俯伏崇拜金像，不然，必投之洪爐。今有猶大人沙得臘、米煞、亞伯尼珂、王封之治巴比倫，乃不事爾之上帝，不拜爾所立之像，是不遵王命也。王大怒，命曳三人至。王曰：沙得臘、米煞、亞伯尼珂，爾三人不事我之上帝，不拜我所立之金像，故方我命乎。今爾聽角鼓琴瑟笙簫樂器之音，咸當俯伏拜我所鑄之像，則可。不然，即投爾於洪爐。諸上帝中孰一能救爾於我手。沙得臘、米煞、亞伯尼珂對曰：我儕自有說，我所事之上帝能救我於洪爐。脫我於王手，即不然，我亦不事王之上帝。拜王所立之金像，王怒益甚，勃然變色，使熱洪爐，較常者強烈七倍。命軍中壯士束縛三人，投諸洪爐。三人受縛，不去。上下內外之衣，投於洪爐。王命孔亟，洪爐倍熱，壯士反爲烈燄所燬。三人既被縛，擲於洪爐。頃之，王忽驚起，問諸議士曰：我非取三人縛投火中乎。僉曰：然。王曰：我今見四人，不縛不傷，遨遊火中，其一貌若上帝子。王近洪爐之側，曰：沙得臘、米煞、亞伯尼珂，至上帝之僕，當出。於是三人俱從火出。方伯州牧邑宰，與王之議士大和會，觀斯三人，火焰不傷，首髮不炙，衣不變色，火燎之臭亦未之有。王曰：沙得臘、米煞、亞伯尼珂，賴其上帝，余雖降命，彼寧焚其身，不拜他上帝。故上帝遣使救援，當頌美不已。我今頒詔，命諸民人，凡瀆沙得臘、米煞、亞伯尼珂之上帝者，必剖其體，以其室爲廁，蓋無他上帝能救人若此。王於是特舉三人居顯爵，處於巴比倫邑。

第四章 尼布甲尼撒王頌詔天下曰願民人族姓咸得平康至上上帝行異蹟奇事施於我躬我欲述之上帝之經綸大而無比其國鞏固永世靡暨我尼布甲尼撒晏處深宮時值昇平忽得一夢致余畏懼宵闌輾轉中心鬱伊爰召巴比倫諸哲士咸詣我前俾以夢兆告余於是博士賢人大史卜師咸集余告以所夢彼不能解其兆焉既而以理至彼循我上帝之名稱曰伯底沙撒爲至聖上帝之神所感余卽以夢告之曰博士長伯底沙撒我知爾感於至聖上帝之神凡祕奧之事爾能明晰無事三思我所得之夢其兆維何願明以告我我中宵偃臥夢樹生於地其高莫及生長堅剛高凌霄漢天下之人皆得仰而見之其葉萋萋厥果纍纍百物得而果腹野獸伏於其蔭飛鳥巢於其枝我臥於榻夢聖使者巡察者自天而降大聲呼曰斬其柯斫其枝摧其葉摘其果使其下獸不得伏其上鳥不能棲斷枝剩幹猶留於地斯樹譬諸斯人束以銅鐵委於草萊之間爲夜露所沾濡使之嚙芻無異野獸使其赤子之心陡變豺狼之念待七年既屆聖使者巡察者已定命若此使天下之人皆知至上者秉其鈞衡在乎寰區之內隨意昇降以賤爲貴治理民人我尼布甲尼撒已得此夢國中哲士咸不能解其兆惟爾伯底沙撒爲至聖上帝之神所感蓋以兆告余但以理亦名伯底沙撒一聞我言不覺驚駭竟晷中心鬱陶余曰伯底沙撒勿爲余夢及兆鬱伊不止對曰願此夢之兆應於敵人勿爲王躬之咎爾見林木生長堅剛高可干霄天下人民咸得仰而見之樹葉葱蘢果實殷繁百物食之賴以果腹野獸蹲伏於蔭下飛鳥棲止於枝巔斯樹卽王爾既長大堅剛無比高大及乎九霄權能延乎四極王見巡察者聖使者自天而



降云斫樹務盡，惟留根株。斯樹譬諸斯人，縛之以銅鐵，委之於草萊，爲宵露所沾濡，與野獸同寢處。迨七年既屆，我試以其兆告王。至上之主，其命已定，人將驅逐我主我王，不復與人偕處。乃與獸同居，俾爾啣芻，無異於牛，爲露所侵，待及七年，使知至上者操寰區之柄，以國畀人，悉隨其意。聖使者既命留根株，則王躬必無害。迨王覺悟，知權自天操，而國可復，我今勸王棄惡歸善，矜憫貧乏，則享綏安，庶幾恒久。我尼布甲尼撒所遭，悉應斯言。十二月終，我遊於巴比倫殿，自謂此非巴比倫大城，我所建造者乎？我以之爲國都，顯我能彰我榮。言未竟，自天有聲曰：上帝有命，爾將失國，當驅逐爾，不與人偕居，而與獸錯處，啣芻若牛，以待七年之屆。俾知至上者操權於寰區，隨意昇降，我卽於斯時，遭此災患，倏被驅逐，不與人居，啣芻若牛，身爲露所濡濡，首髮長若鷹翮，指甲利若鳥爪。其日既屆，我尼布甲尼撒仰觀乎天，心復靈慧，頌美至上永生之主，其國靡暨，永世弗替。斯世之億兆，藐乎其小，有如無物。天下軍旅，地下人民，上帝隨意而作，其取之，孰能禦之？其爲之，孰能詰之？是時我得靈慧，光復舊物，尊榮赫耀。我之議士牧伯，再謁見我，我國復立，威儀郁郁。故我尼布甲尼撒，頌美稱譽天王，其所爲者，惟秉大公，眞實無妄，惟驕其志者，上帝使之卑微。

**第五章** 伯沙撒王，肆筵設席，召有爵位者千人，咸赴王讌，與衆同飲。進酒時，命取金銀器皿，乃王之祖尼布甲尼撒得之於耶路撒冷。上帝殿者，遂取之至。王公后妃，以之飲酒，飲時，頌美金銀銅鐵木石所造諸上帝，忽有人手之指顯現，書文字於王宮粉壁。燭臺相向之所，王見之，勃然變色，中心鬱陶，腰骨閃損，兩股戰栗，大聲召諸博士、太史、卜師。巴比倫哲士咸至，王告之曰：有能讀斯

文字解其義者，身衣緋衣，項繫金索，爲國之相，職居其三。哲士入文字不能識，奧義不能明，王甚鬱陶，色變移時，百官驚駭。太后聞王與百官之言，乃詣宴室曰：願王千歲，毋庸鬱陶變色。國中有入爾祖之時，爲至聖上帝之神所感，具聰明，有智慧，與上帝之智無異。爾祖尼布甲尼撒，王立之爲博士，賢人太史卜師之長，其名但以理。王稱之曰：伯底沙撒。心靈性敏，能解夢兆，能明隱語，剖析疑義，今可召之，必能解其意焉。但以理見王，王曰：昔我祖虜猶大之俘囚，至於國中，爾但以理果在其中乎？我聞爾爲上帝之神所感，聰明智慧，超於儕輩。今諸博士賢人入朝，使讀斯文，解斯義，咸不能焉。我聞爾善解祕奧，釋疑竇，爾果能讀斯文，解斯義，則必身衣緋衣，項繫金索，爲國之相，職居其三。但以理曰：大賚我所不取，爾賞可異他人，我必讀斯文，而解其義。王請聽余，至上上帝，以國威尊榮，賜爾祖尼布甲尼撒，因其威儀，億兆族姓戰慄於前，生殺昇降，皆出王衷。旣驕奢，其心剛愎，其志乃黜王位，去其尊榮，心若豺狼，爲人驅逐，不與人居，而與野驢錯處，鬻芻若牛，沾濡於露，待知至上上帝，操世之權，以國界人，悉隨其意。爾伯沙撒乃先王之孫，雖知此事，不卑以自牧，惟驕其志，逆天之主，命取厥殿之器，王公后妃，用之飲酒，譽揚金銀銅鐵木石所造之上帝，彼不見不聞，不識不知，至於賜爾呼吸，整爾步履之上帝，爾反不頌美之，故上帝遣使，以手顯現書此文字，其文曰：咪呢咪呢，嘖嘖嘖嘖，咪呢咪呢，卽數之之義。上帝敷爾國祚，使爾永終，嘖嘖卽衡之之義。上帝衡爾，知有所缺，嘖嘖卽分之之義。上帝分裂爾邦，以畀米太巴西，伯沙撒大賚，但以理，以緋衣被其身，以金索繫其項，更頒詔，命爲國相，職居其三。是夕迦勒底王伯沙撒爲敵所殺。

米太人大利烏得迦勒底地而王之。時年六十有二。

大利烏立州牧百二十人治理國事，更立三監督，糾察其弊，不使國家有損。但以理爲監督長，但以理心甚靈慧，王使之綜理。監督州牧職居宰輔，統轄全土。監督州牧伺但以理之際，欲因其治之不善而訟之於王。惟但以理竭其忠忱，無疵可摘。彼此相告曰：但以理恆遵上帝禮儀，非指此一端，則不得其故以訟之。監督州牧羣集謁王，咸呼千歲，曰：國之宦暨方伯州牧，議士民長會議，欲定律例三旬之間，惟王是求。凡稟上帝求世人者，必投之獅穴。請王印誌頒詔，以爲常典。循米太巴西人之法，不可變更。王乃頒詔，鈐以印誌。但以理聞王已鈐印誌，則歸啟牖，向耶路撒冷屈膝曲跪，日凡三次，循其常例，禱告祝謝上帝。百官和會見但以理禱告其上帝，詣王前告曰：吾王綸綺已傳，印誌已鈐，三旬之內，惟王是祈。凡禱上帝求世人者，必投之獅穴。是事豈不有諸王曰：有諸當循米太巴西之例，其命不可改。衆又告王曰：猶大之俘囚但以理者，不尊崇王，不遵王命，祈求上帝，日凡三次。王聞言不悅，欲救但以理，中心籌畫。至於日沒，百官復入奏於王曰：王知循米太巴西之法，旣頒斯詔，不可變更。王命取但以理投諸獅穴，告但以理曰：爾恆事上帝，上帝必復援手。人移石塞穴，王封以國璽，又鈐以百官之印，明其不易。王返宮，竟夕不食不寐，徹音樂。翌日王夙興，趨至獅穴，哀呼但以理曰：上帝之僕，但以理，爾恆事上帝，上帝果能脫爾於獅口乎？但以理曰：願王千歲，我之上帝，鑒我無辜，未嘗違逆乎王。遣使籍獅口，俾我免遭吞噬。王欣喜不勝，命取但以理出穴。蓋但以理信其上帝，雖居獅穴，亦不受害。王命曳訟，但以理之人及其

妻孥投於獅穴，未至穴中，獅卽嚙之，斷傷其肢體。大利烏王詔告天下億兆族姓曰：願得平康，我諭通國民人，當寅畏，但以理之上帝，彼爲永生之上帝，其國靡暨，永世弗替，彼能救人，布其經綸，遍於寰區，救但以理不爲獅所殘害，大利烏在位之時，及巴西王古列御國之際，但以理享其亨通焉。

第七 章 巴比倫王伯沙撒元年，但以理假寐於榻，得夢遂誌其事，以述於人，曰：我宵闌得夢，見四方之風，相搏於大海，四獸甚巨，自海而出，狀各殊異，其一若獅，有翼若鷹，我目觀之際，其翼見折，如人立地，若有人性，次獸若熊，口露三巨牙，屹立於傍，有命之曰：起，吞噬衆民，又見一獸，其形若豹，背生四翼，亦有四首，得秉大權，時夜未央，又見一獸，剛強可畏，鐵齒甚巨，肆其吞噬，骨肉斷傷，其餘悉遭蹂躪，獸有十角，與前三獸大相殊異，我見十角之間，忽生小角，先生三角之根，爲其所拔，小角有目，若人有口，能言，惟自矜誇，我見座位已備，亙古不易之主，獨坐，衣縞如雪，髮白如綿，位若烈焰，車輪迅速，若火之標，火燎於前，奔走者盈千，侍側者逾萬，萬鞫事已備，典冊盡展，我見小角出言誇詡，獸因此故，而被殺戮，焚尸於火，餘獸失權，生存片晷，我中宵得夢，見乘天雲者，貌若人子，詣亙古不易者之前，凡國之鈞衡輝耀，皆俾其所得，使億兆族姓事之，其國靡暨，永世不廢，我但以理以所見者中心鬱陶，戚戚然不勝懷憂，我詣傍立者，所以詰其實，彼解其義，告我曰：四巨獸卽四王，必出於世，惟至上者之聖民，將獲其國，永世靡暨，我欲知後出之獸，何爲異於他獸，殊堪畏懼，鐵牙銅爪，吞噬無厭，蹂躪其餘，首有十角，又有一角，能勝前之三角，其角有目

有口出矜詡之詞，其狀強於同類，我見斯角與聖民鬪，而角反獲捷，迨互古不易，至上之主至，爲其聖民伸冤，屆期以國賜之，傍立者曰：後出之獸，卽塵世之第四國也，異於他國，吞噬蹂躪，撓亂天下，其十角卽將興之十王，又有王異於前者，將服三王，彼王自誇，違逆至上之主，困苦其聖民，欲改時易法，聖民爲其所制，歷一載，又逾二載，又半載，然上帝必鞠之，奪其國柄，滅之務盡，由是萬邦綏服，上帝歷世靡暨，至上之主，以普天下之國政大權，賜其聖民，告我者其言如此，我但以理中心鬱陶，憂形於色，藏諸五內。

**第八節** 伯沙撒三年，我但以理又見異象，恍惚間若在以攔國書山殿，烏來河濱，我仰觀異象，見牡綿羊立於河濱，先後生二角，其角甚高，後生之角較先生者尤高聳，吾見牡綿羊以角抵觸，向西向南，又向北，惟所欲爲，至於茁壯，羣獸莫之能禦，得免其害，余圖維之際，見牡山羊自西而來，遍行天下，迅速若飛，顛際有大角，我見二國之牡綿羊立於河濱，牡山羊至其所，奮角抵觸之，憤怒特甚，折其二角，牡綿羊不能與敵，牡山羊擣之於地，以足蹂躪，迄無一人爲之援手，當牡山羊猛悍強壯之時，巨角忽折，復生四大角，東西南朔，各據一方，四角之一復生小角，遂成強大，東南二境，以及樂郊，爲其所據，樂郊之祭司，無異天上之軍旅，穹蒼之列宿，小角強大，施其巨能，勝彼列宿，擲之於地，而蹂躪之，妄自誇詡，違逆天軍之主，去其日獻之祭，傾其聖所，民旣犯罪，衆祭司與日獻之祭品，俱爲敵虜，眞實之理，不許宣播，敵之所爲，悉遂其欲，我聞聖使相語曰：民犯罪戾，都城遭毀，日獻之祭品，悉已棄捐，聖所祭司，俱遭蹂躪，所見之異象，將應於何時，曰：在二千三百

日以後，聖所復成潔清。我但以理目覩異象，深求其義，有立我前者，其貌若人，聞烏來河濱，有聲呼云：加伯列當以異象之意，明示斯人。彼至我所，我懼俯伏於地，彼曰：人子宜曉然所見之異象，乃指末日之事，彼與我言，我俯伏於地，魂不附體，彼撫余，使我起立，曰：我以末期之災示爾，屆期必有是事。爾所見二角之牡綿羊，卽米太巴西列王，長毛之牡山羊，卽雅番王，額際巨角，卽其元王，巨角旣折，四角代立，其義曰：其國必分爲四，不能與前國比權量力。四國末時，罪惡貫盈，又有王興，其貌莊嚴，中藏詭謀，能力甚強，悉遂其欲，其戰勝也，以謀不以力，有能有德之國，俱遭其翦滅，甚屬非常，以詭譎克敵，心志驕侈，承平之際，殲滅衆民，違逆諸君之君，其敗亡也，豈由於人哉。所見之異象，論其日數，真實無妄，爾鈐以印，日久必應。我但以理喪失其魂，致染疾病，久之始愈，然後起立，而務王事，我以所見之異象，不勝駭愕，識其兆者，迄無一人。

**第四章** 米太族亞哈隨魯子大利烏爲迦勒底王元年，我但以理遍覽耶和華所賜先知耶利米之書，知耶路撒冷傾圮，必歷七十年，我禁食衣麻蒙灰，仰首禱告我主上帝，自陳罪戾，求我之上帝耶和華曰：至大之主上帝，深可畏懼，凡敬愛乎主，恪守律法，則爾矜憫之，必踐所言，我儕犯罪作惡，違爾律例，棄爾禮儀，爾臣僕諸先知，藉爾之名，告我王公祖父國民之語，我不聽從，主秉公義，惟我儕猶大人耶路撒冷居民，以色列族衆，無論遐邇，因犯罪愆，爲爾驅逐，星散於四方，俱當含羞。今日之事爲證，我與我王公列祖，獲罪乎主，必當抱愧蒙羞，我主我上帝矜憫爲懷，恒加赦宥，我儕違逆，不遵我之上帝耶和華，不從爾臣僕諸先知，訓我之律例，我以色列衆犯爾律法，不

遵爾命、我既獲罪、故爾僕摩西律例所載之咒詛、臨於我躬、爾素責我、及我士師、必降大災、今已  
應矣、降罰耶路撒冷、較天下民尤嚴、摩西律例所載諸災、加乎我躬、我猶不禱告我上帝耶和華、  
未悛我前愆、未學爾真理、故耶和華專其心思、降災於我、蓋我之上帝耶和華、恒秉大公、見我不  
遵命、遂降禍患、我主上帝、昔用巨能、導爾民出埃及、爾名播揚、逮於今日、我儕獲罪於爾、我與我  
祖陷於罪戾、故耶路撒冷居民、爲衆姍笑、今求我主、以恩贖我、息爾憤怒、不罰爾聖山耶路撒冷、  
我上帝之聖所、荒蕪求爾垂顧、以彰主榮、應僕所祈、我之上帝歟、我儕祈禱、非爲我義、乃爲爾仁  
慈、求爾垂聽斯邑、爲顧爾名之所、今已荒圯、爾其鑒察焉、斯邑斯民、皆屬上帝、望主垂聽、望主赦  
宥、望主助余勿緩、以彰爾榮、我自陳愆、尤并述以色列族之罪、爲彼聖山、求我上帝耶和華、昔我  
於異象中、目覩加伯列、今獻夕祭祈禱之時、加伯列迅速而飛、前來撫余、告我曰、但以理、我來賜  
爾聰明智慧、爾蒙眷顧、始禱之時、我奉命蒞臨、俾爾知所見異象之意、爾民與聖邑、上帝預定其  
期、以七日爲期、而復以七十相乘、以遏罪惡、以除祭品、贖民前愆、彰大義於萬世、則以所見異象  
有應、至聖之主、必沐以膏、我告爾一事、爾當知詔建耶路撒冷、逮及受膏之君至、必有七日、復乘  
以七、更有七日、復乘以六十二、築城修道、必在患難之時、七日復乘以六十二之後、受膏之主見  
戮、援手無人、迄乎後日、異邦之君民咸至、毀城郭、傾聖所、若爲洪水所淹、戰爭不息、則殺戮不已、  
最後七日、主必與衆民立約、七日之間、祭祀將不復行、殘賊可惡之物、立於聖地、所定之災、必有  
應驗、終至荒蕪。

第十卷 巴西王古列三年，但以理亦名伯底沙撒，夢得默示，確然不爽。其後困苦之事，不可勝計。思之良久，始明其意。當是時，我但以理懷憂，歷三七日，不御珍錯，不食酒肉，不沐以膏，待盈三七日之期。正月二十四日，我在希底結大河之濱，仰觀一人，衣皂衣，腰束烏法，兼金身，若黃玉，容若閃電，目若明燈，手足若磨礪之銅，聲若羣衆誼譁。我但以理獨見此異象，同在人，目不能覩，戰慄不已，遁逃自匿，留我獨在。見此異象，其大無外，魂不附體，容貌失色，氣力盡廢。我聞其聲，伏地喪魂，有手撫余，我得曲踞，以掌抵地。彼告我曰：上帝所眷愛之，但以理，我奉命語爾，爾當起立，聽我所言。我聞此不勝戰慄，強起而立。彼告我曰：但以理，勿懼，自爾詣上帝前，卑以自牧，欲留心知未來事。上帝聽爾所祈，遣我就爾。巴西國君阻我二十一日，我爲之羈留。厥後，上君米加勒助我，乃得蒞至。以末期之事，爾民所遭者，指示於爾。所見異象，久必有應。我聞言面地，不敢措辭。有貌若人者，捫我口，我始啟口告之曰：我主，我見異象，中心殷憂，至魂喪失，氣力悉廢。僕焉得與主言，貌若人者復至，撫余，使余力增。曰：上帝所眷愛者，勿懼，當獲平康，心志益堅。我聞言頓壯，曰：主壯余志，請與我言。彼曰：我至爾所，非無故也。頃必復至。巴西與其君鬪，厥後雅番君將至，經籍所載，信而有徵。我將示爾，助余者，惟爾君米加勒而已。

又曰：昔米太王大利烏元年，我嘗左右米加勒，使其力健。今我蒞臨，以確然之事，指示於爾。厥後在巴西國，更有三王，幅輿焉。後起之君，尤爲富饒，因其貨財衆多，舉兵以攻雅番。又有大王，幅輿，秉國之鈞，任意而行，強壯之時，忽遭喪敗，其國必分爲四。東西南朔，各據一方。國不傳。



子不能與前王比權量力，其國必敗，他人得之。先王之大臣據南方之地，日漸強大，又有一王，秉國之鈞，較前王尤盛，越數年，南王之公主嫁於北王，二王相和，以立盟約。公主之力衰，北王之權解，公主之子女嬪妃，以及侍從，盡爲敵虜。族姓一人，將繼其位，大率軍旅，攻北王之城而克之，取其上帝之像、金銀器皿，遷於埃及。較諸北王，享國尤永，南王旣伐北方，而反其國，北王二子，大興師旅，其一遍擊四境，勢若洪濤，驟至，攻其城邑，南王震怒，復與北王戰，北王率衆以拒，南王敗之，南王旣殲衆敵，心志驕侈，雖敗敵軍數萬，終不能久享承平。越數年，北王復至，其旅若林，較昔倍之所備輜重，不可勝數，當是時，列邦羣起，以攻南王，爾民間盜賊自高其志，終取敗亡。應先知之言，北王旣至，築營建壘，取鞏固之邑，南王率其精銳之士，無能扞禦，北王任意而作，莫之能禦，亦至樂郊，以成其志，悉起國中兵，得善民爲輔翼，以公主下嫁南王，欲盡其心，公主雖往，不從父志，厥後北王攻諸洲島，多取之，然有牧伯，必洒斯恥，反辱北王，北王旋國入城，不久殞沒，歸於烏有，繼位者在樂郊，摧稅甚苛，無怒無鬪，不日殞亡，又繼位者，所行卑賤，不宜踐位，乃因時值承平，以詔諛而得國，大軍勁旅，及同盟之君，爲其所滅，若洪水之淹物，結約之後，彼行詭譎，其兵雖寡，亦能獲勝，膏腴之壤，爲彼所得，敢作敢爲，勝於祖父，旣得貨財，悉頒左右，設詭謀以得邑，歷時不久，豪氣勃發，大率軍旅，攻擊南王，南王率衆與之大戰，北王善運其謀，南王之戰不利，食其糈糧者，背之，軍旅四散，多被殺戮，二王各懷異志，筵宴之間，誑辭是尙，所謀不利，蓋末期未至，北王多得貨財而歸，欲爽聖約，所欲旣遂，乃返其國，屆期又至南方，不如初至，次至之遂欲，基底之舟攻之。

使之心憂敗北而歸，怒守聖約之人，與背聖約者互通音問，基底大興干戈，犯鞏固之聖所，去其日獻之祭品，置殘賊可惡之物於彼，爽約之人，被其詔媚，惟崇上帝者，猶爲剛強，民中哲士，將誨厥衆，恒遭鋒刃，火焰，其人被俘，其物見虜，遭難之時，少得扶助，從其教者，雖衆，然亦有詐僞之流，民中之哲者，將受患難，以試乎衆，使民潔白，至於所定之期，至彼國之王，惟所欲爲，自驕其志，藐視諸上帝，口出惡言，瀆諸上帝之上帝，所欲悉遂，迨上帝怒民之期已屆，所定之事，必有應焉，斯王不崇列祖之上帝，不許嫁娶，自爲超乎諸上帝，不復崇敬，惟敬護邑之上帝，雖列祖亦所不識，反獻金銀寶石珍珠焉，厥後以諸尊榮，崇敬異邦之上帝，扞護邑城，同敬之人，必使治衆，分土得利，末期既屆，南王將擊斯國之王，北王亦率其車馬，駕其艘船，若風驟至，如水泛濫，擾亂其邦，侵伐樂郊，覆亡衆國，惟以東，摩押，及亞捫，貴顯之臣，得免於難，後擊他國，而埃及不得免焉，埃及之金銀珍珠，以及寶物，悉爲北王所虜，呂彼亞古實之民，爲其侍從，聞東與北之信音，中心不安，盛怒而旋，悉殲其衆，二海之間，爰有聖山，尊榮無比，敵至，張宮帷於斯，後必殞亡，援手無人。

**第十三章** 斯時必有大難，自生民以來，越至於今，未之有也，大君米加勒，必將幅輿，扞衛爾民，凡名錄於冊者，必蒙拯救，長眠於地下者，其數甚衆，必甦而起，得永生者，有之，受永辱者，有之，有智慧具備，訓衆歸善者，必輝光若天，朗耀若星，永世弗替，爾但以理，謹祕斯書，鈐之以印，末期既屆，衆將察之，益其識見，我但以理，見旁立者，又有二人，河之左右各一，有問河濱泉衣者，曰：此數奇事，何時得驗，河濱泉衣者，舉左右手，向天指永生之主，誓曰：必歷一載，又逾二載，又半載，既散聖

民諸事咸應。我聞言、不明其旨、曰、我主歟、究其委當若何、曰、但以理往哉、斯言祕密、俱鈐以印、以俟末期之至、衆經諳鍊、以致潔白、智慧既得、自必昭然、惡者所行乖戾、終必不明、自去日所獻之祭品、置殘賊可惡之物於彼、必閱一千二百九十日、凡待至一千三百三十五日者、可蒙福祉、爾往哉、末期既屆、爾可安其故業焉。

何西書

猶大國烏西亞約坦亞哈士希西家相繼在位及以色列國約轄子耶羅破暗在位時耶和華諭別哩子何西耶和華首告何西曰斯土之民狗其私欲違逆乎我爾娶淫婦而生子人必被其子以惡名何西娶滴拉音女珂滅懷妊生子耶和華曰可命名斯烈昔耶戶殺人於耶斯烈我將報之於俄頃使以色列族國祚不長當日在耶斯烈谷我將折以色列族之弓婦再懷妊生女主曰可命名羅路哈馬羅路哈馬譯不加矜憫蓋我必棄以色列家不加矜憫我將矜憫猶大家非以弓刃戰鬪車騎救援乃以我能拯之婦爲其女斷乳再妊生子主曰可命名羅亞米羅亞米譯非我民蓋爾曹非我民我非爾上帝越至於後以色列族其數必如海沙不能斗量籌算也今我語人曰爾非我民異日將稱爲永生上帝衆子猶大族與以色列族將合一處簡立一長自異邦而歸耶斯烈受祐之日稱其日爲大日

爾小子當稱兄弟曰亞米稱姊妹曰路哈馬亞米譯即我民路哈馬譯即我民當告爾母彼非我妻我非其夫彼當去淫行勿爲男擁抱恐我去其衣若初生之日置之曠野地無勺水口渴而死我妻所出者皆私於人而生我不加愛此子之母狗欲所作之事言之甚醜彼曰我之所權予我飲食贈我泉綿饋我酒油我必從之故我圍以藩籬使不得出築以垣墉使不得踰彼欲從所權而不能遍索弗得遂曰我憶昔所權其贈余者多於今日故必歸之彼不知所得之五穀酒油金銀皆我所畀彼反獻於巴力故此酒穀膏油必奪之不供其用棉桌之衣必取之不容蔽體俾其所權咸知其

淫行，援手無人，彼之節期月朔，安息大會，以及歡樂之事，我必使之咸止，彼有葡萄樹，無花果，以爲所權投贈，我必奪之，俾獸吞嚙，變爲荒園，耶和華曰：越在曠昔，斯民焚香，奉事巴力，違逆乎我，譬彼婦女，以耳環金索，修飾自好，從其所權，故我必加以罰，厥後我勸迪斯民，導之於野，以善言慰藉，又給之以葡萄園，在亞割之谷，望故鄉而作謳歌，與肇邦之日，出自埃及，無異，耶和華曰：當斯之時，爾必以我爲夫，不以主稱我，爾素所稱爲主者，我必使爾頓忘其名，斯時我不使我有野獸飛鳥，昆蟲之害，亦不使斯邦有弓刃戰鬪之虞，民得安居，我必施仁義，矜恤爲懷，以聘爾衆，永以爲好，若聘妻室，言出惟行，俾知我乃耶和華，耶和華曰：斯時天祈我，我聽之地，所天聽之，穀酒與油，所地聽之，耶斯烈民，所穀酒與油，穀酒與油聽之，我必使斯民，居斯土，昔不矜恤，後必矜恤之，昔不稱之爲民，後必稱之爲我民，彼稱我爲上帝。

耶和華告我曰：維彼淫婦，從其所歡，爾眷愛之，以色列族，從事他上帝，所奉之酒，彼樂飲焉，余愛斯民，亦若是，我卽以金七兩有半，麩麥九石，贈於斯婦，告之曰：爾當恒與我居，不可行淫，勿從他人，我養贍爾，以色列族，無王公，無祭祀，無公服，不奉雕柱，不事偶像，後必歸誠，求其上帝，耶和華及其王大闢，迨至末日，寅畏耶和華，頌其仁慈。

以色列族，宜聽耶和華言，斯土之人，不識上帝，不言真實，不以矜憫爲懷，故耶和華將鞫斯民，彼妄發誓詞，專事誑言，淫人妻室，奪人貨財，殺戮人民，流血四境，故土地荒蕪，居民凋喪，野獸飛鳥，海魚，俱必滅亡，規諫無人，民逆祭司，晝時庶民殞沒，夕時先知偕亡，京都傾圮，民不知道。

以至滅亡。惟爾祭司，厭棄真理，故我棄爾，不爲祭司。爾既忘我法度，我不佑爾。後人祭司愈多，愈犯罪愆，故我將使其榮爲辱。我民犯罪，獻贖罪之祭，祭司食犧牲，反行惡事，從心所欲，故我必罰之。祭司庶民，不復置辨，俱降以災。彼不崇我耶和華，過飽則臟腑傷，過淫則生育寡。淫行酒醴，喪人心術。我民縱欲，棄我上帝，厥心昏昧，問偶像，卜以籤，望其應對。彼獻祭於山巔岡巒，見椽櫟楊柳，枝葉垂蔭，焚香於下，故女不貞，妻不節。彼與淫婦同獻祭祀，故其妻女，雖不節不貞，亦不降罰。無道之民，終必淪亡。以色列族縱欲行淫，猶大族勿效其尤，勿詣吉甲，勿至伯亞文。否則猶謂崇敬我耶和華可乎。以色列族若倔強之牛，退縮不前，我耶和華必放之曠野，若無牧之羔，以法蓮族專事偶像，我姑聽之。彼縱飲無度，恒作淫行，民牧所好，可醜之事，狂風擊其四境，俾知所獻之祭品，適足增羞。

**第五十五章** 祭司與以色列族及王宗室，羣聽我言，爾設坎阱於密士巴，張網羅於大泊山，故我必罰爾。爾肆行殺戮，罪戾尤深，必加譴責。以法蓮以色列所行，我已灼知，豈容稍隱。以法蓮行淫，以色列污穢，不壹志歸我，惟徇私欲，不識我耶和華。以色列族驕侈，惡迹已彰，必與以法蓮偕亡。猶大族亦必與之俱喪。彼牽牛羊，求我耶和華，我退棄之，求而不得。彼違逆乎我，狎妓生子，待屆月朔，彼及所有，俱必淪亡。在其庇亞喇馬當吹角，在伯亞文號呼，當告便雅憫族敵將追襲。患難之日，以法蓮地必變荒蕪，我以將來之事，示以色列支派。猶大牧伯，與遷徙界址者無異，故我必降災。若水浩浩，以法蓮樂從不義之命，故爲人虐取，遭人強暴，我必使以法蓮漸亡，如衣之被蠹，使猶

大家殘蝕如木之已朽。以法蓮猶大知被毀傷，則以法蓮遣人至亞述，求救於敵國之王，而不能療其疾。我必若獅臨以法蓮，若稚獅至猶大，斷傷百物而去之，亦取所得，援手無人。我必棄斯民，而歸我所，迨其自陳己罪，求沾我恩，窘迫之際，竭力求予。

彼必曰：耶和華既戕我，必醫痊我，既擊我，必彌縫我，莫若歸之。二三日之後，彼將甦我，使我復興，與之偕生。我必黽勉以從耶和華之道，彼之祐我，若晨光之朗耀，若春雨之潤澤。主曰：以法蓮猶大，我將何如視爾，爾之敬虔，有若朝雲，立見其散，有若晨露，立見其晞，故我使先知傳命，必加殺戮，我必降災，若光閃爍，我欲矜恤，不欲祭祀，寧崇我道，毋獻燔祭，彼爽約若亞當，居處斯土，違逆乎我，在基列遍境，惡事是作，殺戮是爲，衆祭司如羣盜，伏於示劍之途，肆行殺戮，行淫不悛，在以色列家所行奇惡，我見之矣，以法蓮行淫，以色列污穢，我欲使民恢復舊業，而不得，不降災於猶大。

主曰：我欲醫以色列族，斯時也，以法蓮撒馬利亞罪惡彰明，彼詭詐攘奪，羣盜自外侵伐，夫我念其惡行，彼之中心，昧然弗覺也，彼之所爲，我鑒察之，不能遁於我前，彼行詭詐，違逆乎余，王公欣喜，衆人慾念大熾，如炊麵之器，爲膳夫炙熱，麵團酵發，毋庸復多。我王誕辰，百官飲酒逾量，遂至疾病，王喜與侮慢者爲伍，百官設伏害人，心熱若炊餅之器，終夜蓄怒，至於清晨，憤氣勃發，如火炎炎，庶民心熱，若炊麵之器，牧伯見燬，數王殞亡，其中無人顧我，以法蓮族散於列邦，以法蓮譬諸炊餅，不反必致焦灼，彼與異邦人爭競，已竭其力，而彼不自覺，首髮斑白，而彼不自知。

以色列族驕侈日甚，惡迹昭彰，竟不歸誠我耶和華，不求恩寵，以法蓮族無知，蠢然若鴿，或呼埃及人，或就亞述人，望其扶持。斯時我將張網陷之，有若飛鳥，必加譴責。應我前言，彼遺棄我，違逆我，禍必不遠。我欲救之，彼反挾詐，彼當寢之際，籲呼於我，中心不誠，和會之時，祈求酒穀，違逆乎我。我無論責之助之，彼終叛余，彼所歸誠者，非至上之主，如弦絕弓反，口出妄言，諸牧伯亡於鋒刃，爲埃及人嘲笑。

**第四章** 又曰：民爽我約，于我律例，爾當吹角告衆，敵王將至，如鷹速飛，攻我耶和華殿。斯時也，以色列族籲余曰：我之上帝，我儕尊崇爾，然以色列族棄善，必爲敵人追襲，彼所簡之王，所立之牧，非我所悅，以金銀作偶像，必爲我所殄絕。撒馬利亞人拜犢像，作可惡之事，我深痛疾，爾不向善，伊於何底，作斯犢像者，以色列之工人也，彼非上帝，故必見毀，彼所播者風，所穫者颶風，其所植者，不秀不實，卽其有秋，必爲異邦人所食，以色列國必見殲滅，其民必流離於異邦，譬諸器皿，不爲人所娛玩。昔以法蓮往亞述，以金贈於所歡，猶之野驢，欲求其牡，彼雖饋金於異邦，我必使異邦人聚其族而困之，俾服役於王公，暫懷憂戚，以法蓮多築祭壇，獲罪於我，自取其戾，我之經綸載於律例，以指示之，彼反以爲無與於己，所當獻者，彼獻於我，自食其胙，我耶和華不以爲悅，必念其惡，而降以罰，彼將求援於埃及，以色列族蔑視造化之主，自建殿宇，猶大族益築城垣，我將焚其城，燬其殿焉。

**第五章** 先知曰：以色列族毋庸欣喜，同於異邦人，蓋爾曹狗欲違逆上帝，在彼穀場，望人投贈，穀



場酒醱，不得果腹，所釀不遂，所欲耶和華之地，不容爾居，以法蓮必往埃及，在亞述食不潔之物，不許爾灌奠，奉事耶和華，如行灌奠，不蒙悅納，所獻祭品，視若喪家之物，凡食之者，俱蒙不潔，所得糈糧，僅足一己之用，故無餘獻耶和華之殿，大會之日，當奉事耶和華，斯時爾將何如，斯民遠往，以避災害，瘞其尸者，埃及人葬其骨者，摩弗人，昔以金置田廬，藉以娛目，迄今草萊蔓延，荆棘叢生，降災罰惡，其日已屆，以色列族必知之，因犯罪惡，蓄怨不已，故彼冒爲先知，佯託感神，卒見愚蠢，而發狂疾，以法蓮他求應援，不恃我上帝，彼僞先知，備設羅網，專陷齊民，居於他上帝殿，蓄怨不已，昔在其庇亞民，犯罪戾，今陷惡尤深，主念其罪，必降以罰，上帝曰：昔我得以色列族，如曠野遇葡萄，視爾列祖，如初熟之無花果，然彼往巴力比耳，崇拜可惡之物，我於是痛絕之，與所崇之物無異，以法蓮人不懷妊，不生產，榮光將失，若鳥速飛，如有生育，我必使之短折，不得成人，我遐棄斯民，禍必不遠，以法蓮若推羅，居於佳境，所生之子，必爲人所殺，先知曰：耶和華將何以處之，必使之胎不生，子乳不哺，兒耶和華曰：彼在吉甲，所作不端，爲我深憾，因其惡行，牧伯違命，我將驅之於我室，不加眷顧，以法蓮族遭難，其根已槁，不復結果，雖產愛子，我將殄絕，彼不聽余，故我棄之，使之流離於異域。

先知曰：以色列族若葡萄樹，枝葉萋萋，果實纍纍，結果愈繁，築壇愈多，田疇益肥美，偶像益壯麗，以色列族咸懷二心，必遭重罰，傾其祭壇，毀其偶像，民曰：不畏耶和華，故無君上，如有王公，其奈我何，先知曰：斯民立約，誑辭是尙，故災害必降，譬諸茵陳，生於田疇，撒馬利亞人在，伯亞

文奉事懷像，彩色剝落，祭司戰慄，庶民殷憂，懷像必遷於亞述，獻於敵王，以法蓮必受凌辱，以色列思昔所謀，含羞抱愧，撒馬利亞王將遭殲滅，若片木浮於水上，亞文有崇丘，以色列族陟之，以犯罪愆，故斯邱必荒蕪，荆棘叢生於祭壇，崇事之人將對山曰：「壓余，對陵曰：「掩余。」耶和華曰：「昔在其庇亞，以色列族犯罪，至於今，若出一轍，余將降災於惡人，其庇亞之民豈能追罰，故我必加譴責，使異邦人和會爲犯二罪，虜之以去，以法蓮若馴伏之犢，善於碾穀，其項甚美，置軛於上，使以法蓮曳車，猶大耕耘，雅各鋤地，宜種仁義，則獲恩寵，開墾土壤，斯時當求耶和華，望彼誨爾以仁義，爾昔所耕者罪惡，今所穫者過失，爾素詐詭，自伐其能，恃其壯士，今取其戾，爾民必叛，毀爾城邑，昔殺慢與伯亞比勒戰，毀其城垣，使母與嬰孩相粹而死，爾城見毀亦若是，爾在伯特利多行不義，主必使爾敗北，以色列王忽致殞亡。

以色列族孩提之時，我已愛之，視之若子，召之出埃及，迄今召之愈殷，背之愈甚，獻祭於巴力，焚香於偶像，以法蓮譬諸赤子，我扶之翼之，漸能步履，撫字倍至，而彼不知，我以仁愛爲繩，繫爾導爾，弛爾重軛，益爾精糧，彼乃不歸誠於我，故我使之不得往埃及，而爲亞述所統轄，彼謀不軌，城邑必破於鋒刃，牧伯必遭乎翦滅，我民心偏專，背我旨，先知呼民歸我至上之主，崇我者迄無一人，以法蓮乎，我安忍舍爾，以色列乎，我焉肯棄爾，豈能視爾若押馬，敗爾若西編，我回厥志，慈愛之念，頓發於中，我不憤怒降災，不滅以法蓮，我乃上帝，非若世人，我至聖之主，駐蹕於爾中，我不怒爾，我耶和華，喑鳴叱咤，威若猛獅，我民疾趨，自西而至，歸誠乎我，彼將疾趨，至自埃及。

及如鳥之翔，來自亞述，若鴿之飛，俾居厥所。我耶和華已言之矣。我至聖之主，誠懇是懷，以法蓮以色列事，余中藏詐偽，猶大族歸我，常有貳心。

以法蓮族詭詐暴虐，日甚一日，與亞述人結約，貢油於埃及，猶之餐風而追東風。耶和華將鞫猶大族，視雅各所爲，降彼以罰。昔雅各執兄踵而出胎，既有能力，得志於上帝，得志於天，使涕泣以求恩，後在伯特利遇上帝，與之言，萬物之上帝，厥名耶和華，歷世爲誌。爾當仁義是行，矜憫爲懷，歸誠上帝，恒求不已，以法蓮爲商賈，權衡不公，虐取人財爲悅，自稱富有，以爲所得之貨財，由於勤勞，未嘗蹈於罪戾。我耶和華爾之上帝，昔導爾出埃及，後必使爾居帷幕，與大會之日無異。我豐顯異象，屢使先知罕譬而喻，以告斯民。斯民在基列，犯罪愆，尙虛妄，在吉甲獻祭牛，在隴畝築祭壇，多若邱壘。昔雅各以色列遁於亞蘭，供其服役，以牧羣畜，而後有室。後我耶和華使先知導以色列族出埃及，扞護斯民，然以法蓮所爲，深可痛疾，于主震怒，故主不宥其殺人之罪，所作醜行，必取罪戾。

昔以色列族中，惟以法蓮爲最著，出一言而衆懾，後崇巴力，蹈愆尤，大權旁落，今爲惡益甚。匠人以巧捷之技，鎔銀鑄像，祭司命衆，敬彼憤像，接吻以爲禮，故彼必若朝雲，立見其散。又若晨露，立見其晞。若穀場之糠，爲颶風飄揚，猶之炊烟，騰於曠外。昔斯民出自埃及，我耶和華爲爾上帝，我外無他救主。爾當勿崇他上帝，昔在曠野無水之地，我垂顧爾，我養斯民，使得果腹，遂驕其志，忘我弗顧，故我遇斯民，若獅若豹，伏視眈眈，我必蒞臨，若喪子之熊，我必毀其胞絡，若牝

獅吞噬其肉，若野獸斷傷其體。以色列族乎，爾自取戾，惟望可得救。昔爾求我，欲得王公，護爾城邑。今爾王安在，士師安在，爾國之王我怒而立之，復怒而廢之。以法蓮之罪，我心誌之，無時或忘。彼必艱辛，譬彼產婦，分娩甚難，譬彼嬰孩，濡滯於子宮之間，不知其危。我將援之於陰府，脫之於死亡，消死亡之害，免陰府之災，不易此志。以法蓮雖在昆弟之中，最爲昌熾，我耶和華必使東風來自曠野，使其泉源立涸。彼之寶器，盡爲敵虜，撒馬利亞人獲罪於上帝，故必荒蕪，亡於鋒刃。其嬰孩將相摔而死，其孕婦必刳剔而亡。

以色列族因蹈愆尤，遂致殞沒，當歸誠爾之上帝耶和華。願告之曰：請宥我愆，加以恩寵。口爲頌祝，以代牲牷。我不求救於亞述，不恃驍騎，不稱所作之像爲我上帝。無父之子，惟爾矜憫。主曰：斯民也，雖背逆余，心猶愛之，必息我怒，而醫其疾。我將潤澤以色列，若降以甘露，使彼結蕊如百合花，其根蟠曲，若利巴嫩樹，枝葉萋萋，美若橄欖，其氣芬芳。若利巴嫩木，爲我庇蔭者，必生芽，如五穀，萌蘖如葡萄，聲名藉藉。如利巴嫩之酒，以法蓮族與偶像何涉，我垂念之，使之扶疏。若松賴我而結實，誰有智慧，可悉其情，孰具聰明，可知其道。耶和華之途，無不正義，人履之，罪人蹶焉。

舊約聖書

何西書

第十四章

八百六十二

約耳書

比都耳子約耳得耶和華默示曰：長老居民向其聽之哉。我將有言，乃爾父及今所未聞也。當告若子若孫歷代毋忘。維彼蝗蟲食爾禾稼，其食餘次至者食之，有餘三至者食之，又有餘四至者食之。釀酒無資，既醉者醒而哭泣，欲飲者哀號不已。異族犯境，強而且衆，不可勝數。其齒若牡獅，其牙若牝獅，折我葡萄樹，剝我無花果，去皮現質，委而棄之。爾當哀哭，若女未笄而字人，夫沒，身衣衰絰，禮物灌奠，不獻於耶和華殿。維彼祭司，在耶和華前供其役事者，不勝號泣。田畝荒蕪，邦國號呼，五穀已盡，酒釀已罄，膏油已匱，土產已絕。麩麥小麥歸於烏有，農夫含羞，場師抱媿，葡萄之樹全枯，無花果樹憔悴，石榴棗樹，蘋果林木，無不凋零。民間歡樂變爲憂戚，禮物灌奠不入上帝殿。故祭司當衣衰絰，供役祭壇者當號泣，奉事我上帝者，入室衣麻，永夕不解，使人禁食，必守大會，集長老居民，入爾上帝耶和華之殿，呼籲耶和華，嗚呼哀哉。耶和華降災，其日伊邇，全能之主殲滅是邦。維我億兆，糈糧已絕，上帝殿中歡樂已止，種播土壤，枯而不萌，五穀不登，倉廩空虛，遂至損壞。六畜無苑，宛轉哀鳴，羣羊皆斃，火燬牧場，林木皆焚，我無所望。惟願耶和華，溪河其涸，牧場盡燬，野獸仰望於上。

耶和華之日伊邇，在彼郇邑，爲我聖山吹角甚厲，使民震動。是日晦冥，幽深玄遠，異族將至，既強且衆，有若黎明，豁然開朗，自古迄今，至於後世，未有若是之甚。其所至者前後若火，炎炎不已。未來之前，斯土與埃田相埒，既去之後，邦國變爲曠野，得免於難者，卒無一人。其狀若馬疾。

行若騎，若車轟轟，震越山巔，若火焚稈，燁爆有聲，譬彼勁敵，列陳以戰，人見其將至，悚惶變色，維彼羣衆疾行，若雄師攀城，若勇士成列而前，不先行伍，不相擁擠，各行直徑，雖蹈鋒刃，亦不受傷，邑中馳驟，攀垣登屋，能入窗牖，猶之盜賊，其來之時，天地震動，日月晦冥，星辰無光，耶和華出令，有衆稟命，營壘甚廣，軍威甚壯，耶和華降災之日，甚爲可畏，孰能禦之，耶和華曰：爾當一心歸誠乎我，禁食，號哭，悲哀，當裂肺肝，毋裂衣服，歸誠爾之上帝耶和華，我以仁慈爲念，矜憫爲懷，恒忍靡已，施恩格外，所言降災之事，必能中止，望我回厥志，昇以純嘏，則爾得以禮物灌奠，獻於我耶和華，吹角號令，郇邑，使人禁食，以守大會，和會斯民，自老及幼，至於乳哺之子，卽新娶者與新婦，亦當出室，祭司在耶和華前，供厥役事，當於廡下祭壇間，潛然出涕，曰：耶和華歟，斯民也，本屬乎爾，求爾寬宥，不致蒙羞，爲異邦人所統轄，異邦人凌侮之，曰：爾之上帝安在，亦奚以爲，耶和華必爲斯土熱中，矜憫其民，應其所祈，曰：我將施爾以穀酒，異爾以膏油，使爾果腹，不復爲異邦人凌辱，敵人至自北方，妄自尊大，其前茅則向東海，其後勁則向西海，我必掃除之，驅逐於曠野，使其臭氣流布，腥聞於上，我民勿畏，欣喜懽懽，我耶和華大展作爲，六畜毋懼，維彼牧場，庶草萌芽，維彼叢林，百木森森，無花果葡萄樹，結實纍纍，郇邑之民，賴爾之上帝耶和華，欣喜懽懽，春雨秋霖，無不時若，同於前日，我使之然，穀場之小麥，旣豐且盈，巨盎之酒油，旣多且溢，昔我降飛蝗若大軍，凡有四隊，土之所產，食之務盡，厥後我必以豐年賜爾，爾食而果腹，見我經綸，神妙莫測，必頌美我耶和華上帝，蓋我民永不抱愧，俾爾知我乃爾之上帝耶和華，其外無他，駐蹕於以色列族。

中我民永不抱媿。末日我將以我神賦萬人，俾爾子女言未來事。幼者見異象，老者兆於夢。當日我將以我神賦於僕婢。我將示奇事於天上地下，若血若火，若烟日變，晦冥，月爲血色。我耶和華顯赫之日隨至，凡願我名者必得救在郇山及耶路撒冷。我所召之遺民必得救援。我耶和華已言之矣。

當斯時也，我將返猶大耶路撒冷之俘囚，亦必和集萬邦，至約沙法谷而降以罰，因其驅逐我以色列之民，散於四方，分我土地以予衆。彼掣籤得我之民，以童易妓，以女易酒。爾推羅西頓與非利士四境，與我何與。爾豈欲禦我乎，如爾禦我。我必速禦爾，報爾所爲。爾劫我金銀，奪我珍器，入爾宮殿，以猶大及耶路撒冷人，鬻於雅番族，遷至遠方。爾雖鬻之於遠方，我必使之旋歸。報爾所爲，以爾子女，鬻於猶大，復鬻於示巴遠方之民。我耶和華已言之矣。當告異邦之人曰：興干戈，募猛士，使武夫麤至，以犁爲刀，以鎌爲戈。弱者自強，異邦之人無不和會。其至甚速。耶和華之武士亦必蒞臨，異邦人當儆醒。至約沙法谷，在彼我坐堂皇，以鞠億兆，百穀已熟，當刈以鎌。酒醱已盈，巨盎將溢，當踐以足。民之罪惡亦若是。衆集於谷，以受刑罰。我耶和華亦至斯谷，降災於衆。其日伊邇日月晦冥，星辰無光。在彼郇山及耶路撒冷，我耶和華傳命，其聲叱咤，天地震動。維彼選民，以以色列族，我輔助之，爲其棲身之所。俾知我乃耶和華，駐蹕於郇之聖山。是時耶路撒冷必爲聖邑，異邦人不復侵伐。當斯時也，山出甘醴，嶺流乳酪。猶大百川，水流不息，維彼泉源，湧於我殿，灌溉失亭之谷，昔埃及以東之民，虐遇猶大族，在猶大地殺戮無辜，故二國必荒蕪變爲曠



野<sup>、</sup>惟猶大及耶路撒冷有民居處、永世弗替、維爾敵人始我未嘗降罰、後必討其罪、蓋我耶和華駐蹕於郇邑。

亞麼士書

第壹章 猶大王烏西亞、以色列王約轄子耶羅破暗時地震、前二年、提哥亞衆牧中、有亞麼士得默示、言以色列民之事、曰、在彼郇邑、耶路撒冷、耶和華降命、其聲叱咤、牧場寂寞、加密山巔荒蕪、耶和華曰、大馬色人犯罪、至三至四、更以鐵器擊基列民人、故我必罰其罪、火焚哈泄家、燬便哈達之宮殿、又曰、我將破大馬色之關、誅必甲亞文之居民、戮伯埃田之執政、遷亞蘭人於吉地、耶和華又曰、迦薩人犯罪、至三至四、且虜民甚衆、繫於以東、我必罰其罪、火焚迦薩城垣、燬其宮殿、又曰、我必滅亞實突之居民、絕亞實基倫之執政、降罰於以革倫、使非利士人淪胥以亡、耶和華又曰、推羅犯罪、至三至四、更以俘囚繫於以東、不念舊約、以修和好、故我必罰其罪、火焚推羅城垣、燬其宮殿、耶和華又曰、以東犯罪、至三至四、更逐兄弟、擊之以刃、絕無矜憫、挾怨傷人、藏怒不已、故我必罰其罪、火焚提幔、燬波斯喇之殿、耶和華又曰、亞捫犯罪、至三至四、更劊剔基列之孕婦、恢廓土壤、故我必罰其罪、火焚喇巴城垣、燬其宮殿、戰鬪之日、大聲疾呼、勢若狂飈驟起、君王見虜、牧伯爲俘、我耶和華已言之矣。

第貳章 耶和華又曰、摩押犯罪、至三至四、更焚以東王之骸骨、有若煮灰、故我必罰其罪、火焚摩押、燬加畧宮殿、敵人吹角鼓譟、呼摩押人淪胥以亡、摩押之牧伯士師必見殲滅、我耶和華已言之矣、耶和華又曰、猶大犯罪、至三至四、更藐視我法度、不守我禮儀、其祖奉事虛僞、彼亦昏迷於道、故我必罰其罪、火焚猶大、燬耶路撒冷宮殿、耶和華又曰、以色列犯罪、至三至四、更繫義人

以得金，以貧者易履，故我必罰其罪。貧者蒙灰，彼猶貪得之人，已遭困乏，更使迷途，父子聚麀，瀆我聖名，彼取人之衣爲質，陳於祭壇之前，偃臥於上，彼罰人供酒，飲於其上，帝殿昔彼未至斯土，亞摩哩人居之，高若柏香木，強爲椽樹，我剝其果，絕其根，盡歸殲滅，我亦導斯民自埃及曠野，凡四十年，使得亞摩哩人之地。耶和華又曰：以色列族乎，我在爾庶民間，簡人爲先知，在爾幼稚中，選人以離世故，是事豈不有諸爾，使離世故者飲酒，使爲先知者，不播訓言，我必壓爾躬，若滿載之車，壓物疾趨者，不得避難，強勁者其力廢弛，有能者不能自救，執弓者不能禦敵，捷足者不得免禍，乘馬者不得救援，當是日，壯士之中，勇敢特稱者，必裸而逃，我耶和華已言之矣。

以色列族乎，我耶和華昔導爾出埃及，今乃責爾，爾其聽之，天下億兆，我惟爾是顧，故爾犯罪，我必加刑，二人不和，豈可偕行，未曾攫物，牡獅豈得吼於林，稚獅豈得應於洞，地上不設機檻，飛鳥豈能自陷，鳥未被陷，機豈得發，邑中吹角，民豈得不懼，邑中有禍，豈非我耶和華使之然乎，主耶和華所作，必啟示其僕先知，牡獅咆哮，誰不惶悚，耶和華傳命，敢不宣布之乎，耶和華曰：當在亞實突殿宇之內，埃及宮闕之中，告人曰：宜和會於撒馬利亞山，見其大亂，所行暴虐，不秉公義，強奪財貨，藏之於宮，故主耶和華曰：必有敵人，環攻斯土，破爾城垣，毀爾宮殿，耶和華又曰：譬彼牧童，脫羊二足一耳，出於獅口，以色列族居撒馬利亞及大馬色，若偃臥於牀隅，必蒙救援，亦若是，萬有之主耶和華，上帝曰：宜聽斯言，告彼雅各家，我罰以色列族時，亦必降災於伯特利祭壇，斷其四角，毀之於地，涼室溫宮，俱必傾圮，象牙之宅，崇峻之第，俱歸烏有，我耶和華已言之。

矣。

**第四章** 爾居撒馬利亞山，若巴山之牛，虐遇貧窮，挾制困乏，索酒縱飲者，今聽我言，耶和華至聖之主，指己而誓云，將來敵必以鈎取爾，以魚鈎取爾之子，驅爾於宮闕，爾由城竄而逃，向前逾徑，我耶和華已言之矣。耶和華曰，以色列族爾往伯特利常干罪戾，在吉甲屢蹈愆尤，仍獻日祭，三年一次，十分取一，獻酬恩之祭與醇樂輸之物，炫示於眾，蓋爾以此爲悅。耶和華又曰，我使爾邑中糶糧匱乏，齒間絕食，爾尙不歸誠於我。耶和華又曰，秋前三月，我不降雨，惟雨一邑，他邑不雨，惟潤一田，他田不潤，遂致荒蕪，二三邑之民，遊至此邑，思欲飲水，不遂所求，爾尙不歸誠於我。耶和華又曰，我使風暴五穀，細弱特甚，爾圃中之菜，園中之葡萄，無花果，橄欖樹，爲蝗蟲食盡，爾尙不歸誠於我。耶和華又曰，我使瘟疫傳染遍境，與埃及無異，殺爾丁男，擄爾馬匹，爾之營壘，腥羶撲鼻，爾尙不歸誠於我。耶和華又曰，昔我上帝傾圮所多馬蛾摩拉，爾中數人，亦遭隕越，其餘得救，如脫於火，爾尙不歸誠於我，故我必降爾以罰，以色列族乎，爾之上帝將臨汝，必預爲備，思何以當之。昔我造山作風，使晝往夜來，陟諸崇坵，推測人意，萬有之主耶和華，我名也。

**第五章** 先知曰，以色列族乎，我爲爾作哀歌，尙其聽之哉，以色列族之處女，一蹶不能復起，仆於斯土，無人扶翼。主耶和華曰，以色列邑民，昔出卒千人，今不過百人，昔出卒百人，今不過十人。耶和華告以色列族云，求我則得生，毋求伯特利，毋往吉甲，毋至別示巴，蓋吉甲人必見遷移，伯特利必歸烏有，惟求我耶和華則可得生，否，我必蒞臨約瑟家，如火炎炎，焚燬四境，凡在伯特利者，

不得撲滅，爾不秉公，不行義，反使人茹荼飲酢。今當求我，我造昴參諸宿，變陰翳爲光明，轉白晝爲昏夜，使海水泛濫於地。我名耶和華，我翦滅有能之輩，毀其城垣，若光激射，凡在公庭，正言讜論，督責人者，爲人所憾，爾蹂躪貧乏，橫征麥稅，雖以彫石建廣廈，不得居其中，雖以葡萄栽嘉園，不得飲其酒。我知爾罪戾繁多，愆尤滋大，困逼義人，而受賄賂，在彼公庭，枉法害貧，斯時遭難，智者緘口，爾當遷善避惡，則可得生。萬有之主耶和華，祐爾，以應爾所言，惡惡好善，在彼公庭，秉諸公義，庶幾萬有之主耶和華，矜憫約瑟之遺民。萬有之主耶和華，上帝曰：在達衢，人必椎心，在陋巷，人必哀呼，使農夫哭泣，使善作哀歌者椎心，蓋我遍行通國，使在葡萄園中，無不哀哭。我耶和華，已言之矣。我耶和華之日，其象若何幽暗無光，爾曹欲其速至，禍不遠矣。譬諸人避獅而遇熊，入室附壁，爲蛇所噬。耶和華之日，豈能陰翳，絕少光明，幽深玄遠，臺不明徹，爾設節期，我所深憾，爾立大會，我甚不悅，雖獻燔祭禮物，我不悅納，雖供肥犢爲酬恩之祭，我不眷顧，謳歌之聲，徹於我前，琴瑟之音，我不欲聞，官行公平，有如川流，當爲仁義，溥若淵泉。以色列族乎，爾在曠野，凡歷四十年，非以牲牲祭品，奉獻於我哉，何爾又肩摩落之龕，作基文之像，爾上帝之星，而崇拜之乎，我將徙爾於大馬色外，我萬有之主耶和華，已言之矣。

以色列國雄長列邦，其中有名之人，爲民所歸，然在郇邑，耽於逸樂，在撒馬利亞山，宴然居處，其禍必不遠矣。可往甲尼，至哈末大邑，又至非利士人迦特，徧加巡察，豈有他國較此國尤尊榮，豈有他境較爾境尤延袤，居位之人，所行暴虐，以爲報應之理，甚屬茫昧，寢於象牙之榻，臥

於棲息之牀，羔則取之於羣，犢則執之於牢，供其饜飮，彈琴作歌，製樂器，一如大闢，以最巨之孟，盛酒醴，以至貴之油，膏肌膚，於約瑟之難，毫不矜憫，其禍必不遠矣。寢於牀第者，不聞權呼之聲，必先他人，徙於遠方。耶和華指己誓曰：我耶和華，爲萬有之主，維彼雅各，我深疾其顯榮，不悅其殿宇，將退棄斯邑，以及居民，如一宅之中，猶留十人，亦必死亡，親戚取其尸骸，而焚以火，間室中之人，尙有人與爾共處否？若曰否，必曰爾當緘口，勿稱耶和華名，蓋耶和華曾言必毀其室家，巨細不分，磐巖之上，豈可使馬馳驟，使牛耕耘乎？聽訟之所，當秉公義，惟爾使人茹茶飲酖，爾以虛浮之事，妄自誇詡，自謂力猛，足以勝人，我萬有之主耶和華，必使他國勃然興起，爲爾以色列族之敵，自哈末之道，至曠野之河，使爾困苦難堪焉。

爾民間藹藹，爲王所刈，後復萌芽，斯時也，主耶和華以一事示予，草甫萌芽，而蝗蟲生，主使之然，蝗噬草既盡，我曰：主耶和華歟，祈爾寬宥，雅各衰微，能久存乎？耶和華乃回厥志曰：此災可免。耶和華復以一事示予，以火罰民，深淵悉涸，所得之地，成焦土焉。我曰：主耶和華歟，祈爾中止，雅各衰微，能久存乎？耶和華乃回厥志曰：此災可免。復以一事示予，爰有牆垣，循準繩而建，築主執準繩，立於其上。耶和華謂我曰：亞麼士爾，觀何物？對曰：準繩。曰：我不復宥以色列族，必絜以準繩，削之務盡，以撒之崇丘，必傾圮，以色列之聖所，必荒蕪，我將以刃擊耶羅破暗家。伯特利之祭司亞馬謝，遣人至以色列王耶羅破暗曰：亞麼士在以色列族中謀叛，播散流言，國將不堪，蓋亞麼士常言耶羅破暗必死於刃，以色列族必遷於他方。亞馬謝告亞麼士曰：先見者歟，宜遁於猶

大在彼可得餬口、宣播言詞、毋在伯特利播言、此處王之聖所、宮闕在焉、亞麼士曰、我非先知、亦非先知之子、我乃牧羊、摘桑甚者、我守羣畜、耶和華選我、告我曰、當播言於我民、以色列族中、今耶和華有言、爾其聽哉、我宣訓言、告誠以色列族、以撒家、而爾禁止、故耶和華曰、爾妻將爲妓於城中、爾之子女蹈刃而亡、爾之田畝、以繩量度、分於衆人、爾身必死於汚俗、以色列族亦被遷於遠方。

耶和華又以事示子、夏時之果、盛之於筐、問曰、亞麼士、爾觀何物、曰、一筐盛以夏果、耶和華曰、我民以色列族、末期已屆、不復加以寬宥、主耶和華又曰、降災之日、謳歌於宮闈者、無不號呼、尸骸枕藉、隨在棄擲、人絨厥口、貧者所有、爾尙貪之、使窮乏之民、俱就淪亡、今聽我言、爾常言、月朔安息日、何不速過、則可糶穀市麥、升斗則欲其小、權衡則欲其重、以是欺人、以金市窮民、以履易貧者、以朽穀繫於人、耶和華指雅各之顯榮而誓云、彼之所爲、我永弗忘、地必震動、民必哀號、土壤墳起、忽復下陷、若埃及之河、漲而復退、耶和華曰、當斯時也、我必於亭午、使日沉西、白晝晦冥、遍地不見、吉日變爲愁慘之時、謳歌變爲悲傷之語、各束以麻、各薙其髮、終日哀哭、若喪獨子、主耶和華又曰、時日將至、必使斯土之民、如饑如渴、非欲食餅飲水、乃慕耶和華之道、人必遨遊、自湖至海、自北至東、求我耶和華之道、而不能得、當是日、美女壯士、口舌煩渴、喪失其魂、撒馬利亞之民、奉事犢像、而犯罪愆、人反指之而誓曰、但之上帝永生、別示巴之上帝永生、故必殞亡、永不振興。

第九章 主立於壇側，我親之，聞其詞曰：擊柱頂，震門櫺，俱當損毀，壓於衆首，衆之子孫，我必加誅戮，逃匿者無人，得免者無人，雖入陰府，我必取之，雖升天堂，我將降之，雖匿於加密之巔，我將搜而出之，雖藏於大海之底，我必使蛇噬之，雖爲敵所擄，我必使刃殺之，我恆鑒察，爾惟加以災害，不加以福祉，我萬有之主耶和華，擊斯土之民，使之喪膽，哀哭不已，土壤墳起，若埃及之河，漲而復退，我作明宮於天，鑿幽谷於地，使海水泛濫於天下，厥名耶和華，耶和華又曰：以色列族乎，我豈不能待爾若古實人乎，昔我導以色列族出埃及，亦導非利士人自鶴託，導亞蘭人自吉地，耶和華又曰：斯民犯罪，我耶和華所目覩，必加翦滅，雅各之家，我滅之，猶有子遺，我必使以色列族散於列邦，若簸揚於篩，一粒之穀，不使隕落，閻閻之惡人，自謂禍不及己者，俱必亡於鋒刃，大關之宅，已傾圮矣，今而後，我將復起之，而彌其隙，復起其頽垣，而再建之，與昔無異，使以東之遺民，及奉我名之異邦人，俱歸我民，我耶和華言之必行之，耶和華曰：越至將來，人方穫稻之時，田疇已可耕矣，人方播種之期，葡萄已可踐矣，山出甘醴，嶺流新釀，我必反我民，以色列族之俘囚，傾圮之邑，復建而居之，栽葡萄園而飲其酒，治苑囿而食其果，我以斯土賜斯民，必使恆居，不撥其本，我耶和華，爾之上帝，已言之矣。



舊約聖書

亞麼士書

第九章

八百七十四

阿巴底書

阿巴底得主耶和華默示，言以東之事，曰：我聞耶和華言，遣使者至列邦，使彼咸起，與以東戰鬪。維爾以東，我使之卑微，在列邦中爲人所藐視，爾居山巖高險之地，心志倨傲，至於自迷，自謂無人能降爾爲卑。爾雖高飛，譬諸神鷹，結巢於星間，我耶和華必俾爾下墜，爾之遭禍，何其甚哉！如盜賊夜至，必鑿其所欲而後已，如摘葡萄，必有所遺，以掃族所藏者爲人遍索，與爾結盟者，遷爾出境，與爾和好者，施謀勝爾，與爾共食者，設機檻以陷爾，親之者弗智孰甚。耶和華曰：當斯時也，我必在以東，其邦賢人殲之殆盡，以掃族中必無哲士，提慢之壯士，不勝恐懼，以掃之居民，咸遭誅殛。昔雅各家與以掃族兄弟也，尙加以虐遇，故必抱愧淪胥以亡。當日爾立於旁，見異邦人虜其軍旅，入其邑門，爲耶路撒冷人掣籤，爾若與同謀，向爾昆弟猶大爲人薄待，爾奚可旁觀，彼幾櫻殺戮，爾奚可欣喜，彼備嘗困苦，爾奚可加以侮慢，我民邁難，所遭孔迫，爾奚可入其邑門，彼罹災害，爾奚可攘其貨財，如有免於難者，爾奚可立於險隘之區，絕其歸途，如有遺民，爾奚可因其艱難之日，付於敵手。耶和華督責列邦，其日伊邇，必視爾所爲，以加諸爾，爾所作之事，必報應於一身。昔猶大人居我聖山，而飲苦杯，列邦之人亦必羣飲，且飲且啜，歸於死亡。郇山聖地，遺民歸之，雅各家必復其舊業，雅各家必若火，約瑟家必若焰，以掃族必若稗，焚之務盡，以掃之家，靡有子遺。我耶和華已言之矣。南方之人，必得以掃山平原之民，將據非利士人地，亦得以法蓮，撒馬利亞，田疇，便雅憫人，將得基列，以色列族之俘囚，居於迦南地者，將得撒勒法，耶路撒冷之俘囚。

居於西法喇者、將得南方之邑、必有救者、在彼郇山、治理以掃山、國之鈞衡、則歸耶和華焉。

約拿書

耶和華諭亞米太子約拿曰：我鑒察尼尼微大邑，作惡已甚，爾往責之。約拿欲離耶和華駐蹕之所，避於大失，遂詣約帕，有舟將往大失，附之以行，而給舟子以值，離耶和華駐蹕之所。耶和華使大風驟起，海盪甚，舟幾溺，舟子恐懼，各求其上帝，盡棄所載以輕舟。約拿假寐於艙，船長就之曰：何爲酣睡，盍醒而起，禱爾之上帝，庶乎上帝眷顧我儕，以免死亡。舟人曰：莫若掣籤，觀我儕今日遭禍，伊誰之故，乃掣籤而取約拿。衆曰：我儕因何遭禍，明以告我，爾何國何民，自何至，作何事。曰：我希伯來人，素所敬畏者，天上之上帝耶和華，陸地滄海，皆其所造，今欲去耶和華駐蹕之所，逃避於外，衆聞言則懼，曰：何可去也。又曰：今海震盪愈甚，當若何待爾，則風浪可息。曰：取我身擲於海，則海之震盪立止，蓋我知緣我之故，爾遭颶風，衆力鼓櫂近岸，波濤洶湧，不得至，遂禱耶和華曰：耶和華隨意而作，勿爲斯人使我殞亡，如我擲之於海，勿視我若殺無辜，遂取約拿投之於海，海之震盪立卽恬靜，舟人由是甚畏耶和華，獻祭輸願，耶和華使巨魚吞約拿，約拿在魚腹，三日三夜。

約拿自魚腹中，禱其上帝耶和華曰：我遭患難，呼籲耶和華，蒙爾憶念，余自陰府號呼，望爾垂聽，爾擲我於深淵，海水環繞，波濤淹沒，予率爾吐詞，見絕於爾，然余猶望爾之聖殿，波濤淹余，深淵環余，海帶裹首，我下山基地穴陷余，永不得出，惟我之上帝耶和華，免我死亡，我喪膽時，追憶耶和華，禱告乎爾，望爾聖殿，凡賴虛僞者，棄厥恩主，惟我蒙耶和華救援，必獻酬恩之祭，輸

我所願。耶和華遂命巨魚吐約拿得登於岸。

耶和華復命約拿曰：往尼尼微大邑，以我所言告衆。約拿遵耶和華命，往尼尼微。夫尼微邑甚廣，城之四周，三日始徧。約拿入城，歷一日之程，呼曰：尼尼微邑，不過四十日，必傾圮矣。尼微人信上帝，使衆自尊逮卑，禁食衣麻。尼微王聞言下位，解衣衣麻，坐於塗炭。王與諸侯出諭，遍尼尼微邑曰：人與六畜牛羊，俱勿食糧，飲水，俱必衣麻。懇願上帝，衆當去惡，勿虐人民。庶幾上帝或回厥志，而息其怒，使我不亡。於是衆民咸去舊惡，上帝鑒察之，乃回厥志，災不果降。

約拿怒不悅，禱耶和華曰：我在故土，逆料有此，故遁於大失。我知爾仁慈之上帝，矜憫爲懷，恒忍不已，弗加災害。今求耶和華取我生命，願死勿生。耶和華曰：爾何怒之甚哉。約拿出邑，東向而坐，構廬居於蔭下，欲觀此邑。終必若何。耶和華上帝使蓖蔴叢生，高於約拿。庇蔭厥首，以解其憂。約拿得蓖蔴之蔭，意甚怡悅。詰旦昧爽，上帝使蟲嚙蓖蔴，遂至枯槁。日出時，上帝使風東來，其氣炎熇，日暴約拿之首，使之喪魂求死。曰：寧死不生。上帝謂約拿曰：爾因蓖蔴怒何烈歟。對曰：吾誠怒甚，至於求死。耶和華曰：此蓖蔴非爾種樹，非爾栽培，一日發生，一日憔悴，何與於汝。乃懷憂乎。况尼尼微大邑幼稚，不識左右者，不下十二萬，亦有羣畜，我能不宥之乎。

米迦書

猶大王約坦亞哈士希西家相繼在位時摩哩沙人米迦奉耶和華命言撒馬利亞耶路撒冷之事曰斯土衆民天下億兆宜聽斯言主耶和華自其聖殿督責斯衆主離其位降臨於地陟彼崇邱主臨格時峯巒頓失陵谷頓開如蠟消融如水就下此皆因雅各以色列犯罪而然雅各之愆尤何自豈非始於撒馬利亞乎猶大之崇丘何自豈非始於耶路撒冷乎故我必毀撒馬利亞其瓦礫堆砌田間無異葡萄園我必擲石於谷使其址基畢露所造之偶必見毀所鑄之像必見遷所贈之物必焚毀被獲珍寶若娼得人之投贈故後必爲娼所得先知曰我必哀哭解衣去履我必號呼若暴獸野犬敵至猶大耶路撒冷門其禍遍於我民其傷不得醫痊毋播言於迦特毋哭泣於亞哥惟在伯押拉坐於塗炭沙伯居民被虜裸體抱愧而去撒南人不出而輔翼伯以泄人不爲之哭泣馬律居民貨財見奪中心懷憂蓋耶和華降災於耶路撒冷門拉吉居民始誘郇民蹈於愆尤使以色列族犯罪故以健馬駕車而遁拉吉人與迦特之摩哩沙人絕和好若人出妻與以離書亞革悉家將欺以色列王馬哩沙人爾之城邑我使之爲人所得亞士蘭甲於以色列衆邑敵人亦必至焉猶大地乎爾之愛子爲人俘囚故當去爾髮童爾首與神鷹無異

第 三 章 斯民偃息在牀猶謀不軌迨至黎明凡力可以勝則無不爲其禍必不遠矣彼貪人田廬而強據之人與第宅及凡所有俱遭暴虐故耶和華曰我必圖維降罰於斯家爾身弗能免難不敢昂首以行當日人將爲爾作哀歌吟悲詞云我民之業爲他人有維彼敵人得我田疇我儕小

民淪胥以亡，在耶和華之會能用準繩，析土與民者，卒無一人，宣播訓言，爲人禁止，人不許余宣斯言者，以爲凌辱其民，吁哉，爾雅各之家，何出此言，耶和華之神，豈不甚盛，斯災豈耶和華所常行乎，爲義之人，必以我言爲有益，自古以來，我民之害，同於敵人，戰鬪而歸之士，自以爲安居無恐，不知我民將解其外服，去其裏衣，我民之婦，有美宅，爲爾所逐，我賜其子，以麗服，爲爾所褫，爾行穢濁，污穢斯土，故不得安居，當往他方，遭禍不淺，如人好僞，佯託感神，以清酒醇醪，誨人燕飲，則民樂以爲師，雅各全家，我使之齎至，以色列遺民，我使之和會，合之爲一，若破斯喇之羊，譬彼羣畜，咸集於牢，因其衆多，聲喧不已，關路者前往，民勝諸敵，出入邑門，厥主耶和華，導之以行。

我曰，雅各之長者，以色列族之士師，宜聽我言，聽訟之理，非爾所當知乎，惟爾惡善好惡，剝人之皮，剝人之肉，惟餘骨骸，爾去我民之皮，而噬其肉，折其骨，割之爲燴，投之鼎鑊，爾願耶和華而耶和華不復垂念，因爾妄作，棄爾如遺，彼僞先知，迷惑我民，供其食用者，則許以平康，缺其甘旨者，則與之戰鬪，故耶和華責之曰，爾必遭昏夜，不覩光明，不見異象，不能占驗，日必沉西，晝變晦冥，以罰僞先知焉，先見者抱愧，占卜者蒙羞，上帝不應爾祈，衆皆掩口，惟我感耶和華之神，得能力言公義，告誡雅各家，以色列族，俾自知其罪戾，雅各家之長者，以色列族之士師，疾仁義，反公平者，宜聽我言，爾曹行惡殺人，得其貨財，以建郇邑，及耶路撒冷，長者聽訟爲納苞，且祭司訓民，惟望賞賚，先知圖利，而言未來事，然衆恃耶和華，自謂耶和華左右，我必不遭災，故緣爾故，人將耕郇邑之地，盡成田疇，耶路撒冷，悉變瓦礫，斯殿之山，將爲林藪。

第四章 越至末期，耶和華殿宇之山，必超乎衆山之上，高出於層巒疊嶂間，異邦族類，無不來集，衆民曰：雅各之上帝，卽耶和華是，莫若登其山，入其殿，受其訓迪，遵從其道，蓋律例自郇城而出，耶和華之命自耶路撒冷而敷布，列國分爭，上帝平治之，使以刀爲犁，以戈爲鎌，不相攻伐，不尙武事，維彼庶民，咸於葡萄樹無花果下，受其庇蔭，震驚之者，迄無一人，萬有之主耶和華已言之矣。民曰：雖異邦之民，各從其上帝，而我儕必恒事我之上帝耶和華，弗敢少懈。耶和華曰：當是日，趨起者，我必招徠之，爲人驅逐，及受我譴責者，我必撫恤之，且於趨起者，更加以保全，仍爲遺民，爲人驅逐者，更使其國成爲強大，我耶和華將爲君於郇山，自此以後，永世弗替，惟爾郇邑之山，耶路撒冷之民，若守羊牢之戍樓，甲於衆邑，後必治理列邦，與昔無異，爾今何爲號呼，若婦將產，艱難勞苦，爾中豈無王公，爾之謀臣，豈盡殞亡，郇邑之民，果爲勞苦，若婦臨產，蓋爾將出邑居野，至於巴比倫，在彼我耶和華將救爾出於敵手，列邦之民和會，環攻乎爾，彼云願郇邑污穢，爲我目覩，惟彼列邦，不知我耶和華之意，不測我謀，後必爲我所集，譬諸禾稼，束於穀場，郇邑之民，當起而踐斯穀，我必使爾角若鐵，爾蹄若銅，彼之民人爲爾抵觸，而蹂躪之，以其財貨供事我天下之主耶和華。

第五章 三軍和集，環繞我邑，擊以色列族之士師，以杖撻其頰，惟爾伯利恒，以法大，在猶大郡中，雖爲卑微，然將有君於爾是出，代我牧以色列民，亘古以來卽有之，顯著者屢矣，主將委斯民於難，待妊婦已產，則君之同族餘民，將歸以色列地，斯君將與，恃其上帝耶和華之能力，威儀，以牧



斯民彼將爲大，至於地極。民亦恒存，斯君也。將錫我以平康。時值亞述人侵伐我地，蹂躪我殿，牧伯傳膏者將興，不以七人八人爲限，以攻擊之。亞述人侵伐我地，蹂躪我境，彼必以鋒刃攻亞述之國。寧綠之境，以免我民於患難。雅各遺民，將潤澤列邦，如耶和華所降之甘露，如細雨之霖霖。灌漑草蔬，不待人力。雅各之遺民，將擊列邦，如牡獅噬野獸，如稚獅噬羣羊。一過其中，則蹂躪斷傷，無能救援。爾將舉手攻敵，殲之務盡。耶和華曰：當是時，我將毀爾車馬，墮爾城垣。凡爾中之巫覡術數者，必誅戮無遺。斫爾偶像，使爾於人手所作之物，不復崇拜焉。伐爾林木，毀爾城邑。我怒震烈降罰於不順之民。

**第二十章** 耶和華敷陳言詞，凡爾岡巒咸聽其語。耶和華將斥責其民以色列族。舉凡山巖岡嶺，地之四維，尙其聽之哉。耶和華曰：我民歟，我與爾何爲，我未嘗有苛政。爾試言之，昔我導爾出埃及，脫爾於賤役，遣摩西、亞倫、米哩暗訓迪爾曹。我民當憶古昔，摩押王巴勒謀害爾曹，鹿耳子巴蘭與之黨同，自失亭至吉甲。耶和華之恩澤，爾其念之勿忘。民曰：我欲崇拜至上之上帝耶和華。當獻何物，豈可以燔祭盈歲之懷，臚陳於前哉。抑耶和華將以牡綿羊數千爲悅，或以萬溪流油爲悅。我當以初產之嬰孩贖我愆尤，抑以親生之骨肉贖我邪念乎。曰：人所當爲者，言之已彰彰矣。耶和華願爾無他，惟秉公義，矜憫爲懷，退抑以事上帝。耶和華降命於邑中，樸責斯民，苟有智慧者，無不遵從焉。命曰：維彼惡人，斗筭甚小，以弋貨財，藏於其室。我深痛疾，權衡之法，不秉其公。僞作秤錘，陰藏囊橐，烏得無罪。富者專行強據，邑中庶民互相欺誑，鼓舌妄言。我必樸爾，俾爾傷殘。

不可醫痊，邑民有罪，必致荒蕪。爾雖欲食，不得果腹，蓋此饑饉，必在邑中。爾雖欲遷，不能免難，蓋卽遁逃，必蹈鋒刃。爾雖播種，不能有秋，雖踐橄欖，不得以油沐體。雖釀新酒，不得自飲醇醪。暗利王之法度，爾乃恪守焉。亞哈家之愆尤，爾反則傲，與之同謀焉。故我必使爾邑荒蕪，人作怨恨之聲。昔爾爲我民，後必爲衆戮辱焉。

爾嗚呼哀哉，敬虔者爲義者，在於斯土，翦除已盡。我欲得一人而不能，譬諸初稔之無花果，毫無所獲，其故何歟？因夏果已收，葡萄已拾也。維彼衆民，設伏以殺人，設網以陷人，長於作惡。牧伯士師，俱索賄賂，大人所謀不軌，黨同爲非，彼所爲善者，等諸蒺藜，彼所爲義者，同於荆棘。先知所言之災，其日伊邇，庶民潰亂，謹防鄰里，勿信友朋，對眷愛之妻，勿言機密之事。子欺父，女爭母，媳逆姑，則門內之人，等諸仇敵矣。惟我仰望我之上帝耶和華，彼必垂聽，而加拯救。我雖隕越，必復振興。我雖居暗域，耶和華必賜光明。故子寇仇，毋庸欣喜。我獲罪於耶和華，雖受撲責，不敢疾怨。待彼伸我之冤，導我入於光明，則彼之仁義以彰。我敵見之，含羞抱愧。昔彼問我云：爾之上帝耶和華安在？今遭蹂躪，若衢路之泥。我目覩之。耶和華有命，使遐邇咸歸於爾。爾之邑垣，必復建造。自亞述至埃及，邑垣自埃及邑垣至大河四海之內，百嶺之間，咸必歸爾。斯土居民，所作不端，故必荒蕪，報施不爽。先知禱曰：爾得斯民，牧之以杖，譬諸羣羊，獨居不雜，蔭於叢林，游於加密，嚙芻於巴山，基列與昔無異。耶和華曰：昔我導爾出埃及，我之經綸，於以顯著。今而後必再顯著焉。異邦之人，素彰厥能，見我所爲，抱愧蒙羞，掩口塞耳，必舐塵若蛇，出穴若蟲，寅畏我，亦畏懼爾。民

曰、上帝歟、孰克與爾頡頏、爾之遺民、蹈於罪愆、可蒙赦宥、爾以矜憫爲悅、不恒怒余、必復施恩、助子克惡、以我罪愆、棄諸深淵、越在疇昔、爾與我祖亞伯拉罕、雅各立誓、必加恩澤、今將前言是踐焉。

拿翁書

爾葛人拿翁以尼尼微之事，得之默示者，筆之於書，曰：耶和華乃上帝，有不敬者，斷不容之。不敬之人，耶和華必以爲敵，憤怒奮發，加以重罰，屢怒不已。耶和華能力甚大，雖不遠怒，然恒於惡者，不蒙赦宥。耶和華蒞臨，若颶風狂飈，之驟起，視雲若足下之塵，一叱咤而海水涸，汲道絕矣。巴山加密已荒蕪矣，利巴嫩之榮華，倏然凋謝矣。在彼之前岡嶺震動，山巒頓失，大地墳起，世人殞亡，厥怒奮發，若山巔出火，孰能自立，厥氣憤烈，若磐巖崩裂，孰能得生。耶和華無不善，凡賴之者，蒙其眷顧，患難之日，得其護衛，凡敵之者，必遭昏暗，若爲洪水所淹，淪胥以亡。爾謀不軌，違逆耶和華，亦奚以爲彼一擊爾，必致於死，毋庸再擊。敵沉湎於酒，若荆棘叢雜，乾燥易焚。尼尼微謀士，惟惡是作，專行不軌，悖逆耶和華。耶和華曰：敵雖衆多，安然無恙，亦必殲滅，歸於烏有。惟爾小民，昔遭患難，必不遇害，我必折爾軛，解爾結。耶和華有命，告爾尼尼微王云：爾祚不長，爾上帝之殿，木偶金像，毀之殆盡。爾誠卑鄙，必於斯殞亡。報諸嘉音，傳諸和平者，陟彼山岡，猶大族中，守爾節期，輸爾所願，蓋惡人滅亡，不復侵爾土地。

爾滅天下者，已至爾境，命戍稽察，設兵守險，束爾腰，施爾力，以爲扞禦。雅各家以色列族之顯榮，敵使之虛無，削其枝葉。我耶和華必令其恢復，惟彼敵國壯士之干，則塗以朱，武夫之衣，其色維絳，戰鬪之日，車輪曳刃，閃爍若火，其戈大若松株，信手揮擊，彼有車騎，馳驟邑郊，奔走校場，迅如火炬，疾若電光。尼尼微王召厥有能之士，趨起而至，築女牆登陴，扞禦河間，已潰宮闕，雖堅

亦遭淹沒，王后被擄，徙於遠方，羣婢椎胸，哀鳴若鴿，越在疇昔，尼尼微邑，若滙水之區，今民逃遁，呼之使止，彼不敢回顧焉，敵擄金銀財貨衆多，玩好之物，不可勝數，城邑空虛，變爲荒土，人皆喪膽，兩股戰慄，腰骨疼痛，悚惶變色，今也牝獅之穴，安在，稚獅之洞，何存，昔者牝獅牡獅，俱游於斯，無人叱之，牡獅斷物，以予稚獅，牡獅攫物，以予牝獅，居處之穴中，所得之物，充盈焉，我萬有之主耶和華，必攻斯邑，燬厥車騎，俱成烟燄，殺戮稚獅，不許得物於斯土，其聲名泯沒無聞。

尼尼微邑，惟嗜殺人，所行詭譎，強據攫奪，靡有厭足，今禍將及矣，鞭聲遠聞，車輪轟轟，馬騰驥車，馳驅，騎卒踴躍，戈矛閃爍，尸相枕藉，骸骨無數，人踞於上，爾邑之人，譬諸娼妓，具殊色，有淫行，屢行邪術，蠱惑庶民，故罹斯害，萬有之主耶和華曰，我必攻爾，去爾帷裳，以蒙爾首，裸爾體，俾諸邦國，知爾受辱，我以糞壤汚爾，使爾含羞，爲衆目覩，凡見爾者，將遁逃，遙立云，尼尼微邑，傾圮矣，孰矜恤之，孰慰藉之，爾豈愈於挪亞門哉，彼居河間，一水縈繞，倚海爲塹，以是扞禦，古實埃及，率旅若林，以助其戰，弗路庇，爲其輔翼，彼亦遷徙，爲人所俘，其嬰孩，相控於交衢，貴顯之人，繫以繚紲，敵人掣箠，以決其誰得，爾亦必飲苦杯，至於酩酊，自匿於城中，以避諸敵，爾之城垣，必若初熟之無花果，人一搖撼，果實紛落，爾之民人，無不畏葺，同於婦女，邦國之門，必破，敵人入之，爾之關隘，俱焚以火，邑將被圍，當鑿汲道，修城垣，搗土使堅，設陶造瓦，爾在邑中，雖衆於蝗，不可勝數，亦必遭災，有若蠶食，爲火所焚，爲刃所戮，爾之商賈，多於天星，衆比蝗蟲，遭災之時，流離四方，牧伯將軍，多若蝗蟲，遇寒之時，棲於藩籬，日出羣飛，踪跡無存，亞述王乎，爾之牧伯顯宦，俱偃而

臥爾之庶民、散於岡巒、不得復聚、所受之傷、不得醫痊、凡聞斯音、必鼓其掌、蓋爾之暴虐、遐邇咸知焉。

舊約聖書

拿翁書

第三章

八百八十八

哈巴谷書

先知哈巴谷述所得之默示曰、耶和華歟、國中有橫暴之人、我籲於上、爾不垂聽、爾不拯救、伊於何底、民自相爭、虐遇攘奪、至於召禍、爾何使我目覩乎、惡者枉法環攻義人、律例俱廢、伸其冤者、卒無一人、耶和華曰、試觀異邦人、殊可駭異、當爾之時、吾將有所爲、雖有人告爾、爾亦不信、我將使迦勒底人振興、殘忍疾作、遍行天下、強據邦國、其威可畏、聽訟之時、獨斷獨行、彼之驍騎、行疾於豹、趨迅於狼、狼夜出其暴更甚、乘者遠來、橫行四方、迅速若鷹、吞噬其所得、其色甚厲、若東風驟起、既至斯土、強據人民、所獲俘囚、有若海沙、藐視君王、嘲笑牧伯、譏嘲城邑、築土壘而下之、精神倍長、向前進征、復獲罪於耶和華、自謂其上帝所助、先知曰、我之聖主上帝耶和華、自亘古而有、必保全我、無至於死、耶和華上帝已降斯害、扑責斯民、爾品至聖、惡者爾所不喜、暴者爾所不悅、今人強據我有、何爾反佑之、惡者害義、何爾默不一言乎、爾何使我無君、若鱗族昆蟲、敵以鈎釣我、以網捕我、既得我衆、喜不自勝、獻祭焚香、以敬其網、因所得者多、食之果腹、既罄斯網、復出害人、戮民無厭、爾何聽其然乎。

我屹立以待、有如戍卒、守彼堞樓、欲知主以何言告我、使我以何辭應對、耶和華曰、以所得之默示、明書於簡、俾讀者疾趨、將命宣播四方、默示之事、屆期必成、終有效驗、不辜所望、歷時雖久、終當靜候、是事必應、不復滯滯、自高不安、其心、義人以信得生、維彼敵人、沉湎於酒者、廉恥道喪、居心粗浮者、遨遊遠方、貪欲無饜、若陰司暗府、無日充盈焉、彼使邦國咸歸統轄、斯衆必作



歌以譏刺曰：他人之財，充積爾家，質當之物，盡歸爾身，久而不償，禍必不遠。困爾者勃興，撼爾者亟起，擾奪爾之所有，因爾劫掠邦國，不可勝數，殺人強據，害諸邑民，故其餘民，亦將取爾之所藏，爾貪不義之利，以富其家，營巢甚高，求免災害，禍必不遠。爾謀不軌，殲滅衆民，自取罪戾，貽羞家庭，壁中之石將呼，屋巔之梁將應，以訟爾罪。爾殺戮人，強奪人，以構城邑，禍必不遠。爾使列邦之民，屬役良苦，竭力築城，萬有之主耶和華，必使之焚燬殆盡，歸於烏有。蓋耶和華之榮光，遍於天下，若水在海，無往不有。爾使鄰里縱飲，酌彼旨酒，以致亂儀，欲其取辱，目覩爲快，禍必不遠。耶和華怒爾，若手執爵以飲爾，使爾過酣，露爾下體。至於哇吐，變榮爲辱，昔爾強奪利巴嫩之木，殺人強據，害諸邑民，故必遭禍。若獸被執，不勝穀秣，工人雕木偶，鑄金像，俱屬虛僞，口不能言，作之者亦顧之，何益之有。木石不能言，有求其起而庇佑者，禍必不遠。維彼偶像，雖飾金銀，不通呼吸，焉能有應。惟耶和華在厥聖殿，天下之人，俱當寅畏焉。

此乃先知哈巴谷祈禱之詞，其體若賦。耶和華歟，我聞爾所言，不勝驚懼。耶和華歟，我今遭難，爾勃然以興，著爾經綸，震怒之時，矜憫爲懷。昔上帝自提幔而至，聖主自巴蘭山而來，榮光蔽天，頌聲遍地，朗耀勝於日華，榮光激射，若其至德，則不能見焉。未至之先，降以疫癘，既去之後，加以體熱，立於斯大地，震動垂鑿，察民人戰慄，自昔以來，恒久之山嶽，皆主所造，今則見主而崩頽，渺然無踪。古山之帳遭難，米田之帷震動，我目覩之矣。耶和華歟，爾氣憤烈，決河擊海，豈怒河海哉。蓋欲駕馬乘車，以獲全勝耳。爾出弓於彀，持戈齊起，以應爾命，爾既蒞臨，地闕河濬，岡巒戰

慄、洪水泛濫、深淵噲呶、波濤澎湃、爾矢既發、爾戈閃爍、日月不出其宮、爾怒既烈、徧行斯土、爾氣  
既張、蹂躪異族、爾出而救民、沐以膏者、必加手援、惡黨之長、爾加誅戮、毀其城垣、露其址基、敵至  
若颶風、欲使余四散、暗噬貧民、彼之所喜、惟爾、以厥戈矛、殲其巨魁、爾乘馬過海、波濤鼎沸、我聞  
是事、中懷畏懼、唇齒震動、骨骸若朽、戰慄不已、敵雖至此、加我以難、我尙納慰、雖無花果之蕊、不  
舒、葡萄樹之實、不結、橄欖不復生果、田畝不復產物、牢中無羣羊、廐內無牛犢、我猶賴我之上帝  
耶和華、欣喜懽懽、主耶和華加我以力、令我足健、疾趨若塵、升我於崇邱、我作斯歌、使伶長鼓琴  
歌之。

舊約聖書

哈巴谷書

第三章

八百九十二

西番雅書

第二十三章 亞門子約西亞爲王於猶大耶和華命希西家玄孫亞馬哩曾孫其大利孫古示子西番雅曰我於斯土必使百物殄絕居民野獸飛鳥海魚偶像惡人俱必殞亡我耶和華已言之矣我必舉手攻擊猶大耶路撒冷之億兆奉事巴力之遺民以及祭司縉流殲滅靡遺其名泯沒無聞凡在樓巔崇拜天象更奉事耶和華指耶和華而誓亦指抹干而誓悖逆耶和華不祈求我者必戮之而後已我耶和華廣行誅殛召彼敵人屠民等諸宰牲其日伊邇要當寅畏焉殺戮之期既屆我必罰牧伯責王子衣異服者有誅當斯之時凡行不及踰關強據是爲誑辭是尙以其所得藏於主人之室者必降以罰耶和華曰當是日自魚門至米士尼延及邱陵殺戮人民號呼之聲遐邇咸聞抹鐵居民無不哀泣以商旅殄滅富室殞亡也耶路撒冷中有數人踟躕危坐若酒澄清渣滓在底自謂耶和華不加以賞罰當是時我必燭照而遍索之以治其罪彼雖建室不得居其中雖栽葡萄樹不得飲其酒貨財被虜第宅傾圮我耶和華之日伊邇其至甚速武士聞之慘慘號呼是日我將震怒人民遭難荒蕪傾圮幽深玄遠杳冥晦暗是日有人吹角戰鬪以攻城垣以擊堞樓我將使人懼害徧捫不見無異警者因彼獲罪於我耶和華故其血必視若塵埃其肉同於糞壤我耶和華震怒之日彼有金銀不得贖其生命我怒憤烈必毀斯土所居之民必猝然殄絕之焉

第二十四章 我耶和華不悅斯民忿怒震烈必降以災其日伊邇流光荏苒警諸飄風簸揚糝糠我命

未出，爾當自省，而悔厥過。斯土之民，謙卑遜順，守我法度，當祈求我，專務仁義，搗謙不已，則我耶和華降災之日，庶可得免。迦薩必荒蕪，亞實基倫必傾圮，亞實突人當亭午之時，必遭驅逐，以革倫人必拔其根株。爾海濱居民，其哩人、耶和華有言，禍將及矣。爾迦南乃非利士人地，我必加殲滅，靡有孑遺。瀕海之區，俱爲牧場，所有者，不過牧人之井，羣羊之牢而已。適值耶和華上帝眷顧猶大遺民，返其俘囚，使彼牧羊海濱，暮則驅羣羊，臥於亞實基倫家，摩押亞捫，自高其心，凌辱我民，侵其接壤之所，我聞之矣。故我以色列族之上帝，萬有之主耶和華，指己而誓，摩押必若所多馬亞捫，必若蛾摩拉，荆棘叢生，斥鹵遍地，恒必荒蕪。我之遺民，必虜其貨財，得其基業。昔彼驕泰，自高其心，辱萬有之主耶和華民，故罹此鞠凶。我耶和華有威可畏，洲島居民，俱必隨在奉事。昔天下有崇敬他上帝者，我後必使之絕祀，惟爾古實族，我必加以利刃，舉手擊其北方，剿滅亞述，使尼尼微荒蕪，變爲曠野，羣畜與四方之獸，必臥於其邑。鵜鷓毛蝟，必棲於柱頂，鷓聞鳥聲，門闕成坵墟，柏香木板，俱已剝落。此乃淫佚之邑，僭稱主母，自謂莫之與京，今變荒蕪，獸伏其間，凡過之者，必作怨憤之聲，搖首不已。

我邑之民，悖逆上主，暴虐同儕，自染於惡，禍必不遠。彼不從命令，不順誨言，彼之上帝耶和華，不是賴。是求，其中之牧伯，猛若吼獅，其士師惡若豺狼，夤夜而出，愈肆其暴，盡噬骨骸。至於詰朝，遺骸無存。其先知驕泰，誕妄其祭司污穢聖所，違背法度，仁義之主耶和華，駐蹕於斯邑。恒秉公義，時伸民冤，無日不然。惟彼惡徒，毫不知恥。我耶和華滅列邦，毀城邑，使屋隅傾圮，蓬蒿荒

寂無人履之、無人居之、我告斯民曰、爾當寅畏我躬、承我教誨、則不降罰、絕爾居所、然爾惟惡是作、靡有已時、耶和華云、我有定命、和集列邦、憤怒奮發、氣燄殊張、殲滅天下、我既勃興、降此刑譴、爾當祈求、我必使異邦人恆宗真道、籲我耶和華之名、比肩服事、自古實河外、我流離之民、將祈禱余、供獻禮物、昔爾緣我聖山、心志驕侈、獲罪於我、越至後日、我必使爾不復若此、以取辱、尙有遺民、謙遜爲懷、倚賴我耶和華、我使之居於爾中、以色列之遺民、不行非義、不言誕妄、中心無僞、安分樂業、無震駭之虞、郇邑之民、以色列衆、耶路撒冷人、欣喜快樂、踴躍歡呼、我耶和華去爾災、遠爾敵、以色列族之主、耶和華、駐蹕爾中、後必無害、當斯時也、人告郇邑、耶路撒冷人曰、勿畏、毋喪膽、我全能之主、爾之上帝、耶和華、駐蹕爾中、必救援爾、矜憫爲懷、加以寬宥、我則樂於爲此、歡聲而呼、爾中有人、見郇邑被辱、不能守節期、憂心戚戚、若斯之人、我必撫集之、當是日、凡敵爾者、我必罰之、爾中步履趨起者、我必手援之、爲人驅逐者、我必撫恤之、昔爾散於列邦、受人侮慢、厥後、余必使人揄揚爾焉、當是時、我必反爾俘囚、撫集爾民、走番文士、爲衆目混、天下億兆必譽美爾、我耶和華已言之矣。

舊約聖書

西番雅書

第三章

八百九十六

哈基書

大利烏王二年六月朔，耶和華命先知哈基設鐵子。猶大方伯所羅把伯約撒答子祭司長約書亞曰：萬有之主耶和華云：斯民自謂建耶和華殿，其期未屆，惟耶和華使先知哈基傳命曰：爾所居之屋，以板附壁，使斯殿荒蕪，豈在斯時乎？今萬有之主耶和華曰：當察爾所爲，爾播多種少，食不果腹，飲不止渴，衣不得煖，工得其金，盛於敝囊。萬有之主耶和華又曰：當察爾所爲，耶和華曰：登山曳木，以建斯殿，使我獲榮，悅我心志。昔爾慕多得少，攜物至家，我吹之飄沒者，誠何故耶？因爾各顧其廬，而我殿宇傾圮，毫不介意。萬有之主耶和華已言之矣。是以天不降甘露，地不產庶物，我使平原山岡，不沾膏澤，五穀、酒油及大地之所播而生，人畜之所勞而得者，俱必匱乏。設鐵子所羅把伯約撒答子祭司長約書亞及諸遺民，遵其上帝耶和華所使先知哈基傳命之言，而敬畏耶和華。耶和華之使哈基遂以耶和華之命傳之民云：耶和華曰：我必眷佑爾衆，於是耶和華感設鐵子。猶大方伯所羅把伯約撒答子祭司長約書亞及諸遺民之心，咸至萬有之主上帝耶和華之殿，大興工作。此大利烏王二年六月二十四日事也。

七月二十一日，耶和華命先知哈基曰：當告設鐵子。猶大方伯所羅把伯約撒答子祭司長約書亞及諸遺民曰：爾中孰有人曾觀古昔之殿儀容華煥者乎？今見斯殿，弗古若矣。萬有之主耶和華曰：所羅把伯約撒答子祭司長約書亞必壯乃心，斯土之民必驅勉以操作，蓋我耶和華眷佑爾衆，昔爾出埃及，我與爾約，迄於今，我之神尙牖爾衷，故勿畏懼。萬有之主耶



和華曰、當延片晷、我將震動天地、撼搖山海、亦將鼓盪列邦、列邦之企慕者將至、我將以榮光充盈殿宇、萬有之主耶和華已言之矣。又曰、金銀屬我、又曰、後建之殿、榮光燭照較先建之殿、尤爲朗耀、我必錫平康於斯、萬有之主耶和華已言之矣。大利烏王二年九月二十四日、耶和華命先知哈基云、萬有之主耶和華曰、當問法於祭司曰、浸假有人、衿裹肥肉、以與他餅、酒油湯、及諸食物相和、則是物爲潔否、祭司曰、否曰、浸假有人、因捫尸骸而蒙不潔、偶捫上所言諸物、則是物將爲不潔否、祭司必曰不潔、哈基又曰、耶和華曰、此國之民、其身不潔、所行之事、所獻之物、亦蒙不潔、是日之前、人未疊石諸石上、以建我殿、所有之事、爾當憶念、是時人至麥堆、望得二十束、惟得十束、人至酒醪、望得五十斗、惟得二十斗、耶和華曰、爾雖勤勞、我使風暴五穀、細弱特甚、雨雹以毀傷之、爾猶不歸誠於我、自九月二十四日、築我耶和華殿、以後所有之事、卽當思之、倉廩之中、雖無五穀、葡萄樹無花果、石榴、橄欖、雖未結果、自是以後、我將錫爾以純嘏、是月之二十四日、耶和華又諭哈基云、當告猶大方伯、所羅把伯云、我將震動天地、顛倒國位、墮其能力、維車維馬、與乘駕之人、我俱毀之、使民各以鋒刃相擊、萬有之主耶和華告其僕設鐵子所羅把伯曰、我必簡爾、以爾爲印、蓋爾見悅乎我、萬有之主耶和華已言之矣。

撒加利亞書

大利烏王二年八月、耶和華命易多孫比哩家子先知撒加利亞曰、昔爾列祖、我耶和華嘗震怒之矣、當告斯民云、萬有之主耶和華曰、爾歸誠於我、我必復加眷顧、我萬有之主耶和華已言之矣、爾勿效祖所爲、古先知告之曰、萬有之主耶和華云、棄惡勿作、彼不聽從、爾之列祖於今安在、古之先知豈得永存、昔我使我僕先知傳命、言必降災、斯災已及爾祖、彼遂懊悔、自謂萬有之主耶和華所立之旨、欲降以災、罰我所爲、今及我躬矣、大利烏王二年十一月、卽西拔月二十四日、耶和華降旨於易多孫比哩家子先知撒加利亞、撒加利亞曰、我於夤夜、見有貌若人、乘赤馬、立於山麓、岡枯樹下、其後有乘赤黃白馬者、我曰、主、此何意歟、與我言之、天使曰、我將以斯意明示乎爾、立於岡枯樹間者曰、此乃耶和華所遣、遍歷塵寰、乘馬者謂立於岡枯樹間、耶和華之使者曰、我遍歷塵寰、見天下安佚無虞、耶和華之使者曰、萬有之主耶和華歟、歷七十年、爾怒耶路撒冷、與猶大諸邑、毫無矜憫、伊於何底、耶和華以善言慰藉、與我言之使者、與我言之使者、告我曰、爾當布告衆庶、萬有之主耶和華曰、我爲耶路撒冷、以及郇邑、熱中不已、昔我微怒斯民、異邦安佚之人、加我民以患難、我深爲不悅、故我耶和華復臨耶路撒冷、而矜憫之、以繩量度、建我殿於其中、我萬有之主耶和華已言之矣、當復告衆云、萬有之主耶和華曰、我耶和華必復慰藉郇邑、眷顧耶路撒冷、使我諸邑、靡不亨通、永無涯涘、撒加利亞曰、我仰觀四角、詢於天使曰、此何意歟、答曰、此角乃使猶大以色列耶路撒冷之民、流離失所者、耶和華以工師四人示我、我曰、

彼來欲何爲，曰：前所見之四角，卽異邦人崢嶸其角，攻擊猶大衆，使民離散，能扞禦者，卒無一人。今工師已來，使之震動，擲之於地。

我復仰觀，見一人手執準繩，我曰：爾將何之？曰：欲量度耶路撒冷，知其長廣。與我言之，天使遂出，他天使出迓之，告之曰：疾趨以前，告此少者。曰：耶路撒冷居民，牲畜繁多，必恢廓其城，至於邑郊。耶和華曰：我必扞衛斯邑，若四周有火，若中央赫奕。耶和華曰：我使爾衆散於四方，若颶風驟起，故當疾趨出自北方。郇之民人，居於巴比倫邑，中者宜思免於其難。我萬有之主耶和華曰：儀容赫奕，既經顯著，耶和華特遣予督責虜爾之民，凡犯爾者，與犯其眸子無異。我將舉手使彼奴僕，反虜其主，則爾乃知萬有之主耶和華遣我。耶和華又曰：我將蒞臨，駐蹕於爾中，郇邑之民，欣喜謳歌，當斯時也。異邦之人，將歸誠於我耶和華者，不可勝數。爲我選民，我必駐蹕，爾中使知萬有之主耶和華遣我。耶和華將得猶大，爲其選民，居於聖地，復以耶路撒冷爲悅。耶和華居聖所，勃然而興，億兆當寅畏焉。

使者示我以象，見祭司長約書亞，侍於耶和華天使前，撒但立於右以禦之。耶和華告撒但曰：我耶和華必責爾撒但，我耶和華以耶路撒冷民爲悅，故必責爾，斯人得救，若脫於火。約書亞衣服塵垢，立於天使前，主告左右曰：解其污裳。又曰：我有爾愆尤，衣爾明衣。又曰：當以美冠加其首，爰取美冠，以冠厥首，明衣以被厥體。耶和華之使者，立於彼，告約書亞曰：萬有之主耶和華云：如爾遵我命，從我法，則可理我家，守我院，使我左右，爲爾良弼，爾祭司長約書亞，與並坐之儔。

侶俱爲民間所異，咸聽我言，必使我僕至，長若枝柯，萬有之主耶和華曰：我必置石於約書亞前，石上有七目，我雕刻之，一日間我將除斯土之災，萬有之主耶和華曰：當是時，爾曹相邀鄰里，俱坐於無花果葡萄樹下。

**第四章** 維時我若假寐，與我言之天使又至，令我頓寤，問我曰：爾觀何物？曰：我觀燈臺，乃金所鑄，其上有盃，亦有七燈，及七管，使油潑貫於七燈中，盃左右有橄欖樹，我問與我言之天使曰：我主，斯何意歟？曰：爾不知乎？曰：主，我不知，耶和華諭所羅把伯云：萬有之主耶和華曰：非以能力，乃以我神，在所羅把伯前，孰爲之敵，雖若巨山，將成平壤，主曳首石至，人必歡呼云：願主以之恩，耶和華告我曰：所羅把伯築此殿之基，彼必竣其工，使爾知萬有之主耶和華，遣我蒞臨爾境，誰藐視斯日，以爲細故乎？此七燈乃耶和華七目，遍察天下，見所羅把伯執準繩，則喜，我問天使曰：燈臺左右有橄欖樹，其意何居？又問云：橄欖二枝出清油，入二金管，又何意歟？曰：爾不知此乎？曰：主，我不知，曰：此乃沐膏者二人，侍於天下之主側。

**第五章** 我復仰觀，見卷軸一舒，有若翻飛，天使問曰：爾觀何物？曰：我觀卷軸一舒，有若翻飛，長二丈，廣一丈，天使曰：此咒詛之詞，遍行天下，凡盜竊者，必殲滅於左，凡妄誓者，必殲滅於右，俱循此言，萬有之主耶和華曰：我出此卷，使入盜竊者之宅，又入指我名而妄誓者之宅，恒居其中，燬其木石，與我言之天使，出告我曰：爾當仰觀所出者何物？我曰：不知也，曰：所出者，斗量也，又曰：遍境之斗量，其狀若此，又見鉛百斤，人舉於地，斗量中有女坐焉，天使曰：此女譬諸惡行，投諸斗量中。

以鉛蓋之，我又仰觀二女出，有翼若鶴，飄忽若風，扶斗量而起，上不至天，下不及地，我問天使曰：彼攜斗量往於何所？曰：往示拿地，建宅第於彼，置斗量於彼。

爾又仰觀，有二岡巒，俱以銅鑄，其間四車齊出，一駕赤馬，二駕玄馬，三駕白馬，四駕斑駁馬，我問與我言之天使曰：我主，斯何意歟？天使曰：此乃四天神，恒侍於天下之主側，今已出矣。玄馬往北方，白馬往西方，斑駁馬往南方，斑駁馬欲遍歷斯土，天使曰：往哉，遂往，遍歷斯土，天使招我曰：往北方者，已雪我忿，耶和華諭我曰：爾入西番雅子約西亞室，見巴比倫俘囚所遣之黑太多比，耶太亞取金銀作冠，使約撒答子祭司長約書亞戴焉，告之曰：萬有之主耶和華曰：有人將至，長若枝柯，自其境而出，建我耶和華之殿，既建斯殿，尊榮丕著，坐於其位，秉厥鈞衡，若祭司在位，兼理二職，使人平康，此冠置於耶和華殿，緣希吝多比，耶太亞，西番雅子賢，以作記誌，遠方之人將至，建耶和華殿，俾爾知萬有之主耶和華遣我，如爾聽從爾上帝耶和華命則可，否則不可。

大利烏王四年九月，即吉勒月四日，耶和華傳命於撒加利亞，適值伯特利人遣示哩斯哩劍米勒，偕其僕從，求耶和華恩，萬有之主耶和華殿中，有祭司先知則問之曰：我歷年以來，於五月間離世故，哀痛迫切，今當復遵此例否？萬有之主耶和華諭我曰：當告祭司庶民云：爾歷七十年，五月七月間，禁食哭泣，豈爲我乎？爾之飲食，非爲口腹計哉？昔耶路撒冷及四周之邑，南方平原，隨在有民居處，無不安綏，我耶和華使古先知，不旣言之詳乎？耶和華諭撒加利亞曰：我萬有之主耶和華曰：當秉公義，矜憫爲懷，相待以仁，孤寡賓旅貧乏，俱勿虐遇，友朋之間，勿相謀害。

惟彼不從，強項難馴，掩耳不聽，剛愎厥心，同於鐵石，不聽法度。我耶和華，以我神感古先知，遣之告衆，惟彼不聽，故我萬有之主耶和華，震怒特甚。萬有之主耶和華曰：昔我諭衆衆，不聽從。今衆願我，我亦不聽。我散斯衆於列邦，至於素不識之地，使膏腴之壤，變爲荒蕪，無人往來，遍境寂寞。

耶和華又諭我曰：我萬有之主耶和華云：我爲郇邑熱中，憤怒厥敵。我耶和華復臨郇邑，駐蹕於耶路撒冷，將稱斯邑爲誠信之邑。萬有之主耶和華之山，將稱爲聖山。萬有之主耶和華又曰：有齒之土，年高之婦，將坐於耶路撒冷，達衢，因其年老，攜杖以行，遍諸衢市，必有童稚，舞蹈不已。萬有之主耶和華又曰：當時之民，以此爲難，自我視之，豈爲難哉。萬有之主耶和華又曰：我將救斯民，至自日出之所，日入之鄉，導之至耶路撒冷，使居其中，俱爲我民。我爲其上帝，以秉公義，以踐前言。萬有之主耶和華又曰：我萬有之主耶和華，有殿，人建址，基復興，版築。當時先知有言，爾其聽之，以壯乃心。斯時之前，敵人甚衆，彼此相攻，我聽其然，出入之民，不得平康。人畜辛勤，徒勞無值。萬有之主耶和華曰：所遺之民，我必善視之，不若往日。所種必萌芽，葡萄樹必結果，天降甘露，地產庶物，俱得安享。昔猶大家以色列族，在異邦中，爲人咒詛，後我將救爾，爲人祝福，勿畏懼。壯乃心，萬有之主耶和華曰：昔爾列祖干我，震怒，我降以罰，意已決，志不回。越至今日，我於耶路撒冷，猶大家，錫以純嘏，意亦決矣。爾勿畏懼，爾所宜行者，無他，在閭閻則言真實，在公庭則行大義，勿謀害齊民，勿好發妄誓。斯乃我耶和華所痛疾。萬有之主耶和華諭我云：四五七十月間，猶大家禁食之時，將爲欣喜歡欣之節期，惟爾所專務者，真實和平而已。我萬有之主耶和華。

已言之矣。萬有之主耶和華又曰：列邦衆邑之民將至彼此相語，莫若速往，願萬有之主耶和華而求其恩。我亦偕往，強大之邦衆多之民將詣耶路撒冷，願萬有之主耶和華而求其恩。萬有之主耶和華曰：當是之日，列國中十人將執猶大族一人之衿，曰：我聞上帝祐爾，故欲與爾偕行。

**耶和華**有命曰：我必降災於哈得臘地大馬色邑，使以色列支派及衆庶仰望我耶和華。鄰邑哈末、推羅、西頓雖有智慧，亦必遭難。推羅人建城積銀若土壤，貯金若泥沙，惟我耶和華將加驅逐，以其貨財擲於海中。焚燬城邑，亞實基倫見之而懼，迦薩懷憂特甚，以革倫所望已絕，抱愧殊深。迦薩之王必亡，亞實基倫邑無人居處，遠方之人將爲王於亞實突，我必去非利士人之驕心，使口不飲牲血，齒不嚙污物，遠方之人歸誠於我上帝。我視之若猶大牧伯，亦視以革倫民若耶布士人，敵之軍旅往來斯土，我將扞衛我殿，恆加眷顧，毋許橫暴者經歷斯境。郇之女耶路撒冷之女當欣喜歡呼，爾王蒞臨，秉公義施救援，溫柔而乘驢，及驢之小者，惟以法蓮耶路撒冷之車馬，我將絕滅之，折其強弓，王以和平之語撫綏異邦人，四海之內，自大河至地極，悉歸統轄，惟爾郇邑，我既立約，釁之以血，爾見俘囚困於智井，我必釋而出之，爾雖俘囚，猶可懷望，必歸衛所。我今有言，必錫爾福，較昔維倍，我必以猶大家以法蓮族爲我弓矢，以射敵人。郇邑之民攻擊雅番子，若武士之劍，足以殲人。先知曰：耶和華必爲民顯見，矢若閃電，吹角行兵，譬彼狂飈，自南而至，萬有之主耶和華將衛護其民，敵人發石爲民踐於足下，式飲式食，歡呼喧譟，勢比沉湎，盈溢杯盃，傾流壇角，當斯時也，其上帝耶和華將拯斯民，如救羣羊，視之若冕旒寶石，自昂厥首，遍

行斯境主之仁慈華美，浩乎無涯，使五穀蕃衍，少者壯盛，新釀充盈，幼婦怡悅。

○**第四章** 春時，必求耶和華沛其甘霖，惟耶和華使電光閃爍，下雨滂沱，而農之田疇，庶草甲坼，偶像屬乎虛誕，卜筮鄰乎僞妄，惟人假託夢寐，妄施慰藉，故若迷途之羊，失牧而憂，我怒牧者，罰其牡山羊，我萬有之主耶和華，垂顧羣畜，卽猶大家，使若驍驎，預備以戰，治國之君若柱石，若堅釘，若強弓，皆出自猶大，譬彼英豪戰鬪之時，蹂躪敵人，若衢路之泥，耶和華祐之，戰無不利，使乘者抱愧。耶和華曰：我將扶持猶大家，救援約瑟族，我矜憫之，使安居無虞，與未嘗絕之無異。我耶和華爲其上帝，垂顧斯民，以法蓮族必如英雄，中心怡悅，有若飲宴，從者見之而喜，賴我耶和華歡欣樂豫，我既贖斯民，必招徠之，撫集之，使之蕃衍，與昔無異，彼雖流離於列邦，必在遠方念我，率其子女，勢若復生，而歸斯土，我必自埃及，令其旋歸，自亞述，令其和集，使至基列，利巴嫩，彼土猶爲褊小，不足以居，昔我判海爲二，使民過之，後必使溝渠盡涸，翦亞述之驕心，毀埃及之鈞衡，必以我力，扶翼斯民，使恆事我，我耶和華已言之矣。

○**第五章** 利巴嫩當啟爾門，任爾柏香木爲火所焚，巍巍者已毀矣，柏香木已傾，爾諸松柏，俱當號呼，林樹旣仆，巴山橡櫟亦當哀泣，牧人所娛玩者已毀，羣作哀歌，約但之叢林已伐，稚獅咆哮，其聲遙聞，我之上帝耶和華曰：將殺之羊，爾其牧之，斯羊之主，殺之而以爲無辜，鬻之而以爲得財，頌美耶和華，牧者不懷矜憫，耶和華曰：我不復宥斯土之民，使王公庶民，各相戕伐，殲滅斯邦，我不救援，先知曰：將殺之羊，甚爲可哀，我執二杖，一曰恩寵，一曰維繫，而牧斯羊，一月之間，我絕



三牧、牧人棄予、余痛疾之、我曰、必不牧爾、死者我聽其死、絕者我任其絕、其餘自相殘食、亦聽其然、昔我有杖、厥名恩寵、今折斯杖、爲毀民約之徵、當斯時也、斯杖已折、從我之羊、已遭困苦、則知所言確然、耶和華之命不虛、我曰、如合爾意、給我以值、否則已矣、於是權三十金、畀我以爲我值、耶和華告我曰、爾傭於人、其價何廉、委之於陶人可也、我遂取三十金、擲於耶和華殿、以爲陶人所得、我又有杖、厥名維繫、我遂折之、爲猶大以色列二族絕交之徵、耶和華告我曰、爾當取愚牧之器、我必使牧者興於斯土、將亡者彼不顧、迷途者彼不尋、被傷者彼不醫、茁壯者彼不牧、惟食肥羊、而斷其蹄、惟彼庸牧、遠離羣羊、禍將及矣、其手其目、爲刃所擊、其手廢矣、其目盲矣。

耶和華展舒穹蒼、建立地極、以生氣賜億兆、乃論以色列族之事、而頒其命曰、耶路撒冷被圍之時、我必使其居民與猶大全家爲爵、俾列邦飲之、至於酪酏、當是日、天下列邦、和會於此、攻擊耶路撒冷、若移巨石、我必使斯石甚重、反害其身、耶和華曰、當斯時也、我將使異邦之馬、不勝恐懼、目爲之盲、乘馬之人必至顛狂、惟猶大全家、我必眷顧、猶大之牧伯、自謂耶路撒冷居民、恃其上帝、萬有之主、耶和華、遂得能力、以左右余、當是日、我必使猶大牧伯、若火之焚采薪、若炬之焚禾束、四周左右、必爲所燬、耶路撒冷之民、將仍居其邑、我耶和華必先救猶大之帷幕、使大關家之華美、耶路撒冷之榮顯、不復藐視、猶大當是之日、我耶和華將扞衛耶路撒冷、居民使其中之弱者、若大關、使大關家若有能者、卽我耶和華之使者、恆導斯民、當是日、有攻耶路撒冷之人者、我必專務殲滅之、我必施恩、賦我神於大關家、耶路撒冷民使顛於上、昔爾刺我、後必仰

我爲我椎心，若喪獨子，舉哀甚慘。若喪初生之子，當是日，耶路撒冷必有悲哀之聲，遍於四境，與在米吉多谷之哈撻臨門無異。遍境舉哀，各家異室而居。大關家及其妻異室而居，拿單家及其妻異室而居，利未家及其妻異室而居，示每家及其妻異室而居。所遺之家，及其妻異室而居。

當斯之時，必涪泉源，使大關家耶路撒冷民得以滌其前非，去其舊污。萬有之主耶和華曰：當是日，我必棄偶像於斯土，使人頓忘其名，亦必使感邪神之先知驅逐於斯。如有人欲爲僞先知，則其父母必責之曰：爾託耶和華之名而妄言，必不得生，而其父母必手刃之。當是日，諸僞先知必爲所見之異象，蒙羞抱愧，不敢衣裘以惑人。乃告人曰：我非先知，我乃農夫。我自幼時，被鬻爲奴，人詰之曰：爾手何爲被傷？曰：我昔在友人之舍，而受斯傷。萬有之主耶和華曰：惟爾鋒刃，勃然而興，擊我牧者，伐我同儕，牧者擊矣，羣羊散矣。式微之子，我將加以眷顧。耶和華曰：斯土衆庶三分之二，必遭殞亡，三分之一，猶可得生。我將使三分之一，若投於烈燄之中，煉之若銀，試之若金，彼顛於上，而我垂聽，稱彼爲我民。彼必曰：耶和華乃我上帝。

耶和華降災，其日伊邇散耶路撒冷之財，我將和會列邦，環攻耶路撒冷，下其城，劫其室，玷其女。斯民之半，將爲俘囚，其不死者，仍留於邑中。後耶和華將攻列邦，與昔殺戮諸敵無異。當是日，其足將立於耶路撒冷東之橄欖山，斯山必裂，其半向北崩圯，其半向南崩圯。自東及西，成爲巨谷。斯山之谷，延及亞薩，爾將逃避於彼。若在猶大王烏西亞時，人因地震，遁逃於外，蓋我之上帝耶和華，偕諸聖者，必將洩臨。當斯時也，明星不皎，斂其輝光，後必復有一日，乃耶和華所

知也，非晝非夕，昏夜有光，是日活潑之泉，將湧於耶路撒冷，半向東海，半向西海，雖經冬夏而不涸，當是日耶和華將爲王於天下，獨一上主耶和華，其名也。耶路撒冷南有臨門，自臨門至基巴，有平原，厥後遍境必若是。耶路撒冷必將曠與，有人居處，自便雅憫門，至首建之門，延及邑隅之門，自哈拿業成樓，至王之酒醪，人居耶路撒冷，安逸無虞，更無咒詛，惟彼列邦攻擊耶路撒冷，耶和華必降災，未亡之前，必肉瘦目昏舌敝，當是日耶和華必使列邦人紛亂，相執相攻，猶大族爲耶路撒冷而戰，自四周之民，積金銀貨財衣服，不可勝數，敵營六畜，馬騾駝驢，盡染疫癘，列邦遺民，昔攻耶路撒冷者，後必詣彼，崇拜大君，萬有之主耶和華，守構廬之節，無歲不然，天下族姓，不詣耶路撒冷，崇拜大君，萬有之主耶和華，必不復降甘霖，潤澤其地，列邦之民，不詣耶路撒冷，守構廬節，耶和華必降以災，如埃及之民，不詣乎彼，必不潤以膏澤，埃及人，列邦人，不詣彼，守構廬節，必遭斯災，當是日，爲聖以事耶和華之句，必書於馬鈴，耶和華殿中之鼎鑊，與壇前之盤盂，無異，耶路撒冷猶大諸鑊，俱必爲聖，以事萬有之主耶和華，宰牲者必取斯鑊，烹肉於中，當是日，萬有之主耶和華殿中，必無貿易之人焉。

馬拉基書

耶和華曰、以掃爲雅各之兄、我愛雅各、不愛以掃、使其山荒蕪、爲野犬數穴、以東曰、予雖貧乏、傾圮之宅、必復建造、萬有之主耶和華曰、彼雖與版築、必爲我所毀、人稱之爲惡土、耶和華震怒斯民、恒久不已、惟爾處於以色列族之境、目觀此事、必曰、願耶和華永獲揄揚、萬有之主耶和華、告侮慢之祭司曰、予敬父、僕敬主、我既爲父、爾奚不敬、我既爲主、爾奚不畏、乃爾曰、何嘗侮爾哉、爾以不潔之餅、奉於我壇、以我耶和華之几、爲可藐視、猶言曰、何嘗凌辱爾乎、萬有之主耶和華曰、爾欲奉祭、以瞽跛廢疾之牲獻之、豈得爲善乎、試獻於牧伯、彼豈納之、以爾爲悅、萬有之主耶和華曰、獻此薄祭、繫爾之故、今雖呼籲於上、望我矜憫、我豈以爾爲悅、萬有之主耶和華曰、爾中有誰、閉我殿門、燃火於我壇、而肯徒爲之乎、故我不以爾爲悅、不納爾禮物、萬有之主耶和華曰、自日出之所、至日入之鄉、列邦之人、將尊我名、隨在焚香、奉獻祭品、惟潔是務、我之聲名、必爲列邦之人所尊焉、惟爾屢言耶和華之几、已玷厥污、其饌菲薄、則瀆我名、萬有之主耶和華曰、爾曰供饌徒勞、何益之有、遂以跛疾斷傷之牲獻之爲祭、我耶和華豈悅納爾哉、萬有之主耶和華曰、我乃大君、列邦之人、必尊我名、浸假有僞善之人、羣中尙有純全之牡羊、乃取其體不全者、獻我爲祭、以輸其願、禍必不遠矣。

爾諸祭司、宜聽斯命、萬有之主耶和華曰、如爾不聽、不悉心以思維、歸榮我名、我必降爾

以災，以爾純嘏，變爲咒詛，因爾不思，我已詛爾，爾雖播種，我必壞之，爾守節期，而獻牲畜，我必以其糞塗爾之容，人徒斯糞，亦必徒爾，使爾知我傳斯命，令爾悔改，而我與利未人所立之約，可以恒存，我萬有之主耶和華已言之矣。昔利未族寅畏我名，故與之約，錫以生命，賜以平康，維彼所言，真實无妄，不行非義，從事乎我，中心誠恪，以獲平康，爰使眾庶，革其惡行，維彼祭司，宜有智慧，既爲萬有之主耶和華所遣，人當就彼，諮諏法度，萬有之主耶和華曰，爾曹叛道，使眾陷罪，爽利未之約，不從我道，偏視我法，故我使眾，藐視爾曹，先知曰，我儕莫非一爰所生，一上帝所造，何必相欺，背列祖之成約哉，在以色列族耶路撒冷邑中，有可惡之事，猶大人背厥盟約，以耶和華所愛成聖之民，反視爲俗，以事他上帝之女，反聯爲姻，在雅各帷中，或守夜之邏卒，或相應之戍兵，或奉禮物，以祭萬有之主耶和華，如作是事，耶和華必殲滅之，爾復娶於異邦，已棄之妻，詣耶和華臺前，哭泣號呼，漣然下涕，故耶和華不垂顧爾，不納爾禮物，爾曰，奚爲不納，曰，誠因爾遺棄幼時所娶之妻，彼乃爾之伉儷，爾嘗與彼立約，耶和華爲證，上帝之神，綽然有餘，猶且祇造一男一女，彼造一男一女，誠何故哉，亦欲使所生之子，克敬克虔耳，故當守爾心，幼時所娶之妻，勿復遺棄，萬有之主以色列族之上帝耶和華曰，人棄其妻，待以強暴，我所不悅，故當自守其心，勿遺棄之，爾以多言煩瀆耶和華，爾曰，如何煩瀆之，曰，爾言作惡者，耶和華必以爲善，而悅納之，又言棄公之上帝安在。

萬有之主耶和華曰，我遣使者，備道於我前，爾所求所悅之上主，盟約之天使，果將至矣。

率入厥殿，彼既蒞臨，顯著斯土，誰能恒立，彼若鍛金之火，浣布之礪，彼將坐而鍛銀，滌利未族之污，煉之若金銀，使無不義，然後獻禮於耶和華，時猶大族耶路撒冷人所獻之祭，必爲耶和華所悅納，與古昔無異，萬有之主耶和華曰：我必蒞臨，降災於爾，凡巫覡行淫之子，妄誓之輩，奪傭人之值，虐遇孤寡，使賓旅不得伸其枉屈，而不敬畏我者，必速降以罰我，我乃耶和華，永不移易，故爾雅各人，不盡殲滅，萬有之主耶和華曰：自列祖以來，爾背我法度，不遵我道，然爾歸誠於我，而我必復加眷顧，爾曰：若何爲之歸誠？曰：人豈可欺上帝哉？惟爾欺我，爾曰：何欺爾？曰：不納什一，不獻禮物，爾曹通國之民，無不欺予，故服咒詛，萬有之主耶和華曰：當納什一，入於府庫，使在我室，得有甘旨，以是試我，待我破天之際，使盈餘之福，傾注而下，不可勝數，萬有之主耶和華曰：我必因爾之故，責彼蝗蟲，不壞爾之土產，不使爾之葡萄果實零落，萬有之主耶和華曰：爾邑必爲樂土，列邦之民，必謂爾有福，耶和華曰：爾出言不遜，違逆乎我，爾曰：子以何詞悖爾哉？爾常言曰：服事上帝，終屬徒勞，我心甚憂，順從萬有之主耶和華，守其法度，何益之有？我見驕者福祉駢臻，惡者昌盛無比，雖試上帝，亦得免於患難，是時寅畏耶和華者，咸相告語，耶和華聽之，凡畏耶和華，緬想其名者，錄之於書，呈於其前，萬有之主耶和華曰：我定之期既屆，必以斯人爲寶，施以仁慈，若慈愛之於孝子焉，當斯時也，義與不義之人，爾得詳辨之，事上帝與不事上帝者，爾得區別之。

**第四章** 萬有之主耶和華曰：降災之日伊邇，必藝若爐，驕侈之輩，作惡之流，有若芻蕘，屆期必燬之，使其根株靡有子遺，萬有之主耶和華曰：凡寅畏我名者，將見義主與若旭日，輝光四射，有若

矯翼、煦育萬物、踴躍有如肥犢、定期既屆、爾將蹂躪、惡徒踐於足下、有若泥沙、昔在何烈、我以禮儀法度、賜於我僕摩西、播傳於以色列族、爾當銘記、我耶和華降災之日、有威可畏、斯期未屆、我必遣先知以利亞、彼將使父慈其子、子孝其父、免我蒞臨、降災於斯土。